

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

史部
第一七〇冊



責任編輯：孫言誠 賀 偉

ISBN 7-5333-0535-3



9 787533 305352 >

5547/61

四庫全書存目叢書·史部一七〇

（大陸版·限中國大陸發行）

四庫全書存目叢書編纂委員會編

齊魯書社出版發行

（濟南經九路勝利大街）

廣東精裝印務有限公司印製

787×1092 毫米 16 開本 46.75 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一七〇冊目次

史部・地理類

大明一統名勝志二百八卷目錄一卷(四)

〔明〕曹學佺撰
中央民族大學圖書館藏明崇禎三年刻本

今古輿地圖三卷

〔明〕吳國輔 沈定之撰
中國科學院圖書館藏明崇禎十六年刻朱墨套印本

大明一統名勝志二百八卷

目錄一卷(四)

〔明〕曹學佺撰

中央民族大學圖書館藏明崇禎三年

刻本

附《四庫全書總目·輿地名勝

志一百九十三卷》提要

四川名勝志卷之十九

夔州府二

巫山縣在府城東
百三十里

閩中曹學佺能始撰

中央民族大學圖書館藏

楚之郡秦漢之縣皆以巫名曰巫山自隋始治南
有山如其字也晉曾置建平郡于此○經云江水
又東烏飛水注之注云水出天門郡淩中縣界北
流逕建平郡沙渠縣南又北流逕巫縣南西北歷
山道三百七十里注于江謂之烏飛口本志云烏
飛巖在縣西南四十里與燕子坡相對宋夔守王
四川名勝志卷之十九
十朋詩燕子歸期近吾今亦得歸烏栖一枝穩何
必更高飛自注云隔江有烏飛巖也○經云江水
又東逕巫縣故城南注云縣故楚之巫郡也秦省
郡立縣以隸南郡吳孫休分爲建平郡治巫城城
緣山爲墉周十二里一百一十步東西北三面皆
帶傍深谷南臨大江故謂之夔國也寰宇記云梁
武帝廢建平郡而巫縣存縣本夔子熊肇所治今
多熊姓西北五十步有陽雲臺高一百二十丈南
枕長江楚宋玉賦云遊雲陽之臺望高唐之觀晉
孟康注曰言其高出雲之陽也本志云陽臺山下

有土主廟其神卽唐張巡將雷萬壽縣之跳石人也史載令狐潮益兵圍雍丘巡使郎將雷萬春于城上與潮相問語未絕賊弩射之面中六矢而不動潮疑其木人使謀問之乃驚遁謂巡曰向見雷將軍方知足下軍令矣○陸游入蜀記云二十四日早抵巫山縣在峽中亦壯縣也隔江南陵山極高大有路如綫盤屈至絕頂謂之一百八盤蓋施州正路黃魯直詩云一百八盤勢手上至今歸夢繞羊腸又減字水蘭花調云春水茫茫欲渡南陵更斷腸今有南陵渡矣志云廢南陵縣與陽臺相

四川名勝志

卷之十九

二

西

宇纔半存按此豈卽周益州墓耶○戰國策蔡靈侯飲茹溪見莊辛幸臣論溪水流入城外五十步東井志云東井在北城外茹溪俗名小溪也○經云江水又東巫溪水注之注云溪水導源梁州晉興郡之宜漢縣東入南逕建平郡泰昌縣南又逕北井縣西溪水又南屈逕巫縣東縣東北三百步有聖泉謂之孔子泉其水飛清潔石穴並高泉下注溪水溪水又南入于大江王梅溪集云縣東半里孔子泉其旁民居童子率能書詩云巫山亦有泉可飲仍可祈泉傍人幾家聰慧多奇兒○經云

四川名勝志

卷之十九

三

部西

水也郭仲產云按地理志巫山在縣西南而今縣東有巫山將郡縣居治無恒故耶三峽七百里中兩岸連天略無關處重巖疊嶂隱天蔽日自非亭午夜分不見曦月至子夏水襄陵沿沂阻絕王命急宣有時朝發白帝暮到江陵其間千二百里雖乘奔御風不以疾也春冬之時則素湍湍瀾迴清倒影絕巘多生煙栢懸泉瀑布飛漱其間清榮峻茂良多趣味每至晴初霜旦林寒澗肅常有高猿長嘯屢引凄異空谷傳響哀轉久絕故漁者歌曰巴東三峽巫峽長猿鳴三聲淚沾裳○峽中有十

四川名勝志

卷之十九

四

二峰曰望霞翠屏朝雲松巒集仙聚鶴淨壇上昇起雲飛鳳登龍聖泉其下卽神女廟范成大吳船錄云下巫山峽三十五里至神女廟廟前灘尤洶怒十二峯俱在北岸前後映帶不能足其數十二峯各有名俱不甚切所謂陽臺高唐觀人云在來鶴峰上亦未必是神女事據宋玉賦本以諷襄王後世不察一切以兒女褻之今廟中石刻引鼎城記瑤妃西王母之女稱雲華夫人助禹驅神鬼斬石疏波有功見紀今封妙用真人廟額曰凝真觀入蜀記云二十三日過巫山凝真觀請妙用真人

福真人卽世所謂巫山神女祠正對巫山峰巒上入霄漢山脚直插江中議者謂太華衡廬皆無此奇然十二峰者不可悉見所見八九峰惟神女峰最爲纖麗奇峭宜爲仙真所託祝史云每八月十五夜月明時有絳竹之音往來峰頂上峰頂猿皆鳴達旦方止廟後山半有石壇平曠傳云夏禹見神女授符書于此壇上觀十二峰宛如屏障是日天宇晴霽四顧無纖翳惟神女峰上有白雲數片如鸞鶴翔舞徘徊久之不散亦可異也祠舊有鳥數百送迎客舟自唐幽州刺史李貽詩已云群鳥

四川名勝志

卷之十九

五

幸昨餘矣近乾道元年忽不至今絕無一鳥不知其故○經云江水歷峽東逕新崩灘注云此山漢和帝永元十三年崩晉太元二年又崩當崩之日水逕流百餘里湧起數十丈今灘上有石或圓如輦或方似屋若此者甚衆皆崩崖所損致怒湍流故謂之新崩灘其類崖所餘比之諸嶺尚爲疎桀吳船錄云自神女廟二十里至東奔灘高浪大渦巨輪掀舞不當一葉或爲渦所使如磨之旋三老祝招竿叫呼力爭以出渦矣○水經注云新崩灘下十餘里有大巫山非唯三峽所無乃當抗峰岷

峨嵋嶺衡疑其翼附群山並集青雲更就霄漢辨其優劣矣神血涂所處山海經曰夏后啓之臣曰血涂是司神于巴巴人訟于血涂之所其衣有血者執之是謂生居山上郭景純云在丹山西丹山在丹陽屬巴丹山西卽巫山者也又帝女居焉宋玉所謂天帝之季女名曰瑤姬未行而亡封于巫山之臺精魂爲草寔爲靈芝所謂巫山之女高唐之姬旦爲行雲暮爲行雨朝朝暮暮陽臺之下且早視之果如其言故爲立廟號朝雲焉其間首尾一百六十里謂之巫峽蓋因山爲名也○金石古

四川名勝志

卷之十九

木

文云巫山峰頂古篆乃秦時物邑人向萬云尚存集古錄云神女廟唐李吉甫詩一首以貞元十四年刻丘元素一首無刻石年月李貽孫二首會昌五年刻敬騫一首元和五年刻沈初真書其他皆無書人名氏○漢樂府巫山高云巫山高高以淮水深難以逝我欲東歸害梁不爲我集無高曳水何梁湯湯回回臨水遠望泣下沾衣遠道之人心思歸謂之何齊王融巫山尚云想像巫山高薄暮陽臺曲煙霞乍舒卷蘅芳自斷續彼美如可期寤言紛在矚憫然坐相思秋風下連綠劉繪云高

唐與巫山參差鬱相望灼爍在雲間氛氲出霞上散雨收夕臺行雲卷晨障出沒不易期嬋娟以惆悵梁武帝云張樂陽臺歌上謁如寢如興芳曉暖容光旣豔復還沒復還沒望不來巫山高心徘徊元帝云巫山高不窮迴出荆門中灘聲下澣石猿鳴上逐風樹維山如畫林暗澗疑空無因謝神女一爲出房櫳簡文云巫山七百里巴水三迴曲笛聲下復高猿啼斷還續梁沈約云陽臺氛氲多異色巫山高高上無極雲來雲去常不息夢來遊極萬世度千秋虞羲云南國多奇山荆巫獨靈異雲

四川名勝志

卷之十九

七

雨麗以佳陽臺千里思勿言可再得特美君王意高唐一斷絕光陰不可遲梁費昶云巫山光欲晚陽臺色依依彼美巖之曲寧知心是非朝雲觸石起暮雨潤羅衣願解千金佩請逐大王歸范雲云巫山高不極白日隱光輝霽靄朝雲去溟漠暮雨歸崖懸獸無跡林暗鳥驚飛枕席竟誰薦相望空依依王泰云迢遞巫山疎遠天新霽時樹交涼去遠草合影開遲谷深流響咽峽近猿聲悲只言雲雨狀自有神仙期陳後王云巫山巫峽深峭壁聳春林風巖朝薜落霧鎖晚後吟雲來足蒙枕雨過

非感琴仙姬將夜月度影自浮沈蕭詮云巫山映
巫峽高高殊未窮猿聲不辨處雨色詎分空懸崖
下桂月深澗響松風別有仙雲起時向楚王宮隋
李孝貞云荆門對巫峽雲夢邇陽臺燎火如奔電
墜石似驚雷天寒秋水急風靜夜猿哀枕席無由
薦朝雲徒去來陵敬云巫岫巒迢峩高高入紫霄
白雲閒抱石玄猿迴挂條懸崖激巨浪脆葉頽驚
颯別有陽臺處風雨共飄飄唐盧照鄰云巫山望
不極望望下朝氛莫辨啼猿樹徒看神女雲驚濤
亂水脉驟雨暗峯文霑裳卽此地况復遠思君劉
四川名勝志卷之十九 八
方平云楚國巫山秀清猿日夜啼萬重春樹合十
二碧峰齊峽出朝雲下江來暮雨西陽臺歸路直
不畏向家迷鄭世翼云巫山凌太清岩巒顛削成
霏霏暮雨合霽霽朝雲生危峯入鳥道深谷瀉猿
聲別有幽栖客淹留攀桂情問立本云君不見巫
山高半天起絕壁千尋畫相似君不見巫山礧
匝翠屏開湘江碧水遶山來綠樹春嬌明月峽紅
花朝覆白雲臺臺上朝雲無定所此中窈窕神仙
女仙女盈盈仙骨飛清谷出沒有光輝欲暮高唐
行雨送今宵定人荆王夢荆王夢裏愛穠華枕席

初開紅帳遞可憐欲曉啼猿處說道巫山是妾家
喬知之云巫山十二峰參差互隱見潯陽幾千里
周覽忽已徧想像神女姿摘芳共珍薦楚雲何透
迤紅樹日蔥蒨楚雲沒湘源紅樹斷荆門郢路不
可見况復夜聞猿沈佺期云巫山峯十二合沓隱
昭回俯眺琵琶峽平看雲雨臺古榭天外倚瀑水
日邊來何忍啼猿夜荆王枕席開張九齡云巫山
與天近煙景常青煢此中楚王夢夢得神女靈神
女去已久白雲空冥冥惟有巴猿嘯哀聲不可聽
李白云江行幾千里海月十五圓始經瞿唐峽遂
四川名勝志卷之十九 九
步巫山巔巫山高不窮巴國盡所歷日邊攀垂蘿
霞外倚窮石飛步凌絕頂極目無纖煙卻顧失丹
壑仰觀臨青天青天若可捫銀漢去安在望雲知
蒼梧記水辨瀛海周游孤光晚歷覽幽意多積雪
照空谷悲風鳴森柯歸途行欲曛佳趣尚未歇江
花早啼猿松暝已吐月月色何悠悠清猿響啾啾
辭山不忍聽揮策還孤舟李端云巫山十二峰皆
在碧虛中迴合雲藏日霏微雨帶風猿聲寒過澗
樹色暮連空愁向高唐去清秋見楚宮張循之云
巫山高不極合沓狀奇新暗谷疑風雨幽巖若鬼

神月明三峽曙潮滿二江春爲問陽臺客應知入
夢人李沈云沒天心開地脉浮動凌霄拂藍碧裏
王端眸望不及似睹瑤姬長歎息巫粧不治獨西
望暗泣紅蕉抱雲帳君王妬妾夢荆官虛把金泥
印仙掌江濤迅激如相助十二猱龍怒行雨崑崙
謾有通天路九峯正在天低處李賀云巫山叢碧
高插天巴江翻瀾神火煙楚魂尋夢風颺然晚風
飛雨生苔錢瑤姬一去一千年丁香筇竹啼老猿
古祠近月蟾桂寒椒花墜紅濕雲間盧象云高唐
幾百里雲樹接陽臺晚見江山霽宵聞風雨來雷
四川名勝志卷之十九 十

從三峽起天向數峰開靈境信難見輕舟那可迴
皇甫冉云巫山見巴東迢迢出半空雲藏神女館
雨到楚王宮朝暮泉聲落寒暄樹色同清猿不可
聽偏在九秋中戴叔倫云巫山峩峩高插天危峰
十二陵紫煙瞿塘嘈嘈急如絃洄波波逆將覆船
雲梯豈可進百丈那能牽陸行巉巖水不前灑淚
向流水淚歸東海邊合愁對明月明月空自圓故
鄉回首思綿綿側身天地心茫然孟郊云巴江上
峽重復重陽臺碧嶂十二峯荆王獵時逢暮雨夜
卧高丘夢神女輕紅流煙濕艷姿行雲飛去明星

矚目極魂斷望不見猿啼三聲淚滴衣陳陶五玉
峰青雲十二枝金母和雲送瑤姬花宮磊珂楚宮
外列仙八面星斗垂秀色無雙怨三峽春風幾夢
裏王獵青鸞不在嬾吹簫斑竹題詩寄江妾飄飄
散絲巴子天苔裳玉轡紅霞幘歸時白帝掩青瑱
瓊枝草草遺湘煙羅隱云下壓重泉上千仞香雲
結夢西風縈縱有精靈得往來旣輓艇軒亦顛隕
嵐光雙雙雷隱隱愁爲衣裳恨爲鬢霖灑朝行何
所之江邊日月情無盡珠零冷落丹墮楓細腰長
臉愁滿宮人生對面猶異同况在千巖萬壑中宋
四川名勝志卷之十九 十一

蘇軾云瞿塘進遞盡巫峽崢嶸起連峰稍可怪石
色變蒼翠玉工運神巧漸欲作奇偉塊比勢方深
結構意未遂旁觀不暇瞬步步造幽邃蒼崖忽相
逼絕壁凜凜可憐仰觀八九頂俊爽凌瀾氣光蕩天
宇高崩騰江水沸孤起死不讓直後勇無異攀緣
見神宇憇坐就石位巉巉隔江波一一問廟吏遙
觀神女容綽約誠有以俯首見斜鬟拖霞弄修峨
人心隨物變遠覺合深忌野老笑吾旁少年嘗屢
至去隨猿猱上反以繩索試石筍倚孤峰突兀殊
不類世人喜神怪論說驚幼稚楚賦亦虛傳神仙

安有是次問掃壇竹云此今尚爾枝葉紛下垂婆娑綠鳳尾風來自偃仰若爲神物使絕頂有三碑詰曲古篆字老人那解讀偶見不能記窮探到峰背採斫黃楊子黃楊生石上堅瘦紋如網貪心去不顧澗谷千尋縱山高狼虎絕深入坦無忌洪濛草樹密蔥蒨雲霞膩石竇有洪泉耳滑如流髓終朝自盥漱冷冽清心胃浣衣挂樹梢磨斧就石鼻徘徊雲日晚歸意念城市不到今十年衰老筋力憊當時伐殘木牙葉已如臂忽聞老人說終日爲歎喟神仙固有之難在忘勢利貧賤爾何愛棄去

四川名勝志

卷之十九

十三

如脫展嗟爾若無還絕糧應不死王安石云巫山高十二峰上有往來飄習之猿狖下有出沒潏潏之蛟龍中有倚薄縹緲之神宮神人處子冰雪容吸風飲露虛無中千歲寂寞無人逢邂逅乃與襄王通丹巖碧嶂深重白月如日明房櫺象牀王几金芙蓉陽臺美人多楚語只有纖腰能楚舞爭吹鳳管鳴鼉鼓那知襄王夢裏事但見朝朝暮莫長雲雨范成大云濕雲不收煙雨霏峽船作灘梢廟磯杜鵑無聲猿叫斷惟有餓鴉迎客飛西真功高佐禹跡斧鑿鱗皴倚天堂上有瑤簪十二尖下

有黃龍三百尺蔓花卧太風煙昏繡佩翠帷香火寒靈旂飄忽定何許時有行人開廟門楚客詞章元是諷紛紛餘子空嘲弄玉色頽顏不可干人間錯說高唐夢○唐王無兢巫山神女廟詩神女向高唐巫山下夕陽徘徊作雲雨婉孌逐荆王電影江前落雷聲峽外長霽雲無處所臺館晚蒼蒼劉希夷云巫山幽陰地神女艷陽年襄王何容色落日望悠然歸來高唐夜金釵燭青煙頻想卧瑤席夢魂何翩翩搖落殊未已榮華倏徂遷愁思滿湘浦悲涼雲夢田猿啼秋風夜雁飛明月天巴歌不

四川名勝志

卷之一九

十三

可聽聽此益游潏張九齡云蓮樹日衰颯風霜未云兄駕言遣憂思乘興求相似楚國茲故都蘭室有餘址傳聞襄王世仍立巫山祀方此全盛時豈無嬋娟子色荒神女至魂蕩宮觀啓蔓草今如積朝雲爲誰起崔塗云雙黛儼如嚔應傷故國春江山非舊王雲雨是前身夢覺傳詞客靈猶福楚人不知千載後何處又爲神溫庭筠云黯黯閉宮殿森森陰辟蘿曉峯眉上色春水臉前波古樹芳非盡扁舟離恨多一叢斑竹夜環珮響如何張子容云巫嶺岩峩天際重佳期宿昔願相從朝雲暮雨

連天晴神女知來第幾峰李羣玉云寂寞高唐別
楚君玉人天上逐行雲停舟十二峰巒下幽佩仙
香半夜聞又云廟閉春山曉月光波聲四合樹蒼
蒼自從一別襄王夢雲雨空飛巫峽長王周云廟
前溪水潺潺中脩竹聲珊珊襄王一夢杳難
問晚晴天氣歸雲閑李商隱云巫峽迢迢舊楚宮
至今雲雨暗丹楓浮生盡戀人間樂只有襄王憶
夢中又云非關宋玉有微詞自是襄王夢覺遲一
自高唐賦成後楚天雲雨盡堪疑胡曾云楚國城
池颯已空陽臺雲雨過無蹤何人更有襄王夢寂
四川名勝志卷之十九 古

虞訪高唐路入煙霞草木香山色未能忘宋玉水
聲猶似哭襄王朝朝暮暮陽臺下爲雨爲雲楚國
亡惆悵廟前無限柳春江空圖畫舫長宋蘇軾云
大江從西來上有千仞山江山自環擁慨詭富神
姦深淵鼉鼉橫巨壑蛇龍頑旌陽斬長蛟雷雨移
蒼灣蜀守降老蹇至今帶連環縱橫若無王蕩逸
侵入寰上帝降瑤姬來處荆巫問神容豈在猛玉
座幽且閑飄蕭駕風馭弭節朝天開倏忽巡四方
不知道里艱古粧具法服遂殷羅煙鬟自神自奔
走羅香來趨班雲典靈粧聚雲散鬼神還茫茫夜
四川名勝志卷之十九 五

恐懼久無措稽首山下苦求助丹書玉笈世莫寬
指示文字相爾汝擘山洩江幸無苦庚辰歲余寔
相禹功成事定世莫知空山俄頃千萬古廟中擊
鼓吹長簫採蘭爲飡蕙爲肴玉生薦菱香飄蕭龍
勺取酒注白茅神來享之風飄飄荒山長江何所
有豈有瓊玉薦次寥神君聰明無我責爲我驅獸
攘龍蛟乘船入楚沔巴蜀瀆漩深惡秋水高歸來
無恙無以報山上麥熟可作醪神君尊豈豈待我
再拜長跪神所多范成大云凝真宮前十二峰兩
峰娟妙翠插空餘峯競秀尚多有白壁蒼崖無數
四川名勝志卷之十九 去
重秋江漱石半山腹倚天削鐵荒行蹤造化鍾奇
蟲瑤巖真靈擇勝深珠宮朝雲未罷暮雲起陰晴
竟日長冥濛瑤姬作意送歸客一夜收繚乃回風
仰看館御飛檣過回首已在虛無中惟餘鳥鴉作
使者迎船送船西復東吳宗旦云長江出蜀初入
荆巫山十二開翠屏雲華夫人王母女東朝海若
窺滄溟金銀宮闕照水府瓊壁瑤櫺帝道江靈
河伯隨班立龍女僊娥傍輦迎眼看日卿出陽谷
身乘氣躋返金殿玉樓一似巫峰起廳輪略爲巫
峰停鴻濤沃天帝憂頤重瞳殛鯀禹嗣典悲風撼

石從空落蒼崖自裂無人擎水工叫嘯愁白日猷
臣泝泣哀蒼山兩山攢束一遇聖心驚目駭遙乞
靈傳呼侍女詔侍從情授神策驅神兵黃麾被髮
導狂翳童律掉舌同虞唐朝雲暮雨滿空碧飛鶴
游龍翔太清卻疑魑魅逞妖怪披文寶鼎防依憑
律前面對鬼神問禹乃悟見虛空形昔師三元授
素書今領玄教居玉瑛寔號雲華上宮主亦是西
華少陰精在人爲人人莫識在物爲物物莫名了
知真仙次于聖力披惘欸祈和尙樓臺縹緲疊雲
玉觀闕巖嶨飛瑤瓊抱關師子蚪綵髮啓途天馬
四川名勝志卷之十九 去
垂朱纓靈官仙童濟客與毒龍猛獸光晶熒瑤臺
燕坐疑玉質龍袞拂地傳真經汝功汝能幸及物
曰希曰夷猶未聆欲超大海颺爲馭欲度飛沙雲
作嶠沙高無駟路將絕海濶無馭空難騰寶書吾
來自寥廓伏讀汝可叱幽冥出入水火縛虎豹倒
插五星呼六丁回眸笑拈丹玉笈素手捧出容華
綾水行乘舟山乘樑巨石自擘川自平龍蟠蛇結
除毒螫巢穴穴墮蘇黎黎山形半破餘斧迹鬼工
斬鑿非人程玄圭帝錫彰水德真人號位居紫庭
重瞳薦天付大寶上日若帝仍百齡藤蘿歲長蔭

古廟梅梁畫飛縈鐵純峽祠萬里跨江漢血食千秋如弟兄遂封真人行極妙遠配夏后功相仍云何肯入楚王夢作賦糊令宋玉於廣寒弄姬月色瑩藐姑處于雪肌輕月開嬋娟窺繡戶雪生體態入疎櫺身行天上渺無迹夢到人間客有情前賢撫實言語妙今我復以歌詩鳴晴嵐空翠不改色迴流積水長相縈剪刀剪雲向空住掃竹掃葉隨風零仙人裁冠上玉砌仙女舉被掩金鈴衆峰翼張浮翠華國手圖畫傳丹青數從黃冠拜行殿甫逐祝史祠郊垌當增文石白珞珞入門青蓋高停

四川名勝志

卷之十九

九

亭元臣授策功照耀小儒學道心精誠願聞秘訣換凡骨逕參律輩騎長鯨唐相云楚澤隱巫山翠壁間鴻濛萬流束長峽怒浪日簸春朝暉潭高唐巖阿閼彤宮眾思散煙霞榮光繞長虹恭聞雲華君少陰體冲融受道紫清闕飛化凌三空徜徉江海上千騎馳蒼龍羽節回天津中央明層峯悽惻下土人昏墊無所容寶書授神禹百靈倏奔從蛟螭委鞭策山川與西東九州免爲魚遂成萬世功嗟余晚聞道蓬心澈空伺維舟垂崖遂再拜望遺蹤嶙峋山頭石雲衣尚溶溶縹緲玉瑛臺如在指

中章律不可問至言誰鑒蒙首天壇下松楸同悲風宋德之云靈均媒處煙嶺意非法語粵若古高辛先禽委娥女兩美莫必今參差會成阻女生願有家士仕期致主德薄焉能從禮失那得取弟子頗自異昔契今離離然然潛讒嫉正爾困狎侮邈探姑射機轉弄離騷料實心古先后矯志雲外侶上述懷世知潔身幸親附中言天淵亘廣遠萬物祖矧茲德不逮開聖足自輔進犧來羨門辭室界公聚太一禮既接神人儻相遇卒之志莫原煩怒辭稱述顛倒失所依開眼不知處忠賢代所

四川名勝志

卷之十九

九

味妙麗衆目睹微辭辱王或說夢癡人誤高真秉元化昏墊閔下土平成啓文命臨降枉飛馭在楚俗則然借秦良自喻陳思懷抑鬱敏識殆天付感此致意深濟洛獨擬賦處姬洎重出鏤枕猶妄語騷詞信非經傳者無寡趣真游結習盡體道悽純素塵除魔魅想母重龍兒怒共登拯民心塗人可爲禹范子長云峽山多奇峰擢秀推二六雲容盡天宇間脉蹠地軸晨暉照粉黛宿雨留黛沐岷江寄徑來一帶幾縈曲巖隈着叢祠瑤席蔭嘉木古初奉帝命福地任司牧疏鑿佐夏后鬼神受要束

涪流建滄海明德被全蜀陋哉兒女見幽獨在空
谷甚者雕蟲人綺語誰流俗女媧補天手相望繼
高躅難以形色求矧乃夢寐讀九章述明祀千載
起祇肅若爲女岐事天間綴篇牘靈均尚好奇何
怪門人主杖藜欵祠官采芹薦清馥芟章固無取
聊以誌巫祝何麒云舟師告我巫山下不見圖經
聞古語廟嘶白馬舞黔烏壁掛朱猿穴蒼鼠可憐
巫子分毛鬣豈有神仙飽葦茹我然沉木薦寒泉
作送迎章沐雲雨又云王虬旂旋懷全楚羽帳淋
漓笑神女去去來來刺史詩朝朝暮暮高唐雨塵
四川名勝志卷之十九 主

尋松巒峰云無名草木易彫零獨立盤雲偃蒼青
任是雪霜深蔽翳也應根柢有精靈集仙峰云左
隣白帝右紅崖中有涪池阿母家笑飲蟠桃丹樹
下一杯時與醉流霞聚鶴峰云方憐病羽困樊籠
仰見胎禽啖遠空明月不知緹縠夜一聲聲入白
雲中淨壇峯云巍巍盤石拔天成拂拂脩篁助潔
清一息齋宮渾不寐九霄聞微步虛聲上峯峰云
蓬萊方丈潤滄溟高揖松喬此得朋白日青天殊
不遠瑤臺玉闕一層層起雲峰云油然膚寸起叢
霄變化須臾雨沈寥舒卷無心神莫測去來誰謂
四川名勝志卷之十九 主

埋蘚漬墉城錄斷石欄斑讀空廡肅然生敬攝邪
心云是蓬姬曾佐禹冉居常云朝雲夕雨自虛無
玉笈親傳昏墊初夏后已通三峽水巴人誰省九
天書煙縹杳杳藏旌仗江月沉沉想珮裾千古文
章愁宋玉可無一字及其魚口吳世延十二峰詩
望霞峰云披圖占聖調雲華初見靈峯冠彩霞拂
拭塵容開眼膜舟人指點到仙家翠屏峰云四合
藤蘿羽葆垂遠煙蒙覆畫屏圍青冥向上凝神望
似叩天關第二屏朝雲峰云清晨縹緲結屏陰掩
映真靈洞府深不是名書丹玉笈上清宮闕若相

帝鄉遙栖鳳峰云碧梧脩竹翠微間刷羽朝陽不
可攀寄跡雲林飛有處會巢阿閣邇天顏登龍峯
云三分泉下九淵深直上青螺碧玉林惟得風雲
長庇護有時飛作早天霖聖泉峰云白崖一注瀉
青雲練帶榮迴玉溜奔醜毒宴安人不覺誰知此
物養靈根哀說友巫山十二峯云平生磊塊山林
姿一丘一壑食成癡寸峰拳石瞥眼過張皇攫覓
惟憂遲東南佳山多秀麗就中所欠雄與奇飽聞
巫山冠巴峽奇峰十二相參差昔年圖畫嘗一見
欲見此山無路之扁舟西泝上三峽千巖萬壑爭

追隨終朝應接已不暇心目洞駭俱忘疲爲然鍾
 鼓高唐上峰巒二六排旌旗一峰霞彩洞在望一
 峰展翠開屏帷無心出岫雲吐色似蓋平巒松並
 枝仙蹤鶴駕羽衣近壇石瑤臺間閣低白雲一起
 鳳凰下清泉四合蛟龍嬉翠峯前直變態異一一
 大巧乾坤爲外堪擊相試聲律中含造化分四時
 天下名山亦多矣未有列岫奇如茲間伯敏十二
 峰詩望霞峰云東皇君來流曉霞暮看西北王母
 家雲華夫人王母女肯爲廟食留三巴翠屏峰云
 秋山黃落春山青不識仙家雲錦屏六銖天衣下
 四川名勝志卷之十九 三
 拂石香風馥郁朝真亭朝雲峰云山頭行雲自朝
 朝陽臺暮色連雲宵朝來暮去變雲雨送老行客
 無回桡松密峯云舟船搖搖大巫前松間絲蘿望
 經綿屏風角轉恰匝背心在山頭人倚船采仙峯
 云綠簑鞋紫青行纏束薪緼火開山田雲間仰聽
 仙佩響遠巒柳掠燒命煙聚鶴峰云望夫石女春
 復秋巴歌楚舞隨遊頭夜深九阜清唳響仙禽亦
 替離人愁淨壇峰云山頭枝枝竹掃壇舟子竹枝
 歌上灘炬香上廟榔杯玳但乞如願舟平安上丹
 峰云黃魔白馬功告成雲華夫人朝玉京禹王夏

后引首節高低映船搖櫓聲起雲峰云叙頭廟
 山花枝裙尾舊纈山麻衣朝隨雲起采薪去暮趣
 女伴穿雲歸栖鳳峰云山頭鳳鳴來其鳳山前家
 家背鳳篁竹花結實未忍食刀咩火種五里香登
 龍峰云散而成章合爲龍回風混合游鴻濛舟人
 上下神女供俗粧鉛粉臙脂紅聖泉峰云靈源一
 派瑤池分灑落掉石隨東奔楚人但愛香溪水溪
 邊爲有昭君村
 梁山縣在府城西
 邑名高粱又曰都梁皆因山也寰宇記云高粱大
 四川名勝志卷之十九 三
 山在縣北四十里東尾跨江西首劍閣凡數千里
 山嶺長峻其峰崔嵬于蜀市望之若長雲垂天須
 窮日行乃極其頂俯視衆山泯若平原劍閣銘所
 謂巖巖梁山積石叢叢者也○輿地紀勝云都梁
 山又名高都在縣治北十五里舊有高都驛乃天
 寶進荔枝之路山壤腴而黃其民多業種薑○郡
 國志云本漢胸臆縣地後魏廢帝分胸臆置魚泉
 縣今縣又分白魚泉者魚泉以丙穴嘉魚爲名詩
 江源記云丙穴有嘉魚其味甚美穴水出栢枝山
 距今縣東南十五里○五代僞蜀于梁山縣置務

日石民屯田務宋開寶初土豪石處贊納庄田八所遂廢田務移縣于此因陞爲軍劉煥題名序曰稻田蕃廩常多豐年矣○紀勝云垂雲樓在子城之北左瞰萬石右倚東山景物奇麗峽中未有又瑞豐亭陸務觀詩峽中地偏常苦貧政令愈簡民愈淳本來無事只畏擾擾者才吏非庸人都梁之民猶無苦須晴得晴雨得雨父老羅拜豐年賜縱產芝房非上瑞○方輿勝覽云峰門山在治東十五里其山高大頂有寒泉兩壁對峙如門故名又五里爲蟠龍山據時秀傑突出衆山之上下有

四川名勝志

卷之十九

五

部

言此地無六月呼取六斗醪甘潔一顧令君消肉熱俗以壬子歲再過此作詩云春水三年別寒聲十里聞鶯花流出洞樹石和波文有意同高潔無心作使君前車行度險余三空寄曉口蟠龍洞古碑云張卞爲蜀將先王攻固陵諫不聽乃入山修真遇熊叟自稱鴟夷人授之丹訣得道○碑曰云舊梁山驛碑在治東四十里者舊相傳李唐時有白虎蛟龍爲民害民至遷居以避韓昌黎嘗按部經行二宮乃去作碑識之今名其地爲碑砌碑猶存于溪側字漫滅不可復識又有唐碑題云令長

四川名勝志

卷之十九

五

部

不塔按夫子子貢未嘗至蜀此必附會之說○寒泉洞在治西龍鎮十里許有洞出泉甚冽故曰寒泉又十里爲赤牛山山下赤牛城設焉石刻宋淳祐二年上元落成週三百六十步敵樓百四十三座四門各有題識城門覺林院之東有一石龕琢爲大悲七十二手皆有所執又有廢設壇壝將臺基址猶存○縣西五十里多喜山時有神光見見之多獲喜事故名陳希夷在此修煉丹爐石枕俱存有雌雄泉春夏左盈右竭秋冬左竭右盈古誌識云東有飛龍西有赤牛文必拜相武必封侯按四川名勝志卷之十九

三

飛龍卽蟠龍山赤牛卽牛頭寨也侯張卞至唐時始封廣澤侯而張商英以宋熙寧間拜相云○金鳳山距治五十里楊市之北其山之南半崖有罅遂然內皆洞明其石上有若圖仙女狀面貌儼然時若動搖迫而視之則不見○又二十里爲落雲潭常有雲覆其上他日漁者拋網得一石老君像自此不復有雲氣像在永安市民冉氏園中背有字曰天漢二刻○石瓦山在縣西百一十三里山巔有古人礪刀劍亂石如積瓦焉山下有古欄橋蹤迹屈曲以至于頂乃極平坦畊者往往得古

銅片○寰宇記云逢溪山在縣南八十步其水西南流入忠州桂溪縣界浮蘭碑載梁山軍忠州兩界舊有漢刻石署白虎夷王姓名今其上刻漢時官屬及白虎夷王等姓名尚有可攷又金石古文載有五大夫碑在梁山軍界上字雖漫滅然乃漢隸也○夷堅雜錄云梁山有漢武帝廟至今祭者往往有一二百蝴蝶降祠所享其食近之不驚徹饌然後羣去時謂武帝侍從捉之者必致病按常璩云益州刺史毀蜀中山川神祠取其松栢爲舟船惟不毀漢武帝祠則蜀之祠武帝久矣○紀勝

毛

四川名勝志卷之十九
云梁山呂保藏家高崖峭絕半腹有一穴漢赤眉之亂邑人呂氏家貲巨萬鑿石以居寇不能近後舉家終焉宋紹熙中有樵夫得一券于崖側非銅非鐵其聲鏘然上有古篆云西漢之末赤眉邂逅黃金千兩坑埋而走金豚十祭其財自阜今藏所猶存

萬縣在府城西
四百十里

梁置萬州于宣漢縣以其地有萬頃紀數也蜀漢之南浦縣後周之萬川郡矣○華陽國志巴東郡南浦縣在郡南二百里晉初置主夷又云晉武帝

平吳之後巴東省羊渠置南浦按南浦在今縣南岸蜀志建安二十一年先主分胸臆之東南界立當縣故其西四里天子城相傳昭烈駐兵于此常璩所云小石城是也三面峻壁惟出後長延一脊客徑尺許累石爲門○平渠漢縣也縣西五十里羊飛山相傳有道人令童子牧羊戒使勿放一日童子放之其羊冲天而去按蜀鑑羊飛山下有羊渠縣卽此○縣南百二十里又有廢武寧縣後周建德所立唐王周過武寧縣詩云行過武寧縣初晴物景和岸迴驚水急山淺見天多細草濃藍潑四川名勝志卷之十九 壬

驛在當縣南六十里江中有石似胡人名曰胡飛瀑湍流其勢險急杜少陵詩不是怕胡灘者此矣亦今上下川東之界也寰宇記載漕溪漢塗之間有石如荀亭亭而立凡十數丈升行過之惘目焉○經云江水又東南會北集渠注云二溪水涪陵縣界謂之于陽溪北流逕巴東郡之南浦僑縣西溪夾側鹽井三口相去各數十步以木爲桶徑五尺燒煮不絕水北流注于江謂之南集渠口亦曰于陽溪口北水出新浦縣北高梁山分溪南水逕其縣西又南一百里入胸臆縣南入于江謂之四川名勝志卷之十九 壬

白讀書于此巖下有池宋郡守馬元穎曾有開所
鑿廣一畝植以芙蕖荔枝雜果凡三百本有勒封
院黃魯直記云遊堅蒙恩東歸道出南浦太守高
仲本置酒西山寔與其從事譚處道俱來西山者
由亭西渡大壑稍陟山半松栢蒼鬱水泉潄爲大
湖郡榭環之有僧舍五區其都名曰勒封院樓觀
重複出沒煙霏之間而光影在水邦之人歲修禊
事于此凡夔州一道東望大壑西盡郛鄆林泉之
勝莫與南浦爭長者也寺僧文照喜事作東西二
堂于茂林脩竹之間仲本以爲不奢不陋冬煖而

四川名勝志

卷之十九

辛

夏京宜于游觀也建中靖國元年二月辛酉江西
黃魯直題張俞宴萬州西山池亭東魯使君詩西
嶺鬱盤紆寒泉注原隰下有乖龍池何年此殊極
復爲龍窟據亂我清泉色松幹已交摧石牙空闕
立魯侯獨窮勝公暇日尋步蕩滌潢汙流宛如疏
鑿力池光復涵徹萬象如鏡入亭觀出浮雲彤彤
映邦城左右浮屠宮巋然爭業岌岌乃荆棘荒今
爲蕙蘭襲密樹低華陰嘉禽弄文翼使君池上宴
何減襄陽習○過西山逶迤里許爲岑公洞在大
江之南廣六十餘丈深四十餘丈石巖盤結若華

蓋左右方池有泉涌出巖簷遇盛夏注水如簾松
篁藤蘿鬱蔥蒼翠真神仙窟也圖經云岑公名道
願本江陵人隋末避地隱此巖下百餘歲肌膚若
冰雪積二十年尸解去至唐宋間封以冲妙大師
虛鑒真人之號唐刺史馬冉詩南溪有仙淵咫尺
非人間冷泠松風下日暮空蒼山宋趙善齋詩真
人邈何之恍忽不可見洞若獨嵌空壁留明珠濺
藤蘿含漠濛竹栢關葱蒨至幽合人心遠翠落江
面野老乘籃輿使君肆清燕日影砌下倒雲谷坐
間窺大水巖欲傾遠整路微轉崢嶸施屏風點綴

四川名勝志

卷之十九

辛

成彩綉雖云急行樂勝賞殆亦遍欲歸重盤旋拂
石看古篆郭印詩岑公來避世甲子十周年夏屋
虛巖豁神芝結藥懸木喬從古種香香至今傳學
道能堅忍何人不得仙徽宗政和五年四月二十
一日幸徐常廬因念逾期未歸信筆立成一絕可
知常詳茲春意庶速西上也詩云人生何事厭囂
塵汎宅浮家冬復春今日暫來猿鶴語他年應召
白雲人黃進堅建中靖國元年三月萬守高仲本
宿約遊岑公洞夜雨達旦戲贈小詩云肩輿欲到
岑公洞正怯衝泥傍險行應是岑公闕清境春江

一夜雨連明范仲輔詩石壁虛涵雲氣深水簾漱
歟墜璆琳客來但愛幽樓好誰識岑公萬古心趙
希混詩自有煙雲護石屏更深曉色近清暉巖前
老檜吟風處似請仙翁化鶴歸碑目云岑先生
銘唐巖挺之撰開元二年立又有段文昌銘貞元
三年四月十五日立萬州虛鑒真人贊朝請大
夫知襄州軍州兼管内勸農事提舉房隨郢州兵
馬巡簡公事柱國借紫岑象求撰陽翟李廌書丹
南京進士戚遼題額奉議郎權知萬州軍州兼管
內勸農事武騎尉賜緋借紫益休景立石于元符

四川名勝志

卷之十九

圭

元年宣和中道君皇帝御書萬州妙進觀峯洞碑
紹興二十八年二月朔右朝請大夫權發遣萬州
軍州主管學事兼管内勸農借紫臣李華民述記
冲妙大師前勅差充萬州道正王管教門公事賜
紫臣冉通明立石已上諸碑作以癸丑歲二月歸
舟遍訪而搨之○圖經云峽中漢刻少今萬州報
恩寺有碑高伍尺乃漢桓帝延熹間所刻石凡百
餘字土人謂之宜子碑○縣西南三里壽寧觀有
唐太宗明皇銅真像治北集虛觀有唐垂拱時碑
○萬利廟碑有白刺史題名記宋開寶二年九月

台還誨重修○大雲寺碑有唐僧圓澤傳及元和
間萬州守李裁書○聖業院碑在周溪大江之濱
三生石旁爲蘇所刻可見者咸通三年壬子歲十
一月建十餘字按周溪在縣東四十里忠義傳載
李源道人再生事詩云三生石上舊精魂賞月吟
風不要論慚愧情人遠相訪此身雖異性常存又
身前身後事茫茫欲話因緣恐斷腸吳越山川已
尋逾却迴煙棹下瞿塘冷齋夜話云此僧贊寧所
記東坡以爲卽圓澤也○經云江水又東彭水注
之水出巴渠郡獠中東南流逕漢豐縣東清水注

四川名勝志

卷之一九

圭

之水導源西北巴渠縣之巴嶺南獠中卽巴渠水
也西南流至其縣又西入峽槽井溪水出焉又西
過山至漢豐縣東而西注彭溪謂之清水口彭溪
又入逕胸臆縣西六十里南流至于江謂之彭溪
口按在今縣東八十里巴陽驛是俗名小江舊小
彭驛設焉紀勝云小彭驛邊有二石虎高五尺各
有四翅石刻詩云巍巍二虎一座氣巨石鑄成尚
有痕只此也須防夜箭潮陵恐過李將軍蓋一尉
題俗稱石麒麟云

雲陽縣

在府城西一百七十里

宋張顥紀形勝云東有瞿塘西有縉雲以其在縉雲山之陽也縣名取焉本胸臆舊縣地後周始爲雲安縣宋置軍監于此元改今名○經云江水又東右逕胸臆縣故城南注引常璩曰縣在巴東郡西二百九十里縣治故城跨其山阪南臨大江之岸有方山山形方峭枕側江濱矣輿地紀勝胸臆城本漢縣在萬戶城西固陵集載李憲胸臆記云余泊州雲安之西三十里萬戶驛下橫石灘上土人云今驛之左右則胸臆故城也仁父又有曲水留題云或言雲安之西三十里許有自然曲水開

四川名勝志

卷之十九

五

月甲子朔泊舟橫石灘上携子屋奎塾壁望及劉甥于道于步訪之水極凌急不可流觴崖巔有永和三年及六年刻字十五六行剝落已不可讀細辨其文但昔人捐金以事仙佛識金數于石耳殆非祇飲處也好事者因年號相同遂增飾之當時必置屋廬像設今變滅無餘然水石要可喜取酒酌其傍賞晤良久乃去○輿地碑目云夔州守楊輔去官過萬戶驛故胸臆縣治泊舟游古書崖見石刻滿其上意當時或有像設屋室蓋縣人常所往來之地縣徙歲月不復可攷而石刻亦漫

就盡說者但爲臆創乃屬雲安大夫劉甲徧募嚴上下石刻試考詳之庶幾其猶有獲也同來者雲安大夫鄭邦基郝奚仲從子有聲淳熙十五年八月十六日按橫石灘今之橫梁候館設焉萬戶驛俗名萬戶堤右去縣西四十里○萬戶驛北有漢城山乃漢扶嘉所居嘉胸臆人也母于湯溪側遇龍後生嘉巧發奇中高祖爲漢王與嘉相遇獻定三秦策高祖以其志在扶朗賜姓扶氏爲廷尉臨終有言云三牛對馬嶺不出貴人出鹽井按馬嶺在縣北三十里三牛相去十里皆近鹽井監○

四川名勝志

卷之十九

五

注水經云江水又逕魚復縣之故陵有故陵溪其西二里爲故陵村溪卽永谷也地多木瓜樹有千大如鯢白黃實甚芬香爾雅之所謂楸也江水又東爲落牛灘逕故陵北江側有六大墳庾仲雍曰楚都丹陽所葬亦猶相之巴陵矣故以故陵爲名也魚復尉戍此江之左岸有巴鄉村村人善釀故俗稱巴鄉清都出名酒村側有溪溪中多靈壽木中有魚其頭似羊豐肉少骨美于餘魚溪水伏流逕平嶺山內通南浦故縣陵陂湖其地平曠有湖澤中有菱芡鯽鴈凡此等物入峽所無按故陵者卽

古陵沱也。郪道元以爲舊郡治。今名舊縣。其碑
目云。漢處士金廣延。母子碑。初無文字。但有人物
又有一碑。所勒皆車馬人物。或云古者修車馬。備
器械之圖。此皆在舊雲安郡也。○寰宇記云。使君
灘在治東二里。大江中昔楊亮爲益州。至此舟覆。
徵其波瀾。蜀人至今猶名之爲使君灘。一曰博望
灘。荆州記云。張壽奉使西域。于此覆舟。亦名使君
灘。按在今縣西。○江中又有龍脊灘。形似游龍。
歲人日邑人游于上。以雞子卜歲豐凶。古謠云。龍
牀如拭。濟舟必吉。龍牀彷彿。濟舟必沒。宋馮時行
四川名勝志卷之十九 美
龍脊灘。留題云。建炎戊申正月上巳日。判官李造
道司戶趙執權知縣母丘元望縣尉馮當可陪郡
侯謁武烈公祠。遂泛江而下。散步此磧。老杜詩云。
元日逢人日。未有不陰時。歲者謂天寶之季。此詩
盡之。今日天字。清明江國。熙然太平之期。指日可
俟。又獲與諸公偕游。所謂人日也。喜逾倍之。○元
和志郡有鹽官橋。官今五峰驛前有橋官堂。是其
故址。宋李臺雲安橋官堂記云。建炎中。改軍爲縣。
隸于夔。猶存使名官儀。仍備太守之略。而時節得
以奏章。自達于朝。他邑莫比焉。治內有杜鵑亭。少

陵詩雲。安有杜鵑名。本于此。杜詩又曰。峽裏雲安
縣。江樓翼瓦齊。兩邊山木合。終日子規啼。按杜鵑
子規。共一鳥。蜀本紀以爲望帝所化。詳在方物中。
作過雲陽。題杜鵑亭詩云。春林血淚染山青。鵲客
中宵忍淚聽。何處蜀山不啼。徧雲安。偏有杜鵑亭。
又過雲安縣。絕句之三云。也是山青水碧時。客懷
何事動深悲。春林三月無行迹。君未前來聽子規。
蓋兩用之。○方輿勝覽云。飛鳳山與縣治相對。古
刻鳳凰巖三字。瀑布泉出焉。注于白玉池。產太乙
玄精石。按張桓侯祠設在此山之脊。馮當可所稱
四川名勝志卷之十九 美
武烈祠也。案上有石如杵。黝而澤。卽玄精石矣。○
經云。江水又逕東陽灘。江上有破石。故亦通謂破
石灘。荀延光沒處也。常璩曰。水道有東陽下。瞿數
灘。山有大小石城。靈壽木及橘。圃也。江水又過下
瞿灘。左則湯溪水注之。水源出縣北六百餘里上。
庸縣界南流。歷縣翼帶鹽井一百所。巴川資以自
給。杜大者方寸。中央隆起。形如張傘。故因名之爲
傘子鹽。有不咸者。形亦必方。異于常鹽。王隱晉書
地道記曰。入湯口四十三里。有石煮以爲鹽。大者
如升。小者如拳。煮之。水竭。鹽成。蓋蜀火井之倫水。

大相得乃佳矣湯溪下與檀溪水合上承巴渠水
巴渠南歷檀井溪檀井入湯水湯水又南入于江
名曰湯口也○唐商真君飛昇記云雲安風俗淳
厚陶染真風如瞿法言楊雲外之徒繼出故琳宮
秘館獨感他處輿地紀勝云栖霞觀舊名昇雲宮
在縣北一十里宮據山絕頂下瞰群峯培塿可數
唐瞿法言于此修煉白日仙去巨柏參天皆二仙
手植殿左有五龍池能興雲雨碑曰云唐雲外尊
師碑在雲昇宮杜光庭文兄九域志今名栖霞宮
又縣西四十里集靈觀有碑云象山福地玉華仙

四川名勝志

卷之十九

三

館唐商真君飛仙之所○縣西百里有上下巖黃
魯直云唐末有劉道者問道于雲居禪師爲開
巖第一祖法號道微自鑿石龕曰死便藏龕中不
用日時門人奉其命二百年來遊者題詩不可勝
讀莫能起此開巖者故余作詩表見之云空巖靜
發鍾磬響古木倒掛藤蘿昏莫道蒼苔鎖靈骨時
應持鉢到諸村又寺古松楠老巖虛塔廟開僧緣
甚麥去宮數荔枝來石室無心竹金鋪稱許苦若
爲劉道者搜得鼻頭回自注云其一用楊子安韻
一用王定國韻也按下巖名燕子龕王維贈燕子

龕詩云山中燕子龕路劇羊腸惡裂地競盤屈
看天多峭嶸瀑泉吼而噴怪石看欲落伯禹訪未
知五丁愁不鑿上人無生緣生長居紫閣六時自
槌磬一飲尚帶索種田燒白雲斫漆響丹壑行隨
拾栗猿歸對巢松鶴時許山神請偶逢洞仙博救
世多慈悲卽心無行作周商倦積阻蜀物多淹泊
巖腹乍旁穿澗啓時外拓橋因倒樹架柵植垂藤
縛鳥道悉已平龍宮爲之洞跳波誰揭厲絕壁免
捫摸山木日陰陰結腳歸舊林一向石門裏任君
春草深郭印詩地涉雲安境山名燕子龕簾垂看

四川名勝志

卷之十九

三

慧溜蓋假得脩楠牢落前賢蹟光明有佛庵幽禽
知客至一一解玄談喻汝礪詩徑向山腰轉門從
水面開片雲巖下宿一鉢粥方來蒼山馬衝樹輕
陰花覆苔惟應荔枝熟時躡白雲回宋肇詩古寺
依叢壑雲深暗薜蘿山僧睂睫異林鳥語聲和絕
壁疑無路長江波浪暫來還趣駕衰早倦經過黃
人杰詩十月水痕瘦維舟過下巖鷗行沙作路龍
像石爲龕風定煙光冷霜回月色酣賦詩無好語
聊用志瞿曇楊適下巖避暑詩云古寺重來興禪
添舟中午若正炎炎野僧引客登山閣稚子穿雲

於水簾熱得清涼身暫健。懶便閑靜意難厭。人間劫火方撩亂。法雨何如爲普沾。今狐慶譽詩云。地遠塵寰不染埃。懸崖削山倚層臺。山頭玉溜隨簷滴。巖下金容就石開。寺影不妨流水過。松香長逐好風來。徧游未盡無窮景。爲報舟人且莫催。杜東之詩云。壽江翻雪捲胡灘。晚泊巖扉暫解顏。夙有淨緣逢寺喜。老無生理伴僧閑。殘雲已斷獨飛雨。落日將沈却照山。半夜秋聲驚客夢。一簾珍貝冷珊瑚。閩人朱煥下巖次韻云。勝地都無一點埃。脩脩野竹映樓臺。僧同巢鳥林端見。佛顯靈光石面開。道者已隨鸞鶴去。世人翻爲水雲來。登臨清興難窮盡。一下層巒暮色催。任以萬曆壬子暮春過此作詩云。病中入寺情相得。雨後看山趣轉添。片石僧寮無結構。一春巖溜自垂簾。題名刻像成今古。背路臨江恰見潛。我已忘機來此地。白雲溪鳥莫猜嫌。因徧訪諸石刻。其可見者游仲鴻游李祥來游時。段謙仲過尉此邑。邂逅巖中酌酒共坐。而去淳熙乙巳四月十四日。軍守張吉鹽井史澤判官陳奭以嘉祐六年五月二十一日至寺。下偶新蓬州司理向宣顏偕游。資郡張良能少穎解褐。

四川名勝志

卷之十九

早

西溪艇舟來謁尊者拜三先生遺像。紹定庚寅仲春念一日。男遠卿侍杜世東就鈴西歸。謾書絕句。往年題柱記行色。今日支筇還獨來。道者相看定相笑。若爲牽得鼻頭回。藥溫缺鍾涪陵尉鄭階平治平乙未六月五日同遊。住持本院主僧法能刻石。

開縣

在府城西四百里

舊漢豐縣。建安二十一年。置在巴東郡西北彭溪源後。周改漢豐爲永寧縣。今治西四十九里。濁水故城是也。志云。縣南四十里。墊江一名濁水。源出梁山縣之高梁山。春夏泛漲。人多墊溺。流至渠口。鋪入開江。又有清水源出萬歲縣之石塔山。西南流經石門山。又西南流經巴渠。故城東與地紀勝云。巴渠縣劉宋所置。宇文氏改爲萬歲縣。以縣北有萬歲谷也。舊址在今縣東北五十里。卽宋之清水縣矣。○縣西北一里有盛山。以唐刺史韋處厚著名。韓愈作盛山十二詩序云。韋侯昔以考功副郎守盛山。開州或謂韋侯美士。考功顯曹。盛山僻郡。奪所宜處。韋侯將怨且不釋矣。余曰。不然。得利則躍躍以喜。不得利則戚戚以泣。若不可生者。豈

韋侯之謂哉韋侯讀六藝之文以探周公孔子之意又妙能爲辭章可謂儒者夫儒者之于忠難苟非其自取之其拒而不受于懷也若築河隄以障屋雷其容而消之也若水之于海冰之于夏日其翫而忘之以文辭也若秦金石以破蟋蟀之鳴虫飛之聲况一不快于考功盛山一出入息之間哉未幾果有以韋侯十二詩遺余者方且以入谿谷上巖石逐追雲月不足日爲事讀而詠歌之令人欲棄百事往而與之游不知其出于巴東以屬胸臆也于時應而和者几十人及此年韋侯爲中書舍人侍講六經禁中侯名處厚和者通州元司馬名祺爲宰相洋州許使君名康佐爲京兆忠州白使君居易爲中書舍人李使君景儉爲諫議大夫黔府嚴中丞武爲秘書少監溫司馬造爲起居舍人皆集闕下于是盛山十二詩與其和者大行于時聯爲大卷韋侯俾余題其首云處厚詩曰激曲繁飛箭浮滿泛滿卮將來山太守莫向習家池石流杯渠不資冬山秀爲作暑天寒先集誠非鳳來翔定是鸞石竹巖巉品雪中嶠磊落標方峭勿謂枕蒼山還當礎清廟石緇衣石相注爲溫侍御置

雨合飛危砌天開卷曉窗齊平聯郭柳帶繞抱城江石宿雲亭夾岸凝輕素交枝漾淺淪味調方薦實臘近又先春石梅嶺噴日舒紅錦通蹊茂綠陰終期王母摘不笑武陵深石桃塢疏鑿徒爲巧圓窪自可澄倒花紛錯緇鑑月靜涵冰石胡蘆沼顧渚吳商絕蒙山對信稀千叢因此始含露紫莢肥石茶嶺繚繞綠雲上璘玢光玉聯高高層幾折極目瞰秋鷺石盤石磴福地堆層登因崖遂削成淺深嵐障色盡向此中呈石琵琶臺綆汲豈無井巖崖愧深峻願灑塵垢餘一雨根莖潤石上士鉞泉注爲柳律師置初映鉤如線終銜銳似鉤遠澄秋水色高倚曉河流石隱月岫○杜光近錄異記云開州後倚盛山東枕清水沂流而北三十餘里至溫湯井井有湯泉在北山上麟德間因雷雨震霹山脚摧裂洞門自開當門有石鍾自然成形如數千斤鍾大懸身去地二尺許外象鍾而中實扣之無聲門兩壁有石如金剛力士之形者數人鍾旁有小徑高六尺以來行二三丈稍濶有石碑巨龜負之碑側有石屏上與頂相連下有一穴側身可入一二尺許自是廣濶中有路徑平坦與常無異

路之左右滴乳爲石羅列衆形龍麟鸞鶴領雲
山如林如柱似動似躍乍飛乍顧千形萬態不可
殫紀僅一里許傍疎蓮臺周回數步高三四丈層
級重疊皆可攀躋旋生乳石如臂如指者以燭照
之通透瑩徹隨折脆斷及出洞門外得風皆爲白
石矣自臺側三四十步有蓮花羅布于地旁有甘
泉水色溫白遊洞者亭于此前有橫溪湍洑甚
急其聲喧洶洶流出洞外溪上有橋長二三丈濶一
丈許非石非土功甚宏壯過橋得黃土坡高四五
丈道徑險滑行者累息方至其頂坡上有巨堂四
四川名勝志卷之十九 壺

新寧縣

在府城西六十里

寰宇記云故新寧城在縣西北十里後魏恭帝二
年于此立縣隋開皇三年廢唐武德二年又置後
遷于賓城通志云宋更爲三岡縣至道中移治于
新安市元至元初復稱新寧○紀勝云新寧南十
里有黃茅嶺古詩所稱猿聲時下斷月色好平看

卽此處

大寧縣

在府城東二百里

晉北井縣周併入大昌矣宋開寶中始以鹽井地
置大寧監與治側永安城相對取安寧之義也宋
陞爲州領縣五其一爲大昌 國朝降縣與大昌
俱隸夔州其四縣割入陝之漢中○注水經巫溪
水又逕北井縣西東轉歷其縣北井南有鹽井井
在縣北故縣名北井建平一郡之所資也鹽水不
通巫溪溪水是兼鹽水之稱矣○寶山在舊大寧
監北十七里半山有穴如瀑泉卽鹹泉也山有壯

四川名勝志

卷之十九

壺

丹芍藥蘭蕙雜花卉圖經云一泉之利足以奔走
四方者此矣知監王子申大寧志序云一溪前陳
可濯可浴衆峯巉絕如削如畫峽郡之桃源也○
觀音巖在治東鳳凰山郡守張孝芳愛其顚湘中
山水暇日窮討得月窟雲巖釣雪玉環浮玉寶華
之勝○距城二里兩江合處中有石巖時如門高
二三丈溪流歛如瀑布謂之南淵鹽官孔嗣宗春
日與客泛舟飲于綠陰下商民鼓吹隨之其樂不
減于鑼市云○二仙洞去鹽場二里一名王子洞
山高百餘丈上下皆峭壁惟一徑寬一尺長四五

丈許始達中可丈許凡遊者不敢下視洞口窺高
十餘丈深不可測巖上石文生成千字水出石笋
四時不絕相傳昔有王子探樵見二人圍棋于此
局未終而斧柯已爛其人僂壁竄題而去詩曰仙
人洞裏無春秋白雲深處心悠悠獨何樵子半途
客安得乘風駕玉虬千年勝事今朝說一一重重
心練結從來流水與高山更有清風共明月王子
後不知所終但傳有仙骨長丈餘○丁晉公謂夔
州移城記云開寶伐蜀師分劔巫而入時灝瀕灘
高樓船難進易退步騎自襄州西山裝糧兼行林
四川名勝志卷之十九 巽

大昌縣 在府城東二百里

水經注云巫溪水源出宣漢縣南逕建平郡之泰
昌縣南按泰昌晉東渡後改自建昌者後周避宇文
泰諱始易今名○寰宇記云千頃池在縣西三
百六十里波瀾浩渺莫知涯際分爲三道一道東
流常縣爲井源一道西流爲雲安縣陽溪一道南
流爲奉節縣西漢水○杜甫西閣三度期大昌嚴

明府同宿不到詩問子能來宿今疑索故要
虛夜夜手板自朝朝金吼霜鍾徹花催蠟炬銷早
鳬江檻底雙影設飄飄

建始縣 在府城南五里

漢巫縣地吳孫休改巫爲建平郡始置今縣依郡
立名唐以後俱隸施州 國朝改屬夔志云縣東
三十五里有州基山是昔建平郡治○黃山谷馬
上口號呈建始李令云驛亭新似眼獻明簪路開
如掌樣平誰與長官歌美政風搖松竹是歡聲
大明官制建始在萬山中產麋金

四川名勝志卷之十九 巽

達州 在府城東北八百里 領縣二

宕渠之東界响牕之西界其地居四達矣唐名通
州宋改今額以別于淮南之通州也○州以元微
之左遷司馬著名有勝江亭在州西三里白樂天
寄微之詩云達州猶似勝江州其後郡守王蕃因
以名亭焉○長慶集微之到通州日授館未安塵
壁間有數行字乃是僕十五年前初及第時贈長
安妓阿軟絕句緬思往事杳若夢中懷舊感今因
作長句呈白居易云十三年前似夢遊曾將詩句
結風流昔教紅袖佳人唱今遣青衫司馬愁又見

樂天詩云通州到日日平西江館無人虎印泥忽
向破簷殘漏處見君詩在恆心題○時有李景信
者自長安來訪微之有李十一某信到詩云何事
相逢纔有淚念君緣我到通州留君賡任君須住
我不自由君自由又有丁溪館別景信云京城每
與閑人別猶自傷心欲白頭今日別君心更苦別
君緣是在通州○陳升翠玉軒序通川之境東瀉
巴川西峙鐵嶺南對受雲北望鳳山按巴渠江在
石鼓縣南四十步流入通州界江中有南昌灘元
微之南昌灘詩云渠江明淨峽逶迤船到名灘幾

四川名勝志

卷之十九

巽

惹遲櫓窺動槎妨作夢已童指點笑吟詩會餘宿
麥黃山腹日背殘花白水滑物色可憐心莫恨此
行都是獨行時○鐵山在州西二十里石色如鐵
上有師子和尚諸巖蓋迢遞自石城來者四面絕
崖西有一路登頂寰宇記云後魏廢帝二年開拓
山南改宣漢爲石城從山名也○翠屏山橫列州
南元微之建受雲亭其上山北又有水流寺巨石
刻成殿形餘莊蕪沒惟佛像屹立江邊○鳳凰山
在治北五里山形鳳翅掩映州城有梧桐坪寶芝
洞諸勝洞中石乳成峯玲瓏如刻鏤又有砥石縱

梓文餘鑿爲曲道可以流觴山有呂公姬相傳呂
純陽幻形乞食寺僧知而縱跡之逐雲影冉冉而
逝○輿地碑目漢車騎將軍馮緄碑在永睦縣西
八十里緄薨于桓帝之永康元年文尚瞭然可讀
其父煥亦有兩碑斷裂不全僅存大槩又有漢廣
漢蜀國侯李翊及蜀國侯夫人墓銘翊以靈帝嘉
平二年卒夫人不著姓氏疑其爲臧氏首尾亦不
列缺又書字巖碑在廢巴渠縣四十里多斷缺不
成文理其間晉昌太守字按晉孝武方立晉昌郡
則此必東晉以後人碑耳又唐處士墓碑在州城

四川名勝志

卷之十九

巽

北十五里揚斗壩馬腦鼻山下乃唐景龍二年刻
字畫道婦如歐柳可愛又元稹告僧三陽神文在
當州華陽觀又廣福院修福殿記在廢永睦縣卽
唐福田寺有會昌三年王欽詵修福殿記又瀘潭
院鐫佛記在治東富教里岸側石上乃唐人所鐫
傍有中和造像姓名百餘字多漫滅又黃山谷贈
通川令韓廣叔碑文廣叔赴通川日曾直以言贈
之曰惟勤能辦公家惟清能律食吏嚴而信則吏
不病民簡而敏則民多在野又有趙節婦碑初節
婦趙氏娶居有兇人欲犯之脅以白刃節婦不爲

動既而誘以百端終不可遂刺殺之時皇祐二年
知州薛伋茂其節爲之立碑于州西北山上後邑
令薛仲侃祠繪像于中

東鄉縣

在州西南三百八十里

治南有石鼓橫江上爲石鼓鎮楚春申君之花果
園也寰宇記云唐初折石鼓縣之西鄉地在東關
水北五十步置巴渠縣故此爲東鄉矣武德中移
東鄉縣于安養故城卽今治○紀勝云舊巴渠縣
後鹿子山漢樊噲嘗屯兵于此○萬戶溪在巴渠
里之東自開州萬歲縣界北流來合縣溉江水又
四川名勝志 卷之十九 壬
有成熱溪亦自萬歲縣來合文字溪○今縣西北
四十里崖壁間懸二石左額曰右顙月月中空際
有娑羅樹一株

太平縣

在州西南三百二十里

我明正德十年割東鄉之太平里置縣因以爲名
舊明通縣地也勝覽云丙穴在明通縣井峽中其
穴九十其中皆產嘉魚春社之前魚卽出穴秋社
旋歸其出也止于巴渠龍脊灘首有黑點謂照映
星象相感而成長身細鱗肉白如玉其味白鹹蓋
食鹽泉也○縣東七里石龍潭羣峯環拱凡七十

二浦會合凡四十八渚而匯爲潭廣餘百畝其深
叵測定惟龍湫又東北八十里之萬頃池是春中
君故居旁有平田萬頃鄉邑諸水源皆出于此

四川名勝志 卷之十九

壬

川名勝志卷之二十

閬中曹學佺始編

遵義道

遵義府 管一州四縣

漢夜郎且蘭二縣地屬牂柯郡唐貞觀始置郎州
尋改播州乾符中沒于南詔太原人楊端收復之
遂世其土為播州安撫司元陞宣撫司 國朝改
宣慰萬曆二十六年楊應龍反蕩平改府取唐邊
義軍之名○漢書唐蒙上書說武帝曰竊聞夜郎
國所有精兵可得十萬浮船牂柯出其不意此制
四川名勝志 卷之二十
越一奇也上乃拜蒙為中郎將從巴笮關入見夜
郎侯厚賜諭以威德約為置吏夜郎傍小邑皆貪
漢繒帛以為漢道險終不能有也廼且聽蒙約還
報乃以為犍為郡發巴蜀卒治道自犍道指牂柯
江司馬相如又往諭意皆不聽命數反叛及南越
反上使馳義侯同犍為發南夷兵且蘭君乃反殺
使者會越已破引兵誅且蘭遂平南夷○唐書云
天下山河之象在乎兩戒南戒自岷山迤邐及北
地上郡西南至巴蜀漢中東及牂柯今遵義之區
雖四塞為固而襟帶之脉則牂柯江水矣○遵義

經云其俗敦龐淳固以耕植為業鮮相侵犯天
資忠順悉慕華風○元史地里志云夷夏雜處遵
文教守禮法夷椎髻披氍毹以射獵伐山為業信巫
鬼好詛盟累世為婚姻以銅器毬刀弩矢為禮燕
樂以鑼鼓橫笛歌舞為樂會聚貴漢服出入負刀
弩交易與華人不侵○祀典攷云蜀郡守李冰去
其地殊遠閬郡嚴祀之以六月二十四日誕唐經
畧安撫趙延之按部終于壁山亦遙祀焉以七月
十二日誕

遵義縣 附郭

四川名勝志 卷之二十

與郎州全時置初名恭水旋改而為今名即元之
播州鎮撫也 國朝改長官司萬曆間平楊酋改
置○志云碧雲峯在縣治西四峰並峙中央迥出
青碧如雲按神君張亞播州玉皇碑云城西碧雲
峰下公府西北隅夷衍清勝隱然神仙窟宅即此
○城外桃源洞石乳天垂見者眩目有美哉亭沈
德元詩云亭跨桃源石溪山真美哉笑同今日上
醉去幾時來環野誰堪據寸心當自裁丈人千古
意倚望一銜杯○四夷傳宋淳熙中遷遵義軍于
穆家川川源出龍巖山流經湘山一名湘川李白

洛陽才子謫湘川卽指此白詩又云石筍如掉
筆懸于山之巔誰謂不平者與之書青天今樓山
關石筍參天是白題詩處也○志云海龍圖爲恠
酋穴壘距今治北三十里四面斗絕後有側徑僅
一線許雖被官軍攻破今人尚不知通于何所故
老相傳昔白龍太子據此今爲白龍寺又城外福
光寺有銅佛像初人見之荒莽中欲取者再風雷
輒作不敢近有異僧率土人齋戒乃得之今在寺
中供養又有龍山鐘黑達樹皆異物也播平鐘爲
水西待去樹猶存○城北門有廖孝廉故宅城東

四川名勝志

卷之二十

三

郭有二冉故宅司北有苗齋卽故宅按齋卽太廟
執事之官也人代未詳寰宇記謂齋卽水源出蒿
菱里楚米陂經小溪里入瀘江本此二冉宋末播
州名士冉璉冉璞有文武才前後辟召皆不赴余
玠安撫四川築招賢館兄弟往謁玠與分庭抗禮
久無所試使人窺之惟相對據地以堊畫地爲山
川城池狀因獻城釣魚山之策玠嘉納之廖孝廉
事不可攷○寰宇記云貞觀九年分并柯比界置
郎州領恭水高山貢山柯盈邪施釋鷲六縣十一
年省十三年又於其地置播州取播川爲名仍復

六縣其明年改恭水爲羅蒙縣高山爲舍月縣貢
山爲胡江縣柯盈爲帶水縣邪施爲羅爲縣釋鷲
爲胡刀縣十六年又改羅蒙爲遵義縣二十年以
夷州之芙蓉耶川二縣來屬○志云舍陵山在縣
東四十五里夷牢水西自帶水縣來東流經縣北
一里又屈曲南流入廢胡刀縣界帶水源自舊縣
西大山東流經帶水縣城北又東流至廢胡刀界
注胡江水按唐永徽中廢帶水縣在府北三十里
宋大觀建遵義軍于白綿堡亦在府北三十里似
同一地○隋楊素贈薛播州詩凡十四首卽薛道

四川名勝志

卷之二十

四

衡也道衡汾陰人少孤專精好學甚著才名隋高
祖除爲內史累遷上儀同其爲播州疑在煬帝之
世詩云在昔天地閉品物屬屯蒙和平替王道哀
怨結人風麟傷世已季龍戰道將窮亂海飛羣水
貫日引長虹干戈異革命揖讓非至公○唐韓愈
作柳宗元墓誌畧云初子厚自柳州召至京師而
復爲刺史也中山劉夢得禹錫亦在遣中當詣播
州子厚泣曰播州非人所居而夢得親在堂吾不
忍夢得之窮無辭以白其大人且萬無母子俱往
理請于朝將拜疏願以柳易播雖重得罪死不恨

邇有以夢得事白上者夢得于是改刺連州嗚呼士窮乃見節義今夫平居里巷相慕悅酒食遊戲相徵逐詡詡謠笑語以相取下握手出肝肺相示指天日涕泣誓生死不相背負真若可信一旦臨小利害僅如毛髮比及眼若不相識落陷穽不一引手救反擠之又下石焉者皆是也此宜禽獸夷狄所不忍爲而其人自視以爲得計聞子厚之風亦可以少愧矣

桐梓縣

華陽國志夜郎郡古夜郎國也屬縣二千戶治夜

四川名勝志

卷之二十

五

懷

郎縣有邇水通廣鬱林有竹王三郎祠甚靈響劉敬叔異苑云漢武帝時夜郎竹王神者名興初有女子浣于邇水見三節大竹流入足間推之不去聞其中有號聲持破之得一男兒及長有才武遂雄夷獠氏自立爲夜郎侯以竹爲姓所破之竹棄于野卽生成林王嘗與從人止石上命作羹從人曰無水王以劍擊石泉便湧出今竹王水及破竹成林並存○後漢使唐蒙開牂柯郡斬竹王首夷獠咸訴以竹王非血氣所生甚重之求爲立後太守吳霸以聞帝封三子爲侯死配食父廟今夜郎

縣有竹王三郎祠是其神也志云夜郎里有竹王洞是其故處○後漢書曰夜郎臨牂柯江江廣百餘步足以行船唐蒙發巴蜀卒治道自犍道抵牂柯江卽此地牂柯者江中山名也晉永嘉二年分牂柯置夜郎郡兼牂牁州其屬縣有梓潼思王恩渝底水按梓潼卽今之桐梓縣矣○志云編戶夜郎里有李太白故宅白坐永王璘之禍南流于此按蔡寬夫詩話云太白之從永王璘世頗疑之唐書載其事甚畧亦不爲明辨其是否獨其詩自序云半夜水軍來潯陽滿旌旗空名適自誤迫脇上樓船從賜五百金棄之若浮煙辭官不受賞翻謫夜郎邊以此觀之則太白豈從人亂者哉○太白集有夜郎題蔡葉云慚君能衛足歎我遠移根白日如分照還歸守故園流夜郎聞酺不預詩云北闕聖人歌太康南冠君子竄遐荒漢酺聞秦鈞天樂願得風吹到夜郎寄內詩云夜郎天外怨離居明月樓中音信疎北雁春歸看欲盡南來不得豫章書流夜郎贈辛判官云昔在長安醉花柳五侯七貴同杯酒氣岸遙凌豪士前風流肯落他人後夫子紅顏我少年章臺走馬着金鞭文章獻

四川名勝志

卷之二十

六

懷

麟殿歌舞舞羅氏珥珥與君自謂長如此寧
知草動風塵起函谷忽驚胡馬來秦官桃李向胡
開我愁遠謫夜郎去何日金雞放赦回寄章南溪
水云胡騎馬驚塵沙起胡雛引馬天津水君爲張
掖近酒泉我竄三巴九千里天地再新法令寬夜
郎遷客帶霜寒西憶故人不可見東風吹夢到長
安○古夜郎城在桐梓驛二十里有碑坊字剝蝕
明楊慎元夕桐梓驛詩云載石派峰古驛門青羌
吹笛報黃昏三家村裏無燈火千樹梅花作上元
夜郎曲云夜郎城桐梓源東堞壘平村民如野鹿

四川名勝志卷之二十

二

王

猶說翰林名夜郎溪柴木陰中半景西漁舟投樹
宿水鳥遶花啼夜郎歌漢宮曾取教秦娥竹枝傳
窈窕楊柳轉猶雛○夜郎里有廢扶歡縣址按寰
宇記扶歡縣唐貞觀十七年與榮懿縣同置以縣
東扶歡山爲名也唐書貶韓偓爲榮懿尉卽此地
又有廢漆溪郡寰宇記漆州土地所屬與夷州同
亦貞觀十七年置天寶元年改爲漆溪郡又有廢
鼎山縣在治西十里不知何代設城壘猶存

眞安州 領仁懷綏陽二縣

圖經云本夷州之境與黔思犬牙其地山溪疎秀

南川武隆彭水接壤○寰宇記云唐貞觀十七年
廓開邊夷置播川鎮後因其處有降珍山乃以爲
爲珍州取山名也長安四年改舞州開元十三年
又改鶴州十四年復爲珍州宋乾德四年刺史田
遷上言自給賜珍州郡名已來連遭火災乞改州
名詔改爲高州尋以嶺南有高州加西字元復爲
珍州僞夏明玉珍避諱因改爲眞州○始置珍州
時奔置夜郎麗臯樂源三縣其縣并在州側近或
十里或二十里隨有舍用處爲寄理移轉不定按

四川名勝志卷之二十

八

王

珍州有麗臯白崖思義安定壽山五堡官軍所駐
也夜郎今桐梓縣樂源廢縣在治西六十里有樂
源書院漢尹珍建又云尹珍以俗敦稼穡併建務
本堂○州境有東松西松豹子羅蒙四山按二松
俱在州南三百二十五里豹子在州北八里山多
產豹故名羅蒙在州西南三百里唐志有羅蒙縣
言此山高遠可瞰羅蒙也○勝覽云三江去州三
十里卽明溪又曰虎溪也思溪在州西北百八十
里出南平軍與明溪合又有貫珠溪在今治西八
十里源出虹轉山下屈曲會合爲三江云○白鳩

亭在古城相傳楊六郎憩處有三塊石足迹猶存
按六郎宋太原楊業之子楊延昭也事跡不可攷
○偽妄僭號其將江中立築城以守卽舊州城定
真州將鄭昌孫據石城扼之今南山寨是也天兵
初至昌孫執中立以獻命得世其地焉按平橋之
後真州始加安字州判官有鄭駱二姓鄭卽昌孫
後也駱氏未詳方輿勝覽云宋徽宗時大駱解上
下族帥駱世華駱文貴等獻地立珍州亦曰樂源
郡或卽駱之始云

仁懷縣

四川名勝志卷之二十

九

寰宇記云芙蓉縣唐貞觀五年置屬邛州屬安
州十六年牢州廢改屬夷州又改屬播州初置在
芙蓉山上後移于縣東南三里芙蓉江側此芙蓉
縣之所由名也○仁水在縣西南一里東南流注
邛水此仁懷縣之所由名也○圖經云廢合月縣
在城東南九十里唐貞觀九年於縣理置高川縣
旋改爲合月縣以界內合月山爲名沿陵江在其
東九十里○廢胡江縣在城東南四十里貞觀
年於縣置貢山縣旋改爲胡江縣以界內胡江爲
名有巴水在其南三十四里○廢羅爲縣在縣西

二百里貞觀九年置邛施縣旋改爲羅爲縣以
羅爲水爲名水源自縣西百里羅爲山出流
經縣南又東流至胡江入沿陵水顯慶五年廢城
址猶存○廢胡刀縣在城西南五十里貞觀九年
置釋縣旋改爲胡刀縣因胡刀水爲名水在縣南
一里東流合胡江開元二十六年廢

綏陽縣

寰宇記云夷州義泉郡理綏陽縣在漢爲牂柯郡
境歷代恃險不聞臣附隋大業七年始受招慰置
綏陽縣屬明陽郡今寧夷縣西北八十里舊明陽
四川名勝志卷之二十

郡是也唐武德四年罷郡置夷州於思州寧夷縣
領夜郎神鳳豐樂綏養雞翁伏達明陽高富寧夷
思義丹川宣慈慈岳十三縣六年廢雞翁縣貞觀
元年廢夷州仍省夜郎神鳳豐樂三縣以伏達明
陽高富寧夷思義丹川六縣隸務州宣慈慈岳二
縣隸溪州綏養縣屬智州四年於黔州都上縣復
置夷州六年復分置雞翁縣十一年以義州之綏
陽黔州之高富二縣來屬其年又自都上縣移于
今理領綏陽都上高富雞翁四縣十七年又以廢
牢州義泉洋川二縣來屬大寶元年改爲義泉郡

乾元元年復爲夷州按今貴州石阡府所轄多係夷州地以綏陽爲舊理所故詳及之○圖經綏陽縣有波利山在治北二十里有安微水一名派微水西自綏陽故縣來東流經縣南八里又東入都上縣界涪江水在縣東十八里南流注安微水○縣北十里碧霄洞濶數十丈懸石嶙峋天成萬態如刻如畫又二十里有三漲水卽羅甘溪也其源出于古井每辰午申三潮不爽焉○古蹟攷云趙家里之望魚樓旁有三撫墓按楊酋家廟碑三撫姓趙氏鄱陽人乾符初播有白龍太子之亂其

四川名勝志

卷之二十

土

上

父當寨團練使偕楊祖平之遂挿草爲標于杉木堂入籍而生三撫旣長有神異讀書於避水鎮嘗騎馬歸轡下拖砂石兩片今趙廟前上馬埕是也刻有壬戌年等字墓存廟後二十丈許有隙可窺見其槨以鉤懸去地二尺許○朗水里之溪源地有柳宗元書院按子厚以柳易播尚未得請不知何以有祠曰重其義也

四川名勝志卷之二十終

四川名勝志卷之二十一

閩中曹學佺能始著

下川南道

叙州府

在省城東南
一千二百里

領縣十

本西漢犍道地梁武帝使先鐵計定夷獠乃立戎州以鐵爲刺史至宋徽宗紹聖四年戎倅蘇時上書曰今車書同聲敎一而州名戎夷其名也請改之始易爲叙州取西戎卽叙之義

宜賓縣

附郭

四川名勝志

卷之二十一

一

力

唐之義賓縣也取其慕義來賓矣宋開寶中改義爲宜以避太宗諱云○漢朱提縣隋開邊縣俱在馬湖江側與犍道接壤蜀郡郫縣宋宣化縣俱在夷牢山下與義賓接壤○水經云江水又東南過犍道縣比若水淹水從西來注之華陽國志云犍道縣治馬湖江會輿地廣記云馬湖之上源曰若水出旄牛徼外南徑三縫淹水注之又東逕越嶲之馬湖縣爲馬湖水又東北至朱提縣與瀘水合至犍道入大江○夷裔考云犍人者其先世本平人有罪貶遠方以棘園之故其字從棘從人漢制郡縣有蠻曰道故曰犍道其俗每歲六月二十四

日爲星回節競舉火把盈野居傍城郭與漢人無異水經注引地理風俗記曰樊人夷中宸仁有仁道故字施而秦紀所謂樊人之富也者其邑漢高后六年城之武帝感相如之言使縣令南通樊道費功無成唐蒙南入斬之乃鑿石開閣以通南中迄于建寧二千餘里山道廣丈餘深三四尺其鑿之迹猶存王莽更曰樊治也○郡國志云樊在施夷中宸賢者多以荔枝爲葉園植萬株歲收百五十斛益州記云荔枝潭在樊道縣山頂有一冢惟生女貞樹樹上常有白猿棲息古謂之玉女冢志

四川名勝志

卷之三

二

九

云卽峰巖也在宜賓縣西百里山坡荔枝連袤今多屬廖氏黃魯直詩廖致平家綠荔枝卽此○圖經云樊道縣故址有三漢武帝時在中方鄉卽今西南與長寧界及唐太宗徙于蜀江之右二江口卽今府治武宗會昌中以大水復徙于蜀江北岸卽今舊州○西漢樊道爲武帝遣唐蒙鑿石以通南中者今石門是也志云石門江在府西南百二十里俗呼橫江又名小江唐書韋臯傳石門卽隋史萬歲南征之道古有詩云石城門峻誰開闢更鼓誤聞風落石界天白嶺勝金湯鎮壓西南大半

本傳萬歲入南中見諸葛亮碑銘曰萬歲後勝我者過此○方輿勝覽云蘭山在樊道縣界蘭生于深林石門尤多有春蘭秋蘭崇蘭鳳尾蘭蘭石蘭諸名春蘭花生在葉之下崇蘭花生在葉之上黃魯直幽芳亭記云一幹兩三花而香有餘者蘭一幹十數花而香不足者蕙○水經註云樊道縣有蜀王兵欄其神作大難江中岷峻咀險不可穿鑿李冰乃積薪燒之故其處懸岷猶有赤白玄黃五色照水魚從楚來至此而止言其岷岷不更上也志云郡西比二十里朝陽岷是○華陽園

四川名勝志

卷之三

三

九

志有孝子隗通爲母汲江齋水天爲出平石于江中今石在馬湖江口○益部耆舊傳曰張員妻黃氏女也名帛員乘船覆沒求屍不得帛至沒處灘頭仰天而歎遂自沈淵積十四日帛持員手于灘下出時人哀之語曰符有先緒樊有張帛者也○寰宇記云樊道縣有貞婦石在縣七里舊州岸古老相傳昔有貞婦夫沒無子事姑甚孝姑抑使嫁竟不從終姑之世身沒所居室有一大石湧出夜人號爲貞婦石○黃魯直跋王荆公書云熙寧中金陵丹陽之間有盜發冢得隱起軀于冢中識者

買得之讀其書蓋山中宰相陶隱居墓也其文尤
高妙王荆公常誦之因書于天慶觀齋房壁間黃
寇遂以入石于常欲摹刻于樊道有李祥者聞之
欣然斲石來請斯文既高妙而王荆公書法奇古
似晉宋間人筆墨此固多聞廣見者之所欲得也
李君字聖祺樊道人喜炎黃岐雷之書嗜好酸醎
與世殊絕嘗從軍得守國子四門助教歸而杜門
家有山水奇觀教諸子讀書而宴居自如從其所
好不喜俗人一再見輒罵絕之○朱提漢舊縣屬
犍爲郡東漢犍爲郡屬蘇林云提音時晉太康

四川名勝志

卷之三

四

地志云章武元年先主以犍爲屬國爲朱提郡鄧
方爲都尉先主因易名太守領漢陽等五縣朱提
縣治有千秋池今府西南六十里之朱提山山下
有大池曰瑞蓮池是也又有朱提村即今立郡處
諸葛武侯云漢嘉金朱提銀采之不足以自食古
志云朱提西猶有鴛鴦以南則無矣○按瑞蓮池
在今治馬湖江側故老傳云江有石生魚常遊聚
漁者甚利之一日獲巨鯉衆分食之翌日又至然
見江中有三石室各長丈許廣七尺人咸異之顧
見對岸石亦有二穴如鑿去者其長短與此無異

而向之食魚者所居皆陷沒爲地矣巨鯉蓋龍子
也華陽國志云崩江多魚卽此○開邊縣在邛崃
南六十里亦樊道地隋開皇六年于此置縣以開
拓邊疆爲名有大黎山小黎山在其縣界四時霖
霖不絕俗以爲大滄天小滄天其諸山自嘉州以
來每峰相接高低隱伏奔走三峽石狀難名按卽
今之開邊鄉地○義賓縣本漢南安縣地犍爲
郡屬諸葛亮南征于此置郡郡屬後改爲郁郅縣
唐開元十七年爲義賓縣後移于狼川卽今理也
○宣化縣在宜賓縣境本唐之義賓宋之宣化今

四川名勝志

卷之三

五

省入者舊址在當縣之宣化鄉○水經注云存水
出犍爲郁郅縣王莽之孱郪也夷率雍閭繫馬于
柳而柳成林故曰存馬志云縣西北百六十里爲
郁郅灘○蜀志補遺云可無山古宜賓縣也今訛
名可盧○方輿勝覽云夷牢山在宣化縣南夷人
祭社于此飲酒歡樂夷語以牢爲樂故也二蘇有
適宜賓見夷牢亂山詩○輿地紀勝云宣化縣南
山叢秀中一峰突出爲菩薩頂故老常見聖燈碑
目云宣化上流三十里吳季成所卜築在山之阿
有山谷老人所書盤谷序虔州學記碑刻○志云

魚池在府西北百七十里故宣化縣東宋皇祐間張侁記○碑目唐都督李通破賊碑在郡南百里今亦殘缺又云唐古戎道記在郡治之對天姥山崖壁間筆畫勁正乃乾封二年詹君秀修復此道爲之記并書○定謗湖碑在戎州城外有唐人所立碑曰山蒼蒼兮煙際橫波渺渺兮湖水平其餘漫滅不可考○縣有張儀同城古老相傳以爲張儀同祠也碑文闕落不知何義○魏霍山集有樊道諸葛武侯碑又有蒼馮叙州邦佐謝武侯廟碑啓○勝覽云敘州有東州道院在治內有墨妙

四川名勝志

卷之三

六

上

亭貯黃庭堅筆跡○杜甫宴戎州楊使君東樓勝絕驚身老情忘發興奇坐從歌妓密樂任主人爲重碧拈春酒輕紅擘荔枝樓高欲愁思橫笛未休吹劉兼重陽感懷重陽不忍上高樓寒菊年年照暮秋萬疊故山雲總隔兩行香淚血和流黃茅莽莽連邊郡紅葉紛紛落釣舟歸計未成年漸老茱萸羞戴雪霜頭○城東一里花臺寺卽今壽昌寺也東殿石壁露立大像其地內外石間鑄有萬佛卽刺史張九宗撰記處○東山在城東門外有報恩寺塔高二百人南望七星山七峰圍秀狀若連

珠卽南山也○西樓在府治西南隅宋陸務觀詩畫船衝雨入戎州縹緲山橫杜若州須信時平邊堠靜傳烽夜夜到西樓○韋南康紀功碑在江西舊州治岸溉元和五年刺史張九宗立碑陰載南康謝表大半磨滅又云唐黎幹墓表在州西岸石馬溪之上今石馬尚存○馬鳴溪在府西十九里俗稱龍馬溪源出慶符之西會馬湖水達于蜀江昔土人鄭氏牧馬于溪上產龍駒四蹄利爪朱驤賴尾尚可七尺州將聞之以貢行在所載至溪口懷貲長鳴躍于江溪因以名○又里許爲滇池一

四川名勝志

卷之三

七

上

名天池一名波凌池其池長五十里濶七里風吹一動波浪凌山中有菱荷按秦惠王破滇池始通五尺道者卽此也志云滇池與天池相連大者廣一里長五里小者廣一里長三里其中有石橫亘南比如橋梁狀往來由之唐韋臯天池晚棹詩雨霽池塘生意足花間誰詠採蓮曲舟浮十里菱荷香歌發一聲山水綠春煖魚拋水面綸晚晴鷺立波心玉扣船歸載月黃昏直至更深不假燭○又三十里爲師來山在江水濱昔有浮舟者見空中飄然降一道人止于峰頂土人呼其處爲師來山

○城南姜維屯一峰突起其頂步平相傳伯約屯兵于上○無等院在府南門外魯直以元符間寓居作橋木寮歿灰庵今猶存其寺額亦魯直筆陸務觀詩文章何罪觸雷霆風雨南溪自醉醒八十年間遺老盡壞堂無壁草青青○李嘉謀記紹興初章蔡用事山谷以前史官得罪安置黔州二年移戎州方公之遷以涪州別駕因自號爲涪翁放浪山水間初不知有遷謫困窮之意城南有溪公遊而樂之命曰涪溪其後溪山悉以是名○志云舊戎州南門外里許金魚井山谷品其水爲第一

四川名勝志卷之三

八

○鎖江在城北兩岸大石屹立因置鐵絙橫截其處控扼夷恙黃魯直鎖江亭酌酒詩西來雪浪如魚烹兩崖一葦乃可橫酒盃未覺浮蟻滑茶鼎已作蒼蠅鳴○魯直又有安樂泉頌云鎖江安樂泉爲夔道第一姚君玉取以釀酒甚清而可口食之令人安樂故予兼二義名之曰安樂泉并爲作頌姚子雪翅杯色爭玉得湯郁郁白雲生谷清而不薄厚而不濁甘而不噉辛而不螫○城北二里鬱姑臺相傳宋楊仙遇鬱姑于此○蘇溪亦在府北二里以蘇子瞻常遊于此故名○自府治泝流十

里有前後潭瀑布懸崖千尺而下又有水簾洞在治北十五里瀑布瀉出兩峰間垂數十丈如珠簾狀其側有亭黃山谷扁曰奇觀○府北百二十里真溪源出于南山舊有姓真者居之今爲真溪驛又五十里爲泥溪有阿泥者居其傍故名今之月波驛是○味諫軒在府治北宋岳珂程史云戎州有蔡次律者家于近郭黃廷堅嘗過之延飲小軒檻外植餘甘子數株因乞名題曰味諫軒後王子予以橄欖遺之庭堅詩方懷味諫堂中果忽見金盤橄欖來想其餘甘有承葛苦中真味晚方回○

四川名勝志卷之三

九

黎幹墓在府治西唐玄宗時人精于星緯墳前石馬見存

南溪縣在府城東一百二十里

漢地理志武帝太初元年置南廣縣隸犍爲郡蜀志後主延熙中立爲郡以常竺爲太守元和郡國志晉分朱提郡置南廣縣齊郡廢後周于此置南武成隋改龍源成又改爲南溪縣在夔道之南○水經注云自夔道至朱提有水步道有黑水羊宮水二津俱險極難行政行人語曰猶溪赤木盤蛇七曲盤羊鳥籠氣與天通禹貢華陽黑水惟梁州

註云出南寧州南廣縣汾關山北至焚道縣入江
一名皂水矣○郡國志云犍爲郡故城在青衣江
七里舊經云青衣江去南溪縣南十五里有古有青
衣國與敘州相隣其人因賈至蜀見漢衣冠遂求
內屬因以名焉其地名龍騰溪卽隋之龍源戍今
之龍騰驛是也○按青衣蜀中見者凡三其一在
漢嘉者卽大渡河所經漢書公孫述僭據青衣人
不賓是也其一在青神者以蠶叢衣青而教民農
事人皆神之是也其一在當縣以古有青衣國慕
義來賓云○志云龍騰山半有洞深四丈李八百

四川名勝志

卷之五

十

所鑿額鐫曰李公洞八分體字畫道勁可觀洞前
有折梅亭宋楊萬里詩李真宅子故依然道院西
偏石洞前一日身遊八百里三番花落九千年○
龍騰山下有岑參別業參從明皇幸蜀尋守嘉州
國朝成化中掘得斷碑有南溪州三字傍題嘉唐
詩人岑參別業自爲詩曰結屋依青嶂開軒對翠
嶺樹成花兩色溪合水重流竹徑春來掃蘭櫺夜
不收逍遙自得意鼓腹醉中遊○溪北有橋曰黃
渡魯直每遊龍騰山必經此橋故名唐韋莊南溪
詩大江西面小溪斜入竹穿松似若耶兩岸巖風

吹玉樹一潭明月照銀砂因尋野渡逢漁舍更泊
前灣上酒家去去不知歸路遠棹聲烟裏獨嘔亞
蘇軾南溪對雪南溪得雪真無價走馬來看次未
消獨自披榛尋屐跡最先犯曉過朱橋誰憐破屋
眠無處坐覺村居語不驚惟有暮鴉知客音驚飛
千片落寒條○寰宇記云馬湖江從州西南流出
東郭與蜀江合諸葛武侯五月渡瀘則此水之上
流也○郡國志云乞子石在馬湖南崖東石腹中
流出小石西石腹中懷之焚人乞子于此有驗因
號乞子石其石有二夾青衣江樹對立如夫婦古
四川名勝志

卷之五

十一

老相傳東石從西乞子將歸○魚見津按郡國志
云南溪縣西三十里有津津南有鴛鴦圻是也鴛
鴦圻者以烈婦黃帛得名詳見焚道今縣有帛廟
子在飛霞閣西阜上阜有飛霞井嘗有赤虺自井
中貫日觀者如堵因建飛霞閣焉○祠廟記云南
溪琴山有忠烈廟祀漢犍柯太守陳立廟中有制
祠古碑張鼎修所記負山濱江地勢險阻○志云
治西彈琴臺唐楊發彈琴于此瘞琴其下父老言
每夜靜人或時聞琴音發亦家于此有詩云琴臺
住來久山深不置門草生垂井口花落擁離根入

將鷓鴣鳥板羅抱子猿曾逢異人說風景似桃源
○隔江琴山橫洲渚間其狀如琴俗云無微則琴
不鳴元時熊萬戶者乃聚土爲之依巖開鐫刻羅
漢諸像以成其勢○輿地紀勝縣東南逾江七里
有隱山唐李涉詩如雲不厭蒼梧遠似雁逢春又
北飛惟有隱山溪上月年年相望兩依依○銅鼓
灘在縣東十里大江之右波浪極險縣治坐乾此
水出辰爲不利近歲灘之上流生石積高十數丈
蔽壅下流水從巖出自是文物稍振○縣西南十
五里平益山山有九隴惟此特出衆山之上頂圓
四川名勝志卷之三

圭

似蓋一名瑪瑙山漢真人劉景鶴隱此至魏武時
始跨鶴仙去有石洞深邃不測中有小穴圓如蓋
有水出焉山上有木生葉其紋如篆謂之符葉○
縣西七十五里桂輪山昔涪翁書大桂輪山四字
于其崖壁是山惟中秋見月故名有桂輪山寺

長寧縣在府城東南

輿地紀勝曰漢陽縣今長寧軍也漢書漢陽縣爲
都尉治所註謂武帝南征此山之南皆漢地矣其
曰鹽泉縣曰涪州曰涪井監皆以鹽名○碑目云
長寧志嘉定己卯教授賀寅東序祥符平夷本末

慶曆皇祐平夷略元豐平乞弟本末嘉祐三年給
長寧頭首斗蓋充土刺史詔熙寧七年范中書百
祿書夷文皆有可攷○十道志云長寧涪井監供
輪紫竹按志縣西北七十里古賢鄉宋時鐫峴曰
紫竹山是也方輿引舊郡志今夷衆開菁路父去
竹惟冬斷臂可以入藥○寰宇記云寶屏山縣
之圭山也與械山諸峰相對登雲亭在其山頂
每歲九日登高于此○牛心山在治前山形峯樺
如牛心然硯石溪在牛心山後崖石如磬可以爲
硯○東溪發源白崖山與嘉魚泉合嘉魚泉者去
四川名勝志卷之三

圭

城一里馬鞍山之趾泉激石湧出小魚四時如一
不增不長故以名之邦人釀酒必用山後林及嘉
魚泉斯味甘冽王章嘉魚泉記兵厨之酒冠于東
州矣上有臨流閣流杯池諸勝○縣南一里金龜
山四面平疇中突一阜如龜狀又名松子山輿地
紀勝以其上有波淪殿邑人于四月八日取嘉魚
泉浴佛故名波淪也○介湖在縣治西城下中植
荷菱有西溪發源越王山與桃源溪合此溪相傳
有耕者得一銅版鐫曰小桃源其陰有詩云綽約
去朝真仙源萬木春要知竊桃客定是滑稽人其

水發源筆架山在舊軍城冷水溪上嘉定己巳太守張公市民田種植桃李創置亭榭橋曰仙津洞曰桃源亭曰蒸霞堂曰詒然○萬松嶺在縣城西宋趙使君詩清溪狹逕小橋東春日桃花處處同我爲日長無一事偶然來此聽松風○小離堆在城比岸溪上崇德廟前溪中有怪石似離堆之象因作亭于此榜曰小離堆○燕崖去治北三里許在樓真洞路旁石峰巉巖森列者數百虞易簡有記○縣東西二溪至清井合流名清溪至武寧砦爲武寧溪至安寧砦爲安寧溪○碑曰載王蜀武四川名勝志卷之三

治

曾

卒塋此○治東九十里之凌家崖有水流寺達眺敘瀘之景大江如帶矣○聞見錄長寧軍有鳥名泰吉了能人言一日有夷人將錢五千幣之曰我漢禽也不願入蠻地遂自殺而死今不復產富順縣在府城東北一百八十里華陽國志云江陽富義有鹽井郡國志云劍南鹽井惟此最大舊日爲額八百餘斤今日額千五百餘斤楊光清撫堂記云三榮富順產鹽其地號爲食泉韓子華詩土瘠事刀耕家無終歲蓄所資鹽井利持易他州粟蓋指此宋太宗朝置監有榕齋在監治以榕木名其改富義爲富順以避太宗諱故至治平間始置縣○水經注綿水漸水與洛水會逕牛鞞資中又東逕江陽縣方山下入江按此水至富順神龜山下紮紆向西而去謂之洛源以源出洛通江也後周于此置洛源縣矣謂之金川以綿洛兩三水會于金堂峽也秦時于此設金川祠亦謂之釜川以其盤繞縣治形若釜然○寰宇記云雞足山同心山俱在城東隔水三五里教授錢士開記翠巖絡繹張其前大江縈繞環其下○輿地紀勝云神龜山下有湖常見大龜出小龜從

王

之不可勝數山背有讀易洞里人李昉讀易其中
宋天禧間令附驛以聞不起遂終歸焉○李昌金
川驛記南距戎瀘北走普資舊制等于諸縣嘉祐
以新例擬于列藩本志云金川神廟在縣西二百
餘步有十像莫知姓氏相傳秦惠王時擒鯨治水
有功卽此神也○凌雲山在監西與養秀山相接
大江前橫一峰突兀瑤瑤山亦與凌雲相接西北
諸山惟此最高○西湖在舊監之西相傳有此監
卽有此湖宋皇祐間周侯延雋記仍建亭榭興地
紀勝云西湖周廻三里有洞窈窕昔有入洞者見
四川名勝志 卷之三 去

蜀○西疇在縣西南七里紀勝云由城南絕江而
上西行六七里廣六十畝萬松森列嘉樹離立爲
李氏西疇是公武記云有亭臺齋館泉石花木盤
據一山之上○聖燈山在治西五里碑目云山址
有董孝子墓表云漢益州刺史廣平郡侯董孝子
○中崖山在縣西北二里山勢盤薄林木葱茂有
務隱堂資中趙丞相沂公謁中崖大士或以夢告
明年舉于鄉公爲文記之後人爲建斯堂碑目中
崖普覺院天禧丁丑賜名康定二年翰林學士李
淑撰碑志云中崖以北崖山居左瑤瑤山居右此
四川名勝志 卷之三 去

年李元淵記○縣東九十里柳溝書院宋治平間李文淵建○縣東南五十里臨賦亭宋嘉定間邑人吳永錫建有碑存

慶符縣在府城西南一百二十里

漢南廣縣地屬犍爲郡蜀先主置朱提郡以縣屬焉○華陽國志有漢水入延江本志云漢陽山在縣北八十里諸葛武侯征蠻過此今崖壁上鐫武侯征蠻故道六字猶存○縣有順應廟乃祀馬謖者我明永樂中尚書宋禮奏神有陰助運木之功賜萬貫修葺并有司每歲三月二日致祭○碑目

四川名勝志卷之三

六

晉張麟夫人墓表在縣南百六十里大唐南詔王碑在石門界貞元七年袁滋題云此石門卽隋史萬歲南征之道○志云祥州故址在縣西一里宋置此州仍置慶符來附二縣而南廣廢爲鎮宣和中省州止存慶符縣黃山谷所書戒石銘尚存今來附縣爲來復舖按治界有集慶迎祥二山故州縣名取之

筠連縣在府城西南二百五十里

漢定川寨唐之筠連州也其地南通平部西控烏蒙四山皆竹一色相連故名○志云舊州黃牛山

距縣南三十里高山石壁有人作駝牛狀因呼爲黃牛山○縣西南孔雀溪有孔雀巡簡司土舍主之唐天后時開拓邊境置此土人供輸紫竹爰有筠連之名

高縣在府城西南一百五十里

志云唐高州故址在縣南一百二十里正州鄉縣有宋水勢如之玄卽宋州矣又有騰山常孕霧雨俱在西南五十里外

珙縣在府城西南一百三十里

唐羈縻薩輦二州也薩州今之下羅計輦州今之四川名勝志卷之三

左

羅星渡是○志云治西南五十步卽珙溪也多石似玉民以筒引車入田中得灌溉之利又云落哨山有生成石鼓二石鼓下下有仙洞石乳凝聚如人如獸千態萬狀至洞頂黑質白章如雲如篆○縣北四十里芙蓉山有九十九峰其南二峰突起謂之小芙蓉

興文縣在府城東南三百四十里

戎州故址在寧遠坊之西唐晏州羅陽郡領思峨柯陰新賓扶來思晏多岡羅陽七縣今皆屬夷縣南五里有南壽山宋時夷酋卜漏據山爲砦一豆

一盤數有五斗故名五斗夷又十五里有丹霞簪
旦暮霞彩浮于木杪云○按當縣本名戎我萬曆
元年改今名取偃武興文之義

隆昌縣在府城東二
百四十里

古昌州地隆慶改元置縣理隆橋驛因兼二義而
取斯名予在蜀問諸劉給事有金鷺洞焉溪水東
來遶城西折里許孤山柱立水環其趾下爲懸崖
壁立千丈飛流下墜常時如匹練如散珠及至溪
水暴漲倒立懸垂雷聲衝激聞數十里細霧麴塵
飛洒千步亦奇觀也峭壁有洞方廣丈許人跡難
四川名勝志卷之三十一
至疑鬼工所鑿名曰金鷺不知所本俗傳有藏金
鷺其中或以銅鷺換之故又名換鷺洞其編戶亦
有換鷺里

四川名勝志卷之二十二

閩中曹學佺能始著

下川南道屬

馬湖府在府城西南
一千一百里 領縣一長官司四

漢牂柯郡地界有龍馬湖郡名取馬唐爲羈縻州
四總名馬湖部至 國朝始設府按龍湖去郡三
百里四圍皆峻崖長二十里廣七里中有堆如螺
髻去大江二里其水與江同消長日夕作潮相傳
有龍馬見于此○四夷考云馬湖江發源西蕃流
至打冲河入會川衛與安寧河合經雲南與浪滄
四川名勝志卷之三十一
河合至武定與金沙江合經東川烏蒙始達于蠻
夷司界經府前流出與敘州江合○志云馬湖鎮
舊城唐乾符中高駢築按馬湖所轄地漢之營縣
平夷縣唐之瀉浪川沐川寨也漢書營有不狼山
營水所出隋志平夷縣有桃津宋史寇賊祥符中
爲轉運使多剛夷斗望叛城集瀉浪刺史簡松李
紹等平之

屏山縣附郭

萬曆十七年置取城東十里寶屏山爲名以山四
周如屏障也○赤崖山在城東北三里其色常赭

因名○鏡山在城西三十五里山下有泉澄清如鏡乃以名山○治西三百八十里雷峯山隋史萬歲南征過此書雷峯山三字鎮于石壁山中有毒經過牲畜必籠其口行人亦須緘默若或吐聲雖冬月必起雷霆

泥溪長官司 附郭

以城西二里泥溪水為名源出舊義興縣界流入馬湖江與寶屏山之渥溪水合○司東有白崖神祠唐初開夷部時所建

平夷長官司 在府城東南四十五里

四川名勝志 卷之三

司城外有隆馬山以形似名○書樓山在司治東嶺上疊石類書卷然其編戶亦曰書樓里○大汶溪小汶溪俱在司東南源出烏蒙府鐘灘流入馬湖江

蠻夷長官司 在府城西南百八十里

大鹿山在司東南二十里山谷深邃多產麋鹿因名○小捍山在司西北一百里而遙葛溪之水出焉與大鹿溪水俱流入馬湖江○馬湖江在司治前源出沱黎龍馬湖水注之江中崖石赤白二色映水玄黃魚從此而上畏崖五色狀其水而止

沐川長官司 在府城西南百二十里

青孤山在司東十里以山四時蒼翠亭亭而獨立也南現山夷都山俱在司北沐川源出夷都司名取此○龍馬山在司西北六十里山頂有潭嘗有龍潛于此芭蕉溪之水出焉流入馬湖江○神木山在司治西二十里有神木山祠 國初未樂四年工部尚書宋禮建時採獲楠木百株皆異材也欲伐方畢山水忽湧木自流出以為山川效靈云○沐川古碑唐垂拱三年玉津令馬元度等破馬湖夷紀功者宋張商英沐川寨記畧云南蠻東也四川名勝志 卷之三

四川名勝志 卷之三

接境常挾吐蕃以為中國患蓋其路一出大渡河一出沐川源一出馬湖江其狹邪之徑曰榮涇曰八而箐曰黑水曰中鎮曰賴因曰龍水曰陰川而沐川之路常為嘯集之地也

四川名勝志卷之二十三

閩中曹學佺能始著

下川南道屬

瀘州

直隸布政司

領納谿合江江安三縣

漢江陽縣志曰魏武屯漢中諸葛亮出屯江陽是也水經曰江水又東過江陽南洛水東南注之酈道元註曰江陽縣枕帶雙流據江洛會漢景帝六年封趙相蘇嘉爲侯國○洛水與綿水合至州西方山下謂之綿水口通志云廢綿水縣在綿水溪口汶江水中洲上梁置縣宋省入江安矣○洛

四川名勝志

卷之三

一

水逕資中謂之中江又謂之支江支江水從富義縣鴛鴦池屈曲方至州城與汶川合流又有赤水源從昌州昌元縣界流入去合支江○合江在州治東蜀江與之溪合流處之溪源出仁懷縣其形曲折如之字○悅江在州治東北源出茂縣諾武箐經羈縻悅州因名○思晏江在州治西四里源出古思晏縣○宋江在州治東百步源出大壩兒北洞經宋州故名任汲記云淙流東北貫其隅卽此○李壘西山堂記云郡得名爲瀘者蓋始因梁大同中嘗徙治馬湖口置瀘州蓋馬湖卽瀘水下

流因遠取瀘水以名州也志云宋制置使余玠遷州治于神臂山已在百里外號鐵瀘城元始還故處以瀘川縣省入○勾公權瀘川縣廨記云江陽氣候偏陽夏秋炎燠冬無苦寒每逢蒸溽如傍挹火爐韞○孫義叟修城記瀘控西南諸夷遠逮夔蠻最爲邊隅重地元豐以來用武臣其後始更置儒守錢若水以右贊善拜茲官宋太祖召見于武德殿謂之曰瀘川最近蠻獠尤宜綏撫蓋重之矣○方輿勝覽云整暇堂雅歌堂俱宋時建在郡圃之內○四香亭淳熙中郡守趙公建自題云永嘉

四川名勝志

卷之三

二

何希深之言曰茶蘼香春芙蓉香夏木樨香秋梅花香冬斯名以之○南定樓取出師表語也陸務觀詩行遍梁州到益州今年又作渡瀘遊江山重複爭供眼風雨縱橫亂入流一名海觀侍郎閻蒼舒詩雲南之陰大江東二水奔騰如海衝誰能具此壯觀眼南定樓中今卧龍○水經注江中有大門小門焉季秋之月則黃鱗充瀕也郡國志瀘江水中有大關季春三月黃龍堆沒關卽平昔尹吉甫子伯奇至孝後母譖之自投此堆本苔帶藻與江水出沒忽夢見水仙美樂揚聲悲歌按曹植之

惡禽論韓愈之屢竊操皆指此事志謂州東三里歸子山相傳伯奇溺處○三國董允墓在州治東今名董允壩○東甯在汶江之東紹興中邦人開創大像依崖不足以庇風雨近歲有庖者祁天親死盧舍棄俗奉香火于此崖邦人信之不十年重樓榭屋佛宮經藏甲于境內碑目黃太史大像記醉僧圖碑刻並在此崇之開福寺○州東二十里潭中一小山相傳下有龍窟二水交流清濁不混每春漲其山若浮通志云卽龍馬潭也唐王昌遇落魄仙授以道術比歸售馬送道童于澤前得馬四川名勝志卷之三

得意處乃如戴花美女臨鏡笑春後人亦未易超越紹聖五年五月晦避暑瀘州大雲寺于茂携此書來妄意評之如此○寰宇記云尹吉甫江陽人有祠在城南碑目李沆記周尹吉甫實生此地見于圖經舊矣陳帥損之于報恩觀又作穆清堂祠焉觀鄴道元水經注江陽其間與華陽國志頗類其載揚雄琴清英敘伯奇流放并子安之操附于江陽雄蜀人也其說必有據勝覽云寶山在州城南初名堡子山爲巡簡解陳公損之移解山西建堂其上袁公說友榜其堂曰江山平遠易堡子四川名勝志卷之三

在寶山嶺崑間昔王大過鑿山濟泉榜以茲名○志云州南玄妙觀有紫芳洞唐應靜煉丹于此丹竈石牀尚存有煉丹井亦唐真人酌挹之所又云治南二里茶蘼洞石刻茶蘼洞三字西南有飛雲洞爲唐庚讀書處按于西丹棧人徙居瀘之安夷門外自號魯園先生有文集行世○瑞鹿山在州城南五代周時道士尹希微開棚有白鹿往來山中故名仍建瑞鹿亭于上○龍建關世傳諸葛武侯立距州南七里○方山在州西南四十里又名西峰其山八面下瞰江流有魏武帝廟唐玄宗勅四川名勝志

治平中有女子因病歸省溪漲不能渡忽見一木橫凌水面遂舍生以濟既度失木所在○通志州東北有餘甘渡唐子西瀘川六言云百斤黃鱸鱸玉萬戶赤酒流霞餘甘渡頭客繼荔枝林下人家○拙溪在州東北七里黃山谷過而墜馬自以爲拙呼爲拙溪書大字于石見存○山谷有瀘州中壩葛氏竹林留題云江南黃庭堅自樊道蒙恩放還元符三年十二月道出江安江安宰石諒信道以親親見留作歲筵中靖國元年正月丙寅置酒中壩葛氏之竹林而別○淳熙元年知瀘州李憲進續資治通鑑前編自宋治平以後至南渡以前事凡六十年總爲二百八十卷俱在本州修輯江安縣在州西南一百二十里本江陽縣地晉置縣曰漢安隋兩用之而易今名○漢地里志犍爲之漢陽縣也注曰犍爲郡尉治山有闢谷漢水所出矣今縣南七十里連天山漢水出焉又西南有漢陽山以在漢水之陽也廢漢陽縣當在此二山間○寰宇記云涇灘在縣南三十里灘上有山刺天瀑布飛酒相傳武侯嘗登之地唐涇南縣設焉縣有緇水鄉卽古之緇水縣有

思晏江自古之思晏縣矣○志云有縣市有井市
宋南渡後置南井監在縣東北監有鳳凰山山上
有雁塔刻唐五代以來進士題名○勝覽云偶住
亭在江安縣之對建中初魯直自契道還過邑宰
石詠同遊此亭書琴操後改爲渡瀘亭碑曰瀘州
平夷記熙寧中范百祿撰今在江安偶住亭側志
云北城街有渡瀘碑亭宋時范百祿立自載其平
夷事迹今碑止存篆額熙寧甲寅平夷之記八字
○都巡簡使鄧興陽安濟廟記曰吾邑戎外汶江
流其東南溪匯其左溪上陰崖峭峙草木岑蔚下
四川名勝志卷之三

七

臨深潭蒼黯寒碧有神宅焉號曰五龍○紀勝云
鏡子山在江安縣南五里又名照山一峰中峙兩
峰旁翼二溪交流巷廬梵室金碧交輝旁有二潭
爲龍所居禱旱輒應山有眠雲石龍淵橋瑯瑤崖
磨鍊溪爲一邑勝遊之地○廢綿水縣在綿水溪
口今爲綿水鄉

納谿縣在州城南四十里

宋紹定初割江安之地而立納谿蓋唐羈縻之納
州也納水源自阿朶菴都出唐之羈縻州流至縣
西門與瀘江合○志云縣東一里有樓子山層峰

登嶺若樓閣然三里有撥旗山相傳諸葛武侯暨
旗于此以誓蠻人其遠者爲保子寨倒馬關石虎
關皆通梓柯且蘭交趾諸夷○治西有寺其地產
青白石似玉曰玉林寺治北十里爲舊縣基昔人
掘得銅犧象樽一太和羹盃二爵三貯于學宮○
縣西南有舞鳳山山勢起伏橫開如鳳之舞故名
合江縣在州城東百二十里

符合義通漢符縣也東漢爲符節縣水經曰江水
東過符縣北邪東南歸郫水從符關東北注之酈
道元註曰縣故巴夷地漢武帝建初六年以唐蒙
四川名勝志卷之三

八

爲中郎將從萬人出巴符關者也漢元鼎二年立
王莽之符信矣縣治安樂水會水源南通寧州平
夷郡營縣北逕安樂縣界之東又逕符縣下北八
江漢縣長趙祉遣吏先尼和以未建元年十一月
詣巴郡沒死成濡灘子賢求喪不得女緒年二十
五有二子五歲以還至二年二月十五日尚不得
喪緒乃乘小舟至父沒處哀哭自沈見夢于賢曰
二十一日與父俱出至日父子果浮出江上郡縣
上言爲之立碑○寰宇記云安樂山在縣東五里
八千步羣峰峭拔瀑布千尺天寶六年敕改爲合

江山圖經安樂山在合江西五里三峰俱秀溪流遶其下有石櫃爲行人藏經之所岐而左有爛柯跡後有仙影隱隱在石壁中岐而右歷木楠臺山人屋十二盤至剪刀峽循山有八洞通南崖有石曰許由瓢又有芙蓉城滴水崖白猿洞此三峰之景也黃山谷記云安樂山劉真人飛昇之所真人字善慶初卜居時曰樊道平蓋氣濁而不清江安方山氣清而不秀成山而清秀惟安樂出耳乃居之碑目高唐宗取丹經詔碑賜進經道士詔碑劉真人藏經碑俱在此山志云本山經書峽中世傳四川名勝志

心橫拓壓坤股氣勢西吞夷光芒南定楚雲泉出石竇淋漓灑玉宇煙蘿纏林梢搖拽垂翠組安樂山有天符葉樹一夕大風雨拔去後得於客子山葉如荔支而長上有紋宛如蟲篆或以爲劉真人仙跡蘇子瞻詩大師化去知何日玉印相傳世其珍故國子孫今尚在蒲山秋葉豈能神安樂溪側有呂光廟苻秦時光討李益之亂于此又名登天王祠○縣西南有之溪三遶筆架九遶丁山過月臺迤邐而去○月臺山在縣南五里三溪旋遶山足形如臺面列十二月波上有晉王廟祀唐李克用又五里卽丁山形如丁字倒峙又曰文明丁火文明之象也有丁公廟其碑乃蕭雲時立○趙世延先氏書品記云合江之北有神臂山呀然虛開清竈竦深廣袤百十步飛泉簾垂列巖屏矗嵐光林影映帶左石與塵叩迥隔山之麓卽先氏書品也志云鎮瀘城三里有讀書品父老往往過之聞書聲後神童先汪七歲至其地曰吾讀書故處也遂寢處其中爲九經注元虞集跋云涼國公勲業聞望著于天下我國家之著龜也年七十餘閒居金陵又以文章學問爲吾道砥柱其得于天

而裕于人何其盛哉讀書崖之記序其源委博瞻
考據鄉里晚生後進蓋有不及聞者吾蜀百千年
故家舊族若先氏崖者多有之矣安得一一表章
于元老之手乎然先氏子孫所恃以不朽有不徒
在于崖者矣謝端跋雲端蜀人也流離江漢間幾
十餘年矣某山某水不知幾何所覽讀書崖之記
始知先氏世有賢子孫哉端今老矣行于四方欲
求一畝之居而不可得吾蜀多異人異書何時扁
舟沂江而上從書崖嵐光林影之下求其遺書而
讀之庶幾補過以希前修汝礪其尚不吾却也

四川名勝志卷之二十三終

四川名勝志卷之二十三終

士

周

中央民族
學院圖書館
藏

四川名勝志卷之二十四

閩中曹學佺能始著

上川南道屬

嘉定州直隸布政司在省領縣六

漢犍爲郡之南安縣地治青衣江會應劭注漢書
曰順帝改青衣縣爲漢嘉以公孫述稱帝青衣人
不賓光武嘉之也後魏于此置犍州宇文周始改
嘉州宋寧宗潛邸嘉定府今仍其名爲州○寰
宇記云嘉州治龍游縣隋初伐陳有龍見江水引
軍故名對州治四十有平羌縣本漢平羌戍也後
四川名勝志卷之二十四 一
周置縣旋廢按今州之屬遯運所是龍游縣址今
犍驛是平羌縣址○水經曰江水至犍爲武陽縣
青衣水沫水從西南來合而注之酈道元注云江
水又東南逕南安縣西有熊耳峽連山競險接嶺
爭高河平中山崩地震江水逆流懸概有灘名壘
砥亦曰鹽概李水所平也縣治青衣江會襟帶二
水矣○華陽國志云青衣有沫水出蒙山下伏行
地中會江南安觸山脇涸崖水脈漂疾破害舟船
歷代患之李冰發卒鑿平瀾崖通正水道或曰冰
鑿崖時水神怒冰乃操刀入水中與神鬪至今蒙

福按漢書溝洫志蜀守李冰鑿離堆避沫水之患
晉灼云離古堤字卽此○寰宇記云青衣水發源
自廬山徼外東南流逕嚴道洪雅夾江至龍遊與
岷江合沫水發源大渡河一名犍水自陽山縣流
入江按青衣沫水合流在州西十五里俗名尖山
其下爲紙房楮薄如蟬翼而質堅可久○通志云
嘉定州治在兩川合流之際晉郭璞所定治東有
八卦井卽璞所鑿○水經注云蜀王開明故治也
來敏本蜀論曰荆人鼈令死其尸隨水上荆人求
之不得鼈令至汶山下邑復生起見望帝望帝者
四川名勝志卷之二十四 二

杜宇也從天下女子朱利自江源出爲宇妻遂王
于蜀號曰望帝望帝立鼈令以爲相時巫山峽壅
而蜀水不流帝使鼈令鑿巫峽通水蜀得陸處望
帝自以德不若遂以國禪號曰開明○蜀記云古
夜郎國傳爲一女人浣溪有竹浮下而中啼聲取
而視之則孩也及長呼爲夜郎封竹溪王今治北
三里竹公溪按宋祁荅勸農李淵宗嘉州江上
見寄詩嘉月嘉州路峒峩接畫船山圍杜宇國江
入夜郎天卽詠此事○輿地廣記云漢武帝間夜
郎置犍爲郡漢書地理志夜郎故縣乃屬犍峒郡

如此則今之嘉州犍爲縣遂以爲夜郎國恐失真
○蜀志補弊云嘉州十五景唐貞觀中刺史盧士
理記曰望靈峯曰西嶺精舍曰石梁水曰後壑曰
分溪塘曰桂竹汀曰梭原曰茗岡曰六度潭曰長
林閣曰望山臺曰青菑徑曰山樨園曰石壑院曰
南洲草堂併賦詩刻之石上宋鄧諫從云天下山
水窟有二曰嘉定曰桂林鮮于繪議道堂記云漢
嘉昔負三峩襟帶二江爲西南州最清巋處○海
錄碎事載僞蜀歐陽彬出領嘉州曰青山綠水中
爲二千石作詩飲酒爲風月主人豈不佳哉其後
四川名勝志卷之二十四 三

太守呂昌朝以宋復古所畫八景圖皆天下名勝
懸于州治與相映發蘇子瞻有八咏繼東吳之贈
○蜀都賦云戶有橘柚之園注曰出犍爲南安縣
華陽國志南安有柑橘官社出名茶○寰宇記云
有石碑山亦名海棠山上徧植海棠爲郡守宴
賞之地花譜云海棠有色無香惟蜀之嘉州者有
香○吳中復戒石云嘉州出荔枝輿地紀勝有荔
枝樓愛日色叢抄云宋乾道間陸放翁取家藏前
輩筆札畫刻石置荔枝樓下○方輿勝覽云梨花
山過西津橋五里有百餘樹人遇寒疾取此花食

之卽愈岑參過西津王判官所居詩勝迹不在遠
愛若池館幽素懷者中語宛得塵外遊○蓮花山
在治東八里山陽有溪四時不涸產蓮花爲盛○
樓臺廊榭雅與勝會者曰都督府唐子邵序云犀
灘古地熊羆外虞長空青冥通波萬里○郡齋平
望江山岑參詩山光園一郡江月照千家○曰丁
東院在州學前院有方響洞洞腹有水如環珮聲
黃魯直詩古人題作丁東水自古丁東直至今我
爲更名方響洞信知山水有清音范成大詩隔凡
水欄不可越衆真微步壺中月徙倚令風玉佩聲

四川名勝志

卷之二十四

四

何須聽作筵賓餞自注云漢嘉廣佛院中水洞有
聲琅然莫知其所由來舊名丁東水山谷易今名
且有詩也石介詩云萬樹芙蓉秋色裏千家方響
月明中○澄江樓在憲司左窺龍泓右瞰烏尤高
明爽增得江山之趣宋淳祐間提刑程逢辰摹刻
蘇子瞻書其外祖程公逸事于此○明月樓在譙
樓之右下瞰明月湖郭璞識云鬱姑鬱姑將州對
洛都但看千載後變成明月湖後隋鬱姑將軍始
開此湖也洛都山名在州西五里○曰璧津樓宋
郡守游仲鴻建魏了翁記在治東南隣城爲樓下

瞰江流三峩九頂森列左右○曰萬景樓在高標
山上高標一名高望郡之至山也有弘明觀後周
所創隋大業末方製大殿塑飛天神王像無名氏
記其神異甚詳樓爲宋郡守呂由誠建宇文粹中
記范成大云嘉州城中山上登覽勝絕殆冠西川
余令畫工作圖以歸山谷山谷來游時但有安樂
園未有此樓也後人立涪翁亭在此樓前于是游
觀之勝稱極備焉○曰月榭陸務觀詩試傾萬景
湖亭酒來看半輪江月秋爲同年王子蒼作也注
云傍榭有一巖景趣尤佳子蒼欲作樓未果○其

四川名勝志

卷之二十四

五

曰碧雲亭在石筍之隙楊暉記云石挺出于山旁
高丈有二尺上銳而下廣衆水滙于前左右視羣
山之邐迤若覆孟于地○熊耳平麓據其上流寰
宇記云熊耳水一名熊耳峽古老言武侯鑿山開
道卽熊耳峽東古道也又云平麓縣本漢平麓戍
在榮州應靈縣界深谷茂是也周保定間置縣隋
大業二年獠叛移就大江唐寶曆中又移于開峽
驛道書謂之平麓化山圖經云天下二十四化之
一也有太白亭相傳太白讀書于此黃魯直作亭
其上蘇軾詩云我翁山月半輪秋影入平麓江水

流謫仙此語誰解道請君見月時登樓○石閣堂
溪環遶其趾郡國志云龍游縣有二石閣卽漢武
帝使唐蒙下夜郎置碑目云嘉州舊市鎮石閣上
有唐李德裕領重兵過此九字寰宇記云石堂溪
水在縣東一里源出溪泉流入明月湖亭退入流
花橋注于大江薛能石堂溪詩三面枕漁樵前門
向郡橋岸沙崩橋山徑入茶苗夜擁軍烟合春
浮妓舸邀此心無與醉花影莫相饒○九頂烏尤
桀立捍流方輿勝覽云九頂山在州城左有九峯
曰鳳集棲鸞靈寶就日丹霞祝融擁翠望雲允說

四川名勝志

卷之二十四

六

唐會昌已前峯各有寺今惟存凌雲一寺又名大
像寺開元中僧海通于瀆江沐水濠水三江之合
衝濤怒浪之濱鑿山爲彌勒大像高踰三百六十
尺建七層閣以覆之至韋阜卽蜀積十九年而工
始備阜有大像記墨莊漫錄云嘉州凌雲寺大像
記韋阜文張綽書其碑甚豐字畫雄偉頃于潘義
榮處見之參詩寺出飛鳥外青楓戴朱樓搏壁
躋半空昔得登上頭始知宇宙濶下看三江流天
晴見幾斜如向江上浮迥野煙景豁陰森棕楠稠
願割區中緣永從塵外遊回風吹虎穴片雨當龍

湫僧房雲濛濛夏月寒颼颼迴合俯近郭寥落見
遠舟發槩無端倪天官可淹留一官詎足道欲去
令人愁薛能詩像閣與山齊何人置石梯萬烟生
聚落一崦露招提霽月人來下殘陽鶴去栖從邊
亦已極烽火是沉黎司空曙詩春江古寺遠滄波
石磴盤空鳥道過百丈金身開翠壁萬龕燈焰隔
烟蘿雲生客到侵衣濕花落僧禪覆院多不與方
袍同結社下歸塵世竟如何宋陸務觀有泉鏡自
涵螺髻綠浪花不犯寶趺塵之句自注云一泉泓
然正在髻下每歲水漲不能及佛足□碑目凌雲

四川名勝志

卷之二十四

七

山麓有唐放生碑山頂有清音亭邵輅記云天下
山水之勝在蜀蜀之勝在嘉州嘉州之勝在凌雲
寺寺之南山又其勝也蘇子瞻名其亭曰清音又
南山之勝也其下有治易洞東坡磨崖大字云聖
作易晦其數劉傳吳識易祖蓋謂郡守吳秘得之
于劉牧耳○紀勝云烏尤山一名離堆山在九頂
山之左舊名烏牛突然水中作犀牛狀至山谷題
涪翁亭始謂之烏尤又名烏龍郭璞移水記曰世
主播遷戎羯亂華于是優游笑傲放意山水間乃
于嘉州城東百步烏龍山鑿書巖焉蘇子由詩亦

捐其注爾雅于此史謂璞無入蜀之文按移水記有嘉州二字則似非璞手筆恐後人之附會耳蓋嘉州之名始于後周而自周已前止曰漢嘉郡曰龍游縣耳安得所謂嘉州哉子由詩云巉巖九峰頂可愛不可任飛舟過山足佛脚見江濤俄頃已不見烏牛在中渚移舟近山陰峭壁上無路云有古郭生此地苦箋注洗硯去殘墨徧水如黑霧至今江上魚頂有遺墨處提荆張方詩竹橋沙水度烏尤絕壁孤崖意氣驕故與凌雲分半坐僧窓假寐見金焦以其似金山焦山也○青衣石峽循而

四川名勝志

卷之二十四

八

東去東觀漢記元初六年五月青衣蠻唐律歸義注云地在大江青衣二水之會今嘉州龍游縣也寰宇記云青衣津在治南四十里有青衣神益州記云神號雷堤廟即華陽國志之雷垣也班固以爲離堆下有石室名玉女房蓋此神耳岑參上嘉州青衣山中峰題惠淨上人幽居寄兵部楊郎中詩序云青衣山在大江之中屹然迥絕崖壁蒼峭周廣七里長波四匝有惠淨上人廬于其巔惟繩牀竹杖而已恒持蓮華經十年不下山余自公浮舟聊一登眺友人夏官弘農楊侯清溪之士也素

工爲文獨立于世與余有方外約每多獨往之意今者幽躅勝槩歎不得與此公俱爰命小吏刮磨石壁以識其事乃詩以達楊友爾詩云青衣誰開鑿獨在水中央浮舟一躋攀側逕緣穹蒼絕頂誦老僧豁然登上方諸嶺一何小三江奔茫茫蘭若向西開巖肩正相當猿鳥樂鐘磬松蘿泛天香江雲入袈裟山月吐繩牀早知清淨理久迺機心忘尚以名宦拘聿來夷獠鄉吾友不可見鬱爲尚書郎早歲愛丹經留心向青囊渺渺雲智遠幽幽海懷長勝賞欲與俱引領遙相望爲政愧無術分憂

四川名勝志

卷之二十四

九

幸時康君子滿天朝老夫憶滄浪况值廬山遠拙簪歸法王或云青衣即烏尤山○方輿記云東巖在城東佛峽即聖岡山薛能詩古蹟是何王平身入石房遠林通後逕一郡隔前岡晝靜惟禪客春來有女郎獨醒回不得無事可焚香巖半有洞出泉清冽宜釀東坡詩一時付與東巖酒即此陸務觀記能仁院前有石像高丈餘蓋作大像時式也詩云江閣欲開千尺像雲龕先定此規模斜陽徙倚空三歎嘗試成功自古無○碑目東津院有黃魯直草書圓照大師小碑詩云赤旛檀塔六七級

白齒苔花三四枝禪客相逢以彈拈此心能有幾
人知又云黃太史自敘南經此有所作墨竹記○
余觀嘉州新志城西一里有楊雄山石洞幽邃相
傳以爲子雲遊此有子雲草亭蔡植詩云獨步城
西路蕭條一草亭古苔環徑碧修竹遶軒青石鑿
觀書所碑鐫陋室銘草玄今已矣千載想儀刑州
城東北四十里有周平河流出千佛巖與泥溪合
王勃麻平曉行詩云百年懷土望千里倦游情高
低循戍道遠近聽泉聲欄葉繞分色山花不辨名
羈心何處盡風急暮猿清泥溪詩云彈棹臨奔壑

四川名勝志

卷之二十四

十

低鞭躡峻岐江濤出岸險峯磴入雲危溜急船紋
亂崖斜騎影移水烟籠翠渚山照落丹厓風生蘋
浦葉露泣竹潭枝泛水雖云美勞歌誰復知

我眉縣

在州西
八十里

任豫益州記云我眉山在南安縣界兩山相對狀
如我眉張華博物志以爲牙門山也本傳云昔善
財禮德雲比丘時佇立妙高峰觀此山如初月現
故稱我眉○益州記云隋開皇九年立我眉縣以
山爲名縣在南安之西我眉之東唐乾元間獠叛
移就我眉觀東今縣理是也○禹貢梁州之山四

岷嶓蔡蒙西山皆岷北山皆嶓南山皆蒙我眉之
在禹貢則蒙山之首也○飛行羽經曰我眉之山
金臺之室飛玄羽經秘其內稽神樞云句曲洞天
西通我眉皆大道也其間有小徑襍路阡陌抄會
井一處華陽國志云我眉山孔子地圖言有仙藥
漢武帝遣使者祭之欲致其藥不能得碑目云宋
太宗我眉山晉賢殿簡版書天真皇人論道之地
楚狂接輿隱迹之鄉按雜花經云諸佛如來以大
悲心而爲體故因于衆生而起大悲因于大悲生
菩提心因菩提心成等正覺故我世尊等正覺而
四川名勝志

卷之二十四

十一

有方所說經而有道場晉賢于道場開化人天等
衆故現相海于我眉山中密引世人而通菩提覺
性○三皇經云皇人者泰帝之所使在我眉山黃
帝往受真一五牙之法口費士殘歌鳳臺記云按
晉皇甫謐高士傳葛洪神仙傳宋劉孝標注世說
皆以接輿爲避楚入蜀隱于我眉不知所終也口
寰宇記云中峨山在我眉縣南二十里又名覆蓬
山有葛仙洞入穴初纔容人行數里漸寬洞中蟠
蝠大如箕又十里之小我眉一名鐮刀山山有李
仙洞○李膺益州記云龍門山在峨眉西十里兩

崖峭峙其形如削仰視青天纔餘一罅又云我倉山下有池廣袤十里號龍池○方輿記云綏山廢縣在我倉縣西四十里按劉仙傳葛由周威王時人好刻木爲牛賣之一日騎木牛見人蜀中王侯道之上綏山綏山在我倉山西南其高無極隨之者不復還皆得仙道諺曰得綏山一桃雖不得仙亦足以豪○水經注云我倉山有濠水卽大渡水也水發蒙漢東西流與泚水合逕汶江道呂忱曰泚水出蜀許慎以爲泚水也從水泚聲南至南安入大渡水大渡水又東入江○通志云羅目河出四川名勝志卷之二十四 十一

而上入穴蜀都賦云嘉魚出于丙穴是也○謹按名山記我倉山周匝千里石龕百一十二大洞十二小洞二十八南北有臺凡遊大我者自縣勝峯門出至華嚴院恰十五里前代于我倉山剎寺六光相居山絕頂爲游山之底極華嚴居山之前峯爲游山之嚮導而白水寺居其中自白水至光相歷八十四盤山徑如線如是者六十里至峯頂卽晉賢示現處屋皆以板爲之學俗以萬曆辛亥歲遊是山作記云出嘉州之西門爲我倉徑而我愈用自遠遇津焉絕流者二揭衣者一旣入縣縣田四川名勝志卷之二十四 十二

過橋始狎久之乃濟有石狀如牛心受水所激而成有前後牛心寺前者白水而後者黑水也謂之符文水孫思邈居于白水今之萬年寺卽白水寺由山下至寺一舍而遙倍之而近如循牆自牖以達堂窻每遇一嶺輒如止扉寺前爲四達而內則大官也其地皆稻田塍埒俯仰喂饗氣候和暖不異于外有蒲氏村蒲人居之云漢蒲公之後蓋權輿是山爾出寺至明月池俗名初喜亭其嶺曼延行之無盡石磴難數始治終亂騎已絕輿用二十許人昇蹕處于內不能蔽軫劣似輿形者耳首十

四川名勝志

卷之二十四

古

十

人不任輿以舟視輿背如弓繩如弦猶不滿輿者意左右八人翼伸縮如猿臂莫知定向輿首者察路如察脈常苦眩次者如眩師或亟跳出輿外或僂入輿內或同左右前後爲一井計二十人之形如鴻鴈木葉偶成文字莫知所以又或作十數層如懸線或擁腫一處如木瘻也輿不可以足代足不可以手代扶余行者不善馳以善讓于余善在左則棄右者善在右則棄左者亦有時而下下不十上之一輿相詬厲彌甚首者拊不任輿者背如相瞽然留十數人後後者躡石石隨足下攀前者

足驚全輿前者交平地欲趨後者未脫險不能從出初喜亭至化城寺俗名木皮殿徑一嶺狹束如溝水所流注多磊砢善脫足謂之滑石溝也由木皮殿至雷洞坪行者禁聲有禁聲碑輿二十人他輿者半共百五十人俱行篋簾灌莽中若不相顧若夢與人語而人不應其木連困糾紛或寓或族或相切磨或自斃死或翹絲而句或無枝而檄每一嶺不能半望若青天則有樹立千旁爲客繇役而憚肝也木皮殿以上極不能石疊木如馬齒雷洞坪以上樹不能枝向空如虎爪山雷洞坪至

四川名勝志

卷之二十四

五

五

天門石路詰曲爲八十四盤峭直纔減半梧丘當途或出其前或出其後又或出其左右而還之輿者實則輿向空久始實輿者空則輿趾礪地有聲而過門以外爲娑羅坪娑羅其葉冬青其花蒼荀其色赤白木皮殿以上皆有之然有裸樹故不之稱稱天門天門樹娑羅三之二松居其一有一樹枯而復榮定者居之將合無迹也門內有橋曰天橋有井曰井絡有臺曰光相臺有鐵瓦殿昔建有銅殿今建有菴以棲禪者余登平臺焉其穆穆肅肅者耶其明明斤斤者邪其見乎蒼蒼之色不在

穹窿者耶其于世也悠悠洋洋者耶前之岷江大出而尾下也背之瓦屋上正而平章也遠之雪山濺浮而汨沒也余何以知朱明之別于玄英又何以知皐且之別于皐涂又何以知靈曜露潔之相終始何以知蟠螭挈武之自消息又何以知弁日覆雲之不爲革氣五采耶又何以知人世之雕繪而繡錯日眩而心亂者之有異乎此耶噫觀止矣

四川名勝志

卷之二十四

去

又浩然坐何慕吾蜀有幾眉念與楚狂子悠悠白雲期時哉悲不倉涕泣久漣漣夢登綏山穴南采巫山芝探元觀羣化遺世從雲螭婉變時永矣感悟不見之李太白峩眉山詩蜀國多仙山峩眉邈難匹周流試登覽絕怪安可悉青冥倚天開彩錯疑蕭出冷然紫霞賞果得錦囊術雲間吹瓊簫石上弄寶瑟平生有微尚觀笑自此畢煙容如在顏塵累忽相失儻逢騎羊子携手凌白日鄭谷峩眉山詩萬仞白雲端經春雪未殘夏消江峽滿晴照蜀樓寒造境知僧熟歸林認鶴難會須朝闕去祇有

畫圖看賈島送譚上人下視白雲時山房掛樹皮垂枝松落子側頂鶴聽棋清淨從沙劫中終日未歌金光明本行同侍出峩眉□仝有前後峩眉二歌前峩眉山歌金陵爲松谷上人作峩眉山上月千里若爲看峩眉山上雪萬古逼人寒山青始黛雪如粉明月鏡中何隱隱雙峯縹緲誰畫眉挂在長空不可盡西域雪山絕嶙峋此中應見西方人晉賢菩薩行具足三千徒衆皆應真始信峩眉自惆悵不作巫山神女身八十四盤安羅樹花開如綸復如素一間版屋千重嶺正值行人問山路登

四川名勝志

卷之二十四

七

山路轉難投寺日已晚古苔如髮長新松學蓋偃冰窟炊不成雷洞眠難穩真僧入定久行脚乞食遠鉢裏龍形小巖前鳥聲轉雨氣沈如墨雲光疾似電應有千化身故作百寶現橋梁宛虹架樓臺疑蜃變天竺皆騎象星光盡散蕪奕奕九微燈禁禁五色線人人爲攝受各各覩顏面欲知色是空色卽空中滅世事如幻影詎必歎奇絕依舊峩眉山明月照清澈君來白門秋山月幾圓缺浩浩江水流尚帶峩眉雪□後遊峩眉歌君不見太行誠險阻西蜀峩眉羞與伍又不見雪嶺長晶瑩來映

義眉一段青禹貢蒙山此稱首梵語勝峯傳日久
洞天列在位之七秀色甲乎州有九君不見軒轅
氏跪謁皇人叩玄旨又不見鬼谷子著書琅琅藏
洞裏隴西山人宿山圖採藥山中顏色殊葛山賣
竿從此去接輿歌鳳胡爲乎君不見于規啼處實
誼悲夜啼竹裂人不歸又不見昆崙伯仲未可分
逸少曾詢周撫軍唐子昂稱詞伯青蓮居士李
太白往往見諸吟詠間白頭欲返青山宅豈是我
肩寄如人江水茫茫難問津我今來遊亦偶爾不
然惻悵蜀國將三春三春花已謝水水猶未嫁五
四川名勝志卷之二十四 五

夾江縣在州西北
八十里

隋于夾江戍置縣蓋分龍游平羗之地亦曰涇上
郭璞注山海經云夾水出于其陰也○本漢南安
縣地今之南安鄉沿其名史記年表宣虎以破臧
荼功食邑于此○志云青衣水來遶縣界而飛水
溪注之溪源出瀑布泉狀如素練李太白所謂瀑

布天落半與銀河爭流者耶而鳳凰天馬虎履伏
龜諸山或舞或翥或躡或處左右而挾持之過當
縣城下稍平坦宋謝達夫詩兩峰懷抱揖平川卽
此過而東南三十里乃作簾鉤之狀晉張神君謂
日移紅影在簾鉤者也○道書云平岡化依鳳凰
山亦謂之依鳳岡及桐梓林山下有石湫門及石
筍雷柱可以禱雨右在縣南十里○通志云天馬
山其勢飛騰似天馬一名馬鞍山在縣東二十里
○本縣形勝云青衣水遶于南黑虎山峙于北○
福地記云伏龜山有仙掌洞相傳李阿真人所遺
四川名勝志卷之二十四 九

宋人書其壁云跨龍門飲螭泉摩仙掌扣丹竈○
本志云治西二十五里南安鎮卽漢南安縣治有
鄧通宅故址前有瑤瑤溪中有磐石可以脩禊○
寰宇記云夾江縣本漢南安縣地卽封宣虎爲侯
之邑隋開皇中分龍游平羗二縣置于涇上臨江
水故號夾江按涇水昔秦惠王得蜀移秦人萬家
以實之秦人思故鄉水乃呼此水爲涇水也唐天
寶六年改爲秦水史記年表宣虎以破臧荼功食
邑于此○碑目云漢和帝時開道碑在夾江縣西
青衣越嶲道界中有永和七年永和八年等字○

漢楊宗暢墓碑在縣東二十里墓前兩闕其左右皆隸書按碑有亭亭內碑二通前立二石柱一云漢故益州太守楊府君諱宗字德仲墓道一二云漢故中宮令楊府君諱暢字仲曾墓道皆隸書大字○楊雄賦云五元參差左大冲賦躡五元之蹇蹇本志以爲縣北隅五元山當之○後漢書費貽宅著草生焉常有五色雲氣覆其上貽蓋不屬于公孫述者隸爲郡之夾江人

洪雅縣在州西南一百里

取洪雅川爲名隋所置縣說文離卽雅字志云離四川名勝志卷之二十四 子

堆川流東西屈曲百三十里而後入大江所謂洪雅川也○碑目云古夷獠誓碑在洪雅縣市中又云漢靈帝時張道陵碑在縣之易俗鄉有嘉平二年三月一日等字○縣西十里脩文山卽雅江所注驚湍怒濤名曰龍潭漁者不敢入又二十里竹箐山石梵梯磴盤折而上其地多竹又十里隱蒙山晉處士龐若正字隱蒙隱此○又二十里爲花溪發源自瓦屋山與青衣合可望雪嶺積雪經年不化范忠宣詩雲堆雪嶺鋪銀界日射金仙照碧潭又二十里思經山與雅安分界山趾有廢嚴道

縣基其上阿叱山瀑布千仞響撼山谷有巨石上鐫羅漢一百有八○縣東南有金釜山下臨平羌江古老相傳昔有主簿于此煉金丹故曰金釜山亦名主簿山

犍爲縣在州城南一百里

左思蜀都賦東越玉津注云江出璧玉故名華陽國志蜀有七津之一也今之犍爲縣兼有玉津縣矣陸務觀舟過玉津詩玻璃江上送殘春疊鼓催帆過玉津宋白爲玉津令貽田表聖詩玉津縣裏三年閤金粟山前九月愁○今縣治在沈犀山上四川名勝志卷之二十四 子

寰宇記云昔有犀牛渡到此上沈一名沈犀灘志云沈犀洞在沈犀山下上有赤壁數丈下有玄水千尺○縣有石人蜀記云昔諸葛亮征蠻中十里刻一石人今黎嶺之路尚有存者陳羽城下聞夷歌詩犍爲城下牂牁路空冢灘西賈客舟此夜可憐江上月夷歌銅鼓不勝愁○郭璞記云犍爲縣北百里書樓山是孔子背書樓○本志云子雲城在縣南三十里昔楊子雲避亂于此後人增築爲城今水月寺是其故址○碑目云孝女碑在犍爲縣清溪口楊洪出下東漢永建初孝女叔先雄以

父尼和墜湍水尸喪不歸于溺處自投水死後五日與父屍相持浮江上郡表言爲雄立碑宋元祐中重立本志云清水溪在縣南十里流至孝女渡入江○神異傳云趙昱嘗隱青城山隋煬帝起爲嘉州太守時健爲渾中有老蛟爲害昱辛甲子十人夾江鼓譟持刀入水有頃江水盡赤昱左手執蛟首右手持刀奮波而出隋本隱去不知所終後嘉陵水漲人有見昱青霧中騎白馬從數獵者于波面過宋太宗封神勇大將軍廟食灌江口○碑目云健爲縣東南四十里有唐大佛寺寺中菊坡四川名勝志卷之二十四 三

二大字乃袁天綱筆○通志云宋邵博墓在健爲縣傳爲制置司叅議卒葬于此康節嘗言世亂惟蜀可居宣和末伯溫携家入蜀止于嘉州今紫雲城有故宅基○杜甫宿青谿驛懷張員外十五兄漾舟千山內日入泊枉渚我生本飄飄今復在何許石根青楓林猿鳥聚儔侶月明遊子靜畏虎不得語中夜懷友朋乾坤此深阻浩蕩前後間佳期付荆楚自注云青溪驛在嘉州健爲縣崔塗秋日健爲道中久客厭岐路出門吟且悲平生未到處落日獨行時芳草不長綠故人無重期那堪更南

渡鄉國已天涯范智能健爲江樓河邊堵立者踰蓬三老開頭暮欲更候水稠灘連峽內淺山浮石似湘中無人驛路榛榛草有客江樓浩浩風種落塵消少公事賡裁新語寄詩筒蘇軾健爲王氏書樓詩樹林幽翠滿山谷樓觀突兀起江濱云是昔人藏書處磊落萬卷今生塵江邊日出紅霧散綺窗閣青氛氤山猿悲嘯谷泉響野鳥嘯受巖花春借問主人今何在被甲遠戍長苦辛先登博戰事斬馘區區何者爲三墳書生古亦有戰陣葛巾羽扇揮三軍古人不見悲世俗回首蒼山空白雲四川名勝志卷之二十四 三

威遠縣在州城西二十五里

縣有中峯峯巒峭拔又有中溪溪水幽清寰宇記云縣東十五里葛仙山古志相傳葛仙翁曾游其地舊設觀仙臺碑刻剝落○山居錄云威遠李圃淳熙中以忠州別駕歸隱白茅山中築秀發齋吟詠自適齋銘曰前山特秀入我牕戶朝來爽致起我幽趣望天宇之澄明何迷途之獨悟挂願終日爲蝶爲周兩忘之矣聊舉扇以自障豈西塵之能汚行歌山中采其薇矣雲外飛鴻悠然來去而弋人何慕哉

榮縣在州城東
二百里

蜀地不宜松而榮州之松獨著紀勝曰榮黎松樹如龍盤陸游詩桷根橫走松倒植故擅有其奇狀矣○曰榮黎曰榮隱曰榮德所謂三榮也寰宇記云榮黎山在州東十五里山上有龍池池邊有松如盤龍竹亦有如龍形者俗謂之羅漢杖碑目云榮黎山古寺碑唐元和禱雨碑俱在本山上○榮隱山在治西三十里一名石筠無名氏石刻云筠山高極入穹蒼人道虎爲殃行人過此不曾傷咸陽宮闕在平地高鹿食人無數計吁嗟苛政猛于四川名勝志卷之二十四 五

虎斯言垂萬古古有榮隱先生修道于此石室猶存碑目有榮隱山修道觀石碑○榮德山在治東北四十里爲陳搏修真處山在谷中獨拔五百餘丈中有希夷觀老君祠刻石爲像有石室二十四龍池千葉蓮花自小路至山巔以木爲梯半山有唐刺史薛高丘磨崖碑開元二十年立○碑目有唐貞元二年建榮縣碑今移植于東橋有榮州院碑僞蜀司倉參軍苟延慶撰○學宮後連宇山有宋人九域圖碑舊學桂林山有衡陽王書文明碑○真義侯碑唐元和二年立舊經云卽古蜀將獨

孤白馬二人廟○大周聖德勒石碑在州衙子城門外長安三年韋祺撰文○劉兼登郡樓詩偶奉綸書蒞旭川郡樓佳致盡依然松欹烏道雲藏寺月滿漁舟水浸天望帝古祠花簇簇錦城歸路草芊芊有時倚檻垂雙袂故國風光似眼前○陸務觀自序其詞云三榮郡治之西因子城作樓觀曰高齋下臨山村蕭然如世外余留十日被命參成都戎幙而去臨行徙倚竟日作桃源憶故人一首所謂哀翁老去疎榮利絕愛山城無事也○城北有橫溪閣務觀閣上小宴沁園春詞引云橫溪閣四川名勝志卷之二十四 三五

者跨于雙溪之上也一自西來其水濁一自東來其水清二水合流于城下爲閣以類之其北鳳鳴山則黃魯直所題榮川祖無大師此若軒在焉紀勝云鳳鳴之竹多茂實言此竹結實有鳳來棲也魯直詩云王師學琴三十年響如清夜落澗泉有酒如澗客滿門不可一日無此君當時寺栽數寸碧聲挾風雨今連雲此君傾蓋如故舊骨相奇怪清且秀程嬰杵曰立孤難伯夷叔齊采薇瘦霜鐘堂上弄秋月微風入絃此君說君家周彥筆如椽此君語意當能傳○勝覽云龍洞在治東南四里

真如院巖穴峭深洞左右壁奇峭巨栢老蒼洞右有石角立舊經以爲孫登嘯臺陸游詩嘯臺載酒雲生屢仙穴尋梅雨墊巾卽指此有磨崖記宋隆興元年端午日榮守太史公李叢仁父書○余攷諸傳記所載榮雖山谷間實郡國一都會青陽門記云榮門有青陽洞以少吳國在其北門今正臨之故名按史黃帝子玄囂封于青陽國爲少昊金天氏少昊降居江水國于青陽以金德王位在西方集覽云江水在蜀青陽宋朝甄苑崔仰之送人牧榮州詩山色臨巴迥江流入漢清○邑東榮川

四川名勝志

卷之二十四

壬

卽古遯水河岸有竹王祠蓋以祀夜郎王者蜀記云昔有女人于溪浣紗有大竹流水上觸之有孕後生一子自立爲王以竹爲姓漢武使唐蒙伐牂柯斬竹王土人不忘其本立竹王廟歲必祠之不爾爲人患薛濤題竹郎廟云竹郎廟前多古木夕陽沈沈山更綠何處江村有笛聲聲聲盡是迎郎曲漢地里志云縣有滇池周廻三百里水出駿馬日行五百里事同大宛又有馬鳴戍益州記云漢刺史韋援夜過此地聞神馬嘶漢中馬嘶以應之故有此戍○成都市九州要記云和義郡古夜郎

之地武帝時開南中使樊道令通樊青衣道無功唐蒙將殺之令曰恨不見成都市而死蒙卽立市如成都以殺之故曰成都市按和義郡本屬瀘州寰宇記云唐貞觀八年割屬榮州○志云城西清富山有古榮王府按周榮公封國之後唐憲宗封其子肅宋真宗封子德雅孝宗封子光宗寧宗封子曦俱曰榮王縣舊有綾錦村杏春村皆宋藩封故迹也○朝野雜記天子卽位嘗所領州鎮自防禦州而下皆陞軍名若節鎮州則建爲府光宗自榮州刺史進封榮王而榮州不錫軍名蓋中書之

四川名勝志

卷之二十四

壬

上

誤也南渡後始陞爲紹興府○宋名臣傳載李旼爲國子直講求郡晨登講席諸生見旼巾兩焰火起是日報得榮州蓋當時亦甚重之矣

眉州

直隸布政司在省城東一百八十里領縣三

地在我眉山陰以之名州自西魏始寔治嘉州若梁之齊通郡隋之通義郡唐之別置眉州則今理矣宋時陞爲防禦使治眉山縣蘇子瞻所謂眉州眉山共一城者也晉曾置江陽郡子由詩余生雖江陽蓋指此○方輿勝覽云臨風閣在州治內宋沈迥詩煙霞生座右林沼匝城隈○州國十詠邵

著環湖在署後魏了翁築翠羽臺書臺遠景樓
在州治北太守黎錚建蘇軾記雪臺在遠景樓前
亦希聲築○三蘇祠在城內紗線街卽其故宅基
門前榆樹云老泉手植奇怪礪人爭取去爲假
山有觀蓮亭在祠右池中環沼皆蓮亭有小碑刻
東坡小像李龍眠畫併山谷頌讀今移入寢室
○洛城後漢時築蜀漢廢齊通城南齊建武置隋
開皇廢石在州治東北○唐眉州羅城記大順
二年盧拯撰文畧云象耳鎮下後戕眉列乎前嘉
祐閣枕其上繪三蘇像刻東坡和陶詩于壁間宋

四川名勝志

卷之二十四

天

史唐末山行章攝眉郡守值四方騷乃合五縣
之力城之周遭八里有奇計一千八百六十五丈
名卧牛城宋淳化中李順之變攻圍累月不克○
志云昔人評吾州山不高而秀水不深而清列舟
通衢平直廣衍夾以槐柳綠陰翳然小南門城村
家多竹籬桃樹春色可愛橋之下流皆花竹楊柳
泛舟其間鄉人謂之小桃源蘇子瞻詩清江八城
郭小浦生微瀾子由詩彷彿城南路繁香撲市橋
○醴泉山在治西八里環繞州城山半有八角片
清甘如醴松江在治東南自蜀江分派西南流

州城與醴泉江合○蜀江在城外一名玻黎江水
色清澈似之陸游詩云玻黎江水千丈深不如江
上離人心若行未過青衣縣妾心先到峩眉陰金
罇共酌不知曉月落煙渚天橫參車輪無角留不
住馬蹄不方何處尋空憑尺素寄幽恨縱有綠綺
誰知音愁來祇欲掩屏睡無奈夢斷聞疎砧范成
大和云玻黎江頭春淥深別時云云流到今祇言
日遠易排遣不道相思翻苦心烏頭可白我可去
芭花易青君易尋人生若未免離別不如碌碌無
知音蘇軾送楊孟容詩我家峩眉陰與子同一邦

四川名勝志

卷之二十一

天

相望六十里共飲玻黎江後人因立共飲亭又改
爲江鄉館在津口○陸務觀詩又云玻黎江上柳
如絲行樂家家要及時只怪今朝空巷出使君人
日宴臺願按臺願山在江東七里狀如臺願因名
有至德觀爾朱洵丹泉舊記以爲軒轅氏丹宅山
腹有穴曰龍洞傳者以爲四目老翁唐末有楊太
虛得道于此今祠中有三仙象四目居中焉人日
出東郊渡江遊臺願山脣之故事也春風樓明霞
閣俱在山上○蜀檣枕云僖宗幸蜀政事悉出內
侍田令孜手左拾遺孟昭圖上疏論事坐貶令孜

遣人投之墓願津後人爲立祠裴微詩一章何罪
死何名千載惟君與屈平從此蜀江烟雨夜杜鵑
應作兩般聲右拾遺祠在墓願山上今廢○老翁
泉在墓願山東二十里蘇明允嘉祐集云十數年
前月夜有一老翁蒼頭白髮偃息泉上就之則隱
而入于泉洵甃以石建亭覆之而爲之銘曰山起
東北翼爲南西涓涓斯泉溢以彌欽以爲井可
飲萬夫里無斯人將此爲誰山空寂寥或嘯而嘻
更千萬年自潔自好誰其知之乃訖遇我惟我與
爾將遂不泯無竭無濁以永千祀梅聖俞寄蘇明
四川名勝志卷之二十四 三

允詩泉上有老人隱見不可常蘇子居其間飲水
樂未央淵中必有魚與子自猶羊淵中苟無魚子
特翫滄浪日月不知老家有雛鳳凰百鳥戢羽翼
不滯彼泉傍○蘇軾送賈訥倅詹二首當年入蜀
歎空回未見幾眉肯再來童子遙知頌襦袴使君
先已洗樽罍鹿頭北望應逢鴈人日東郊尚有梅
我老不堪歌樂職後生試覓子淵才又云老翁山
下玉淵廻手植青松三萬栽父老得書知我在小
軒臨水爲君開試看一一龍蛇活更聽蕭蕭風雨
哀便與甘棠同不剪蒼髯白甲待歸來自注先君

葬墓願山之東二十餘里地名老翁泉君許爲一
往感歎殊深故及之外史玄羽張大齡志云歐陽
永叔爲明允作志銘云公葬于彭山之安鎮鄉可
龍里在墓願山之東地名石龍柳家溝老翁泉之
側或石可二字易誤嘉靖壬子臺史喻公按肩問
老泉墓檄有司求所在而修復之上下彭肩間數
月竟無所得于是從老翁泉之傍設一虛塚青神
余修撰承勛記其事于石又有廣福寺者乃勅賜
門下侍郎蘇轍香火院也宋故事宰相得賜寺院
薦福文定入相時有賜貶官後章呂盡追奪之復
四川名勝志卷之二十四 三

官于詔再賜自爲文記之人以爲墳必在賜院之
近又乃就寺之後山更作一塚願頴濱記中云墳
之西南十餘步有泉焉深廣不及尋晝夜漢湧又
曰墳東南四里許有故伽藍轍以請于朝則前所
修泉傍者差是而廣福之墳非也但廣福傍有古
桂樹橫陰一畝大十圍亦非近代物若明允之族
譜亭則在州西南古修文鄉蘇氏祖塋側今亭廢
刻石亦不存矣○碑目云天池院去詹山縣十里
蘇文忠嘗過之今柱上有手書云自老翁井還偶
憩治平丁未十二月七日子瞻凡十八字○勝覽

云石佛山在眉山之南蘇子瞻寄子由詩石山向何許石佛山下路下有爾家山千畦種秫稌山泉宅龍蜃平地流膏乳有猪龍泉在今石佛鎮曾有乳猪伏于此化二鯉蓋猪龍也詳見惟異記中志載孫抃墓在石佛鎮乾明寺前寺有書樓山學碑藏寺中卽宋賜孫公抃薦福地也○志云大旺山在州東南五十里自臺順山南趨或起或伏至此峯巒屹立廻拱州城蓋與三峩氣接矣○息臺山在治西四十里東館鎮北太平廣記載肅州有叟嘗携子入此山遇一道人指其子曰天叟飲道人

四川名勝志

卷之二十四

三

已長跪求壽道人取簿檢視曰壽止十八叟與其子懇求不已乃舉筆改爲八十後子壽果如數焉○大明寺近東館鎮隋建有九樓十八殿屋厦三千井亦十八眼基跡猶存又有燈壁寺在東館鄉宋紹興建東館書院紹興初肅州學者甚多州學不能容東館鄉士大夫呂君玘做古鄉校邇爲學廟春秋釋奠以鄉士夫居家者主之丹稜令馮時行爲之記○連麓山在州西南九十里山形如麓傍卽栖雲寺東坡少時讀書寺中嘗于石崖上作連麓山三字大如屋宇雄勁飛動其畫專車○余

讀魏華父書樓記曰孫氏居肅以著姓自唐迄今人物之懿史不絕書而爲樓以儲書則由長孺始樓建于唐之開元至光啓元年僖宗御武德殿書書樓二字賜之今石本尚存自僞蜀毀于火乃遷魚鰾其居爲佛氏所廬今所謂傳燈院是也若里巷則固以書樓名長孺之五世孫降巢嘗游河洛識藝祖皇帝于龍潛建隆初召至便殿賜衣帶圭田特授肅州別駕因市監書萬卷以還然樓尚未復也別駕之孫闢乃入都傳東壁西雖之副與官本市書捆載而歸卽所居復起重樓藏之魚鰾之

四川名勝志

卷之二十四

三

有樓則昉乎此又嘗除塾爲師徒講肄之所號山學于是士負笈景從而書樓山學聞名于時矣方樓之再建也在天聖初闢之從兄直講君堪嘗爲作記錢內翰希白宋景文子京皆賦詩闢性倜儻不耐衣冠衣方服其卒也從弟文懿公爲識其窆有不儒其身而儒其心之語故里人又以儒心名之比歲樓又燬于災書僅有存者儒心之六世孫曰某懼忝厥世乃更諸爽塏以唐僖宗所書樓刻揭之樓視舊增拓焉且病所儲之未廣走行闕下傳抄貿易以闕遺竭其餘力山學載興以余二十

年雅故嘗有請曰僕之用力于斯也亦既靡勸公
蓋爲我書之以詔罔極余因惟昔人藏書之盛鮮
有久而弗厄者梁隋之盛或壞于火或覆于砥柱
唐太玄文昭之盛或毀于盜或散于遷徙本朝之
初如江源叔所藏合江南吳越之書凡數萬卷而
子孫不能有之爲戚僕益去與市人裂之以藉物
者不可勝數余偶過安陸亦得其省中所藏晉史
則佚于他人者可知安陸張氏得江書最多其貧
也一篋之富僅供一炊王文康初相周世宗多得
唐舊書李文正所藏亦爲一時之冠而子孫皆不
四川名勝志 卷之二十四 書

克守宋宣獻兼有畢文簡楊文莊二家書可敵中
秘之藏而元符中蕩爲煙埃晁文元累世之蓄校
讐是正視諸家爲精自中原無事時已有火厄至
政和甲午之災尺素不存劉壯興家于廬山之陽
所儲亦博今其子孫無聞焉南陽开氏之書凡五
十篋則盡歸諸晁氏嗚呼斯非天地神人之所靳
者耶而孫氏之傳獨能于三百年間屢絕而復興
則斯不亦可尚矣夫雖然余嘗聞長老言書之未
有印本也士得一書則口誦而手抄惟恐失之其
傳之艱蓋若此惟傳之艱故誦之精思之切辨之

審信之篤行之果自唐末五季以來始爲印書極
于近世而閩浙庸蜀之鋟梓徧天下加以傳說日
繁幸賴益廣大綱小目彪列臚分後生晚學開卷
瞭然苟有小慧纖能則皆能襲而取之噫是不過
出入口耳四寸間爾若聖賢所以迭相授受若合
符節者果爲何事而學之于人果爲何用則設不
加省然則雖克厨勃几于我何加焉可不甚懼矣
夫○蘇文忠石氏畫范記曰石康伯字幼安眉之
眉山人故紫微舍人呂言之幼子也舉進士不第
卽棄去當以蔭得官亦不就讀書作詩以自娛而
四川名勝志 卷之二十四 書

已不求人知獨好法書名畫古器異物遇有所見
脫衣輟食求之不問有無居京師四十年出入閭
巷未嘗騎馬在欄人中耳目謾謾然專求其所好
長七尺髯而黑如世所畫道人劍客而徒步塵埃
中若有所營不知者以爲異人又善滑稽巧發微
中旁人抵掌絕倒而幼安澹然不變色與人游知
其急難甚于爲己有客京師而病者輒舁置其家
親飲食之死則棺斂之無難色凡識幼安者皆知
其如此而余獨深知之幼安識慮甚遠獨口不言
耳今年六十二狀貌如四十許人鬚三尺郁然無

一荳曰者此豈徒然者哉爲亳州職官與富鄭公俱得罪者其子夷庚也其家書畫數百軸取其毫末雜碎者以冊編之謂之石氏畫苑初安與文與可遊如兄弟故得其畫爲多而余亦喜其畫古木叢竹因以遺之使置之苑中

青神縣在州城南八十里

本南安縣地後周置今縣以青衣江所注也蠶叢衣青而教蠶事蜀人神之故曰青神又曰其水濯衣卽青云○益州記曰青衣神號爲雷迫廟班固以爲離迫也蜀江至此始有峽之稱華陽國志望

四川名勝志卷之二十四 三

帝以熊耳爲後戶熊耳峽卽今縣治郡國志云漢武帝使唐蒙破西南夷路始于此邑也○志云青州城梁置在治南十五里古青神郡縣皆治此自熊耳山視之今當爲百花鎮○黃山谷集云青神尉廳葺城頭舊屋作借景亭下瞰史家園水竹終日寂然了無人迹又當綠陰之間戲作長句云當官借景未傷民恰似鑿池取明月蓋尉乃雅安張禮介卿山谷之中表也○縣東門外有青羊橋相傳老子騎青羊過此而八成都○長泉鎮有麒麟橋王蜀時麒麟見于此因立麒麟院○縣西瑞草

橋橋崩得殘碑乃蘇東坡與丈人丈母書也東坡外家在是所謂相望六十里共飲玻璃江者後洪雅王簿王宣義謝事家居于此東坡贈之詩云歸來瑞草橋邊路獨遊還佩平生壺○縣之名勝在乎三巖三巖者上巖中巖下巖也今惟稱中巖焉自縣解維始出芙蓉溪以兩岸多芙蓉也繼由五渡溪以溪水曲折凡五渡也又過慈姥磯有石刻李壁詩云洗盡一春歌酒塵蒼江吹破碧粼粼韶華過眼都如夢祇有三峯是故人泊舟直抵下巖有題名云于瞻子由與侃師至此院僧以路險見

四川名勝志卷之二十四 三

止不知僕之所歷有百倍于此者矣丁未正月二十日書冷溪數折有喚魚潭上卽慈姥巖也篆刻中巖二大字徑可四尺河南邵博書陸務觀詩云春枕悠然夢何許兩枝筇杖喚魚潭又跋程伯正誼所藏山谷帖云此卷不應携在長安逆旅中亦非貴人席帽金絡馬傳呼八省時所觀程子他日幅巾筇杖渡青衣江相羊喚魚潭清泉翠樾之間與山中人掃石置風爐煮茶頂紫苗然後出此卷共讀乃稱爾過潭循山三里始至寺爲中巖其傍有羅漢洞卽牛頭僧以木鑰叩石筍處此地懸崖

峭壁上刻千佛石覆如屋中有卧仙之迹有玉泉
坎黃山谷銘云玉泉坎坎來自重險發源無所龍
口琬琰我來峽中初酌蛙頷靈湫殘缺百泉莫與
比甘山僧淳拙煮餅馨香遠拂淪茗泉味不拚行
爲白虹止爲方鑑口題此德用勒蒼崖其上巖去
中巖一里許唐末有佛刹號垂拱寺相傳巖下有
龍聽僧講經于此由是建寺有三石筍唐無盡禪
師伏虎在石筍下所謂伏虎臺也范成大詩赤巖
倚於嶠翠邏森成削峯蔚嵐氣重稀間暑光薄聊
尋大士處往扣洞門鑰雙撐紫玉關中盡翠雲幄
四川名勝志卷之二十四 无

應供華藏海歸坐寶樓閣無法可示人但見雨花
落不知龍湫勝何似魚潭樂夜深山四來人靜天
一握驚看盃桂白月影到林壑門前六月江世界
塵漠漠寶餅有甘露一滴洗煩濁捫天援斗杓請
爲諸君酌山谷題云元豐庚辰歲秋多雨其八月
戊午晴游慈姥巖禮諾巨那尊者巖下有泉發山
足奔突色如乳而味甘取之不竭豈巨那所奉供
耶余因竭其舊水涸滌見石少焉復盈坎灑灑投
澗中喚魚潭投齋餘飯魚出食者數百覓人不驚
看山程逢時跋余玠詩云相公平賊後携吏上岷

嶧裴晉公以後無此奇遇醉翁行樂處草木皆可
敬歐陽子而後世無此樂先生晉公德業文忠詞
章書史精妙視鐘王有逸氣而于山林悠然心會
殆伯仲之間有裴歐也試語山靈自有宇宙便有
此山幾曾有此客耶題名邵溥來紹興元年五
日旦從其弟博任資中張方自漢川易節益部將
母游弟嵩午猶子觀復二子知復甥何杓侍看山
蘇禮偕來嘉定壬午二月既望金華楊緯被命赴
關艤舟巖下敬修尊者香火而去紹熙壬子孟冬
九日弟綜及男師復師晉同至河陽郭忠得之
四川名勝志卷之二十四 无

行部嘉舟艤舟巖下携子游中巖瞻拜尊者過憇
石筍庵歷覽勝境奇哉政和八年六月三日里
人任逢被吉赴闕長子商輅侍行親友送別筍峰
者三十有九人嘉定丁丑十月祭酉邑人楊大全
被吉進朝將家來修淨供宗黨親朋會別于此者
五十五人紹熙二年九月旦谷居翁大丞相趙
公留題淳祐壬子鄉貢方于此題名巖寺奎書適
從天來是秋楊異冠外省史夢錫在選中以山英
靈發越愈大凌儀趙公握奎平岡繼偕南宮第一
之客明年端午合邑士楊興仁申錫柄仲夢炎樸

森孫侯國史朝瑞彪錫王鉞文起之異已程方何明磨崖大書以後盛舉以開方來慶元戊午冬高公純遣姪魏了翁赴龍飛乘試艤舟來游男載夏卿文卿定子姪游侍行越三年載定子祝禔行都復侍親過此第夏卿文卿林卿長弟淞同山下飲作伴留又二年癸丑秋十月了翁蒙恩召除侍東去舍于肩信于青衣明日孫真勤飲餞于此兄弟之偕行者如戊午獨伯仲不與紹定己丑六月丙午郡人蘇薰侍諸父率四弟以嘉定戊寅上元日游誦坡翁江山風月本無常主閒者便是主人語

四川名勝志

卷之二十四

早

信然也第黨書愁霖貫序人心久鬱秋季之巨晴景開霽草木悅茂江山清新太子宮史籍聖源命前王穆伯恭及前進士楊穎臣廷芳進士程識景貺羽衣李有慶仲祥出邑東津亭方舸南下登石徑數里游中巖僧居清安薄暮間道而歸試校書郎領簿馮越石君玉俾識其時乃嘉祐丁酉之歲也景貺題○辛亥歲_任友楚人鍾惺來游作記云去青神西南十五里江色盡綠玉中邊皆見隔岸坐立數山若架閣者中巖也巖下上連延可十數里許迴流峻壁冥壑複磴竹樹蒙籠大要向背往

復皆與此巖終始渡江卽水月樓樓趾齧江寺冠之由樓視江則已頻由寺登樓乃反降階垂窺與樓湊階代樓爲梯者強半揣本齊末度樓之腰猶未能至于寺趾也降自樓出山門右行不見江則摩磴如蟻屢折爲喚魚潭魚聽掌山石壁百仍立而微頰潭湫其脰石無完膚有邵伯溫大書可模血壁行數武爲羅漢洞洞低曲僂而入如行牛角中隙處稍右則爲伏虎巖巖鑱爲百千萬億佛如恒河沙數巖之半跨壑爲一小石橋街木其壁爲閣若居人架竹梁上以承燕巢者人屈曲行其下

四川名勝志

卷之二十四

早

沿緣洞壑俯仰竹石者數里曰此走井研富順道也巖又半爲流杯池一名太極池有屋數楹屋後爲泉泉流洞中石壁四周有黃曾直大小二石刻壁間宋元刻頗多每兩石縫接處往往上下各截其半中嵌俗筆亦有居石隙苟完者出洞緣磴行輿步數代去所謂羅漢洞伏虎巖者度可四三里乃復覩前鑱巖佛像須眉歷歷可數才隔一壑尋槿可度疑前此一畝途徑可省矣大抵喚魚潭以往行並壑石壁夾之若岸壑若溪藤蘿蔽蔽壑中若荇藻老樹如槎根若石猿鳥往來若游魚鱗鱗

木耳諸峯映帶時讓時爭時逢時應時拒時迎哀
益避就準形匠心橫豎參錯各有妙理不可思議
又行里許踏蹬十級乃睹古中巖題額去三石笋
不遠所謂諸詎那尊者引牛頭僧持鑰扣石笋笋
開得低頭佛盜珠是也鍾子曰自中巖至尊者巖
從下視上項踵腹背其石脈皆當爲笋笋隙且平
處則置屋仄則鑿磴斷則爲橋處危臨深則設石
欄欄則復見江從江中望巖上僧舍佛刹雖一居
之內前軒後寢纍纍綴高壁上下疊而不覺其前
後通也登巖行屋中皆磴道乃稍得其要領趾後

四川名勝志

卷之二十四

聖

竟卽磨前頂石筍中分處如一門尊者像處其中
右旋復爲佛殿殿傍一笋屹若浮屠與中分者而
三實一笋也人直指其巋然三峰者爲石笋耳笋
上宋元刻亦多俗書災石者亦復倍之萬曆辛亥
十月二十一日晚霽與弟恬及艾子登于中巖焉
禮諸詎那尊者畢說偈偈曰偶爾喪珠復返急時
扣鑰相求未免勞勞多事世尊不合低頭又曰未
必衣珠真失總緣巖石常開自供羅漢游戲不管
山僧往來說偈訖返口余凡三過中巖皆有詩其
二云中巖如化出秀色巖烟舍到鳥無歸路游魚

或永潭泉聲隨地有石笋與天參若作此山長干
心無不堪其二三再識中巖好彌添乍到情泉流因
委曲雨氣益淒清橋險必當度樓虛何所成惟應
石笋上安坐學無生其三莫謂客來數聊無塵俗
牽巖光浮落日梅意入初年手搥碑文古身行洞
穴連白魚灘寂意且宿在灘前蓋仝寂後游同青
神令康君視搥山谷諸碑刻又自梓州牛頭洞來
故及之

彭山縣

在州城北

秦之武陽梁之靈石也漢昭帝已後及晉宋健爲
四川名勝志

卷之二十四

聖

郡皆置于此隋置隆山縣屬陵州唐貞觀初以縣
屬眉山因界有彭女山爲名又曰取彭亡山岑彭
所惡也隆彭皆高大之稱義或取此○揚雄蜀記
秦惠王遣張儀司馬錯伐蜀蜀王開明拒戰不利
退走武陽獲之郡國志云漢元光四年益州刺史
任安城武陽周園千三百丈本志云今縣東十里
舊土城是有任公橋後漢朱褒獲麟于馬頰嶺因
改名爲麒麟橋○縣治西北五里健爲賊漢建元
中築卽健爲郡理也碑目云漢健爲太守楊洪碑
在彭山縣北小板橋五十年前餘楊洪碑三字今

皆磨滅○華陽國志云治去成都百五十里渡大江昔人作大橋曰漢安橋廣一里半每秋夏水盛斷絕歲歲修理百姓苦之建安二十一年太守南陽李嚴乃鑿天社山導江通車道省橋梁三津吏民悅之嚴因更造起府寺觀壯麗爲一州勝其地東接江陽南接朱提北接蜀郡西接廣漢按晉永和中西江陽郡其名取此唐沈宇武陽送別詩菊黃蘆白鴈初飛羌笛胡琴淚滿衣送若腸斷秋水一去東流何日歸○郭璞江賦云流二江于岷嶓注岷山北江所出岷山即岷山也中江所出

四川名勝志

卷之二十四

器

皆東注于大江○寰宇記云岷嶓山在縣東北十二里導江從山南合流下有漢張剛墓綱字文紀健爲武陽人仕廣陵太守平賊黨張嬰有恩卒之日嬰率其徒五百人送喪還武陽負土成墳而去按岷嶓二山在漢嚴道界其尾入江○雲笈七籤第五北平治在眉州彭山縣上有池水縱廣二百步昔越人王子喬得仙處碑目云此山有大書北平山治之碑餘不可讀碑陰書大唐上元二年道士施仕衡等字按志縣北四十里北平治應室宿上有天柱峯夜常見五色燈山下有王喬墓唐杜

光進詩桐栢真人曾此居焚香崖下誦靈書朝回時宴三山客澗盡閒飛五色魚天柱一峯凝碧玉神燈千點散紅梁寶芝常在知誰得好駕金轡八太虛○南中八郡志云健爲有魚鳧津數百步一名彭女津在彭亡山南導江皂江等水會處彭祖塚及祠在焉後漢將軍岑彭爲刺客所中而死又名彭亡山亦名平模山郡國志謂之朝女山云昔有朝祖女于此山得道今足跡尚存右距治北十二里曰彭女彭模平模平無皆一山○神異記云健爲有一白虎出則衆黑虎隨之不傷人物漢王

四川名勝志

卷之二十四

器

褒招碧鷄神詞黃龍見兮白虎仁蓋指此也寰宇記引秦昭王射白虎事非○李膺益州記云周德既衰九鼎淪散一汲于此或見其鼻故名鼎鼻山一名打鼻山上有城亦名鼎鼻打鼻音近大江過于山下有灘朱將朱齡石伐蜀立寨于此括地志云鼎鼻山北有龍洲東接導江水按已上卽常璩所稱王喬升其北山彭祖家其彭蒙白虎仁于廣德寶鼎見于江漑也○漢書綏和五年健爲人上寶曆十六此地因謂之寶曆洲○益部耆舊傳朱遵武陽人仕爲功曹率兵拒公孫述緝馬死贈復

漢將軍有祠○後漢建安二十四年黃龍見赤水九日劉氏以爲瑞應因立廟在長江村導江東岸碑目云漢刻黃龍甘露之碑在彭山黃龍鎮今移于繫龍橋周地圖記云彭山縣北四里有潭水後漢漢安元年仙人瞿若武入教詹山得道每年繫龍于灘麗籍詩巢鳳閣邊勞遠夢繫龍灘下認前題按已上卽常璩所稱犍爲上寶磬十六劉向以爲美化所降後漢朱遵拒公孫述光武以爲士大夫郡建安末年黃龍見武陽赤水蜀人以爲劉氏之瑞應也寰宇記云金華山在彭山縣東五里有

四川名勝志

卷之二十四

聖

丈六佛像夜多神燈○紀勝云縣東北六里盤石山晉照寺藏有宋太宗真宗仁宗御書巖之半有石室范鎮詩窮幽訪盤石細徑入荒涼踏葉履屐濕觸花衣袂香○方輿記云蓋山在彭山縣北二十四化之一也七籤云山下有玉人長一丈三尺昔吳郡崔孝通于此學道得仙本志云平蓋治上應婁宿治前洗墨池唐隱士羅公遠題詠之處有清暉滌覽二亭提刑張方記以爲在鼎鼻山椒而勾氏之逍遙軒恰與之相對云杜光庭詩勢壓長江空八陣吳都仙客此修真寒江向晚波濤急深

洞無風草木春江上玉人應可見洞中仙鹿已來馴龍車鳳輦非難遇只要塵心早出塵亡名氏詩平蓋山高古木疎昔人曾此築仙居井通八角寒泉湧觀殿三清劫火餘洗墨池邊丹竈冷繫龍巖畔石潭虛吟成獨坐荒苔上開看蝸牛學篆書○七籤云本竹觀在彭山治北相傳以爲竹休黃帝所手植者杜光庭詩樓閣層層觀此山雕軒朱欄一躋攀碑刊古篆龍蛇動洞接諸天日月閑帝子影堂香漠漠真人丹澗水潄潄掃空雙竹今何在只恐投波去不還○楊祐甫彭山十事記一日象

四川名勝志

卷之二十四

聖

耳山二日彭祖宅三日大悲道場四日寶現磨鍼二溪五日太白書臺有石刻太白留題云夜來月下卧醒花影零亂滿人襟袖疑如濯魄于冰壺也杜光庭詩山中猶有讀書臺風掃晴嵐盡障開花月冰壺依舊在青蓮居士幾時來六日師悟志栖二大士會昌寺七日薛范二詩八日龍池嶰泉九日千歲松栢十日石恪畫護法神○按縣東北二十五里有磨鍼溪在象耳山下相傳李白讀書山中學未成棄去適遇是溪逢老嫗方磨鐵杵問何爲曰欲作鍼耳白感其言遂還卒業嫗自言武姓

傍有武氏巖文同題象耳山寺轉谷崇巖路始窮
隔林遙望一門通溪山俱在兄聞外臺殿盡藏懷
抱中像閣崇恩明海日經幢環路撼天風勞生又
逐輕絢去珍重高僧解苦空○碑目縣北四十里
有古塔刻云唐中和三年浴佛日知玄禪師自成
都游我肩還至此山愛其幽僻遂立巷于上名曰
知玄巷按已上卽酈道元所稱武陽龍尾仙者羽
化之所神栖白雲屬想芳流藉念泉鄉遺詠在茲
也○寰宇記云馮翊王廟在縣東五里古老相傳
有漢馮翊王郭子明墓按漢書功臣非賜姓者不
四川名勝志卷之二十四 哭

得封土恐此非實

丹稜縣在州城北
八十里

志云赤巖山在治北二十里高聳赤色如鳥旂之
狀拱翼縣治雖林木叢茂不能蔽之其下卽多稜
川縣名取此○漁隱叢話云花卿家在丹稜之東
館鎮至今猶顯英氣血食其鄉按花卿字敬定本
關中人唐至德間從崔光遠入蜀討段子璋有功
後平寇亂單騎歷戰喪其元猶操戈至東館鎮下
馬沃盥適遇浣紗女謂曰無頭何以盥爲遂自僵
仆居民葬之溪上廟祀不絕宋封爲忠應公邵博

云州西有花將軍廟廟史以匿藏唐至德元年十
月鄭丞相詰云花敬定將軍也謝臯羽花卿冢行
云濕雲煨糊埋秋空雨青沙白丹稜東莓苔陰陰
草茸茸云是花卿古來冢花卿舊事人所知花卿
古冢知者誰精靈未歸白日西廟鴉啄肉枝上啼
縣州拓黃魂正飛按綿州疑是綿州有綿水縣後
魏所置入彭山縣○志云縣北十五里龍鵠山三
大字宋孝宗書也有松栢山碑記云山有三宮九
觀乃成無爲楊正見李鍊師成道處唐天寶間建
杜光庭題龍鵠山詩抽得閒身伴瘦筇亂敲青碧
四川名勝志卷之二十四 哭

喚蛟龍道人掃徑收松子缺月初懸天柱峯又自
題詩云已作清時鳥倦飛杜鵑何事更催歸似嫌
住處猶城郭不解携家隱翠微其子壁詩云蕭條
白日閉巖局留作游人萬古情猶有山中舊時鹿
舉頭如聽讀書聲○縣有楊素翁者奇士從黃魯
直游盡刻杜子美兩川詩于眉山所謂大雅堂也
魯直記畧曰余謫居黔州盡書子美夔峽兩川諸
詩以遺丹稜素翁俾刻諸石使大雅遺音久連波
而復盈三巴之耳素翁乃作高屋廣楹以藏之
因請名焉余名之曰大雅堂仍爲作記

館藏

四川名勝志卷之二十五

中書省
閩中曹學佺能修

上川南道屬

邛州直隸布政司在省領縣二

漢書張騫自河源歸來得高節竹植于邛山故名邛來郡國志云邛來山自沈黎直走千里至臨邛環抱爲鎮山圖經云山曰邛來浸曰邛水民曰邛民毛曰邛竹矣○水經注云江水又逕臨邛縣王莽之監邛也莽改成都爲導江太守爲卒正時公孫述爲導江卒正治臨邛志云廢公孫述城在州四十里○華陽國志張儀城臨邛周廻六里高五丈其制與成都郡同○卓王孫宅在州南五里基方十里耕者往往得銅錢按史記卓氏之先趙人秦破趙遷卓氏夫妻推輦而出曰吾聞岷山之下沃野下有蹲鴟乃求遠遷致之臨邛華陽國志臨邛有古石山出石礦大如蒜子火燒合之成流支鐵甚剛因置鐵官有鐵祖廟漢文帝以銅鐵賜宦者鄧通通假民卓王孫歲取千匠故王孫貨累巨萬億鄧通錢亦盡天下寰宇記鐵山鑄錢卽此山也山出木蓮不異水之芬香○司馬相如成都人

素與臨邛令王吉善相如客舍都亭王吉日往朝

卓王孫問今有貴客爲具召之并召令酒酣令前

奏琴曰竊聞長卿好之願以自娛相如爲鼓一再

行是時卓王孫有女文君新寡好音故相如以琴

心挑之相如時從車騎甚都文君竊從戶窺心悅

而好之相如乃令侍人重賜文君侍者通殷勤文

君夜奔相如與俱之成都○采蘭雜誌載文君聞

中一井文君手汲則甘香沐浴則滑澤鮮好他人

汲之與常井同本志云白鶴驛有文君井水作酒

味釋無可送李少府之臨邛邛南才作尉調補一

四川名勝志卷之二十五

何平發論惟公幹承家乃帝枝山長風裏棧江陰

石和漸舊井王孫宅還尋獨有期陸務觀詩落魄

西州泥酒杯酒酣幾度上琴臺青鞋自笑無拘束

又向文君井上來○水經注曰江水又與文井江

會李水所導也江上有長堤堤跨四十里有朱亭

亭南有青城山山上有嘉穀山下有蹲鴟卽芋也

所謂下有蹲鴟至老不饑卓氏之所以樂遠徙也

○文井江至蜀郡臨邛與布濮水合華陽國志云

布濮水自布濮來合火井江有火井夜時光映上

昭民欲其火先以家火投之頃許如雷聲火焰出

通耀數十里以竹筒盛其光藏之可拽行終日不滅井有二水取井火煮之一斛水得五斛鹽家火煮之無幾也博物志云臨邛火井諸葛丞相往視之後火轉盛蜀都賦云火井沈焚于幽泉隋置火井縣于此舊史云袁天罡爲火井令殘碑尚存有斷其龜趺以作盆盎者立斃圖經云天罡嘗登山相縣治因謂之相臺山文同寄太博孫公游火井詩七盤磴道與雲浮下見高林壓縣樓元時始省入今州南二十五里火井堪巡簡司是○鶴山在州城西八里常璩志云臨邛名山曰四明曰群羊

四川名勝志

卷之二十五

三

按卽今白鶴也漢胡安尊師于山中乘白鶴仙去弟子卽其處爲白鶴臺魏華父營造記曰州西直治城十里所有山曰白鶴林麓蒼翠江流縈紆蔚爲是州之望隋唐迄今庵院凡十四所遠有胡安先生授易之洞近有常公諫議讀書之庵泉有滴水樹有木連白鶴有臺玉兔有踪中峯信美平雲之觀西巖翠屏萬竹之境皆山中勝處壁間繪像率范瓊杜措丘文播諸人名筆雖丹青剝落而筆法具在本山志云前輩丹青則有任子逸范瓊與夫文同湖州之遺筆文人詞翰則有鄭少微張公

庠與夫張商英王賞趙雍之舊題至于靈鷲去而臺空玉兔潛而石化是山之有可紀書如此宜其歛西州之勝而爲臨邛無窮之觀也有信美亭翠平閣俱在山頂勾龍造實信美亭詩郡罷渡水過西頭東面一亭無限幽陸務觀琴平閣詩把酒孤亭半日留西巖獨擅鶴山秋○益部耆舊傳胡安臨邛人聚徒于白鶴山司馬相如從之受經此縣又有林間善博學自古天子有輜車之使惟閭與嚴君平知之爲揚雄所師○志云州西十里盤陀山有石刻佛像唐人鑄吳師二字其上又有郭汾

四川名勝志

卷之二十五

四

陽師四字五代及宋人皆有書墨○又七十里萬松亭魏太和中建于山絕頂今僅遺址文同詩云四野豁嘉亭松門夜不扃水邊來半偈月下了殘經又三十里石盤戍俗呼爲望軍頂昔諸葛武侯駐軍于此○碑目云臨邛令封君遺愛碑陳子昂撰大唐邛州臨邛縣花置山寺新造無量壽佛石龕像記朝議郎前侍御史馬宇撰元祐丁卯十二月八日邛州天慶觀希夷先生詩刻文同跋元豐中元日書

蒲江縣

在州城西一百里

漢宣帝地節中穿蒲江鹽井兼置鐵官西魏始置縣曰蒲江以治枕蒲水也縣南八十步蒲泉方丈許冬煥夏涼四時不涸蒲草生焉謂之蒲頗有亭覆其上曰蒲亭○方輿勝覽云浴丹池在蒲江縣之崇真觀世傳軒轅修煉于此鶴山集云嘉泰中室有羣鶴西來翔舞于紫極殿之前檻今治內紫極觀是○七載云主簿化群仙翺集之所化言治也主簿山治在邛州蒲江縣界郡主簿王興于此學道得仙一名長秋山南有石室玉堂松柏生其前本志云長秋山有卧牛井昔女冠楊正見修煉于此

四川名勝志

卷之二十一

五

此得石卧牛于下砌井而泉湧出今井碑尚存寰宇記又謂之小可慕山言登此山景慕仙風非小可也○紀勝云縣南十五里莫佛鎮相傳漢文帝時有莫將軍征西南夷歸而學佛于此其佛臺前石羊虎尚在居民往往于其處得金銀杜光遊莫公臺詩奇絕巍臺峙濁流古來人號小瀛洲路通霄漢雲迷晚洞隱魚龍月浸秋舉首摘星河有浪自天圖畫筆無鈎將軍悟却希夷訣贏得清名萬古留

大邑縣

在州城北二十里

寰宇記云大邑縣唐咸亨三年分益州晉原縣置在鶴鳴山東以壤土廣大爲名○道書云鶴鳴山二十四化之第三化也應氏宿山有二十四洞應二十四氣洞口約闊三尺深不可測每遇一氣則一洞竅開餘皆不見有七十二穴應七十二候東西二溪出其兩腋太清宮建在頂喙玄真坊建在項大坪是其背延祥觀在天柱山石柱腰巖是其兩翼冠子山三峯中峯是其尾乃馬成子張道陵昇仙之處杜天師鶴鳴山詩五氣雲龍下太清三天真客已功成人間回首山川小天上凌雲劍佩

四川名勝志

卷之二十五

六

輕花擁石壇何寂寞草平轍迹自分明鹿裘高士如相遇不待巖前鶴有聲文同題鶴鳴化上清宮秘宇壓孱顏飛梯上屈盤清流抱山合喬樹夾雲寒地古芝英折巖秋石乳乾飈輪遊底處空自立層壇○縣東北十五里青霞峯峯下有碧玉潭劍南詩藁云青霞嶂碧玉潭皆山水佳處詩云千巖角逐互吞吐一峯拔起矜崔嵬日光微漏見潭底水氣上薄雲成堆志云此山常孕雲霧又名霧中山峯頂有金剛足跡曰金剛臺張翥詩霧山環合自雲川戶有清溪種玉田萬木桃花不知處幾人

曾得問秦年碑目云鶴鳴山拄腰巖有李陽水築
龜鶴齊年及陳搏草書福壽大字○勝覽云平雲
亭在大邑之靜惠山蓋文忠范公鎮所居公熙寧
間上疏論新法致仕既還蜀窮山水勝處徜徉此
山有詩云磴道雖云險肩輿亦可行坐來知日永
立處與雲平按靜惠山一名東山山上土城相傳
是蜀漢將軍趙雲築蓋雲嘗防羗于此有雲墓及
廟存○通志云鳳凰山在大邑西八十里山有虎
劈泉唐契覺道人結庵于此有虎爲之劈地出泉
有柏十圍根盤巨石之上如騎鯨鯨然曰騎鯨柏文

四川名勝志卷之二十五 七

同卬州鳳凰山新禪院記云臨卬郡西北皆大山
所叢衍迤磅礴深蟠遠走直注大渡限迥巖嶺鬱
如雲烟涌如波濤晴光陰嵐明昧一矚其間孤峯
峩然傑立豪峙首領巖巖腹背聳阜翼開長轡尾
掉高岡繁林茂樹綠蔭纈朱圍擁森合綽若毛羽
地志書之曰鳳凰山者蓋前人嘗以狀而名之爾
唐有契覺道人艾草繫址構菴此地日禮華嚴秘
典以作佛事嘗汲泉澗下頗念其遠有虎爲之劈
地出水澄潔甘凜悉異他所發源甚盛于今賴之
矣

雅州直隸布政司在省領縣三

史記秦始皇二十五年滅楚徙嚴王之族以實此
地故曰嚴道漢爲縣屬蜀郡文帝徙淮南王之族
于此賜用修蜀志補遺引蜀本紀以爲許由之友
嚴儋所隱地也○漢高六年分置青衣縣水經青
衣水出青衣縣西蒙山東與沫水合注云縣故有
青衣兔國竹書紀年梁惠成王十年瑕陽人自秦
道嶧山青衣水來歸漢武帝天漢四年分沈黎郡
置西部都尉主青衣公孫述之有蜀也青衣不服
世祖嘉之建武十九年以爲郡安帝延光元年置
四川名勝志卷之二十五 八

蜀郡屬國都尉青衣王子心慕漢制上求內附順
帝陽嘉二年收曰漢嘉得此良臣也本志又有卬
穀王任君貴越鴛人新莽之亂奮集英雄起越鴛
殺莽所立太守枚根而自立保全一方見西南夷
傳按州城隅有任使君廟矣○晉末李雄竊據夷
獠雜居西魏僑立蒙山縣後置雅州郡國志云漢
源縣有離堆蜀守李冰所鑿離卽古雅字也州以
此名○州治舊在雅安山上宋大中祥符間國子
博士何昌言爲守以地多嵐障徙于山麓山形如
月象心字州治左點所治右點文廟居中故又名

月心山○州署有雙鳳堂宋至和中蘇老泉贊其
子軾轍謁雅安太守雷簡夫雷以書薦于張文定
公及韓魏公歐陽公遂成大名後守佛堂以修其
事○黃魯直木蘭歌帖梁甫吟帖俱在州治○學
南長濱江側有濯纓無絃二亭俱文同爲隱士王
潛書○禹貢蔡蒙旅平和尚底績葉少蘊解蔡在
嚴道蒙在漢嘉嘉即嚴道也旅平者禹治水成功
旅祭于此俗又呼爲落平山也舊傳諸葛亮于此
夢見周公因立文憲王廟遂號周公山按文憲王
廟記軍事推官王育撰蔡軍李夢徵書山半有石

四川名勝志

卷之二十五

九

箭移之卽雨又有龍穴常多陰雲李壽遊蔡山序
蜀惟岷山蔡蒙二山雅獨兼有之焉○寰宇記云
和川路在縣界西去吐蕃大渡河五日程從大渡
河西郭至吐蕃松城四日程羗蠻混雜連山接野
鳥路沿空不知里數卽禹貢所謂和夷底績也本
志東北有和夷壩是○大唐新語云陸象先爲益
州長史奏嘉邛路遠請鑿岷山之南以從捷近發
卒從役居人不堪道亡踰死無筭左拾遺張宣明
監姚嵩諸軍事兼招慰使親驗艱險移牒益州曰
此路高山臨雲深谷無景至有斗絕巨險不通人

縱經之者必搏壁傍巖脅息而度雖竟日登頓二
十里許本人猶堪淚下鐵馬亦可蹄穿象先覽之
兢惕遽罷役仍舊路以聞蜀人賴焉○孫漸昭應
廟記云其山蔡蒙其關邛崃水經注曰岷山東北
百四十里曰岷山中江所出東注于大江岷山邛
崃山也在漢嘉嚴道縣一曰新道又東百五十里
曰岷山北江所出東注于大江故郭景純江賦曰
流二江于岷崃也○圖經云嚴道山在州南五里
本名鹿角山唐天寶六年敕改爲嚴道山山下有
丙穴出嘉魚方輿云萬勝岡在州西有龍觀寺其

四川名勝志

卷之二十五

十

趾曰百丈山自邛崃或起或伏環遶州治諸葛武
侯擒孟獲旋師至此岡下人聚觀之因名後建亭
于上爲龍觀亭○碑目云高孝廉墓碑在嚴道縣
東二十里按其碑年月乃漢建安十四年立高君
兄弟皆孝廉有二大闕其一曰故益州太守武陰
令上計吏舉孝廉諸部從事高願字貫方其一曰
漢故益州太守陰平都尉武陽令北府丞舉孝廉
高君實字貫光又一大碑其首云故益州太守高
君之碑木志云漢孝廉高君墓在金鷄山下孝廉
橋墓跡荒沒僅有二石坊在田中坊亦以大石堆

梁而成非石柱也其一方隸云漢故益州太守陰平都尉武陽令北府丞舉孝廉高君仍有數字剝落○方輿云金鷄山在嚴道北三十五里俗傳有金鷄鳴于此循金鷄山而上二百步有石室中有石像爲爾朱真人宋嘉泰中碑尚存□碑目云羊竇道碑在嚴道縣東三十里金雞山下漢永初六年碑也○梁益記云大小漏天在雅州西北山谷高深沈晦多雨而黎州常多風故謂黎風雅雨字文傳新路賦惟天下之至險有嚴道之漏閣焉孤峯上絕于青天湍波下走于長川斷崖橫壁立之

四川名勝志 卷之二十五 土

岸飛溜濺千尺之泉洪适隸釋云蜀郡太守何君閣道碑光武中元二年刻此碑蜀中近出東漢八分斯爲之首字法方勁古意有餘如冠章甫而衣縫掖使人起敬不暇雖敗筆成冢未易窺其藩籬也○碑目云平羗江繩橋碑在嚴道縣平羗橋有唐咸通十年上官朴所撰碑字亦隸體今在江濱廟江源出西微遶西北郭謂武侯平羗夷于此沐水自盧山發源注于平羗江與沈黎之陽山江合流○志云州西北一里曰清源橋東北十里龍門橋三十五里道遠堪橋五十里魚喜河橋州西七

里曰銅頭河橋近多功路曰大繩橋已上皆索橋也凡橋每歲仲春于兩岸各樹兩梟長二丈有奇梟上橫穿二桷上布竹繩巨兩岸繩之餘者屈垂向下轆轤絞束復橫以木梯布以篋笆周以欄索其高低闊狹視江爲度唐獨孤及索橋贊云維梁曰竿相引一索人撥其上如猿之縛轉帖入淵如鳶之落尋檣而上如魚之躍頃刻不戒實無底壑卽此橋也○錄異記云唐王果謫雅州刺史經平羗江中望巖腹有鐵棺欲堅緣巖視其碑曰地裂山崩水漂我臨及長江危欲堅欲堅不堅遇王果

四川名勝志 卷之二十五 土

五百年後收葬我乃收葬之○志云州北百四十里山谷中湧泉深不可測一日三潮風浪如雷昔時白馬自泉出田野間雲擁之復沒名白馬泉又曰龍淵有宋紹興間祈雨碑猶存○竹溪在郡西三十里隱士胥九鼎所居陶仙洞在焉有林泉之勝魏了翁寄題胥園詩胥君頎然來錦囊背奚奴探囊發詩卷一一卿大夫未識胥園面詩卷自畫圖掃石卧竹影長鍾斷芊區胥君于此時林泉傲

金朱

名山縣 在州城東北四十里

禹貢蔡蒙旅平蔡屬雅州而蒙屬當縣矣九州記云蒙者沐也言雨露常蒙也山有五頂最高者名上清峯有甘露井水極清冽四時不涸相傳漢僧理真所鑿後日隱化井中圖經云蒙頂茶受陽氣全故芳香獨烈方輿記云虞允文嘗爲名山監茶今清溪橋頭北廳猶在有梅及槐柳皆雍公手植壁間遺墨尚存○水經注曰縣有蒙山青衣所發東逕其縣與沐水會于靈關道寰宇云平羌水上源曰邛崃水又名平鄉水西北自嚴道縣流入自胥州洪雅縣界下又名青衣水本志云五頂山下

四川名勝志

卷之二十五

十三

青衣河流遶縣前下田水口入嘉州○寰宇記云羅繩山在縣西五里從蒙山西流入廬山縣又北接邛州火井縣○鷄棟山在縣西南十七里地里志以蜀有鷄鳴山俗傳金鷄鳴天下太平也紀勝云鷄鳴山卽古之名山因爲名山戊縣名取此附政自蒙山者○碑目云名山治東里許有紫府飛霞洞開禧丁卯邑人荷沐干梓潼觀後麓一洞穴刻神之父母像併鑿石龍蟠其中請神作記親書于石今石龍書院是也○志云縣東北三十四里古土城周七十二丈乃武侯征蠻所築遺址見存

○大幕山在縣東四十里南接河羅戎北入邛州高七十里上聳天際靈恠錯雜之所○九州要記云百丈縣本嚴道縣地李膺記臨邛縣南百二十里至百丈卽其地圖經云有一穴口方圓百尺深如之山有九折坂夏則凝水冬則毒寒漢王陽爲益州刺史行部至此興歎因之棄官唐武德元年置百丈鎮貞觀八年改鎮爲縣今之驛曰百丈里曰安賢本此○按百丈河在縣東北六十里卽置驛處河源自蓮花山來經驛東與邛水合流至新津入白馬河又名十八潭近南五里銅鼓山爲漢

四川名勝志

卷之二十五

十四

唐戍守之地○寰宇記云泉池山在百丈縣東四十里其山四面懸絕上有泉池因名○縣東南七十里佛鼻山左右有二日謂之天目元時于左目下建寺曰天目有大石梵小石梵之名

榮經縣

在州西南一百二十里

寰宇記云本嚴道縣地東西連接大山並無州縣巖巒阻絕不辨疆界唐武德二年始置縣因界內有榮經水口戍爲名○志云榮水在城北一出相公嶺一出番境經水在城南一出瓦屋山一出改丁河一出汶川按相公嶺者以諸葛丞相征蠻所

經也攷丁河源出黑石汶川源出邛崃馬耳榮經
水北流入擒孟渡卽孔明七擒孟獲之地○瓦屋
山在縣東北二十里形如瓦屋上有念佛烏安羅
花其巖朝現辟支午現晉賢夜有神燈或問禪惠
大師瓦屋何故却以木皮蓋師曰錦府豈從機上
織劍門寧自匣中開李肅詩瓦屋如廡平金仙閣
光景○縣西北三十里紫眼關以紫眼番人僑寓
得名卽甕溪關○邛崃關在縣西南七十里隋大
業十年置約山據險當雲南大路以扼番夷之要
官碑曰云邛崃關開路記大寶六年章仇兼瓊撰
四月名勝志卷之二十五 十五

○又云漢蜀郡太守治道記碑建武中元二年立
尊健閣碑建武中元二年物俱在縣西三十里景
略懸崖間巽崑李肅有跋以辨正年譜且引後漢
紀建武二十三年夏四月改爲中元無建武字又
按祭祀志改建武二十三年爲建武中元元年以
此知記與志合而紀失之矣○神水閣記在榮經
縣東三十里銅山峽中碑久磨滅今不可攷古老
相傳其體大率如尊健閣云

蘆山縣

在州城西
北一百里

亦嚴道縣地晉書地理志姜維于此置城隋仁壽

元年重開此地遂于姜維古城置盧山縣以界內
盧奴山爲名按紹興二十三年徐閣中記土人祀
姜伯約有廟額曰平襄○志云治有開明王城故
址華陽國志蜀王開明以靈關爲前門寰宇云靈
關山在縣北二十里峯嶺嵯峨傍夾大路下有山
峽口闊三丈長二百步俗呼爲重關通蠻貊之鄉
入白狼夷界漢書通靈山有眼孔四一名鑊靈山
文選注靈關山名在成都西南漢高縣界陳陰鏗
蜀道難云主尊本漢朝靈關不憚遙高峽長有雪
陰棧屢經燒輪摧九折路險阻七星橋蜀道難如
四川名勝志卷之二十五 十六

此功名詎可要隋孔德紹送蔡君知入蜀云靈關
九折險蜀道二星遙乘槎若有便希泛廣陵潮按
張揖注史記曰漢鑿開靈山道于此置靈道縣矣
○寰宇記云盧奴山在縣東五里與始陽山相接
始陽山在縣東七里本名蒙山唐天寶六年敕改
爲始陽山高八里東道控川歷嚴道縣橫亘八邛
州火井縣界又云大渡水從生羗界來流入浮圖
水浮圖水在縣五里從生羗界來水中有孤崖狀
如浮圖出貢金○縣南十里三江渡通天全六卷
下注多功峽入雅之平羗江多功河上飛仙閣爲

木棧道卽古漏閣也○龍頭山在縣前後峽綿亘四十里天矯如龍控接峽部實爲要害又云崖鉢山在縣西三百里上聳雲漢莫測其高○志云漢樊敏墓在縣南七里前有二石馬諫碑在石馬東碑目云漢故簡校巴郡太守樊府君碑建安十年三月上旬造又云兩面碑在廬山縣南五里與府君碑甚近碑面與背皆有篆文歲久訛闕不可識或辨其文曰廬山縣碑○宋趙明誠金石錄云右漢巴郡太守樊君碑其文云君諱敏字叔達肇祖處戲遺苗后稷爲堯種樹舍漆從岐天顧賈甫乃四川名勝志

卷之二十五

七

不往牧伯劉公表授巴郡以助義都尉養疾間里又辟奮義校尉年八十有四歲在叶洽紀驗期臻奄忽藏形其後有銘題建安十年二月上旬造他漢碑類多刳缺而此碑首尾完存故載其大畧于此所謂米巫凶虐者謂張角也宋成都丘常跋云此碑相傳名魏受禪碑爲世絕出而此欸乃建安十年又在黃初之前雖暴露中墊而字畫醇古文尚可讀豈非所寓僻遠而人無知者歟然而千餘年間霖雨之所濯盛陽之所暴有獸已倒有門已摧而此碑將什是可憫也余因扶其既倒植其將四川名勝志

卷之二十五

六

什又爲屋以庇之庶幾永其傳也崇寧壬午知縣丘常題○宋程勤跋云皇上勵精更化以揚祖宗之大烈屬當京師父老流涕太息思欲復見漢官威儀之時而僕仕于廬山天下最窮處乃得建安十年巴郡太守樊君故碑于荒山榛莽間亟作大屋覆其上表而出之目其額曰巴郡太守樊侯之墓嗚呼碑陰所記崇寧壬午距今五十八年而達任斯邑者皆吾鄉人扶倒植什偶相似然豈物之廢興固有數耶紹興己卯眉山程勤懋傳書○國朝李一本跋云此碑踞于道周迨今幾千有餘歲

矣在宋以前訛爲魏受禪碑大明一統志謂其字
 文漫滅不可攷以故惑于聞見者不爲注目余捧
 檄竊祿于茲屢經過焉見其荒于荆榛蝕于莓苔
 亦謂信然越弘治己未仲冬因偕門生白應清駱
 琰陳宣宋萬全等訪古偶憇其下因束篠爲帚掃
 拂之倏見字畫隱隱而出皆醇古迥異從者進曰
 此商彝周鼎復出也始竒過乎亟爲磨洗尋具楮
 蜡如法摹搨得墨本有三蓋以防字畫之同異者
 而考正之然其模糊不可讀者亦過半矣旣而歸
 置軒次校以隸本參以衆目就其可識者僅得十
 四
 四川名勝志卷之二十五 九
 之九其疑誤者則傍爲點注以俟博古者正焉載
 攷古文苑所紀樊毅樊安等碑亦靈獻中所作其
 屬辭比事與此文勢相似或者當時史遷之徒爲
 之也夫文選所集皆秦漢以來古文而此碑獨不
 見錄古文苑又補文選而作又不見載毋亦此地
 僻在遐荒而人不知歟抑惑于聞見之似而不及
 錄歟吁是碑雖不見錄于古幸而石不泐壞延有
 今日得以附入邑志以永其傳亦竒矣匪徒爲斯
 邑之光實斯文之幸也然則世之爲志者苟徒據
 耳之所托而不博歷以致審焉則雖有石鼓之文

其不至于湮沒無聞者幾希矣是月十一日長至
 蜀忠南李一本識廬山廣文也

四川名勝志卷之二十五終

四川名勝志卷之二十五

千

四川名勝志卷之二十六

閩中曹學佺能始著

川西邊防一

松潘 漳臘 小河

松潘道開府松潘衛與副總兵官一員分城而居
叅將一員舊駐小河千戶所今移駐龍安城遊擊
將軍一員駐劄漳臘堡守備都指揮一員駐劄平
番堡其餘把守練兵官各有差○按後漢書建武
九年司徒掾班彪上言舊制涼州部置護羌校尉
持節領護理其怨結歲時巡行問所疾苦又數遣
四川名勝志 卷之二十六 一

驛徒通導動靜使塞外羌夷爲吏耳目州郡因此
可得儆備今松潘備兵卽古護羌使者之職也○
尋江源記云松州平康縣羊膊山下有二神湫乃
大江始發之所自羊膊嶺散漫始未濫觴東南百
餘里至白馬嶺同行二千餘里至龍洞水障始于
是也志曰岷江發源于臨洮之木塔山山頂分東
西流由甘松嶺八百里至漳臘其水漸大復逕鎌
刀灣達松潘下下水開入紅花屯達壘溪至穆肅
堡黑水從南合之入深溝經茂州南至干威汶轉
銀嶺合平越河至營壩八窪分道而下由威至

玉壘山爲玉輪江至汶爲皂江至灌爲沫江○衛
北三舍有龍潭四序淵澄其深莫測有嶺謂之小
分水嶺又有大分水嶺山高峻而水流流距小分
水嶺一百二十里○四夷傳曰西羌之本出自三
苗其先爲伯夷甫炎帝之裔帝母育于姜水而以
姜爲姓故諸羌亦姓姜其國始近南岳及舜徙之
三危今河關之西南羌地是也濱于賜支至乎河
首隸地千里賜支者析支也王政修則臣伏德教
失則寇亂本無君長夏末及商周之際或從侯伯
征伐有功天子爵之以爲藩服羌爰劔者秦厲公

四川名勝志 卷之二十六

二

時爲秦所執以爲奴隸羌人謂奴爲無弋故號爲
無弋爰劔後得亡歸將其種人南出賜支河其後
子孫各自爲種或爲犛牛種越雋羌是也或爲白
馬種廣漢羌是也或爲參狼種武都羌是也至爰
劔者保忍及第舞獨留湟中忍生子研故羌中號
其後爲研種漢景帝時研種留何求守隴西塞于
是徙留何等千狄道安故及武帝西逐諸羌乃渡
河湟築令居塞始置護羌校尉從爰劔種五世至
研研最豪健十三世至燒當復豪其子孫更以燒
當爲種號湟良者燒當之玄孫時王莽篡位四夷

內侵及莽敗衆羗還據西海光武之世以牛邯爲護羗校尉卽此地也燒當至滇良世居河北大允谷種小人貧而先零卑南並皆強富數侵犯之滇良父子積怒從大榆中入掩擊先零卑南大破之掠取財富奪居其地大榆中由是始強滇良死子滇吾立附落轉盛常雄諸羗在晉內附以其地屬汶山郡宋齊亦得之後爲西魏所有焉魏書鄧至傳王像舒治者並白水羗也常爲羗豪自稱鄧至王其子舒彭遣使內附拜龍驤將軍益州刺史其松縣開國子鄧至王請以封爵授子彭喬高祖許

四川名勝志 卷之二十六 三

之拜喬建忠將軍其松縣開國子卽爲小藩朝貢相繼關中亂乃絕後魏末平鄧至番始統有其地後周保定五年于此置龍涸防天和元年收置扶州領龍涸郡隋初廢州郡以其地併入汶山同昌二郡唐武德元年置松州貞觀二年置都督府松踞懿嵯閣隣雅聚可遠奉嚴諾義彭軌蓋直肆位玉璋祐臺橋序等二十五羗糜州永徽之後生羗相繼服叛不常儀鳳二年復加整比督文扶當柘靜翼六州都督羗糜三十一州據天寶之載薄松州都督府一百有四州其二十五州有額戶口頗

多但羗糜逃散餘七十九州皆生羗部落或臣或否無州縣戶口矣天寶初收松州爲交川郡乾元初復爲松州按貞觀分十道時松文扶當悉柘靜等州屬隴右道永徽之後割屬劍南○寰宇記云松州治嘉城縣卽後魏白水羗像舒治所據也其子舒彭遣使朝貢拜龍驤將軍始置其松縣矣後周之龍涸防及收置扶州皆治于此隋曰嘉誠唐改曰嘉城○其松嶺在衛西北三百里州以此名按其松嶺亦謂之松葉嶺江水發源于此土人謂之松子嶺也又有石門水自龍州石門山連亘經

四川名勝志 卷之二十六 四

郡界合江故曰石門水矣○松州屬縣有平康交川按平康縣晉屬汶川郡隋屬會州後廢唐番拱元年割交川及當州通軌翼斜三縣置平康縣屬當州○交川縣後周天和中置隋屬會州唐改屬當州志云平康交川二廢縣址俱在衛治西○通志云藩州者唐廣德初年松州陷于吐蕃五代諸羗各據其地宋崇寧取邦藩疊三州初屬吐蕃首領藩離支故名藩州元屬吐蕃宣尉司 國初洪武十一年御史大夫平羗將軍丁玉克復其地設松州藩州二衛後併爲松藩衛鎮守茲土者二十

年復復改松藩等處軍民指揮使司隸四川都司
屬川西道領守禦千戶所曰小河安撫司四曰八
郎曰麻兒匪曰阿角曰芒兒長官司十七曰占藏
先結曰蠟匪曰白馬路曰山洞曰阿昔曰白定曰
麥匪曰者多曰牟力結曰班班曰祈命曰勒都曰
包藏曰上阿昔曰思囊兒曰阿用曰潘幹寨各降
符印列爲守土焉復立番僧二人爲國師曰商巴
曰綽領二人爲禪師曰黎巴曰完卜亦皆佩銀章
也○西邊記云國師商巴佛教也禪師黎巴道教
也其寺觀散居寨落以主化導番夷丁大夫時設
四川名勝志卷之二十六 五

鑄金銀錠有足或無足者賞給諸番番呼曰丁大
夫寶重五六兩者番價值三五十兩其家有一二
錠遂名爲財主錠發夜光稱神異矣○龍洞志云
男曰安達女曰白麻多種青稞圓根好用羶羊麥
粉宋史云松番之俗日耕野壑夜宿棚房刻木契
以成交易灸羊膈以斷吉凶人精悍善戰鬪○志
云其地廣六百七十里袤千六十里編戶通二十
一里東至龍州界一百九十里西至牟九結吐蕃
草地界四百八十里南至疊溪守禦千戶所界二
百里北至陝西洮州衛界八百六十里距成都七

百六十里雪嶺面于東洮河界其西雪嶺其色如
銀俗呼爲寶頂山曉崖路險人跡罕到卽老杜所
稱松州雪嶺東也洮河發源岷山北流入陝爲臨
洮府南入川爲大江之祖○金蓮山在衛東南五
里差金蓮者居之山下石巖鑄永泉二字正統初
都督李安以劒斫巖而得二水亦名文武水○紅
花牛心二山各去衛十五里峯巒圓秀者牛心也
紅花有屯田是名紅花屯又東四十里爲火燄山
山無草木其色如赭○城西有大悲寺唐天寶間
僧智廣所創國初設僧綱司以僧惠心爲都綱
四川名勝志卷之二十六 六

掌其事景泰收元吐蕃徇徽果欲發兵剿討都
綱智中往撫諭之蕃乃革心向化事聞陞智中爲
崇化禪師賜以銀印冠帽袈裟藏經之屬智中浙
之仁和人姓姜氏別號一天○赤松觀在古松之
南世傳三皇時雨師隨風雨上下莫知其跡于此
地飛昇後人立祠焉元鼎失馭兵燹之餘其跡尚
存開國已卯錢塘羽士顧道昇來棲于此游神清
淨人向往之于是觀宇爲之一新落成道昇請蜀
獻王請額時荆南道士劉虛舟進赤松子畫像及
中誠經正展覽間而道昇適至王偉其誠遂命教

授張景辰諱古赤松觀四字及所進經像以歸道
昇復于後殿築玉皇閣金碧輝煌殆與雪山相掩
映矣○四夷考云宣德二年松潘千戶錢宏聞有
交趾之役憚于遠征乃誘蠻族入寇謫張泰報得
留不遣蠻自是煽禍攻圍城堡調官軍五千討之
至威州黃土舖失利道遂不通三年命總兵都督
陳懷等帥西軍四萬由洮州入松潘解圍猶弗克
靖八年復調川貴官軍協力從事始克成功正統
四年都指揮趙諒誘執蠻酋國師商巴以犯邊聞
遣都督李安征之尋誅諒誣蠻乃服然猶懷反側

四川名勝志

卷之二十六

七

至十四年始設松潘巡撫都御史一員以都御史
寇深及侍郎羅綺相繼臨之咸有成績綺還京提
督文臣不復更置但以備兵使者整飭之而已天
順五年蠻截我糧道入龍安石泉等處成化十三
年勢益猖獗復勅撫臣張瓚調漢土官兵五萬出
東南二路分進剿滅白羊嶺驚飲溪等二十一寨
斬蠻首級四百餘顆於是商巴等二十六族詣軍
門獻馬納款各諭以利害遣之十四年正月復攻
黃頭復水諸寨前後殺獲男婦七百餘人赭其碉
房九百墜崖死者不可勝計亦一大創矣弘治間

跳梁如故南路梗阻正德二年副總兵楊宏誘殺
綽嶺寺國師雪郎王出自後本寺小宛上等動稱
報讐松城之外不敢晝牧嘉靖十一年勅副總兵
何卿來節制諸軍相機剿討烏都等十一寨皆次
第平而諸軍門送款者日至矣卿家視松州諸所
繕緝百廢俱興藩籬以固兵威亦震百蠻喘息不
敢動垂五十年來生齒日繁復萌戎心時出殺人
剽掠行旅萬曆八年兵使者楊一桂是以有三寨
之役又雪山國師喇嘛等四十八寨勾虜為患邊
氓岌岌十四年都御史徐元泰是以有會剿之役

四川名勝志

卷之二十六

八

及丙申九月秋高虜騎突由寒岭黃勝草場分道
馳入圍漳臘守備張良賢率兵破之斬首六級又
攻鎮虜百戶杜世仁死戰斬首四級城得保全世
仁死焉又攻制虜臺前後斬首十一級虜遁去良
賢追至思答弄又大破之斬首十六級虜乃失利
去初虜之入也襲我無備偵者不知其數及遁去
巡視營壘不下五千餘灶未幾有番婦逃回言所
斬虜級中有大落赤之姪小王子在焉虜以此必
欲報讐故昔之松潘重在番今之松潘重在虜矣
○四夷考曰松潘西至流沙關相連天竺西南達

紅土坡生番多係北虜出沒地勢遼絕非可限域
惟是南通疊茂威灌東通小河龍安北通漳臘墩
臺守禦凡八十七所戍守主客官軍合餘遊兵一
萬一千六百八十餘人歲額坐邊倉一十六處糧
九萬九千三百八十餘石而增設不與焉○東路
經畧志云松潘以東望山關雪欄關風洞關松林
堡紅巖關三舍堡鎮遠堡小關子堡松丫堡三路
堡師家堡四望堡凡十二處抵小河千戶所四巖
絕壁一線僅通附近水牛毛公羊洞諸番未甚驚
獮今以三舍關爲始第其里次○三舍者去衛城

四川名勝志

卷之二十六

九

桂

九十里而遙也爲小河適中地有把守指揮一員
管轄上至望山下至四望共十三關堡羊腸鳥逕
峭壁危湍嶮巖萬狀番夷往往潛伏而窺伺焉三
舍上十里爲伏羗堡伏羗上十里爲松林堡多黑
松故名松林上九里爲風洞關洞深不可測多惡
風午輒大作則灰沙蔽天人馬皆辟易寒氣襲
人觸之多橫死否亦喘息旬日蓋山嵐鬱蒸之氣
所發也關北鹽井墩卽古鹽川廢縣風洞上五里
爲雪欄關其山四時積雪不消俗呼爲寶頂山關
在山下雪欄上十二里爲望山關關上八里卽松

州也三舍下十里爲鎮遠堡鎮遠下八里爲小關
堡小關下八里爲松垵堡松垵下七里爲三路堡
三路下八里爲師家堡師家下八里爲四望堡又
二里爲小河所○南路經畧志云松潘以南紅花
屯熊楨屯西寧關小屯堡安化關鎮華堡新塘關
艾蒿堡歸化關北定關蒲江關平夷堡金瓶堡鎮
平堡鎮番堡靖夷堡平定堡凡十有七處抵疊溪
界○四夷攷曰南路自西寧關起以至平定堡河
東大姓屬牛毛土官管轄河西小姓屬羊毛土官
管轄卽志所謂牛腦羊腦也不服冠帶不受約束

四川名勝志

卷之二十六

十

喜則同部落席地歡飲怒則持刃彼此相擊萬曆
初年河東頗肆憑陵十四年征之搗其巢穴斬首
二千餘級焚礪房千餘座始傾心向化埋奴誓願
認守地方迄今不敢犯河西恃有長江之阻逆我
文告其時亦震警移遁深箐隔岸羅拜乞降許之
有國師喇嘛灣仲者潛獻皮幣干土韃乞師伏干
鐵爐溝以牽制我乘便邀擊事覺就擒其謀始破
而膽落矣○歸化關在衛南百里寰宇記霸州有
歸化縣置在移村各有部落主持無徵科今雖失
故處而關名定因之地形險要上至西寧下至鎮

江關堡凡九把守指揮一員以龍溪等寨大小橋梁爲諸番所出沒也歸化上七里爲龍洞堡龍洞上十里爲新鎮關新鎮上十里爲百勝堡百勝上五里爲安化關安化上七里爲雲屯堡雲屯上八里爲西寧關西寧上八里爲雄溪屯則南路之首也鐵爐溝諸夷在其界內○歸化下十二里爲北定關有祠祀二邊吏劉方五將正德六年番僧雪欄王出謀爲不軌守將指揮邊輔史寬百戶劉賢方捷櫻鋒死戰輔寬遇害于黃土坡賢捷被執至寨縛柱將剖其心二將罵不絕口而亡事聞與子四川名勝志卷之二十六 十一

爲平番堡平番下八里爲平夷堡其地寬平僅容千騎爲四十八寨飲盟插血之地卽黃沙壩矣萬曆十四年建城堡設守備一員把總練兵官一員管轄自西寧關至平定堡馬鎮平關上七里爲金瓶堡金瓶上六里爲平夷堡鎮平下七里爲鎮番堡鎮番下八里爲靖夷堡靖夷下八里卽平定堡也平定下八里爲永鎮堡保松茂二鎮交界處鎮平堡指揮一員守之○北路經畧志云松潘以北穀粟屯高屯子羊裕屯唐舍屯譚那屯漳臘屯以上凡七堡抵吐蕃洮河界○四夷考云漳臘堡設四川名勝志卷之二十六 十二

越溝二十里登阿玉嶺之巔可矚黃勝草場塲之東有阿玉口凡二十里透嶺出川盼則東南西北惟所馳驅議者于天險觀化二墩克拓寬廣石砌牆垣一周外掘壕塹以防衝突亦庶幾扼其吭云鎮虜堡上二十里之栢木橋卽界外矣○漳臘下七里爲虹橋關係松城北隘有落虹橋長二十丈餉道所必經也虹橋下七里爲譚廓屯譚廓下七里爲塘舍屯塘舍下大里爲羊裕屯羊裕下六里卽松城又虹橋下八里爲高屯子高屯下七里爲穀粟屯穀粟下十里亦卽松城也離松十四里爲四川名勝志卷之二十下 主

下以通水道又依山掘壕絕其乘高則千覆歷乎何有○古蹟攷云潘州故城在衛北七百五十里漢武帝時逐諸羌渡河湟居塞外築此城置護羌校尉以禦之宋時分上下中潘三州今阿失寨卽上潘州班班簇卽下潘州界二州之間則中潘州也其地愈北山愈平夷舊漳臘之設在下潘州○侍郎羅綺漳臘新記云距松衛治之北百里曰漳臘卽古潘州也城之故址尚存其下有巖穴空洞幽邃廣可容列騎深亦不知幾許旁有玻璃泉冬夏淵然不涸其土地膏腴山川秀麗蓋自唐盛時四川名勝志卷之二十下 主

所開拓雖隸版圖而土蕃酋長猶然竊據但羈縻之而已宋元以來無復中國有我 朝混一華夏洪武十一年王師始下潘州入與編民賦役無殊乃于其地建置屯堡使士卒且耕且守累數十年足食足兵邊人安堵宣德丁未守將失馭氏寇蜂起梗我餉道燹我關塞而潘州復爲所據者凡二十有八年景泰辛未余奉命來鎮茲土不揣愚欲平復之乃大集諸酋陳以逆順禍福無不稽顙聽命于是復增置城池樓櫓凡戢守之具視昔有加不殫一石之粟不勞一人之力而數千百頃沃饒

之北遂復爲我有又晏然置城于其間俾兵農雜居果歲豐獲邊人安枕寔朝廷威德所及余何功之與焉或者以潘州之城與唐世壽邊樓相頡頏後先余亦豈敢多讓景泰六年記○曹學佺曰今之漳臘去松州一舍而遠非百里外之漳臘矣前張後弛勢使然也余以庚戌署藩司事料松邊兵食閭閻虜住牧于漳臘城內有百五六十帳殊駭聽聞乃檄漳臘遊擊何奮武得回牒云謹按漳臘一鎮五隘九屯一十八墩堡延袤二百餘里襟帶山河襟居夷虜所由來矣前不具論萬曆二十四年火落赤入寇彼時內有守備張良賢策救以截其鋒外有合喇騎角以牽其勢雖虜衆攻圍鎮虜三晝夜而不能破于時掌堡百戶杜世仁也豈異人任而其父子督軍兵數百人力戰射死小王子斬首數十級松漳卒賴以無事而合喇遂囚之住牧焉續在三十二年廢將李宗望代庖漳臘遇有合兒頗奪哨毛兒損等韃接踵投居會治兵使者亦署官也倏然有張伐之意輒撫賞安插牛馬羊隻布滿山溪毛帳毳房星列草地猶肘腋間眠虎豹門庭內牧犬羊逐之恐禦端目此發也聽之

四川名勝志

卷之二十六

五

恐禍本無所終也彼其往來漳松之間豈惟共我水草利我鹽茶凡倉庫之虛實軍兵之強弱道路之衝要無不盡知萬一生心何以制而禦之惟是高屯堡者在虹橋之內禦寇之下譚那之西正適中要地實乃松鎮以北之藩屏也議設把守一員撥唐順等軍五十名以耀威武而坐扼其吭焉誠爲良策矣第當展築屯基寬包隙壩貫路于中不惟客衆且可據險緣山到司覆看得松潘者蜀西之門戶漳臘者松潘之咽喉也自土韃合喇合兒頓等住牧其中毳房毳室以百五六十計犬羊之

四川名勝志

卷之二十六

六

千戶所 國初洪武十一年與松潘衛同置在衛
東百九十里宣德四年調成都前衛後所官軍實
治之仍隸松潘按小河之地古名涪陽以水出松
潘分水嶺入涪江云○所止二十里師家山一名
文山宋時師文二大姓所居山麓有文山關又有
師家舖則界于龍州矣東有獅峯西有象嶺各離
一里許有靈泉焉出獅峯下○經畧志云松潘又
東爲堡七曰蜂巖葉棠馬營水進鎮夷鐵龍乃抵
龍安○四夷考曰小河之下鐵龍之上惟葉棠爲
要隘有葉棠把守官轄之東通白馬毛公西通竹

四川名勝志

卷之二十六

七

基

頭野猪白草諸寨上六里爲峯巖堡峯巖上十里
卽小河也下四里爲馬營堡馬營下七里爲水進
堡水進下八里爲鎮夷堡鎮夷下十里爲乾坤堡
乾坤下二十里爲鐵龍堡堡有兩山對峙峭壁萬
仞二水會流深不可測上爲鐵索橋索凡六條各
長一十五丈引于河之西岸繫以鐵柱中道板蕩
行者戒心焉嘉靖間龍州宣撫薛兆乾作亂斬鐵
橋以拒官兵旬日松州米貴如金矣鐵龍下十五
里卽龍安府云○唐史太宗置松州都督府督羈
縻二十五州曰岷州貞觀元年置領縣二江源洛

四川名勝志

卷之二十六

十六

緒○懿州五年置西吉州八年改爲懿州領縣二
關涼落吳○麟州五年置西麟州八年去西字領
縣七硤州和善歛具硤源王交利恭東陵○雅州
五年置西雅州八年去西字領縣三新城三泉石
隴○黎州三年置領縣五都流寧遠臨泉臨河其
餘厥調湊殷匭器邇率鍾並諸羌部落遙立之而
已○可州四年置西義州八年改爲可州里領縣
三義誠清化靜方○遠州四年置領縣二羅水小
部川○奉州三年置西仁州八年改爲奉州領縣
三奉德思安永慈○巖州五年置西金州八年改
爲巖州領縣三諾川歸德離渭○峨州五年置領
縣二常平邠川○彭州三年置洪州七年改爲彭
州領縣四洪川歸遠臨津歸正○軌州都督府二
年置領縣四通川王城金源俄徹○蓋州四年置
西唐州八年改爲蓋州領縣四湘水河唐曲嶺祐
川○直州五年置西集州八年改爲直州領縣二
集川新川○肆州五年置領縣四歸唐芳裴鑒水
磨山○位州四年置西鑒州八年改爲位州領縣
二位豐西使○玉州五年置領縣二玉山帶河○
漳州四年置領縣四洛平顯川桂川顯平○祐州

四年置領縣二廊川歸定○臺州六年置西滄州
八年改爲臺州○橋州六年置○序州十年置嗟
州闕州十年置右俱貞觀之時招慰党項羌者舊
屬隴右道改隸松州都督府永徽已後或叛或臣
制置不一今並廢省聊備古跡而已○唐書
谷
澤西羌名正益州西北去青海二十五里古析支
之地漢西羌之別種也魏晉以降西羌微弱周漢
宕昌鄧至之後党項始強南雜春桑迷桑等羌北
連吐谷渾其種每姓別自爲部落一姓之中復分
爲一小部落大者萬餘其小者數千騎不相統一
四川名勝志卷之二十六 七
有細封氏費聽氏往利氏頗超氏野辭氏房當氏
米禽氏拓拔氏最爲強大貞觀五年詔遣使開其
河曲地爲六十州內附者三十萬口有羌酋拓拔
赤詞者甚爲渾王伏允所驕與之結婚屢抗官軍
後與其從子思頭並率服與諸首領歸款列其地
爲懿嗟麟可等三十二州以松州爲都督府賜姓
李氏自是從河首積石以來並爲中國之境後吐
蕃強盛拓拔氏漸爲所逼遂請內徙聽移部落于
慶州因置靜邊等州以處之故地陷于吐蕃不去
者爲其役吐蕃謂之婢樂又有黑党項在赤水之

西李靖之擊吐谷渾也渾王伏允奔于黑党項居
以空閑之地及吐谷渾舉國內屬其黑党項首領
號執善王亦貢方物其雪山党項姓破丑氏居雪
山之下貞觀初亦嘗朝貢又有白狗春桑白蘭等
諸羌自龍朔以後並爲吐蕃所破而服屬焉○有
附國者在蜀郡西北二千餘里卽漢之西南夷也
嘉良夷卽其東部所居種姓自相率領不屬統一
隋大業五年附國王遣其弟于宜林率嘉良夷等
六十人朝貢嘉良有水闊六七丈附國水闊一
百丈並南流以皮爲船而濟南有薄緣夷風俗亦
四川名勝志卷之二十六 七
同西有東女國東北連山綿亘數千里接党項及
諸羌界其地南北八百里東西千五百里無城柵
近川谷傍山險俗好復仇故壘石爲巢而居以避
患其巢高至十餘丈下至五六丈每級以木隔之
基方三四步磔上方二三步狀似浮圖于下級開
小門從內上通夜必關閉有二萬餘家俗有重罪
止于罰牛妻其羣母及嫂兄弟死父兄亦納其妻
好歌舞鼓簧吹笛死者無服制置尸于高床上沐
浴衣服被以牟甲覆以獸皮子孫不哭帶甲舞劍
而呼云我父爲鬼所取我欲報冤殺鬼云其人輕

捷便擊劍漆皮爲牟甲爲弓長六尺以竹爲弦以皮爲帽形圓如鉢或戴羅羅衣多毛毼全剝牛脚皮爲靴項繫鐵錢手貫鐵釧王與酋帥金爲首飾曾前懸一金花徑三寸其土高氣候涼多風少雨土宜小麥青稞山出金銀多白雉水有嘉魚長四尺而鱗細○東女國者西羌之別種也以西海中復有女國故曰東以別之俗以女爲王東與茂州党項接東南與雅州接界隔羅女蠻及白狼夷有八十餘城王之所居名康延川中有弱水南流亦用牛皮爲船以渡戶四萬餘衆女王號爲賓就有

四川名勝志

卷之二十六

圭

女官曰高霸平議國事在外官僚並男夫爲之其王侍女數百人五日一聽政女王死國中多斂金錢動至數萬更于王族求令女二人立之大者爲王次爲小王若大王死則小王嗣立或姑死而婦繼並無篡奪所居皆重起屋王至九重國人至六重王服青色綾裙下領衫其袖委地重婦人輕丈夫文字同于天竺以十一月爲正每至正月令巫者貢酒穀詣山中散糟麥于空大咒呼鳥俄時有鳥如鷄飛入巫者懷中因剖其腹視之有一穀來歲必登若有霜雪必多災異其俗因之名爲鳥卜

隋大業中蜀王秀遣使招之拒而不受唐武德中女王湯傍氏始遣使貢方物自永徽七年至天寶元載朝貢不絕其後復以男子爲王貞元九年其王湯立悉與哥隣國王董卧庭白狗國王羅施忽通租國王弟鄧吉知南水國王姪薛尚悉曩弱水國王董辟和悉董國王湯悉贊清遠國王蘇唐磨咄霸國王董藐蓬各詣劍南西川乞內附其哥隣等國皆散居西山弱水王卽唐初女國之弱水部落其悉董國在弱水西故亦謂之弱水西悉董王舊皆分隸邊郡祖父例授將軍中郎果毅等官自

四川名勝志

卷之二十六

圭

中原多故皆爲吐蕃所役屬其部落大者不過三千戶各置縣令十數人理之土有絲絮歲輸于吐蕃至是悉與之同盟相率獻款兼貢天寶中國家所賜官詔二十九道以進節度使韋臯處其衆于維霸保等州給以糧種畊牛咸樂生業立悉等數國王自來朝召見于麟德殿授立悉銀青光祿大夫歸化州刺史鄧吉知試太府少卿兼丹州長史薛尚悉曩誠少府少監兼霸州長史董卧庭行至綿州卒贈武德州刺史命其子利羅爲保寧都督府長史襲哥隣王立悉妹乞悉漫頗有才智從

其兄來朝封和義郡夫人其大首領董卧卿等皆授以官俄又授國王兄湯厥銀青光祿大夫試太府卿青遠王弟蘇歷顛銀青光祿大夫試衛尉卿南國王薛莫庭及湯悉贊董藐達女國唱後使湯佛庭美王鉢南郎唐弁授銀青光祿大夫試太僕卿其時西山松州生羌等二萬餘口相繼內附其黏信部落王夢葱龍諾部落王辟葱皆授試衛尉卿立悉等弁赴明年元會訖賜以金帛各遣還至八月召韋臯統押羌蠻及西山八國使其部落至今猶代襲刺史等官然亦潛通吐蕃故謂之兩面

四川名勝志 卷之二十六 圭

羌也○陳子昂上蜀中軍事曰臣伏見劍南諸州緣通軌軍屯在松潘等州千里運糧百姓困弊臣不自恤竊爲國家惜之伏以國家富有巴蜀是天府之藏也自隴右及河西諸州軍國所資御驛所給商旅莫不取足于蜀又京都府庫歲月珍貢尚在其外亦不貲矣今邊郡主將乃通軌一軍徭役之弊使百姓貧窮國用不贍河西隴右資給亦減臣伏惟松潘諸軍自屯鎮以來于今相繼百十餘年竟未聞盜賊大侵而有尺寸之効今國家甘心竭力以事之臣不知其故伏惟念情臣在蜀時傳

聞松潘等州屯軍數不逾萬計糧給餉年不過七萬餘石可盈足邊郡主將不審支度乃每歲向役十六萬夫夫檐糧輸送一斗之米價錢四百使百姓老弱未得息肩比年以來多所逃亡臣伏以吐蕃未忍卽滅松潘屯兵未可廢散若准此賦歛每年以十六萬夫運糧臣恐更三年吐蕃未殄劍南百姓不堪此役恐非聖神制敵安人富國強兵之神筭也愚臣竊聞蜀中耆老平議劍南諸州比來以夫運糧者且一切並停請爲九等稅錢以市騾馬差州縣富戶各爲屯駐稅錢者以完腳價各次

四川名勝志 卷之二十六 青

第四番運輦不用一年夫運之費可得數年軍食盈足比如常運減省二十餘倍蜀川百姓永得休息通軌軍人保安邊鎮京臺府庫河西軍馬得利供輸臣伏審計便宜體大非一二狀具盡○中大夫曰陳拾遺論蜀西邊事而首及糧運誠知所先務也余署司事因治兵使者議買虜米回檄開府云松潘重鎮控馭番虜緩急時有積儲宜先今該道酌議買米萬石以備不虞誠未雨綢繆之計思患預防之道也第轉運事宜尚有未盡者茲採之輿論叅之臆見開列數款于後○一均民運何則

松茂邊糧自崇慶邛灌新繁崇寧溫江六州縣此南路也自綿州彰明江油平武梓潼五州縣此東路也南路者灌縣買米起運而威茂驗糧通判督之東路者于江油縣買米起運而龍安驗糧同知督之其法非不犁然具也但領買者爲店戶卽包攬之別名領運者爲脚戶卽逋逃之淵藪店與脚合則通同爲奸店與脚分則彼此推調積欠盈萬追併虛文邊儲匱乏職此之由今南路者已議起派各州縣矣均之一餉也東路獨不可做而行之乎應照例酌派綿州彰明江油平武各州縣而梓

四川名勝志

卷之二十六

五

潼土瘠穀稀又與餉道偏左特令裁去以安縣代之蓋安縣首建此議當不辭難耳說者曰江灌領運者此脚頭也法更能保無弊蓋事不擇人貴行之有法以二驗糧官之事而散之十一州縣無獨任之難以各州縣之米而自徵自解又責成之易何不令其難以就所易者乎○一定會計何則松茂各倉有長中短之別焉自南路言之在西寧安化等一十五處者謂之長倉每石脚價自一兩一錢二分以至一兩五錢五分在疊溪普安等八處者謂之中倉每石脚價自七錢八分以至一

兩在茂州廣備等一十二處者謂之短倉每石脚價自三錢四分以至七錢四分自東路言之在松潘漳臘等一十二處者謂之長倉每石脚價自六錢二分以至一兩四錢三分其先年固自有經制也嗣謂彼中官軍消長不齊故逐年會計雖云詳慎之一端要亦約其大槩耳豈斤斤于計口而食數米而炊者哉州縣藉口于剝付之未到而徵發愆期脚戶垂涎于價值之有餘而趨避易起甚至中途減運進退維谷長倉詮次折乾獨多是邊與民兩病之矣須聽本司會同該道將應運米石卽

四川名勝志

卷之二十六

五

以萬曆三十七年備供三十八年之數爲則長短相兼均派二路刻定書冊永爲定規倘糧米有剩餘不妨存貯以備用官軍有增益卽于流積內接支惟登報循環明白無紊庶乎人易遵守餉可尅期○一慎稽查何則在歲邊儲本司只管徵發該道只管收貯而中間遲速完欠未之盡聞精神氣脉殊不貫串且于江灌起脚之地卽爲查驗米未就道而復歸家矣又聽憑糧官閒暇之時始行給發士久待哺而何以應急乎宜早俾行運米各州縣九月開徵頭運不得過十一月二運不得過次

年正月先儘長倉中短次之每赴本司支給脚價卽以該運倉口米石數日報驗本司仍給限票二張一給該州縣一另發緊要地方如東路則江油小河之類南路則灌縣茂州之類遇某州縣糧到該地方官卽以本司原票馬上通報倘不如期如數者行該州縣查究其完納一倉卽取一倉硃串申繳不必拘泥一州縣全完致病守候○一酌房米何則房米之說自萬曆二十二年起至今止或行或否迄無定議復議寢有同聚訟職邊防者欲有備而無患司出入者恐額外之不敷均爲地

四川名勝志

卷之二十六

志

方計也今據該道議欲買米萬石以備緩急仍以五年爲率每年于正數內減運二千在目前雖似驟發在日後無損絲毫是邊儲與財用兩得之矣每米一石脚價共銀一兩八錢六分計一萬石該銀一萬八千六百兩備行松潘道差官赴司支領前數其委員役派煩倉口與夫稽核完欠數目俱聽該道酌行卽以三十七年備供三十八年額內減運二千石至第五年預買扣除悉仍舊貫○時大中丞俱可其議但以東路糧米收派綿彰等州縣徑運一節第不知人情樂就否須再一查議

四川名勝志

卷之二十六

志

務使小民稱便經久可行隨移會該道牒稱行據綿州申稱行據彰明縣申拘集四鄉里老楊布賢等訴稱本縣每年額徵大糧四千餘兩每年除存留支給官吏師生俸廩并兌買賞番布足共去銀八百四十六兩零解司大糧尚有三千二百有奇如將前項大糧盡徵本色十分便益且貧民毫無生理得領脚價往來度日誠爲便益該本縣看得坐派糧米民情之樂從已無疑矣卽以本縣應解大糧注定米價盡數派成米石九月秋成徵收入倉領脚價募夫起運不易之策也又據平武回稱本縣原係土司改流並無解司糧餉其本縣應買之數照依舊則徑赴本司請發米脚價銀下縣令令殷實買米雇脚赴倉完納徑取通關銷繳倘有違悞本縣敢任其責等因到州該攝州事羅江縣知縣夏之鳳查看得邊糧關係甚重脚頭貽害已深不一收斂而易轍非惟于邊無濟抑于民有累也祇爲奸猾資耳本州頗產穀米比照南路一例徵解可也無累于民而遠有裨于邊矣卽脚頭番涎盤據難以准從又該本道看得買運松潘東路糧米俱係各州縣市棍營兌脚頭領銀隨費遂致

邊儲日虧逋欠日甚今收議各州縣糧米徵收本色赴領腳價徑運該倉誠爲妥當既經行據各州縣回報民皆樂從但平武縣不產五穀或經銀令該縣僉報殷實承買准此又該本司看得輪邊重務也改革難言也苟非小民之所樂從則不可行卽行矣亦不可久寧爲慎重勿失鹵莽長策也但江綿地方頗皆產米米價每石五錢者其常也松邊之米定價五錢三分倉斛又縮于市斗焉此在百姓享什一之利而司帑省出入之煩也且米但徵之民耳非卽民運也州縣赴司而領腳價仍舊

四川名勝志

卷之二十六

完

雇脚譬如商販焉分運者以毋錢付託經紀買貨隨手花費而貨不可必得徑運者買成貨物雇脚盤運可計程而抵舍矣此無論東路卽南路亦然既經覆查前來相應備行該道轉行綿州江油彰明二縣遵照自三十八年爲始照坐定糧米于各州縣大糧起派每石照例折銀五錢三分平武縣原無大糧照舊赴司領價其年例腳價俱聽本司請發行各掌印官董理雇脚起運及照梓潼縣僻遠又非產米之處應行裁革安縣詳允之後愿由南路姑聽其便客本司額坐倉口刊刻書冊通行

運照右有買運邊糧書冊刻在藩司○唐杜甫代渝州王使君進論巴蜀安危表臣某言伏自陛下山東收蕩薊洎海隅萬里百姓感動喜王業再造瘡痍蘇息陛下明聖社稷之靈以至于此然河南河北貢賦未入江淮轉輸異于曩時惟獨劍南自用兵以來稅歛則殷都傾不絕瓊林諸庫仰給最多是蜀之土地膏腴物產繁富足以供王命也近者賊臣惡子頻有亂常巴蜀之人橫被煩費猶自勸勉克備百役不敢怨嗟吐蕃今下松維等州成都已不安矣楊琳師再脅普合巖巖兩川不得相

四川名勝志

卷之二十六

幸

救百姓騷動未知所裁况臣本州山南所管初置節度庶事草創豈暇力及東西川哉伏願陛下聽政之餘料巴蜀之理亂審救援之得失定兩川之異同問分管之可否度長計大速以親賢出鎮哀罷人以安反仄戎戎侵軼羣盜窺伺庶可遏矣而三蜀大府也徵取萬計陛下忍坐見其狼狽何不卽爲之臣竊恐蠻夷得恣屠割耳實爲陛下有所痛惜今梁州既置節度與成都足以久遠相應矣東川更分管數州下內幕府取給破弊滋甚若兵馬悉付西川梁州益坦爲聲援是重歛之下免出

參門西南之人庶幾有活望焉必以戰伐未息勢
資多軍應須遣朝廷任使舊人授之使節留後之
寄綿歷歲時非所以塞眾望也臣于所守封界連
接梓州正可爲成都東鄰其中別作法度亦不足
成要害徒擾人爲伏惟聖主裁之勅天下徵收赦
文減省軍用外諸色雜賦名目伏願損之又損劍
南諸州亦因而復振矣將相之任內外交遷西川
分閫以仗賢後請慎擇重臣有臨危制變之明者
觀其樹勲庸于當時扶泥塗于已墜借如犬戎倣
擾臣素知之臣兄承訓自沒番以來長望生還僞

四川名勝志

卷之二十六

圭

親信于贊普探其深意意者報復摩彌青海之役
決矣同謀普衆于前後沒落之徒曲成勸動陰合
應接積有歲時每漢使回蕃使至帛書隱語累嘗
懸論臣皆封進上聞屢達臣兄承訓憂國家緣邊
之急願亦勤矣况臣本隨兄在蜀向二十年兄既
辱身蠻夷相見無日臣比未忍離蜀者望兄消息
時通所以戮力邊隅累踐班秩補拙之分淺待罪
之日深蜀之安危敢竭聞見萬一少裨聖慮遠人
之福也愚臣之幸也○天寶元年孫逖爲宰相賀
隴右破吐蕃表云臣等先在城中因奏事陛下謂

臣等曰朕料至重陽已來諸軍必頻尅捷臣等欽
承聖旨詎測神功近者隴右果奏斬獲莽布支并
生擒蘇毗王及鑾駕將廻劍南節度使章仇兼瓊
又奏西山將士分爲五道破吐蕃城堡鎮柵等四
十餘所四鎮節度馬靈察又奏破吐蕃不可勝數
并開護密識恩等數國共爲邊捍者數旬之間三
方告捷應如影響合若符契榮榮如武盡決于宸
衷知來似神更超于繫表斬級獲醜陷陣殲戎蒐
東方之丑將舉無遺策道西城之諸蕃仍爲外蔽
百戰百勝以夷攻夷高居九重懸料萬里所以彰

四川名勝志

卷之二十六

圭

睿畧之天贊知犬戎之日蹙臣等忝陪巡幸預奉
德音踴躍之誠實倍恒品無任欣慶之至謹奉表
陳賀以聞○大曆十年常袞賀劍南破西蕃表云
臣某言今日伏見劍南西川節度使崔寧所奏露
布十一月七日于劍南大破吐蕃斬首八千五百
級生擒九百四十二人獲牛馬器械一千萬計者
陛下以西戎負恩連歲設傳近興武旅遠鑠王師
故隴上無虞邛南旃捷事同符契謀動鬼神凡在
臣庶不勝慶快伏以西蜀一隅犬戎乘隙聖謀潛
運藩帥龔行以我同力出其不意故得邊兵無遺

鐵之費狂寇有與尸之凶名王首將既克俘馘要
塞堅城亦入封守神武之德莫測掃除之勢足徵
天聲一臨風動萬國則方隅不擾候我綏懷夷夏
大同期于指掌臣等親茲大捷愧乏嘉謀慶躍之
誠實倍恒品○貞元元年韋臯破吐蕃露布云尚
書兵部臣韋臯等言臣聞天討有罪兵應者勝義
者王夷不亂華師直爲壯曲爲老多助之至四極
爰藝貞觀則同羅擊延陀開元則九姓殄默啜曰
商莫不來享犯漢雖遠必誅德風鷄乎河源武節
懽乎月帶率寧人之有指先元戎以啓行信用威
四川名勝志 卷之二十六 圭
厭弗悔衽金之敵楚氛甚惡輒興喪甲之謀蠢爾
數寧武功續八葉之鴻圖奮四征之雄略懷柔鴟
鎗殺殄稟仰太和剪鯨鯢清郊原掃除羣穢王猷
允塞我武惟揚奇幹善芳各修貢職條支若水咸
順旨令遷積石之遐阪有吐蕃之醜類侵敗王畧
倍奸齊盟乘邊將之騁兵瞰戎亭之虛候爲蛇豕
食上國盡盜河湟帥蜚賊掘我疆再驚畿甸騎蹙
致于深入鑿蹕至于親屯憫然授兵協以謀我尚
納污而舍垢姑通事以結和清水之盟未乾好時
之師已聚指涇靈而徼賂闔鹽夏以恃虛夷德無

光祖宗不以賊遺君父恭惟皇帝陛下宣昭義問
爲讎孽居匪茹維時南詔慕化中朝先零之質詣
荒雖嘗并力麋人之率百濮罔不離心頻賴于邊
受命于吏斷匈奴之右臂羈南粵以長纓獎貉輸
致騎之勤晉戎成椅鹿之勢彼旣失鐵橋之險我
遂克峨和之郛盡竄匿于龍堆復虔劉乎麟塞戍
我守將墮我陣墮修戈矛而與同仇靡室家不違
寧處臣等請奮其旅以殲乃讎鳳翔振武靈武之
騎獵其西邠寧太原涇源之兵震其北率山南熊
羆之校暨東川猛虎之師烏蠻撓其腹心回鶻掃
四川名勝志 卷之二十六 圭
其肘腋衆素飽矣壹大治之諸將陳洎等統五萬
軍出十一道濟師西顧之半策助北陞之初盈平
七城斬賊萬級獲鎧械五十萬計燔堡壘百七十
餘遂賈勇而圍昆明將決勝而定青海爲東境五
節度大使論莽熱釋朔方之衆援維州之城九攻
九却之計窮七縱七擒之威速連連執訊矯矯獻
囚不然我薪而自焚有如破竹之立解拂廬魚潰
甌脫兔犇谷靜山空行就焉耆之慘區殫域滅訖
聞智聖之降斯皆廟謨淵深神斷天造明見萬里
運奇堂上之兵守在四夷制勝目中之虜勦功滇

池之柱植表赤領之之碑一怒安民文之勇也三
軍用命克何力焉臣等承帝之明敵王所愾開遠
門揭侯坐收西極之舊封紫微殿受俘重觀昆丘
之茂績臣等無任慶快激切屏營之至謹遣某官
奉露布以聞○令狐楚賀劍南奏破吐蕃表臣某
言當道進奏院狀報六月某日劍南節度使韋皋
狀奏破吐蕃五千餘衆生擒大酋官七人陣上殺
一百五十餘人收獲牛馬四百餘頭足斃械一千
五百餘事者吉語遠及歡聲相接中賀臣聞順實
臣道伏願者至柔而全禮爲天經無禮者雖衆必
四川名勝志卷之二十六 墓

敗陛下君臨萬國天覆兆人恩覃于幽微澤及乎
荒遠蠢茲蕃醜假息西隅惟天地含弘之心未能
剪滅以豺狼貪戾之性輒肆陸梁爰整其師不攻
而取此皆降魔署于天下頒明謀于閭外制士之
死命得人之歡心所以殪戎如羊破虜如蠹毆彼
牛羊獲其侯王威加于殊域武暢乎羣動自然赤
山之壤可蹈清滌之波可涉必當封土刻石以垂
天聲戎臣司武獲親其慶不勝歡抃之至○權德
輿賀雲南軍破吐蕃劍山保定城表云臣某言伏
見劍南西川節度使某官某所奏兵馬使宋晃前

月十八日與雲南軍合勢攻破吐蕃劍山保定城
當日斬城使者伏以聲教所被遐邇大同蠢茲西
戎尚有遺類或犯亭障且稽靈誅陛下睿算無窮
天威遠震以夷裔感恩之衆佐藩隅制勝之臣取
以多方果獻戎捷事皆前定必稟聖謨斬將奪旗
出于料外堅城便地書落穀中通荒服會朝之途
絕餘孽窺覲之隙奉威懷之命以律而臧兼夷夏
之師在和而克此皆由陛下神武潛運妖氛永清
由是成擒自當盡敵臣等謬當樞近愧乏廟謀幸
觀成功不勝大慶無任欣抃之至謹奉表陳賀以
四川名勝志卷之二十六 墓

聞○宋羅泌蜀山世紀論曰嗚呼山川設險此天
地之所以限疆界也嗟人之生雖聖且智其精神
固有限劑而動地之不可極今古同也奈何多欲
之君溪心壑志貪以取敗然後百鐸啓而天地閉
矣余讀揚雄蜀紀而感夫蜀之所以通中國者夫
蜀之爲國富美饒沃固自一天壤也西番東漢北
秦南廣一障之隔自生民以來君若世紹蜀不知
有中國而中國亦莫知有蜀五帝以來羈縻服外
蜀固不爲中國少而中國亦不爲蜀不足也周衰
之時蜀王貪昧求欲無厭故秦惠得圖之飾妖

嬈之子劉怪誕之牛以誘其畏而後褒斜之路棧
矣以故秦入得蜀之資而遂併天下自是蜀山不
閉莫有其有至于今爲中州則貪求之所致也一
自中國之有蜀也故不可謂之無利也然而風動
之辰常先他國而綴靈府一或入保則無復中國
之所有者是其爲國固鬼神之所作也余旣讀蜀
紀而感夫蜀之所以通中國者及讀陳子昂之疏
而又幸蜀之不通于吐蕃也夫吐蕃之于蜀猶昔
日之秦于蜀也方其挈唐之兵大戰則大勝小戰
則小勝幾十載矣未嘗亡一旅也以薛仁貴郭待
四川名勝志 卷之二十六 毛
封彪武之將屑十萬衆于大非之川一甲不歸以
李敬元劉審禮廊廟之宰辱十八萬衆于青海之
上竟不能俘一醜而關隴爲墟可謂疆矣然其涎
垂全蜀之珍如是之久而不得食者徒以山川之
阻絕而障塞之不通也胡爲議者欲以梁鳳巴嶷
之兵開蜀道繇雅州以討生羌而襲吐蕃夫羌人
固未易討而昔者東漢之所繇喪敗者也嗚呼其
亦幸而不成歟萬一生羌可破而蜀道遂開則蜀
之瑤庫自此轉而西矣使我而得吐蕃其財固不
足以裕國其地固不足以穡也而徒戮無辜之民

竭有常之帑以徇之爾其或得之而得以穡亦何
異于釋近墾而創遠業乎又何異于舍已之田而
芸人之田者也况已之田舍矣而他人之田未必
芸邪昔者漢之武帝好大而喜功使者張騫乃反
誇以西域之富于是噉丘以爭之四十年間中都
之財賦憂國之生靈畧盡于西域矣非不得其地
也得朔方之郡而自不能以耕也非惟不能耕也
得朔方之生而棄上谷造陽之熱以余故矣其所
以危士臣以締怨者得大宛良馬數十而已使齊
楚之巨擘怨而交訟所爭亦不啻是一何然邪嗟
四川名勝志 卷之二十六 毛
乎武之轍旣覆于前矣而隋之裴矩又以西域之
圖蕩煬帝之侈心于是親出玉門置伊吾且末而
關石蕭然始恃盛疆卒歸狼狽此魏公之所以傷
之者也顧不遘歟余嘗言之溟渤洪漲此天地之
所以限東徼也惡溪沸海此天地之所以限南徼
也陷河懸度之設乎西瀚海沙子之設乎北此天
地之所以遮西而制北者也微障霧于東維界黑
水于南極泄流沙于西隄決弱水于北滅此天地
之所以界四維也八荒之內奚有奚無八荒之外
何窮何止古之聖人一視同仁爲吾臣與爲狄人

臣奚以異是故人得其君則已矣請試舉一隅以
憲之方昇明之二年委王奉表以條其祖之勛謂
東西之所服者二百九十有六國是固海東之國
也倭王之所服者也其所不服者幾什伯君其盡
制歟支顯西游道其所記亦數百國此于甸以西
國也支顯之所知者也其不知者又不知其幾也
知猛法盛之錄壘勇道安之傳審至之國不下三
四五百大延四域之使魏氏四道之賓所奏之國
亦不下三四五百此世之未嘗聞者也是數千國
者固俱樂土也其地可謂遠矣而其人亦未嘗有
四川名勝志卷之二十六 堯
能道天之涯地之角者惡乎食而不知已邪慮亂
者穿其願志遠者賴其目黃帝堯舜非不能服遠
也而所守者域服之外一無所事其在周公亦不
過曰誥爾戎兵陟禹之迹而已夫禹聲教暨于四
海而其制中國若是截也伊尹四方之令狗國豹
胡亦不過三十有六國來者不可拒往者不爾追
又曷嘗勞吾萌宣吾府而奉之哉噫先王之政教
其施于中國者蓋詳矣惟先三之政教以治中國
則禹之所制不爲少矣不繇先王之政教則禹之
所制猶將不異于戎狄彼以遠畧誇後世而不詳

乎其內者是豈禹之心也哉末世之君不知古者
之所以爲國而以貪求速敗豈禹反惑邪嗚呼其
亦不聞蜀漢隋氏之事則已矣少有所知有不爲
之寒心哉○陳子昂感遇詩丁亥歲云暮西山事
甲兵羸糧匝印道荷戟爭羗城嚴冬陰風勁窮岫
泄雲生昏瞠無晝夜羽檄復相驚拳跼競萬仞崩
危走九冥籍籍峯壑哀哀氷雪行聖人御宇宙
聞道泰階平肉食謀何失藜藿緬縱橫自注云元
寶六載丁亥吐蕃圍松州也杜甫西山詩辛苦三
城戍長防萬里秋煙塵侵火井雨雪閉松州風動
四川名勝志卷之二十六 卑
將軍幕天寒使者裘漫山賊營壘回首得無憂嚴
武軍城早秋詩昨夜秋風入漢關朔雲邊月滿西
山更催飛將追驕虜莫遣沙場足馬還杜甫和云
秋風嫋嫋動高旌玉帳分弓射虜營已收滴博雲
間戍欲奪蓬婆雪外城○濤簡近邊有懷上韋令
公詩云聞道邊城苦今朝到始知羞將門下曲唱
與隴頭兒其二云黠虜猶違命烽煙直北愁却教
嚴譴妾不敢向松州 我明楊慎雪關謠云雪關
謠者途人思何將軍也雪山關雪風起十二月斷
行旅霧爲箐水爲苔馬毛縮鳥鳴哀將軍不重來

西路何時開按將軍名卿字蓋臣合肥人成都前
衛指揮僉事弱冠卽戎正德戊辰守備威茂庚午
征流賊手刃數人值東蠻出劫安縣警連大印落
鬼蠻圍壩底城二旬卿出奇破之又報捷于土門
威名大振庚辰論功晉指揮使擢都指揮視開篆
嘉靖壬午克小河叅將未幾芒部亂遷永寧叅將
擒隴政支等繕城署建學校瀘人多繪像祀之丙
戌擢松潘總兵時南路梗塞數十年矣公至悉圖
恢復收河修堡鑿險爲夷于是始通祭已奉命專
征茂州五寨殊死戰奪虎頭崖等險克平十一寨
四川名勝志卷之二十六 聖
進中府都督僉事仍領松鎮得節制東南大修長
安馬路師家永平等堡于善地增修禦寇靖虜諸
墩以扼險儲薪利用鑿泉便汲隨處賴之復裁省
各路每年安班番賞以萬計沿邊建營爲間二萬
有奇夾路邊垣障蔽一千餘里丙申渾水溝等蠻
復叛一鼓平之庚子進都督同知癸卯用言官議
以名將徵入水兵會推總督禁營力遜避乙巳奉
勅提督東官廳聽征總兵官會蜀白草蠻叛撫臣
疏請大征兵擬三萬有奇糧擬四十萬石時值大
饑公至惻然兵減三分之二糧減十分之力因敵

爲糧用降爲鎮直搗巢穴盡殲渠魁餘黨請降獻
地輸貢皆其力也公爲人清心寡慾號令嚴明恩
威兼濟動中機宜平時涉獵書史咨訪邊務身先
儉遜以風武弁邊氓父老謂丁大夫之後一人而
已

四川名勝志卷之二十六 終
四川名勝志卷之二十六 聖

四川名勝志卷之二十七

閩中曹學佺能始著

川西邊防二

威州 保縣 茂州 疊溪 汶川 灌縣

威茂道開府茂州轄威保疊茂諸將領而恭將一員駐劄茂州遊擊將軍一員駐劄疊溪寔左右之○威州通志曰禹貢西戎卽敘今松茂威保以接于吐蕃是也亦謂之西蕃先本羗屬凡百餘種散處河湟江岷間其酋發羗唐旄等居析支水西南涼禿髮利鹿狐之後也利鹿狐有子曰樊尼初利四川名勝志卷之二十七 一 蜀西刊

鹿狐卒時樊尼尚幼弟儼檀嗣位以樊尼爲安西將軍後魏神瑞元年儼檀爲西泰乞佛熾盤所滅樊尼招集餘衆投沮渠蒙遜以爲臨松太守及蒙遜滅樊尼乃率衆西奔濟黃河逾積石居跋布川或邏婆川于羗中建國開地千里樊尼威惠夙著爲羗羗所懷皆撫以恩信歸之如市遂改姓爲宰勃野以禿髮爲國號語訛謂之吐蕃其國都城號爲邏些城隋開皇中有論贊索者居牂河西唐貞觀中始通中國旣而滅吐谷渾盡有其地焉按吐谷渾鮮卑種也沈約宋書曰譙縱亂蜀之歲鮮卑

阿材遣其從子西疆攻吐谷渾敕來泥拓土至龍涸平康元嘉二十七年鮮卑慮索虜復生遣使上表云若不自固者欲率部曲入龍涸越雋門并求牽車獻烏丸帽女國金酒器胡王金釧等物太祖賜以牽車者也○唐初貞觀八年吐蕃弄贊奉表求婚不許乃進兵攻破党項及白蘭諸羗率其衆二十餘萬頓松州西境遣使貢金帛云來迎公主又謂其屬曰若大國不嫁公主與我卽當入寇遂進攻松州都督韓威輕騎覘賊反爲所敗邊人大擾太宗遣吏部尚書侯君集牛進達等率步騎五四川名勝志卷之二十七 二 蜀西刊

萬以擊之進達先鋒自松州夜襲其營斬千餘級弄贊大懼引兵而退遣使謝罪因復請婚太宗許之弄贊乃遣其相祿東贊致禮獻金五千兩其餘寶玩數百事儀鳳三年令益州長史李孝逸雋州都督拓王奉等發劍南山南兵募以防禦之往劍南兵募于茂州之西南樂安戎城以壓其境俄有生羗爲吐蕃鄉導攻陷其城遂引兵守之時吐蕃盡牧羊同党項及諸羗之地東與涼松茂雋等州相接南至婆羅門西又攻陷龜茲疎勒等四鎮北抵突厥地方萬餘里自漢魏以來西戎之盛未之

有也開元二十四年散騎常侍崔希逸爲河西節度使于涼州鎮守時吐蕃與漢樹柵爲界置守捉使詔以岐州刺史蕭昊爲戶部侍郎判涼州事代希逸爲河州節度使鄯州都督杜希望爲隴右節度使太僕卿王昊爲益州長史劍南節度使分道經畧以討吐蕃仍令毀其分界之碑二十六年四月杜希望率衆攻吐蕃新城拔之以其城爲威武軍發兵一千以鎮之其年七月希望又從鄯州發兵奪吐蕃河橋于河左築鹽泉城吐蕃將兵三萬人以拒官軍希望引衆擊破之因于鹽泉城置鎮

四川名勝志

卷之二十七

三

西

西軍時王昊又率劍南兵攻其安戎城左右築兩城以爲攻拒之所頓兵于蓬婆嶺下運劍南道資糧以守之其年九月吐蕃悉銳以收安戎城官軍大敗兩城并爲賊所陷昊脫身走免將士以下數萬人及軍糧資仗等並沒于賊昊坐左遷括州刺史以華州刺史張宥爲益州長史劍南防禦使主客員外郎章仇兼瓊爲益州司馬防禦副使宥既文吏素無攻戰之策兼瓊遂專其戎事俄而瓊入奏盛陳攻取安戎之策上甚悅徙宥爲光祿卿拔瓊知益州長史事代宥節度二十八年春兼瓊密

與安戎城中吐蕃翟都局及維州別駕董承宴等通謀都局等遂翻城歸款因引官軍入城盡殺吐蕃將士使監察御史許遠率兵鎮守之上聞甚悅中書令李林甫等上表曰伏以吐蕃此城正當衝要憑險自固恃以窺邊積年已來蟻聚爲患縱有百萬之難以施功陛下親紆秘策不興師旅頃令中使李思敬曉喻羌族莫不懷恩翻然改圖自相謀陷神筭運于不測虛畧通于未然累載通謀一朝蕩滅又臣等今日奏事陛下從容問臣等曰卿等但看四夷不久當漸摧喪德音纔降遽聞戎捷

四川名勝志

卷之二十七

四

西

則知聖與天合應如響至前古以來所未有也請宣百寮編諸史策手制答曰此城儀鳳年中羌引吐蕃遂被固守歲月既久攻伐亦多其地險阻非力所制朝廷羣議不合取之朕以小畜無知事須處置授以奇計所以行之獲彼戎心歸我城守有足爲慰也其年十月吐蕃又引衆寇安戎城及維州章仇兼瓊遣裨將率衆禦之仍發關中驍騎以救援焉時屬凝寒賊久之自引退詔改安戎城爲平戎城大曆三年劍南西川亦破吐蕃萬餘衆五年五月徙置安悉拓靜恭五州于山陵要害之地

以備吐蕃大曆十一年正月劍南節度使崔寧大破吐蕃故洪等四節度兼突厥吐渾互變羗党項等二十餘萬衆斬首萬餘級生擒峭城兵馬使一千三百五十人獻于闐下牛羊及軍資器械不可勝計十二年九月入寇坊州掠党項羊馬而去十月崔寧破吐蕃望漢城十四年八月命太常少卿韋倫持節使吐蕃統蕃俘五百人歸之十月吐蕃率南蠻衆二十萬來寇一入葷州過汶川及濯口一入扶文過方維白壩一入黎雅過邛崃關連陷郫邑乃發禁兵四千人及幽州兵五千人同討大

四川名勝志

卷之二十七

五

西

破之十二月崔寧復奏于西山破吐蕃十萬斬首八千生擒九百人○德宗之世萬年韋臯爲西川節度使城龍溪築西山堡以納降羗臯以雲南蠻衆數十萬與吐蕃和好蕃人入寇必以爲前鋒四年臯遣判官崔佐時入南詔蠻說令向化以離吐蕃之助佐時至蠻國羊咀咩城其王異牟尋忻然接遇請絕吐蕃遣使朝貢其年遣東蠻鬼王驃傍苴夢衝苴烏等相率入朝南蠻自舊州陷沒臣屬吐蕃絕朝貢者二十餘年至是復通五年臯遣大將王有道簡習精卒以入蕃界與東蠻于故舊州

臺登北谷大破吐蕃青海臘城二節度斬首二千級生擒籠十五人其投崖谷而死者不可勝計貞元八年臯攻吐蕃于維州敗之獲其大將論贊熱獻于京師先是鹽州城爲吐蕃所毀寒外無保障九年詔城鹽州策虜且來襲令臯出師牽制之臯命大將董勛張芬分兵出西山靈關破義和城通鶴軍定廣城踰滴博嶺遂圍維州搏捫鷄攻下羊溪等三城取劍山屯焚之南道元帥論莽熱來援與戰破其軍拔白崖焚定廉故城凡平柵堡五十餘所斬首二千八百級乃城鹽州山是西山羗八

四川名勝志

卷之二十七

六

西

國酋長皆請入朝十年臯復敗吐蕃克義和城獨維州不下十六年臯累破吐蕃一萬餘衆于黎州崑州吐蕃遂大搜閱築壘造舟潛謀寇邊臯悉挫之于是吐蕃酋帥兼監臘城等九節度要寵官馬定德與其大將八十七人舉部落來降定德有計畧習知兵法及山川地形吐蕃每用兵定德常乘驛計事蕃中諸將稟其成筭至是自以扞邊失律懼得罪而歸心焉十七年吐蕃昆明城管麼些蠻千餘戶又降贊普以其衆外潰遂北寇靈劍陷麟州德宗遣使至成都府令臯出兵深入西山以紆

北顧車乃令鎮靜軍兵馬使陳泊等統兵萬人出
三奇路威戎軍使崔堯臣兵千人出龍溪石門南
路維保二州兵馬使仇冕保霸二州刺史董振等
兵二千趨吐蕃維州城中北路兵馬使邢毗等四
千趨吐蕃樓閣老翁城都將高周王英俊兵二千
趨故松州隴東路兵馬使元膺等復分兵八千人
出南道雅黎路又令鎮南軍使御史大夫韋良
金兵一千三百續進雅州經畧使路惟明等兵三
千趨吐蕃進租偏松等城黎州經畧使王有道兵
二千人過大渡河深入吐蕃界萬州經畧使陳孝
四川名勝志卷之二十七 七

陽兵馬使何大海韋義等及麼些蠻東蠻三部落
至直那時等兵四千進攻昆明城諾濟城自八月
出軍齊入至十月破蕃兵十六萬拔城七軍鎮五
戶三千擒生六千斬首萬餘級遂進攻維州救軍
再至轉戰千里蕃軍連敗于是寇靈朔之衆引而
南下贊普遣論莽熱以內大相兼東境五道節度
兵馬都統羣物大使率維虜十萬來解維州之圍
蜀師萬人據險設伏以待之先出千人挑戰莽熱
見我師少悉衆來追發伏掩擊鼓譟雷駭蕃兵自
潰虜衆十萬鐵夷者半生擒論莽熱獻諸朝進車

簡校司徒中書令南康郡王御製紀功碑褒賜之
皇治蜀十三年凡破吐蕃四十八萬斬首五萬餘
○後自南詔入寇敗杜元穎而郭釗代之病不能
事事文宗太和四年以李德裕簡校兵部尚書成
都尹劍南西川節度副大使知節度事管内觀察
處置西山八國雲南招撫等使德裕乃大葺關防
繕定兵守又遣人入南詔求其所俘工匠得僧道
工巧四千餘人歸成都扶殘舊儒皆有條次成都
既南失難協西亡松維由清溪下沫水而左盡爲
蠻有始車皇招休南詔復舊州領帑以結蠻好教
四川名勝志卷之二十七 八

之戰陣文法裕以皇啓戎資盜養成癰疽第未決
耳至元穎時遇隙而發故長驅深入跋別千里勝
無才遺今癰瘕尚新非痛矯革不能刷一方耻乃
創籌邊樓按南道山川險易與蠻出入者圖之左
與吐蕃密邇者圖之右其部落衆寡饋餉遠近曲
折咸具乃召習邊事者與之指畫商訂凡虜之情
僞盡知之又料擇伏療舊僚與州兵之任戰者發
遣獐羣十三四士無敢怨又請甲人于安定弓人
于河中弩人于瀾西由是蜀之器械皆犀銳率戶
二百取一人使習戰勿貸事緩則農急則戰謂之

雄邊子弟其精兵曰南葵保義保蕙兩河慕義左
右連弩騎士曰飛星驚擊奇鋒流電霆擊突騎總
十一軍築伏羲城以制大渡清溪關之阻作禦侮
城以控榮經犄角之勢作柔遠城以扼西山吐蕃
復中岷關徙舊州治臺登以奪蠻險要簡去屬兵
羸弱者四千餘人復募少壯得千人募壯兵得千
五百人與土兵參居轉相訓習日益精練初蜀人
多鬻女爲人妾德裕爲著科約凡十三而上執三
年勞下者五歲及期則歸之父母以繁生齒威惠
大振太和五年吐蕃維州將悉怛謀以城降維距
四川名勝志卷之二十七 九

成都四五百里因山爲固東北由索叢嶺而下三
百里地無險走長川不三千里直吐蕃之界異昔
戎之以制虜入者也其地南界江陽岷山連嶺而
西不知其極北望隴山積雪如玉東望成都若
井底一面孤峯三面臨江是西蜀控吐蕃之要也
至德後河隴陷蕃惟此州尚存吐蕃利其險要將
婦人嫁與此州閹者二十年後婦人生二子成長
及蕃兵攻城二子內應其州遂陷吐蕃得之號曰
無憂城貞元中韋臯鎮蜀經畧西山八國萬計取
之不獲至是悉怛謀遣人送款德裕疑其詐遣人

送錦袍金帶與之託云候取進止悉怛謀乃盡率
郡人歸成都德裕乃發兵鎮守聞之于朝時牛僧
孺沮議言吐蕃之境四面各萬里失一維州未能
損其勢比來修好約罷戍兵中國禦戎守信爲上
彼若來責曰何事失信養馬蔚茹川上平涼坂萬
騎綴回中怒氣直辭不三日至咸陽橋此時西南
數千里外得百維州何所用之徒棄誠信有害無
利此匹夫所不爲况天子乎上以爲然詔德裕以
其城及悉怛謀等悉歸之吐蕃戮之于境上極其
慘酷德裕終身以爲恨會監軍使王踐言入朝盛
四川名勝志卷之二十七 十

言悉怛謀死拒遠人向化意帝亦悔之武宗朝召
僧孺出爲淮南節度德裕面奏曰臣在先朝出鎮
西蜀其時吐蕃維州首領悉怛謀雖是雜虜久樂
皇風將彼堅城降臣本道臣尋差兵馬入據其城
飛章以聞先帝驚歎其時與臣不足者望風嫉臣
遽獻疑旨上固宸聽以爲與吐蕃盟約不可背之
必恐將此爲辭侵犯却境詔臣還却此城兼執送
悉怛謀等今彼自戮復降中使迫促送還肯起
殺降終于杜郵致禍陳湯見徙是爲郅支
歎前事愧心終日今者幸逢英王恭備台司之敢

追論伏希省察且維州據高山絕頂三面臨江在戎虜平川之衝是漢地入兵之路初河隴盡沒此州獨存吐蕃潛將婦人嫁與此州門子二十年後兩男子長成竊開壘門引兵夜入因茲陷沒號曰無憂因併力于西邊遂無虞于南路憑陵近旬宵昨果朝貞元中章臯欲經畧河隴須以此城爲始盡銳萬旅急攻累年吐蕃愛惜既甚遂遣舅論莽熱來援維堞高峻臨衝難及于眉霄烏逕屈盤猛士多糜于礪石莫展公輸之巧空擒彼將而還及南蠻負恩掃地驅劫臣初到西蜀衆心未安外揚四川名勝志卷之二十七

國威中緝邊備其維州執臣信令乃送款與臣臣告以須俟奏聞所與探其情僞其悉怛謀莽率一城之兵衆奔州印甲仗塞途相繼空壁歸臣臣卽大出牙兵受其降禮南蠻在列莫敢仰視况西山八國隔在此州比帶使名都成虛語諸羌久苦蕃中征役願作大國王人自維州降後皆云但得臣信牒帽子便相率內屬其蕃界合水棲鷄等城既失險阨自須抽歸可滅八處鎮兵坐收千里舊地臣見莫大之利乃爲恢復之基繼具奏聞請以酬賞臣自與錦袍金帶顯侯詔昔且吐蕃維州未降

已前一年猶圍魯州以此言之豈守盟約况臣未嘗用兵攻取彼自感化來降又沮議之人不知事實犬戎遲鈍土曠人稀每欲乘秋犯邊皆須數歲就食臣得維州踰月未有一使入疆自此之後方應破膽豈有慮其後怨鼓此游詞臣受降之時指天爲誓寧忍將三百餘人性命棄信偷安累表上陳乞垂矜赦答詔嚴切竟令執還加以體披桎梏昇于竹畚及將就路冤叫呼天將吏對臣無不流涕其部送者便遭蕃帥譏誚曰旣以降彼何須送來乃却將此降人戮于漢界之上恣行殘害用固四川名勝志卷之二十七

子春秋明譏周文外送鄧叔簡冊深鄙况乎大國負此異類絕忠款之路快克虐之情從古以來未有此事臣實痛悉怛謀舉城受酷由臣陷此無辜乞恩魂特加褒贈帝意傷之尋贈悉怛謀右衛將軍○初贊皇作西南備邊錄其序畧云吐蕃開靈河隴失險締從南詔協以謀我并絡坤維我圍孔棘守臣章臯鑿清溪道要結蠻好犄鹿效順乃纂集事狀爲卷十七質幣結轍闔戶誨盜爰命德裕收紀其政乃建籌邊樓立雄邊子弟作仗義禦

侮乘遠三城以扼虜衝猶慮敵去而備弛也凡兵將糧械之數城鎮種落之名歲計經用之目講求利病輯爲一書諸郡虛實外夷情狀條分縷析燦如指掌卽立碑壘咸以朱書圖之仍總繪小圖標之首卷焉按備邊錄第四卷敘維州本末尤詳唐末吐蕃衰弱種類分散入內屬者謂之熟戶餘謂之生戶薄示羈縻而已宋時朝貢不絕其首領喃厮羅始居鄯州後徙青塘卽青塘嶺也青羌所居矣宋史吐蕃青羌首領奴兒結等爲邊害十餘年制置使留正以計禽殺之盡殲其黨趙汝愚代爲

四川名勝志卷之二十七

土

制置使奴兒結第三開復叛汝愚縣重賞以間羣蠻三開不能孤立愛死汝愚以定青羌功加秩卽此種元憲宗始于河州置吐蕃宣慰司都元帥府云○保縣志云出縣循南岸行一日又北渡大江至維谷安撫司可八十里又十里爲無憂城故址尚存按維谷卽古維州唐太和中陷于吐蕃其酋卽悉怛謀種矣○國初有阿漂者以捍虜功授勅印爲維谷安撫同知歲輸薄糧于維州蕃倉三年一貢其地有上碭下碭去無憂城百里去縣倍之前臨沱水後倚高山南接三姐西接孟董南抵達

思北抵東布又東至八稜碭與韃虜密邇歲終發番兵萬餘備糧械入碭防守至次年除夕更班保邊枚寧以維谷爲之保障也達思蠻長官金川禪師及打喇兒草坡六寺龍山以西諸寨皆隸焉○達思蠻長官司在維谷西五十里其先嚴泰與阿漂同功給印信授爲長官○寰宇記云隋開皇六年以石門鎮近白狗羌故于金川鎮置金川縣唐武德七年以屬維州貞觀初廢三年復置按今金川寺其故處也寺僧巴桑監藏及莽葛喇以有戒行得稱蕃都綱承樂初黃毛韃犯界金川僧招麻

四川名勝志卷之二十七

十四

喇防禦有工事聞賜號演化禪師及勅命銀印俾其徒世守焉地居維谷安撫之東管十五寨東北至八稜碭西至保縣南至稜城百五十里後漸衰弱見驅于維谷遷其族于董卜界上志云教場是金川寺地未詳○打喇兒寨上舍居威南路在文鎮河西先曾糾黑虎夷爲邊害正德間歸順奏准納貢頒賜勅書冠帶無印信遇貢赴維谷起文又有只臺寨蕃○保志云西北生番有孟董十八寨三國孟董董卜之裔也謂之孟董番亦名董卜韓胡唐時哥隣君董卧庭等求內附處其衆于維壩

等州居小鐵圍山去縣可七八日程東抵緄谷八稜礪模坡河在東如卜河在北卽古之孫水也南流雅州以牛皮爲船旣渡則曝皮于岸上候乾復用焉永樂八年歸附進貢授宣慰使司都指揮同知貢道有三一由緄谷八稜礪出保縣一由瀘溪口出崇慶州一由靈關出雅州近與緄谷不睦故直由雅安○又曰松茂威覺大勢如一身然松潘首也疊溪項與喉也茂州腹也東之土門西之威與汶保其手足也然餘皆在江內惟保獨居江外縣以東爲舊番卽箭上里之編戶叛去者地主稱

四川名勝志

卷之二十七

五

連樵采共路懷異志而漏華情莫若此矣又云縣北熟番二股一路爲水田星上龍山等寨向背不常一路爲近縣玉山十二寨稍稍易馴正北野番有架荒五十餘寨直連松州黑水號爲野蠻國初御史大夫丁玉用色銀鑄錠以誘之卽此夷也○維州志曰白狗嶺與大雪山連後有白狗羌居之寰宇記曰白狗國者西羌之別名與會州連接勝兵一千唐武德六年有使朝貢開元二十九年十月白狗國四品龍官蘇唐封及狗冉川五品龍官薩阿封等至京各賜金紫王帛以遣之貞元

九年七月其王陀羅忽與女國等詣劍南西川節度使韋臯內附詔授試太常卿兼保州司馬至今子孫承襲其爵云按白狗國女國俱在西山八國之數韋臯使銜兼節制西山八國卽此也杜甫西山詩夷界荒山頂蕃州積雪邊築城依白帝轉粟上青天蜀將分旗鼓羌兵助鎧鉞西南背和好殺氣日相纏又云子弟猶深入關城未解圍蠶崖鐵馬瘦灌口米船稀辯士安邊策元戎決勝威今朝烏鵲喜欲報凱歌歸○四夷考曰維州路生番最多有名色可改者曰孟董梁黃梭城月上星上龍

四川名勝志

卷之二十七

六

山龍溪大寺小寺等寨設一關六堡以戌之關曰鎮夷堡曰保縣曰新安曰乾溪曰西平曰礪州口坡底而坡底附近龍山竹打大寺小寺蒲圪太子憤等寨而龍山最强舊有龍山戌有城唐書廣德元年吐蕃陷維州龍山出城是也按唐薛逢送西川渠常侍之新築龍山城錫資兩州刺史及部落酋長詩云聖主憂夷貊屯師剪束欽皇家思眷裕星使忽登臨用命期開國違天必殲磈化須均草樹思不間飛沈束馬凌蒼壁捫蘿上碧岑瘴川風自熱劍閣氣長陰迅瀨從天急危橋入地深仰觀惟

一徑俯瞰卽千尋水作新城帶山爲故壘襟東開洞君聽南關納蠻心涯澤滿三部衣冠化兩林帶文雕白玉符理象黃金鳥道經印焚星經過紫參同軒如虜英休作苦辛吟蓋指此也○蠟州堡附近龍溪卜南水上諸寨與北路黑苦三姐生菴相通每歲耕獲既有蓋藏輒以礪兵劫奪爲事按卽保蠟蠻也方輿云威州保蠟蠻者唐保霸二州天寶中所置後陷沒酋董氏世有其地與威州相錯因羈縻焉嘉祐熙寧中常請朝命政和初知成都龐恭孫建言開拓置官吏廼以保州地爲祺州霸四川名勝志卷之二十七

州地爲亨州授其酋刺史團練使○按宋史董氏世知保州太平興國六年保州刺史董奇死以其子詔重繼之又云董仲元者襲職二十餘年安靜無事嘉祐中益州鈐轄司表其善撫蠻夷乃真命爲刺史其時有鷓鴣州亦遣人貢馬鷓鴣州未詳疑卽古定廉縣今之金川寺故史謂西南邊地有鷓鴣保州矣○四夷風俗記曰維州諸番日務射獵夜宿礪房炙羊膀以卜吉凶分善惡以爲黑白以戰死爲善終以相殺爲厮打父子兄弟大則舊殺轉眼相背不知骨肉有大小姓猶言大小族也董卜

金川俱屬小族雜谷達思俱屬大族志云其生一產雙子乳右者爲小又云射旄牛者爲大射綿羊者爲小二姓相間而居丁大夫王克復其地始分之蓋使大牙相制云耳○歲時不用官曆知歲時者爲端公如辰年則畫十二龍或卧或行因形而推之他像亦然番僧衣佛經推筭日月蝕及甲子建除毫釐不差大率以十月爲一歲○嫁娶富者以猪羊毛氈布疋粟麥爲禮其賠裝資必須生子之日數人俟于路口其女潛出娶至其家方焚香宰羊牛會親○人死則坐尸于水架上置之倉舍四川名勝志卷之二十七

茂州

華陽國志冉駹國漢時祚以東北君長十數冉駹最大武元鼎六年所開以爲汶山郡至宣帝地節三年夷人以立郡賦重帝乃省并蜀郡爲北郡都尉其山有六夷七羌凡各有部落其王侯頗知文書後漢靈帝時復分蜀郡北郡爲汶山郡蜀建興十年汶山平康夷反姜維討之始服寰宇記云

石室冉驪夷人所造者十餘丈山巖之間往往有之○宋史茂州羌蠻地方數十里舊領羈九州皆蠻族蠻自推一人爲州將常在茂州受處分舊州無城惟植鹿角蠻以晝夜入州掠人畜貨賣遣州將往贖之習以爲常宋神宗熙寧八年范百常知茂州民請築城旣而蠻酋訴稱城侵其地乞罷築百常不許九年三月始興工靜蠻數百奄至百常率州兵擊斬數人蠻乃退百常遷民入牙城明日蠻數千人四面焚鹿角及廬舍引梯衝攻牙城矢石雨下百常悉衆乘城拒守二酋長爲木備所殺

四川名勝志

卷之二十七

尤

蠻兵乃却茂州南有鷄宗關通永康軍北有隴東道通綿州皆爲蠻所據百常募人間道請成都又書木牌數百投江中告急蜀綿兵救之蠻始解圍誓和自是蜀人稍定百常亦以築城生患坐奪一官旣而生羌合羣蠻復至相距七十日詔遣內押班王中正將陝西兵來援入恭州宕州誅殺頗衆蠻遂降政和五年有直州將郅永壽陽延俊董承有等各以地內屬詔以永壽地建壽寧軍延俊承有地置延寧軍然與亨祺二州皆非扼控之所未幾皆廢○一統志云 國朝設茂州以統羗民設

茂州衛以統軍伍軍居城內民居城外羗凡和誓輸牛羊棘耒耜各一乃縛劍門于普場酋豪皆集引于劍門下過刺牛羊豕血飲之掘地爲坎縛羗婢坎中加耒耜及刺于上投石擊婢以土埋之巫師咀云有違誓當如此婢○土夷考云茂州東路生沓白草最強大而白草又與松潘黃毛韃虜相通桃紅青片板舍次之白苦水磨岐山又次之有犯守官轄桃坪神溪夾山等凡七關堡○桃坪者去白草青片諸番不四五十里志謂古桃關也見水經注關通西城之路北當風穴一二里間書

四川名勝志

卷之二十七

辛

夜沙石飛揚不息寰宇記云故桃關在汶南八蠻界公私之路俱從于此有繩橋渡江認守桃坪者爲隴木司○隴木頭長官司茂之隴木里人 國初以酋長歸附授承直郎世襲長官歲常貢馬二疋所屬玉亭神溪十二寨俱爲編氓有保長統之○靜州長官司司茂之靜州里人襲官貢馬與隴木同正德間與岳希蓬節孝爲亂攻茂城斷水道七日節貴弟車勾潛引水以活我軍事平使車平襲職管法虎核桃溝八寨編戶爲氓有保長統之認守北定門至關子堡按靜州卽唐之悉唐縣矣宋

史曰塗靜當真時飛宕恭等九州蠻皆羈縻州也
環茂州而居州不過數十里而已按唐茂州都督
府羈縻州九靜州其一已見前矣維翼二州後進
爲正州卽今疊溪所也弟其名與宋史不同附載
之以俟攷焉○塗州唐武德元年臨塗羗歸附置
領臨塗端源婆覽三縣貞觀元年州縣俱省三年
又分茂州之端源戎置塗州縣有端源臨塗悉隣
三縣與州同置○炎州貞觀五年生羗歸附置西
封州八年改爲炎州縣有大封慕仙義川○徽州
唐貞觀五年西羗首領董州貞歸化置縣有文微
四川名勝志卷之二十七 三

州北路有長寧安撫司其先曆日寨首也 國初
歸附屢有從征功賜勅印世爲安撫使月俸四石
三年一貢久未襲官使王含護印而已姓蘇氏管
繫溪章貢等六寨有把守官轄長寧實大韓胡椒
園松溪等八關堡○長寧堡實大關附近巴豬五
族及大小曆日稱最強悍○韓胡堡附近恰列寺
韓胡礪水磨溝等寨而恰列寺皆番僧也原給有
勅書三年一貢○椒園堡附近後溝烏都及河東
之法虎插兵六寨俱靜州屬羗也往來茂地貿易
與居民伍○松溪堡附近黑苦七族番衆二千有
四川名勝志卷之二十七 三

俄耳文進○向州唐貞觀五年生羗歸化置縣有
俱左向二○冉州本微外欽才羗地貞觀六年置
西冉州九年去西字縣有冉山磨山玉溪金水○
○穹州貞觀五年生羗歸附置西冉州八年改爲
穹州縣有小川微當壁川當傳恭耳○梓州貞觀
七年白狗羗降附置西恭州人年改爲梓州縣有
遂都亭勸北思○恭州開元二十四年分靜州廣
平縣置恭州仍置博恭烈山二縣天寶元年改爲
恭化郡乾元元年復爲恭州本屬隴右道後割屬
劍南道其屬縣有和集博恭烈山○上考曰茂

奇嘉靖間攻圍堡城絕我餉道要我重賂乃解至
今尚歲費撫賞四百金有奇○經畧志云正德十
三年巡撫都御史宋滄克平壩底白草諸寨諸夷
獻侵地二千餘頃又克平茂州鷄公寨十五年長
寧等處深淺諸寨番蠻聲言復讐求索賞需兵備
副使朱統督同叅將遊擊將軍提兵搗巢擒其首
惡餘黨俱以次降年例賞需盡行裁革至今西陲
妥靖諸蠻不復弄兵開邊隙矣○統有茂邊紀事
其詞曰嘉靖丙申季春乙丑護林之北來遠之南
長寧古驛之墟穆肅兩河之會有戎不軌倡自三

溝羣醜弗威陰連二姓稔兇殘于殺越肆呬睨于轉輸神矣梟梟作惡惟窺日入秘如鬼蜮欺人至擬天驕急峽鯨奔呼吸繫千人之命重關櫛比安危引一髮之鈞天意伐謀地隣告變周郎分間夜傳銅虎之符龔尉名家早試金蒲之鏃羣饕太沮一芥不遺兇出柙而猖狂豕負塗而躑躅嬰此方張之寇四路無雙動皆以律之師三城有恃警聞參府建節星馳令下岳希刻期雲合累官都督何無忌之策勲獨將遊兵杜祁公之敵愾松州遣騎臨翼移屯乃控上游互爲策應蜀山吠日百爾隨四川名勝志 卷之二十七 圭

間道于夜泗坐收要害獲細姦于時出巧中機宜旌旗與白日交輝號令爲雪山增重縱橫應敵三軍不損一人遠近執俘一月豈惟三捷腰金貴介獨馳不測之巔手刃元兇兩奪羣攻之具庸公尤烈脇從皆降惟彼深溝猶茲跋扈千仞翔而弗下蘭石爲驅萬夫惹爾莫前常山阻絕老師非計密使與權昭物采以犒軍後壺漿而屬道狼貪可笑甘心葛伯之邀鴆毒胥懷駢首中山之卧荆棘介然成路叱咤生風桑榆藉此收功譁張虧實光韜巨闕言戰爭鉅敵樹蕭牆筆鋒禦侮斷案得中丞四川名勝志 卷之二十七 圭

士歌而崑崙應妖氛淨而牛斗光偉哉主帥之功
展也多賢之輔智慧信惟乘勢號咷終有同人徵
調無煩旁縣不聞金革公私大省居民盡仰帡幪
彼媚嫉者何爲竟捷幡乎何益嗟呼夷狄古無深
治兵家未有常形處置得宜韓輿取捷忠刑易位
陳璘爲夷慎蕭氏之金甌白茅斯重碎范增之玉
斗瓦礫何殊語要無他任人而已邇歷年之多難
慨當事之寡謀合耕織于專門玉人受教狂採樵
于近利天險爭雄千里徵兵驅市人而浪戰一言
遣將率子弟以輿尸野心從此日驕士氣至今不
四川名勝志卷之二十七 圭

聲咫尺西橋鬼門騰號狗彘貴干人命幾猶賤同
草菅草聖稔兇神人共憤忤勲死事日月爲昏上
帝聞腥旋轉廓清之運元臣秉鉞鑿開混沌之天
罪惡貫盈宜俾根株悉拔險膚起信乃惟旦夕邇
圖程血猶爭虞旌倏下倉皇失措馬高已死之金
喪亂既平人惜有功之袴襪兒解體髦士弛擔乏
承殊類杞憂環視漠如越瘠言猶在耳戎復生心
試觀四起之塵夫豈一朝之故及今不戒尚事因
循厥禍長流將何紀極彼其之子束高閣乎幾年
亦獨何心壞長城乎萬里塞胸諸難未聞決策聳
四川名勝志卷之二十七 圭

殺春生孰夷四時之令是非如鏡賞罰快人英雄
有樂死之心沙漠盡宣威之地嗟乎室家安枕所
重藩籬七劑奏功寧辭眩靡鹽莫非王事匪躬
乃見王臣紫塞歸驂者老垂漢官之涕清萍長價
將軍全報主之身相府待衛宏啓清平之宴玉堂
秉筆大書全勝之樓白面何能躬逢盛事彤弓載
咏共醉佳辰念一時共事之情成百折不回之義
有痛更深于定惟亡乃保其存爰紀諸艱用酬同
志○陳子昂蜀川安危書云臣伏見四月三十日
勅廢同昌軍蜀川百姓每見免五十萬丁運糧實

四川名勝志

卷之二十七

三

三

大蘇息然松茂等州諸羌首領二十年來利得此
軍財帛糧餉致富已潤廬今一旦停廢失其大利
必是勾引生羌詐作警固以恐動我若松茂等州
無奸都督則此詐必行旦夕驚固必有發者一發
之後警動蜀州朝廷不知徵兵赴援兵至賊散靡
弊更甚伏乞選擇茂州都督嚴加斥埃乃命御史
一人專在按察若有許妄即錄奏稱加法以懲其
姦庶可久長安帖不然受其弊者不勝勞瘁已夫
蜀川運糧既停百姓更無重役至于租庸合富府
庫今諸州逃走戶有三萬餘在蓬渠果合遂等州

山林之中不屬州縣土豪大族阿隱相容徵斂驅
役皆入國用其中遞手情業亡命之徒結爲光火
大賊依憑林險巢穴其中若以甲兵捕之則鳥散
山谷如州怠慢則劫殺公行比來訪問有人說逃
在其中者攻城劫縣徒衆日多誠可特降嚴加勅
令州縣長官與吏人設法大招此戶則劫賊徒黨
自然除殄其三萬戶租賦即可富國若縱而不括
以養賊徒蜀州大弊必是未息天恩允此請乞作
條例括法聖曆元年五月十四日通直郎行右拾
遺陳子昂狀○余分守川西詢諸有司議戍軍曰

四川名勝志

卷之二十七

三

夫戍軍之設蓋謂邊地空虛人煙稀少故令漢彭
雙溫等處抽丁戍其法誠爲至善然歲久月易
其中有當調停者何也戍軍每年九月撥發十月
到邊往往非死則病非病則逃毫無實用試言其
故蓋漢彭等處風氣溫和卽冬無霜雪而蔬菜俱
備茂疊寒垣風沙慘烈雖夏不消冰而百物不產
以故戍軍到邊寒暖不合飲食不調多生疾病當
有司促迫上道哭別父兄妻子若永訣者至殷實
之戶強壯之丁多有展轉規避惟無告窮民不獲
已就列或又闔戶共僱一乞丐無賴之徒以充數

比及到邊身無完衣腹無飽食囊無半粒手無寸鐵奄奄扶杖而行致使番夷倚山而笑曰戍軍來也病者病死者死逃者逃邊隘會不得借其一臂之力嗟嗟似此景象在安常處順猥云有餉有兵倘一旦羌夷竊逞而欲其斬將奪旗捷仗用張得乎是至苦者莫若戍軍至無用者亦莫若戍軍也然則奚術而可亦惟是裁省抽發召募土著乃爲常勝之兵焉何也茂疊不產五穀不養蠶桑人所爲命者惟恃軍餉耳且如五口之家須應軍二名方得溫飽不然而應軍一名且見菜色如無軍可

四川名勝志

卷之二十七

五

應則無生可度動見逃竄如今之灌郾漢廣往往有茂疊逃民蓋以此也倘以職言爲不謬將戍軍之糧召募土著之民人人有糧人人可兵不出三年逃避者必回故里地方之集聚日益衆邊塞之軍兵日益精在平常無事足以壯國威苟一旦臨戎則人自爲家家自爲守可必其用命內地無戍軍之苦在邊庭有敢勇之卒竊意羌番雖狡亦無所用其謀矣職書生也不敢言知兵但此明白易見斷斷乎其可行者通變宜民是在今日耳隨經移會該道轉行成都府茂汶保灌等州縣回覆聞

適余署司篆看得戍軍之議或因或革非止一次每盈庭不決者蓋由行月二糧全改半改未得其肯綮故也何則月糧者祖軍之額不可移動者也行糧專爲更番戍守設耳若免其戍邊而不動其月糧則人皆樂從矣且衛所得裕差操之役軍戶永免津貼之累而所利更廣矣查威茂一帶班軍以三十六七等年計之各該一千二百餘名折支司府民屯實米并布花銀共五千五百二十餘兩此其大較也合無比松邊例裁去班軍前項銀兩支發該邊自行召募每名工食每日給銀二分共

四川名勝志

卷之二十七

五

募兵七百七十名與主軍分認地方差使不得紊亂仍附官兵會計之後請發不得別立名色增補是尺籍雖稍虧而邊方得實用也時如議行之○曹學佺曰戍軍裁革已三年矣而求復者未嘗一日忘焉蓋不便于將領之唆削及至軍之陵虐耳而上之人不爲動也欲動之必如陳子昂所云勾引生羌詐作警固者有一言破之良家子弟不足以雄邊必外來客作乃習戎事防秋死別一戍數年來歲生還什無四五前備兵使者朱統之言可念也○疊溪古氏羌地漢爲犍爲縣屬蜀郡晉屬

汝山郡後周置翼斜郡隋初廢郡以縣屬會川大業初屬汝山郡○寰宇記唐武德元年復改汝山郡爲會川領翼斜翼水左封凡三縣其年卽以三縣置翼州五代至宋元皆爲羗人所據不置州縣本朝洪武十一年平羗始置疊溪右千戶所隸茂州衛二十五改守禦軍民千戶所○其地東西廣六十五里南北袤九十五里東至犂牛山五里西至黑水生蕃六十里南至茂州界三十里北至松潘界六十五里○圖經性獷勇悍不習詩書近漸染聲教習尚衣冠遠者不通漢語衣皮褐喪不棺

四川名勝志

卷之二十七

圭

荒

而火化耐饑寒疊石爲礫以居所名本此其土產犂牛毛毯酥油射香香豬白密犏牛馬雞○其山北有蠶陵東有犂牛南有排柵東北有雲峰各去所城五六里城西三里卽漫江也源出松州與黑水合流入茂州城南有玉津泉甃以鐵瓦接引至城下居人汲之不竭有古積雨臺今爲觀在治南有石輪寺沿崖皆佛相志云唐貞觀中李將軍廣所鑄也在治北四里○廢翼州城在治南寰宇記云唐武德元年置取郡翼水爲名六年自左封移州治于翼斜咸亨三年置都督府移就悉州城

內上元二年罷都督移還舊治天寶元年改爲臨翼郡乾元元年復爲翼州○廢蠶陵縣在治北漢治蠶陵縣屬蜀郡莽改爲步昌也寰宇記衛山縣本漢蠶陵縣地注漢書蠶陵故城在翼州翼水縣西有蠶陵山隋改爲翼斜縣治七頃城唐貞觀十七年移理于七里溪二十三年以英國公李世勣爲疊州都督天寶元年改爲衛山縣又曰翼水縣亦蠶陵縣地隋初置取縣西南翼河爲名按後周之龍水縣隋改翼水水在所治南五十里一出松潘一出黑水翼如也卽汶江矣○廢悉州城在治

四川名勝志

卷之二十七

圭

東南四十里唐顯慶三年割左封縣界內悉唐川因立爲悉州領悉唐左封識曰三縣以羈縻羗人其首領有董係比射任刺史自後射卒以左封縣令董俱悉凍任刺史兼勅以父死子繼咸亨元年移治左封載初元年移治匪平川○廢左封縣址同悉州寰宇記云左封縣本屬翼州在當州東南四十里唐顯慶元年乃于縣治悉州焉○廢縣城縣唐垂拱二年置廢眞州唐天寶五載分臨翼郡之昭德鷄川兩縣置昭德郡乾元元年改爲眞州取眞符縣爲名其一曰眞符縣唐天寶五年分鷄

川昭德二縣置真符縣州所治也其二曰鷄川縣唐先天二年割翼州翼水縣置天寶五載改屬真州其三曰昭德縣舊識曰縣屬悉州天寶元年改屬翼州仍改名昭德縣五載改屬真州按通典有鷄川昭德二縣唐書云開生條新置卽不述年月今茂州鷄宗關名本此亦相近○四夷考曰疊路生番最惡而五巴豬爲尤甚牛尾麻搭楊柳麥兒次之凡四十八寨其地南連黑苦西通黑水北接松潘頻年虜去漢人多賣入黑水加兵征之卽逃入黑水黑水益廣饒之地遠近莫知所紀極也○

四川名勝志 卷之二十七

志

志云疊溪千戶所領長官司二曰疊溪司在治北一里曰鬱卽在治西十五里疊溪郁氏洪武十五年以土酋歸附世其官永樂中頒給印信除流官吏目一員凡三年貢馬四疋今長官郁孟賢轄河東熟番八寨皆大姓及馬路小關七族土舍郁從智轄河西小姓六寨此六寨素梟黠地土廣遠牛羊稞麥露積名雖熟番與生番等耳○鬱卽長官噉保萬曆十八年與黑水松坪攻我新橋明年代誅先是漢關墩附近勒骨諸小姓屬于鬱卽至是改屬郁氏○新堡附近爲巴豬大寨衆逾千數其

人形如魍魎性喜黠盜雖受歲賞月糧糜耗而已自嘉靖二十三年以來屢經渡河虔劉我官軍攻掠我城堡稔惡不悛數將貫盈議者欲于舊關腦搭橋進兵及馬路堡後長寧沙壩潛師遠其後上下夾攻可大創也○永鎮堡附近爲牛尾寨萬曆八年與十二年麻搭濟惡頗肆殺掠十四年征之逃入黑水獻出番牌投降埋奴爲誓乃免○太平堡附近爲楊柳溝河西強種也與松潘之大小耳別同枝向稱猾梗萬曆十四年征之不獲後四年乃糾松坪白泥黑水三千餘番同陷新橋十九年四川名勝志 卷之二十七

志

復大征亦埋奴求免

灌縣 汶川

西邊志云灌縣獠澤關景泰七年立去董卜韓胡可千里番民至關市易惟大黃茶藥而已去關七十里爲惹龍關加渴瓦之地也○加渴瓦寺亦董卜韓胡支派正統中調征草坡宣慰司遣僧鎖南列思巴來赴賜號崇教翊善國師給勅印使分管摩多集塔藏製舊寺等十三寨都綱麻喇者成化間孟董梁黃之亂調發協征遂就汶川塗裏山巔居焉國師久未承襲以土舍護印而已僚澤等關

是其認守○汶路生莽惟草坡驚點有三寨在河
西山外一徑通董卜宣慰一徑通孟董梁黃向以
假道騷動十八年征之始震營輪蕎收于汶川聽
約束于果水矣○寒水土巡簡司高氏其先日銀
兒直隸霸州人洪武七年授職防守河西住蘇村
寨三年貢馬二疋正統七年草坡攻汶川司印爲
所劫景泰間重頒授之調征龍溪卜南諸寨屢立
戰功隆慶間草坡復攻破蘇村寨遂移在河東

四川名勝志卷之二十七

四川名勝志卷之二十七

五

四川名勝志卷之二十八

閩中曹學佺能始著

川西邊防三

龍安府 青川 石泉 安縣

安綿道開府綿州轄龍安青川石泉綿州諸將領
守備指揮一人比都指揮體統駐石泉而龍安參
將同城以居○龍州古氏羗地漢曰陰平道註云
有夷之地曰道如剛氏道甸氏道之類是也北部
都尉治此永平後始稱郡自後江油或稱平武或
曰龍州或曰龍門或收靈應郡或收政州時代不
四川名勝志卷之二十八

一

同因革亦異宋景定間臨邛人薛巖以進士來守
是州捍衛有功得世襲焉家譜爲戰國薛居州之
後也國初其裔薛文勝歸附仍授知州時千夫長
隴西李仁廣提領官高郵王祥給我餉饋蜀平賜
李州同知王州判官宣德中以征松潘功陞州爲
宣撫薛氏世宣撫使李爲副使王爲僉事各統土
兵五百分守白馬白草木瓜三番嘉靖末年薛兆
乾謀逆伏誅遂改宣撫司爲龍安府割成都之石
泉保寧之江油及青川千戶所隸焉降兆乾庶爲
襲土知事王氏李氏俱襲土通判列衛本府分守

如前仍移小河參將于府城彈壓之附郭平武縣
萬曆十九年始設也江油地雖腹裏然寇糧運之
咽喉矣○益州記曰江水自白馬嶺廻行二千餘
里至龍洞又八十里至西陵縣又百二十里而至
北部北部卽龍州也白馬嶺卽白馬番地隸王通
判在府正北三百里北通階文西抵漳臘其生番
號黑人延袤數百里礪房不計有名色可舉者凡
十八寨寨多不過四五百人少可百人而已設有
散牌總牌等名目以約束之番僧番舍諸號以誘
化之法甚密也嘉靖元年白馬跳梁用兵五千分
四川名勝志 卷之二十八 十一
五路而進一由鐵龍堡一由黃羊關一由三舍堡
一由北雄關一會兵陝西由階文入大創之而喘
息聽命矣○白草番隸李通判在府西南四百里
東抵石泉約七十里西抵南路生番南抵茂州番
北抵平武縣境蓋唐吐蕃贊普遺種也上下白草
凡十八寨部曲素強恃其險阻往往剽奪爲患嘉
靖二十五年大征用兵三萬七千一由龍州一由
石泉一由礪底所斬獲甚多事平增雙溪大魚永
平輿邊諸堡革撫賞斷鹽茶余以白旗永塞入龍
之路于是礪底河西風村等十一寨永平河東北

草等十七寨過數百里男女四千餘人相率來降
許其畜髮頂巾送子讀書習學華語歲輸糧芻爲
珉編走馬嶺一帶爲十村由平一村以至平十村
也射溪溝一帶爲八村自一化以至八化村也村
立一長長卽舊番牌之號又有風村巔等二十寨
尚仍舊名亦同時歸順者事在萬曆十七年○木
瓜番隸薛知事在府上游近小河千戶所境土迫
促種類不蕃雖有五寨約男女不二三百人先是
統于薛氏受其歲賞嘉靖二十三年勾引白草番
反爲之鄉導事平止許歲至小河領賞不得度大
四川名勝志 卷之二十八 三
魚關○青川千戶所白馬番之後路東抵白水陽
平關陝西寧羗州界西通白馬路轉古城驛而抵
龍安南至椒園堡叢林密菁多盜賊北通青塘嶺
直達階文寰宇記云後魏之馬盤縣也有馬盤山
高三千三百丈其形似馬盤旋而上隋改馬盤爲
青川縣圖經云清水出岷胡山濶五丈東流入利
州界其水清美亦云岷胡水矣志作醜翻蓋美名
之圖經曰青川東三百四十里爲白水江邵艾伐
蜀嘗作浮橋于此按華陽國志平武縣有關尉自
景谷有步道徑江油左擔出涪郡艾伐蜀道也○

志云所北十里有大雄山峻極出于雲表卽北雄關也近又設控夷關墻垣營壘完固堪守稍前爲瓦舍壩乃熟番保保住種地其衆怯弱易馴按廣輿考有思曩安撫司設于此矣○石泉北隣土永平西連青岡壩底諸番最稱強悍壩底守備駐劄縣城○復土堡在縣西北稍南爲青岡各相去十里許介二堡間有青泗口路通壩底河東河西白草青片諸生熟夷隸石泉守備提調○東二十里爲永平堡設在山崖形勢斗峻控制白草諸番隘口永平西三里爲奠邊關關南里許爲火草坪火四川名勝志卷之二十八 四

草北十五里爲萬安東二十里爲喜定俱永平把守指揮提調○北四十里爲壩底其地東抵通寧西連白草南距石泉北通青片堡其南十五里爲石板關東十五里爲石泉堡又五里爲白印墩壩底把守指揮提調○大印堡設于山阜巍然天險亦白草番出沒之要路也堡西二十里爲茆堆又五里爲山茅山茅東一舍爲徐塘徐塘北一舍爲伏羌伏羌北兩舍爲大方關關與大印相首尾矣故屬大印把守指揮提調○安縣東至涪城西極綿竹南通羅江北達石泉境內雖無夷族然而迫

隣睢水曲山疊溪諸關堡則天池大壩白草青片等寨亦其接壤也曲山關介在當縣石泉平武三路睢水關爲當縣綿州適中之地面山負水平衍沃饒關西一舍名綿堰堡綿水發源于此關東一舍名疊溪堡乃白草番後路形勢孤懸安綿倚爲保障設有官軍鄉勇屬睢水關把守提調

四川名勝志卷之二十八 終

五

四川名勝志卷之二十九

閩中曹學佺能始著

上川南道邊防

建昌道開府建昌衛轄行都司三員一署篆一操練一屯局近改屯局爲遊擊將軍守備二員一駐鎮西所一駐雅州所近又增設會鹽守備一員領衛六曰建昌前衛同一治曰會川曰鹽井曰越嶲曰寧番自爲治○建昌衛本漢邛都國地漢武元封六年以廣漢之西部蜀郡之南部爲越嶲郡卽此水經注曰嵩山有嵩水言越此水以章休盛也

四川名勝志卷之二十九

郡領邛都縣示闡臺登會無大竿定竿三絳卑水安上馬湖十一縣或治邛都或治會無遷徙不常十道志云魏晉以還蠻獠恃險鈔竊乍服乍叛至齊復來納款因爲越嶲獠郡以統之按總志作獠郡卽獠也獠種每三年一櫛髮其日宰牛以祭天及祖父始加梳世俗獠頭之說本此○按宇記後周武帝征越嶲開地立嚴州取其嚴敬爲稱隋開皇四年改爲西寧州又改嵩州唐武德初嵩州領越嶲邛部可天蘇祁臺登五縣二年又置昆明縣三年置總管府貞觀二年割雅州陽山漢源二

縣來屬八年又置和集縣天寶元年改越嶲郡依舊都督府乾元元年復爲嵩州至德後沒入番貞元十二年復太和中徙治臺登縣按臺登城址有二在今治北百里外者漢設在大渡河北岸者隋設也唐懿宗時郡爲蒙詔所據改曰建昌府以烏曰二蠻實之元至元間置建昌路又立羅羅斯宣慰司以統之 國朝洪武間克元將月魯帖木兒賈哈刺因能宣慰司置建昌衛改建昌路爲府旋廢改衛爲軍民指揮使司編戶通計六十七里○其形勝金沙江畫前大渡河界後牛欄江鎮左打

四川名勝志卷之二十九

冲河禦右其幅員東西廣五百五十里南北袤九百二十里東至烏蒙府界五百里西至常郎堡生吐蕃界五十里南至雲南武定府界七百八十里北至寧番衛百九十里至越嶲衛二百八十里至鹽井衛三百里至會川衛五百里至省城千四百八十里○九州要記云嵩之西有文夷人身青而有文如龍麟于臂脛之間將婚會于路歌謠相感合以爲夫婦焉又有穿鼻僮耳種瘴氣有聲着人入死着木木折號曰鬼巢有濮夷在郡界千里常居水上作屋有尾長二寸若損尾立死若欲地上

居則預穿穴以安尾亦名尾濮有本耳夷死時燒之煙正則大殺牛羊相賀以作樂若遇風煙旁散乃大悲哭○本志云東門十部蠻羣居竹籬板舍不事修飾刻木爲信裙不過脛或時乘馬則併坐橫足酋長死無子則妻女繼之俗尚火葬而樂送以鼓吹爲送終有疾者不用醫藥召女巫以雞骨卜事無巨細皆決之巫善製堅盾利刀又能作弩置毒其末沾血則立斃矣○上南志云建昌城外二河曰懷遠曰寧遠俱流入瀘水以合金沙江瀘水在治南十里外有光福寺舊瀘山寺也元史

四川名勝志

卷之二十九

三

世

云其水深廣而多瘴鮮有人行春夏常熱可燔雞豚然諸葛武侯渡處尚在下流與會川衛相近○志云海子在城東十五里人多游汎其中又東南十五里曰螺髻山以形似名東百三十里曰涼山羣峯競爽四時皆寒近松坪賦乃之界○按漢置越嵩郡所領縣十一曰邛都曰闐今越嵩及邛都長官司是曰定竿今之鹽井曰會無今之會川曰蘇示今之禮州曰大竿今之黎州曰馬湖今之馬湖府曰臺登解已見前曰三絳今屬雲南惟安上縣有水路諸葛武侯由之入越嵩者別將高定元

自卑水多爲壘守焉孟康訂卑水曰班水也○華陽國志云治南一百八十步有德昌舊府三十里有武侯故城東一里有永定舊州二里有孟獲城東三百里有元時社社縣國初改爲碧社東四百里元時中縣其先曰中州○土夷攷云元至正間置建昌路以其地爲建安州隸雲南行中書省洪武四年鎮國上將軍羅羅斯宣慰使安普卜之孫配率衆歸附遂命以招安旁夷有功授昭勇將軍子孫世襲尋改授土指揮使帶衛建昌衛不給符印置院于城東郭外里許使居之所屬有四十

四川名勝志

卷之二十九

四

世

八馬站火頭吐蕃焚人子伯夷摩些格德保羅巒鞞回紇諸夷種散居山谷間北至大渡南及金沙東抵烏蒙西訖鹽井延袤殆千餘里昌會齊威龍三州長官司隸之有把事四人世轄其衆皆節制于闐衛諸帥西夷大酋此始爲稱首云配六世孫安忠無後妻鳳氏管事鳳氏死族人安登繼襲復無子妻羅氏管事以族人世隆嗣世隆復無子繼妻祿氏管事近日祿氏死以族姪安崇業嗣所轄有四驛曰祿馬阿用白水瀘沽各以百里爲差併涼山拖郎桐槽熱水等夷亦皆以強弱爲向背矣

○按祿氏與崇業不相能者十數載又養那故爲假子其惡奴祿祈從吏之甚力歲相讐殺無寧宇以萬曆庚戌著司事移會該道悉心調停稍就約束因看得夫亡妻繼固諸夷家風也然亦有說焉藉令祿氏者黨逆奴養假子而謀絕安嗣禍之不悔日相尋于干戈其誰能許之今那故殺矣祿祈逐矣安崇業嗣定矣是于復仇之義得而姑姪子母之分明也如此卽順夷徇之情奉鈴束之誠其于理法亦未嘗廢也崇業父子承宗祧以他日修職業于茲時其並勉之時崇業管土揀捕聽繼四川名勝志卷之二十九 五

不久卽眞長官司矣○禮州千戶所二日後日中俱在衛北六十里漢之蘇示縣也顏師古曰示讀如祗後漢書永平中越嵩太守巴郡張翕政化清平得夷人和在郡十七年卒夷人愛慕如喪父母蘇祈叟二百餘人齋牛羊送喪至翁本縣安漢起墳祭祀卽此夷也華陽國志漢永蘇示縣夷王及弟隗渠數背叛安南將軍馬忠誘殺之周地圖經云武帝天和三年開越嵩立蘇祁縣郡志謂隋名蘇祗唐名蘇祈皆一義也後有烏白蠻迭據其地號龍麼城元置禮州○應邵注漢書云蘇示縣西

北有尼池今名曲池是也師古曰夷池尼古夷字篆字記云尼池名本出山海經未詳○打冲河千戶所在衛西百四十里唐之沙野城元瀘州之地本名黑會江又名納夷江源出吐蕃流合金沙江○德昌千戶所在衛南百四十里元置定昌路尋改德昌本朝于此置所因其名○昌州長官司在衛南二百里宋之阿屈部也至元中置昌州于此德昌路總管府居其中洪武元年盧尼姑歸附貢馬使世襲昌州知州二十七年平月魯帖木兒之亂改長官司遇朝覲之歲其所管夷民水冊附四川名勝志卷之二十九 六

進○普濟州長官司在衛西南二百四十里本坪甸夷也後屬屈部德魯世居之元置普濟州于此國朝洪武十八年土官吉撒加歸附賜給印勅授普濟州知州後改爲長官司○威龍州長官司在衛東南四百一十里夷名巴率有三部至元中併三部置威龍州屬德昌路洪武初土官白氏來貢給授卽勅世襲與昌州普濟同惟所認糧差多逋負不及二司如約耳上南志云大渡河入雲南之驛途夷名巴翠部又名沙媧部其酋德荒種也九種志云俗獠之人身體矮小居山野草房男女俱

用白布纏頭身穿短衣常帶弓弩捕鼠開種雜糧
爲生病以牛羊猪胎爲藥婚姻酒食類西番喪葬
類僮儼獨于燒骸處拔一草根頓小籃內回家以
宗祖云

會川衛

上南志云會川在漢風琶之蠻臺登之墅而越嵩
郡之會無縣也寰宇記云會川縣本漢邛都縣地
唐上元二年移邛都縣于會川鎮城內安置以川
原並會故名南詔得之置會川都督府號清寧郡
宋時屬大理爲會川府元置會川路治武安州隸
四川名勝志卷之二十九 七

羅羅所宣慰司國初復立會川府領武安永昌麻
龍等州尋改爲會川衛軍民指揮使司領迷易千
戶所城週千二百五丈有奇編戶十八里○志云
武安舊州在衛南十里永昌舊州在衛西五里卽
會同府也麻龍舊州在衛東五十里地名棹羅能
元時屬闕畔部東南百里外又有舊通安州舊姜
州舊隆州俱元時置○華陽國志會無縣山色青
碧故其東南葛砧密勒諸山或產石碌有二色或
產石青有四色或產鑛銀志云治內寶藏寺落成
未勝而密勒山銀場始出因以寶藏爲名又有勝

功寺金碧交輝邊隅之望刹也○寰宇記會川縣
南有大冢諸葛武侯駐師此地士卒多瘡疫死設
此葬之會無川傍川上有深巖巖中多仙人葬莫
測其來遠望如牕牖其棺內多碧骨如珠○華陽
國志會無縣路通寧州渡瀘得在狼縣故濮人邑
也今有濮人冢冢不閉戶其穴多有碧珠人不可
取取之不祥○本志云衛城東有玄泉色近黑民
賴以灌田常以仲春月祀之○十道記云瀘水出
蕃中入黔府歷郡界出拓州至此有瀘津關關上
有石岸高三千丈四時多瘴氣四五月間發人衝

四川名勝志

卷之二十九

八

之死故武侯以夏渡爲艱水峻急而多礧石土人
以牛皮爲船方涉津溪水經註云瀘降最爲高秀
孤高二千餘丈是山于晉太康中崩震動郡邑水
之左右馬步之徑裁通而特有瘴氣又云晉明帝
太寧二年李驤等侵越嵩攻臺登縣寧州刺史王
遜遣將軍姚岳擊之戰于堂琅驤軍大敗岳追之
至瀘水越水死者千餘人遜以岳等不窮追怒甚
髮上冠冠裂而卒矣○志云會川南八十裡瀘
沽河源出少相公嶺入金沙江又云西南二百五
十里金沙江源出吐蕃東流合瀘水至黎溪接馬

湖江有嵐瘴隆冬人過雖袒襦皆汗流惟雨中及夜渡無害夾岸皆石江中沙土色黃故曰金一在武定之南一在姚安之左容齋隨筆云淳化間嘉州士人辛怡顯使南詔至姚州其節度使趙公美以書來迎云當境有瀘水昔諸葛武侯戒曰非貢獻征討不得渡此水若必欲過須致祭然後登舟今遣本部軍將賞金龍二條金錢三十文並設酒酬請先祭享而後渡焉○華陽國志三縫縣一名小會無音三播通道寧州渡瀘得蜻蛉縣有長谷古時坪中有石豬子母數千頭長老傳言夷昔牧

四川名勝志

卷之二十九

九

豬于此一朝豬化為石迄今夷不敢牧于此○水經註曰蜻蛉水東注于繩水繩水又逕三縫縣西又逕姑復縣北對三縫縣淹水注之三縫小會無也故經曰淹至會無注若水水逕會無縣縣有駿馬河水出縣東高山山有天馬徑厥跡存焉民家馬牧之山下或產駿駒言是天馬子河中有貝子胎銅以羊祠之則可取也按後漢書安帝紀曰永初六年詔越嶲郡置長利高望始昌三苑皆馬苑矣又令益州郡置萬歲苑犍為郡置漢平苑云○迷易千戶所在衛西北八十里元置國初為會

川千戶所洪武十五年改今名○衛南六十里有迷郎關即寰宇記之迷水鎮也有滇池方三百里源深濶下流淺狹狀似倒流故名滇池矣○土夷考曰迷易上官賢姓也初雲南景東府勐夷頭目阿駭徙其屬來住種洪武十六年歸附以隨征東川芒部二府効勞授世襲副千戶該所印信以武弁推選今上官賢氏居城外專理巡捕管束八百戶勐夷而已○衛東南十里為石婆堡又四十里為虎街堡四十里為姜州堡會鹽守備司駐劄其中衛西南三十里為箐山口又八十里為火燒腰

四川名勝志

卷之二十九

十

驛去驛五里為五里坡又十五里為密即關路通紅土直夷寨五十里為七墩堡路通黎溪州夷寨按志黎溪舊州在衛南百五十里唐時南詔閣羅鳳徙白蠻戍此即白夷也城後為羅羅蠻所據宋屬大理元始置州九種志云白夷人頭裹黑帕戴笠簪尖帽以傭田為生婦女養蠶收絲織作亦巧謂之白夷錦無論貴賤人有數妻妻妾奉夫甚嚴婦女不妒忌夫宿妻房妻事之如婢飲食凡草木無毒者六畜外鼠蛇蛙蠅及飛生蟲皆淪食之諺云青青白夷菜動動白夷肉婚姻男家先用碗水

澆女足謂之水授婦戰陣所獲謂之王旗婦初生小兒卽抱于河中洗之男女日浴于河中居多近水束裝日如遠行故遷徙無定焉死有棺柳葬埋名墳曰罷休又有一種撲斃夜變爲鬼盜人財物及掘新墳尸咒使變魚形市之志云黎溪驛北有荷花池盛夏香來可以辟瘴爲東方勝處驛去七墩十五里又八十里爲塔甲渡巡簡司又四十里爲松坪關關近滇境上金沙江去松坪關可三十里云

鹽井衛

四川名勝志卷之二十九

十一

治在建昌西三百里城週六百五十丈編戶二十六古定筰縣也華陽國志云筰夷也南中曰昆明越嶲曰筰皆一種也縣在越嶲郡西渡瀘水賓剛徼曰麼沙夷志謂麼爹人病則刺肉取血有誓則擊石或撻徇者也○寰宇記云昆明縣本漢定筰縣也唐武德二年于此置昆明縣蓋以南接昆明夷爲名天寶中又置昆明軍以鎮撫之通志云唐末南詔得嵩以昆明縣爲香城郡宋時爲賀頭甸部屬大理國元至元中于黑白鹽井置鹽井縣又于此置栢興府隸羅羅斯宣慰司國初改栢興

十戶所旋改今衛又于二井置鹽課司司在治東○華陽國志定筰有鹽池積薪以齊水灌而後焚之成鹽漢末夷皆錮之張疑爲太守往爭夷帥岑槃木明不肯服疑擒撻殺之後賞賜餘類皆安官迄有之寰宇記云定筰民取井水先積薪以火燒過以水澆灰卽成黑鹽煉之縣又有鐵石山山有磐石火燒之成鐵爲劍戟極剛利此在衛西北七十里矣○志云衛南十里栢林山山多松栢其綠參夫栢興府之名取此西三十里有舡樊和山產金爲利實揭勒蠻所居隋唐之世于此置金州焉

四川名勝志卷之二十九 十一

○土夷考云鹽井之沙坪驛在瀘河西去建昌僅四十里又十五里爲紙房堡十里爲瀘州堡元瀘州治所也河東之高山堡路通馬者馬羅諸夷去高山二十里爲沙坪堡通麻科七村牙礦諸夷又十里爲德力堡通祿馬祿曹諸夷又十里爲河口驛卽打冲河也去驛三里河東爲中前所河西爲中左所○上南志曰衛東北百八十里打冲河索橋兩山壁立水勢洶湧狼牙相拒舟楫不通橋兩岸用大石堆砌樹洞門二座每洞樹將軍柱一百八根洞門外立井口大柱四根上穿皮纜十八條

繫于將軍柱上纜上鋪板三十六迥兩旁用小纜掛繫如槽橫巨四十二丈邊隔之天險也莊安世渡瀘初畧曰鹽井城池頽壞已久軍民逃散日甚一日今高山箐口之墟人跡是然衙驛倉庫鞠爲荒草推原其故蓋由索橋之險難通糧運不及是以皆轉徙而之河西矣迄今聚爲室家卒成世業計屯田千二百一十八分有奇而附城之屯所出不過草麥而已瀘州一帶駝運入鹽井必經索橋約路二百八十餘里又夷人阿遮與切兒卜構禍以來仇殺無虛日不爲淵毆魚耶○上夷考云去

四川名勝志

卷之二十九

十一

打冲河二十里爲梅子堡通祿馬祿曹諸寨又十里爲祿馬堡十里爲紹興堡又五里爲平川驛五里爲杭州堡又十里爲雙橋堡十里爲土功堡又十里爲馬蝗堡十里爲新添堡又十里爲鴛鴦堡十里爲涼山堡又十里爲高山堡十里爲箐口堡又十里則衛治也內有鹽井驛自衛至雲南永寧府界七百八十里麗江府界五百里○長刺長官司在衛南二百里元之洛蘭部也其村落多白夷居之鹽井志云白夷之近漢者能知天變遇日月食少長男女爭擊箕杵盆勺成聲仰天拜慰婚姻

潑水爲媒証產子三日則浴之河死用塊葬名罷休老人婦人穿無摺桶裙謂脂粉爲解老又能種繡養蠶以織染爲五色絲絨提機作花每段寬尺餘長二丈一尺粗者爲錦細者爲紵○土夷考曰馬刺又名瓦刺土官姓阿氏國初歸附授職世官舊部落仍俾統管賦本衛秋糧百二十石其地接壤雲南北勝州稱寬饒庶富人亦優馴○打冲河守禦千戶所國初立中左一所今分爲五在衛北百六十里唐爲沙野城今沙平遮運所其舊址也○元爲建昌路瀘州之地○左所土千戶姓刺洪

四川名勝志

卷之二十九

十四

武二十五年征月普帖木兒賈哈刺土人刺他劾順來歸其子刺馬非復貢馬赴京授本所副千戶永樂十一年陞正以別于四所地與麗江永寧二府爲隣麗江土官木氏每來侵之土地夷民失其半○右所土千戶姓八先年與各所同進馬後議留馬協濟驛遺免貢中所土千戶姓刺前所土千戶姓阿後所土千戶姓卜已上五所俱土著人以國初歸附授官貢馬事例皆同但與麗江接壤爲所蠶食不克自振惟日事強免害而已

越衛衛印都長官司附

志云漢邛都及關二縣地也邛都卽當衛治關縣
卽邛部長官治在建昌北二百八十里石城週二
百九十丈不及四里治北半舍外有舊城寰宇記
所謂奴諾城諸葛武侯征蠻所築懸軍之所以奴
諾川爲名矣○其界東至馬湖沐川司南至寧春
小相公嶺西至喇八關外北至大渡河南岸高山
峻嶺居十之九地土瘠薄不產五穀惟畜養牛馬
射獵以供饗賂唐書云邛都于諸蠻中最驕悍役
滿招集番漢亡命侵擾他種閉其道以專利曰大
雲南蠻曰小雲南蠻續博物志云蜀蠻邛都川都
四川名勝志卷之二十九 五
王蒙儻死氣未絕其妻子以錦數疋相續繫死者
曳之于地置十數里外高山上令氣絕乃復以錦
被裹而埋之會其族哭焉名作鬼親守近州蠻人
說其事○後漢書西南夷傳自滇以北若長十數
邛都最大武帝初置邛都縣無幾而地陷爲汗澤
因名爲邛池南人以爲邛河註云邛池在越嶲縣
東南寰宇記云隋開皇六年置越嶲縣于此屬西
寧州後改屬雋州○李膺益州記云邛都縣下有
一老姥家貧孤獨每人輒有戴角小蛇在牀間姥
憐而餽之後稍長至丈餘令有駿馬爲蛇吸殺因

貴姥出蛇姥云在牀下令卽掘地深無所見益遷
怒殺姥蛇乃感人以靈言令何殺我姥當爲報讐
此後每夜輒聞雷風四十許日百姓相見感驚語
汝頭那忽戴魚是夜方四十里與城一時俱陷爲
湖土人謂之爲陷河惟姥宅無恙迄今猶存漁人
採捕必依止宿每有風浪輒居宅側恬靜無化風
靜水清猶見城郭樓櫓宛然按 國朝嘉靖十五
年二月二十八日丑時建昌寧春二衛地震如雷
吼者數陣司及二衛公署內外民居城廬一時皆
塌壓死都指揮一人指揮二人千夫長一人所
四川名勝志卷之二十九 其
長一人所鎮撫一人吏三人士夫一人大學生一
人土官主婦各一人軍民夷獠不計水湧地裂陷
下三四尺衛城內外若浮塊而已震至次月初六
日猶不休陷河之說殆是實然○衛南有羅羅河
東流與大渡河合衛北魚洞河源出吐蕃又流與
羅羅河合按南中八部志邛都縣東南數里有河
縱廣二百里深百餘丈河中魚長一二丈頭特大
遙視之如戴鐵金卽魚洞河也或云卽是陷河○
志云治南十五里金馬山文昌帝君降生地有祠
焉卽化書所稱誕于越嶲之間矣南四十里小相

公嶺石磴崎嶇自麓至頂十五里武侯所開也治西五十餘里大雪山四時積雪與小相公嶺接夷名阿露山治北三十里石巖洞中可容十餘人南北巖傍有石版扣之有聲鏗然謂之瓊鐘○寰宇記云邛部縣本漢閬縣漢書閬作闌師古註音蘭周武帝天和三年置邛部郡于此隋開皇三年罷郡改爲縣仍帶邛部鎮○唐書至德初南詔陷嶺州勿鄧兩林蠻遂羈屬吐蕃貞元中復納款以勿鄧鬼主苴蒿兼邛部團練使封長川郡公而兩林都大鬼主苴那時遣韋臯書乞兵攻吐蕃臯遣將

四川名勝志

卷之二十九

七

劉朝彩等持兵應之大破吐蕃于北谷詔封苴那時爲順政郡主苴夢衡爲懷化郡王已而夢衡復附吐蕃臯召至琵琶川斬之至宋開寶初邛部都鬼王阿伏常遣子入貢通志云元初置邛部安撫招討司已改邛部州國初領真伯歸附尚稱招討使于是以爲邛部軍民州永樂中改長官司使嶺氏世守之屬越嶲衛○土夷考云萬曆初年土官嶺栢死孽子應昇負印去栢庶沙氏爭之不得逆酋阿堆等擁沙氏焚利濟站廬舍擁兵臨城總戎劉顯請彼勘處沙氏悔禍殺阿堆等自續顯遂以

印歸之後沙氏潛于族人阿祭殺印去祭死其子嶺鳳起嗾他蕃刺殺應昇當事者因平蠻之師誘鳳起繫之收其印而誅行刺者百餘人印無所歸緘而置之庫中所部夷無統肆行爲盜乙酉丙戌間黑骨夷阿弓等手刃送哨官于小相公嶺剽其腸而普雄酋姑咱等乘勢峰起郵傳不通遠近震恐歲丁亥動大兵斬馘千數道路始通鳳起旋亦病亡其東近殺肩者數百家相率歸附因置平夷歸化二堡以居焉詳見殺肩三枝爪下他部落乃奉應昇妻李氏爲主歲時起居不絕而梓欄鐵口

四川名勝志

卷之二十九

八

普雄三村最驚驚荷駕馭得宜亦足藉其死力以捍野外生蕃也○土夷考云大渡河南岸爲臨河堡與河北羊肆崖漢水口相對堡之上通大小冲山及海鵬壩雙夷村舊僰人聚落也九種志云僰人重儒敬佛居傍城郭與漢人無異相見之禮惟長跪不拜亦有讀書入學者臨河堡之下通鬼皮羅黑麻溪片馬廠諸夷山徑峻絕通望山在其處寰宇記黎州通望軍在渡河南三十里唐至德元年在通望山下山自山南與朝陽衆山相連入嵩州界過臨河十里爲鎮蠻堡又名大樹堡在兩

山峽口北臨大渡河與河北羊腦山相望爲大小
冲峯往來之所五里爲火燒營五里爲李子坪七
里至曬經關志云關在越嶲衛東三百里高嶺山
關傍廣石卽三藏法師曬經處未詳又十里至白
馬堡爲梓潼鐵口諸番市易處十里至河南驛八
里至八里堡路通草八拍橋普馬等寨又十里卽
平夷堡也在高山峽內路通筭坑紅水黑麻等寨
十二里至古隘堡路通那歷洗馬姑乃易集戶水
八拍等寨其南隘廣不盈丈兩岸壁立千仞峽內
水淙淙流卽章阜所置清溪關也詳見黎州唐

四川名勝志卷之二十九

七

瑤璃仗義二城俱在其處二十里至平場堡輜軒
于此設食焉有古隘口路通泥水二十戶等寨與
援友諸夷相隣又十里至鎮遠堡東連援友椒園
燕子窩諸夷西通洗馬姑赤利草必落等寨又十
里爲鎮夷堡在高山稍平坦處又十五里卽鎮西
千戶所○鎮西所寧越守備駐之其城背負高阜
南臨深坎西通竹麻哨阿迷羅等寨東通援友瓜
羅米頗柯羅回諸夷屹然一要害去所五里爲海
棠關又十里爲鎮西驛又十五里爲清水堡東通
戴羅白石乾溝西抵竹麻洗馬姑等亦有兵戍之

又二十里爲蔡葉堡在峽內平地亦于此飭厨傳
焉又十五里爲梅子堡路通蠟梅得那補蝦蟆窩
等夷焚劫無虛日二十里爲利濟驛十五里爲青
岡關關北通梓兒姑青岡南通廣洪魚洞諸寨越
嶺之門戶也魚洞者水入魚洞河矣又十五里通
濟堡在萬水西岸十里爲越嶲衛在萬水西廣
平之地羣山環遶西通羊圈托烏雪山東通普雄
大小赤口馬湖諸夷印部長官司舊設治東屬其
提調去衛十五里有龍泉山宸宇記云要衝城下
有龍泉水出龍泉山也下爲龍泉驛又十五里爲

四川名勝志卷之二十九

七

妙水關在高山峽內關卽章阜所築要衝城矣有
鎮雄堡者去道五里而近路通普雄兩河口等處
十里爲通相堡一名小哨十五里爲長老坪在小
相嶺之北西通羊圈托烏東通普雄黑骨頭諸夷
又十里爲相嶺關關設在小相嶺絕頂又十里爲
靖邊堡在相嶺南通寧番衛界三渡水外生番東
通桐槽那噴沱沱等夷過此有新添九盤白石登
相四堡共四十五里以備行者又十里爲雙橋堡
十里爲獐獐關舊爲獐獐窟穴也九種志云獐獐
人性最惡刻木爲信男子摘鬚腰繫皮繩名饑飽

案以帕裹頭夜不解刀居山頂以板蓋屋刀耕火種性喜獵凡有事以艾炙羊膀骨占吉凶出入必以兇器男女紐髮盤頭上下身衣上綉花長表赤脚無履外披細褶襪衫爲上蓋饌食蕎麥餅餅如以牛羊馬禮酒席鋪松毛于地盤脚坐松上男女分席殺牛羊剥皮猪用火燒半割碎和蒜菜謂之喫牲飲泡咂酒木碗木杓卽其器皿食肉以竹簽爲筋喪禮男女俱無棺槨富家以綿段纏之故謂之獮郡又謂之羅羅也過關五里爲灣村又八里爲巡哨堡地稍寬平又十里則寧番衛之冕山關四川名勝志卷之二十九 主

寧番衛

元時于邛都之野立府名曰蘇州借蘇示之義以名之也國初主官怕兀它從月魯帖木兒爲亂于是廢爲衛降指揮環而居者皆西番種故曰寧番城週凡二千丈在建昌北百九十里東連越嶲界北至西天烏思藏西鄰三渡月落口編戶僅四里有冕山鎮西禮州等四千戶所渡瀘初畧曰舊額寧番一衛爲屯者凡九十有二今無一人存矣行數十里雞犬無聲人煙絕跡間有一二存者亦刀

鋸之牙遺耳結草爲衣胫羸一骨其狀何可令人見也○衛南五里曰南山山勢屹然正午產白銅華陽國志邛都南山山銅卽此又二十里西山下響石長七尺濶三尺八寸厚三尺擊之聲如雲板○衛東百二十里溫泉四時皆煖可以療疾華陽國志邛都縣有溫泉穴下流可治疾病餘多惡水水神護之不可汚穢及沈亂髮照面則使人被惡疾水經註云昔李驤敗李流于溫水是也○土夷云寧番蠻兒獠強悍刀耕火種遷徙無常不以爲事上南志云西番人身長大勇猛占住山頭性甚惡男子髮結成條面多垢積身帶兇器叛惡不常婦女髮亦結編懸帶珊瑚翠石爲飾身着短衣蓋以羊皮食以青稞磨麵作餅酥油煎茶爲飯風俗女在父家爲非無禁嫁後有犯夫承逐之所生男女亦棄去酒席泡咂酒殺牛羊肉食病不服藥請番僧誦經殺牛祈禳及死將生前所偏擅喜鵲窠帽弓刀裝斂盛以木桶于山嶺蓋一小房停放封閉永不復觀○土夷考曰夷之錯居衛東南東北者頗馴擾惟西去月落三渡水妙竹等一十九寨恃其險隘常引水外生番不時入寇自萬

曆丁亥建立定番堡募兵戍之稍歛跡不敢出沒
九盤白石瀘沽峽老君關等舊稱險絕一夫荷鉤
千騎辟易其間銅槽鐵廠諸夷尤肆其蜂蟻行名
股栗焉○冕山橋設千戶所一冕山者山形如冕
方山也在所西三里所去衛又百里元蘇州地我
朝正統七年置以屬寧番者○冕山關去冕山橋
五里在孫水之游橋因漢址而關以今名焉按史
記司馬相如定西南夷橋孫水顏師古曰于孫水
上作橋也孫水源出于臺登俗謂之長河志云衛
治東有長河南流合瀘水過建昌衛而入金沙江

四川名勝志

卷之二十九

三

即孫水也○冕山關堡與建昌犬牙相錯建昌之
瀘沽驛去冕山所六里與桐槽站同處驛屬建昌
而供張騎乘則寧番職也去桐槽八里爲太平關
關在孫水上有渡軍守之十里爲鹽井哨路通東
山鐵廠軍民雜聚冶鑄之所又去建昌之瀘沽關
卽瀘沽峽兩山壁立峽深百餘丈濶不盈尋孫水
流其中淙淙有聲人行東山嶺上俯視魂搖南北
長五里中有觀音巖老君閣棧道危峻設瀘沽巡
簡司于瀘河東去巡司五里爲鎮夷堡過此歷五
十里爲平蠻松林深溝龍溪平哨之名又十里則

建昌衛之禮州城矣城在瀘河東自禮州行四十
里歷安寧吐哨青山理經四堡又十里至建昌衛
衛在山麓瀘川驛在城西碛山堡在城南十里瀘
水之上祿馬驛在瀘水北去建昌城兩舍自祿馬
東南行歷巴西鹿角凹腦者黃泥什結諸舖至
阿川驛凡一百二十里自阿川至白水站八十里
中隔半站營金川堡焉自白水三十里至可郎舖
係威龍州地夷獮出沒之鄉又二十里爲公母石
志云兩石相隨人或分之明日復合土人呼爲公
母石猶言翁姥也又五里爲甸沙關建會二衛分

四川名勝志

卷之二十九

三

界處北接威龍司南近迷易所東連普雄法果等
夷又二十里爲麼些塘舊麼些夷之壘也上南志
云麼些人身身長色黑男子髮扭成索白手巾纏頭
身著短衣足穿皮鞋身垢不洗常帶兇器內著黑
大徧體外披衣甲畜徧牛山羊以艾炙羊骨占婦
女紐髮細編短衣赤脚內披短氍毹尚以羊皮青稞
蕎麵乳餅酥油煎茶充饑病不服藥殺猪羊祭鬼
求安婚姻亦以牛羊爲禮喪葬不用棺槨將猪取
去腸肚帶毛用物壓匾名曰猪豚用綾段布足裹
屍同用柴燒化取頂骨并手足四肢掛懸崖絕頂

上後三年殺馬延恭僧作佛事盡將骨棄去○志云冷水溝夷門木米界在甸沙麼夢之中時爲道路梗又十里爲虎頭關十里爲虎頭舖俱威龍夷之區又十里爲周官嘴十里爲大龍驛又五里爲寒婆營寒婆營乃接鎮西所矣此二十餘里有路通麻龍仲村捲上法果等夷不時爲患○萬曆壬子歲建南告急正值開科當事者策諸生而代爲之答曰夫建南者非漢所稱西南夷而唐所稱六詔之屬者哉至我明來部落散處君長不齊約其九種可得而言曰一爨人二徧徧三白夷四四川名勝志卷之二十九 圭
西番五麼麼六格德七韃靼八回子九漁人是也而徧徧最犂犂邇時習爲邊患矣執事以戰守剿撫機宜下問欲得一當而計安萬全甚盛心也某不敢以臆對語云前事之不忘後事之師也請邇其開閉之因叛服之狀而後計有以處之者乎粵自洪荒入秦西南夷未嘗與中國通也通西南夷由漢武帝始武帝之遣唐蒙也從笮關人見夜郎侯諭以威德約爲置吏其意在渡牂柯江出奇以制東越耳治道無成巴蜀震驚乃用司馬相如諭告之非上意是時口笮君長聞南夷得賞賜多欲

諸吏上問相如相如曰口笮冉駹近蜀易通置爲郡縣愈于南夷于是以邛都爲越巂郡笮都爲沈黎郡而邊益斥矣此開之之始也劉漢建興之歲昭烈崩隕益州郡者卽雍圉等縛太守張裔與吳遣孟獲誘扇諸夷越嵩夷王高定等皆放應聞諸葛武侯以新遭大喪撫而不討務農積穀閉關息民民安食足而後用之及將南征叅軍馬謖曰南中險遠不服久矣雖今日破之明日復反今公方殄盡遺類以除後患恐非仁者之情且又不可倉卒也夫用兵之道攻心爲上攻城爲下心戰爲上兵戰爲下願公服其心而已武侯卒用其策生擒孟獲使觀營陣之間獲曰向者不知虛實故敗今祇如此卽易勝耳乃七縱七擒之獲始拜曰公天威也南人不復反矣侯卽其渠率而用之或以爲諫侯曰若留外人則當留兵兵留則無所食又夷果有廢殺之罪自嫌憂重若留外人終不能信皆不易也今吾欲使不留兵不糧運而綱紀粗定夷漢粗安故耳于是悉收其豪傑孟獲等爲官屬出其金銀丹漆耕牛戰馬以給軍國之用終侯之世

夷不復反此撫而剿剿而撫之之術也唐開元之
歲南詔強大五詔微弱乃賂王昱求合大詔爲一
朝廷許之于是以兵威竹郡蠻連擊破吐蕃橫行
邊郡而鮮于仲通有西瀾河之敗李宓有太和城
之敗至全軍皆沒令彼棄京觀焉而陷越巂據清
溪關駸駸及瀾水矣韋皋乃屯重兵于雋州扼西
瀾路是時南詔異牟尋欲誘之先攻東蠻皋不可
曰雋州賓往來道扞蔽數州虜百計窺故嚴兵以
守之彼東蠻者敢懷貳乎大曆之歲吐蕃南詔合
入寇悉衆二十萬三道而趨曰吾欲取蜀以爲東

四川名勝志

卷之二十九

圭

府乃遣神策將李晟發邠隴范陽兵亦以三道而
環救之晟追擊大破之于大渡河外吐蕃南詔士
卒饑寒殞于崖谷死者不勝計吐蕃悔怒殺誘導
使之入而南詔始請內附矣皋奏宜招納之以離
吐蕃之黨復與異牟尋約築大城于境上置戍相
保永同一家出朝廷所賜器物笛工歌女命之曰
當子子孫孫盡忠于唐此守而戰戰而復守之之
策也宋太祖平蜀之後取地圖觀之乃以玉斧畫
大渡河曰與夷爲界凡我疆吏固守封圻而已此
閉之之始也元以蒙古爲驅除難建昌會同置府

邛部栢興置州若山地然至我

太祖混一宇內神武不殺其大無外普氏倡之次
爭歸順乃兼設夷漢之官並用文武之道爲衛所
者九爲學校者三爲長官司若四五而闢堡驛通
蓋不啻綦布而星列矣此復開之之由也說者曰
漢武帝窮邊極遠逞一時之侈心而基後世無窮
之禍患爲計失矣然風氣欲開則有以使之不得
不開者固非其計失也又曰宋太祖重內輕外不
欲以無益之地而損百姓有限之財力爲計得矣
然風氣閉則有以使之不得不閉者亦非其計得
也說者曰今之世患無武侯矣使有侯者出七縱
七擒天威所懾北面稽首終身不敢貳然未及十
年而夷帥劉胃叛矣至于延熙則太守張疑始復
平定越嶲郡矣安見其兢兢于侯之盟誓約束也
又曰今之世患無韋皋李晟耳使有韋李者出提
兵轉戰數千里斬首數萬馘斷吐蕃之臂而臣服
南詔如指掌然未及數年益州永昌蜀郡諸夷
皆應越嶲叛矣太和咸通之歲則南詔且再入成
都矣又安見其惴惴于昔之收死扶傷也大抵犬
羊之性嗜殺而少仁奸譎而無信以戰爭爲日用

四川名勝志

卷之二十九

圭

以掠劫爲耕作其始而請吏也舍賂耳其有時而乍降服也畏威矣是故或窺中國之虛焉而叛或恃部落之強焉而叛或附之因循也而叛或責之嚴急也而叛或被人誘使之而叛或自已覺而叛或見可欲也而叛或修復舊怨而叛易嘗有數十年耕鑿山谷間嬉嬉以遊與邊陲共保安靜而無事哉我 明開國不煩一鏃之矢一介之使與夫錙銖尺寸之金帛而望風輸誠請爲臣妾得報可而拜一官爵獲印綬以誇示于族類保守其封疆以比諸漢宋之爲開而黷武閉而損威或致勞四川名勝志

卷之二十九

无

何如也獨此數年思漸不馴于漢法而勾引乎生蕃或跳梁于崑山所或嘯聚乎鄧家灣或利濟站之圍而解散復合或梅子堡之役而殺戮相當近者南關之烽火且逼近于大將軍鎮西之使塞且垂涎乎大渡河亦可謂猖獗之甚滋蔓而難圖者矣以故羽書之告急無虛日孤軍之待援如湯火而煩下執事者憂也生請先言時勢之難易今昔之不同也而後及于剿撫戰守之機宜可乎何謂難夫蜀以國事付諸葛出將入相惟其任之調兵調食如出一手又且積蓄數年民豐用足而後及四川名勝志

卷之二十九

丰

兵五千而今無是也如雲之士卒在前天險之河在後我操必勝之勢矣是故蜀漢之所易者我之所難也李唐之所難者而我之所易也其時勢之不同如此以今日論之非戰不能解圍矣非剿不能以警服矣以他日論之非撫不足以結局矣非守不足爲長策矣然剿之與撫可互用也貴因乎時戰之與守必兼資也貴乘乎勢此固智者能言之耳而剿之首務在動兵曰鷹剿曰大征多寡則相懸矣其寔有可以相通者何則漢河平之歲西南夷皆相攻矣遣大中大夫張匡持節往解

四川名勝志

卷之二十九

主

之不從命乃刻木像漢使立道傍射之杜欽說大將軍王鳳曰蠻夷輕易漢使不憚國威恐議者其與復守和解則彼得收獵其衆狂犯守尉遠藏濕暑毒草之地雖有孫吳育育若入水火行身焦沒智勇無所施宜陰勅旁郡守尉練士馬大司農預召殺積要害處選任職太守往以秋涼時入誅其王侯尤不軌者而後可定諸葛武侯之南征也別遣馬忠伐牂柯李恢向南中而後渡瀘生虜孟獲是當其時雖無大征鷹剿之說然必練士馬積糧殺相時而入公道而進其功乃可成也蓋非大征

則兵食不能厚非鷹剿則智勇無所施愚所謂可相通而用者也而戰之先資在饋餉曰主餉曰客餉彼此易推諉矣其寔爲關一不可者何則蜀建興之歲都督張翼用法嚴激夷帥叛丞相亮以公軍馬忠代翼令還其人檄召調翼宜速即罪翼曰吾臨戰場代人未至當運糧積穀爲滅賊之資豈可以黜退之故而廢公家之務乎于是統攝不懈代到乃發忠因其資破賊唐之舊制歲抄運內粟以贍萬州起嘉倉道陽山江而達渡乃分餉諸戌常以盛夏之地苦瘴毒輦夫多死後改命轉印雅

四川名勝志

卷之二十九

主

粟以十月爲漕始先夏而至以佐陽山之運不涉炎月遠民乃安是當其時雖無主餉客餉之說然必自實于內接濟乎外有灌輸之功而無偏倚之患其成始可飽也蓋非主餉則恐道絕非客餉則恐中枯愚所謂是關一不可者也撫之之說益州刺史張喬常用之矣越雋夷封離反殺長吏焚掠百姓骸骨委積千里無人喬遣從事楊棟與戰斬首二萬餘級獲生口千五百人資財四千餘萬悉以賞將士封離等惶怖詣棟乞降棟厚加慰納其餘三十六種皆來降附棟因奏長吏姦猾侵犯蠻

夷者九十人皆滅而由此觀之非誅渠帥之惡意者與吏士之貪殘者不能聽吾撫也守之道西川節度使李德裕嘗用之矣朝廷命德裕修清溪關以斷南詔入寇之路德裕曰通蠻細路至多不可塞惟重兵鎮守可保無虞但黎雅以來得萬人精加訓練則蠻不敢動矣乃請甲人于安定弓人河中弩人浙西器械犀利又率戶二百取一人習戰緩則農急則戰謂之雄邊子弟以制大渡河清溪關之阻且謂傍人建言者蓋山禍不在身望人責一狀留入堂案他日敗事不可令臣獨當國憲

四川名勝志

卷之二十九

軍事

朝廷皆從其請德裕乃練士卒葺保障積糧儲以備邊蜀人粗安其後李師望請移理邛州于是聲勢不相及南詔復騷動遂入成都由此觀之非臨河之區爲屯田之計不能壯吾守也或曰若干之說則師之不可已矣然兵非難而餉爲難日前之餉固難久後之餉尤難若必增兵以守之則不幾歲歲而增餉乎曰建南前者無兵也尺藩之士以五萬計不爲不多矣一士一田無待取給于外矣今所存者不能十分之一士豈盡失伍乎田豈盡拋荒乎無乃強半實債帥之腹而入豪強之手乎

亦無乃所以資寇丘而濟盜糧乎則簡稽而重訓練之胡可已也增募之兵以四千計亦不爲少矣游擊材官各以若干隸之矣今用命者不能十分之一豈衆寡不敵乎豈前後牽掣乎無乃令每動失虎豹在山之勢乎亦無乃望風而遁之驚鳥必擊之威乎是責成而嚴賞罰之胡可已也此在大渡河以南者言也河北富林至于黎州非所稱竿關沈黎之地乎漢置兩部都尉一治旄牛主外羗一治青衣主漢民唐李贇實屯萬人于雅黎蓋重之矣今僅僅一游戎提兵不滿五百且控制

四川名勝志

卷之二十九

蓋重

天全六番地于河以外不暇指顧無乃太陳乎蓋欲援建昌先問越巂欲援越巂先問黎州此必然之勢也文武將吏如關司之僉書戚茂之驗糧官皆高坐無事若加以職銜常駐此地練兵理餉造舟治具與黎雅分兩翼與越巂相表裏有急赴援聲息易通一二日間羽檄竟達成都矣且二十年前三蜀無氏兵也大征之後各以其州縣之繁爲召募之相稱歲約磨餉十數萬矣播之役割而代彼戍者蓋三分之一今播享太平十餘年可分其半于黎成都之帑戍西邊者移其戍于黎合之

可得客兵三千矣而黎雅之地亦自有軍也自有
也也恐名存而實亡者亦不下于建南所以簡稽
而訓練之責成而賞罰之者亦當以建南爲例可
得主兵數十矣又合而計之則贊皇之萬人其
幾乎雖然此善後之慮而永遠之圖也若夫目前
將士已渡瀘矣衝鋒陷敵之功非有投石超距之
勇者不能擒巢入穴之險非出游兵間道之奇者
不能總之與其以少而嘗敵也不如厚集于河南
止之間與具驅市人而用之也不如預講乎坐作
進止之法右夫見可而進相機而動雖呼吸不能
四川名勝志卷之二十九 圭
喻其神煙雲不能喻其變矣豈擲三寸管作紙上
陳言所能逆料哉

四川名勝志卷之三十

閩中曹學佺能始著

上川南邊防 黎州 雅州 峨眉縣 天全

黎州

水經注曰江水自笮道與濛溪分至蜀郡臨邛縣
與布僕水合布僕自徼外成都西沈黎郡來按沈
黎卽笮道寰宇記云夷人于大水之上置藤爲橋
謂之笮也○蜀記周赧王三十年誅蜀侯綰置守
蜀守張若因取笮及其江南地史記笮都古西南
夷自越嶲以東北君長以十數笮都最大秦時常
四川名勝志卷之三十 圭
爲郡縣至漢興而罷自唐蒙使畧通夜郎而笮
之君請爲內臣及漢誅且蘭邛君并殺笮侯乃置
笮都縣注漢書曰旄牛縣歲貢旄牛尾以爲節旄
也元鼎六年以爲沈黎郡至天漢四年并蜀爲兩
部置兩都尉一居旄牛王徼外夷一居青衣主漢
人後漢永平中益州刺史梁國朱輔慷慨有大畧
宣示漢德威懷遠夷自汶山以西前代正朔所不
加白狼獋木唐叢等百餘國戶百三十餘萬口六
百萬以上舉種奉貢稱臣僕輔上疏曰臣聞詩云
彼徂者岐有夷之行得曰岐道雖僻而人不遠詩

人誦詠以爲符驗。白狼王唐叢等慕化歸義。作詩三章。路經邛來大山高坂峭危峻險百倍。岐道縱負老幼。若歸慈母。遠夷之語。雖意難正。草木異種。鳥獸殊類。有犍爲郡。接回恭與之習。仰願曉其言。臣輒令訊其風俗。譯其語。今遣從事史李陵與恭護送詣闕。并上其詩。昔在聖帝。舞四夷之樂。今之所上。庶備其一。帝嘉之。事下史官錄其歌焉。遠夷樂德歌詩曰。大漢是治。與天合意。史譯平端。不從我來。聞風向化。所見奇異。多賜繒布。甘美酒食。昌樂肉飛。屈申悉備。蠻夷貧薄。無所報嗣。願

四川名勝志卷之三十

主長壽子孫昌熾。遠夷慕德歌詩曰。蠻夷所處。日入之部。慕義向化。歸日出主。聖德深恩。與人富厚。冬多霜雪。夏多和雨。寒溫時適。部人多有涉危。歷險不遠。萬里去俗。歸德心歸。慈母遠夷。懷德歌曰。荒服之外。土地境埏。食肉衣皮。不見鹽穀。吏譯傳風。太漢安。萬負歸仁。觸昂險狹。高山岐峻。緣崖磻石。木。各父子同賜懷抱。匹帛傳告。種人長願。臣僕是時。郡尉府舍。惟飾。高山神海。靈奇禽獸。以眩耀之。夷人益畏。悍焉。和帝永元十二年。旄牛徼外。曰狼樓薄蠻夷。王唐叢等遂

率種人十七萬口。歸義。內屬。詔賜金印紫綬。小橐錢帛。各有差。安帝永初元年。蜀郡三襄種夷與徼外。汙衍。和并兵三千餘人。反叛。攻盤陵城。殺長吏。二年。青衣道夷。邑長令山與徼外三種夷。二十萬口。賞黃金旄牛。毳舉土。內屬。安帝增令山。爵號爲奉通。邑君廷光。二年。春。旄牛夷叛。攻零關。殺長吏。益州刺史張喬與西部都尉擊破之。于是分置蜀郡屬國都尉。領四縣。如太守。桓帝永壽二年。蜀郡夷叛。殺畧吏民。延熹二年。蜀郡三襄夷寇盤陵。殺長吏。四年。犍爲屬國夷寇郡界。益州刺史山昱

四川名勝志卷之三十

擊破之。斬首千四百級。餘皆解散。靈帝以蜀郡蜀國爲漢嘉郡。○十六國春秋曰。李雄有蜀置。沈黎漢源二郡。周地圖記。天和初。破羗夷。得此土。因立黎州。及沈黎縣。吳襄字記云。隋開皇改黎州爲黎州。煬帝初。廢州。併其地入臨邛郡。唐置南登州。大足元年。割漢源飛越二縣及嵩州之陽山縣置黎州。神龍三年。廢開元三年。又置天寶元年。改爲洪源郡。乾元元年。復爲黎州。領羈縻五十五州。僖宗又置永平軍。宋復爲黎州。繼隆平陽軍節度。領漢源通望二縣。治在漢源。通志云。元屬吐蕃等處。宜

慰司 國初洪武八年省漢源縣改爲黎州長官司十一年陞安撫司并置大渡河守禦千戶所隸四川都司屬上川南道○元和志曰黎州之地關沫若而微犴柯處越犒印蜀之中樊宋直侯寶堂記云全蜀五十餘州沈黎爲襟喉地以南隣六詔而西接吐蕃也○後漢書犴都夷其人披髮左衽言語多犴犴類居處畧與汶山夷同土出長辛神藥仙人山圖所居也蜀郡記曰諸山夷僚子娘七月生生時必臨水兒出便投水中浮則取養沈乃棄之按沈黎之名或取此而樂于正以爲黑水所

四川名勝志

卷之三十一

四

經矣宋史黎州諸俗尚鬼以主祭者爲鬼王其酋長號曰都鬼王○宋郡守余授朱纓堂記蠻夷越跼瑣裝椎髻交錯于闌闔中寰宇記蕃部蠻夷混雜之地元無市肆每漢人與番人博易不使見錢漢用綢絹茶布番部用紅椒鹽馬之類○志云國初安撫副使馬苻德築沈黎城今司治也沈黎驛在其北二里而漢唐宋之黎州則理在漢源縣今廢爲鎮去司南二十五里○寰宇記云漢源縣漢沈黎縣地宋立郡于此隋仁壽四年置縣以大川之源爲名長安四年巡察使殷祚奏置黎州後刺

更宋乾微奏廢入雅州開元三年又置黎州以縣來屬按此卽舊黎州也○方輿勝覽云黎城中有漢越犒太守任器蜀漢姜維趙雲馬忠諸祠又有玉淵書院宋開禧初知縣薛紱建志云廢漢源縣東有唐三王墓唐史印黎間有三蠻王使伺南詔卒葬于此蓋恭化王劉志遠和義王郝全信遂寧王楊清遠也北夢瑣言印黎之間有淺蠻焉世襲王號曰劉王楊王郝王歲支西川衣賜三千金俾偵雲南勸靜雲南亦資其覘成都盈虛恒持兩端而求利焉遇元戎下車卽率界上酋長詣府庭號

四川名勝志

卷之三十一

五

曰黎元戎不察自謂威惠所致其來衆必潛稟于都押衙以候可否或元戎慰撫稍至垂方卽教其紛紜于時帥臣多文儒不欲生事都押衙席其利亦要姑息故蠻夷得以憑陵無忌王建始鎮蜀絕其舊賜斬都押衙山行章以徇印峽之南不立一墩不戍一卒十年不敢犯境末年命大將許存征徼外蠻爲三王洩漏軍機于是召而斬之時號英斷邊患屹然矣○勝覽云州治靜鎮堂弘願邃深爲郡之冠冕左右有藏春留香二亭及思仙臺圖經云昔人有駕牛採樵入蒙泰山見二老人奕棋

其人繫牛坐斧而觀局未終老人謂曰非汝久留之所樵者起而斧柯已爛牛已枯矣○勝覽云郫圍東湖方廣十丈架橋其中芙蓉萬蓋錦鱗千尾橋上有喚魚亭又云州宅之白雲泉從白塔谷前取水穴城東以入始以槽承之分于四大井焉黎廳在小廳東隅世傳唐三藏師遊西域經行植杖于地曰他日州治在此果如師言杖成株高五丈圍九尺天聖間同祿人取其枝以接他樹有梵音水亦云三藏至此持梵音而水湧出故名水色如米潯而甘在今治南半舍○按玄奘西域記取經由涼州出塞似未入蜀而三藏者乃僧之通稱也孫光憲瑣言云唐咸通中有天竺三藏僧經過成都曉五天胡語通大小乘經律論以比天竺與雲南接壤欲假途而還爲蜀祭事者識之繫于成都府其得所記朝廷功第文字蓋曾入內通場者或卽其人耶○今治西有播香亭在兵馬司外茶藤芙蓉之勝甲于內地有海棠池在城南三十里昔時太守賓僚燕賞之地沿堤植海棠花爛熳如錦矣○輿地紀勝云黎州初設茶馬買馬兩務成都則市于文黎珍叙等州號川馬五代王建大

開千星宿山官馬八千私馬四千建起家騎士有國之後于汶黎雅茂等州市胡馬十年之間遠及茲數按通畧韓億知益州移永興驛馬場于黎州境上以灌茂地接蕃部歲來互市說我四川故徙于此舊載在川南以今度之與大渡河相近但今市馬者由川北之中江縣而轉販入黎雅其時勢與事不同如此○志云聖鐘山下有古城昔人于山中聞鐘聲及五色光掘之而得巨鐘故曰聖鐘山其城卽古黎州城也又云古黎州城在大渡河外按元和志南唐以來徙治大渡河內而水源在

城外草阜始築今城東西南三面隣絕澗惟北面稍平地多井泉與諸城鎮戍烽火相通誠西南之險要矣○志云韋臯所築土城國初安慶侯卽故址砌石城今大渡河守禦千戶所是也在司治西北隅○大渡河源出吐蕃經黎州城南九十里東注嘉定入于江臨河有大渡巡簡司戍之隋大渡縣設焉今縣爲鎮若唐之大渡縣則在蘆山縣界○方輿云唐時大渡之戍一不守則黎雅即嘉成都皆擾宋初建隆三年土全斌平蜀以圖來上議者欲因兵威復越巂藝祖以玉斧畫此河曰外此

示有也于是爲教之極邊昔時河道平廣

小船自玉斧畫後河之中流忽陷下五六十丈水至此澎湃如瀑從空而落春撞號怒波濤洶湧船筏不通名爲噎口始天設險以限夷狄也父老云舊有寨將欲載杉木板由陽山入嘉定貿易以數片試之板至噎口爲水所吞沒須臾片片自沫水浮出蠻人聞之益不敢窺伺矣○寰宇記云大渡河在通望縣南一十五里自吐蕃界經雅州諸部落至當州東流入縣界志云廢通望縣在司治東九十里其北有羅目溪水入我州有通望山自

四川名勝志

卷之三十

八

大渡河南與衆山相連入嵩州按通望本漢旄牛縣地在大渡河北漢水西今有古旄牛城在俗呼爲牛頭城隋大業二年改名陽山縣因縣南朝陽山爲名矣志又云大渡鎮西有陽山廢縣是其舊址○十道志云隋仁壽四年罷大渡鎮置登州大業二年廢登州又立陽山鎮唐武德元年改置陽山縣屬登州貞觀二年割屬嵩州開元初改爲登臺縣貞元五年十月劍南節度使韋臯遣將王有道等與東蠻兩林苴那時勿鄧夢衝等帥兵于故嵩州臺登北谷大破吐蕃青海獫狁二節度殺其

大兵馬使乞臧遮悉多楊朱斬首二千餘級

投崖谷赴水死者不可勝數生擒龍官四十五人收獲器械一萬餘事馬牛羊一萬餘頭足遮遮者吐蕃驍勇者也或云尚結贊之子頗爲邊患自其死也官軍所攻城柵無不降下蕃衆日却數年間盡復舊州之境貞元十三年五月十七日吐蕃于劍南山馬嶺三處開路分軍下營僅經一月進軍逼臺登城嵩州刺史豐高任率領諸軍將士并東蠻子弟合勢接戰自朝至午大破犬戎生擒大龍官七人陣上殺獲三百人餘被刀箭者不可勝紀

四川名勝志

卷之三十

九

收獲馬畜五百餘頭器械二千餘事太和六年李德裕修復卬唃闐移嵩州于臺登城以杆蠻夷○華陽國志云臺登縣有孫水一曰白沙江入馬湖水水經注孫水出臺高縣卽臺登縣也南流逕卬都縣又南至會無入若水○志云孫水俗謂之長河天全長河西以在孫水之西也九州要記曰臺登縣有奴諾川鸚鵡山黑水之間若水出其下卽黃帝子昌意降居處水經曰若水出蜀郡旄牛徼外東南至故關鄒善長注曰按山海經南海之內黑水之間有樹名曰若木有若水出焉又云灰

野之山有樹焉青葉赤華厥名若木生崑崙山西
附西極也淮南子曰若木在建木西木有十華其
光照下地故屈原離騷天問曰羲和未陽若華何
光是也然若水之生非一所黑水之間厥木所植
水出其下故亦受其稱焉若水沿流間關蜀土黃
帝長子昌意德劣不足紹承大位降居斯水爲諸
侯娶蜀山氏女生顓頊于其野有聖德二十登帝
位承少皞金宮之政以德實歷矣○水經注又
云大度水出徼外至旄牛道南流入于若水又逕
越嶲大箬縣入緇山海經曰巴遂之山緇水出焉

四川名勝志

卷之三十

十

唐南流分爲二其一枝東逕廣柔縣注于江其一
南逕旄牛道至大箬與若水合自下亦通謂之緇
水矣○寰宇記云廢飛越縣本沈黎之地唐儀鳳
四年分漢源于飛越水置縣屬雅州大足元年屬
黎州按志飛越山下有唐時三瑯城卽三交城也
疑卽古飛越縣矣又云唐飛越縣在舊縣西北百
里飛越山下其山兩面接羌夷爲沈黎西境要害
之所○方輿云漢水發源自飛越嶺寰宇記云漢
水在漢源縣西百二十里從和姑鎮山谷中經飛
越縣界至通望縣合大渡河不通舟船每至春冬

有瘴氣中人爲瘴志云漢水俗呼流沙河源出
越山流經司南二里東入于江○方輿云廢瑯璃
城在大渡河南太和五年節度使李德裕築以蠻
界瑯璃溪爲名也贊皇又築伏羲城以制大渡清
溪之險按今司南九十里古清溪關乃韋阜所
鑿以通好南詔者自此出卽部經姚州而入雲南
謂之南路在唐爲重鎮焉○州東十里藺若寺前
有龍池方廣十數丈池上有龍祠水中有枯楂三
株隱然如龍狀觸之則暴風卒雨變于俄頃歲旱
取湫立應按志有渥洼池在州之蠻部內池產龍

四川名勝志

卷之三十

十

馬其前後之田膏腴可耕疑卽此處矣又有馬跑
泉相傳肉齒和尚乘白馬至一山馬渴跑地泉爲
之涌人稱其地爲和尚山云勝覽以爲山在州東
南百里與我眉瓦屋號爲三乘山常現五色毫光
○志云司治五里有卽徠山言卽徠之人入蜀從
此山而來也亦界山矣漢書作邾華陽國志作峽
水經作來開路記作萊其說不同又距州七十里
卽峽關昔有楊氏婦造閣其上傍有閣道碑水經
注云漢武元封四年以蜀郡西部卽徠縣埋旄牛
道天漢四年置都尉主外徼在卽峽山表自蜀西

渡卽梓其至嶮有乖棟八渡之難楊毋閣路之阻是也○漢書王陽爲益州刺史行部至卽嶮九折坂歎曰奉先人遺體奈何數乘此險後以病去及上尊爲刺史至其坂問吏曰此非王陽所畏道耶吏對曰是尊叱其馭曰驅之王陽爲孝子王尊爲忠臣今有祠在山下又有叱馭橋在司境內太守李石爲碑記云九折坂峻絕造天曲迴九折乃得度其巔九夏凝氷冬絕行跡也○卽嶮山靈應將軍洞不知何神有錦文巨蛇蟄其中人恒見之○勝覽云筭箕山在治西北五十餘里有前箕後箕

四川名勝志

卷之三十

七

以山多筭故名春時州人百十爲羣入山斫取紹興間始立筭租以贍學歲收緡錢八十千土人名爲錢箕山○又二百里有白崖山山外卽生菴界嶮峻不通人跡山之右有風穴如井不知淺深穴口四圍津津如汗間有氣出騰空如白雲須臾風起怒號如雷里人見雲卽知風氣散則風定細則風少盛則風猛室其穴風雖少而民多瘴開之風如故而瘴亦衰山之北又有穴大如車輪俯而入其中空濶數十步泉聲琮琤石髓凝結其幽致不可名狀俗呼仙人洞卽此○張華博物志云蜀南

沈黎高山中有物似猴長七尺能人行名曰僂路見婦人輒盜之入穴俗呼爲夜叉穴西蕃部落最畏之按寰宇記謂在漢源縣境或卽卽嶮山中耶記又謂山峽有一石洞壁間有夜叉像土人祠之號穿崖將軍洞按在今慶曆鄉○唐李義府奉使招諭有懷贈同行人詩遠遊日險阻深入勞存諭春去辭國門秋還在邊戍軒車行未返節序催難駐陌上悲轉蓬園中想芳樹蜀山自紛糾岷水恒奔注臨泛多苦懷登攀寡歡趣永夕飛淫雨崇朝蒸毒霧不求綬嶺桃寧美卽鄉茆白狼行欲靜驄

四川名勝志

卷之三十

七

馬何常驅願接輶旆塵聯翩來比鷺宋知郡余授詩絕塞卽嶮外偏城越嶺東山舍初夏雪林偃夕陽風提刑李師錫詩窮冬按部極西郵鳥道盤空積雪迷報國憂民寧憚遠萬重山裏到沈黎○經畧志曰黎雅諸夷卽天全六番諸部散居二州之間者宋時屢爲邊患孝宗乾道四年威州保寧府探知風流等部欲入抄掠知縣張文禮閉絕蛇浴山路不許來往蕃從蛇浴嶺後斫生路至村攘劫宣撫司委知永康軍李繁等討之蕃部來降十一月砂平蕃酋高志良至礪門互市與居民關山

不勝乃請塞官諭陳訴解決責之志良卿恨去
明年正月來攻礪門制置司遣李修禦之兵未至
志良已有悔意欲償還所燒廬舍更以錢贖罪守
臣不能身任其事付之兵官兵官既欲邀功而諭
炳亦覲報怨遂潛入砂平焚其屋廬番人初皆潛
伏官軍乘勢虜掠番鳴角聚衆以出遂失利番人
追至榮經蘆山而還乾道九年青羌吐蕃奴兒結
等坐黎州負其馬價侵掠安靜寨推官黎商老等
禦之敗死安撫司委鈐轄李彥堅往援始赴州悔
罪買馬如故十一月復犯安靜至大小壩殺虜軍
四川名勝志 卷之三十一 十五

掌司事取瞿姓子撫之將有他志祥姪土舍居松
坪遂興兵攻城取印眷衆因而乘會剽劫于時衆
將吳文傑方有征東之役移師剿平之二十四年
秦將該司降爲土千戶所安撫降爲千戶于司南
三十里大田山壩立千戶所俟應龍之子新受承
襲司署改爲黎雅遊擊府上七枝編爲民戶屬大
渡河千戶所當差下七枝仍舊屬松坪馬氏約束
焉大抵司東三十里爲天冲山險絕無路止通樵
採而已唐古木碑所云沈黎界上山林參天嵐霧
晦日者也西二十里爲黑崖關關外係本司管轄
四川名勝志 卷之三十一 十五

松坪寨是也志云司南百里臨大渡河有韋皇寨
築要衝城俗呼沙木寨亦作炒米城矣

戛竹縣

縣地邊隣松坪木瓜大小赤口等處原設六鄉西
南二面臨夷三十里至高橋十里至土地關二十
里至龍池場二十里至大圍關五里至鐵索橋五
里至射箭下坪三里至射箭上坪此縣之舊界也
○坪外八里至黑龍溪四里至虎皮岡始分兩岐
右路由上馬勝溪至金口廠爲印部司新附之民
名歸化鄉有陽化堡設焉由金口廠二十里至楠
四川名勝志 卷之三十 七

木園五十里至天池八十里至萬家石三十里至
松坪則黎州土舍馬應龍所居矣左路由下馬勝
溪至古金寺渡中鎮河有中鎮巡簡戌之又十七
里而至太平墩墩又兩岐右路過楊村行百里乃
至鐵狗邏狗亦新附夷種也左路上蠻鬼岡岡勢
險峻樹木叢雜入冬徂春煙霧不收雨雪層積卽
夷人亦解踪跡又十五里至空木卽永寧墩八里
乃至栖雞坪今築平夷堡處城池候館咸備焉山
栖雞五里至冷溪二十里至熱水河十里至四百
圍又二十五里而至西河設有鎮遠墩過墩四十

里爲殺馬溪懸崖峭壁中逼河流入過此者兩頭
牽索緣索而步至下山處名爲溜馬槽又五十里
則木瓜夷種之巢穴也木瓜有二有小有木瓜通
西赤口去援反只二日過木瓜橋頭稍前十里爲
大木瓜卽今三枝降夷處所一枝凶瓜一枝匪瓜
一枝上特瓜過大木瓜五十里爲利濟山極高峻
與大涼山相接又五十里至大赤口口外則馬湖
之地矣上特之先分自大赤口凡十二枝脈乃上
轉其最著者世居西河屬馬湖土官安氏鈴轄自
改流日諸瓜叛入印部歸嶺氏其地自西河至大
四川名勝志 卷之三十 七
小赤口涼山雪山等處周圍蟠據北連建越西接
嘉戎南通馬湖窮穴蹊徑四藏而八達焉嘉靖末
諸瓜畜牧蕃盛心懷內擾印部長官嶺栢已不能
馭及死其妻馬氏爲政賦乃虐栢等叛出涼山會
同西河匪瓜白祿出沙坪于是嘉戎建爲一帶鄰
邊居民不能安枕建昌上下南三道督印部發兵
至西雞坪截殺之我師未集潛從冷溪而渡直搗
西雞坐制我死命而瓜鋒于是益熾矣乃議大征
分爲建越馬湖中鎮二路而進直搗巢穴瓜始惶
駭請降歃血自誓不復反王將檄令各推酋長納

賈罷兵于是凶爪推牛撒爲長卜特推阿魁爲長
愿各約束所部永作屬夷歲貢良馬三疋足輸三
金犂眉縣爲進之十三枝爪夷積聚虛實牛多不
過六七十頭馬四五十疋羊二三百隻耳歲費官
兵糧餉三千二百五十兩有奇恢復侵佔田地自
七盤子至米麻嶺共四千八百六十四畝歲徵租
可四百四十七石有畸說者謂其常圖恢復云

雅州

禹貢和夷底績○志云和水在雅州南四十里源
出蠻界羅巖州而入平羌江圖經云和川路在巖
四川名勝志卷之三十

卷之三十

太

道縣界西去吐蕃大渡河五日程從大渡河西郭
至吐蕃松城四日程羗蠻混雜連山接野鳥道蟠
空不知里數○寰宇記云雅州管和川夏陽等羈
縻四十六州其首曰羅巖州去當道四百八十里
曰當馬三井東鋒名配鉗恭斜恭畫重羅林籠羊
林波林燒龍達索古敢川驚川蝸眉木燭百坡以
上十八州去雅州近者四百餘里遠者不及五百
里去羅巖自一里至六十里爲極惟當馬去羅巖
二百里焉○曰當品巖城中川鉗矢昌徧鉗并百
頗會野以上八州去雅州近者二百六十里遠者

六百三十里去白坡近者三里遠者六十里○曰
當仁推海作重福林諾作金林平恭布嵐欠馬羅
達以上十州去雅州近者五百七十里遠者六百
二十五里去會野近者三里遠者六十里通羅巖
共三十七州和川路之界也其次曰論川州去當
道五百八十里曰遠南州去讓川州二十五里至
州五百六十里平盧州去夔龍州二十里至州五
百六十里夔龍州去卑盧州二十里至州五百六
十里耀川州去金川州一十五里至州五百六十
里金川州去耀川州一十五里至州五百六十五
四川名勝志卷之三十

卷之三十

尤

里東嘉梁州去金川州二十里至州五百六十里
西嘉梁州去東嘉梁州一十五里至州五百六十
五里通論川共九州夏陽路之界也○寰宇記云
貞元中吐蕃七部落來降界近雅州因安置于和
川等路其名曰吐蕃籠官楊矣達費東君等部落
六十人在蠻宿川安置吐蕃業城首領籠官劉矣
本等部落在本部安置吐蕃會野首領籠官高萬
唐等部落在本部安置吐蕃通租城首領籠官馬
東煎等部落在夏陽路安置吐蕃國師馬定得并
籠官馬德唐等部落在欠馬州安置吐蕃嘉梁州

降戶首領龍官劉定等部落在夏陽路安置吐蕃
鬼龍城首領鑠羅莽酒等部落在和川路安置按
宋史雅州西山路蠻有部落四十六唐以來皆爲
羈縻州太平興國初首領馬令膜等來貢并上唐
朝勅書告身凡七通咸賜冠帶其首領授以官○
上南志云雅州近西蕃路有三曰靈關礪門始陽
也而礪門最爲要害按靈關鎮在廬山縣北八十
二里蜀都賦廓靈關而爲門是矣四夷考云礪門
等處安撫司元時設在雅州尋改吐蕃宣慰使司
國初宣慰余思聰王德貴歸附始降司爲州又礪
四川名勝志卷之三十 千

加狗牙各以爲華飾今有四牙長于齒牙而唇高
者別是一種能食人無長齒者不能食人俗信妖
巫擊銅鼓以祈禱焉○土夷考云榮經縣界懸崖
棧道之間有雜道長官司及飛越廟縣西北有紫
巖夷編氓殆半里其地名紫巖關與西蕃相接廣
可四十里表百里自靈溪飛水小路直透冷碛番
以上關堡大渡河官軍戍之東西峻嶺中流一河
大壩筒車等五姓夷結茆以居五姓各立老人有
訟不立公庭惟聽老人處分而已然賦稅亦不後
時蓋爲茶商捷徑有利存焉正西萬里乾河直通
四川名勝志卷之三十 千

礪門則天全招討之地矣○陳子昂諫雅州討生
羌書將仕郎守麟臺正字臣陳子昂昧死上言竊
聞道路云國家欲開蜀山自雅州道入討生羌因
以襲擊吐蕃執事者不審圖其利害遂發梁鳳巴
峽兵以徇之臣愚以爲西蜀之禍自此結矣臣聞
亂生必由怨起雅州邊羌自有國以來未嘗一日
爲盜無罪受戮其怨必甚怨甚懼誅必蜂駭西山
西山盜起則礪之邊邑不得不連兵備守兵久不
解則蜀之禍構矣臣聞吐蕃桀黠之虜君長相信
而多姦謀自敢抗天誅以來向十二餘載大戰則

大勝小戰則小勝未嘗敗一隊亡一矢國家往以薛仁貴郭待封爲武武之將屠十萬衆于大非之川一甲不歸又以李敬玄劉審禮爲廟廊之宰辱十八萬衆于青海之澤身爲囚虜是時精甲勇士勢如雷雲然竟不能擒一戎馘一虜至今而關隴爲空今乃欲以李處一爲將驅顛顛之兵將襲吐蕃臣竊憂之而爲此虜所笑且夫事有求利而得害者則蜀昔時而通中國秦惠王欲帝天下而并諸侯以爲不兼實不取蜀勢未可舉乃用張儀計飾美人譎金牛因間以啖蜀侯果貪其利使五丁

四川名勝志

卷之三十

三

力士鑿山通谷棧褒斜置道于秦自是險阻不關山谷不閉張儀躡踵乘便縱兵大破之蜀侯誅實邑滅至今蜀爲中州是貪利而亡此往事也臣聞吐蕃羯虜愛蜀之珍富欲盜之已有日矣然其勢不能舉者徒以山川阻絕瘴隘不通此其所以頓餓狼之喙而不能竊食也今國家乃亂邊羌開隘道使其牧奔亡之種爲嚮導是以借寇兵而爲賊除道舉全蜀以還之此危道也蜀西南一都會國家之寶庫天下珍貨聚出其中又人富粟多順江而下可以兼濟中國今執事者乃圖僥倖之利悉

以委身西羌得西羌地不足以祿衛財不足以富國徒殺無辜之衆以傷陛下之仁廉費隨之無益聖德又恐僥倖之利未可圖也未罰之所實特險者也人之所安無役者也今乃開其險役其人險開則便寇人役則傷財臣恐未見羌戎已有姦盜在其中矣往者益州長史李崇真將圖此奸利傳檄稱吐蕃欲寇松州遂使國家盛軍以待之轉餉以備之未二三年巴蜀二十餘州騷然大弊竟不見吐蕃之面而崇真賊錢已計巨萬矣蜀人殘破幾不堪命此之近事猶在人口陛下所親知意者

四川名勝志

卷之三十

三

必有姦臣欲圖此利復以生羌爲計者故且蜀人羸劣不習兵戰一虜持矛百人不敵當又山川阻曠去中夏精兵處遠今國家若擊西羌掩吐蕃遂能破滅其國奴虜其入使其耆長保首北關計亦可矣若不到如此臣方見蜀之邊陲不守而爲羌夷所橫暴昔幸有見被髮而祭伊川者以爲不出百年此其爲戎乎臣恐不及百年而蜀爲戎也

天全六番招討使司

古氏羌之地晉以前無聞焉宋齊梁土豪迭相雄長名屬益州西魏爲陽縣地屬蒙山郡後周因

之隋初郡廢屬雅州唐爲羈縻州隸雅州都督府
總志云五代王孟之間有高鬟閣藏楊夾失朵只
兒二酋歸附始置硯門黎雅長河西魚通寧遠六
軍民步撫司宋隸雅州元憲宗時復置六安宣撫
司屬吐蕃等處宣慰司後改六番招討司又分置
天全招討司國初併天全六番招討使司隸四川
都司○其地東西廣百九十里袤二百一十里東
至雅州界五十里西至長河西司百四十里謂之
乾溪南至榮經縣界六十里北至靈關道及董卜
韓胡百五十里去成都五百四十里爲南詔之咽

四川名勝志

卷之三十

舌

喉轄部落凡六曰馬村蘇村金村楊村隴東村西
硯村或謂六番之名始此非五代硯門黎雅等六
名也○上南志云洪武六年詔西夷酋長至京授
職賜印因俗爲治立都指揮使司二曰烏思藏曰
朵甘指揮使司一隴答衛也宣慰司三朵甘及董
卜韓胡長河西魚通寧遠也招討司六萬戶府四
及別思寨安撫司木瓦都指揮葛刺湯千戶諸部
落是爲三十六種以時朝貢焉○志云天全招討
司設在硯門城卽元之硯門安撫司也中有硯門
百戶所屬雅州千戶設在正副二招討及朵甘宣

德界渡河以西又有真官招討司及魚通安撫冷
碩十八寨爲三十六種番夷出入之路○司治有
諸葛武侯廟治東二十里有卧龍山相傳武侯征
孟獲駐宿處又十里有泉從石龍口噴出謂之龍
泉其源發于大悲寺內寺在司東四十里又十里
則多功山也昔大禹疏鑿以通峽水故名志又有
鎮西山姜維伯約駐師其下在司東二百十里又
二十里有女城山相傳楊招討家女將守此壘石
爲城尚存又有玄谷白崖皆出聖燈芝草玄谷高
峻清絕在東南八十里白崖矗立如雪在司南里

四川名勝志

卷之三十

舌

餘近白崖又有玉壘窮冬積雪土人以玉壘呼之
圖經自長河西至董卜寨二百餘里皆遶雪山而
行路打箭爐而進有哈日寺在烏思藏中元世祖
欲都縣六番之地以此蕃僧八思巴爲大寶法王
帝師領之嗣者數世其弟子賜號司空司徒國公
佩金章玉印前後相望大寶法王而下有大乘法
王闡教王闡化王護教王護法王通謂之烏思藏
六番也以其地連天竺有大西天小西天之域焉
雪山盡處有大鐵圍山山有法佛德行刺麻等寺
○游梁雜記云烏思藏所產細畫泥金水幅佛像

金塔舍利銅渡金佛像各色足刀麻鐵力麻寶

左髻犀角珊瑚噉叭其貢道由董卜韓胡長河西

采甘思之境自雅州入京大乘大寶二法王差僧

徒闡教補教贊善進之○志云天全男不習工藝

婦不事紡績惟以耕種爲業番漢清居礪房絕嶺

治化漸摩禮義日生○元段平章夫人高招討女

也能詞賦其勸段氏効順息兵一章見詞話中

國朝弘治間招討高崧妻楊氏楊顯昭女二十而

寡始終不易志詔旌其門百夫長姜珏女適于王

佐生一女適高昂母子二人俱早寡從一不變人

四川名勝志卷之三十一

稱雙節之家蓋姜氏女七歲時隨母赴京奏茶課

因進爲宮人七日不樂石其母賞鈔令引還鄉卽

適王佐者閨壺節義可謂盛矣惟是二氏當替襲

之期往往告訐申勘動煩郡邑由嫡庶之分不明

也如滇之士官宗枝冊貯自藩司則無此事

四川名勝志卷之三十一

閩中曹學佺能始著

下川南邊防

叙馬瀘道開府馬湖統轄敘瀘二衛烏蒙烏撒東

川鎮雄永寧等府司叅將一員駐劄永寧遊擊一

員駐劄建武寔左右之但永寧者兼貴州迤西等

處地方故稱川貴叅將云漢書西南夷傳唐蒙至

夜郎夜郎旁小邑食漢繒帛以爲漢道險終不能

有也乃且聽蒙約還報以爲犍爲郡治道自犍道

至牂柯水經若水又東北至犍爲朱提縣西瀘江

四川名勝志卷之三十一

水酈道元曰朱提山名也應劭曰在縣西南以氏

馬犍爲屬國也在郡南千八百許里建安二十年

立朱提郡郡治縣故城郡西南二百里得所館堂

琅縣西北行上高山羊腸繩屈八十餘里或攀木

而升或牽索而上緣陟者若將階天又有牛叩頭

馬搏頰坂其艱險如此○舊志唐置晏高筠定連

隆輦等十四州隸戎州都督府唐末廢四州存十

州宋神宗時十州夷內附隸瀘川郡前晏高等州

皆在焉元置戎高輦筠連四州隸敘州宣撫司至

元十三年宣撫使咎順招諭酋長得蘭紐得貢卧

等率衆歸附因設大壩總管府得蘭紐授都總管
得貢卧克同知其羅星長官以黎州同知李奇爲
之上下羅計二千戶俱得姓者爲之○輿地志曰
敘州三路蠻西北曰董蠻正西曰石門部東南曰
南廣蠻董蠻在馬湖江右樊侯國也其酋董氏南
廣蠻在慶符縣石門蕃部與監洮土羌接唐興播
等十二州之地其人精悍善戰鬪自馬湖南廣諸
族皆畏之蓋古浪稽魯望諸部也○志云宋大觀
中夷酋羅永順楊光榮李世恭等各以地內屬詔
建滋純祥三州在慶符縣西元史四十六國蠻夷
四川名勝志卷之三十一 二
所領禾蛾夷地在慶符南唐定州之支江縣也其
長官司在高縣西三十里落騷鄉文獻通考云獠
蠻不辨姓氏所生男女長幼次第呼之其丈夫稱
阿謨阿收婦人阿夷阿等之類今稍從漢俗易爲
羅楊等姓依樹積土以居其上名曰杆欄杆欄大
小隨其家之口數杆欄即夷之榔盤也制畧如樓
門由側闢構梯以上卽爲祭所餘則以寢焉又云
夷有姓氏男織班布纏頭衣裳俱如華製行纏以
班布爲之女縮髮爲髻纏以班帶簪纏用銀兩耳
各穿兩孔上貫釵下貫環富者疊貫之衣尚左袒

下着棉裙間以組綵長覆膝下初娶不論物采惟
通媒約殺牛豕以爲禮卽引歸惟老死後方大索
婚價飲食喜啖蜊斗又云樊有姓氏用白練纏頭
衣尚青男背領袂綵俱刺文繡裳袴履膝亦織班
帶以爲行纏管佩雙刀善使勁弩女縮髮撮髻飾
以簪壓衫之前後左右文繡灼爛長裙細褶膝以
下亦刺文繡行纏雜以青紫出則着單履性嫵媚
則論財喪則戚憐咸娶擣鼓作樂至夜男女雜選
自有番書十日不同十中國○李京雲南志云白
人者漢武帝開樊道通西南夷道戎州舊縣是也
四川名勝志卷之三十一 三
今轉爲白人矣白人語着衣曰衣衣吃飯曰咽羹
茹樵採曰折薪帛曰幕酒曰尊鞍鞬曰棹泥墻曰
埽垣男女首戴次工製如中原漁人蒲笠差大編
竹爲之覆以黑氈親舊雖久別無拜跪惟取工以
爲次男女披氈帷髻婦人不施脂粉酥澤其髮以
青紗分編繞首盤髻裹以攢項黑巾耳金環象牙
纏臂衣繡方幅以半身細氈爲上服處于婦婦出
入無禁居屋多爲回簷如殿制食貴生如猪牛雞
魚皆生鹽之和以蒜泥而食每歲以臘月二十四
日祀祖如中州上冢之禮六月二十四日通夕以

高竿縛火炬照天小兒各持松明火相燒爲戲謂之驅禳○又云土獠蠻在敘州南烏蒙北皆是男子及十四五則左右擊去兩齒然後婚娶猪牛同室而居無七筭手搏飯而食之踏高橋上下山坡如奔鹿婦人跣足高髻樺皮爲冠耳墜大雙環衣黑布衣項帶鐵牌以爲飾出入林麓望之宛如猿猱人死則以木棺盛之置于千仞巖崖之上以先墮者爲吉山田薄少刀耕火種所收稻穀懸于草棚之下日旋揭而食多以採荔枝販茶爲業云○唐書戎州都督府屬州九十有二宋初見寰宇

四川名勝志

卷之三十一

四

記者合叙瀘只載四十餘州而已他不可考樂于正曰羈縻諸州除沒落雲南蠻界一十五州其餘雖有名額元無城邑散在山峒不常其居撫之難馴擾之易動其爲刺史父子相繼無子卽以其黨有可省公舉之或因春秋有軍設則追集赴州著夏人衣服却歸山峒椎髻跣足或披氍毹或衣皮從蠻夷風俗無稅賦以供官每半使司須有優賞不拘文法今並存之要知古跡而已○悅州在戎州南二百七十里管縣六甘泉青賓臨川悅木夷口川璠○移州在州西南五百八十七里管縣三移

當領何湯陵○扶德州唐開元十八年七月割入在東南四百五十七里領縣三扶德宋水狗陰○筠州在四百一十七里管縣八鹽水筠山羅余臨居澄瀾臨岷唐川尋源○連州在州西南四百餘里筠州析出管縣六當爲都寧邈遊羅龍加平清坎○鞏州儀鳳二年開山峒置天寶元年改爲因忠郡乾元元年復爲鞏州在南三百十里領縣五哆樓比求都善播郎婆婆按卽琪縣地鞏州者今之羅星渡哆樓者今在城之高樓坊婆婆今江安縣界之婆婆村比求今之九塞播郎今貴州界之

四川名勝志

卷之三十一

五

安諍長官司都善一名都壇今名梅得此本志所載也○宋州領縣四戶六十九狗龍狗支宋水盧吾輪納半稅按高縣西五十里有宋水○南州在州西五百三十五里盈州析出管縣三播政百榮洪瀘○德州在州南五百六十四里管縣二羅連萬崖○爲州在南四百九十里管縣二扶僧羅○洛州在南四百二十七里管縣四臨津賓火葱藥曾口○志州在西四百五十六里管縣四浮萍雞惟夷賓河西○盈州在南五百六十七里管縣四盈川塗賽播陵施燕○獻州在南六百六里管縣

七名關○武昌州在南一千二百一十七里管縣
七洪武羅虹琅林夷郎來賓羅新綺婆婆○景州
在南三百九十六里管縣七名關○播很州在南
二百八十七里管縣三播勝從顏順化右十七州
唐時隸戎州南廣溪洞僚○協州在州西南八百
里天寶中因雲南離叛被破今移置在西南四百
九十三里管縣二名關○靖州在西南五百一十
里管縣二靖川分協○曲州在西南九百里天寶
中因雲南破移在開邊縣界去縣一百二十七里
管縣二朱提唐興○播陵州在南五百七十七里

四川名勝志卷之三十一 六

管縣二名關○鉅州在西南四百五十七里元無
將從開邊縣析出○哥靈州在西南一千四百里
管縣三名關○切騎州在西南一千一百里管縣
四柳池秦祿縻託通識○品州在西南二千三百
九十五里管縣三八稱松花牧口○從州在西南
二千六百四十二里管縣六茫化昆池武安羅林
梯山南寧○碾衛州在西南九百九十七里管縣
三名關○涪州狗達州俱歸馬湖右十二州管縣
三十七唐時在石門路並無稅賦供輸相承在圖
經上標名額耳石門今叙州之慶符縣也○長寧

州領縣四戶三十八婆員婆居青盧羅門○清州
久視元年置領縣二戶一十五新定固城○高州
領縣三戶二十一柯巴移甫徙西按長寧涪州俱
長寧地高州今之高縣也○晏州儀鳳三年開生
僚置天寶元年改爲羅陽郡乾元元年復爲晏州
領縣七戶七十七思叢柯陰新賓扶來哆崗羅陽
思晏按興文縣有晏峯卽思晏縣也七縣今爲犛
矣○定州領縣二戶一十六支江扶德按筠連有
定川溪舊州治在溪南○薩州儀鳳二年招生僚
置天寶元年改爲黃池郡乾元元年復爲薩州領

四川名勝志卷之三十一 七

縣三支江黃池按琪縣圖有古薩州卽上下羅計
○納州儀鳳二年開山洞置天寶元年改爲都寧
郡乾元元年復爲納州領縣七戶百六十八羅蘭
播羅施陽羅當羅藍都寧羅寧邊微溪洞輪納半
稅按琪縣有都寧驛與建武相近○奉州儀鳳二
年置領縣三戶三十九柯里柯巴蓬羅按宋史奉
州乃瀘州部西南邊夷○思峨州天授元年置領
縣二戶三十七多溪洛溪按瀘州憲綱有思峨洞
已上供輸泊井鹽紫竹也○藍州儀鳳二年置領
縣一胡茂○順州載初二年置領縣四戶五十九

出水順山靈巖來猿以上輸納半稅○能州大定元年置領縣二曲水甘泉○浙州儀鳳二年置領縣四浙源越賓洛川鱗山以上連接黔府生蠻承前不輸稅右十三州唐時隸瀘州

建武千戶所

春秋樊侯故地漢爲西南夷都叛服不常諸葛武侯征撫之置銅鼓埋鎮諸山稍就帖然唐儀鳳間開拓夷徼于本部置晏州羅陽郡領七縣宋熙寧間晏州儀夷獻地隸瀘州郡政和間夷卜籠謀叛據五斗壩後據九絲天險號九絲山都掌元至正四川名勝志卷之三十一 八

間本部歸附陞爲戎州統轄水都四鄉山都六鄉本朝改州爲縣隸叙州府水都則陽順陰逆山都則猖獗日甚先後凡十有二征俱弗克萬曆元年剿平之用兵九閱月告成事始改戎縣爲興文水都震懼悉歸編戶于山都六鄉適中處建武寧城拓地五百餘里東至永寧宜撫太平長官司八十餘里西至琪縣百五十里南至鎮雄府安靜長官司八十里北至叙府長定縣百五十里設鎮守總兵安邊同知坐營守備及建武守禦千戶所環四山而翠連雲貴祿三水而清派叙瀘招集流移建

學育才夷風丕變矣萬曆丙申丁酉間虜酋火落赤率其部入寇松潘乃移總戎之西改設遊擊于建武建武兵亦移入松而所存無幾焉○武寧蠻好着芒心接離名曰寧綬嘗以稻記年月葬時以矛向天謂之刺北斗相傳盤飪初死置于樹以笄刺之下其後爲象臨本志云平蠻城卽九絲城壁立萬仞周圍三十餘里上有九崗四水極廣可以播種僅通一徑鳥道真天險也去鎮一十五里爲左榜山今立頭腰尾三堡墩矣○大壩總管府元至元十三年蠻夷宣撫使咎順遣官招諭戎州酋

四川名勝志卷之三十一 九

長得蘭紐得貢卧率斂蠻民歸附十七年朝見遂設大壩總管府得蘭紐授都總管得貢卧克同知其羅星長官以黎州同知李奇爲之上羅計夷酋得賴阿當以至元十三年歸順授下羅計蠻夷千戶又有得顏簡者同時歸附亦授前官

馬湖府

寰宇記戎州都督更有羈縻州五按卽今之馬湖屬也其在唐或隸戎州或隸石門路○馴州在戎州西北七百三十三里管縣五馴祿天池方陀羅

○馴州在西一千三十三里領縣二斛木

羅相○浪州在西一千三百四十三里貞元十三年五月十七日西川節度使韋皋奏置管縣五名關右三州在馬湖江○瀘州在南九百一十二里管縣三拱平掃空羅空○犍州在南九百三里管縣三犍連羅名新茂右二州在石門路○土夷考云馬湖卽犍州地也舊有馴浪野犍犍五州屬焉高州在府東南百里外屬叙州府猶有故址可尋而馴浪野之在西南者計三千里外與建昌邛部相連漫無所考犍州亦府西界總之昔爲犍州而巳國初安濟歸附授土知府五傳至安鰲

四川名勝志

卷之三十一

十

而叛改流官爲弘治九年詳靖邊錄中仍以泥溪沐川平夷蠻夷四長司隸之泥溪平夷皆王姓蠻夷文姓沐川悅姓也環而星列于外萬曆十七年始設屏山縣附郭焉東界叙府百一十里西界建昌千二百里南界烏蒙百四十里北界犍爲二百里○水經注曰營縣故犍爲郡治也縣有犍山晉建興元年置平夷郡有營水出營邑西不狼山東與溫水合溫水一曰暖水出犍爲符縣而南入營水營亦出符縣南與溫水合閼駟謂之閼水俱南入營邑營水干其縣而東注于延水延水又與漢

水合出犍爲漢陽道王莽之新通也按營縣半屬平夷地矣○上夷考云泥溪傍府而居其東西北三面連接烏蒙與獼獠雜處所受田賦與華民一體奉征調可得夷兵三百人受寧戎巡簡司約束○平夷地土最狹錯于泥溪蠻夷之中相去各四十里東去泥溪三十里有昔樓峯我朝薛文清公誼父爲平夷司吏日隨任讀書于此○蠻夷司民少夷多故以名司其夷種有四山龍源青陶黃郎磨坡等處與建昌烏蒙沙馬接連有征調可得夷兵千設有檣溪煙溪三堡及龍源巡簡司防守去

四川名勝志

卷之三十一

十一

司治二十里有水海舊有龍生于海中馬湖得名本此○沐川司東界宜賓北界犍爲南界泥平蠻三司西抵建昌越犍邛部新設安邊廳守備司皆其轄內地故最廣田土亦饒而民狡好訟離府可三百里過此自西迄北大凉山以外盡皆夷地文法所不能盡拘耳○安邊廳在新鄉鎮卽賴因鄉也東接犍爲南接本府各二百里西接建昌千三百里北接大凉山五百里十六年馬湖改流于此建城垣設安邊同知一員駐劄其間又于煙草峯設守備司以資彈壓北有水池爲後營南有大河

壩爲前營中有兩河爲中營三營官兵約千四百四十餘人以成犄角之勢蓋于諸夷所出沒處扼其吭而守之也其水池一帶則界老營山大河壩一帶則界大凉山雷坡黃郎等處則界分水嶺庶幾西陲一雄鎮云

瀘州衛

洪武初調陝西長安衛軍征雲南回使駐守瀘州成化初以都掌之亂遷于宋江渡按在州南百里城週三百丈去衛南一舍有洞歸堡兩舍有定遠堡三舍有太平堡東南百里有水映堡北五十里四川名勝志卷之三十一

主

三

有江門堡百三十里有太州堡西北百六十里有三層堡又二十里有架壩堡其地東連羅羅界于北抵九支控州西通長戎九姓馬湖建昌南接東川芒部烏蒙烏撒蓋西南夷要害之防也本志東抵永寧衛西至九姓長官司各十里南至太平長官司五十里北至納谿縣界四十里轄左右中前四千戶所

烏蒙軍民府

古爲蠻地甸漢爲牂牁郡唐時烏蠻仲牟由之裔曰阿統者始遷于此地甸至十一世孫烏蒙始

強號烏蒙部宋時封阿杓爲烏蒙王元初歸附至元間置烏蒙路隸烏撒烏蒙等處宣慰司其時李京景山爲宣慰副使兼管軍萬戶卽著雲南志畧者元末彼土有阿晉者仕爲總管洪武初招集隣府設流官通判經歷照磨各一員隸四川布政司屬川南道編戶一里而已其人有羅羅夷人土僚三種錯雜而居男子年十四五則擊去左右兩齒乃娶出入佩刀相見以去帽爲禮架木爲棚以居東西廣五百一十五里南北袤七百六十里東至四川名勝志卷之三十一

主

烏撒府界二十五里西至建昌衛界四百九十里南至東川府界百三十里北至敘州府界六百三十里至成都千三百里○志云鐵爐山在治東三里以形似名涼山在西百里高廣千尋絕頂平曠蠻人避暑之地也雪山有積雪春夏方消在府西百三十里其西南有撒山河源出淨山北流與龍洞河合龍洞河在司東北一舍源出石洞中以爲洞者有龍金沙江在西南二百里外源出吐蕃流入府界與馬湖江合○夷語以五爲我以橫爲未東二十里卽我未山有五峯橫列故名口以平坦

爲村窩東南一舍有村窩蓋四望平坦也口以相對爲博特東南十五里有博特山以與府山相對也口以陡峻爲撒途東北八十里一山峻絕故曰撒途山

東川軍民府

古東川甸烏蠻仲牟由之裔罵彈得之改曰那札那夷屬南詔蒙世隆置東川郡後烏蠻闕畔強盛自號畔部元初置萬戶府至元中改爲闕畔部軍官後改爲東川府隸烏撒烏蒙等處宣慰司洪武初仲牟由之裔祿氏設姑歸附仍授爲東川土知四川名勝志卷之三十一 古

府隸雲南布政司十六年改爲東川軍民府添流官通判經歷照磨各一員立營長六頭目九管攝其間隸四川布政司屬川南道編戶一里○志云東川有烏蠻白蠻彝人羅羅四種烏蠻富而強白蠻貧而弱居多版屋俗尚戰爭類土蕃之風彝羅通詔之夷人而羅即僂也性勁而悍摘髮束髮于頂覆以白布尖巾衣以羶履以革彝人椎髻披羶戴羶笠用羶裹其脛躡皮履以貿易爲業○東西廣四百二十里南北袤三百七十里東至烏撒界百二十里西至會川界三百里南至雲南尋甸府

界二百二十里北至烏蒙界百五十里至成都千四百里志云府治在萬額山下山形上濶下銳如猪治內有大石如牛卧叩之有聲夷人以爲石鼓也治南有白婆山山頂有四時泉西五十里納雄山夜靜時聞人聲以爲神也歲五穀熟必于此告成焉○東川大王祠蒙氏所建絳雲弄山之神也山高峻可百里有十二峯下臨金沙江在府西南二百里一名烏龍山○金沙江一名納夷又名黑水源出雲南武定府下流入濟慮郡夷人鑿木爲槽以渡此水牛欄江在治東南三舍源出尋甸四川名勝志卷之三十一 古

烏撒軍民府

舊名巴凡兀姑後名的巴甸唐時烏蠻之裔孫曰烏夢者居此至阿蒙始得巴的甸其東西又有芒

部阿辰二部皆他酋所據宋時烏斐之後曰折怒者始弁其地號烏撒部元至元中始內附置烏撒路招討司尋改爲軍民總管府又改軍民宣撫司後改烏撒烏蒙等處宣慰司元末四川分省右丞那者以其地來歸于是改烏撒軍民府以那者知府事隸雲南布政司十六年改隸四川設官與烏蒙東川同今土官安氏其裔也○經畧志云烏撒府編戶二里耳而富盛甲于諸夷積累日深有可慮者其產有刺竹及猿山崖險阨襟帶二湖羊腸小徑十倍蜀道也○圖經云烏撒之地東西廣四

四川名勝志

卷之三十一

十六

百四十里南北袤三百五里東至播州宣慰司界二百五十里西至烏蒙府界百九十里南至雲南霑益州界九十五里北至芒部府界二百一十里至成都千二百五十里○志云七星關在府東南百七十里元馮福可詩點蒼何蒼蒼環如西洱河百年雨露恩詎敢煩天戈轅門振烏撒衣帶踰祥柯巨險久已夷故關尚坡陀云胡七星名亦復垂不磨○府東門之外石駝關有石如索駝立關下又有老鴉關善欲關俱在府東三百里貴州畢節人戍之○府東南三里有大隱山東北百四十

里有烏門山兩崖相對如門府東二百里有翠屏山元何弘佐翠屏山詩云俗山如俗人過眼不相揖踞鞍無好詩羈愁拍胸臆行行見翠屏景意兩相適煙蘿翠青黛崖嶂刺蒼壁雲霞油然生杉檜森以立鳴禽遞清響飛泉散珠吸我疑有幽人巖居喜深密朝餐紫霞英暮啗香松實○府東南百七十里石洞洞容百餘人窮處又得石竇遊者以炬入不知遠近而出○盤江在府治西百五十里流入敘州養馬川在治東百四十里夷人牧馬之處一名墅馬川治西一舍有七渡河南三舍有

四川名勝志

卷之三十一

十七

可渡河西南百十里有九十九渡水

鎮雄軍民府

古爲屈流大雄甸昔烏蠻之裔阿統與其子芒布居此地其後昌盛因祖名號芒布部宋置西南蕃部都大巡簡司元至元中置芒部路隸烏撒烏蒙宣慰司本朝改爲芒部府初隸雲南洪武中陞爲芒部軍民府隸四川布政司屬川南道○弘治間土官隴慰先娶水西女冲中生子曰慶與壽繼娶烏撒女冲叔生姦子隴政旣而讐殺水西則爲隴壽之助烏撒則爲隴政之黨嘉靖二年慰死嫡

子壽繼職庶子政謀壽殺之都御史王軌奏劾官
兵擒政及其嫂支祿繫獄死奏改流鎮雄府設經
歷照磨教授各一人立懷德長官司司于却佐威信
長官司司於毋響歸化長官司司於夷良安靜長官司
於落角以重慶府通判程洸爲試知府明年洸方
募民占種夷田於是水西乘機勾引隴壽之党沙
保等爲亂沙保者故水西勝奴也與壽部下阿得
獅子吼等破府城逐洸劫其印川貴會奏動三省
官兵勦之沙保詐稱已死主者弗察誤以捷聞各
陞賞有差七年沙保等復聚寇掠奏聞會議土官

四川名勝志

卷之三十一

六

土舍或爭襲或讐殺與師問罪甫定之後建議者
卽欲改設流官及流官再設而土夷隨叛殺人奪
地比昔尤甚蓋作惡者不過一二人今乃以一二
人之惡而遂致改易一府一州拂其本心違其約
信所謂犯衆怒也是以屢勦屢亂而兵革卒無寧
日合無凡有土官惡逆被顯戮者通拘所部頭目
令其自保應立力足以制服夷衆之人或土官之
子孫弟姪族人俱爲衆所推服者於是議以隴勝
爲知府爲聘永寧宣撫奢爵女奢氏爲妻更名隴
安授女官知府安擒獻沙保地方頗寧安死子隴

清襲清生子來鳳早卒次子來龍尚幼生母奢氏
更名隴高護印撫子而隴清妻者氏與之爭目把
各私所好仇殺二年委官勘處令二婦同掌兵戈
始息及後者氏老而來龍妻祿氏再贅水西文堯
臣盤據其地印爲奪去隴不絕如綫萬曆戊申年
以永寧之役堯臣發兵助惡始驅之去而蜀中欲
立阿克齡中欲立普德相持良久者氏恐一旦填
溝壑乃兩廢之差官會勘以夷漢目把所共願立
者爲主于是始易阿破爲土知府而堯臣不敢復
番誕矣○圖經云芒布部廣袤二百七十里東南

四川名勝志

卷之三十一

九

俱抵烏撒不及三十里以阿赫關爲界西至烏蒙
界二百四十里北至琪縣二百二十里以樂安山
爲界至成都可千里司北百八十里勿食料溪源
出樂安山司南二十里外直斗河源出六丈箐經
七星關其山川險阨地勢崎嶇左時綽紐右繞硤
砌其風俗勁而愚朴而野男業耕稼婦絕粉黛崇
信巫鬼其土產有石瓜樹生祿堅如石能已心痛
○芒部司西南有鼠街其俗夷人每遇子日則交
易于此○夷語以首爲烏以立爲通司北五里烏
通山如人翹首而立故名○以清氣爲綽紐司東

二十里綽紐山有爽氣也○以松爲託以沙石爲諾司西南二百里外託諾河岸側多松栢沙石故名○又有硤砌雄山見通釋

永寧宣撫司

通志云晉置永寧縣屬雲南郡宋及周隋因之唐改置蘭州屬益州宋初州廢爲江安合江二縣之境後設永寧路遷至馬口崖漁漕溪側元因之領筠連州騰川縣隸四川行省尋改軍民宣撫司明玉珍改設永寧鎮邊都元帥府仍設宣撫司國朝洪武中宣撫使祿照歸附改爲永寧長官司割

四川名勝志

卷之三十一

三

筠連屬敘州後仍陞宣撫司屬川南道司治舊在馬口崖卽宋乾德所改也開熙間遷于界首國初土官祿照因蠻夷千戶所舊址遷焉環城皆山疊翠如屏紅崖鎮北漁溪橫南亦山水之淮也○唐書天寶載伐南詔由西路進起瀘州泝永寧走赤水達曲靖曲靖古味縣也設郵傳自元始志云昔市驛在司東五十里摩尼驛在南九十里又五十里爲赤水驛又四十里爲阿永驛赤水有衛普市摩尼有千戶所皆屬黔○土夷考云衛西至納谿縣南至鎮雄府各四百里北至合江縣百六十里

東至播州界二百五十里職官宣撫仍舊加設土官同知一人流官經歷教授稅課局遞運所大使各一人并九姓太平二長官司編戶七里其風俗刻木爲信巢居箬寨不事商賈惟務農業垂髻跣足懸帶弓弩巴蜀者舊志云永寧卽古寧州極西南有閩濮鳩獠僛僛越躄身毒之民土地沃野黃金光珠琥珀翡翠孔雀犀象蠶桑綿絹絳帛文繡又有貊獸食鐵狸猩能言其血可以染朱劇有大竹名濮竹節相去一丈受一斛許○志云赤水河源出芒部水腦澗流經司東南遠赤水衛衛東二十

四川名勝志

卷之三十一

三

里有雪山山窮冬積雪夏至方消○沽溪在司南半舍源出蠻界流入漁漕溪溪在九姓司東馬口崖下○司北有海漫山延袤八十餘里起伏不絕如海之汗漫故名西北兩舍有高瀑自山頂飛來如匹練矣西南一山圓瑩如珠曰西珠山有仙婆墓在西山烏降山下銅鼓溪崖相傳有女子名滿者有道行及笄不字能前知吉凶卒葬于此○九姓長官司唐宋以前俱蠻地元立夷民羅黨九人爲把總至元初稱爲九姓羅氏黨蠻夷長官千戶○初改九姓長官司編戶五里○初宣撫奢効忠

名其妻曰世統妾曰世續而無子取親枝崇禎者撫之萬曆十九年世續鳩崇禮據印自官又養水西安彊臣妻弟阿利爲子世統爭之兵連禍結且二十餘年後以崇禮之弟崇明嗣其官追印昇之而印寔爲安堯臣甥之鎮雄矣三十五年都司僉書張神武質世續于庭而印不可得遂拘繫之惡目閻宗傳等請兵水西來襲永寧城中有備不得志而移禍于摩尼普市二所焚劫殆盡摩普乃屬黔省怨蜀甚而大中丞喬公惡堯臣之黨惡也動大兵以驅之詳見鎮雄下閭局亦從此結矣

四川名勝志卷之三十二

上川東邊防

閩中曹學佺能始著

遵義道開府夜郎與總戎同城而居近以建南有事大將軍移鎮以游擊一員代其他材官將領各有差歲抽通省民兵五千名歛其食餉而已說者謂蕩平既久當以播供播勿煩內地爲也然盈庭不決則任事之難耳

漢書南夷君長以十數夜郎最大在蜀郡徼外其國臨牂牁江江廣數里出番禺城下按戰國時楚四川名勝志卷之三十二

項襄王將莊驕從沅水伐夜郎君至且蘭桡船于岸而步戰既滅夜郎國因留王滇池以且蘭有桡船牂牁處乃收其名爲牂牁牁船筏也武帝時使唐蒙通夜郎國于是以夜郎旁小邑立犍爲郡戍轉相餽數歲士罷餓離暑濕死者甚衆西南夷又數反發兵興擊耗費無功帝患之使公孫弘往視問焉還言其不便乃且罷置南夷兩縣一都尉元符元年張騫言使大夏時見蜀布印竹杖問所從來曰從東南身毒國可數千里得蜀賈人市或聞印西可二千里有身毒國于是乃令王然

于栢始昌等間出西南夷往身毒國至滇道皆爲昆明所閉莫能通身毒及南越反上使發南夷兵且蘭君小邑乃與其衆反漢發巴蜀校尉擊破之遂平南夷爲牂牁郡夜郎侯始倚南越南越滅恐懼遂入朝封爲夜郎王昭帝始元元年牂牁談指同並等二十四邑凡三萬餘人皆反遣水衡都尉發蜀郡健爲兵擊牂牁大破之後始繒葉倫人復反鈞町侯亡波率其人擊之有功漢立亡波爲鈞町王至成帝和平中夜郎王興鈞町王禹漏卧侯俞更舉兵相攻牂牁太守請發兵誅興等漢以道

四川名勝志

卷之三十二

二

遠不可擊遣大中大夫張匡持節和解並不從杜欽說王鳳曰匡使和解蠻夷王侯不從不憚國威其效可見恐議者選懷復守和解太守察動靜有變廼以聞如此則復曠一時王侯得收獵其衆申固其謀黨助衆多各不勝忿必相殄滅自知罪成狂犯守尉遠藏濕暑毒草之地雖有孫吳將育育士若入水火往必焦沒智勇亡所設施屯田守之費不可勝量宜因其罪惡未成不疑國家加誅陰勅旁郡守尉練士馬大司農先調各積要害處選任職太守往以秋涼時入誅其王侯尤不軌者卽

以爲不毛之地亡用之人信不勞中國宜罷郡放棄其人絕其王侯勿復通如以先帝所立累世之功不可隳壞亦因宜其萌芽早斷絕之及以成形然後興師則萬姓被害矣鳳于是薦陳立爲牂牁太守至牂牁乃從吏數十人出行縣召興與將數千人往立數責因斷興頭出曉其衆皆釋兵降興子邪務收餘兵迫脇旁二十二邑反立又擊平之

四川名勝志

卷之三十二

三

○華陽國志元鼎二年開牂牁郡屬縣十七戶六萬及晉屬縣四戶五千而已公孫述時三蜀大姓龍傳尹董氏與牂牁功曹謝述保郡聞世祖在河北使使由番禺江出朝貢世祖嘉之號爲義郎按遵義之名始此方輿云遵義軍俗以射獵伐山爲業信巫鬼重謠祝好詛盟外癡內黠安土重舊凡交易刻木爲書契結繩以爲數其桀黠能言議屈服種人者謂之耆老其婚姻以銅器瑱刀弩矢爲禮其燕樂以銅鑼鼓橫笛歌舞爲樂其所居無城池之固架木爲閣聯竹爲壁開窓出箭以脩不虞出入佩刀弩自衛至與華人交易畧無侵犯有禮義之風凡賓客聚會酋長乃以漢爲貴其民端麗淳固以耕殖爲業天資忠順慕華風矣○寰宇

記云西南諸夷漢犍郡地唐置費珍莊琰播郡
犍夷等州按播州之名始此其地北距充州百五
十里東距辰州二十四百里南距交州千五百里
西距昆明九百里無城郭散居村落土熱多霖雨
稻粟皆再熟無徭役隋大業末首領謝龍羽據其
地勝兵數萬人四夷述云犍蠻姓謝氏舊臣中
國世爲本土牧守隋末大亂遂絕唐武德二年其
酋長謝龍羽遣使朝賀授犍州刺史封夜郎公勝
兵戰士數萬于是列其地爲犍州屬黔中羈縻後
爲正郡○寰宇記云犍州轄三縣曰建安卽州理

四川名勝志

卷之三十二

四

曰賓化曰新興其地與播州同唐書武德二年立
充州因是置播犍等郡梁氏十道志云開元初猶
有此郡後之郡國記錄乃無此名寰宇又云充州
犍犍都尉居之縣有梓潼底水思王思淪歷代史
云充州在犍州北百十里開元二十五年其酋趙
君道來朝王建僭僞不通中國首領五姓龍方張
石羅而龍氏最大後唐天成二年犍犍清州刺史
宋朝化等來朝其後孟知祥據西川復不通乾德
三年平孟和五年知西南夷南寧州刺史蕃落使
開寶四年彥瑫卒于漢瑯嗣詔襲父職太平興國

五年夷王龍瓊瑤遣子并詣州蠻七百四十四
以方物名馬來貢雍熙二年夷王龍漢瑤自稱
南寧州事兼蕃落使遣犍犍諸州酋長來獻方物
名馬并上蜀孟氏所給符印授漢瑤歸德將軍南
寧州刺史其後夷王龍漢興與龍漢瑤相繼遣使貢
方物授漢瑤寧遠大將軍封歸化王景德四年西
南蠻羅範并都指揮使顏士龍等來貢士龍種落
遐阻未嘗來朝今始至詔館餽賜予如高溪○播
州志云唐末南詔陷播州太原人楊端應募復之
遂有其地四傳至楊昭無子維時宋益州刺史楊

四川名勝志

卷之三十二

五

延昭之子克使廣西與貽通譜以其子貴遷後之
從狄青南征楊文廣卽延昭之孫也在播州者傳
至繁而益大鑑乃其裔云○四夷述云東謝蠻渠
帥姓謝氏南蠻別種在黔州之西數百里地方千
里有酋長卽謝元深也其一族不能女自云高姓
不可下嫁唐貞觀三年元深入朝冠烏熊皮冠若
今之旄頭以金絡額披毛帔韋皮行膝而著履時
中書侍郎顏師古奏言昔周武王天下太平遠國
歸款太史乃集其事爲王會篇今萬國來朝至如
此輩章服實可圖寫今請撰王會圖詔從之開其

地爲應州隸黔州都督府南謝首領謝疆與西謝蠻隣接與元深俱來朝拜爲南壽州刺史後改爲莊州是也其地宜五穀無文字刻木爲契散則山谷倚樹爲巢居無賦稅之事皆自爲生業刀劍不離其身男女椎髻以緋束之後垂向下冠熊皮披猛獸革南接守官徠西連夷子北至白蠻按南壽州卽分牂牁所置或云楚威王時有莊蹻將甲士二萬人入牂牁故取莊爲州名開元十道記有此郡額後之志錄并廢元領縣八皆貞觀以來相次建置永徽以後併省其名曰石牛南陽輕水多樂

四川名勝志

卷之三十二

六

樂安石城新安賓化○四夷述又云西趙蠻在東謝之南并南蠻別種其界山洞深阻莫知里數南北十八日行東西二十三日行趙氏代爲酋長有萬餘戶自古不臣中國唐貞觀三年遣使入朝至二十一年于此置明州其地東至夷子西至昆明南至西洱河土俗與東謝同唐史貞元十三年西南蕃大首領正議大夫簡校蠻州長史繼襲蠻州刺史資陽郡開國公宋鼎左右大首領朝散大夫前簡校邛州刺史謝汕右大首領繼襲攝蠻州巴江縣令宋萬傳界首子弟大首領朝散大夫牂牁

錄事參軍謝文經黔中經界招討觀察使王礎奏前件刺史建中三年一度來朝賀貢方物自後不令隨例入朝今年懇訴稱與牂牁同被聲教獨此排擠自慚恥謹隨牂牁等朝賀伏乞特賜優諭兼同牂牁刺史等授官其牂牁兩州戶口殷盛人力強大鄰側諸番悉皆敬憚請比二州每三年一度朝賀仍依牂牁例輪還差定以才幹位望爲衆所推者充之勅旨宋鼎已改官訖餘並依奏○寰宇記曰唐時黔州都督府管播州下五十三州曰南寧州本清溪鎮唐末置在黔州西南二十九日

四川名勝志

卷之三十三

七

行從南寧州至羅殿王部落八日行與雲南接界曰克州曰琰州曰犍州曰莊州曰明州曰牂州曰矩州曰清州凡九州每年朝貢曰犍州襲州叢州蠻州邦州鶴州勞州義州福州鼓州儒州鸞州令州郝州普寧州總州那州勛州功州敦州候州晃州茂龍州整州懸州樂善州契州添州延州雙城州訓州卿州撫水州思源州逸州殷州南平州盧州姜州稜州鴻州和武州暉州亮州凡四十四州洞內羈縻而已○土夷考云東至徧橋衛南至養龍坑楚黔二省界西至瀘州合江縣北至重慶基

江縣俱川省界此今之播州也明興楊鑑率衆歸附以其地爲播州宣慰司授鑑宣慰使領播州餘慶白泥客山眞州重安大長官司草塘黃平甕水三安撫司自鑑至相十世矣嘉靖十七年楊相父子爭職議勘相不敢入播客死水西萬曆元年楊應龍襲職卽相之子也卅有逆德應龍淫殺無忌初黃平草塘白泥餘慶重安五司凡承襲表箋須宣慰司印文乃達往往索賄無厭此釁端所由起又其地有七姓之民應龍寄以腹心七姓又藉龍爲竒貨糜費金錢累巨萬久之龍覺其欺乃稍稍

四川名勝志

卷之二十二

人

攪其權遂交讐怨七姓叩關鳴冤且反噬龍矣應龍娶妻張氏失寵其族弟瑞龍聘田氏應龍強委禽焉萬曆十五年田氏生子方臘月與應龍在室共話族弟繼龍偶入戶遁去應龍見而立斬之田氏曰妾非張何例視我應龍怒曰我不殺此奴今效尤耶乃立殺張首併剛張之母等張閭族奏應龍殺妻併妻母兄弟等命下川貴勘處應龍初亦抗拒不出已聞議撫乃俛首出聽勘勘龍革任罰贖金四萬免死合朝鮮告急應龍計以征倭贖前愆朝廷可其奏遂得解網然疑畏日甚進退維谷

二十三年應龍子以贖金未完死渝州獄中應龍親率蠻兵駝僧千餘至發喪二十六年托獻大本所過無不殘滅朝議應龍雖經勘問皆務姑息非鎮攝蠻夷之策于是天子赫然震怒命將興師大集三省之兵猛將謀臣星聚雲合又特遣總制侍郎邢玠以臨之支可大撫湖廣江鐸撫偏橋李化龍總督川貴湖廣之師會軍重慶府二十七年正月進兵六月初六日破海龍囤二十一日俘入重慶死于途事平剖播爲二四川遵義府屬三縣一州貴州平越府屬四縣一州收流設官詳平播

四川名勝志

卷之二十二

九

全書中○按播州長官司治附郭長官王姓其地左抵永安驛右抵海龍囤間雜楊氏腹裏播事訂長官王積祿甘爲應龍死黨亦其勢不得不爾今多屬遵義縣夷漢民各半○餘慶長官司在司南百六十里元至正間毛崑從宣慰楊加禎征蠻有功授校尉本部長官後改爲餘慶州俾毛氏世爲上知州本朝仍爲長官司司其地接連播州七牌苗巢左抵滑潭右抵雍水上達烏江下至岑黃于播最近楊氏不靖毛匪寧宇焉蕩平後改餘慶縣屬貴州平越府○白泥長官司在司東南三百里

宋景定中楊萬從征八播蠻有功授白泥長官元
改爲白泥州 本朝復收長官司其地上抵草塘
下抵偏橋鎮遠帶其左黃平別其右土田濶饒土
馬強健實甲諸司與楊氏不睦七姓之一也○容
山長官司在司東三百二十里長官張姓其地界
湖貴間于八司中獨爲外服溪山荒曠土地鹵瘠
中國商販不到其人以獵射爲生以刼殺爲業自
嘉靖間爲臻洞苗所殘破數十年來民夷驚驚土
田荒蕪長官不能治也舊有潯潭驛蕩平後改潯
潭縣屬貴州平越府○貞州長官司今改真安州
四川名勝志卷之三十二 十

地國初宋顯威從楊鑑歸附收授安撫其地東至
黃平司椒溪暖水界西至高平甕水二司界南至
平越衛界北至播州楊梅浪千界○黃平安撫司
在司東南三百里舊爲黃平府實楊鎮子孫世守
之元世祖時黃平蠻叛楊宜慰漢英討平其將羅
李明功多遂以土授羅氏收隸播州洪武初羅鑑
從楊鑑歸附授黃平安撫其地廣饒險固有城垣
足據扼雲貴之門戶爲諸司之襟帶蓋西南一要
境舊設通判一員總轄諸司又設千戶所駐劄司
城聽通判調用城中夾漢雜處昔楊酋不道首與
四川名勝志卷之三十二 一

四川名勝志卷之三十二 終

四川名勝志卷之三十三

閩中曹學佺能始著

上川東邊防

南平 平茶 邑梅 酉陽

史記高帝爲漢王發夷人還伐三秦秦地既定乃遣還巴中復其渠帥羅什各鄂度夕龔七姓不輸租稅餘戶乃歲入錢口四十宋史渝州蠻者古板橋七姓蠻唐之南平僚也其地西南接烏蠻昆明哥蠻大小橋州部族數十居之治平中熟夷李光吉梁秀等三族據其地各有衆數千家間以威勢脅誘漢戶有不從者屠之沒入土田往往投克客戶謂之納身稅賦皆里胥代償藏匿亡命數以其徒僞爲生僚劫掠邊民官軍追捕輒遁去習以爲常密賂黠民覘守令動靜稍築城堡繕器甲遠近患之熙寧三年轉運使孫固判官張詵使兵馬使馮儀弁簡杜安行圖之以禍福開諭因進兵復賓化砦平蕩三族以其地賦民凡得租三萬五千石絳綿一萬六千兩以賓化砦爲降化縣隸涪州建榮懿扶歡兩砦其外銅佛廟者隸渝州南川縣地皆膏腴自光吉等平他部族據有之朝廷因補其

四川名勝志

卷之三十三

一

蜀書

四川名勝志

卷之三十三

二

五

土人王才進克巡簡委之控扼才進死部族無所統數出盜邊朝廷命熊本討平之建爲南平軍以渝州南川涪州隆化隸焉○渝州志云黔涪徼外有西南夷部漢牂牁郡唐南寧州牂牁昆明東謝南謝西趙克州諸蠻相爲聯屬宋初以來有龍蕃方蕃張蕃石蕃羅蕃者號五姓蕃皆常奉職貢受簡命治平四年十二月知靜蠻軍蕃落使守天聖大王龍異閣等入見詔以異閣爲武寧將軍其屬二百四十一人各授將軍及郎將熙寧元年有方異現三年有張漢興各以方物來獻授異現靜蠻四川名勝志

爲限今年限未及詔特令入貢五年八年紹聖四年龍蕃皆貢方物龍代于諸姓爲最大其貢奉尤頻數使者但衣布袍至假伶人之衣入見蓋實貧陋所冀者恩賞而已元符二年又有半爲蕃入貢詔以進奉人章公憂愛市公利等爲郎將諸蕃部族數十獨五姓最著程氏韋氏比附五姓號西南七蕃云

酉陽宣撫司

隋圖經集語云黔中是武陵郡酉陽地按漢酉陽在今溪州大鄉界與黔州約相去千餘里今之三

四川名勝志

卷之三十三

三

西

亭縣西百九十餘里別有酉陽城乃劉蜀所置非漢之酉陽也貞觀地志言劉蜀所置酉陽爲漢西陽蓋誤認漢涪陵之地也○寰宇記云酉陽古蠻夷地春秋屬楚地秦昭王取之隸黔中郡漢以西陽縣地置武陵郡尋置犍郡吳分置黔陽郡隋以縣屬巴東郡唐武德初徙縣治務川四年招慰司冉安昌以務川當犍要路須置郡以撫之復于縣理置務州領務川涪川扶陽三縣至貞觀元年以廢夷州之伏遠寧夷思義高富明陽丹川六縣廢思州之丹陽城樂感化恩王多川五縣來屬

其年省思義明陽丹川五縣二年又省丹陽一縣四年改務州爲思州以界內思邛水爲名其年以涪川扶陽二縣八年又以多山城陽二縣俱割入費州又廢感化縣十年又以高富縣割入黔州十一年又省伏遠縣但領務川思王寧夷三縣開元四年又以州來立思邛縣二十五年割寧夷縣屬夷州天寶元年改爲寧夷郡乾元元年復爲思州黃巢之亂西陽蠻叛駙馬冉人才征之有功留守其地五代時中國無王冉氏遂據之按志宋政和六年復于務川縣置思州領縣三西陽隸焉復陞

四川名勝志

卷之三十二

四

爲州知州冉守忠善于撫字西人懷之元季冉氏世知本州明王珍偕據以西陽州爲沿邊溪洞軍民宣慰司國朝洪武初冉如彪納土歸附仍爲西陽州後陞爲酉陽宣撫司令冉氏子孫世襲領石耶洞長官司永樂中改隸重慶府建立學校俾漸習華三年入覲十年大造略比諸郡縣○志云司西北百八十里酉陽山入黔江縣界郡國志云小西山入龍標界卽王昌齡謫處也水經注云酉水北岸有黔陽縣許慎曰溫水南人黔蓋黔水以干津流注之通稱故縣受名焉西鄉溪口在遷陵

縣故城上五十里左合酉水酉水又東際其故城北又東逕酉陽故縣南而東出也兩縣相去水道可四百許里于酉陽合志云司東南九十里三江山江源出酉陽與二小溪合合平茶水東注辰州大江○其地廣袤七百里東至保靖宣撫司界西至彭水縣界南至平茶長官司及思南沿河界各三百里北至大田軍民千戶所界四百里當思南之要衛接荆湘之邊境山嶺阻深易爲憑借古號難治人分三種曰仡佬曰冉家曰南客暖則捕獵山林寒則散處巖穴借貸以刻木爲契婚姻則累

四川名勝志卷之三十三 五

世爲親編戶十三里其屬有九溪十八洞蠻州是九江後溪西南一帶近爲鎮寧苗殘破境土日削莫克恢復常告急于我焉○石耶長官司西陽屬地也先朝自宋楊昌安者竊據其地昌安太原楊業之裔宣和間征伐有功蠻人呼爲石耶土知府洪武初楊金隆歸附收立長官司設長官二員皆楊氏世職別設流官吏目一員王其租稅附庸酉陽覲貢不親至京師人織班布以爲衣佩長刀而捕獵編戶二里鎮蠻洞而帶五溪連黔彭兩接荆楚東至石凱子界西至平茶司界南至邑

梅沙子凹北至酉陽石開園與鎮寧苗密邇地勢孤懸不減于二酉也○志云石耶人呼石版爲巴墳治南一里巴墳山言此山多版石也又二里有石崖土人呼爲密那里世傳有道人修行其下每以餅餌獻遊者在洞視之見熟麵持出洞外則石矣

平茶長官司

秦屬黔中郡三國屬吳爲黔陽縣地隋屬巴東郡唐武德初屬思州天寶間屬寧夷郡五代陷于峽宋政和間始得其地置平茶洞元初改落江芝子

四川名勝志卷之三十三

平茶等處長官司隸思州安撫司以其地授楊大雷爲土知府洪武間楊抵剛歸附收授長官司隸酉陽宣撫後改隸渝州覲貢賦稅大畧與酉陽同編戶三里所屬有五种夷言語侏離性好捕獵火炕焙穀野麻織布巫禱治病歌唱送殯號爲南客○其地廣袤一百二十里東至石耶長官司界一十里西至貴州烏羅長官司界一十里南至洞仁府界一百里北至酉陽宣撫司界五十里以二酉爲藩籬石耶爲襟帶也○志云治南諸葛洞相傳武侯征九溪蠻信宿洞中石牀存焉又云侯于洞

中以一握粟秣馬化爲石粟至今神之西三十里
白歲山高聳插天土人言此山白則有年積雪爲
白也山之水一流入東南名哨溪以溪聲如鳴哨
一流入西南爲滿溪以其水常溢不流迨北有高
秀山丹崖翠壁望如畫圖土夷考所謂地多秀山
聳插翠雲者矣其人驍悍善戰萬曆初年馬湖之
役長官楊光祖之功爲多

• 邑梅長官司

宋末太原楊光甫據地元改爲拂鄉洞以楊氏
爲土知府明王珍僭據改爲邑梅沿邊洞軍民府
四川名勝志卷之三十三 七

洪武初楊金奉歸附立爲長官司編戶五里初隸
酉陽永樂初改隸渝州○其地廣九十里袤三百
三十里東至湖鎮溪千戶所界七十里西至貴州
烏羅長官司界二十里南至平頭者可長官司界
一百里北至酉陽宣撫司界一百三十里其人語
異蠻音衣穿斑布用木浪槽爲臼而舂稻梁漚苦
蒿水代鹽而鮓宿肉婚姻以牛隻爲等疾病以巫
祝爲醫競私鬪昧公義雖有勇敢徒以偕亂然不
能禁草苗之蠹食也○志云司西南六里壽山林
木叢茂屹立層漢蒼煙翠靄四時不凋東三里黃

牛山相傳土官楊四舟高殿始自烏羅過此見土
地膏腴宜耕稼因喜椎黃牛以享衆故名司南八
里有韭山昔人遺韭于山巔因蕃衍生韭長丈餘
四時皆有土民采食之西北二十里凱歌河行者
至此必謳而渡俗呼凱過河河干有凱子寨焉

四川名勝志卷之三十三 八

四川名勝志卷之三十四

閩中曹學佺能始著

下川東道邊防

石碛宣撫司

秦屬黔中郡漢置牂牁郡晉橋爲夜郎郡寰宇記
夜郎郡有且蘭縣漢武時使發南夷兵征南越且
蘭不從乃反漢發巴蜀校尉擊破之遂平南夷以
爲牂牁郡樂史註云今涪州之義泉郡也後周于
石碛地置施州唐改爲清江郡方輿勝覽施州東
晉末旦元誕竄太陽蠻中築城臨施水號施王城
四川名勝志卷之三十四

子孫襲王至後周保定初平之以其地置施州而
清江郡隸焉州乃施王之餘址故以爲名尋改爲
亭州又改爲庸州又爲清江郡恭帝復置施州土
夷考唐改施州爲清江郡宋改清江爲南賓縣按
唐武德二年分浦州武寧縣西界置南賓縣屬忠
州也武寧今改巡簡司在司北百里外○志云司
東北百四十里有山形如張蓋俗曰石涼傘卽石
幢之說也按寰宇記牂牁州有建安縣漢牂牁郡也
有高連石門四十九頭木瓜諸山有古牂牁郡城
華陽國志云牂牁郡上當天井故多雨潦今有古

傳本

四川名勝志卷之三十四

城在郡西卽漢天復之時所保于此有石潼關華
陽國志云且蘭縣西南有地名石潼關柱蒲關漢
書亦云牂牁郡有柱蒲關石碛之名本此○志云
司治南百五十里大峯門山兩岸壁立中通行人
有古壘按方輿勝覽東門山在歌羅寨西北五十
里東卽夜郎故地古來夷夏分界入貢之門戶也
又云竹王祠在歌羅寨西北五十里東門山崇寧
間賜靈惠廟額歌羅寨本夜郎縣唐置珍州乾德
四年蠻酋珍州刺史田景遷內附納土以酉江爲
界自是酉江以北所謂夜郎縣故地盡入施州矣
竹王卽夜郎侯也○勝覽又云施州驛北有馬公
泉未詳志云司西北二百里外有馬頭山山頂有
馬黃廟祝馬伏波黃山谷處蓋山谷入黔州安置
取道施州故人慕而祀之○其封域東至黔江縣
界二百里西至鄧都縣界南至武隆縣界各百七
十里北至忠州界百二十里編戶三里其民悍而
好鬪兵馬稱強間有所調遣輒踴躍赴輿地紀
勝云施之地雖雜夷落猶近華風故鄉音則蠻夷
巴漢言語相混其山岡砂石不通牛犂惟伐木燒
畚以種五穀隆冬可單盛夏可袂矣○方輿考云

施州蠻者夔路徼外熟夷蓋唐彭水蠻也咸平中施蠻嘗入寇詔以鹽與之且許其以粟轉易蠻大悅自是不爲邊患後因飢又以金銀倍實直質于官易粟官不能禁熙寧六年詔施州蠻以金銀質來者估實值加七年不贖則變易之著爲令熊本經制消井事蠻酋田現等內附施黔比近蠻子弟精悍戰鬪趨捷朝廷嘗團結爲義勝軍其後瀘州消井石泉蠻叛皆獲其用○夢溪筆談忠萬間夷人祥符中嘗寇掠邊臣務懷來使人招其酋長祿之以券衆自後有効而爲之者不得已又以券招

四川名勝志

卷之三十四

四

之其間紛爭者至有自陳其人纔殺掠遂得一券比殺兵民倍之互相計較爲寇甚者則受多券熙寧中會之前後凡計四百餘券子孫相承世世不絕因其爲盜悉誅鋤之罷其舊券一切不與自是夷人畏服不復犯塞○渝州志云宋景定中蠻酋大蟲馬什用同向士壁率帥大敗元兵繼平九溪洞夷授鎮國上將軍領銅牌鐵印石砧安撫司大使世守其土元改石砧軍民府尋陞安撫使司後以生夷作亂爲定虎什用獲受賞改陞石砧宣撫使司明玉珍僭據時爲先納牌印授石砧安撫司

國朝洪武七年克復安撫使馬克川出降次年陞石砧宣撫管轄土民世襲隸重慶嘉靖四十二年改隸夔州○土夷考云施州忠路安撫司本石砧馬氏姻戚因爭邊界構殺不休蓋馬氏內不和于妻子外不睦于族人讐殺計奏動尋于戈非一日矣近又與其同知陳思虞訐奏繫夔州獄中未結○經畧志云重夔二府所轄播西石砧等土司及黔江武隆彭水忠涪建始奉節巫山雲萬等十州縣皆稱關徼與湖廣施州衛所轄散毛施南唐崖忠路忠建忠孝容美等土司之地雞鳴相聞犬牙

四川名勝志

卷之三十四

四

交制弘治元年于達州設兵備副使統轄重夔黔江等地及湖廣瞿塘施州等衛所正德間藍耶作亂調各土司征勦因而覘知蜀道險易居民村落不時出沒行劫施衛官旗食其子女財帛之遺相與表裏爲姦違例婚媾故諸夷得逞焉嘉靖十年于黔江千戶所散毛宣撫司中界設立老鷹等三關五堡二十年川湖會題設九永守備官一員于施衛駐劄俾其約束兩省徵上夷司川湖守巡得胥節制之○北史後周恭帝二年巴西人譙淹扇動羣蠻以附梁蠻師向鎮侯向白虎等應之向五

子王又攻陷信州田烏度田唐等抄斷江路文子
榮復據荊州之政陽郡自稱仁州刺史升麟州刺
史蒲微亦舉兵逆命詔田凱賀若敦潘和卒還哲
等討破之周武成初文州蠻叛州軍討定之尋而
冉令賢向五子王等又攻陷白帝殺開府楊長華
遂相率作亂前後遣開府元契趙剛等總兵出討
雖頗翦其族類而元惡未除天和元年詔開府陸
騰督王亮司馬裔等討之騰水陸俱進次于湯口
先遣喻之而令賢方增浚城池嚴設扞禦遣其長
子西黎次子南王傾其支屬于江南險要之地置

四川名勝志

卷之三十四

五

立十城遠結澤陽蠻爲聲援令賢率其辛固守水
邏城騰乃總集將帥謀進趣咸欲先取水邏然後
經畧江南騰言十衆曰令賢內恃水邏企湯之險
外託澤陽輔車之援兼復資糧充實器械精新以
我懸軍攻其嚴壘脫一戰不尅更成其氣不如頻
軍湯口先取江南剪其毛羽然後遊軍水邏此制
勝之計也衆皆然之乃遣開府王亮率衆渡江旬
日攻拔其八城凶黨奔散復賊帥冉承公并生口
三千人降其部衆一千戶遂簡募驍勇數道分攻
水邏路經石壁城險峻四面壁立故以名焉惟有

一小路緣梯而上蠻蠻以爲峭絕非兵衆所行騰
被甲先登衆軍繼進備經危阻累日乃得舊路且
騰先任隆州總管雅知其路蠻帥冉伯黎冉安西
與令賢有隙騰乃招誘伯黎等結爲父子又多遣
錢帛伯黎等悅遂爲鄉導水邏側又有石勝城者
亦是險要令賢使其兄龍真據之騰又密告龍真
云若平水邏使其代令賢處之龍真大悅遣其子
諸騰乃厚加禮接賜以金帛蠻貪利既深仍請立
效乃謂騰曰欲翻所據城恐人力寡少騰許以三
百兵助之既而遣二千人銜枚夜進龍真力不能

四川名勝志

卷之三十四

六

禦遂平石勝城晨至水邏蠻衆大潰斬首萬餘級
令賢遁走而獲之司馬裔又別下其二十餘城獲
蠻帥并三公等騰乃積其骸骨于水邏城側爲京
觀後蠻蠻望見輒大哭自此狼戾之心輟矣時向
五子王據石墨城令其子寶勝據雙城水邏平後
頻遣喻之而五子王猶不從命騰又遣王亮屯牢
坪司馬裔屯雙城以圖之騰慮雙城孤峭攻未可
拔賊若委城遁散又難追討乃令諸軍周迴立柵
遏其走路賊乃大駭于是縱兵擊破之禽五子王
于石墨獲寶勝于雙城悉斬諸向首領生禽萬餘

信州舊居白帝勝更于劉備故宮城南八陣之
北臨江岸築城移置信州又以巫縣信陵柳歸並
築城置防以爲襟帶焉天和六年蠻來冉祖意冉
祖驤又反詔大將軍趙闇討平之自此蠻羣懼息
不復爲寇

四川名勝志卷之三十四 終

四川名勝志卷之三十四

四川名勝志卷之三十五

閬中曹學佺能始著

川北邊防

板橋蠻

華陽國志秦昭襄王時白虎爲害自秦蜀巴漢患
之秦王乃重募國中有能煞虎者邑萬家金帛稱
之于是夷胸臆廖仲藥何射虎秦精等乃作白竹
弩于高樓上射虎中頭三箭白虎常從群虎瞋毒
盡搏煞羣虎大响而死秦王嘉之曰虎歷四郡害
于二百人一朝患除功莫大焉欲如嬰王嫌其夷
四川名勝志卷之三十五 一

人乃刻石爲盟要復夷人頃田不租上妻不算傷
人者論煞人者願死俟錢盟曰秦犯夷輸黃龍一
雙夷犯秦輸清酒一鍾夷人安之漢興與閬中范
目從高祖定秦有功高祖因復之專以射白虎爲
事戶歲出寶錢口四十故世號白虎復夷一曰板
橋蠻今所謂劈頭虎子者也順桓之世板橋數反
太守蜀郡趙溫恩信降服于是宕渠出九穗之禾
胸臆有連理之木光和二年板橋復叛攻害三蜀
漢中州郡連年苦之遣御史中丞蕭瑗督益州兵
討之連年不克天子欲大出軍時征役疲弊問益

州計曹考以計畧益州計曹椽程包對曰板楯七姓以射白虎爲業立功先漢本爲義民復除徭役但出資錢口歲四十其人勇敢能戰昔羌數入漢中郡縣破壞不絕若緣後得板楯來虜彌盡號爲神兵羌人畏忌傳誦種華勿復南行後建寧二年羌復入漢牧守違違復賴板楯破之若微板楯則蜀漢之民爲左和矣前車騎將軍馮緄南征雖授丹陽精兵亦倚板楯近益州之亂朱龜以并京勁卒討伐無功太守李顯以板楯平之忠功如此本無惡心長吏鄉亭更賦至重僕役過于奴婢蕃楚

四川名勝志

卷之三十五

二

隆于囚虜至乃嫁妻賣子或自剄陳冤州郡牧守不理去關庭遙遠不能自聞含怨呼天叩心窮谷愁于賦役困乎刑酷邑役相聚以致叛戾非有深謀至計偕號不軌但遇明能牧守益其資殺安便賞募從其利陳自然安集不煩征伐也昔中郎將尹就伐羌擾動益部百姓諺云虜來尚可尹將殺我就徵還後羌自破退如臣愚見權之遣軍不如任之州郡天子從之遣太守曹謙宣詔降赦一朝清戢按此蠻北道巴梁間常有之○寰宇記云漢末天下亂自巴西之宕渠遷于漢中楊車坂抄

掠行旅號爲楊車巴魏武尅漢中李特相將五百家歸之魏武又遷于畧陽北復號之爲巴氏也○後漢書云板楯蠻其在黔中五溪長沙間則爲盤軻之後其在峽中巴梁間則爲廩君之後按杜光庭錄異記李特字玄休廩君之後昔武落鍾離山崩有石穴二所一赤如丹一黑如漆有人出于赤穴者名務相姓巴氏有出于黑穴者凡四姓皐氏樊氏栢氏鄭氏五姓偕出爭長于是相約以劍刺穴能著者爲廩君四姓莫著而務相之劍懸焉又以土爲船雕畫之而浮水中曰若其船浮者爲廩

四川名勝志

卷之三十五

三

君務相船又獨浮于是遂稱廩君乘其土船將其徒卒當夷水而下至于鹽陽鹽水神女子止廩君曰此魚鹽所有地又廣大與君俱生可止無行廩君曰我當爲君求廩地不能止也鹽神夜從廩君宿旦輒去爲飛蟲諸神皆從其飛蔽日廩君欲殺之不可別又不知天地東西如此者十日廩君即以青縷遺鹽神曰嬰此宜之與汝俱生不宜將去汝鹽神受而嬰之廩君至碭石上望膺有青縷者跪而射之中鹽神鹽神死羣神與俱飛者皆去天乃開玄廩君復乘土船下及夷城夷城石岸曲泉

水亦曲望之如穴狀廩君歎曰我新從穴中出今又入此奈何岸卽爲崩廣三丈餘階務相承廩君登之岸上有平石長五尺方一丈廩君休其上投策計算皆著石焉因立城其旁而居之其後種類遂繁余并天下以爲黔中郡薄賦歛之歲出錢四十萬巴人呼賦爲賓因謂之賓人也王維送李梓州詩賓女輪檀布本此僚蓋南蠻之別種初出自梁邑之間自漢中達于邛笮川洞之間所在皆有俗多不辨姓氏又無名字往往惟一酋帥爲主亦不能遠相統攝父死則子繼若中國之貴族也僚

四川名勝志卷之三十五 四

王各有鼓角一雙使其子弟自吹擊之按蜀本無僚李勢時諸僚始出巴西渠川廣漢陽安資中徙爲梓潼山谷間十餘萬落攻破郡縣爲益州大患自桓元于破蜀之後力不能制又蜀人東流山險之地多空僚遂挾山傍谷與夏人參居近者頗輸租賦在山深者仍不爲編戶至梁武帝梁益二州歲歲伐僚以自裨潤公私頗藉爲利後魏正始初梁將夏侯道遷舉漢中附魏魏遣尚書邢巒爲梁益二州刺史以鎮之其後以梁益二州松幘險遠立巴州以統諸僚後以巴酋帥嚴始興爲刺史

又立隆城鎮管僚二十萬戶所謂北僚是也歲輪租布魏明帝孝昌中據城叛梁益二州遣將討之攻陷巴州執始興斬之後梁益入梁自此又屬梁矣後周武帝平梁益之後令所在撫慰其與華人雜居者亦頗從賦役然天性暴亂旋致擾動每歲命隨近州鎮出兵討之獲其人以克賤隸謂之壓僚焉復有商旅往來亦資以爲貨公卿逮于民庶之家有僚口者多矣然其種類滋蔓保據巖壑依林走險若履平地性又無知殆同禽獸諸夷之中最難以道義招懷也依樹積木以居其上名曰干

四川名勝志卷之三十五 五

欄干欄小大隨其家口之數好相殺害多仇怨不敢遠行性同禽獸至于忿怨父子不相避惟手有兵刃者先殺之若殺其父走避于外求得一狗以謝其母然後敢歸母得狗謝不復嫌恨若報怨相攻擊必殺而食之遞相劫掠不避親戚賣猪狗而己亡失兒女一哭便止親戚比隣指授相賣避賣者啼叫不服逃竄避之乃將買人捕逐若于叛獲便縛之但經縛者卽服爲賤隸不敢更稱良矣執梃持矛不識弓矢川竹爲簣群聚鼓之以爲音節能爲細布色至鮮淨大狗一頭買一生口性尤畏

鬼所殺之人美鬚長者必剝其面皮籠之于竹及
燥號之曰鬼鼓伐祀之以求福利俗尚淫祀至有
賣其昆季妻孥盡者乃自賣以供祭焉鑄銅爲器
人口寬服名曰銅嬰甚薄且輕易于熟食西陽保
祖祿婦七月生子死則豎棺埋之木耳夷舊牢西
好鹿角爲器其死則屈而燒之埋耳後小骨類人
黑如漆小寒則梧沙自處但出其面焉續博物志
曰寧國論云蜀中本無獠晉末李雄之亂山谷洞
中壤壤而出轉轉漸大自爲夫婦而益多夫土藪
則生蚤地濕則生蚊積殺則生蠹腐肉則生蛆蛆
四川名勝志卷之三十五 六
化爲蠅蠅又自生蛆蛆又自生蠅豈有窮乎

卷之三十五



廣東總叙

通曆周武王既滅殷以南海在揚州之南
服此南海之始也秦始皇二十六年定天下爲主
十六郡郡置守尉監南海郡不預其數第置尉監
以典南越其時屠睢史祿蓋爲南海郡尉監云二
十九年南越叛三十三年遣任囂趙陀擊平之因
以囂爲南海郡尉陀爲龍川縣令漢高祖元年任
囂卒陀代之擊并桂林象郡十一年封陀爲南粵
王十二年南粵擊交趾雖越取之蓋自陀爲王凡
五世九十三年乃漢武帝元鼎六年也帝遣伏波
廣東名勝志卷之總叙 一
將軍路博德等滅之遂定其地置南海蒼梧鬱林
合浦交趾九真日南尋聞珠崖儋耳爲九郡元封
五年置交趾部刺史領諸郡治蒼梧之廣信縣建
安八年改交趾爲交州十五年徙交州刺史治南
海以其徙自廣信因改南海爲廣州置刺史此廣
州之始也于是分合浦以並屬之而交趾以南爲
交州治龍編今安南地梁天監五年分廣州置桂
州此東西二廣之始也唐置嶺南道仍合爲一咸
通三年分嶺南東西道復爲兩五季初南漢劉龔
僭據之至銀凡五十年宋開寶初潘美平南漢分

廣南東西路遂有廣東之名元置廣東道宣慰廉

慰二司皆隸江西行中書省 國初洪武元年

上遣征南將軍廖永忠下廣州若長區禹民首倡

歸附因改置廣東等處承宣布政使司治廣州其

北三百五里曰韶州府又東北一百五十里曰南

雄府是爲嶺南道其東二百二十里惠州府又東

六百五十里潮州府是爲嶺東道其西三百三十

里肇慶府又西一百九十里高州府是爲嶺西道

又西北一百七十里曰羅定州轄以羅定道乃新

設也其海岸之北八十里曰廉州府又南二百里

廣東名勝志

卷之總敘 二

曰雷州府是爲海北道又南六十里處海上曰瓊

州府是爲海南道以渡海難定里數風利則一日

夜可到云

廣東名勝志卷之一

關中曹學佺能始撰

廣州府 附省 領州一縣十五

通歷周夷王八年楚子熊渠伐揚越自是南海事

楚有楚亭卽今之郡城也裴淵廣州記以楚相高

固時有五羊銜穀竿于楚遁自後秦置郡治廳梁

上常繪畫之○舊圖經云廣州城始築自越人公

孫隅號曰南武按吳越春秋闔閭子孫避越嶺外

築南武城其後楚滅越越王于孫白阜鄉人始典

令師隅修吳故南武城是也奈以任爲南海尉

廣東名勝志 卷之一 一

初居龍口西岸俗名萬人城是時越人竄入聚薄

于是徙近南海郡去今省城二十七里旣乃入治

番山隅因楚進之舊其署在今城東二百步古任

嘗城是也又以舊有五羊銜穀之祥遂增築南武

城號五羊城及趙佗代鯨益廣焉所築城亦在治

東今謂之趙佗城其後佗僭稱南武帝漢元鼎間

武帝旣平南越復爲南海郡改築番禺縣于郡南

六十里爲郡治號佗故城曰越城後漢建安末吳

廣州刺史步騭以越城就圯乃廓番山之北爲番

禺城二十二年始遷州治于此自是不復徙梁隋

唐皆置都督府宋爲清海軍元爲廣州路 國朝設府○梁江總登廣州城江城韻晚笛危榭引清風遠氣疑埋劍鶯禽似避弓海樹一邊出山雲四面通野火初煙細新月半輪空塞外離草易頻驚早如蓬徒懷建業水復想洛陽官不及高飛鴈獨在上林中唐杜甫送李大夫赴廣州斧鉞下青冥樓船過洞遙北風隨爽氣南斗避文星日月籠中鳥乾坤水上萍王孫丈人行垂老見飄零韓愈送鄭權尚書赴南海番禺軍府盛欲說暫停益蓋海旌幢出連天倪陽開衙時龍戶集上日馬人來風

廣東名勝志

卷之一

二

靜爰居去官廉蚌蛤回貨通獅子國樂奏武王臺事事皆殊異無嫌屈大才劉長卿送徐大夫赴廣州上將壇場拜南方羽檄招遠人來百粵元老事三朝霧繞龍山暗雲連象郡遙路分江森森軍重馬蕭蕭盡角知秋氣樓船逐暮潮當令輸貢賦不使外夷驕○文獻通攷南越行紀一卷漢陸賈撰○南裔異物志一卷漢議郎楊孚撰○交廣春秋二卷晉王範編○廣州先賢傳一卷吳交州刺史陸胤修○續先賢傳七卷劉芳撰○交州記南宋劉欣期編○交州先賢傳三卷范曄撰○廣州記

二卷裴淵編○續廣州記一卷顧微撰○嶺南異物志一卷孟瑁撰○嶺表異錄三卷廣州司馬劉惻撰○廣州牧守記十卷趙縉撰○廣州刺史碑十二卷見隋書藝文志○廣州圖經二卷宋敦復王中行撰○今廣州志十二卷少詹事黃佐編

南海縣附

自隋開皇十年析番禺縣置初治府城北芝蘭湖南漢劉氏析置常康咸寧二縣宋開寶二年俱併入 國初始遷府城內舊崇報寺址唐張九齡二弟宰南海見草鴈南飛因寄詩云鴻鴈自北來嗷

廣東名勝志

卷之一

三

嗷度煙景常懷稻梁惠豈憚江山水小大每相從毛羽當自整雙鳬侶晨泛獨鶴叅宵警爲我更南飛因書玉梅嶺張登送上上簿之南海平生推久要留滯共三年明日東南路窮荒霧露天曠懷常寄酒素業不言錢道在貧非病時來醜亦妍過山乘蠟屐涉海附樓船行李無爲恨宗門有大賢

番禺縣附

番禺二山名秦時置縣取此漢以後皆因之劉宋析置熙安懷化二縣隋俱廢人開皇十年始析置南海縣唐長安三年別置番禺縣于江南洲宋開

寶中併入南海。皇祐五年復置其後皆如故。○漢縣治在郡城南五十里。今龍灣古堤之間。廣州刺史並治于此。宋皇祐治在州東紫泥巷。元至正徙治東城內。至今因之。○劉長卿送李秘書却到番禺。因傷昔所依。炎州百口佳。故國幾人歸。路誠梅花在。家有棣芳稀。獨逢開鴈去。猶作舊行飛。皮日休送五羊李明府五羊賦在。紫樓遶墨綬。垂腰正少年。山靜不應聞。屈島草深從使騎。貪泉蟹奴暗。上臨朝檻燕。婢秋隨過海船。一事與君消遠况。乳蕉花發訟庭前。臣謹按香山在城內東南隅

廣東名勝志

卷之一

四

迤邐而北。卽禺山也。志云。番在南。禺在北。聯屬如長城南。漢劉蕡始鑿平之。就番山積石爲朝元洞。復以沈香爲臺。觀於禺山上。○禺山自譙樓雙闕連西竺山至玄覽臺。皆是自臺西爲粵洲。上有草堂。臨白雲池。又西爲越秀山。亦名越王山。通典南海有玉山。卽王山字之誤耳。上有趙王臺。故址漢書南武城之北。有越王闔井。陌連儼。背刺史羅弘所闢。蓋征和間事。據劉惔前表異錄。謂闔頭有古臺。卽趙佗所築。韓昌黎詩。樂奏武王臺是也。又西一里有歌舞闔。郡國志云。趙佗二月三日登高。

于此其陽有越臺。井深百餘尺。傳是佗所鑿。其泉井刻南漢號玉龍井。宋番禺令丁伯桂伐石開九竅以覆之。因名九眼井。其闔名曰越井。闔又謂之天井。廣州記云。趙佗登山飲酒。度孟于井。浮出石門。舟人得之。曹松南海旅次憶歸休上越王臺。歸思臨高不易裁。爲客正當無鴈處。故園誰道有書來。城頭早角吹霜盡。海裏殘潮蕩月迴。心似百花開未得。年年爭向破春催。○達磨井。舊經云。廣城水多鹹鹵。蕭梁時達磨祖師指此地有黃金。民爭挖之。數丈遇石穴。泉水迤邐而無金。人以師誑語。

廣東名勝志

卷之一

五

師曰。是金非可以斤兩計者也。今不知所在。或疑卽越臺井。又圖經有鮑姑井。不指其地。按裴鉞傳奇。謂鮑姑有越井。闔艾崔煒得之以灼贅瘤。立愈。是言闔上之艾不言鮑姑。別有井也。南海志謂在蒲陀寺。今越秀山右白沙祠古井。恐是。○虞翻苑在城西北隅。本南粵王建德故宅。後漢建安中功曹虞翻謫南海。居此爲苑。晉隆安法師于苑內創王園寺。劉宋末初梵僧求那跋陀至此。復依寺石創戒壇。識曰。後有菩薩于此受戒。梁普通二年達磨祖師自天竺來止此寺而去。後名法性寺。唐儀

廣東名勝志卷之一

六

鳳元年盧慧能聽印宗法師講涅槃經因二僧論
風幡一曰風動一曰幡動能進曰不是風動幡動
仁者心動印宗聞之悚然遂執弟子禮薙髮于菩
提樹下宋紹興間改名光孝寺相傳寺內有經藏
其佛頂楞嚴經乃唐相房融筆授胡僧所譯卷首
題云宋紹興鄉林居士向子譚初登王安中及向
語蔣粲李慘劉岑足說頗博文足觀道人其閱又
有古硯刻云大唐神龍改元七月七日天竺僧般
刺蜜帝至寺僧出此硯視之乃灘奇石也唐劉言
史王闕寺即事南越逢初伏東林及一朝曲池煎
廣東名勝志卷之一

廣東名勝志卷之一

七

提落想是南能出定時○藥洲在古甕城西劉龔
鑿長湖五百餘丈以衆方上煉藥于此水中有九
曜石皆罰罪人移自太湖及三江所產者郡志引
梁江淹賦東南嶠外爰有九石之山相番陽之廣
諸族丹山之喬峰疑南朝已前卽有此石而襲特
擬之耳今南海縣西焦山亦有九曜巖是時縣未
置尚屬番禺淹之賦或指此○蕭帽山以形似名
其頂圓而平也在城北雙井街高二十餘丈周六
里其下卽蘭湖南越志番禺北有芝蘭湖併注西
海卽此又五里曰馬鞍山舊傳秦始皇時占氣以
南海有紫雲之異遂發丁夫鑿之山高二十餘丈
其鑿處形凹似馬鞍故名又傳漢伏波將軍馬援
嘗駐兵于此每風雨聯冥常聞人馬之聲跡之乃
得鄧泌墓在茶莽中今名北山者是○白雲山在
城東北十五里其下有九龍泉番陽記云初安期
生隱此之泉忽有九童子見須臾泉涌始知童子
卽龍也又名安期井泉味極甘烹茶有金石氣泉
流下爲大小水廉洞相距可二百步其北爲鶴舒
臺又折而西南五里曰棲霞山一名景泰雲峰山
奉泉之水出焉景泰者六朝時僧也梁大同中居

廣東名勝志 卷之一

八

羅浮小石樓下嘗至山頂見池有蔬葉泰曰此泉
當通入境乃書偈投水流出廣州王氏池中因捨
其地爲寺刺史蕭管每召與語朝至此山暮宿羅
浮云○又里許曰玉虹洞洞之南曰聚龍岡宋嘉
興人康輿之疏五羊時居此輿之有鶴舒臺詩曰
雲深鎖路崎嶇鶴去空景物殊山展翠屏連綺
幕泉分清溜滴明珠道人祇問丹砂井隱客猶尋
九節蒲試問葛翁昇舉後至今遺跡事何如玉虹
洞詩睡起踈簾一半開更無人跡過青苔須臾蒼
狗風前變雷雨驅潮出海來又蒲田一夜風篁響
透屋三更月露寒自掩殘書推枕睡江湖秋夢水
雲寬○蒲澗去玉虹洞五里廣州記云澗水味極
甘冷異于常流又名甘溪澗傍有石名禹餘糧有
五色雀恒自羅浮來止于此澗中產菖蒲一寸九
節南越志云宋咸平中姚成甫于澗側遇一丈夫
曰此菖蒲安期生所餌可以忘老倏然而逝今俗
以七月二十五日安期生上昇相率爲蒲澗之遊
後蔡駢錯廣州記云漢刺史羅弘既後甘溪因蒲
蒲澗有人割九節蒲大雨水漂去其後得諸靈洲
水上始知其相通云澗傍有滴水巖巖上懸鐘人

廣東名勝志 卷之一

九

跡不至時鏗鏗有聲其下簾泉出焉滙爲流盃池
沿澗曲折爲行文溪注于越秀山麓其左爲菊湖
右爲越溪又東北與東溪合注于江簾泉之上
晉廣州太守羅尚慶石遊觀故址梁江總別南海
寶化侯詩石門通越井蒲澗通靈洲此地何遼遠
群英極遠遊高才良彥伯令譽許文休于馬廐君
子復此映芳猷斷山時結霧平海苦無流驚鷺一
群起長猿數聲愁是日送歸客爲情自可求宋蘇
軾詩不用山僧導我前自尋雲外出山泉下草石
木臨無地百尺飛清瀉滿天舊日菖蒲方上宅後
葉落荷祖師神如今只有花含笑笑道秦皇要學
仙○謎謎水卽蒲澗水也吳刺史陸胤以海水鹹
鹵因導蒲澗以給民用唐節度使盧鈞加鑿之始
可通舟南漢疏以爲甘泉苑明孫賁詩白雲山下
春光早少年拾遊風景好載酒趙佗遊暑宮踏青
劉銀呼應道木棉花落鷓鴣啼朝漢室前日未西
歌罷美人簪茉莉飲闌稚子唱鞦韆繁華往似東
流水昔時少年今老矣荔枝楊梅幾度紅柴門寂
寂秋風裏○亂石山與白雲山相連亦名白雲後
嗣一名紫雲洞虎欄在其陰月溪出其陽唐杜審

言詩漲海卽稽天群山高業地相傳稱亂石圖典
失其事懸危悉可驚大小卻不類乍將雲島極還
與星河次上簪忽如飛下臨仍欲墜朝暎掩丹紫
夜魄炯青翠穿崇霧山蓄幽隱靈仙閣萬亭卧鶴
巢千丈垂猿臂昔去風景殊今來姑洗玉觀此遂
有得詠詩長相異○堯山在海中蹇然而高亦東
北去城十五里別州記云堯山結構疊起冠以青
林高凡四千丈自番禺迤交趾俱見之又五里爲
真武山其南有七星岡唐開元中封士林雅存建
有草堂又二十里曰金鸞嶺其山險絕中藏數峯
下枕菱塘以接洋海唐陳陶送沈次魯詩高臺瞻
君別蒲陸軒轅風落日一揮手金鸞煙雨空鰲州
石梁外劍浦羅浮東茲典不可接脩脩煙際鴻○
又二十里爲博大山其下有銅鼎溪南越志云天
清水澄見其鼎鉉刺史劉道錫繫其車牽之耳脫
而鼎入漢竟不能得○萬松山在城南二里其上
多松有乾明菴宋蘇軾題扁又十五里曰石壁山
石齒隙立屹然江滑梯之可上又十里爲三老峰
有飛仙足趾鑿之復完其下玉泉之水出焉稍東
爲青蘿嶂其上多松蘿沙灣之水出焉○郡國志

云廣州城南四十里有白鹿岡高五百丈時見白
鹿出沒岡頂又四十里爲抱旂山郡之朝山也有
古烽堠山下江水環之入跡罕及已上多屬○坡
山在城內西南隅高約三四丈故老相傳言時渡
頭也其陽爲穗石洞裴淵記戰國高固相楚時有
五仙人來五竿各持穀穗一莖六出衣與羊色各
如五方遺穗與州人勝空而去至化爲石至今猶
存山北有口泉井東有月泉井日月照各井底可
相望唐李群玉穗石洞詩五仙騎五竿何代降茲
鄉礪有堯時韭山餘禹日糧樓臺籠海色草木發
天香浩嘯煙波裏浮山典更長宋占成之前題撥
破紅塵入紫煙五竿壇上訪神仙人間自覺無閒
地城裏誰知有洞天竹葉影繁籠藥圃桃花香暖
映芝田吟餘池畔聊欹枕風雨滿簾吹白蓮○浮
丘山在城西四里古浮丘丈人得道之地卽羅浮
朱明洞天之門戶也先在水中若浮四面窩痕宛
然宋初有陳崇藝者年百十二歲自言見時見山
根牋船數千今去海已四五里所見惟一磐石番
禺雜記云浮丘之東有段龍井後爲人所觸一朝
自塞下有珊瑚片相傳海神嘗獻珊瑚于此○又

三里爲荔枝灣舊圖經云廣四十里袤五十里而漢劉鋹建昌華苑于上今人民居陂池相屬黃瑜詩云江水東流西口斜劉郎紫跡尚天涯昌華苑外棉腰草玉液池邊鼓吹蛙隔曉牛羊間牧笛遙林煙火見漁家當年翠輦曾遊地留與東風長稻花○又十里爲花田平時彌望皆種素馨花南征錄云劉王宮人死葬于是至今花香特甚他處其地有雙女山俗名鳳山宋潘美南征師坎勇還塞于雙女山下銀詰降○又三十里爲前連山中有石洞接連靈洲官郭璞以南海有衣冠之氣指此

廣東名勝志

卷之一

三

○靈峰山一名靈洲山在城西六十五里鬱水出山下唐志謂南海名山靈洲名川鬱水以此其上自寶陀院妙高臺宋蘇軾謫惠州泊舟于此夢前身爲德雲和尚賦詩云靈峯山上寶陀寺白髮東坡又到來前世德雲今我是依稀猶記妙高臺○石門山在城西北二十里兩山對峙如門據南北往來之衝漢樓船將軍楊僕討南越駐兵于此其後武帝以書敕責僕曰將軍之功獨有先破石門寺隘者也宋末黃俊拒元兵迎敵于此上有西華寺今廢其西食泉出焉一名石門水俗傳登大庾

嶺則清磯之氣分飲石門水則潔白之質變質吳隱之爲廣州刺史酌食泉詩云昔人云此水一飲懷千金試使夷齊飲終當不易心相傳隱之在州惟食菜及乾魚帷帳器物皆付外庫及代歸妻資沈香一斤隱之既知取而投諸江後人因名沈香浦唐張說石門別楊欽望燕人同適越萬里自相哀影響無期會江山此地來暮年傷泛梗累日慰寒灰潮水東南路浮生西北迴俱看石門遠倚棹兩悠哉杜審言詩石門下佛斷迸水落遙空道東懸巖半橋欹絕澗中仰攀人屢息百下騎繞通泥

廣東名勝志

卷之一

三

擁弁蛇遷雲龜伏獸叢尾巉牛斗北地脉象牙東開塞長行變高深觸望同江聲連驟雨日氣抱殘虹未改朱明律先含白露風堅貞深不憚險澁諒難窮有異登臨賞徒爲造化功○三山在城南二十七里三峯競秀上多奇石又二十里爲驛峰山是多松林○龜峰山在城西二里以形似名又十五里爲潯岡多楓柟其下潯水出焉又三十里爲黃鵠山山東南有巖二人雖深暗後有石室通明木多桐杉獸多麋鹿又里許爲龍髻山幽深盤旋厥勢如之木多八角多鸞鷟○扶南水在城西

南十六里一名扶溪民居聚錯多菱芡之屬明黃
哲春日遊扶溪詩溪頭望春色深笑人不見勞
寸心綠波渺渺向南浦曉盡樓臺芳樹陰天涯滿
目丹青障春日春花兩搖蕩翠蘭若不可思議
傍桂樹長相望相望相思雲路遙金塘流水亂春
潮採菱風急桂舟晚疑是當年楊子橋橋邊楊柳
青青好惆悵春色被花憐浦口迴船欲訪君東風
一夜靡無老○又四里爲大通港舊有大通寺達
岸禪師化身在焉其東有平陸松林竹浦相坎水
流人海宋末蕭清臣赴行在舟次大通港詩船繫
村樹潮吞處處田雲橫蒲潤雨江接石門天野
寺依喬木漁歌隔暮煙三吳在何處矯首意悠然
○又十里爲拾翠洲古有律亭卽今華節亭是唐
龜蒙詩有云候吏多來拾翠亭卽此○又五里爲
秀羅山巖阜奇秀占有羅漢寺其尤多松蘿草多
蔓荆○又十五里曰獅雲山在金紫堡有木馬徑
如通草而大其材中屐屨名曰抱○又七十里曰
西樵山高數百仞勢若游龍盤踞四十餘里峰巒
大者七十有二互相聯屬內嶺若羅城有大科峰
極高峻其南曰雷壇峰曰寶峰又折而東南曰大

觀峯旁有巨石如笠名太尉笠中有小石如卵浮
不着地其下有九曜巖又其南曰紫姑峰峰之下
曰小雲谷又數百武曰烏利巖可坐百餘人大科
峰之西有巖閣一丈四五高丈餘入可數十寺巖
後復有小巖其石五色若錦旁有錦巖菴其下水
簾千尺折流而北曰龍泉曰寶鳴池其下曰鵝錢
坑曰雙魚陂又折而東北曰碧雲峰其上有巨石
以一指觸之輒動又數百步卽小科峰也其陰有
伏虎石根翠巖石壁中懸泉一線晝夜如注亦名
水簾水簾之下有金銀池諸山之泉出焉注于百
會以達碧江轉而北曰官山其上有窮門閣又西
北曰鎮頭岡曰紫竹峰延綿至于蘭谷尤爲峭拔
峰之外爲壁山其下有通潮井又數折而出曰黃
旗岡岡有黃龍洞翠微石室宛然尚存唐末詩人
曹松寓此嘗以傾渚茶教之種焙人遂以茶爲業
自西樵之北其石多珉又有三臺曰聚仙曰見日
曰超然東西各廣五十步占昔名賢多詠觴于此
今漸斥爲茶苑曹松詩云百花成實未成歸未必
歸心與志違但把壺觴資逸詠盡教風景人清機
半山陰霧藏高木一道晴蜺映落暉遊子馬前芳

草合鷓鴣啼散又南飛○城西南一百四十里曰海日出在海中兩峰並列其形如日故名有芳秀亭龜石臺諸勝又極西一百七十里曰三洲山聳拔千仞峰巒數十西跨高明南連新會邑之鎮山也已上多屬南海界○南海在府城南百里自石斗村出口卽浩森無際東通閩浙南接島夷潮源于東南大洋地名佛堂門入惠州界虎頭甲子二門以達東莞之斜西海共南則入于崖山其支分旁流則會于府城南○東江在城東南二十五里自博羅西流至府城入于海○北江在城南三十里木嶺

廣東名勝志

卷之一

十六

武二水滙源水源自庾嶺武水源自臨武迤迤而下與西江合流入于海○西江在城西北五十里源自祥柯合灘江過肇慶亦曰桂水與潯水滙入于海○按此所謂三江也粵之水源于三江合流于城南江中有海珠石是日珠江一名沈珠浦相傳昔有賈胡挾珠經此忽躍入江今有石如珠屹峙江心南漢創慈渡寺于其上又東過滌滌迷迷于蜺江滙于南海廟前海隅出日水中見之是謂波羅江又合諸水入南海李伯震海珠寺詩海上神扉記昔遊黃金鑒背踏清秋天花影覆盤陀石舍

利光生杜若洲足跡潮聲來合浦望中雲氣接羅浮老僧不習人間事閒對滄浪數白鷗○南海廟創自隋時唐天寶間始封廣利王元和十一年韓愈撰廣利王廟碑文廣州刺史孔戣立國朝洪武三年額封南海之神因屢著靈異復賜金盃黃旛以答神貺其廟所仰韓碑謂扶胥之口黃木之灣者也去城東南八十里今扶胥鎮是宋楊萬里詩南海名爲四瀆魁扶胥絕境信奇哉日從若木梢前轉潮到古城國裏四最愛五更紅浪湧忽驚千里紫霞開天宮骨領詩人眼銀漢星槎借一來

廣東名勝志

卷之一

七

○城塚記云廣州城謂之鴈翅城蓋郡南城後漢建安二十二年孫吳交州刺史步騭遷州時築規制尚隘至後唐天祐間清海節度劉隱鑒平禺山以益之始稱壯麗宋南渡時經畧使陳峴以城南園闢稠密無所捍蔽乃增築兩翅以衛民居東長九十丈西五十丈謂之鴈翅城○西城宋熙寧間經畧使程師孟築周十有三里凡二百步爲門者九自航海以至平海接東鴈翅城○東城知廣州張田所築吳興州置記○北城上有鎮海樓凡五層高八丈國初永嘉侯朱亮祖建樓轟雲漢俯

廣東名勝志

卷之一

六

周四垂山川形勝了然在口張謝詩云高樓出睥睨鎮嶽得雄名棟宇浮雲矗欄干北斗平孤撐天地裏歷闕古今情秀色羅浮近仙人拂手迎○盧循城在府城南十里遺址隱然往往有斷磚敗瓦南越志云河南之洲狀如方壺乃循舊居晉義熙七年沈田子破循時焚其巢穴卽此地也月山叢譚云盧循兵敗人廣其黨泛舟以逃居海島無所得衣食生子孫亦皆亦身謂之盧亭亦謂盧餘下海捕魚能伏水中三四月不死男女皆椎結于頂婦女許人及嫁始結胸帶宋方信孺詩蛙據方州

廣東名勝志

卷之一

九

有津通章處士隱居郊園唐許仲晦過之詩云秋來鳬鴈下荒塘繫馬朝臺步夕陽村徑遠山松葉消柴門臨水稻花香雲連海氣琴書潤風帶潮聲枕簟涼西去磻溪猶萬里何能垂白待文王處士佚其名與楊環及黃隱居告日以琴樽自娛時人稱曰南濱三隱環舉進士除弘文館校書郎黃之名亦不著許渾有送黃隱居歸南海詩卽其人也○趙佗墓自鷄籠山以北至天井連岡接嶺莫知真贗舊經佗葬時輜車四出不使人知其墓吳孫權遣交州從事吳璜鑿山破石竟不可得○董傳

實人經則有羅威唐頌者也○唐孝子王博武墓在沙埭口南岸孝子許州人會昌末侍母至廣州父沙埭口暴風母溺死博武呼號救之不獲自投于水嶺南節度使盧真俾吏沈晉獲一屍乃葬于其處題曰孝子墓事聞于朝詔爲立石○輿地碑目云埭惠寺碑在府城西北半里卽舊莊嚴寺也梁大同三年卽寺有舍利塔唐王勃撰碑文○唐廣州都督廣平公宋璟遺愛碑張說撰文公益以民居瓦屋易茅宇者故方信瑞詩有撤茅易瓦利無窮之句○嶺南節度使韋元貫碑蘇靈芝撰○

廣東名勝志

卷之一

柳河東集有廣州饗軍堂碑貞元十年十月甲子立堂在府治西○城北一里有廣恩館唐節度使孔戣建以居南滿子孫不能自存者歲撥田租千五百石以贍之後爲開善寺今亦廢○宋嘉定淳熙等年經畧使廖德明建安樂廬管運使張鑑建廣安宅俱以居南滿之人或其子孫無所歸者亦俱有碑記○官園巷內瑞澤堂有古檜雷轟爲三父老傳云東坡南來寓此信宿時有正露降其上經畧蔣之奇有詩刻于思仙亭上字多剝缺○府城西之玄妙觀卽唐開元觀也宋大中祥符間改

天慶觀廣州太守程邁有修天慶觀記觀內有衆妙堂祀東坡蘇公像宋李燾元元貞二年重修始改今額舊志有衆妙堂大小二本蘇內翰撰

順德縣在府南八里

南海縣之南境有東涌馬寧西淋三都其地瀕海民多儉化 國朝正統十四年仲鶴堡賊黃蕭登作亂討平之至景泰三年析而建縣稍割新會北微益之署以今名治大良堡○縣西三里鳳山以形似名其麓有寶林寺創于唐之五季宋開禧間重修其南有玄真觀昔道人游隱堂者修煉于此

廣東名勝志

卷之一

五

中有紫霄圖煉丹井洗硯池諸勝○五峰在縣東北曰華蓋曰安東曰登俊曰迎暉自登俊而下累巖如列星通志云五峰之山碧鑑之水滙焉其草多沙茶卽此又西有石岡山東有神步山北有梯雲山南有鐘鼓山各去縣三四里○鴈塔山在縣南十里有石塔焉又一里爲翠竹山其上多竹箭○縣東北二十里有龍巖山下多怪石又十里有都寧山山有峒五代時黃龜居之因名黃峒其陰有半化石其陽有桃峒○縣西北四十里有龍穴山龍江在其陽獨岡在其東又四十里有回蘇井

其泉冬溫夏涼飲可已病○縣南十五里有師子峰又二十里有狗耳嶺俱以形似而名縣西南二十里有龍峰山又十里有龍頭山龍潭水出焉○碧鑑海源出粵江流至縣前曲折環合其色澄碧可鑑人形○縣北三十里曰三漕海又十里曰灰流海縣西二十里曰錦里海又八十里曰洪濛海皆小川也縣西北四十五里曰疊石海東接新會西南七十里曰石頭海西通香山皆自北而南注于大海○葉春及順德志云舉人黃朝賓考古述一事一伏波橋在城南二里橋西南五里有鄉名

廣東名勝志

卷之十

三

石涌越相呂嘉故鄉也嘉聞漢兵分道南下遂于其地築石甃金斗二城尋爲樓船將軍所攻敗越人縱火燒城城中皆降于伏波乃夜與其屬數百人亡入海伏波又聞降者貴人以知呂嘉所之遣人追之至此編橋度兵獲嘉後橋遂以伏波名越人呼甃爲涌故地名石涌云今尚多呂姓○一都寧寨距縣北四十里宋祥興帝赴海時蘇由義奪港出得趙氏後更名曰集衆千餘人圖恢復都于山義所居之西出逾月旦卒由義葬于山北土人呼其地曰都寧言趙王所都寧安寧也由義別湖

人原名義○一鄧公遺在鶴冲堡宋末臨陵鄧光薦避地人廣卜居處光薦詳香山縣下○昔有道人自云葛姓遊憩葛岸五岳神廟旬時鄉人病疫詩曰羅浮山下策枯藜琪樹瓊林鼎品題兩腋天風何處去錦巖西更碧雲西錦巖岩雲皆西樵山峰也○一帥堂在城西北平步里有神像二相傳最靈宋末區適袖蕉葉以試之神題曰袖裏陰籠一葉皆知召無意間前程可憐昨夜三更雨失却窓前數點聲其意以宋祚將亡云○龍江有老女

廣東名勝志

卷之一

三

橋宋貞女吳妙靜建其夫李氏子親迎渡龍江溺死妙靜傷之矢不適人以其資卽所溺處橋之用石爲趾凡五空空駕潮石丘皆長二丈二尺方二尺經始于寧宗嘉定四年至人年七亥乃成理宗嘉熙二年戊戌刻石于國明寺後人于橋東西各立男女廟以象雙星○國初孫典籍書室卽黃字仲衍也在平步里仲衍事蹟詳東莞伯何真下○謫仙樓在縣西南八里之古樓堡爲石城吏目鄒智建智字汝愚合州人爲庶吉士弘治戊申以星變言事忤旨謫石城時順德令吳廷舉與智同年

友尚風節因建樓以居之併贈汝愚詩曰羽扇綸
巾此謫仙矣荒行役值炎天家人莫畏青茆雨不
盡清風在馬前汝愚竟卒于順德後日陳獻章輩
俱有詩吊之惟李永箕一絕可采其詩云欲采嶺
花南澗溪江南江北兩愁人而今亭上開相憶猶
說清明是好春○李永箕者嘉魚縣人舉于鄉不
仕間陳白沙倡學江門因學于姪從游而吳令廷
舉亦以聲氣相求請其脩順德志即葉春及所引
弘治志也永箕字世卿家適自放飲酒能多而不
亂詩文逸宕頗其爲人葉春及字化甫號石洞山

廣東名勝志

卷之一

三

人其志詳核有法類史家

東莞縣

在府城東南
二百五十里

晉咸和元年分南海立東官郡縣治寶安今縣南
二百里東莞場乃東官故城也隋開皇十年廢郡
以縣屬廣州唐至德二年改名東莞移治側浦今
爲東莞守禦千戶所宋開寶五年省入增城六年
復置縣至今沿之○洪武正韻東莞地名其地生
草似蘭可編草也讀爲官○志云縣城西南有資
福寺南漢邵廷珣創寺內有羅塔閣舍利塔俱蘇
軾撰記見文忠集以塔爲聚象骨所成一名鎮象

廣東名勝志

卷之一

三

塔○縣治王峰下黃嶺之分支也有癸水逶迤東
南西支爲道家山泉水出焉與祭水合○道家山
在城西而隅昔以鳳凰築此因名鳳凰岡後入建
臺其上一名覽秀臺宋蔣之奇詩山上有尺臺曾
聞來鳳凰鳳凰去已久遺跡空凄涼竹實飽霜露
梧桐始朝陽于今際熙皞鳳兮當來翔○銅嶺在
縣東十里榴花村宋祥將亡邑人熊飛結集義勇
與元將姚文虎力戰斬之遂與新會介魯逢龍復
廣州 國朝陳璉有戰部陽辭爲熊義士作○又
二十里爲神山其陽有鼓鎮峽龍潭是潛潭上有
許公巖相傳昔許公修行于此○又三十里爲石
涌山水中有石涌出故名居民多種香木于上○
黃嶺山在縣南三十五里俗名旂嶺縣治朝山也
唐書十道志云峰巒秀拔狀如卓筆逶迤而西作
展旂狀其下簾泉之水出焉○深溪在縣東南三
十五里瀑水出焉又十里始滙爲龍潭又東南卽
廬山也裴淵廣州記云山上有湖每甲戌日輒聞
鼓角聲其側有楊梅仙桃任人采食若懷歸者則
迷歸路○又三十五里爲石鼓山山上有石如鼓
紋如龍鱗南越志云兵興則鼓自鳴昔盧循入寇

隱隱有聲山側爲城于岡平曠如城設千戶所于此○飛鵝山在縣西南十里俗靖康場流水環繞狀若飛鵝故名又十里曰大嶺山奇特登峭下視羣山如垤蟻然瀑布水出其陽紫霞泉出其陰蓋相傳宋時有道人崔羽者號紫霞君遊羅浮至此鑿井而得泉云○三門海在縣西南六十里海中有虎頭門諸山因名三門其門卽大步海海中有明珠池珠蚌是出○又海而武山在大海中每潮汐消長高低可辨余靖紀行云嘗于武山廣州望船之處月加午而潮平者日月合朔則午而潮平

廣東名勝志

卷之一

三六

上弦則日入而潮平望則夜半而平上弦以前爲晝潮上弦以後爲夜潮月加子而潮平者日月合朔則夜半而潮平望則午而平上弦以前爲夜潮上弦以後爲晝潮此南海之潮候也蔣之奇詩額海多名山茲山最雄特盤迴幾千里屹立勢無敵我峩峩峯巒高去天僅盈尺樹舍不老姿石有太古色絕壁走飛颺枯槎聚饑鵲滄浪漲天浮縱眼望無極緬懷余襄公會此候潮以○志云李巖靈江人宋元祐二年爲東莞令築西湖東江二隄以障湖水得田二萬千有餘項民至今賴之其後浮鴈

嘉定等年令長王中行張勳許巨川則皆以典學廬祀爲務勳固張南軒之從孫而巨川從侄清獻劉克莊遊者○宋徐積字仲車東莞人文獻通考有徐仲車集一卷以道極所贊服○何真字邦佐縣之員岡人元至正水大亂真驅逐羣盜保有南海國初洪武收元征南將軍廖永忠至真求郡人孫黃作書請歸附永忠不戮一人境內帖然上錄其功封爲東莞伯卒之日親爲文祭之○黃字仲衍順德縣人平生爲文不經意援筆立就宋濂亟稱賞之預修洪武正韻後以黨禍貶戍遼東見殺之日不自疏辯歌一詩長嘯以就刑其徒黎貞者亦在遣奉貴極婦葬典衣資費纔得抵舍適已暮明月滿空呼舟中餘酒登已所築釣魚臺吟嘯久之乃叩門還家貞子彥晦新會人

廣東名勝志

卷之一

三

新安縣

在府東南二百里

萬曆初析東莞壤地置縣在城子岡卽晉咸和六年所置東官郡治寶安者也新安之名沿此吳甘路二年司監都尉理東官場是其故址○志云縣北有留仙洞其東北曰文岡越三十里曰陽臺山又四十里曰寶山上有潭曰寶潭潭下有石窖

二飛瀑注之奔響如雷○縣東四十里曰梧梧山
山勢峭拔多產梧桐異草又二十里曰廬山方輿
志云其山產仙桃至者任採而食夢出則迷路亦
名百花林○大奚山在縣南大海中環三十六巖
嗣周廻三百餘里居民以魚鹽爲生宋史慶元三
年提舉監茶徐安國以捕私鹽致亂知廣州錢之
望遣兵殲之遂墟其地○佛堂門海距大奚山南
三百里潮汐相通○牂牁水經官富山西南入海
分爲二門佛堂門海在其左急水門海在其右凡
潮自東南入洋西流經官富止而人急水門番船

廣東名勝志

卷之一

三

至此無漂泊之恐故曰佛堂自急水角逕官富場
又西南二百里曰合連游水通東南大洋連深游
桑洲零丁諸山而滙合于此故曰合連又西南五
十里大海中有虎頭門山宋通鑑書景炎二年十
二月張世傑奉帝退保秀山即大小虎頭門山也
又西南八十里大海中有梅蔚山景炎二年正月
帝舟次于梅蔚即此今其上有石殿故址○杯渡
山在縣南三百里舊名屯門山上有滴水巖及虎
跑井神僧傳云杯渡禪師不知姓名嘗乘木杯渡
水因以爲號又入京宿齋諸家宋元嘉三年九月

死葬于覆舟山至五年三月復詣諸所衆皆驚異
便復辭去云當向交廣之間待志以禪師渡杯山
下後人因改屯門名杯渡○紀事云東莞南頭城
古之屯門鎮乃中路也韓愈南遷詩有云乘潮破
扶胥近岸指一髮屯門雖云高亦應波浪沒○珊
瑚洲在渡杯山南二十里嘗有漁者于此下網得
珊瑚樹故名○縣西北八十里大嶺海中有明珠
池又八十里有合蘭洲與龍穴洲相比穴凡兩有
龍山設其間春晴蜃氣結爲樓臺城環人物車馬
往來之狀陳璉詩云瀾漫合蘭海南與滄浪通歷

廣東名勝志

卷之一

三

氣起蛟室珠光出龍官樓臺紛隱見墟市現空濛
謾將化城比還與幻境同天風忽吹蕩人物歸虛
空

三水縣在府城北一
百二十里

三水者滙水翁水陶水也 國朝嘉靖五年析南
海縣之北境高要縣之東境建縣治白塔而三水
俱在其南故名○按志白塔岡在治東南臨水水
中有石浮沈各一又里許曰崑崙山即古三水鎮
也○魁岡在治東一里形如圓珠麗崗之水自東
流六里至此而達大江○又五里爲石頂峰縣治

之水口也唐張九齡夏日奉使南海過江口詩緬
然萬里路赫驥三伏時飛走過深林流燥恐生疵
行李豈無苦而行方自怡肅事誠在公拜慶遂乃
私展力慙淺敘街恩感深慈且欲湯火蹈兇無鬼
神欺朝發高山阿久濟長江瀾秋瘴寧我瘴夏水
胡不夷信知道存者但問心所之呂梁有出人乃
覺非虛詞○大潭山在縣北三十里石壁數仞飛
瀑如練下注二潭左曰龍湫右曰天生塘方廣二
畝深七八尺又十里蘆包之水出焉其水秋涸至
夏始溢北連胥江南接官窰合流至廣城○胥江

廣東名勝志

卷之一

三

有玉鏡臺驛亭在其前地屬南海縣界明汪廣洋
詩海上安期去不回石門花落又花開幾時相約
騎黃鵠爛醉春風玉鏡臺登胥江驛亭小閣開簾
望遠岑暖風晴日轉幽禽胥江流水清無底較比
春愁一樣深○縣南四十里曰堯山亦界南海高
凡四十丈自番禺迤交趾見之水經注云山盤紆
數百里產白石英○陶水出堯山西北注于滙水
滙水又逕滙浦東南左合翁水翁水出東北郡山
湖又東南左合淘水淘水源出鎮南平田群山謠
帶白坭青塘之東長岐龍池之西凡二十餘里歸

于三江○金洲岡水中突起方圍約二百餘丈高
約五十餘丈一名金鐘又十里過雙寶人南游俗
呼新生水三水之餘派也

增城縣

在府城東一
百九十里

神仙傳有郭延自秦時隱居增城山數百歲如壯
者東漢永姚俊錢塘人為交趾太守知世將亂棄
官入增城山中師事郭延是知增城乃山名也建
安六年析番禺地置此縣即以增城名其舊治在
金牛都後遷于九岡村主今沿之○劉宋元嘉十
二年劉劭字伯猷彭城上里人為增城令吏幹精

廣東名勝志

卷之一

三

通氏夷嘗服蕭簡據廣州為亂勦起兵討之有功
○春岡在城南衢唐時建法空寺後以五色鳥集
此因名鳳臺山宋柱國崔與之故宅在焉其陽有
菊坡即清獻公所築下有雲母井唐何泰居此有
女年十四五一夕夢神人教以食雲母法遂汲此
水仙之步行如飛後乃辟穀則天後遣使者召赴
闕中路失之不知所在景龍間白日上昇○浮碗
岡在城東五里其石赤與羅浮相望舊經云浮山
自海上浮來與羅山合此嶺望之若碗于此故名
又五里為百家山其上多竹可容百家居人○貌

山在縣東南二十里產娑婆羅竹圍三四尺性堅
細中材爲弓○別情洲在縣南二十里又十五里
曰牛潭竺法真登羅山疏云增城縣南有別情洲
洲有牛潭漁人見金牛嘗出水盤石上義熙中縣
民張安釣此石上躍得金鑲大如指長數十寸牽
之不已俄有在水中引者力不能禁以刀砍斷惟
得數尺遂致大富後義興周靈甫亦見此牛竊伏
石上旁有金鑲掩之得二丈許亦以財雄○瑞山
在縣東北五十里宋皇祐間邑人資公道者初視
髮于明山寺徧身瘡疥土僧厭之每赴齋輒留
于寺及至齋所資已在座寺去其母家開一江往
來視養項刻而至後因生脫千山頂時現祥光故
名○白水山在縣西四十里屹若巨屏上有瀑泉
百餘丈懸注如練白水之源也西有佛跡巖其東
楊泉出焉宋蘇軾詩何人守遼菜夜半失左股浮
山如鵬蹲忽展垂天羽根株互聯絡崖嶠爭吞吐
神工自爐鞴融液出綴補至今餘隙罅流出千斛
乳雙溪滙九折萬里騰一鼓奔雷濺玉雪潭洞開
水府潛鱗有儼蛟掉尾取竭虎我來方醉後濯足
聊戲侮流泉變春風與我相賓主後唐庚子西來

游有記○古華山在城西六十里形若垂蓮其麓
爲崔興之墓公字正子宋紹熙四年進士官至觀
文殿學士爲名臣淳祐廣帥方大琮有其像與張
曲江並祠稱二獻○縣西南七十里曰蛾眉山以
其秀而長也下爲烏石岡狀如覆鐘其色如墨堪
以眺遠○羅浮山在城東百三十里與博羅縣接
壤因詳彼處其東麓連白水山○增江源出縣東
北二十里陳峒山山形若盤旂其巖多石羊島多
鷄鷄有水出焉即增水也逕城山東合防水分流
東入牛潭南流迤波羅水入南海唐韓愈宿增江
口示侄湘雲昏水奔流天水滂相圍三江城無口
其誰識涯近昏宿投民村高處水平外雞犬俱上
屋不復走與飛篙舟入其家喚問屋中悲問知歲
常然哀此爲生微海風吹寒晴波揚衆星輝仰視
北斗高不知路所歸

龍門縣在府城東二
百一十里

國朝弘治九年徙龍門巡前司于黃沙岡而置縣
折增城十四里及博羅二里隸之○七星岡在縣
治南岡壘相聯形如列星有水環之曰九林水卽
龍門水也○仙石巖在縣東十五里石高二十丈

其下空洞容光中有石磴可坐百人又二十五里有應石枕河之涯外實中虛舟楫往來叫嘯相應○虎獅山在縣西五十里上有飛泉下注蛟穴流至縣東五里爲白沙水○夢溪嶂在縣南三十里水中有虎跳石又五十里爲指天嶺其高千仞邑之望山也○縣北六十里有東澗山層巖疊嶂漱石飛泉遊世者多居之○又二十里爲岑署山多異花卉道家列爲洞天上有飛泉詰屈可以流觴云

香山縣 在府城南
自五十里

廣東名勝志

卷之一

三

阮沐縣志記云香山環海孤與昔爲東莞縣之一鎮宋元豐五年運判徐九思請建爲縣但設寨官一人舊圖經云卽宋金斗監場也地名濠潭紹興二十三年東莞令姚孝資奏以南海番禺新會三縣瀕海地益之初治七星峯下元末遷于蓮峯是爲今所○仙山在縣治北其坎岡阜環列曰七星峰我洪武初築城夷其三又一里爲插笏山瀕于海舊名癩窟有西神庵黃喻詩云西林簇龍象昔爲癩所穴逍遙人蒼翠永與炎埃絕神談落松風灑作襟上雪坐久明河沈踈簷掛海月○大北山

在城東一里蓮峰登其前金鼓山峙其陰與蓮峰對峙者爲石岐山又迤西三里有山在水中曰長洲山黃瑜詩云微雨淨山綠齊心投鳥羣拂石懸幽洞松花如密雲龍湫接獅潛石瀨時遠聞青煙濕苔還牛羊下斜照○石門山在縣城西十里其中有峒是多松櫻○湖洲山在縣南二十里山下有湖久之成洲故名○又十里爲長江山以衆水所導源也又十里爲壽星塘塘闊數畝山出其陰相傳宋有蓬萊仙寓此○北臺山在城南四十里又二十里曰南臺山兩山相對如臺狀上多荔枝

廣東名勝志

卷之一

三五

梅花之水由焉又南六十里曰香鑪山下有瀑布恍若廬峰之勝黃經壽星塘詩靈潭乘曉日喬木大寒煙野鹿銜花戲靈龜傍石眠數聲南去鶴一騎北來仙縹緲飛霞外吾將問水年○三洲山在縣東南五十里三山並立海中亦各大圍山又東南二十里有烏巖山宋末廬陵鄧光薦避元居之題詩崖石云歲云暮矣可奈何雲愁雨濕陰風多林怪摧殘海驚波慘淡·色無山河哀鴻嗷嗷舊枝柯飛天不容憂虞羅深山短景孤鳥過會看明午風日和○浮虛山在縣北七十里海中隨波上

下故名○黃楊山在縣西南七十里初鄧光薦揚
家居此遇王施妻子十二日皆焚死光薦脫走之
烏巖與文天祥同舟偕和信國因序其東海集云
○山之陽爲赤坎闢張世傑葬處世傑當景炎帝
組復立祥興帝于海上戰不利世傑舟覆而焚焚
屍島上勝大如斗良久不化諸軍號慟其上又東
一百七十里爲零汀洋文天祥詩辛苦遭逢此一
經于戈落落四周星山河破碎水飄絮世事浮沈
風打萍惶恐灘頭說惶恐零丁洋裏嘆零丁人生
自古誰無死留此丹心照汗青○壘石海在零丁
廣東名勝志 卷之一 三六

新會縣 在府西南二
百三十里

晉元熙元年分南海立新會縣其地本南海之平
夷縣兼統蒼梧之臨允縣也唐開皇十年郡廢置
允州又改岡州以地有金岡故名大業初州廢其
置縣亦自開皇間始縣西南那船徑有隋羅州刺
史墓題曰新會人則知立縣自隋已然○縣有石
螺岡相傳宋蘇軾嘗遊此因構亭以表之今遺址
存○碧玉樓在江門卽白沙陳獻章故宅也又有
嘉會樓闌人林應聰題詩有令伯可能忘菽水漢
家終不削羊裘之句蓋獻章一被徵後仍不仕云
廣東名勝志 卷之一 三七

○桂山在縣北二里俗呼圭峰唐僧一行嘗至此
有黃雲覆之因名黃雲山其上多松竹瀑布之水
出焉又八里爲綠屏山周廻八十餘里環遶縣治
若屏風一名綠護屏陳獻章雲潭記畧曰白沙之
西則有圭峰東北聯數峰最勝者爲綠護屏屏之
南有潭淵然曰聖池下蟠蛟龍噓氣成雲變化萬
狀○大雲山在縣西三里形如蟠龍浮江繞旋又
五里曰龍山上有穴九以石投之殷殷如雷在東
者官不可窺在西者玲瓏下屬表裏洞開俗呼龍
窟其下紫水出焉南入熊海路山海田之間有分

水岡爲渡船步宋皇祐時水色偶變紫者旬日又三十里爲石船山上有大石如船又七十里曰梁金山飛瀑出焉傳道人梁金修煉于此又四十里卽金岡山也唐書地理志岡州地產金上有石巖瀑布其袤八十里民田環之西北有石曰金山巖深廣各二丈餘巖頂飛瀑色白如練有盤石可坐數十人○仙湧出在縣西北六十里地本無山一夕風雷震吼湧出數峯又五里曰崑山崑山二山相聯俗呼崑崙崑山崑山之巔有井曰天井崑山之巔有白龍池陳獻章詩涵虛數尺鏡光懸舊日

廣東名勝志

卷之一

五

頭陀洗鉢泉爲有山人來洗耳白龍休占水中眠○又二十里爲曹穆山其南有石門崦崦高廣橫列如城府林木蒼蔚探者如織百材取辦介在東莞高要新興之間○茂山在縣西南三十里前有石如碑巨浸不沒是謂天堂又六十里爲獅子山○縣南八十里有雙壁山高百餘丈其上多松檟又十里曰九曲山延袤至于崖海○崖門山在大海中潮汐之所出入也高四十二丈周八十一里與奇山相對中有港門可以藏舟○宋景炎三年四月端宗崩于峒州衛王昺卽帝位改元祥興六

月帝舟次崖山造軍屋千間行宮三十間正殿曰慈元以奉楊太后二年某月丞相陸秀夫負帝沈海死之楊太后及嬪御從死者萬數文天祥有目擊崖州詩其末云古來何代無戰爭未有蜂螞交滄溟游兵日來復日往相持月餘爲螞蟬一朝天昏風雨惡炮火雷飛箭星落昨朝南人滿崖岸今朝只有北船在六飛杳霽知何處大水茫茫隔煙霧○按宋端宗永福陵行朝錄及鑑史填海錄皆云葬在崖山惟野史云葬于海濱亂山民爲之諱其處世莫得聞番禺客語云在香山者非也舊志

廣東名勝志

卷之一

九

相傳壽星塘側有陵迹五處蓋馬南寶築疑陵云又有宋后陵在梅花坡上一在墳頭岡○崖門海旁有奇石舊題云元鎮國大將軍張弘範滅宋于此我成化二十二年御史徐瑁削而改書曰宋丞相陸秀夫死于此

新寧縣

在府城北二百三十里

新會諸徭扇亂自元時屢征不服我弘治十一年平之乃析五十六圖置縣署曰新寧○三台山在縣北一里又里許爲石人山有石如人立東一里有連珠山西一里有寶鴨山皆以形似而名○石

鼓山在縣東二十里又三十里爲百峰山峰巒以百計其獸多獐鹿其木多松梧發獐之所出沒也○潯陽山在縣東北四十里其左有仙妹峰下有石壁高二丈泉流如珠各石壁珠簾世傳女真劉氏居于山麓有麻藍水盤二石日久仙去其山有草開花如錦名映山紅○雷公潭在縣西一里源出百峰山有龍潛焉每起則風雷迅烈又西七里爲紫霞山其下卽紫霞海○龍溪山在縣西南二百八十里上有石室卽劉女真蛻骨處陳獻章詩我家久住龍溪上說着龍溪便有情荔子不將梨

廣東名勝志

卷之一

四

關美沙螺差與蟹爭衡江村婦女蕉衫窄市巷兒郎木屐輕漫興詩多誰和我尊前忙殺馬先生○上川山距龍溪山南二百六十里海中山多香蠟林木又有下川山相去凡三百里○半塘之水源出馬村峒海之水源出大隆山其南爲大牌海又南逕銅鼓山衆水合焉風濤觸石聲如銅鼓是爲銅鼓海至于上川左右爲大小金門又西南二百里番舶往來之衝是爲寨門海

從化縣

在府城東北三百四十里

國朝弘治元年峒徐譚觀福等恃險作亂按察司

僉事陶魯平之三年析置縣治橫潭以從化爲名先是晉時嘗有懷化縣在番禺增城二縣之界尋廢今名蓋倣其舊云○風門嶺在縣西三里其陰有劉仙巖相傳劉氏女于此上昇巖多積水之窟水孟出其半潯蓄不竭明黎民表詩羽駕今何往丹梯迹尚存竈藏金粟暗書積紫苔春秋水淪粧鏡春風入峒門空山人不見白露濕蘭蓀○龍潭山在縣北二十里上有龍湫禱雨輒應○雲臺山在縣東北二十里山頂平衍如臺常有雲氣覆之其上有洞可容二千人又六十里曰北山山半有

廣東名勝志

卷之一

四

蘭和谷瀑布飛流射入龍潭又有五指山五峰相連如筆格去縣已百里餘○鷓鴣山在縣南四十里兩峰秀出俗呼大小鷓鴣又十里兩峰相連曰武臺山明張恩鷓鴣山詩隱几俄然見兩山却疑此地是鄉關林花着雨開猶落野鳥樓煙去復還翠削芙蓉天漢近春垂簾幙水雲環南薰被拂遮無訟茅屋雞聲盡日閑○流溪源出乳源之流溪山至縣前與曲水合曲水源有三一出增城之監瀧山一出縣東之中心山一出樂洞五十里至白芒潭又五十里至縣前與流溪合至石門與清遠

水合入于海明黎氏表詩山色晚幽幽清溪獨放
舟輕風低舞蝶急雨應鳴鳩雞犬桃花岸人家杜
若洲故園春服好應不厭頻遊

清遠縣在府城北二
百五十里

西漢地理志南海郡有中宿縣以今縣東有中宿
山也晉張魴字叔魚中宿人舉孝廉爲淮浦令者
中宿故城在今治東北六十里梁普通二年于此
置清遠郡隋罷郡置縣仍以故中宿縣爲政賓縣
唐武德六年併入按今縣治卽隋開皇十年故址
在鳳凰臺之後○宋史太宗端拱元年八月鳳凰

廣東名勝志

卷之一

集清遠縣屬合歡樹上高六尺衆鳥隨之其下產
芝三莖知廣州李昌齡圖以獻○唐司空曙送清
遠劉明府詩清風江色晚楚客獨傷春共對一樽
酒相看萬里人猜嫌成謫宦正直不妨身莫畏炎
方久年年雨露新○圖經云縣北十二里覽岡邦
人登高于此又四十里曰帽山突出雲表孤圓似
之○縣東十二里曰中宿山譚子相海嶠志云每
歲二三五八月有潮上此逐浪返五竿一宿而至
故名○峽山距中宿山東十八里有峽山寺舊記
云二禺穹窿對峙如壁太華束隘江流故曰峽也

山海經黃帝二子曰禺陽禺號禺處南海是爲
海司任姓生僬梁僬梁生番禺耆老相傳黃帝二
庶子南採阮侖之竹爲黃鐘之管與二臣俱隱此
山今山上小竹節間長九寸圓徑三分疑此山卽
阮侖二庶子卽禺陽禺號也後乃名此山爲禺山
云經又曰南禺之山多鳳凰鸛鵒有南則有北故
曰二禺也茅君傳爲第十九福地梁普通元年峽
有二神人化爲居士夜扣舒州上元延祥寺真俊
禪師寢室曰峽據清遠上游吾欲建一道場師居
之乎俊唯諾中夜風雨大作遲明啓戶寺已徙置

廣東名勝志

卷之一

聖

峽山師乃語偈曰此殿飛來何不回去忽聞空中
應曰動不如靜邨也上其事賜額至德宋建定元
年改名飛來寺寺後谷中有相光洞窈而深黑傍
有五色榴花宋恭城人安昌期舉進士爲永定縣
尉棄官放曠山水治平二年携一童子遊此洞不
返留詩石室中云蕙帳將辭去猿猱不忍啼琴書
自爲樂朋友孰相携丹竈非無藥青雲別有梯峽
山余暫隱人莫擬夷齊後趙其爵里姓名人始知
爲仙去○寺記云唐廣德中有孫恪者在洛中納
袁氏女爲室後携至此哀持一碧玉環獻老僧曰

是此寺舊物僧初不曉尋有野猿數十捫蘿而躍
袁氏惻然因題詩云無端變化幾湮沈剛被恩情
役此心不如逐伴歸山去長嘯一聲煙霧深遂裂
衣化猿而去老僧方悟昔所養猿玉環則胡人施
以繫其頸者也南漢時聰公者新州譚氏子少爲
南華寺僧持律甚肅後居此寺自往寺西採蘆葦
造筏數百維江湖邑人惟之尋寇暴起邑人賴筏
得渡南岸寇退人爭以金帛酬之而聰公已坐化
于竹林中矣○金芝巖在峽山北唐開元中于此
得靈芝二十莖鏗然作聲今巖內分三峒一峒有

廣東名勝志

卷之一

器

石井深數十丈一洞有三石並立水滴其上而地
不沾其下洞有穴穴有石燕飛出嶺與寺相對形
如掛旛口犀牛潭在峽西舊云崑崙國貢水犀牛
以金鎖繫項至此忽斷入潭晉咸康間漁者周仲
采于潭得金鎖索長尺餘或云晉有羅公者釣得
金索曳之有犀牛出掣斷其索得一尺許口釣魚
磯在江左岸昔趙胡于二禺上下釣得金鯉魚重
百斤歸貢秦王卽此口放生池卽寺前地唐天寶
間京使劉楚泊舟于此見五色雲起峽中夜夢數
青衣人來告願易此海爲安樂窩歸而表聞敕禁

廣東名勝志

卷之一

聖

捕魚賜峽名祝聖放生池口泡潭在峽東其水流
動盤旋則白泡浮游如堆銀浪口獅子石在山中
梁時西域跋多羅三藏法師至禺山見一老僧容
貌甚佳藏曰大德何來曰居此山中因請藏過舍
進可十里僧忽不見再往東西里許見一怪石若
後貌乃于石下建精舍曰獅子臺穿巖越壑有定
心泉先是藏法師以乏泉爲慮一日忽有老人指
石曰但定其心何慮無泉遂隱藏因鑿石果得泉
唐宋之間清遠福地詩傳聞峽山好旭日掉前圻
雨色搖丹嶂泉聲聒翠微兩厓天作帶萬壑樹披
衣秋橋迎霜序春藤礙日暉驕潭花似錦綠嶺竹
成圍寂歷還沙浦籠葱轉石磯露餘江水熱風落
瘴煙稀猿飲排空上禽驚掠水飛牧童夷唱合樵
女越吟歸良候斯爲美邊愁自有違誰憐望鄉國
流涕失芳菲張說前題流落經荒外逍遙此梵宮
雲峰吐日月石壁淡煙虹寶塔靈仙湧懸龕造化
功天香涵竹氣虛唄引松風簫牖飛花入房廊激
水通猿鳴知澗靜魚躍便江空靜然將何貴所貴
心境同宋蘇軾詩天開清遠峽地轉凝碧滯我來
無遲速振衣步尋顏山僧本幽獨乞食尚未還雲

確水自春松門風爲開溪泉解娛客琴筑鳴空出
佳人劍翁孫遊戲暫人間忽憶瞞雲侶賦詩留玉
環林深不可見霧雨霏霏巖口慄嶺在峽山頂
之南唐大曆間哥舒兄叛廣帥遣師討之夢神人
謂曰見旛卽回及賊平回師果見旛旛二禺山頂
乃二神之賜也○水經注云漆水逕觀峽南流合
于瀘水漢武帝時樓船將軍楊僕破尋峽姚氏曰
尋峽在始興三百里近連口疑卽此也漆水又西
南逕中宿縣會一里水其隘處名之爲觀峽連山
交枕絕岸壁竦春水潄至鼓怒沸騰流水淪沒必
廣東名勝志 卷之一 聖

無出者志云觀亭山一名觀峽山在縣東三十五
里晉時邑人有至洛者將還忽有一人寄書云吾
家在觀亭前石間懸藤卽其處但扣藤當有人來
取還者如其言果有二人出水取書拜曰阿伯令
君前辭不獲免遂入水中室屋壯麗飲食言語無
異常人禮畢送出衣不沾濕又其北有尉佗萬人
城基址尚存○瀘水源出大庾嶺逕陽縣南流
與隍水合于漆水復合爲肄水又南過中宿縣注
于鬱連水水源出石塘東南注于滙水西漢地里
志中宿縣註有滙浦是也又逕東南四十二里至

縣東與瀘水合漢樓船將軍漆水卽此滙江流
合瀘水自縣西四十里逕流入南海唐胡曾自嶺
下泛鷁至清遠峽乘風泛鷁于瀘水絕境方知在
嶺南羅僻雨餘山似黛暮霞煙靄如藍旦遊宜
帝新松寺夜宿婦娥舊桂潭不爲謫言終未報便
來此地結茅庵明注廣洋詩過盡梅關路灘行喜
順流滙江元到海橫石不容輒橫樹垂紅葉汀沙
聚白鷗從來交廣地還是古楊州有橫石乃驛名
去縣六十里○陽水在縣東五十五里有石如鑊
方圍一丈從冷水溪中突起高七尺餘冷水流環
廣東名勝志 卷之一 聖

四面其中四時氣如雲霧湧湯可資物食○縣南
六十里爲岐水廻岐驛設焉其上則岐山也有廣
慶寺在山角唐韋宗帥南海時以俸鈔爲買菜園
有親筆帖在宋方信孺詩韋郎故地久蕭條只有
泉聲響夜潮行客往來回首地玉環無處覓嬌嬈
右見南海百詠

連州 在府城西北 領縣二

州始建于隋開皇十年其地爲桂陽史記南粵傳
元鼎四年漢史衛尉路博德將兵屯桂陽待使者
是也水經注云新野胡瑒爲桂陽太守修明風政

吏民戴之以延嘉四年遭母喪去民爲立
于梁石宇傾頽而梁銘無毀數百年景迹存焉按
元和志陪大業初改熙平郡唐武德初復爲連州
自後因之○唐耿諱送人貶連州暮年從遠謫落
日別交親湖上北飛鴈天涯南去人夢成湘浦夜
淚盡桂陽春歲月茫茫意何時雨露新劉禹錫再
授連州至衡陽贈別去國十年同赴召湘江千里
又分岐重臨事異黃丞相三黜名慚柳士師歸目
併隨回鴈處愁腸正遇斷猿時桂陽東過連山盡
相望長吟有所思○寒居洞在城北三里中有燕

廣東名勝志

卷之一

哭

喜亭韓愈記云其陽有天澤泉源出中山抵北山
寺石入于流杯池○順山在城東四里劉禹錫記
云邑中之望曰順山由順以降無名而相依者以
萬計廻環鬱繞迭高爭秀乃此州之第一山也又
里許曰巾山一名翠巾峰平地聳起凡百餘丈崔
嵬冠于羣峰其木多楠栢之屬又十里爲楞伽峽
雙崖壁豎番雲飛瀑注于深潭葉適記云湓水會
流東南迫來兩崖湍激躍勢傾百里舟行必踰
峽然後喜無思韓愈楞伽峽詩江盤峽束春湓泉
風雷戰鬪魚龍迸懸流轟轟射水府一瀉百里翻

雲濤漂雲擺石萬瓦裂咫尺性命輕鴻毛宋張栻
巾山詩我聞路將軍威廢老湓水又聞韓吏部風
流遺燕喜徘徊巾山何處想千古意天地多黃埃
憑欄頻徙倚○秀巖在州西北五里其上懸石如
滴翠乳一名大雲巖又五里爲圭峰首銳四方端
直如圭又五里爲崑湖山以下彌崑湖也一名天
際巖又十里爲桂陽山上有石洞廣三百一十步
藤蘿蔽之洞內之泉流山東入于韶州漢名桂陽
縣以此又五里曰白鶴山石峰四面如掌有延真
觀陳真人煉丹處陳名代仁五代時里人也甯新

廣東名勝志

卷之一

哭

自給以養其親一日遇道士于嶺上奕棊賜以一
桃又與一盒封識甚固令作肆市卦休咎百中後
棲此山不知所終○冠峰在州北十里以形似之
又里許爲五峰狀如芙蓉亦名芙蓉峰又十里爲
方山達與九疑對峙凡數百里其東南有水出焉
流經盧峒達于湓水○靜福山在州北五十里其
下有虎跑泉流杯池其上有清虛觀卽里人廖仲
所居坤宇清虛梁武時爲湘東王常侍知世將亂
歸隱此山吟眺水石閒猛虎長蛇馴狎其側年近
百歲白日昇天世人名其地曰仙翁壇唐刺史蔣

防經所居爲作碑銘刻石有捫蘿撥雲瞻仰不及之歎五代時黃損字益之亦嘗築舍讀書于此後以詩名張栻遊靜福山朔風天外來寒色方嚴測駕言道山遊蒼松挺勁節翠鴉競鳴噪亂啄青山雲羽衣去千年高峰掛霜月○五溪水寰宇記云在桂陽縣合爲一江五溪者滄浪水昆湖水橫溪水葉腐溪水相思水也五水合流過陽山界入廣州○湟水出中宿淮浦關右逕州城注陽山合漆水出淮口合湟水入海劉禹錫記云城下之漫口湟水出湟之外交流而合輸者以百數湟水又注

廣東名勝志

卷之一

壬

爲韶陂今韶陂里是也晉鄧魯字約子世家于此勿遇異人長而領職還郡創治州城橋梁至今顏之右韶陂入連山縣界○雙溪水在州西南三里一出潭源徑朱岡會諸鄉水爲樂簪溪古名斟水流入湟一出連山獲水逕高良水獨流入湟至城西南始合○盧溪水在州西北二十里源出藍山合盧龍二水爲一亦名上下盧水○高良水在州西九里又十六里爲龍潭源出盧水歷楞伽峽而南出是謂滙水注于龍潭○桂水在州東北十五里俗呼奉化水南合來水卽五溪水也其流甚小

冬夏不乾俗亦謂之食泉而入于湟○遠州寺距城二十里唐僧元慧居之韓愈時爲陽山令與之遊贈以詩云前年往羅浮步夢南海濱大哉陽德感榮茂恒留春鵬鸞隨長翮鯨戲側修鱗自來連州寺曾未造城闌日携青雲客探勝窮崖濱太守邀不去群官請徒頻裴無一金資翻謂富者貧是時吏部員外郎王仲舒貶連州司戶亦甚敬愛之稱爲慧師○北山寺前有海陽湖唐元結自春陵來游鑿湖以成其勝許彥光詩昔時曾看海陽湖巧狀湖山恐見誣今日登臨真可愛畫圖翻覺少

廣東名勝志

卷之一

壬

工夫右距州三十里

陽山縣在州東北二百里

秦始皇二十六年旣定南越遂于此置陽山關史記尉佗移檄陽山關曰盜兵且至急絕道聚兵自守是也本漢舊縣東漢省入浚滙縣晉復置梁天監六年置陽山郡以縣屬之唐初郡廢收屬連州貞元十九年監察御史韓愈以諫官市貶陽山令有縣齋讀書詩云出宰山水縣讀書松桂林蕭條捐末事邂逅得初心哀飲醉俗耳清泉潔塵襟詩成誰共賦酒熟但孤斟青竹時熱釣白雲日幽尋

南方志無壽北客寧懼侵謫遣甘自守滯留起難
任授章類編帶竹茶逾兼金○賢令山在縣北二
里亦以韓公得名有讀書巖巖邊有井極清冽昌
黎詩云所樂非人獨人人共此情往來三穴裏試
酌一泓清蓋時有南海人區開區弘者俱往陽山
從退之游故韓集有送區開序及在江陵有送弘
南歸詩○陽碧山在縣西南十里高出衆山日光
先照故名兩峰上聳狀如丫髻亦名丫髻山又南
七十里產銅者曰銅沙山東三十里產黑鉛者曰
寶源山○黃連山見隋志陽山縣下有黃連嶺今

廣東名勝志

卷之一

聖

縣西北七十里同冠峽是也峽水東流與湟水合
又流過城南爲陽溪水又南十里曰龍坂灘灘側
溫泉四時不竭又南十五里曰龍宮灘韓文公云
陽山天下之窮處也水有江流悍急橫波之石廉
利侔劍戟舟上下失勢破碎淪溺者往往有之其
題同冠峽詩今日是何朝天晴物色饒落英千尺
墮遊絲百丈飄泄孔交巖脉懸流揭浪漂無心思
嶺北猿鳥莫相撩龍宮灘詩浩浩復湯湯灘聲柳
更揚奔流益激電驚浪似浮霜夢覺燈生暈宵殘
雨送涼如何連曉語一半是思鄉○湟水又東

流與斟水合斟水自東巖爲湟泉其清長之候與
湖水同故名湘州記云斯溪西通湟水其穴若井
或枯澗瀾年或日再溢竭如潮候也又西循聖鼓
道與湟水東南合陽溪入海○湟水自韶州乳源
縣來東南今市歲鄉山泉至蓮塘入于斟水斟水
源出東巖距縣二里許又四里爲湖泉其泉清長
之候與湖汶同即蓮塘官道傍也又一在縣東北
桃江水口桃江水在縣東北二里有青蓮水注之
○雙女潭在縣南五十里相傳有二貞女溺于此
每晴霽有雙鯉見則雨雨久雙鯉見則晴上有瀑

廣東名勝志

卷之一

聖

布出焉注而成澗其水滙也○唐何昌期陽山人
天寶末安祿山叛昌期應募力能挽二石弓摧鋒
陷敵所向無前祿山賊帥高秀巖以驍勇聞河北
遇之望風披靡昌期乘其未陣擊之秀巖敗退賊
氣始餒軍中目爲何十萬云其同閫李王珪者亦
以英勇爲郭子儀部將兩京收復與有力焉卒歸
葬陽山之漢下鄉

連山縣

在州西二
百九十里

梁武帝析桂陽縣地置廣德縣隋開皇十年改名
唐澤縣仁壽元年改名連山以縣西鄰有黃連山

也我洪武二年屬韶州府尋併入陽山縣十四年

復置屬連州柳子厚詩桂陽東去連山盡卽此○

長逕山在縣東四里高數百丈周二十里其脉自

巾子山來山勢中斷若蜂腰然有逕路連民出入

出此西通懷賀北抵錦田路多石壁懸崖不可車

騎天順間知縣孔鏞葺治行者始無攀援之患○

天梯山在縣北五十里高險無草木其南五十里

曰巍峩山險峻難登其西一百五十里曰黃連山

峰巒聯絡入廣西界孔鏞天梯山詩全腸曲逕去

迢迢石閣梯雲逼九霄不向此中經歷過誰知平

廣東名勝志卷之一

雷

地有逍遙○崑湖山在縣東北二百里入連州界

下瞰崑湖湖水渟泓羣山四擁誠奧區也大龍水

在縣北十六里諸鶯鄉西北至大龍山下入于湟

水○梁峒水自縣東南十九里合上吉水入于灘

又南六里曰橫水其中多鯉鯉孔鏞詩云春水連

溪遠石磯漁翁垂釣鶯鶯飛得魚沽酒夜將半明

月滿簷人未歸

廣東名勝志卷之一 終

廣東名勝志卷之二

閩中曹學佺能始撰

南雄府在省城北一千一百五十里領縣二

五代南漢劉氏割韶州之湞昌始興二縣置雄州

宋初以河北有雄州故于此加南字宣和中改保

昌郡元爲南雄路 大明改府○唐柳宗元酬始

興裴使君詩金馬嘗齊入銅魚亦共頒疑山看積

翠瀆水想澄灣標榜同鶯俗清明兩照姦月光搖

淺瀨風韻碎枯骨游俗衣猶卉山夷髻不鬟泥沙

潛虺蜮榛莽闢材俊遠物裁青蘋時珍饌白鵬長

廣東名勝志卷之二

一

捐楚客珮未賜大夫環明汪廣洋過南雄一麾長

憶出神京萬里車書載筆行驛路過關疑隴蜀人

家瀕海似蓬瀛三冬地煖花爭發半夜鷄鳴潮又

生公館莫言岑寂甚草蟲啾唧到天明○宋黃山

谷集有謝陳適用惠送吳南雄所贈紙云廬陵政

事無全牛恐是漢時陳太丘書記姓名不肯學得

紙無異爰得裴琰詩包紙送贈我自狀明月非暗

投詩句縱橫剪官錦惜無阿買書銀鈎蠻溪切藤

卷盈百側登羞滑繭羞白想常鳴杵砧面平枕柳

葉風溪水碧千里驚毛意不輕瘴衣腥膩北歸客

君侯謙光不自供胡不贈世文章伯一學之亦客
牛蹄識字有數我自知小時雙鉤學楷法今世兒
子憎家雞雖然嘉惠敢虛辱莫泥續尾成大軸寫
心與君心莫傳平生落魄不爲天樽前花底幸好
戲爲君絕不謝風煙已無處嶺倚那手請讀南華
內外篇有見事林類聚

保昌縣附郭

唐文明元年割始興之化南橫山二鄉爲瀘昌縣
以瀘昌二水合流而名至宋以犯仁宗嫌名改爲
保昌天禧中保昌令凌皓于二水合流處建陂其
廣東名勝志卷之二

二

上乃名凌江今設凌江驛本此城西十里之鱖水
城東北四十里之長岡水入焉○凌江水遶巾山
南郡之主山也威鳳岡在其東與大庾嶺相連水
經注云漣溪山卽大庾嶺也五嶺之故東故曰東
嶺其本名曰臺嶺上有橫浦關卽古入關之路又
名塞上史記索隱豫章二十里有梅嶺在洪崔山
當古驛道相傳以梅將軍名越絕書越王子孫姓
梅氏秦併六國越王踰峽陵往南海越人梅鋗從
至臺嶺家焉而築城瀘水上奉王居之鄉人因謂
臺嶺爲梅嶺及漢吳歸吳芮留其將吏勝兄弟皆

守其兄守梅嶺又稱大庾嶺秦末南海尉趙佗
趙佗欲據粵卽移檄告橫浦諸關曰盜兵且至急
絕道聚兵自守者也初嶺東廢路尤苦峻極唐開
元四年詔張九齡開鑿始爲坦塗○嶺東北有白
猿洞又北有梅開關之側有雲封寺寺創自唐時
名梅山院宋大中祥符間改今額俗呼爲掛角寺
相傳六祖旣得衣鉢南奔惠明追至祖擲衣鉢于
石上明舉之不動旣而渴甚祖以杖點石遂涌清
泉因名卓錫泉泉甚甘冽其下長浦之水出焉南
流合于瀘水又東行四十里曰小庾嶺南朝謝靈
運嶺表賦曰若乃長山欵跨外內乖隔下無伏流
上無夷跡廣兔望岡而旋歸鴻鴈覩峰而反翮旣
陟麓而踐坂遂升降于山畔顧後路之傾巘眺前
壑之絕岬看朝雲之抱岫聽夕流之注澗羅石基
布惟譎橫越非山非阜如樓如闕斑綵類繡明白
若月蘿蔓絕攀苦衣流滑唐宋之間度庾嶺詩度
嶺方辭國停輶一望家雲隨南翥鳥淚盡北枝花
山雨初含霽江雲欲變霞但令歸有日不敢恨長
沙沈佺期遙同杜員外密言度嶺詩天長地闊隴
頭分去國離家見白雲洛浦肝腸無用說崇山瘴

卷之二

三

猶不堪南浮漲海人何處北望衡陽鴈幾羣
地江山萬餘里何時重謁聖明君宋張士遜題卓
錫泉靈蹤遺幾載卓錫在高岑妙法歸何地清泉
流至今苔花生細細雲葉映沈沈桂魄皎清夜分
明六祖心文信國丞相集云予四月二十二日離
五羊五月四日出梅嶺至南安軍鑰置舟中予不
食擬至廬陵得瞑目庶幾首丘之義因爲詩云短
日行梅嶺天開鬱嶺峨江西萬里船歸期無奈何
未喫咽不能終其句口國初學士張以寧雜志云
庚嶺之巔折而東有一峰甚自奇秀稍下平爲垣

廣東名勝志

卷之二

四

娥嶂相傳爲洪煉丹之地產仙茅其葉似蘭采以
八月卽用嶂下流泉濯之色白如玉煉成丸食補
真氣而韶州之石鐘乳不及也○圖經云龍王巖
在縣東十里方廣二丈牆壁基址宛如琢成舊有
詩云坐石不知地出巖方見天卽此又有龜湖山
巖石滴水猶爲小湖舊傳產五色靈龜其下爲羅
漢洞梁天監中有羅漢現像踰旬忽不見元劉勰
之詩絃歌只聽鳥高下鎖鑰但憑雲去來○五雲
瀧在縣西十里飛流曲折高下成潭深不可測又
有九牛瀧水自山巔飛注深潭響應遠近雨久響

晴久響雨每以爲驗○楊歷巖在縣西北二十
里以漢樓船將軍楊僕得名山巔方廣百餘丈前
後皆奇峰惟石飛泉瀉空明太史黃佐詩旅客逢
秋半重巖望日邊風江連楚粵雲樹極幽燕箭鼓
循岡發旌旗陟嶽聯地推星歷勝人擬鄴莊賢鷺
嶺開金地龍潭際碧天崖合羅幌狹磴轉竹房偏
裊綴云何丹青尚畫不記年奇音聞素瀑秀色映平
田萬象皆超忽千峰自蜿蜒嶺松遙度馬隄柳競
鳴蟬虛籟笙簧合中軒錦綉懸傍泉移綺幕拂石
列瑤筵北去浮鳴鴈南流貼斷爲澗花寒木落雲

廣東名勝志

卷之二

五

碓晚相喧步壑璇霄迴歸途碧月圓何由窮絕頂
直欲挾飛仙○洎水源出大庾嶺流經靈潭至何
村與昌水合又至城西與凌水合環抱郡邑是爲
北江龍川之水西流合之注于潯水逕廣州合南
江東流入南海南朝祖孫登詩龍川紫閣映珠浦
碧沙沈岸澗蓮香遠流清雲影深風潭如擁鏡山
溜似調琴請君看皎潔知有淡然心唐張九齡登
巖望南江潦收沙衍出霜降天宇品伏檻一長眺
洋塗多遠情思來江山外望盡煙雲生滔滔不自
辨役役何成我來颯然鬢執云飄華纓物生貴

得性身累山近名內顧覺今是追歎何時平○寄
梅驛在府城南取江淹使嶺折梅逢驛使詩語也
宋紹熙間知州李岐重修○八使行衙在城南隅
宋淳熙間知州韋能建○舊沙水驛在沙水鎮宋
嘉定知州鄒孟卿即漢節亭改舩皇佑進士徐信
沙水人蘇軾謫海南造其書齋見信作其露寺詩
平地風煙飛白鳥半空雲氣捲蒼藤子瞻詩○嶺
爲易飛字云○孔林書院在平林村唐孔郊爲嶺
南節度使卒于任季子溫憲扶柩至雄值安祿山
叛遂家焉宋初建隆七年裔孫閏因舩書院陳叔

廣東名勝志

卷之二

六

秀記○李處蒙天寶十一年授廣東路封川節度
使得代至雄亦以安史之亂寓本州望梅鄉○宋
趙子崧靖康之變集勤王師爲言者所劾謫南雄
州所著有朝野僉載十卷○吳元美閩人以忤秦
檜編管雄州有商堂集○張震吳人嘉定間謫雄
寓光孝寺見三松蒼翠偃蹇因作臺登眺今有三
松亭故址

始興縣

在府城西
百一十里

圖經云孫吳甘露元年析始興郡地置斜階縣齊
改正階梁復舊郡之名○斜階水去縣南二十里

肥水凉水朔水墨江杜安清化躍溪諸水皆入焉
唐韓愈題墨江憶昨兒童隨伯氏南來今只一身
存眼前百口還相逐舊事無人可共論按墨江在
縣西十五里源出翁源縣界水黑如墨故名今有
階口驛舊址即舊斜階縣也○宋之間發始興候
曉踰關嶺乘春望越臺宿雲鵬際落殘月蚌中開
薛荔搗青乳枕柳翳碧苔桂香多露裊石響細泉
回抱葉玄猿嘯銜花翡翠來南中雖可悅北思日
悠哉鬢髮俄成素丹心已作灰何常指歸路行翦
故山萊陳陶早發始興雲裏山色曙舟中火初熟

廣東名勝志

卷之二

七

緣貯燒燒雲玄猿催落月沿流信多美况復秋風
發掛席借前期晨鷄莫啁嘶○王韶州始興記云
縣治南有梁昭明太子讀書堂又城西百餘步有
棲霞樓臨川虛臺清暑以嬉晉羅君章居之因名
羅公洲樓下洲上果竹交蔭長楊旁密高柳前疎
雖卽城隍趣丘壑矣○丹鳳山在城北五里梁
天監中鳳凰集其上故名又縣西二十里九鳳山
有天柱峯奇秀峭拔無支峰贅阜屹然撐天亦傳
梁代有九鳳凰來集于此○桂山在縣北界按曲
江集有南山下舊居詩舊傳在曲江縣南五里而

郡志云家園實在今始興縣故于桂山下云張九齡故宅傍陵谷深邃桂樹森列蓋曲江故宅在此別業在彼耳曲江酬王履震遊園林有宅生惟海縣素業守郊園之句曰樂因南澗藻憂豈北堂豈是時太夫人猶存也○舊路有夷坦孟門未嘸欽懼李林甫之害也曰雲間日孤秀山下而清深蘿葛自爲幄風泉何必琴懷故居之樂也○玲瓏巖在縣南二十里一名機山中有二室高大如屋竅戶相通盛弘之荊州記云始興機山東有兩巖廻向鷗尾石字數十行過者時聞金石絲竹之音有

廣東名勝志

卷之二

八

草名琉璃食可已風明江璞記畧云山屹立平地草木皆石縫中出高可數十丈廣數十畝東西壁堅不可登陟路自南上初有二小巖相環外闕中通行不數武有巖差大洞然而圓形如半月浴石磴而上數十級山半復有大巖可容數百人日月直射巖中路左一巖差小石乳凝結成觀音像蹠展而上復下一巖視觀音巖又小內有窪窪水窠當東向此下三巖也自大巖前石磴攀躋將及山巔有巖如屋屋上有石如懸杵下有窩如陷白石乳左溜如獅右如象又數級而上有一巖上下百

如龍首而上者勢欲飛舉泉自額垂滴下有隙不盈不涸而下者稍不及折而左路乃晦火行數十步盡處直上一竅圓明通天此上三巖也宋蘇軾詩何年僵立兩蒼龍瘦骨盤盤尚倚空翠浪舞翻紅的燦白雲穿破碧玲瓏二休亭上工延月九折巖前巧貯風脚力盡時山更好難將有限趣無窮○又十里爲謝公山峰巒聳拔獨高諸阜昔有謝姓者修道于此故名其傍有白牛山與之對峙○黃塘驛舊設保昌縣南六十里今移始興江口國初汪廣洋宿黃塘驛詩天際孤峰生碧煙江頭

廣東名勝志

卷之二

九

槌鼓燒燈又換船

旱其地多虎

三尺水

原缺

廣東名勝志卷之三

閩中曹學佺能始撰

韶州府在省城北九百里領縣六

唐武德初置韶州治曲江曲江即漢武帝平南粵所置曲江濱陽二縣也時隸桂陽郡三國吳分桂陽置始興郡晉王茂弘曾為始興內史劉宋元徽更名廣興梁天監初置衡州普通改東衡州隋開皇改涇州尋俱廢○攷漢城在涇水東蓮花嶺下隋城在武水西地勢卑濕五季南漢始移中洲今武水之東涇水之西是也涇水源出大庾嶺經保

廣東名勝志卷之三

一

昌縣南流合武水武水出桂陽臨武縣西北桐柏山石合肄水亂流東南逕臨武而西合盧水是為武溪即後漢馬援所云武溪深何毒淫者也○隋刺史薛道衡于武水東建逍遙臺以資臨眺唐始興人張九齡有逍遙臺詩嘗聞薛公淚非直雍門琴竄逐留遺跡悲涼見此心府中因暇豫江上幸招尋時事已成古風流獨至今閒情多感慨清景蹙登臨無復甘棠在空餘蔓草深晴光送遠目睽氣入幽襟水去朝滄海春來換碧林賦懷湘浦吊碑想漢川沈曾是陪遊日徒為梁父吟○宋之問

早發韶州炎微行應盡回瞻行路遙珠崖天外那銅柱海南標日夜清明少春冬霖雨饒身輕大火熱顏入瘴江消觸影含沙怒逢人女草搖露濃看褥濕風颺覺船飄直禦魍魎將魅寧論鴟與鵂虞翻思報國許靖願歸朝綠樹奈京道青雲洛水橋故園長在目魂去不須招韓愈量移袁州寄別韶州張端公明時遠逐平何如遇赦移官罪未北望詎令隨塞鳳南遷纔免葬江魚將經貴郡煩和客先惠高文謝起余暫欲繫船韶石下上賓處舜整冠裾宋梅堯臣送人知韶州韶州使君行請問韶

廣東名勝志卷之三

二

石名傳聞古帝舜石上奏九成鳳凰為之下朱鳥不復鳴舊祠亡玉琯四序安得平按郡有開韶臺在城北隅宋蘇軾為郡守狄咸易九成臺仍系以銘○風度樓在府門通衢為文獻公建惠宗嘗問宰相曰風度得如張九齡否故以名之○物產志韶州出白葛布見杜甫詩云韶州白葛輕○美德竹逕都出滴酒比常酒加醖○樂昌榮溪出魚味香美俗名鬼頭魚○仁化扶溪都出白草長三四十叢生每天雨先一日變白

曲江縣附

漢志桂陽郡有曲江縣舊圖經漢置曲江以東連
曲江岡也後因其下有江故改名曲江或云以瀨
水屈曲爲名按會子固文集引圖經周府君碑陰
曲江字皆作曲紅而蒼江江夏字亦作紅或古字
通用耳三國吳爲始興郡治隋廢瀨陽縣入焉唐
貞觀初又以臨瀧良化二縣省入○梁天監初縣
治在今南門外寶林堂宋紹興初移南門路東
我明洪武五年移府治西南育民亭卽今所○
筆峰山在城北里許宋淳熙郡守梁安世作亭其
上斷草得斷碑有畢文簡詩因取韓退之上賓處

廣東名勝志

卷之三

三

舜整冠裾之句以整冠名亭左瀨右武二水悉聚
目前○又里許爲皇岡山西臨武水其山高峻端
整如屏有舜祠唐謝楚石碣存其後十里接嶺蟬
嶺亦名石頭山山上巨石突起中藏邃洞一竅通
天皇岡之陽虞泉出焉宋郡守方信孺銘曰衡山
之陽有舜迹只雙闕岩巒鎮南國只山川草木麗
今昔只韶之有聖猶彷彿只彼皇岡下新官翼只
流泉敏達貫東壁只晝夜泥泥不涸溢只耕者居
者普潤澤只○芙蓉山在縣西三里山形簇起狀
似芙蓉今芙蓉驛沿其名巔有玉泉井漢末道士

康容煉丹得仙于此近時泉出山半石罅中井泥
可療小兒頭瘡唐許渾詩宋玉令悽夢亦驚芙蓉
山響一猿聲陰雲迎雨枕先潤夜電引雷隱暫明
暗惜水花飄廣檻遠愁風葉下高城西歸萬里未
千里應到故園春草生○蓮花山在城南五里亦
以形似得名南漢劉鋹列象爲陣拒潘美師處迤
東十里有書堂巖巖有內外二層外巖深各二
丈內巖尤深邃其中豁然明朗有石牀石鐘之類
張九齡嘗讀書于此元結題石云次山自道州刺
史容管經畧使是時賊尚據本道以蒼梧爲治所

廣東名勝志

卷之三

四

北歸取道文獻公題南山下舊居祗役已云久乘
閒及服初愧然屏塵事幽獨坐林間清曠前山遠
紛喧此地疎喬木凌青霄修篁媚綠渠耳和繡翼
鳥日暢錦鱗魚寂寞心還閑飄飄體自虛○來命
古濤臨罷閱仙書但樂多幽意寧知有毀譽○韶
石山在縣北四十里迤邐而東有三十六石是卽
曲江岡也郡國志云韶州科斗勞水間有韶石二
狀如雙闕對峙相去不一里其高百仞廣圓五里
相傳昔水和間有二飛仙衣冠分懸石上旬日乃
去聞仙語云昔舜南遊登此石奏韶樂因以名之

今呼左闕右闕又有寶蓋奏樂駝三峯鳳閣左
小龍門等而雙闕最爲挺拔科斗勞水固湏水之
沱流也三十六石中惟太平石稍低平屹立二十
餘仞牧人樵子尚怯攀登宋王安石送崔左藏之
韶州惟石巉巖上次寥廓人于此奏蕭韶水清但
有嘉魚出風暖何曾青草搖今日湔流若按節當
時嬉戲我番影因尋舊政詢遺老爲作新詩變俗
蘇軾望韶石絕句雙闕浮空照短亭至今猿鳥
嘯青冥君王自此西巡狩再使魚龍舞洞庭○利
水卽科斗勞水南流逕韶石又南逕靈石下注于

廣東名勝志

卷之三

五

東江卽曲江也後因晉置湘州于此又謂之湘江
仍名曲江則以張文獻故子韶初發曲溪詩云溪
流清且深松石復陰臨正爾可嘉處胡然無賞心
我猶不忍別物亦有緣倏自匪常行邁誰能知此
音○按靈石在縣東北五里與玉山相並湘州記
云其山草木滋茂泉石澄潤相傳昔人曾得玉璞
故名又里許卽靈石也石高三十丈廣圓五百丈
相傳石本桂陽武城縣一夕迅雷忽遷于此似有
靈物運徙之故酈道元曰靈石桀處臨江壁立霞
駭石積水石驚瀨傳聲不絕湏水之所逕矣○肆

是餅銀探伐過之不得取晉太元初民封驅之僕
竊其三餅歸發看爲蛇所螫而死其夜夢神語曰
君奴盜銀卽日顯戮以銀相贈視之則奴宛銀在
湘州記云林水西流下澗水又與雲水合水出縣
北湯泉西北合龍水又有小上水滄海水吐納
衆流西北注于瀧水瀧水又南歷靈鷲山水常有
虹光照數里其下爲溫泉滙于東南五十里下流
謂之雲水又東流三十里入湏水○縣南十五里
寶石山潯溪之水出焉南流二十里與曹溪合圖
經云寶石山多伏虎相傳唐時有鄧姓者居其下

廣東名勝志

卷之三

七

有路家徙其一石去至夜虎銜其石復回舊處鄉
人神之立廟石上○南華山在縣南六十里峰巒
環抱狀如蓮花其東南曹溪之水出焉梁天竺僧
智藥至此溪口聞水香樹而飲之曰此水上流有
勝地遂謁土人曹叔良叔良者魏武帝之裔孫也
因捨宅爲寺藥又謂此山似西天寶林後二百年
當有法寶來此演法至唐儀鳳間盧惠能傳黃梅
衣鉢居之是爲六祖王維柳宗元劉禹錫俱有碑
銘文多不具載宋之問謂能禪師詩謫居窺炎壑
孤帆森不繫別家萬里餘流日三春際猿啼山館

題江泉齊湖岸竹泉閣橫岑石閣閑嶺嶂
攀越風濤極淨濟吾師在韶陽欣此得訪請洗心
尚空寂焚香結精誓願以有漏軀畢無生惠釋
貫休贈曹溪微公曲江晴影石千株吾子思歸夢
斷初有信北來山疊疊無雨去雨踈踈祖師門
接園林路丞相家同井邑居開野老身留得否相
招都是秀才書宋蘇軾遊南華扁舟震澤家何時
滿眼盧盧覺又非春草池塘惠連夢上林鴻鴈子
卿歸水香知是曹溪口眼淨同觀古佛衣不向南
華結香火此生何處是真依蘇轍卓錫泉銘并序

廣東名勝志

卷之三

八

六祖初住曹溪卓錫泉湧瞻足大衆今數百年或
時小竭竭汲山下今辯公住山四歲泉日湧溢爲
作銘曰祖師無心心外無學有來叩者雲湧泉落
闢何從來初無所從若有從處來則有窮初住南
華集衆漠水水性融會豈有無理引錫指石寒泉
自冽衆渴得飲如我說法云何今日有溢有枯泉
無溢枯溢其人乎辯來四年泉水泮泮烹煮濯漑
飲及牛半足不病汲肩不病負匏勺瓦于盂莫知其
故我不求水水自許我訊于祖師有何不可交天
祥南華寺詩北行近千里迷復忘西東行行至南

忽忽如夢中佛化知幾座思乃與我同有形終
歸滅不滅惟其空笑看曹溪水門前坐松風○又
二十里爲宣溪南流八十里入浪水韓退之詩韶
州南去接宣溪雲水蒼茫日向西客淚數行元自
落鵲鵲休傍耳邊啼○錢石山在縣東北六十里
湘州記云山狀四方如臺巨石三面壁立上有碑
石如錢其東五里爲靈鷲山圖經舊名虎市山以
其山多虎也晉義熙中沙門僧律結菴巖間虎遂
遠跡以山形類天竺靈鷲因改今名注水經云瀧
水又南歷靈鷲山是也梁建廣果寺于上江總題

廣東名勝志

卷之三

九

廣果寺愷法師房息舟叩香阜悵別在寒林竹近
交枝亂山長絕徑深輕飛入定影落照有疎陰不
見投雲狀空留折桂心唐房融題廣果寺零落嗟
殘命蕭條託勝因方燒三界火遽洗六情塵願
天花發凌空月殿新誰憐鄉國夢終此學分身李
翱留題云凡山居以惟石奇峰走泉深潭老木嘉
卉新花視遠爲幽自江之南翱所對者七焉夫峭
壁聳立憑檻遠望未有過于靈鷲者也○又二十
五里爲大峒山宋余靖記畧云自州治水行七十
里得月華山捨舟道樵徑又十五里乃至大峒其

山旁礧聳峭秀倚天際絕頂之上十里在日洞
冷冷清入毛骨因爲詩以誌之詩云十里松檜風
萬仞斗峭壁陽崖雷自奔陰壑雪猶積勢爭衡霍
雄地控楚越扼胡爲千載間名未光圖籍戎今共
遊覽逍遙非俗格劇論窮今古玄談叩虛寢繁羅
蹠孤峰和雲坐幽石濯纓清治泉留爲不朽跡○
塚廟記云陳侯安都宅在城西四十里桂山之
安都字師成佐武帝平侯景之亂封曲江縣公舊
刻范雲誄桂詩云南中有八樹繁華無四時不識
風霜苦安知零落期今詩不存安都有墓去廟東

廣東名勝志

卷之三

十

五里○隋宿國公麥鐵杖墓在韶石之北鐵杖當
縣人累從越公楊素征伐有功後歿于高麗陣帝
購其屍歸葬之○張文獻宅舊志在州東六十里
平岡驛昨按公曾孫敦慶墓志云洪州督府參軍
丁憂還韶州州南十里文獻故居在焉臺榭荒蕪
規模如故公復其堂構山水爭奇則文獻之宅應
在是矣公有墓在城西二十里武臨原徐浩撰神
道碑銘浩乃公之甥也有詩贈公司徒誥文宋時
猶存○南越王劉鋹墓舊志在獅子岡卽今白虎
寺越王山是○宋余襄公靖墓在城西四十里成

蒙山歐陽修撰神道碑○宋紹興中書舍人朱翌
以杓秦檜和議謫居韶州始寓延祥寺後于城西
南隅得黃氏廢園居之所著有湘江集○輿地碑
目云漢曲紅縣長區社與從事龔臺等爲桂陽守
周所烹平二年立碑瀧水上社字景賢零陵東安
人邑人郭蒼爲之銘○集古錄載曲江長熊裔碑
末云太歲丙申春陵福造福上滅一字當是其姓
建安十二年立○唐元和十四年昌黎韓愈過始
與江口悼其兄會韶州刺史詩後爲刻之于郡廨
○齊東野語云蘇子瞻北歸過韶州月華寺值其

廣東名勝志

卷之三

十一

改建法堂僧弓坡題梁坡欣然援筆有梁題歲月
左梁題云天子萬年永作神主歛時五福敷錫庶
民地獄天宮同爲淨土有性無性齊成佛道有梁
題字一夕爲盜所竊左梁字尚存今嘗見之墨色
如新

英德縣

在府西南二
百二十里

漢志桂陽郡有潯陽浚滙二縣梁天監中置衡州
於浚滙縣其址在今縣西五代南漢於潯陽置英
州以境有英山云州廨卽今之譙樓碑石皆有潯
陽縣字宋慶元初陞州爲府元復爲州 大明改

縣加德字○按瀆水詳瀆陽賦下○瀆水一水而
二名漢志有淮浦卽洗水也故漢曰冷淮梁曰冷
洗洗水在今縣西南四十里宋米芾爲冷洗縣尉
今冷洗巡簡司是其縣址○英山在縣東二十五
里上產奇石峰巒聳翠巖竇分明無斧鑿痕鏗然
作金石聲○蛾眉岡在城南二里迤邐二百餘丈
東西望若蛾眉故名北距里許爲鳴弦峰相傳舜
南巡時彈琴于此又其北卽南山也山下有果菜
寺梁時建宋改爲聖壽寺又有寒翠亭唐僧知建
與文上劉斐元傑相往還處係有涵暉谷銘見文

廣東名勝志

卷之三

十三

苑英華宋蘇軾題名石壁上云蜀人蘇子瞻南還
惠州艤舟巖下與幼子過同遊聖壽寺遇隱者石
汝礪談羅浮之勝至暮乃去汝礪字器之有水車
記刻南山壁文載縣志中明張裕城南晚眺石室
談詩掛薛蘿松風縹緲舞絃和雲飛木落秋容淨
寒翠亭前聞棹歌○大慶山在城北一里上有流
杯池卽古英州治也學基遺址尚存爲宋慶曆間
石汝礪教授生徒處又十里曰金紫山石山聳拔
支脉左出卽今縣治其石綿亘數十峰與大慶相
連凡自西北至南云○瀆山在城北二十里縣之

主山也秦尉佗築萬人城于此瀆水山焉逕其南
合于漆水又二十里曰龍頭影山山勢雄峙下石
玲瓏西臨大江清溪逕其陽冷水曲江合流至此
泱水三灣環山而漸澄澈可鑑有三灣亭宋蔣之
奇建今清溪驛前是○又十里爲金山石壁高廣
唐長壽三年雷山震開得阿彌陀佛像脩丈餘蓮
華承座石上有六字此是丈六佛迹又金山寺記
云昔有二士遊山中忽覩道人儀形甚偉自云西
土人二士退告間里往觀但見金色恍惚徧山騰
禮而退○齊齋隨筆云英州之北三十里有金山
廣東名勝志

卷之三

十三

寺予嘗見其法堂後壁二絕句僧云廣州鈴轄俞
似之妻趙夫人所書其一云莫遣鷗鷺飽一呼將
軍誰志滅匈奴年來萬事灰人意只有看山眼不
枯○通天巖在縣西十五里橫岡峻嶺別藏一區
石孔下垂千態萬狀約行二里有竅通明仰視天
日煥然其下卽瀆陽峽也峽居湓水之右崖壁千
仞猿猴莫攀一名皐石山一名團山昔有樵者嘗
見飛仙於此又二十二里爲太尉山一名香爐峽
漢鄧彪嘗駐之尋召爲太尉故名輿地志云皐石
太尉二山之間是曰瀆陽峽兩崖相拒瀆水中流

管鑿石架閣斷峯相接以拒徐道殺者宋史嘉
祐六年開峽作棧道其下累石水勢湍急名石牯
牛又名抄子雖下有礮石橫截牯牛皆爲行舟之
害俯臨大江有峽山廟廟有秦時袁樽制作甚古
宣和間有強取之者舟去峽風濤大作其人甚懼
回棹還之始得安流而去張九齡詩行舟傍越峯
窈窕越溪深水關先秋冷山晴當晝陰重林間五
色對壁聳千尋惜此生遐遠誰知造化心○白鹿
岡在縣東三十六里始興記云晉張魴咸康中爲
令有惠政白鹿群遊縣境其山岡及魴所築城皆

廣東名勝志

卷之三

古

以白鹿名又五十里有潮水巖泉出石竇與海潮
相應時至迸出聲吼如雷又六十里有隆水源出
羊嶺入流翁源與龍水合○輿地記云龍頭水源
出翁山經象岡至城南十里與龍水合其關龍甚
險隘宋潘美伐南漢次龍頭劉鋹遣使請和笑疑
有伏兵乃挾鋹使速度諸險卽此地也岸傍有碧
落洞石室深邃懸石如麾旌羽蓋旁有小洞號雲
華唐周夔到難篇畧云天子握符之六載未秩周
羽皇客于南喬水浮漢波陸上青山或時晝短宿
在林壑繇風溪煙嶠之勝者得瀆陽之石室焉兩

崖捲東勢合如屋屏顏百間開待朝旭峭然巖
宛矣仙躅羽容霓衣霏繞瑤局加以上戴霄峯中
流晴溪碧瀾之下寸寸秋色啞啞見月於半夜翠
竇生雲於朝日乳枝凝露而碧落松籟疎風而瑟
續不書其奇奇可知也攷舊志有道人修煉於此
後屍解脫骨勾連宋崇寧間廣帥王渙之攀躋觀
焉目爲蛻仙臺好事者因鑿石兩貯之按石汝礪
自稱碧落子有碧落子琴斷行于世夾漈鄭樵最
所稱賞蘇軾詩云樵研亂峰合滉漾絕壁橫遙知
紫翠間古來仙釋并陽崖射朝日高處連玉京陰

廣東名勝志

卷之三

十五

谷印白月夢中遊化城果然石洞開中有銀河傾
幽龕入窈窕別戶穿虛明泉流下珠珠乳滴交縷
縷小語輒響答空山雷自驚策杖歸去來治具煩
方平唐介詩西山有石室疑是靈仙宅脩然煙逕
入訝若天門闢中瀉一溪清傍映千峰碧萬穴滴
瑤乳兩崖張翠帟爽氣來先秋昏嵐生未夕不知
造化意何爲置窮僻○彈子磯在縣北六十里一
名輪石山高數十丈壁立江滸崖半有窩圓廣數
尺明翁大立詩清莫清於濛濛溪奇莫奇於彈子
磯翠峯卓出如玄珪下臨千丈之綠漪上與青天

齊有昔仙人騎素蜺，雙馭白鶴，蹕赤螭，紫霞冠，紅雲衣，足躡游上碧蟾蜍，手挾金丸光陸離，一發射穿山翠微，圓如滿月臨伏犀，皎如明鏡懸重幃，又如玉女開雙扉，東含朝暾西夕暉，亦有神龍來此棲，山陽出洞山陰歸，我欲卽之不可梯，側身仰視從依依，安得遺丸投以飛，射殺山中猛後，犹山鬼見之不敢啼。○縣東北三十里有湏石一名賭婦石，東枕湏水，廣圓三十丈，挺嘔大江之北，盤此長川之際，其陽有穴，漁叟所憑，昔于山北開路達郡，輒有大蛇斷道，不果，必于石室前汎舟而濟。○

廣東名勝志 卷之三

十六

宋楊萬里過英德縣詩：人人藤葉嚼棋榔，戶戶茅簷覆土牆。只有春風不蕭索，隔溪吟度柚花香。文天祥英德道中海近山如沃，林深屋半蕉，乾坤正風雨，軒冕總泥途。自歎鷲肩薄，誰憐鶴影孤。少年狂不醒，夜夜夢伊予。

樂昌縣 在府城西 北八十里

梁天監七年，分曲江縣地置樂化縣，其治在今武江門內，隋開皇中徙治漢趙佗城，在今縣西二里。上抵瀧口，又以治南有昌山多奇石，可作懸磬，土人呼爲樂石，因改縣名樂昌。○昌山在縣東三里。

有白石山相連，上小下大，形如昌字，故名。○桂堂山在縣北三里，瀧水次崖谷皆產蘭桂，又十二里有白石嶺，一名周田，一名寶山，唐沈佺期自白石嶺入郴州，茲山界夷夏，天險橫寥廓，太史漏登探，文命限開鑿，北流自南瀉，羣峰回衆壑，馳波如電騰，激石似雷落，崖流盤古樹，澗蓄神農藥，乳竇何淋漓，苔蘚更綵錯，娟娟潭裏虹，渺渺灘邊鶴，歲杪應流火，天高雲霧薄，金風吹綠柳，玉露洗紅簾，源舟始興，解谷踐桂陽，郭制甸緣脩坂，穹窿曳長絳，磁林徒往來，過堰每前卻，濯溪寧足懼，險道誰云惡，我行湔險多，山水皆不若，安能獨見聞，書此遺京洛。○泐溪巖在城西二里，乃七十二福地之一，其北五里，泐溪之水出焉，南流入武水，巖有石室，高三十餘丈，深廣各五丈，其外藤蘿聯絡，遊者攀援而入，左右通竇，有石牀，石曰及陸羽題名。○泐君山在縣東北三十里，高數十仞，山巔有池，週迴十里，深五尺，其西有龍山，宋樂昌人李巖李渤讀書於此，僉舉進士，其東泐溪之水出焉，水經注：泐水東出，泐君山，翠峯之孤秀者也。晉太元十八年崩，千餘丈，于是泐懸瀑，桂傾流，注壑，頽波所入，霍

廣東名勝志 卷之三

十七

崩千餘丈，于是泐懸瀑，桂傾流，注壑，頽波所入，霍

千瀧水矣李巖題龍山草堂草堂新鑿龍山谷
花詩書向燈讀柴門晝掩寂無人惟有白雲相伴
宿春日南溪垂釣歸花笑鶯啼芳草綠鳴鶴昂昂
愁夜多杜鵑啼盡猿聲哭日暖芭林風入幃携琴
品弄仙家曲曲中哀怨誰知妙手期能識官商調
魚未成龍劍未揮家貧談學人多笑男兒立志須
稽古莫恨腮前讀書苦自昔功名未遇時逍遙掩
却山中八○監蒙山在縣西六十里三瀧之水出
焉其山廣闊五百里接曲江縣界崖嶺峻峭靈天
晦景謂之瀧中懸湍迴注崩浪震山名三瀧水水

廣東名勝志

卷之三

六

源出湖南奔山瀧有三曰新瀧曰腰瀧曰垂瀧皆
漢時周府君所鑿以唐韓愈嘗過此又名韓瀧其
上流西岸有周使君祠歐陽脩集古錄云周使君
開此溪下合湏水桂陽人便之爲立廟刻石府君
字君光而名已訛缺不可辨圖經亦不著其名後
漢書又無傳按曲江縣圖經周府君名斯漢桂陽
太守或永叔未之詳耳韓愈題臨瀧寺不覺離家
已五千仍將衰病入瀧船潮陽未到吾能說海氣
甘水拍天渡瀧詩云南行逾六旬始下昌樂瀧
險惡不可狀船石相舂撞往問瀧頭吏潮州尚

里行當何時到風土復何似瀧吏垂手笑官問何
其愚譬官居京也何由知東吳東吳遊宦鄉官知
自有山潮州底處所有罪乃竄流僕幸無負已何
由到而知官今行自到那遽妄問爲李渤詩扁舟
初泛入瀧船隱約乘槎上漢年崖狹束成三級浪
山高分得一毫天掃開盤石那無漚流出桃花恐
有仙青史若能留姓字直須來此釣溪煙○蔚嶺
在縣西九十里聯絡三瀧高入雲漢徑通柳桂其
上有泉甘而冽世傳六祖自黃梅歸卓錫泉山今
呼六祖泉

廣東名勝志

卷之三

九

仁化縣

在府城西北
百二十里

唐垂拱四年析曲江北境仁化光澤清化潼陽四
鄉置縣曰仁化從鄉名也宋開寶五年併入樂昌
縣咸淳四年復置治光澤鄉○廉石山在城北二
十里邑之主山也石罅中有鎗竿年久不壞俗以
爲黃巢過此所投入又五十里有青雲峰又十里
有康溪嶺其下康溪之水出焉西流五十里合湏
水○白星山在縣西五十里唐武德中有星如銀
墜于山頂光如曳練唐咸通初僧慧懿建大雲寺
于此慧懿河北人乘虎而來後乃坐化入塔號曰

聖師塔其徒匡緒居王闍寺爲時所重唐曹恭

匡緒法師作口宣微密不思議不是除食卽戒癡

秋待方外緣了口爭看內殿詔來時周廻海樹侵

瘳疾迅遙江湖應井遶畢竟懶過高座寺未能全

讓法雲師○書堂巖在縣南十里壁立千仞巖竇

隱見無路可攀宋余靖嘗讀書于此舟中遙望隱

若書案又七里有錦石巖其陽爲錦江分流爲錦

石溪宋進士曲江鄧嘉猷記云南崖縹緲石文四

時收易五色備具或如寒梅吐玉千葩萬葩故名

錦石巖巖前有江皎潔如練周廻區曲曰錦江巖

廣東名勝志卷之三

石呀哈如口深邃虛濶乳垂萬狀一日千聖巖二

日祖師巖三日隱虎巖四日龍王巖上有白龍池

○又四十三里爲潼峽雙石壘峙潼水經其間是

日潼溪又過一里會湫之水出焉南流二十五里

與恩溪水合其北五十里曰合溪源出東平嶺北

流與湫水合又北七十里曰恩溪源出柳州相傳

吳王子孫避地經此失路逢一女子導之因報以

金帛故名其西北三十里有吳竹嶺亦以王子孫

所棲隱也其下吳溪之水出焉西流一百里合湫

水

乳源縣在府城西一百里

宋乾道初以韶州諸縣不通水道乃析曲江樂昌

二縣地置邑于府西之吳塘元至正十四年爲郴

賊焚燬明洪武元年徙州頭津爲今治所○鍾

乳嶺在城北里許一名豐岡嶺形如卧象邑主山

也山腰有巖巖中石類龜蛇擊之有聲穴中有水

南流產鍾乳入貢又北十二里有九仙巖世傳仁

化韓氏生十女九女修道於此成仙○臘嶺在城

西五里高四百餘仞周三十里脉接風門山柳州

騎田嶺爲五嶺之一此其支也夏天寒如臘月故

廣東名勝志卷之三

名○雲門山在縣東北十里曹谿六祖分爲二派

曰青原思曰南嶽讓南嶽復分二派曰臨濟曰潯

仰青原復分三派曰曹洞曰法眼曰雲門是爲五

宗雲門祖師文偃其的傳也以居雲門山故曰雲

門宗唐天寶中坐化于此其相繼住持曰寶日照

曰襄皆得正法眼○風門山在縣西十五里兩山

夾立中通一徑風所從出也又西百二十里曰石

城山高三十餘丈周圍十餘里盤廻如龍又名石

龍山○毬岡在縣境有宋胡賓王講書堂几席之

類皆石琢成賓王曲江人南漢時進士甲科累官

中書舍人知制誥劉鋹崖辭官歸著南海園里號劉氏興亡錄上于宋以明經授著作郎累遷翰林學士其所居鄉分隸乳源號學士里

翁源縣在府城東南九十里

圖經云昔有二仙翁遊于潯陽縣境之靈池山故山名翁山水名翁水及南朝梁分潯陽地建縣因以翁源爲名其治至我明洪武初凡六徙一在安陽里羅江去今縣東北六十里一在下窖去今縣五十里一在濠滾去縣西北一百五十里即今之曲江巡簡司一在岑水東去縣西北四十里一廣東名勝志

卷之三

三

在細草岡去縣東南四十里洪武初建于長安縣即今所也宋宣和二年分置建福縣在今縣東五十里尋省入○雪溪在縣西二里有雪溪橋又十三里爲梅巖深窅紆曲可容數百人宋天聖間邑人梅鼎臣讀書于此○寶山在縣北二十五里高千餘仞周圍百餘里即岑水界石山之巔復巖一石其下有池環繞左右東巖出泉深不可測春夏水溢時有巨鱗躍出又三十里爲九曲嶺旁有耽石泉高山絕頂巨石倚空飛泉瀉落唐大中三年僧法光耽玩于此剪茅居之衆爲築室因名院

石院宋余安道摩巖大書記刻又二十里爲寺逕

兩崖對峙岑水中流邊巖石逕二十餘里險峭曲折不亞羊腸故名舊志嶺南每深山長谷中通一路即謂之逕岑水一名銅水可浸鐵爲銅其水極腥惡石色皆赭然不生魚鼈禾稼之屬仰曲江瞻礬水同源異流也東流二十里入英德之吳水○猿騰逕在縣東三十里又十里有書堂石在羅江瀧水中高九十丈周圍五里唐邑人邵謁少爲縣吏見辱于令因握刀截其鬚着縣門矢之曰苟學不成有如鬚遂築書堂肄業博通經史舉入京師

廣東名勝志

卷之三

三

時各大振今縣廨刻有邵謁文集又東一百十里靈池山即翁山也壁立千仞山頂有石池池中泉八曰湧泉溫泉香泉甘泉震泉龍泉玉泉乳泉張文獻廟碑云八泉會而爲池即此○翁溪之水南流二百四十里至書堂瀧西與英水入潯陽出大江宋提刑楊萬里過猿藤逕詩逕仄無平地林間忽見天丹楓明遠樹黃葉暗鳴泉厭雨欣初霽食程敢晏眠排天雙壁起度月一峰先入逕惟逢樹浮丘况有煙藤深人不見聲到客愁邊○白石巖在縣東南七十里石室高敞可容千人乘炬窮入

深逾數里有泉滴下味極香冽亂石作鐘磬聲○
狗耳嶺在縣東北九十里兩峰並立狀如狗耳曹
溪之水出焉故曹溪志以爲南華介在曲江翁源
三縣之間也

廣東名勝志卷之三
廣東名勝志卷之三

廣東名勝志卷之四

閩中曹學佺能始撰

惠州府在省城東南三百里領縣十

梁天監中析南海郡地置梁化郡在今治東南八
十里隋開皇中廢郡置循州以歸善縣爲附郭大
業二年改龍川郡唐天寶又改海豐郡乾元復傳
名南漢劉鋹移循州於雷鄉縣乃於此置禎州宋
天禧五年避仁宗諱改名惠州我 洪武初陞爲
府署在松木之阜其脈自豐山來穿入城地產松
木故名○相傳初立州時有木爲浮至江上故城

廣東名勝志卷之四

一

曰鷺城嶺曰鷺嶺宋紹聖元年蘇軾安置惠州爲
潛珍閣銘有云蔚鷺城之南麓且引舊圖經羅浮
山北抵鷺城是也○端宗景炎元年太守文壁以
城降元信國天祥寄以詩曰五十年兄弟一朝生
別離鴈行長已矣馬足遠何之葬骨知無地論心
更有誰親喪君自盡猶子是吾兄其後有客題一
絕曰江南見說好溪山兄也難時弟也難可惜梅
花異南北一枝向煖一枝寒○輿地紀勝云咸平
初陳堯佐權知惠州手植荔枝于州堂淳祐初太
守趙汝馭扁曰延相堂堂後爲圃曰春香圃東壘

石爲高曰蓬萊蘇子瞻題云丞相祠堂下將軍大
人依炎雲驛火宅瑞露酌天漿燭紫雲光熟高紅
樹遠陽分甘遍鈴下也到黑衣郎自序曰公手植
荔枝郡人謂之將軍樹歲大熟啖其餘下逮下吏
卒其高不可致者縱猿猴取之○文惠又于治東
北隅建野更亭自題詩云野更牀公堂開軒出郡
牆殘花炎帝國斜日尉佗鄉疊嶂分諸粵重城截
大荒耕桑蠶聚落煙火漠封疆雲勢飄蓬島天形
壓夜郎扁舟閒得似嘉樹遠成行梅陌千林暮春
風百草香人家浮浩淼鳥道沒蒼蒼爽塏吟魂健
廣東名勝志卷之四

歸善縣 附郭

晉太和元年建欣樂縣在今縣南界陳禎明三年
改名歸善移治于白鶴峰陽我洪武初遷府治
之左○志云白鶴峰在城東五里高五丈古有白
鶴觀蘇軾謫惠州時卜居焉紹興三年度賊周十
隆陷州城官民廬舍焚燬殆盡獨留此居致食而

家城西遷居詩云前年家水東回首夕陽處去年
家水西濕面春風細東西我無擇綠盡我輒逝今
年復東徙舊館聊自慰已買白鶴峯規作終老計
長江在北戶雪浪舞階砌青山滿牆頭髮髻幾雲
髻吾生本無待俯仰了此世下觀生物息相吹等
蚊蚋蓋子瞻初至時寓合江樓嘉祐寺此凡再遷
云○舍人巷在治南五十餘步五代張昭遠起居
舍人宅宋政和間博士唐庚寓焉後乃徙之城南
沙子步有嘯傲軒自爲記○翟夫子舍在白鶴峰
側宋邑人翟逢亨也天性至孝轉洽群書東坡詩
廣東名勝志卷之四

廣東名勝志卷之四

三

林行婆家初開戶翟夫子舍尚留開○城北有釣
潭潭水至深上有磐石可以垂釣故名東坡銘云
江郊葱蘢雲水猜縹碣岸斗入洄潭輪轉先生悅
之布席開燕初日下照潛鱗俯見意釣忘魚樂此
竿綫優哉悠哉玩物之變○東江源自江西贛州
經龍川縣來遶自白鶴峰之陰至府城東亦謂之
龍川江○西江自九龍山西流一百二十里亦至
府城東與龍江合流至石灣西南經虎頭入海其
涯流處有江樓卽府城之東門樓也子瞻題合江
樓詩海上慈隴氣作哉二江合處朱樓開蓬萊方

丈應不遠肯爲蘇子浮江來江風初涼睡正美樓上啼鴉呼我起我今身世兩相違西流白日東流水樓上老人日清新天上豈有癡仙人三山咫尺不歸去一杯付與羅浮春○鯉湖在城西一里小而深黑相傳中潛鯉魚亦名鯉穴又七里有石埭山積石如埭流泉激沫若飛簾其水瀉入于豐湖卽西湖也又云西湖者蓋豐鯉二湖之滙云宋知州事陳偁劬築隄防亭館以增勝槩太守林俛豐湖集序云湖之潤溉田數百頃葦藕蒲魚之利歲數萬民之取于湖者其施以豐故謂之豐湖舊記

廣東名勝志

卷之四

四

謂卽鯉湖非也隔水有山曰豐山自西透進入之湖中有點翠洲熙春臺雜花島歸雲洞諸勝其左岸有蘇公堤東坡侍妾朝雲葬此朝雲臨終誦金剛經偈曰一切有爲法如夢幻泡影如露亦如電應作如是觀東坡自爲作墓銘後人建六如亭于其上○東湖一名塔子湖與西湖並有甲山在湖之中宋守陳偁歲旱教民以牛車汲水入東湖溉田卽此○秀水湖原滙豐湖入西江後改注之百官池池上有甲山亭邦人遊賞多集焉○龍塘在縣南三里沙千步前唐子西嘗曰茶不問園坵要

之貴新水不問江井要之貴活今吾提甌走龍塘無數十步此水宜茶不減清遠峽而海道趨建安不數日可至故每歲新茶不過三月至矣龍塘二里有飛鸞嶺四周皆水如鷺浮水面然○周逕山自城南延袤數十里岡嶺迴複巖壁峭立東通麻庄南出中峒北抵橫江西接大嶺其逕四達故名○縣西十里新村嶺橫槎之水出焉卽橫江也山自黃峒而來邑之屏障又近曰吳洞山雲集其上輒雨鄉人以爲候黃吳二峒水俱流入西湖明吳高黃峒山詩惠陽十萬家採薪皆此處荷葉蓋頭

廣東名勝志

卷之四

五

歸知是前山雨好鳥如有情對人相慰語明日仍復來山靈不厭汝○縣西六十里有同湖九十里江○縣西百三十里曰白雲嶂高千餘仞廣圓二百里重岡複嶺峭拔峻嶒西湖諸山皆起于此○大林傘山在縣西南臘石社產白堊攢峰疊巘林木蔚蒼徃人耕種其上有巖如厦屋容五六百人門至偏仄一人持戟而守千夫攻之不得入○縣有平政山平政驛設焉有碧甲山碧甲巡司設焉有濁水坑山是爲乾溪下涌船澳文信國移軍上

表求本朝卽此處○府志文苑傳云宋朱巖二
才名皆不傳隱于南塘作文師韓昌黎日以賦詩
鼓琴爲樂郡人吳高過其所居詩有云北郭薄田
堪釀酒南塘清水足烹茶姓存名沒知真隱留得
高風後世誇○梅蟠宋元豐間進士授迪功郎棄
歸鄉人稱曰梅夫子唐庚有贈梅蟠采藥行云順
途行歌醉者誰先生采藥山中歸昨日携籃入山
去今日出山香滿路先生年來飯黃精俗眼自白
髮自青得失乘除適相轉勿取說人界豺虎○陳
伯輔工于小篆南渡後試邕管察推拂衣不復出

廣東名勝志

卷之四

六

侍講陳鵬飛贈以詩云幕下誰人識杲之微聞贊
畫向建池登樓不恨鄉關遠狂笏但言山色奇直
道自能消鬼魅高人何處不軒翥它年坐上話銅
狄可是蓬萊清淺時已上皆歸善人

博羅縣

在府西北
三十里

按羅浮山記羅羅山也浮海中山也浮山來博羅
山故曰博羅自秦已置此縣漢晉因之南齊析置
羅陽縣唐貞觀八年省入其署在浮碇岡之西北
抵冠湖○志云石鼓嶺在縣北三里嶺巔石皆紫
黑色一石圓徑五丈擊之有聲名神鉦石又二十

廣東名勝志

卷之四

七

舍稽浮海而至與羅山合而爲一故名山經云五
嶺擁從衡岳如若而羅浮桀山爲之佐命也○宋
鄒師正羅浮指掌圖山高三千六百丈袤直五百
里峰巒四百三十二嶺十五石室七十二瀑布九
百八十九登山始自龍華寺至明月戒壇唐時度
僧受戒于此有大小石樓相去五里皆高出雲表
重簷四柱如樓登之可望滄海夜半見月初出樓
前石門方廣可容几席唐羅萬象結菴居焉常餌
黃精餐霞服氣或一食盡數十人之食或不食則
莫知歲月日行三四百里緩行奔馬莫及○梁大

同中景泰禪師葺茅小石樓下其徒以無水難之師笑不答因卓錫泉湧其下有錫杖潭水清碧見底錫杖形露光彩奪目蘇子瞻云予飲江淮水彌年覺井水腥以此知江井于井來嶺外自楊子江始飲江水至南康水益甘入清遠峽味亦益勝今飲景泰禪師錫杖泉則清遠峽水又在下矣石鑑在石樓之南有一石光彩如鑑石下有黑白棋子十八枚往來相盪人拈之不起曰鐵橋峰在羅浮二山相接處是爲泉源福地其中有石如梁端水出焉分東西流注于潭又南流注于淵五龍所廣東名勝志卷之四 八 莊

見日塔西有阿耨池景泰禪師入定于此口龍王坑在鐵橋下泉分東西流處景泰禪師于此說法有龍來聽及上中下龍潭亦以此名西龍潭有瀑布三十餘仞口玉鸞峰在鐵橋之左晉葛洪妻鮑仙姑所居仙父名覲上黨人太興元年遇陰長生授以神丹施解之法爲南海太守時葛洪亦爲勾漏令師事覲覲以姑嫁之遂居于此覲書臨民政夜常往來山中或語論達旦騰空而去人惟見有雙燕往返怪而候之則二般也其後姑與洪相次登仙至唐時人猶見姑行灸于南海云口聚霞廣東名勝志卷之四 九

大藥真人受青精飯之方餌之人稱青精先生功
成白日升天爲太極仙卿治此洞曰有朝斗壇唐
天寶初詔道士中太芝祭山欲覓朱明之境邑簿
尋見一洞以藤籠垂一人下既出云洞約五丈餘
下視無底日月星辰皆備初有白雲須臾散漫成
五色□啞虎洞在朱明洞側有黃野人者舊爲葛
洪之隸得洪遺丹服之成仙而啞虎爲之守門故
名野人常施藥山中抱病疾者遇之輒愈嘗有人
遊山留宿巖谷間中夜見一人徧身無衣長毛覆
體意必仙也再拜問道其人不顧但作長嘯響振

廣東名勝志

卷之四

十

林木歌詩曰雲來萬嶺動雲去天一色長嘯兩三
聲空山秋月白宋咸淳末有戴烏方帽着靴往來
山中見人則大笑反走他日醉歸忽取煤書壁云
雲意不歸滄海春光欲上翠微人間一墜千劫猶
愛梅花未歸或以爲卽黃野人云□其地有青霞
谷隋開皇中蘇玄明者生于晉太康時已三百餘
歲來居此谷自號青霞子作太清石壁記寶藏論
青道篇諸集內視九年冲舉而逝我嘉靖中耕其
地者得銅孟古劍各一口麻姑峰在冲虛觀西南
麻姑壇在焉常有彩雲白鶴集其上有獸磨身象

尾馬足而黃色或降于壇道書云仙人王遠常乘
黃麟至集麻姑壇者也□藥市在冲虛觀左一日
洞天藥市有烏名紅翠聲如搗藥夜靜響徹山谷
亦名搗藥烏□蝴蝶洞在麻姑臺西晉葛洪聞交
趾出丹砂求爲勾漏令至廣州爲刺史留止此洞
煉丹著書號抱朴子後屍解其遺化爲綵蝶四時
從洞中飛出前爲水簾洞水石最勝有天漢橋其
下爲流杯池傳云八仙會飲于此其傍八仙石題
刻甚多□單道開石室在冲虛觀東道開燉煌人
石季龍時至鄴後入羅浮年百餘歲教弟子置屍

廣東名勝志

卷之四

十一

石穴弟子乃移入石室南海太守袁宏至見道開
形骸如生香火瓦器猶存宏曰法師正當如蟬蛻
耳□由石室而上雙髻峰有劉仙壇石壇高百丈
許唐劉瞻修真處其傍生竹葉符鏤壓此虎踞之
兄瞻舉進士歷清顯後謫嶺南泊舟江濱忽有布
衣少年衝暴雨而來衣履不濕瞻驚歎迎見瞻顏
貌可二十許而瞻已衰朽因感歎同舟行語語一
夕失曙所在□羅陽溪在雙髻峰下羅浮諸峰之
水西匯于此溪旁產龍葱竹一名龍公徑七尺圍
節長一丈二尺唐永泰中有竹葉大若芭蕉隨小

流出有鳥毛彩如孔雀而五趾名碧鷄口羅陽溪之水東南與增江合爲榕溪又與龍江合三十里會波羅之水入南海口飛來峰在山西南其下有梅花村隋趙師雄過此見美人淡粧素服遂與其飲醉寐及醒乃在梅花樹下蘇子瞻有詩紀之詳見後口平雲碑唐武后遣使採藥至羅浮山迷路禱之山神是夕羣象踏山遲明路開學士張鷟立碑紀其事口泊頭墟距羅浮十五里廣惠二郡舟楫及自陸路至者皆于此登岸即可見山舊有圓照堂山僧以王遊客唐庚次泊頭詩云草木疑靈

廣東名勝志

卷之四

士

藥漁樵或異人劉宋王叔之遊羅浮菴謁靈嶽開景神封綿界盤趾中天舉峰孤樓側挺增岫廻重風雲秀體卉木嬌容榮蕭簪羅浮銘神哉迷島合影羅岑南濱漠渤西負桂林龍隈斜峙牛嶺旁升形高華霍德邁衡岷橫天起巘插雲生襲脩厓蔽景孤峰鳳立所謂曜真仙靈攸集無因獨往山阿采薇吐納冲氣卷服雲衣至人齊物中還蘊妙灰心守一形枯道要神以動疲驕隨消溢消則歇淳真志畢積思幽人羨茲貞吉陳陰鏗詩羅浮銀是殿瀛洲玉作堂朝遊雲暫起夕餌菊恒香聊持

晨作燕巖以石爲羊洪崖與松子乘羽飛周王李白送友人之羅浮桂水分五嶺衡山朝九疑鄉關渺安西流浪作何之素色愁明海秋渚晦寒姿瞻昔紫芳意已過黃髮期若王縱疎散雲壑借巢夷爾去之羅浮我還憩岷嶺中道濶萬里霞月遙相思如尋楚狂子環柯有芳枝李羣玉遊羅浮清遠登寺臺晃朗縱覽歷濯泉喚仙舫于此盪靈魄冷光激遠目百里克海色送雲歸蓬壺望客滅秋碧波瀾收日氣天目回澄寂百越入掌中十洲點空白身居蜚鳥上口詠玄元籍飄如出塵籠想望

廣東名勝志

卷之四

士

吹簫客冥冥人間世歌笑不足惜竭來羅浮嶽披雲煉瓊液謝公雲岑興可以躡高跡吾將抱瑤琴絕境縱所適劉禹錫詩海黑天宇濶星辰來逼人君言羅浮上容易見九垓漸高元氣壯陶湧來翼身陰陽迭用事乃伴夜作晨唧唧天鷄鳴扶桑色昕昕赤波千萬里湧出古金輪蘇軾同過子遊羅浮人間有此白玉京羅浮見日雞一鳴南樓未必齊日觀鬱儀自欲朝朱明東坡之師抱朴老真契早已交前生玉堂金馬久流落小田尺宅今誰耕道華亦嘗啖一棗契虛直欲仇三彭鐵橋石柱連

空極杖藜欲趣飛猱輕雲溪夜逢暗虎伏半墮
出銅龍簪小兒少年有奇志中宵起坐存黃庭近
者試出凌雲賦筆勢彷彿離騷經負書從來孟歸
去羣仙正草新官銘汝方奴隸蔡少霞我亦李孟
山玄卿還須略報老同叔棗糲萬里尋初平放洪
容齋隨筆東坡遊羅浮作詩示叔黨其末云負書
從我盍歸去羣仙正草新官銘汝慙奴隸蔡少霞
我亦李孟山玄卿坡自註曰唐有夢書新官銘者
云紫陽真人山玄卿撰其略曰良常西麓原澤東
泄新宮宏宏崇軒轅轍又有蔡少霞者夢人遣書

廣東名勝志

卷之四

碑銘曰昔乘魚車今履瑞雲闕空仰塗綺略輪囷
其末題云五雲閣艾蔡少霞書予按唐小說薛用
弱集異記載蔡少霞夢人召去令書碑題云蒼龍
溪新官銘紫陽真人山玄卿撰其記三十八句不
聞有五雲閣吏之說魚車瑞雲之語乃逸史所載
陳幼霞事云蒼龍溪主歐陽某撰蓋坡公誤以幼
霞爲少霞耳東坡又有梅花村詩羅浮山下梅花
村玉雪爲骨冰爲魂紛紛初疑月掛樹耿耿獨與
參橫昏先生索居江海上悄如病鶴棲荒園天香
玉艷肯相顧知我酒熟詩清溫蓬萊官中花鳥外

綠衣倒掛扶桑暎抱松窺我坐方卧故遣啄木先
敲門麻姑過君惡酒攄鳥能歌舞花能言酒醒人
散山寂寂惟有落蕊粘空樽口博物志云顏真卿
嘗自言曾遇道士陶八八授一刀圭碧霞丹服之
且謂他日待我于羅浮山真卿後爲李希烈所害
歸葬偃師一日有商人至羅浮見二道人樹下圍
棋其一謂商人曰奉寄一書達偃師北山顏家商
人至偃師詢所若乃魯公墳庄老蒼頭得書大驚
曰先太師親筆也子孫因發塚視之則棺已空矣
口名山志云軒轅遺居在羅浮山東唐有軒轅集

廣東名勝志

卷之四

者武宗時以山人進宣宗卽位流集嶺南因居于
此大中十一年復召至長安命坐御榻前集布素
貌古官人有竊笑者年方二八須臾變爲老嫗雞
皮皴背髮髮鬢然涕泣不止謝之卽復故留
數月求還山命中使送之未及山忽失所在不日
已歸羅浮矣李洞送軒轅先生歸羅浮舊山歸影
浪搖青綠髮仙童一帙經詩帖布帆猿鳥看藥煎
金鼎鬼神聽洞深頭上聆仙語船靜月中聞海腥
此處先生應不任君王南望漫勞形陸龜蒙前題
鼎成仙馭入空同百世猶傳至道風軀應壽詞八

穴鳳却思丹微伴冥鴻金公的的生鍾陰瓊女時
時到夢中預恐浮山歸有日載將雲室入洲東皮
日休前題亂峰四百三十二欲問微君何處尋江
琴數聲雅室響真檀一炷石樓深山那遣負沽來
溪然客客有化後金從此謁師知不遠求官先有
荷洪心口通志載有羅浮孝子詩二首姓名未詳
其一云四百峯頭白鶴知老天八月有幽期爾家
正在羅浮下莫向東風怨別離其二云長揖遺我
一囊丹鐵橋流水非人間我今決策山中去踏斷
鐵橋無路還口府志載轉羅陳少微煥在梅花村

廣東各勝志

卷之四

十六

有詠梅花絕句雪裏溪橋獨樹春客來驚起曉粧
勻試從意外看風味方信留侯似婦人最爲時所
傳誦少微以特科調高要簿秩滿歸四壁蕭然祭
酒內輝造之贈以詩曰原思非病貧何患回也雖
貧樂有加歲晚和誰同此味梅花深處是君家

長寧縣

在府東
四百里

隆慶元年析歸善翁源英德三縣地置以長有寧
宇爲名治在鴻鴈洲○君子山在縣北一里岡巒
壁立端正故名○雲髻嶺在縣西二里遠望若螺
髻然中有石洞洞內列銀牀玉几白龜玄猿諸石

不可勝數○象首山在縣東三里有杵樹鎮三
星潭游魚洲○嶽城山在縣東北十里峭壁四周
若城垣中有香鑪仙跡相傳白玉蟾煉丹于此○
雪峒山在縣北六十里中有大雪山小雪二峰又其
南有雪山俱以冬春積雪而名蓋嶺南地煖獨此
三峰有雪故足稱奇○橫石嶺在縣東南八十里
嶺半清泉一線從石罅中出十人吸之不竭○滴
水燕子二巖俱在縣境滴水巖臨溪懸泉飛瀉常
如噴珠下注澄潭燕子巖有洞深黑秋燕伏藏其
中至春而去

廣東各勝志

卷之四

十七

永安縣

在府東南
三百里

歸善縣有古名都長樂縣有琴江都皆在萬山之
中去其治各二百餘里久爲盜寇窟宅民無所歸
命隆慶元年以都御史吳桂芳議析其地置永安
縣初授正官皆不敢至以長樂縣典史林天賜署
之建治築城皆其所經畫也○紫金山在治東城
垣跨其上又三十里了髻山形如螺翅亦如雙環
故名○三殿山在縣東二十三里五峰神天狀如
宮殿者三又二十七里爲間巖嶂宋帝昺旣航海
文丞相家廟爲虜其弟壁降元天祥乃走惠州散

多獲集屯于此。昨夜聞黃鸝鳴，遂徙南嶺寨址。階石尚有明候官陳鳴鶴懷古一首。顏廷狼藉堂門傾。此地曾開信國營。草滿中原秋牧馬。雨迷派嶂夜聞聲。一時士氣春胡帳。四面夷歌入塞聲。嶺海只今歸禹貢。蠻烟銷盡曉峰晴。○烏禽嶂在縣南一百里。高峻盤踞，周百餘里。西爲犁壁山，折而北爲南山。○南嶺在縣東南八十里。賈百餘里。四高中，衍惟一路可通。宋景炎二年，文丞相避李恒之追，與長子道生及杜濬、鄒鳳輩奔循州，散兵屯駐于此。後人呼爲忠臣嶺。丞相手植桂樹，猶存其下。

廣東各勝志

卷之四

六

爲高泮水一名毒水。飲者多死。相傳唐時鄒太尉督兵至士卒中毒，祝天遂止。至今泉氣如呼吸，隨山隨沒而水不流。或曰唐無鄒太尉，祝者卽文丞相或丞相之偏裨鄒鳳也。○梅花嶺在縣西一百里。五嶺攢聚狀如梅花，故名。有巖高十尋，路甚狹。巖累足而入，弘遠高曠，遠望無際。巖下峭削石坪，五丈嶺上有石盆，名玉女洗頭盆。○琴江有二源，皆出縣東九十里之琴嶺，分爲南北會而入于神江。又有秋鄉江、義容江與神江皆合注之。

海豐縣 在府東三百里

通典寰宇記皆云漢舊縣屬東官郡。元和郡縣志云東晉置輿地廣記云劉宋置諸書不同。如此按東西漢志並無海豐縣。宋永初郡國志有游豐縣而不注建立之因。由此觀之前既非置于漢後又非置于宋，則其置于晉也明甚。蓋當其分立東官郡之時，縣爲同置。正與元和志東晉置游豐之文相應。○黑龍山在城東二里，常有黑龍潛于山穴，能興雲雨。隋志海豐縣有黑龍山，是也。山頂有石刻宋嘉定乙卯九月九日盧少吳黃澄清率同官五人泛菊于此，背刻龍山二大字。○又二十五里

廣東各勝志

卷之四

九

爲法留山。山上有巖如屋，唐元和間僧大顛來居，卽韓退之所稱能幻形骸以理自勝者。後徙靈山巖前，今有放生池遺址。○五坡嶺在城北二里。文天祥自潮陽走海豐，方飯元千戶王惟義執之，因吞腦子不死。卽此處也。○蓮花峯在縣北二十里。巖巒攢簇似蓮花狀，又十里有銀鑄山，爲縣之鎮。山高而銳，上有瀑布五坡。其前峰與蓮花相錯，銀鑄之水東南流至小金籠山下，與赤听大小液諸水合。各三江口南流入海。○金籠山在縣東南十五里。山腰石眼泉湧，甘潔土人呼爲聖泉。又二十五

里有新溶水舊水道不通蛋民東西兩溪各別宋師至舟不得度遂鑿而通之其上五里有宋師嶺時伐土爲階級故跡尚存又西南八十里有大金籠山以比金籠更爲高廣鎮長沙海口按舊二山名大小金籠宋端宗易以今名○長沙海卽南海也文天祥嘗率舟師駐此異物志云南海多鯨鯢大者數千里小者千里漁人往往見之又云伐林邑時于海嶼上得鯨頭骨如數百斛圖頂上一孔大如甕俗以爲珠穴又云多決明石又有醋魚南越呼爲環雷魚其大一丈生子朝出食暮宿毋腹

廣東各勝志

卷之四

五

入從臍中出從口中腹有兩洞貯水養子一洞容二子風驚浪湧亦還不爽又有鋸魚南越謂之狼藉魚身長二丈口長六尺廣三寸左右生齒如鋸又有環魚大如楮長八寸陸脊骨美滑宜羹又有黃雀魚每八月化爲黃雀十月入海復化爲魚又有巨龜其大不知幾千里昔有商者見海中有洲島上生樹木因依以採薪及作食不知爲龜久在沙嶼泥土積其背而樹木生焉龜忽入海死者數人又有越王魚大如笄正白長尺餘上海邊沙中肉黑大如小兒臂長四五寸有腹無口目有星三

十如笄簪之形○東海溶水在縣北八十里源出吉康羅溪南流一百里分二派東西流至沙塘渡與衆水合入海又二百五十里有甲子門大陂龍溪龍江諸水由此入海海口有大石壁立上下各有六十甲子字故名宋端宗自閩航海嘗駐于此○大液水小液水皆在縣西六七十里大液源出小溪山小液源出馬鞍山皆至田心溪合流東會龍津諸水下三江口又一百里有鳳湖受鶯哺嶺赤口港之水西流入海海有旗峰山形如旗半枕海埂東南夷人入貢望此爲識有石高二丈五尺

廣東各勝志

卷之四

五

面方二丈宋大中祥符間大中大夫陳謨寓此書桂林二字

河源縣

在縣北一百五十里

南齊析龍川縣北置以縣東北有三河之源因名隋大業初以休吉縣併入唐武德五年析置石城縣尋入省宋蔣冕送熊節之知河源縣不見雲間陸士龍數年襟抱未從容客從白鶴峰前去身在蒼龍閣下逢酌別幾盃燕市酒候朝何日景陽鍾聞閣到處多民瘼下馬先應問老農○志云槎江在縣南百二十步環遶縣治自北而南縈迴如帶

其西北隔江十里有鳳凰山與梧桐山相對又有鳳凰嶺在縣西六十里高六十餘丈○平陵山在縣西八十里高五百丈有迴海巖空洞而前以火照之乃見有石竒惟水注于寶沈沈無聲深不知其極或云通于南海故名又西二十里有巖形削而峻曰景星巖○東桃嶂在縣北一百里狹窄危聳七十餘丈又二十里有平石巖夷曠可居又八十里龍山高百餘丈上有龍湫雨輒應又三百五十里有脩江石嶺險峻東南流五百五十里入槎江○聖跡巖在縣北一百七十五里其初平

廣東名勝志

卷之四

廿二

地湧出虛巖有石像在峭壁如大夫狀其上有石華蓋者一傍有石如垂旒者七○縣溫泉六一在和溪一在黃沙一在熱水一在立溪一在黃田一在康和流至藍口與藍溪今注于龍川入南海○河源有三角村村有荒塚塚外有橋曰仙女橋相傳文文山二女塚也文山詩史云丙子定娘壽娘以病死于河源之三角村方集杜詩二首以哀之按景炎改元二年正月公亡漳州聞帝在潮惠間奔赴行在八月元將李恒追公及于嶺之空坑公之夫人與二子二女皆被執公與一子奔循州而

家人械送于燕然則公先有二女道卒而後之被執沒于燕者又二女也近日副使黃軫訪知與邑令鄭敬道勤加封植而且記之

龍川縣在府東北四百里

舊經虞舜時有龍于此穿地出泉故秦置縣名龍川以趙佗爲令其治在今城東二里佗有宅在城西唐時立祠今爲光孝寺址而大業中改縣爲龍川郡唐武德五年罷郡仍置縣舊載劉鋹立祿州治此今縣西南一里有祿州故城是也宋宣和二年更名雷江紹興中復爲龍川○府志文教傳云

廣東名勝志

卷之四

廿三

隋柳旦河東解縣人大業初拜龍川守民居山峒好相攻擊旦爲開設學校大變其風煬帝聞而善之下詔褒稱○唐章昌明龍川人勵志勤學工于詞賦長慶中進士及第累陞南華宮上書宰相李逢吉責以協恭和衆之誼其切直多類此○樂城遺言云右龍川雜志公自熙寧歲謫高安覽諸家之說爲集傳十二卷紹聖後再謫三易地集傳乃成歎曰此千載絕學也時公益卜居龍川自雲棲云○唐盧綸得龍川趙司馬書寄答漳海寄雙魚中宵達我居兩行燈一紙嶺南書地說炎蒸

極人稱老病餘殷勤報買傳莫共酒杯陳僧貫休
贈雷鄉張明府任官征戰後度日寄閒身封卷還
高客飛書問野人廢田教種穀生路尋薪苦
柴桑與無先漉酒巾按雷鄉縣晉太和所析置者
至隋省入○龍穴山在縣北郡國志云舜時有五
色龍乘雲出入此穴其穴潛通于海傍人洞遙漢
書龍川縣有龍穴吳都賦目龍川而帶洞者也山
之水東北流三百里爲龍江其水四時常清會江
西安遠黃埠及洲江水環繞縣前經河源至郡城
西入于海○鰲湖在縣西北二里源出鰲山與河
源縣靈山相連峻聳秀麗如圍屏列戟高五百餘
丈周廻三百里其上瀑布三分爲潭各一俱注于
鰲湖湖中有水心寺環以蘇堤明鏡習禮詩澄湖
潌盡秋若空萬頃正面開冲融蟾光正滿水生霧
龍鱗不動天無風素鷺出舞廣寒殿蒼龍起立馮
夷宮郎官彌粹恣清賞千年勝跡懷蘇公○鰲山
之陽有白雲巖亦曰白雲山巖高廣各二丈朝夕
出雲宋余靖晉安寺記謂舊在子城西隅天禧
中鬱攸之災相土開曠行白雲山掘池數尺有古
石像七十餘軀遂劬于此○東山在城東一里

江宋淳熙初建有永山寺其山環遶縣城民居
森錯又十里玳瑁山石生黑點若玳瑁然又三十
里白鹿山舊志唐開元二十五年冬有二白鹿見
于此逐之不見掘地得晉時雷鄉令杜楚賓刻白
鹿石三字于上又七十里青龍巖懸泉千尺舊志
云常有龍蟠于中○縣東北二十里龍臺巖巨石
砥如臺臺之下卽巖也巖下爲寺寺前有池相
傳有龍蟄焉○霍山在縣北一百里舊經云高七
千餘丈周廻三百六十里峰有三百六十可居者
七十二其最著者曰太乙巖在山之中石竇穹敞
遊名山記云秦時有霍龍者龍川人避亂隱此遇
真人授以金液還生丹功成仙去後人因以霍名
山相傳唐宣宗爲僧時嘗至止焉曹松詩七千七
百七十丈丈丈藤蘿入九天西土文殊竹印跡大
中皇帝舊參禪月將河漢巡巖轉僧與龍蛇共穴
眠直是畫工須閣筆更無名盡入流傳○啓蒙石
記云秦霍龍龍川人始皇時避亂隱太乙山巖遇
真人授以金液還生丹後漢袁滂濟人名傳于世
而人因名此山曰霍山○宋徽州守休須霍山記
云太乙宮巖內有穴居會昌間穴中出米今或時

有之巖後湧醴泉極清邑人藍喬隱于此好代
笛嘗有詩云太乙宮前足我家滿牀書史作生
春深帶雨不歸去老却碧花無限花遂辭毋之京
師七年歸以金丹遺母因與母訣復去一日潮人
吳復古遇之于汴橋買瓜喬曰塵汚吾瓜當啖木
中因持瓜同投于河吳注目以視有瓜皮浮出脫
跡儼然至夜往候其館喬已酣寢嘗置紙足底令
人曳之無一破者蓋身輕故也後乃上昇空中聞
笙簫之音而逝我明永樂十三年修通志行天下
採取事蹟諸生古遊李選往霍山見此巖壁有詩
廣東名勝志卷之四 其

霍山桓佛像在仙遊峰前口清涼堂巖竇之中公
氣逼人外有天門往來田之兩漢伏照云霍山直
書堂石三教聖賢並聚于此口搗藥石在山遊
後常聞杵聲而不可見口區初邑人鄧昌齡為親
入山採藥至啓蒙介石仙臺遇一老翁展書于石
懸劍于松盤桓而卧昌齡竊視其書皆古篆不能
識翁斥之昌齡再拜乞憐翁曰子能行孝幸有此
會乃授以天文易數又指以石上之草可為藥昌
齡受教取藥而還母病遂痊因能觀天文窮易義
洪武二十年明經口正統間邑之所千戶張廣無
廣東名勝志卷之四 其

○此遺址尚有嘉靖七年夏夜有火光數丈如毯盡一更乃止六十里有九龍岡舊縣在焉○金鷄井在城西二里相傳邑人于此見金鷄掘地得泉可以蠲疾又八里有清溪河一源發于龍川一源發廣信溪其竹溪黃浦董源諸水皆注焉合而東流經潮陽入海○縣西九十里金嶺每雨溢岡阜皆沒獨此嶺形如雙魚鬚巖騰躍于巨浸中○馬牙山在城北五里以形似而名自馬牙而南四里有仙掌山其巨石有仙人掌跡又有迎龍山峰巒突起秀麗好事者標以三台五

廣東各勝志

卷之四

廿八

桂

華之目自五華而南有紫金山在縣治後邑之主山也鹿坑之水出焉○水自崎嶇而來源出丫髻山受龍母樟枋石窟鐵場魯欖諸注下至清溪○水自華陽來者源出永安上鎮而達來潭秋溪受小荊大荊琴口諸注為喬溪又受溜溪高洋諸注為陂下又受飯羅鍋口棉洋諸注為橫流渡○水自龍川來者源出永安之鵝窩受南嶺大梧小陽石溪葵埔諸注至琴口與華陽之水匯

興寧縣

在府東五里

寰宇記東晉元興中析龍川縣置唐志云貞觀中

省齊昌縣併入南漢劉鋹改齊昌府治在今縣北五里洪塘坪因使其子為守宋開寶四年廢府復為縣○梅山在城西五里有竹山一名天燭武婆城設其下五代之季四方雲擾賊乘機劫掠有武寡婦者富擅材畧因糾合村丁築城自衛又十五里有黃土嶺高十丈與長樂分界東西之通道也○神光山在城西南七里山下有隱山狀如人立是為貴人山又南二里有羅嶺宋羅孟郊聚族于此舊傳孟郊兒時牧牛長陂遇異人示之吉穴遂遷父棺以葬因結屋山下讀書夜見山

廣東各勝志

卷之四

廿九

光燄如晝又嘗滌硯于池池水盡黑後登天聖八年進士歷官翰林學士知制誥乞歸養母蒙蕭然母嘗冬月思膳郊解衣下池取魚後人因名其讀書之山曰神光山取魚池曰曾子湖明縣令祝允明神光山詩出郭南五里強翰林留得讀書堂漫漫古岫雲煙薄寂寂閒坡草木荒數點遠村鉤望目一間空舍鎖斜陽我今試向山靈問會許何年更有光○和山在縣北二十里其陽有陂石巖邑人王天與記畧云巖深廣數丈幽閒遶碧蘿為門天造地設兩峰環抱一峯背聳周道左

達丹崖石堦山雲時封石乳日滄巖中清冷如浸
○又二十里爲蚌湖舊月老蚌大數尺夜常吐光
于此六十里有寶山高六十餘丈周廻三十里勢
若樹屏峻極霄漢蓋循潮二州分水嶺也唐常袞
除潮州刺史經此徘徊不忍去土人以爲榮因名
丞相嶺有巨石如馬險中行是曰石馬洞又七
十里有鐵山嶂五峯奇峭如筆高出羣山○獅子
巖在縣西北十五里平原中南北二墩阜皆童北
少伏而南昂相去二百尺中斷于田北墩亂石齒
齒泉發石竇中氣蒸歔不可近土人溝之西南流
廣東名勝志 卷之四 王

羣嶺肥今蛟腥招鮓留今鸞鵲照編硤今倚青
巖鑄金符分望不可見有神應兮忽來滌氛妖兮
景光開紫葍兮黃羅樓紛兮龜集以歌陪牧官
兮國圖君昔樂兮今我何憂五屢舞兮鳴鶴君歸
來兮無災禍○黃牛嶺在縣東四十里路通程鄉
宋李綱常南渡初落徙萬安道出于此有詩云
深入循梅瘴瘴鄉雲煙浮動日蒼黃連年踏遍嶺
南土賴有神仙時後方○通海河自北而來凡十
二溪合流匯于城西是爲水口至是乃合長樂三
保博溪之水東南流達于潮州入海明督學林廷
廣東名勝志 卷之四 王

十尺鑿一池以資婦盥南墩石崖上巨下虛高十
尺巖半一竇如日泉飛洶洶其熱如北墩巖之中
沸如釜鳴又二十里有吉湖泉在湖傍既汎湖
潛行地中仍自石竇湧出○國泰巖在縣北四
里又四十里有龍潭龍歸洞其下有龍潭歲
歲燒鐵符沈之輒得正知縣祝允明辭蟠紫淵今
鮑惜洞房兮漂亡泥余蛇涎兮顧而下倏或躍
以歸來蒼雲驟絲霧沐云池兮擁曦輅扣天門
矯首逝孽螭胎兮挾珍以嬉翺九縣多靈娛穴
泓兮閻沈虛霽爲宵兮露爲體邦之富兮稷薺

玉詩百年浮世夢一葦越江船水見平還長山疑
斷復聯鳥聲催淑氣柳色染春煙何處漁歌發悠
然夕照前○章綸有次興寧作長途一舍是興寧
城郭依稀曉趣增野水遠峰收夕照竹籬茅舍見
孤燈翰林人物家何丞相輪蹄嶺尚稱自古不
知誰覽轡江山從此合清澄右攬轡亭去縣四十
里

和平縣在府東一百八十里
正德十三年都御史王守仁疏略云龍川縣和平
兩地方定山林深險之所盜賊屯聚之鄉四縣交

界之隙三省間餘之守之足以控制諸賊之咽喉不守則爲狐鼠之窟穴于是乃割龍川縣三里河源縣一里建縣于和平嶺巡簡司而修巡司下測頭○東山在縣東周圍三里形若展旗高百餘丈古識云東山成市公卿立至○五花嶂在縣北二十里高五百餘丈下湯坊之水出焉計七十里石有蠟燭峰在岑岡之地高八十餘丈周圍五十餘里又十里有測頭山測溪之水出焉水旁多奇石卽今立巡司處又十里有羊角山相傳山有金鼓聲金鼓兵起鼓則兵息又十里有九連山高峻

廣東名勝志

卷之四

三

蒙密東連龍川河源南連博羅增城龍門從化西連乳源翁源北連贛州龍南秋冬虫蛇入穴賊備乾楔入山連月可藏至春夏則不能以此爲候○龍歸巖在測頭曲潭口闊丈餘入不可量我嘉靖六年推官李喬木征賊至此乘炬入三四里照見壁間有景炎元年龍川主簿嚴某題一絕句字模不可讀○蕪子巖去縣一百五十里其巖深廣可藏五六百人○仙女嶂在縣東北二十里高二百餘丈上有奇石如人儼立旁有數足跡又三十里有紫雲山高五百餘丈周圍八十里形如卓筆

頂有丹竈朝夕紫氣蒸騰又十里烏虎山其下鎮水出焉源出紫雲嶂會諸小水合和平水入龍川河也

廣東名勝志卷之四終

卷之四

三

廣東名勝志卷之五

閩中曹學佺能始撰

潮州府

在省城東南七百里

領縣十

漢南海郡有揭陽縣元和志云晉義熙九年于此立義安郡及海陽縣隋廢郡置潮州治海陽唐天寶中改潮陽郡乾元元年復爲潮州其治在金山之麓通衢置驛元和間知潮州韓愈路傍賦詩堆堆路傍埃一雙復一隻迎我出秦關送我入楚澤千以高山遮萬以遠水隔吾君勸聽治照與日月敵臣愚幸可哀臣罪庶可釋何當迎送歸綠路高

廣東名勝志

卷之五

歷歷攷志有韓山韓祠俱見後

海陽縣

附郭

周書王會海陽大蟹註海水之陽以此貢獻益螭蚌鉅者晉義熙九年置縣因以爲名唐殷堯藩寄海陽張明府詩春草正萋萋知君道惡溪罵將吉了語猿共果然啼別路竟將斷還家夢幾迷定尋雷令劍應識越王簪樹色多于北湖聲少向西榴花好爲酒誰伴醉如泥○金山在縣治後形如覆釜高四十丈周廻三里有小湖舊傳有金姓者居之故名宋祥符間知州事王漢始闢其勝仍自

爲記上有獨秀西輝鳳凰三亭及隱石仙遊洞諸勝竹木葱蒨荔枝尤盛舊傳有交趾道士年近百歲渡海船壞結菴于此養一鷄大如倒掛子置枕中啼卽睡覺又一胡孫小如蝦蟇以線繫几案間道士飯已卽登几食其餘又有龜狀如錢置金盒中時出戲衣褶後不知所之○韓山在縣治東頂有三峰形如筆架韓文公守潮嘗遊此因名有文公祠祠傍有木郡人以其花之繁稀卜科第盛衰因名韓木竹坡詩話云韓木在文公祠去祠十數步種之輒死宋學士王大寶贊并序畧云亭隅有

廣東名勝志

卷之五

二

木蚪幹鱗文葉長而傍稜相傳韓公所植人無識其名故曰韓木舊株旣老顛更滋蕃遇春則華或紅或白簇簇附枝如桃狀而小贊曰召公之棠孔明之栢旣詠勿剪且歌愛惜瞻彼韓木是封是沃匪木之瀆德化惟服化隆而乎華繁以符邦人勵之此理匪誣宋陳堯佐詩侍郎亭下草離離春色相逢萬事非今日江山當日景多情直擬問斜暉劉允詩惆悵昌黎去不還小亭牢落古松間月明夜靜神遊處三十二峰江上山楊萬里詩老大韓家十八郎猶將雲錦製衣裳至今南斗無精彩只

放文星一點光○韓江在韓山下源出汀贛會于
三河合產溪九河鳳水過鳳樓峽經鱷溪至于江
運老鴉洲分流爲三八海而東湖在其陰卽韓山
之後○鱷溪一名惡溪一名意溪有鱷魚四足黃
身脩尾其形如鼉似龍無角似蛇有足口森鋸齒
其運尾猶象之運鼻尾有三鉤極利遇人豕以尾
戟而食之生卵甚多或爲魚鼉之屬昌黎公知潮
州以一羊一豚投溪水爲文祝之其略云今與鱷
魚約盡三日其率醜類南徙于海三日不能至五
日五日不能至七日七日不能是終不肯徙也刺

廣東名勝志

卷之五

吏則選材使吏民操驅弓毒矢以與鱷魚從事必
盡殺乃止祝之夕暴風震雷起溪中數日水盡涸
而徙六十里自是潮無鱷患○宋咸平間通判潮
州陳堯佐戮鱷魚文畧曰疏黃張氏子與母濯于
江溪鱷魚尾去其母號不能救予命吏操巨網馳
往捕之二吏投網止伏不能舉由是左右前後凡
百夫曳之以出緘其吻械其足檻以巨舟順流而
至旣而鳴鼓告之以罪誅其首而烹之辭曰水之
惟則曰惡兮魚之悍則曰鱷兮二者之異不可度
兮張氏之子年方弱兮尾而食之胡爲虐兮斃

毋氏俾何說兮予實命吏顏斯忤兮害而弗去道
將索兮夙夜思之哀民瘼兮趕趕二吏行斯恪兮
矯矯巨尾迎而搏兮獲而獻之俾人樂兮鳴鼓召
衆殺而斯今而今而後津其席兮○湖山在縣西
北一里舊名銀山以山下爲西湖故更今名高約
五十餘丈周圍十里唐貞觀間御史李宿建浮欄
亭于上邵人黃景祥記云鱷渚繞其前浮圖矗其
巔環顧則平林疊嶺紛然獻狀俯瞰則萬家鱗次
萃于一盼陳堯佐遊西湖附郭水連山公餘獨往
還疎煙漁艇遠斜日寺樓開紫馬芭蕉外移舟蒨

廣東名勝志

卷之五

四

昔聞天涯逢此景誰信自開顏林標前題鏡隘平
處小橋西橋外輕鷗掠鏡飛鑿破青雲放山出撥
開碧蘚引湖歸帶煙柳陰雖瘦趁雨裁花綠已
肥欲借禽魚祝君壽君恩寬大此情微○鳳水在
城北一名鳳凰溪源出鳳山匯于鱷溪○三利溪
自海陽附郭而西歷潮陽揭陽入海其間迤邐曲
折殆千里三縣利之溪以是名又有楓溪新溪源
出西湖諸山俱來匯焉仍潛于鳳塘達于楓口逕
入于海見大學士李東陽記○急水門在縣南二
十里源發汀贛循梅南流合雙溪入海兩山夾峙

中抵大石水勢湍駛故名元至元二十五年三月忽一總角老人杖屨至城南門欲入守者却之老人曰如信我能捍爾一城之患不然大難將及隨同見一婦人汲水登岸求飲婦人嗔詈不與老人以杖扣桶水立涸守門者自于官遣人執之未至老人以杖投水踏杖浮去是年寇陷城○桑浦山在縣西南六十里高約二百丈周圍五十五里勢如蜿蜒其山產茶止麓多桑○又十里爲其露巖上有白石巖其形屈曲不可名狀相傳有孝子廬墓于此而其露降故名巖前有玉簡峰與縣治相對

廣東名勝志

卷之五

五

潮陽縣在府西百四十里

晉義熙初析揭陽縣地建縣在今治西十五里臨崑山唐永徽初省先天復置元和十四年刺史韓愈遷于棉陽卽今所也○東山在城東三里與韓山相接疊嶂層巒奇形怪狀上一巨石有七孔如北斗中孔出水冬夏不涸有方廣洞石壁嵯峨清虛曠達有五雷壇石室之門隱像如雷形者五有累石通衢者曰望仙橋有二峰曰雙旌石有泉瀑下番曰水簾山之麓有雙忠祠舊志云宋熙寧中

郡遣軍校鍾忠者貢方物于朝道經睢陽張巡許遠廟是夜夢神告以殿後有神像十二銅鞮一錫可奉歸潮陽東山岳寺之陰有大石屹立于其上下建祠英歸如其言置之俄而立化是後數有光怪見于岳麓僧白之有司乃移寺以宅神事聞于上賜廟額曰靈威文天祥有留題○西山在城西十里形勢巖崿下有石室名海潮巖又西十里曰曾山雙峰並峙亦名雙髻山出海望之愈高產文貝紫藻朱文可以解毒唐僧慧照者曹溪之派也棲處于西山信豐縣有童子曰惟儼自幼好獨坐如思如念年十七至此事照公落髮披緇所著有

廣東名勝志

卷之五

六

復性三書李紳爲之銘曰曹溪實歸般若觀妙體是宗極湛乎返照宋余靖題慧照小影已向南宗悟猶于外學精士林傳字法僧國王詩盟初地形容古彌天語論清寧同支遁輩徒擅養鷹名○大湖山在縣東南十五里山下龍潭禱雨輒應韓昌黎集有祭龍潭文卽此○練江在縣西南源出雲落山東流至隆井匯而爲江紆廻如練東南入海有山枕江曰石龜山又南十里平地突起一山曰神山自縣治中出有西豐水水中有銀石臨水俯

視穴中如挈疑然○靈山在縣西二十五里其下有卓錫泉唐僧大顛所居顛生而神異齟齬時依止慧照元和間得法希遷旋歸立禪院于靈山出入猛虎隨行手植荔枝千餘株以銅壺灌之皆遍韓愈與孟簡尚書書云有一老僧號大顛頗聰明識道理故自山召至州郭留十數日因與往來後愈以祭神至海上遂造其廬及去留衣服與別長慶中大顛跌坐而逝有啓其塔觀之惟見一鏡元周伯琦詩懸磴丹梯繞依巖佛閣孤海天明似鏡山市靜于圖柳影清泉穴松風拂座隅贈衣留別

廣東名勝志

卷之五

七

七

處撫舊更脚蹯王翰詩一洞煙雲紫翠深上方臺殿鎖秋陰懸崖老樹鳴天籟落澗飛泉響石琴往事只今成感慨浮生何幸得登臨留衣堂上三更月照見昌黎萬古心按文公年譜韓郁注云潮州靈山所刻○通志載文丞相駐潮陽集杜詩云寒城朝煙淡江洙擁春沙羣盜亂豺虎回首白日斜未幾被執即服腦子約二兩不死脅護入舟之燕後竟被誅○外紀又引八閩通志友石山人王翰三世仕元爲上千戶元亡死之臨命賦詩曰肯在潮陽我欲死宗嗣無系我無干彼時我死作忠臣

覆宗絕祀良可耻今年辟書親到門丁男屋下三人存寸亦在手不顧惜一死了却君親恩翰字用文蓋嘗爲潮陽總管云

揭陽縣

在府西南八十里

水經注員水又東南一千五百里入南海東歷揭陽縣王莽之南海亭也按輿地志東陽王象之云兩漢志皆有揭陽縣而晉志無之是至晉而廢矣宋朝會要宣和三年割海陽三鄉置揭陽縣紹興二年廢八年復置初治于隘陞村不果改于王寮村而兩漢之舊治不可考按今縣西北一百五十里

廣東名勝志

卷之五

八

十里有揭嶺是必在此嶺之南也又按秦始皇伐百粵使史祿轉餉祿因畱家揭嶺子孫以史爲姓傳至史定爲揭陽令及呂嘉之亂而定先降漢封定安道侯則舊治在揭嶺之陽無疑○北山巖在縣治北有石周圍十餘丈懸峙山麓爲巖其中寬廣可容數十人巖側泉流奇石種種十里有山其土色黃曰黃岐山下有石湖又有二巖東爲竹岡西爲松岡巖有石門左右有二石室宋邑人陳希偃讀書于此元祐間舉經明行修第一士人目爲廣南夫子後鄉人因名竹岡曰夫子巖○揭嶺在

治西北形勢巖巖南北二支直抵興寧海豐或謂
五嶺之一非也嶺之南爲瘦牛嶺一名雲落山嶺
之西爲飛泉嶺壁立萬仞周廻數十里有泉飛空
而下逕過長樂此惠潮關隘朱晦菴書落漢鳴泉
四大字于嶺亭曰揭嶺西北有貴人山隋時義安
郡丞陳洪富居于此洪子政以武功著政子元光
鎮撫漳潮贈豹韜衛大將軍鄉人以陳氏累世貴
顯因各其所居爲貴人山村曰貴人村宋楊萬里
瘦牛嶺詩行盡天涯意未休循州過了又梅州平
生不慣乘肥馬老去須教躡瘦牛朱熹飛泉嶺詩

廣東名勝志

卷之五

九

梯雲石磴羊腸繞轉經飛泉碧玉斜一路風煙春
淡洎數聲雞犬野人家右晦菴墨蹟在予家前灌
縣令雷叔聞所贈○桑浦山在縣東百里突起海
濱形勢崔嵬跨海豐揭陽二縣爲東南巨鎮有洞
曰桃源又有小桃源棋盤丹竈仙人跡甚夥有巖
曰寶雲曰白雲有寺曰無相曰內觀曰甘露曰弱
水曰龍山山頂有三石塔形製甚古又逶迤一百
餘里有菱池山三峰插天中有深池數十畝林木
巖泉之勝甲于境內其下有石峰形如獅子中可
容千人以杖撞之傳聲響應○玉窖溪分南北二

派旋遶縣治南入于海南溪源出海豐長樂二縣
分水並流經三山百折而東過玉窖至浦灣渡北
溪源出程鄉長樂分水界流經貴人飛泉諸山水
過玉窖至浦灣會南溪入海

程鄉縣

在府西北
三百里

南齊志義安郡下始有此縣是時有程叟者素以
忠信結人人服其行誼有不平者不往訴官輒質
成于叟至望其廬而改過者有之因名其里曰程
鄉至是亦以名縣南漢劉氏于此置敬州宋開寶
四年避眞祖諱改名梅州熙寧改爲梅州路領程

廣東名勝志

卷之五

十

鄉一縣置總管與潮州同後復爲州屬潮我明併
州入縣○攷宋紹聖初黨禍起劉安世謫梅州章
惇蔡卞必欲殺之因使者入海島誅陳衍諷以脅
安世自裁安世不爲動又擢一土豪爲轉運判官
使殺之判官疾馳將至梅梅守遣客來勸安世自
爲計安世亦不動對客飲酒談笑徐書數紙付其
僕曰我既死依此行之顧客曰死不難矣客密從
僕處視之皆經紀同貶死者家事甚悉判官未至
二十里嘔血而斃○梅溪源出龍川合諸流東南
會于三河入海溪南有號曰老溪者卽梅溪故道

也○程江在縣西北七里源出義化歷石坑會于梅溪以其水自程岐鄉來故名傍有百花洲周廻數百步相傳洲東有五色水絢爛如錦謂之錦江南流五十里爲小溪源自汀贛來又三十里爲松源溪源自汀杭來過此爲蓬萊灘濤浪洶險聲聞數里一名曉甲溪昔韓京帥師平寇至此舟誤中石鏜甲盡沈京怒期次日擊石鏜甲盡浮水上故名○東巖在城東六里廣三丈高一丈餘中明而坦有石鼓水簾之勝宋邑人藍奎讀書于此奎性強記書不再閱嘗有詩云慨思身外無窮事願讀

廣東名勝志

卷之五

十一

宋

人間未見書後登進士受詔校文福州文章氣節重于一時稱藍夫子又十里有百花山山勢起伏相連如城堞高十餘丈與百花洲相掩映其下爲岡溪南流會于梅溪昔有羽流隱此山辟穀後尸解畱偈云形容陋古守真無取海底明月照破秋浦山中有仙花嶂或見有花開其上形如蓮大約丈餘其色白則人安色紅則人災屢試輒驗有黃叟者採茶于山見二人對奕拱立其傍奕者曰若知山有虎乎因遺以卷石忽失奕者已而叟得石果有虎叟擲石虎遁去拾石歸則已三年矣投石

于湖湖卽酒仍諦視石乃白金也叟自此絕粒不知所終○石室洞在縣北九十里穴竇深二十丈許中有石鼓石柱天牕之類又東北七十里有游曠巖有石鐘鼓仙人鉢盂鞋跡○南田洞在縣西北一百二十里幽邃深邃人跡罕至奇葩異果多不知名採于山者間或遇之其美可茹有懷歸者則迷而失道○城西南五十步有六日龜池廣十二丈深五尺宋嘉熙中有龜六日出沒其間故名○城西一里有會井南漢時縣令會芳以仁愛爲政因民苦瘡給藥愈之而來者接踵乃以大藥藥

廣東名勝志

卷之五

十一

投井中今民汲水飲之皆愈井以是名宋皇祐間狄青征儂智高經此軍士疾癘禱井水溢出飲之盡愈旋師奏凱首以爲言仁宗降制封芳忠孝公且賜飛白書會氏忠孝泉五字旌之○通鑑紀要云程鄉有梅口鎮與閩省汀州接壤五代梁龍德時僞越帝劉巖用術者言幸梅口鎮以避災閩將王延美遣兵襲之巖遁逃僅以身免巖後改名龔又名龔

饒平縣

在廣東
三百里

海陽縣東北二百里有地曰三饒瀕海倚山其民

標悍一有倡亂彼此響應雖屢屢征勦餘習尚存
我成化十四年都御史朱英吳琛疏請析海陽八
都置今縣建沿于下饒名曰饒平○大金山在縣
治北其支爲琴峰又三里曰尊君山一名將軍山
○桃源山在縣西北十里上有龍潭又十里爲九
嶼山巒峰頓伏九折抵大埔縣界桃源之水北流
二十里繞縣城隍山而下九嶼山之水南流五十
里至縣東山兩山對峙爲河門又有程鄉縣梅峰
之水從天馬山下赴河門合三溪流十里爲大石
溪勢始湔湔而有巨石如獅蹲虎踞故名又十里

廣東名勝志

卷之五

五

木

爲湯溪溪名磐石中流有一石竅湧出溫泉故名
流經東洋屯十里爲燈塔溪會大榕小榕湊段三
溪又三十里爲黃岡溪合三溪入于海○鳳凰山
在縣西北四十里山多相思樹樹中有神被髮迅
足水流山下曰鳳水○蓮花山在縣西南九十里
一名白石山山巒五開若蓮花故名又六十里有
雙溪一名樟溪溪出青峰東流四十里與黃岡溪
合一名秋溪入南灣中有石龜潭是爲雙溪至龍
眼城會小江溪入海○大尖峰在縣東南一百里
峰巒筆立爲高崖棚之鎮東有大堤棚近鳳髻山

又東則虎嶼獅嶼西有大港棚則近煙樓山南有
柘林棚則近柘林灣中有紅旗山四棚之中設大
城千戶所其東南有鯉魚山又二里有紅羅山灣
港通于潮汝蟠蜒四十里爲一方開隘柘林灣在
其南暹羅日本及海寇常泊巨舟于此○又十里
爲南灣山在東南南海中舊志形如筆架周圍二
百里內三灣曰青曰深曰隆卽長沙尾也延袤三
百里我嘉靖末郡守葉元玉得宋陸秀夫遺譜于
其裔孫陸大策處兵燹之餘僅存二葉有云墓在
湧山青徑口又云公四子有曰繇者好漁獵被逐
湧山青徑口又云公四子有曰繇者好漁獵被逐

廣東名勝志

卷之五

五

木

遂家于海島及崖山之變秀夫盡驅妻子赴海而
此支幸存其後子孫散處郡境大策嘗訪其族人
于海邊沙岡耆老引大策入左畔青麻園指其地
曰此學士館遺址也其蓮花石礫約丈許天井階
闌次第如故但云墓在湧山北青徑口而此處海
面有隆南青深四灣不知屬何方耳

惠來縣

在府西南
三百里

潮陽縣之惠來諸都海豐縣之龍溪諸都其地東
南臨海西北盤礴萬山各去縣治遠甚勾攝不服
盜賊橫發嘉靖四年乃析其地置惠來縣治淦尾

○虎頭山在縣東北里許兩石夾峙如門其中空
洞外伏若昂其首又七十里有金剛髻山尖峰秀
拔漁舟歸海上視此爲準○釣鰲山在縣西南二
里臨江多巨石又五十里有石人山其山有大石
如人下出指銀石○赤山在縣東南三里平埔突
起其土色赤石上有仙人跡其下有赤山院林春
秀詩亂山迴竹徑古樹八招提曉露侵苔滑春雲
壓帽低條風鳴劍佩液雨足耕犁共十豐年兆晴
空隱斷霓○又三十里爲銘湖巖山麓有石寬平
數丈盤蓋爲室南北相通中可容百餘人石上有

廣東名勝志

卷之五

五

神仙跡巖前紫石爲門明林遜詩巖穴神仙宅山
門向頂開白雲閒不鎖留與鶴歸來○葵嶺在縣
西北十里頂如覆釜有石對峙如人又七十里爲
啖嶺盤徑紆曲不可名狀○百花山在縣城東三
十里中有林木四時多產奇花有同株而紅紫異
色者一名百花林又十里有光華溪源山釋迦嶺
經虎頭山至神泉入海又二十里有黃岡山其勢
巉峻有峰隆然雄峙海表○縣南昌山之陽有神
泉港中有大石潮沒而沒見人謂之石龜又四十
里有赤沙灣沙堤可蔽海濤而海艘多泊于此

大埔縣在府東北

百六十里

饒平縣之濠洲清遠二都東連福建平和縣北接
上杭永定二縣西距程鄉縣南抵海陽饒平其地
荒曠谿峒險阻晉義熙間置義招縣于清遠之湖
寮村隋大業間改名萬州唐廢入海陽我明割
入饒平其西北則晉綏安縣地盜起往往蟠結于
此我正德六年清遠都山獠張白眉依山結營分
隊剽掠嘉靖二年悉剿平之始以濠洲十一圖清
遠九圖置縣以控制之治大埔村因名○茶山在
治北城垣半跨其上陳獻章寄茶山隱者詩江門

廣東名勝志

卷之五

六

白藕花我榻廬山頂君若去茶山茶香誰復領○
縣南里許白蓮洞中有小巖其陽有神泉河源出
汀州府經上杭磴頭奔激出叢石中西流橫帶縣
前會永安小靖二溪達三河入海○伏虎山在縣
東北里許一名石柱山數峯聯絡其首者形如伏
虎西臨大江東繞小溪中有高峰如柱故名又三
十里曰閭羅石右達福建永定縣界左達上杭縣
界其石欹側如碑甃人騎難涉○風波嶂在縣東
二十里高四百餘丈周廻四十里其下有大靖溪
一名漳溪源出永定三官山紆廻數十里繞縣北

流入神泉河會小靖溪統縣治西流爲大河○大河源出大河山在潯州都諸村之中高百餘走周迴四十里其西爲大河故以名山大河本神泉河合永安小靖二溪西北三十里入三河三河者一派自汀杭北注一派自長樂西注一派自平和東注三水交會南下達府治入海○三河有永驛正德九年降編修王思爲三河驛丞時上御獸被傷閱月不視朝無敢言者思具疏以諫有旨降邊方雜職云○南棟山在縣南二十里其前曰積龍山巖谷盤互如龍之交又五十里有萬川故城

廣東名勝志 卷之五 七

基址猶存一百五十里有西巖山巖中有堦垣亭臺及石牀鑪竈瓶孟之屬山半有泉下注龍潭又南有清遠河源出福建象湖山流會梅子潭注爲小溪○蛟潭在縣西北五十里其深莫測相傳昔有蛟孕其中後來風雨騰去又二百里有高昌山一名梁山半跨福建漳浦縣其下有綏安溪南越志綏安縣北有連山漢越王建德伐木爲船其大重千石以童男女三千人舉之旣而人船俱墜于潭時聞有唱喚督進之聲又有青牛馳回與船俱見卽此

平遠縣 在府西北五十里

嘉靖四十年割武平安遠興寧上杭四介之地置縣以壤接武平安遠故名平遠屬江西贛州府四十二年還三縣割地止析興寧之大信都與程鄉之義化長田石窟石鎮四都爲縣屬潮州府○按石窟溪源自武平東流會漁子渡東入之河而縣西且界有頂山乃其主山也○龜山在縣南三里我嘉靖末頂山忽作炊爨聲響振林木龜山復作鵝聲應之未幾賊亂邑里殘破

普寧縣 在府西南四十里

廣東名勝志 卷之五 十八

嘉靖四十三年析潮陽縣之西洋烏滅黃坑三都置普安縣萬曆十年以洋波二都還潮陽今止一都改今名○崑山在治北潮陽志有臨崑山疑卽此也又有平地突起孤峰者爲洪山○金山在治東其南峰巒多峭特者爲鐵山

澄海縣 在府東南六十里

嘉靖四十二年割海揭饒三縣共七都置○鳳山在治北十里以形似名又有其巖山在治西北七里相傳宋太子避元兵過此設行在或名黃子側山○小萊蕪山在治東十里海中一名雷子山突

二十里有大萊蕪山一名雙髻山○三川溪在治北又有大洲港飛錢港而三川溪之一里通玉帶溪○橫隴溪在縣西北二十里上通韓江分二派以繞縣治○鳴洋海即大洋也聲起若雷東風西雨海人候之

廣東名勝志卷之五終

十九

廣東名勝志卷之六

閩中曹學佺能始撰

肇慶府在省城西二百里領州一縣十

漢蒼梧郡地梁大同中置高要郡以陳霸先爲高要太守是也隋開皇十一年廢郡置端州宋紹聖三年封遂寧王侁爲端王及徽宗卽位陞端州爲興慶軍重和元年改爲肇慶府至今因之○唐賈至送陸協律之端州越井人南去湘州水北流江邊數杯酒海外一孤舟嶺嶠同還客京華卽舊遊春心將別恨萬里共悠悠韓翃送端州馮使君白

廣東名勝志卷之六

一

香風流似有鬚一門豪貴領蒼梧三楓亭暗橋邊宿八桂林香節下趨玉樹羣兒爭翠羽金盤少妾揀明珠懷君樂事不可見駿馬翩翩新虎符張說還至端州驛前與高六別處有感舊館分江口悽然望落暉相逢傳旅食臨別換征衣昔記山川是今傷人代非往來皆此路生死不同歸宋之間至端州見杜五審言沈三仝期開五朝隱王二無競題壁慨然有懷遂臣此地承嚴譴謂到南中每相見豈意南中岐路多千山萬水分鄉縣雲從雨散各鸞飛海濶天長音信稀處處山川同瘴癘自憐

能得幾人歸宋黃公度自恩平還松蘿山四山如畫
古端州州在西江欲盡頭謾道江山解留客老人
歸思甚東流又松菊壺山手自栽三年羈宦客松
臺無端却被東風誤又作恩平一夢回○志云包
公井在府廳之東宋康定間郡守包拯所鑿其水
清冽以比公之潔操云又有義井距府治東八十
步相傳亦包公鑿者井欄上刻嘉定癸未字尚存
○府治有清心堂孝肅公建黃公度詩千里有餘
办一堂聊賞心近虛延遠吹簫敞受繁陰休吏簾
初下忘懷機自沈人間足塵土無路到清襟

廣東名勝志

卷之六

二

高要縣

附郭

兩漢蒼梧郡下俱有高要宋文帝時縣廢復建于
隋開皇中故址在今縣東南九十里以高峽山爲
名按志高峽在城東三十里高百餘仞周十里與
爛柯山對峙江流至此夾束而小一名高要峽舊
傳山有靈羊每出鳴風雨隨至又名靈羊峽三國
吳交州刺史步騭兵取南海劉表大將衛毅逆戰
于此兵敗赴水死者千餘人水中有亞斐頂鈎魚
臺皆最湍急處唐沈佺期峽口寺賦峽山精舍端
溪妙境中有紅泉分飛碧嶺若乃忍殷臨岬禪堂

枕江桂葉薰戶蓮花照牕銀兩獅子之座金刹鳳
凰之柱野鹿矯而屢馴山鷄愛而頻舞千層古龕
百仞明潭旛燈夕透杖鉢朝函炎光失于攢樹涼
風生于高竹仙人其天樂俱行花雨與香雲相逐
法侶徘徊齋房宴開心猿久去怖鵲時來走何爲
者竄身炎野旋旆京師維舟山下稽首醫王心悟
辱而知恐迹繫窮而辨方嘉邇來之放逐謂吾生
之津梁楊衡經端峽詩陰岸東流水上有微風生
素羽漾翠澗碧苔敷丹英重林宿雨晦遠岫孤霞
明飛猿相攀牽白雲亂縱橫有客泝輕舫閱勝匪

廣東名勝志

卷之六

三

羈程逍遙一息間糞土五侯榮舉若庶燭熱漱泉
聊析醒寄言綠竹者誰識松風聲宋郭祥正雙峽
天開控江水水自牂牁來萬里端州正在雙峽間
石室松臺壓孤壘元范梈權郎得便泝清流忽報
舟前晚霧收蠻語酬人翻自苦好山不敢問何州
○爛柯山一名柯斧山舊傳王質觀碁處一名端
山峽之對山也高數百仞周五十里其上俚人所
居下爲端溪隔溪有二巖石可爲硯南越志云端
溪俚人班入山遇一寶珠徑五寸取還夜光明燭
照俚人甚懼以火燒之雖少損猶照一室吳錄曰

端溪有端山山有五色石石上多香木視史云巖有四下巖上巖半邊巖後礫巖穿洞深入不論四時皆患水浸治平中貢硯取水月餘方及石自仁廟已前賜史院官硯多是其後歲貢惟上巖蘇易簡硯譜云端溪硯水中石色青山半石色紫山頂石尤潤傍如猪肝色者佳東坡筆錄云黃黑相間鑿睛在內晶瑩可愛謂之活眼四傍浸漬不甚睛明謂之淚眼形體略具內外皆白珠而無光彩謂之死眼活勝淚勝死勝無唐李賀詩端州石工巧如神踏天磨刀割紫雲備列抱水含滿唇暗

廣東名勝志

卷之六

四

灑長弘冷血痕紗幘晝暖墨花馨輕漚漂沫松麝薰乾膩薄重立脚勻數寸光秋無日昏圓毫促點聲靜新孔硯寬頑何足云○志云縣北五十步爲寶月臺平地突起高二丈周一里星巖石室宛在目宋人建星巖書院于其上攷南史陸法和江陵人人高要紫石隱焉一日忽無故去已而蠻賊果亂人皆服其先見卽今之石室也○定山在縣北六里聳石廣六十餘丈高二百餘仞詳之崧臺下有石室南北二門狀若人功自生風煙其中室櫳約高五丈餘寬廣可坐百餘人深入北向高巖

通明幽昧之旁其左一穴持火入數十丈內有龍井龍牀龍磨角石其右一穴亦用火入十數步北轉石隙漏光可容出入其前有浦名高星號曰神仙下都連屬有七星巖七區曲折列峙如北斗中爲石室巖東逾瀝湖半里爲屏風巖又一里爲閭風巖石室西半里爲天柱巖一里爲蟾蜍巖又一里爲仙掌巖西北二里爲阿坡巖延袤幾十里瀝水環流其下可通舟楫唐李邕記云高要郡北五里有石室詭恠萬狀崆峒其中發揮靈蹤盤薄厚地皆神仙之窟宅爲區宇之盛概有巨石蹲獸之

廣東名勝志

卷之六

五

類疊花仰空的礫瓊脂色如截肪傍引穴竅疑爲洞門橫聳石牀出次仙座東廂峭壁下有涵泉漲澄鏡色味輕瓊漿東西倚山之陽二十餘里西通武林東抵羚羊峽宋陶翼記云高要郡北石室崕斷穴露呀然而闢斷嵌空剝截薛掀屑顛割巨石頑青老碧將墮復屹交撐互指如竦如立龍蛇盤蟄煙雲出沒中敞平地廣畝側環翠壁踰仞滴乳成柱凝藍作蓋若非神驅鬼役鑿空架虛不棟不榱疇克其壯又不知列仙移來真宰鑿出吁其偉乎□古今題名云長慶四年李紳以吏部侍郎貶

官至此寶曆元年二月十四日携家來遊
官周惇願縣寧五年壬子七月二十五日遊軍事
推官譚允高要尉曾緒同至元符改元端午日舟
山蘇賦挈家來遊明嘉靖丁亥臘月之朔新建伯
餘姚王守仁來遊唐耿漳送人歸南海遠別悠悠
白髮新江潭何處是通津潮聲偏懼初來客海味
惟甘久任人漠漠煙光前浦晚青青草色定山春
汀洲更有南迴鴈亂起聯翩北向秦李郢送人之
嶺南開山迢遞古交州歲晏憐君走馬遊謝氏海
邊逢素女越王潭上見青牛松堂月照啼猿曙石

廣東名勝志

卷之六

六

室煙舍古桂秋迴望長安五千里刺桐花下莫淹
留明解縉詩桂木東邊渡石橋酒旗村巷見漁樵
叢祠歌吹迎神女古廟蘋蘩祀帝堯附郭有山皆
積玉星巖無路不通霄日長衣繡觀民俗行樂光
輝荷聖朝○石洞在七星巖之左穹窿宏敞前後
二門頂開中竇巨石覆其上春夏間潦水泛溢島
峙平沒惟此洞高聳特出水中沈佺期題江上石
家在東京裏身投南海西風煙萬里隔朝夕幾行
啼墳壠無由謁小華喜重躋炎方誰謂廣地盡覺
天低百卉雜殊惟昆蟲理賴睽閉藏元不替提落

友生黃瘧瘴因茲苦窮愁益復迷火雲蒸鬱霧陽
雨濯陰霓周乘安交趾王恭韞畫題少寬窮湘鮒
猶慙觸藩抵配宅降州解班苗接野畦山空視圖
象江靜見遊犀翰墨思諸老裁縫憶老妻小兒應
離襍幼女未攀笄夢蝶翻無定著龜詎有倪誰能
竟此曲曲盡氣酸嘶○北山在縣東北七里高千
仞盤亘百餘里爲府治後山峰巒聯屬若屏障然
其中一峰屹立雄偉名將軍嶺又十里曰獅子岡
中峰嵯峨陵阜盤鬱前有石洞圓秀如獅子抱毬
狀又二十三里曰頂湖山高千餘仞周圍數百里

廣東名勝志

卷之六

七

山頂有湖四時不竭其勢森聳攀躋莫至相傳有
樵者于山中拾得一大卵下至山半雲霧四起雷
電迅發還卵舊所天乃開霽山有五色茜草及頂
湖臺○銅鼓山在縣南十里高千仞周三十餘里
府治之案山也山有赤石如鼓扣之有聲久晴山
色冥迷則雨久雨山色鮮露則晴又三十里曰神
湖巖南北二巖相向南大北小大者高廣三丈餘
深十餘丈其南有穴窺之黯黑匍匐入二丈方可
行穴愈深而風愈猛神凄骨冷不能久留小巖深
廣減大巖之半內有石罅仰視見天巖口有井甃

時不竭旱禱輒應謂之龍井此巖土山戴石峭立如壁類神功也○縣西七里曰白沙岡舊建枕柳亭于上唐李翱留題云翱與監察御史韋君皆自東京來嶺南始偕行翱及江西韋君已前行矣至枕柳亭見所紀姓名且有念我之言不勝感慨○又二十三里曰洲峽山在桂林都高數十仞周八里羣峰列峙水流其中類于瀟湘故名又六十里曰望夫山高百餘仞周百里屹然際天郡國志云古端州望夫山卽此也又十里爲騰豺山其山有獸如沐猴之類似人髮覆面文選賦有騰猿卽此

廣東名勝志

卷之六

八

○西水自廣西三江而來經封川德慶繞郡城而東南注于海每逢雨則江漲暴至且爲險羊峽所束郊原皆溢諺曰水憂釣魚臺上下不通來釣魚臺者峽中山也峽江旋東溢爲渦塘皆有魚人恣取之併多得蟹西水退盡蟹亦蛻殼諺云西水漫漫魚蟹滿盤卽此唐張說端州別高六詩異壤同羈竄途中苦過愁來時舉酒勞罷或長歌南風海潮壯西江瘴癘多於馬復分手此別傷如何○蒼梧水一名典水闊十二丈源出爛柯山不瀑布東流屈曲二十里入大江○宋崇水源出良

村都西北流至宋崇渡口入大江鶴鵲峽水注焉宋崇原名宋隆劉宋元嘉十八年立郡于此隋開皇間廢其曰宋隆者聲之轉也○新江口源出新興山溪北流百四十里至新江都入大江江口有鶴鵲亭遺址搜神記云漢九江何敞爲交趾刺史行部至高要宿于此夜有女子呼曰妾本廣信縣女蘇氏名娥嫁爲同縣施氏妻夫死有雜繒與婢致富帶之旁縣日暮爲亭長葉壽刺死令埋樓下敵乃掘屍捕壽具伏族誅初發屍時有雙鶴奔其亭故名

廣東名勝志

卷之六

九

四會縣在府城北西漢地里志南海郡下有四會縣以其東有古津水濱江西有建水北有龍江四水俱臻故也宋文帝元嘉十三年置綏建郡于此又析四會縣地爲四曰化蒙化成新招長樂等縣化蒙故址在今太平都東鄉水口化成故址在今縣西北五十里岡谷村新招長樂故址在廣寧縣之新招綠水等村隋時郡廢而以始昌縣併入○縣簿尉廳有相堂宋紹興間宰相梁克家嘗館于此○金岡山在縣北一里縣之圭山也顧微廣州記云行者往往見

金人遊岡側又有銀岡在西江中○倉岡在縣西
二里高平圓大南漢劉氏嘗建倉于其上故名西
南一面俯瞰大江○廣州記云縣西有扶盧山高
入雲霄世傳山上有池每甲戌日聞鼓角笙簫之
聲今名扶盧山相傳六祖嘗隱此六祖姓盧故名
按志去縣東北四十里○貞山在縣西南十里絕
頂三池旁有巨石如壇其側有竹下垂風至輒自
搖壇石又名廣正山唐邑人徐氏女未嫁而夫死
于虎乃歸夫家奉其舅姑三年父母欲奪其志遂
潛遁此山種蔗芋蕉竹以自給親黨求之莫知所
廣東名勝志

卷之六

十

在以為仙去或日夜聞鐘磬之聲天寶中有梁進
者樵于山見棗樹一株大數圍懸巨鐘進撞之聲
振山谷絕頂上有三池其一池水盈溢泄出其二
則澗○石澗山在縣西六十里有山泉自竇中出
早則流水聲聞數里雨便寂然東流五里入江即
綏江也○綏江一名滑水一名綏建水自廣西懷
集縣流入縣界由峽中曲繞而下漫流至縣前故
古綏建郡以此名環繞而東十五里至陶冷山下
分為二派一由高步出清岐入西江一由金釵潭
出南津入北江是為二江之會○龍江水源出石

港潭灘石隘險至金溪始漫流可通小舟南出金
岡經龍橋會綏顧水源出清遠縣至顧水口入江
上流有美材巨木商人從水口作巨筏下貨南海
○宋黃庭堅寄四會令黃幾復詩我居北海君南
海寄鴈傳書謝不能桃李春風一杯酒江湖夜雨
十年燈持家但有四立壁治病不斬三折肱想得
讀書頭盡白隔溪猿嘯瘴煙藤

新興縣

在府城南
百四十里

元和郡縣志云晉分臨允縣地置新興縣屬新寧
郡而廣興記以為晉置新寧縣屬蒼梧郡王象之
廣東名勝志

卷之六

十一

云新寧新興本是一縣初屬蒼梧郡則名新寧後
屬新寧郡則改名新興耳故晉志有新寧無新興
宋志有新興無新寧是置郡之後即新寧為新興
也輿地志云梁武帝割新寧郡立新州改臨允為
新興隸焉不知東晉已析置矣隋煬帝時州郡俱
廢其縣屬信安郡又省宋盧縣入焉唐武德四年
復置新州宋元因之 國朝洪武二年州廢移縣
治于州治○舊縣治即今治東五十餘步與新昌
縣址相近廢索盧縣在今縣南三十里廢單牒縣
在今縣東二十五里廢信安縣在今縣東南八十

里攷新昌單牒二縣俱唐初置信安縣宋初置後俱省入○笏竹城宋紹興間知州黃濟以州城窄狹徧植笏竹遠之竹有刺芒羔豚不能入至今被其利胡寅爲之記○十仙園在縣署南唐宋時官新州者訟簡務稀逍遙自若因以十仙爲名○蕭爽齋在城西南古新州治內瑞蓮臺在縣城北舊名雪花以濠水忽生蓮因改今名又有菱荷亭去縣東五百步宋主簿易曰再香○端峰在縣北六里高五十餘仞周八里屹然端正爲縣主山古端州以此得名又十里曰雲峒山高百餘仞山谷幽

廣東名勝志

卷之六

十一

深常出雲氣○通利山在縣東三十里形勢平更產嘉木美竹爲民之利故名南越志利山上多香木亦謂之老香山○龍山在縣南三十里唐六祖家居于此少以鬻薪供母年二十四聞人誦金剛經應無所住而生其心卽開悟乃往黃梅禮拜五祖得傳衣鉢○鳳元年居曹谿寶林寺弟子數千人後卽其故居建國恩寺太極二年八月歸此遷化尋移神菴還曹谿五代時邑人贊聖禪師事雲門洪智大師得悟後亦居此山法相禪院坐化其徒塔而瘞之宋王安中龍山寺覺軒銘云本自不

迷何者爲覺惟無舌人滿口道著○天露山在縣東南三十五里陡峻插天頂有巨石泉出其傍滙爲龍潭遇旱投石有聲如雷卽雨文獻通攷以爲新州之名山也舊有岱山寺其水流至城東門合盧溪水入大江是爲天露水○錦山在縣西南三十里山多花木爛若錦綺故名山之下爲錦水源山天露山西流入河至洞口合盧溪水出新江明邑人陳鼎懷錦水舊業家住城南錦水堤白沙翠竹繞柴扉芭蕉葉底藏春色荔子枝頭帶夕暉惆悵幾回頻入夢寂寥千里但思歸不知我種門前

廣東名勝志

卷之六

十三

柳長大如今幾尺圍○按盧溪水源出李崙嶺經盧村過龍山達城東門北流入大江宋郡守張宋卿詩浩歌劇飲不知暮雨自新州江口來○唐戎昱送新州鄭使君誰人不譴謫君去獨堪傷長子家無弟慈親老在堂驚魂隨驛吏同署向炎方未到侯啼處參差已斷腸杜甫寄杜位詩近聞寬法離新州想見懷歸尚百憂逐客雖皆萬里去悲君已是十年流干戈况復塵隨眼髮還應雪滿頭玉壘題詩心緒亂何時更得曲江遊

陽春縣 在府城西南三百四十里

舊志漢置陽春隸合浦郡而漢志合浦郡下無陽春至梁始置陽春郡及陽春縣隋廢郡以縣屬高州開皇中析置流南縣在今縣西北三十五里又置西城縣在今縣西南七十里又有銅陵縣本劉宋龍潭縣隋改銅陵在今縣北八十里寺俱廢入唐武德初曾置春州于縣北八十里順陽都天寶初改春州爲南陵郡乾元初復爲春州宋大中祥符九年併入新州爲新春州 本朝洪武二年州廢縣改今屬縣治卽古春州○王臨川文集有敕春州王孝叔制云南方荒遠之地吏多驛遠而爾

廣東名勝志

卷之六

請行故優之祿賜而以勸賞隨其後往其勉矣思又兆民○宋新州郡守題名記司理崔順撰續記范陽張幼厚撰○志云射木山在縣東南十五里高百餘丈周數十里縣治之案山也一名雲靈山雲幕其上卽雨諺云雨未晴看雲靈唐姜晦春州司馬禱雨有應因立廟其上宋時江南有李氏無子一夕夢春州射木神托生爲嗣因名符後登第得守春州臨行其母曰兒必不歸矣及到任謁廟視其門廡若常所見未幾卒自符生廟食久廢及卒而廟復靈○喀喇巖在縣西南十五里石壁穹

窿深廣十餘丈中有石乳鐘鼓扣之鏗然相傳昔產金膏銀液靈芝玉髓明沈思孝註西風蕭颯碧雲浮煙樹微茫帶遠洲削壁畫驚飛鳥下平林寒起亂雲愁客同葛令尋砂至蹟似軒轅問道留矯首天門原咫尺肯容佳興負鱸頭思孝秀水人萬曆初年以論張居正奪情廷杖編戍于此○石窟巖在縣西南五十里巖上下有二上巖軒豁孔道出入直抵雷廉下巖水從中過可通小舟石壁奇絕多鳥獸之形又八十里爲丫髻山一名白水山高百餘丈周四百里有天池飛泉一道晴響則

廣東名勝志

卷之六

雨雨響則晴又有羅黃山懸崖瀑布數十丈落而成川東北流五十里經大沙灣入漢陽江而縣西三十里之石綠山上有亂石其色淡碧每大雨過山下常有石綠其山泉流五六里與灣口水合注漢陽江○鷺袍嶺在縣南二十里嶺上有石形似鷺袍故名相傳此山中有大池奇絕異果無心而行偶得之可食不可懷有心往者竟不知其處又縣南鄉有穀岡多綸木南越志綸木似穀皮可爲棉者也○潭石巖在縣北三十里深廣十餘丈巖中石乳若人物仙釋狀奇絕甲于他峒又八十里

爲嗣石山山西南有巖高三丈深廣丈餘內有池及古佛像宋咸平初賜太宗御書藏于石室前有德慧寺宋胡銓來遊詩是處山皆石他山盡不如固非從地出疑是補天餘下陋一拳小高凌千仞虛竒章應未見名不下中書○其地有雲霧巖巖穴深闊十餘丈內有石田石池池水清冽可飲又有石脚巖其山皆石高五十餘丈周三十餘里穴廣五十丈高一丈石泉中出涓涓不絕又有將軍岡岡隴起伏宛如波浪唐劉禹錫姜晦曾因嗣獠出挺兵陟岡禦之賊皆遁去遂名將軍嶺○宋胡銓

廣東名勝志

卷之六

七

簡陽春邑宰詩縣古杉楓老人居水竹間化民無訟獄留客有江山路遠旅人相病多詩思慳主人情意篤不飲媿吾顏

陽江縣

在府治南四
百四十里

三國吳析高涼縣治置海安西平二縣齊改海安曰齊安唐改曰恩平爲恩州治又改西平爲陽江屬恩州宋改恩州曰南恩州徙治陽江而以恩平縣併入 本朝洪武二年州廢縣改今屬○舊恩州治在縣西二十五步高阜上 國朝卽其地立千戶所○萬象樓朝宗閣俱在治城隅○東園在

廣東名勝志

卷之六

七

舊州治之東其中有瑞蓮亭又有西園在舊州治西周二里喬木團陰惟石聳聳蕭然出塵亦名盤玉壑宋政和間知州事游經鑿濠種蓮以春游賞有橋從茜苔花邊過人在瑤瑤鏡裏行之句宋黃公度題西園二首清樾纔十畝炎陬別一天華堂依惟石老木插飛煙長夏絕無暑乘風幾欲仙心閑簿書休吏早花鳥向人閒舊隱在何許倦遊殊未還天涯賴有此退食一開顏○北山據治後高三十丈周二里下爲北湖石上有仙人跡宋州守王亶鑿石爲葫蘆形因各葫蘆石其南有翠巖亭四傍大石多宋元以來詩刻舊建有寧園圓明二寺今俱廢王亶題翠巖亭一壑蒼龍玉峯巒尺五天人間惟泉石嶺外好山川寺近鯨宵吼林深猿晝眠謫仙三百載此樂有誰傳○壘山在縣東二十餘步地脉由東山突起平坡延迤半里許疑其海上駕來故名治西有壘江汪洋澄演深不可測有龍潛焉又名龍海南流入北津海○漢陽江在縣西源出古銅陵縣浮雲山南流過陽春縣會羅鳳石條諸水經南恩舊城直通北津港門入海○

按北津港一名北澤游有山自港門直通陽春縣
下出港通獨石此港在縣南三十里而離城六里
有望海岡高百餘仞周四里登之全海皆在目中
宋胡銓登望海臺詩君恩寬逐客萬里聽歸來未
上凌煙閣聊登望海臺山爲翠浪湧潮拓碧天開
目斷雲飛處終身媿老萊○鳳凰山舊名北其山
在縣東北三十里倦遊錄云北其山石壁千仞有
瀑布飛下猿狖不能至嘗有鳳凰巢于上遇大風
雨或飄墜其鷗小者猶如雀而足差短截其嘴爲
鳳凰盃土人因呼鳳凰山又五十里曰馬銜山自

廣東名勝志

卷之六

六

東北四十里至金花嶺攀躋十里始及山巔高百
餘仞處衆山之中山有龍潭演而爲三絕頂巨石
正平如砥容四十餘人石正北復陡立二三丈周
十餘丈石傍隙開如馬受勒狀水從隙下爲上潭
潭極清澈下深無際人不能窮環石右注是爲中
潭又抵山麓爲下潭○羅琴山在縣西二十五里
世傳羅含嘗携琴遊此故名又六十里爲郎官山
高百餘丈盤亘百餘里有龍潭深二丈廣倍之
山中自生桃李楠梅之屬元琬珣羅琴山詩三尺
絲桐月夜彈一聲清響落空山仙翁自嘆知音少

兩袖天風跨鶴還○紫羅山在縣東南一百里高
四十餘丈周六十里聯接新寧縣界一名煙蘿唐
時山有瑞光燭天郡白其事敕建院開山叢棘中
發石龕得古經一函題曰大佛名經因以瑞靈名
山○海陵山在縣西南大海中周三百里列爲數
峰高三百餘丈上有盤石非人力可致而螺殼相
粘屬舊名羅洲圖經云海中有魚每五月五日夜
悉登岸化爲鹿其下有平章港受海陵漲潦以達
于海宋末帝昺旣亡張世傑將之安南舟抵平章
港口颶風大作或勸世傑登岸世傑取瓣香登舵

廣東名勝志

卷之六

七

樓祝曰吾爲趙氏亦至矣一君亡復立一君今又
亡我所以未死者庶幾別求趙氏立之以存宋祀
天若不欲吾復趙氏則覆吾舟舟遂覆世傑溺焉
軍士得其屍葬此山

高明縣

在府治南
六十里

隋開皇初置平興縣在今黃村都去縣五十里又
改清泰郡爲清泰縣在今清泰都去縣二十里至
大業初併入平興宋開寶中省平興入高要國
朝設高明巡簡司于青玉山前自正統末山寇鄒
宗遠等作亂屢征屢叛訖無寧歲成化十一年都

御史吳琮請以巡司建縣割高要縣平興舊地屬焉○慶林山一名春富山在治北一里高五十餘丈上有石巖花木繁茂嘉靖初縣中大疫百姓建醮山巔鼓角喧聞時適知縣陳坡初任遣吏持牒至壇宣讀不許竟醮其辭曰疫爲沴氣鬼或憑之非誣然聞爲善忠孝讀書之家皆不入家有長邑有令一也而入吾邑者罪在令令宜死不死令是鬼越法橫入罪在鬼文到亟去去不亟且日吾請之上帝是夜邑中有聞鬼哭奔竄病者皆愈自是每陰晦夜山巔輒有光焰直射縣署及坡任滿遷

廣東名勝志

卷之六

三

三

去其光乃息○五龍山在縣東北十里五山奔伏如五龍其中一阜圓如珠俗謂五龍戲珠又十五里爲鶴山高五百餘丈與之相接世傳嘗有仙鶴止其上因以爲名○鹿峒山在縣西南二十里高二百餘丈延袤四十餘里拱向縣治羅列如屏秦趙佗嘗獲白鹿于此名白鹿臺其西二山左有石蹲如虎右蟠如龍虎石一穴清泉可掬龍石有巖深邃一名龍虎山○又十里爲龍岡山盤谷中一石方二丈餘曰聚仙臺臺下有二生石其上爲雲寶水注而下飛瀑如簾曰瀑泉泉流分左右達鐵

橋澗入大小龍井右繞聚仙臺出于天池臺外有養真菴菴邊有丹井沿澗多產九節菖蒲棲真者服煉于此○文儲山在縣東南南三十五里高三百餘丈羣峰峻嶒上有飛泉灌而成淵名曰聖潭○老香山在縣西六十里高七百丈延袤五十餘里與新興縣接界多產香木徙人居之其水流接文儲歌樂雲宿諸溪會流舍步環遶縣治南東流七十里入江其地名三洲水流分三支西接泥濘直史浚北連漚灣東趨碧峰乃會于都合水○奢山在縣東南二百三十里山有丹砂夷語訛砂爲奢

廣東名勝志

卷之六

三

三

故名南有翠岩山產山棗葉似梅果如荔枝九月熟又多錦鳥鰵魚及懸鈎鳥鳴則雨至其水接黃沙羅漢會流清泰東流五十里入河

恩平縣

在府城南二百里

宋開寶間旣以恩平縣併入陽江其治遂爲恩平堡我天順間西賊流劫多由此出沒至成化二年以僉事陶魯議析陽江之水東仕峒二都新興之長居靜德二都新會之德行都復建恩平縣治舊所○志云龍山在縣西十里高三百餘丈周廻八十里中有龍潭名聖水東有水礫泉白石穴中瀉

出其傍爲紫霞洞石壁奇絕○天露山在縣北八
十里北下爲新興南下爲恩平頂有巨石泉出其
傍爲龍潭又二十里爲獨鶴山危峰聳拔延亘三
十餘里○雲立山在縣西北九十里高二百餘丈
周十餘里西南有石孔中出溫泉其縣南八十里
則曰灣雷海海水灣曲潮聲如雷故名

廣寧縣

在府治西八十五里

先是大羅山賊歷年雲擾嘉靖三十八年知府盧
璘議曰前代南綏州在橄欖都石澗村領四縣曰
化蒙新招化汪化穆後皆入四會縣凡九十二里

廣東名勝志

卷之六

三

山多地廣遂没于稭今所存者僅有四十二里請
卽以此三都立縣治大圍從之名曰廣寧言其地
廣而永寧也○福星山在治北五十步圓秀如覆
盆城跨其上○石礪山在縣南三十里高百丈泉
自石竇中出東流五里入江旱則流水聲聞數里
雨則寂然相傳竇中有巨鯉遊泳數日必雨卒以
爲常又有三宿山其上三峰如列宿一名三足山
又有夾山兩山夾峙懷集之水流從中出故名又
有高望山澗泉澄澈新招之水發源于此絕頂一
望諸山皆在其下○願水源出清遠縣至願水而

入江上流有美材巨木商人從水口作三根下貨
于南海○烏石潭在縣境宋有僧曰梁果者每入
山採薪夜則騎虎而歸人號伏虎禪師後尸解于
此潭上虎銜其尸入菴

德慶州

在府城西二里 領縣二

劉宋之晉康郡唐武德初之康州也宋紹興元年
以高宗自康王中興因陞爲德慶府我 明洪武
九年改府爲州以端溪縣省入○端溪在州城東
十里源出金淋鄉由太平入于錦水形勢百折達
于端溪縣以此名○錦波亭在州南瞰江宋里人

廣東名勝志

卷之六

三

進士陳序建初名壽康後避壽皇號因改錦波今
壽康驛沿其名○南江卽晉康水也源出龍水縣
大 wat 山經縣北西流百餘里入江兩岸峰巒對峙
濛濛東至蒼梧合府江水又行一百里至州城南
出肇慶府高要峽以入于海中有鼎石隨波出沒
相傳赤松子煉丹于此宋梅堯臣送馬廷評知康
州南去晉康郡風帆幾千里辭家上洞近落葉過
湘水龍吏迎便君壺漿出蠻壘問俗言未通觀風
想先喜曾非異方趣頗與率人擬期子寄梅花無
由問行李○志云香山在城北二里高二百餘丈

廣東名勝志

卷之六

五

桂

周四十餘里爲州之望山山有五色石石上產異卉其巔有佛足跡長尺許傍刻元祐諸賢姓名方輿勝覽一名利人山山下有漱玉泉飛流清淺小橋跨之曰漱玉橋又有豁然沈香松關三亭俱宋州守趙師瑟建明劉三吾詩香山壁立百餘尋積雨苔生太古陰但見懸崖踪迹在欲詢往事歲年深勝遊天與皇華使空谷時聞伐木聲盡道春來好玄覽登臨忽動故鄉心○計都山在州東十五里山西有龍潭又三十里爲端山其形端正故名山有果實名冬榮子大如杯味如猪肉俗呼猪膏

子可入藥○藿山在州東北五里峰巒秀鬱上有草如藿香又五十里爲檜山上產檜梨八十里爲高良山上產鐵力木九十里爲茗山上產茶一百里爲焦石山上產焦石可琢爲琬○古蓬洞距城東南十五里徑人所居在州界者凡五十有四此其一也宋之間過蠻峒詩越嶺千重合蠻溪十里斜竹迷樵子徑萍匝釣人家林暗交楓葉門香覆橘花誰憐在荒外孤賞足雲霞○佛子嶺在州西北五十里嶺舊有佛堂故名其下陸溪之水出焉東流四十里入江水口有陸賈祠故以陸名溪○

廣東名勝志

卷之六

五

樵雲山在城東二十里其下有瓊響泉州人李質築舍讀書于山之陽扁曰樵雲因以爲名又三十里爲三洲巖一名玉乳巖宋祖無擇記云下有石室峯豁靚深傍有隙穴俯僂以入而復高明大者如堂小者如房石乳倒垂皆蒼綠色間有佛像石鐘丹竈硯池諸物宋蘇軾題云東坡居士自海南還來遊武陵弓乞明夫幼子過叔黨同至元符三年九月二十四日周濂溪題云周惇頤茂叔熙寧元年後有穴可登其頂洞口有惲忠詩刻宋廣南路轉運使元絳爲康州守趙師旦作也按師旦以皇祐四年守廣州值儂智高亂薄城下師旦取州印囑妻佩之使負其子以匿曰俱死無益及城破師旦據堂而坐賊碎害言不絕口妻匿山谷間一子始生棄之草中三日還視呱呱尚生人謂忠義之報云祖無擇三洲巖銘維山巖巖維室眈眈陰闔陽闔天覆地南我行其間冬溫夏寒有廂有廡有櫺有樞有高如閨有巖如鍵設爵有玷鳴琴有薦我官幸鄙一歲三至其來忘疲其樂忘饑亦既去止寤寐思之明丘濬詩羣山勢龍從一穴空鈴

衍滴乳成物像峭壁繡鮮花土鼓有兩音丹竈無
遺砂誰云蓬萊洲此名殊亦佳我來恣清賞疑是
古仙家惜哉奇絕景落此窮荒崖陳獻章詩我行
蒼梧野息漿荒江滯連江一以眺石室涵晚暉前
哲有題字秉燭往讀之徘徊此壁下日擊元公遺
今古一相成光風吹我衣蟲鳴丹竈中葛仙胡不
歸對之發長嘯宇宙今何時圓蟾夜爛爛蝙蝠秋
飛飛願言托高柄行矣無是非○其地又有龍巖
巖口有泉方丈清泚深不可測程溪之水出焉唐
詩漠漠煙光前浦晚卽康州程溪浦也相傳有神

廣東名勝志

卷之六

壬

人騎三足鹿遊此水口有龍母廟我 洪武初詔
稱程溪龍母之神每歲五月八日有司致祭十八
年始罷南粵志秦時蒲媼浣江側得卵大如斗數
日生有物如守宮秦養漸長放于江媼往觀輒薦
魚媼側始皇聞之召媼媼行中流五龍挾舟而還
後媼死鄉人葬之程浦水口一夕大雷雨五龍移
之北岸壅沙成墓今在靈陵水口唐李景休趙令
則皆有碑文又四十里爲九星巖九峯尖秀如玉
笋下有巖穴如堂中一徑通幽又有石泉水過其
下潺潺有聲從左傍流出田間乘炬而入上通一

竈直至半頂而出○書堂水在州東四十里宋石
處道讀書處又六十里爲靈溪卽溫水也○羅傍
水在州西四十五里源出都城鄉南流七十里入
江水日一石上有紋圓如羅紋故名其處有錦石
山高一百丈周廻四十里上有石柱高插雲表巖
下有陸賈祠宋洪邁夷堅志漢陸賈使南越尉佗
與之泛舟至此賈默禱若佗肯稱臣當以錦裝石
謝山靈使還遂募人植花卉代錦後人立祠祀之

封川縣

在州城西
百二十里

漢蒼梧郡有廣信縣卽今之蒼梧縣今縣北一百

廣東名勝志

卷之六

壬

里有廣信河是其地也梁大同間卽其地析置梁
信縣及梁信郡兼置成州隋開皇十年改成州爲
封州十八年改梁信縣爲封川大業初以封興縣
併入尋改州爲蒼梧郡治封川縣唐復爲封州乾
符三年以廣州牙將劉謙爲封州刺史是爲南漢
之始 我明州廢縣改今屬○按志封門山在縣
東北二十里兩崖如門錦川水所經縣以此名○
縣東一里曰東山高十餘丈周三百里形如覆舟
左有蟠龍井水常清溢味甘而美其西一里封溪
之水出焉○西山在縣西南一里隔江高五十餘

丈周圍五里其峰峭拔傍一石高丈餘上有巨人跡遇旱以水澆之卽雨○靈洲在縣北十里廣一里長五里江流四合雖洪水漲溢不沒古傳與水相浮沈故以靈名上有荔枝庄又二十里有猿嶺高二十餘丈周四十餘里平坡漫岡或起或伏其上多林木猿狖居之○濯錦山在縣東南五十里有池澄澈漢陸賈至此濯錦于池故名又六十里有斑石石章五色錯雜又有風穴類苑云風出蒼梧者草多菊卽此也○麒麟山在縣東八十里視諸山爲最高居一百五十里以形似得名唐封州

廣東名勝志

卷之六

五

莫宣卿幼稱神童長居此山讀書大中五年狀元及第今金縷村有莫狀元讀書堂同榜柳珪送莫宣卿歸養詩青驄聚送謫仙人南國榮親不及君椰子味從今日近鷓鴣聲向舊山聞孤猿夜叫三湘月匹馬朝侵五嶺雲想到故鄉應厭過藥欄猶有異花薰○漁村在縣境唐邑人陳萬言登乾符二年進士任欽州刺史歸隱于此有漁村雜詠其一云勝有蓬茅接斷津絕無車馬貼閒人潮回月白家家曉雨過莎青處處春笛弄煙波長是醉曾連霞浦不爲貧堪喻呂望貪名士留得蘆花滿渭

濱○西江水源出潯州今桂江從梧州府流五十里至縣西復東流至德慶州入于海而縣西十里之賀江源自富川縣來合賀水又東流合櫛江縣西北二十里之東安江源自蒼梧縣東安鄉來俗名小江俱流注于大江故形勝志云扼三江之口也唐宋之間發端州初入西江問我將何去清晨泝越溪翠微懸宿雨丹壑欲晴霓樹影稍雲密藤陰覆水低潮迴出浦駛洲轉望鄉迷人意長懷北江行日向西破顏看鵲喜拭淚聽猿啼骨肉初分愛親朋忽解勞路遙魂欲斷身辱理難齊時日三

廣東名勝志

卷之六

五

山意于茲萬緒睽金陵有仙館卽事尋丹梯宋知州事方維詩春江春水碧于苔江水江花兩岸開一棹柳邊撐霧去片帆天外逐風來蓬窓斜倚歌明月竹笛橫吹弄落梅更有可人情境處忘機魚鳥共徘徊○壽文粹有敕封州刺史袁幹制云幹委質藩方悉知戎旅嘗驅寇盜累著功勞故命遷領郡符超升憲簡足以安荒俗耀遠人敬而承之勿替前効白居易行韓文公本傳權知國子監博士時以論刺史成黨貶封溪尉未赴○宋嘉祐中田開知封州有臨封十詠今錄其四篇云我愛臨

封好人煙十里餘秋冬三釀酒風景四時花竹屋
無貧子漁村足富家守官真吏隱誰放日高衙其
二我愛臨封好詩人興味嶺南蕉子國海上荔枝
庄民有百年壽家藏十歲糧宜遊無遠近樂處是
仙鄉其三我愛臨封好西山釋子家長松抱石轉
一徑入溪斜池滿澆花水巖生供佛花僧閑似官
况吟咏兩無涯其四我愛臨封好江流壓水濱東
山畫屏展北阜翠虬馴十里長松道三春解佩人
乘閒往太守履齒往來頻

開建縣在州西其二

廣東名勝志卷之六

三

劉宋析漢封陽縣地置開建縣梁于此置南靜郡
隋廢郡以縣屬連州後廢唐復置屬封州宋開寶
五年省入封川尋復置我明州廢縣改今屬○
志云昭埔山在縣東十里路通廣西懷集縣水流
十五里其勢屈曲經金縷村水聲清響父老呼爲
龍吟入封川大江金縷村有唐狀元莫宣卿書堂
詳見封川下○大水山在縣東三十里山下有淵
其源深廣故名水勢蜿蜒西流三十里經金裝村
合西江入封川又三十里有忠謹山舊志云居此
山者多忠直莫宣卿其一也近南有黎水山兩山

對峙黎水中流南流五里合金裝水又八十里入
江○開江在縣西源出廣西賀江北流二百餘里
經本縣合金縷水復流二百餘里入封川唐張九
齡自灘水過西江理棹雖云遠飲水寧有惜况乃
佳山川怡然傲潭石奇峰岌前轉茂樹隈中積猿
鳥聲自呼風泉氣相激目因詭容迎心與清暉滌
紛吾謬執簡行郡將移檄執事聊獨歡素懷豈兼
適悠然詠靡監庶以窮日夕右亦載粵西
羅定州直隸廣東領縣二

廣東名勝志卷之六

三

舊瀧水縣之水口有一圓石其上多紋如羅經故
名羅旁水萬曆初既平徭亂改縣爲州名曰羅定
○瀧水縣者晉分端溪縣地置龍鄉縣尋改龍鄉
曰平原隋改平原曰瀧水其治在今州南百里開
陽鄉二都唐武德四年置瀧州于此中宗神龍元
年貶尚方監丞宋之問爲瀧州叅軍是也宋初州
廢縣存其地東界新興南連陽春西抵鬱林岑溪
北盡長江與肇慶德慶封川梧州僅隔一水延袤
千里萬山聯絡皆徭人盤據其間蠶食近利疆域
彌縮好伏毒弩以急榜榜橫江中奪民舟越貨而
旁縣亡命多歸之以爲羽翼常曰官有萬兵我有

萬山兵來我去兵去我來萬曆四年總督凌雲翼
破其巢而殲之因升縣爲州析置東安西寧二縣
屬焉○志云龍腦山在州北十五里又東北七十
里有龍龕山昔人得龍骨于此故名○雙龍山在
州南二十里高一百丈周五十里兩岡對峙狀若
雙龍上有三石如笏石傍有泉湧出不竭又四十
里有文筆峰一名尖岡有巨石名防虞石崔嵬險
固可容數百人六十里有徑山羣峰森列橫截治
南八十里有石人山平岡漫坡上有二石對峙如
人○石牛山在州西南二十里崔嵬多石一石狀
如牛故名八十里有瀧水卽隋以名縣者源出徑
峒流至新容村界有灘約高二丈如壁水流直下
巨石橫截鄉人以竹筏裝載從上放下稍不戒則
衝激漂沒至縣治西宛轉而南東北流百六十里
入錦江唐宋之間詩孤舟泛盈盈江流日縱橫夜
雜蛟螭寢晨披瘴癘行潭蒸水沫起山熱火雲生
猿屢時能嘯焉飛莫敢鳴海窮南徼盡鄉遠北魂
驚泣向文身國悲看鑿齒誤地偏多育蠱風惡似
聞鯨運啓中興曆時逢外域清祗憑保忠信延促
付神明○水紋山在州東南一百一十里高七十

廣東名勝志

卷之六

圭

知

丈周四十餘里山下有泉湧而出又有雙輪山
其高倍之又四十里有上烏山高百餘丈周五十
里其水經大灣村入于瀧水○唐書高力士潘州
人今瀧水也在鎮南鄒力士本高州都督馮盎會
孫少闔以鎮南討擊使李千里進入宮內官高延
福收爲假千玄宗時授三品將軍求其本毋麥氏
至長安初不紀識毋曰胸有七黑子在否力士袒
示之毋出金環曰此乃兒初服者遂相持而哭
東安縣在州城東
萬曆五年析瀧水東山西鄉置又析德慶州之晉
廣東名勝志

卷之六

圭

上

煙黑萬壑爭奔湍有龍湍飛浪激如繩直千崖
怪猿嘯悲丹蛇玄虺潛蛟螭瀧夫擬桿劈高浪
忽浮沈如電隨嶺頭刺竹家籠密火折紅蕉
盤紫紆雨寒日燠常斯須瘴雲暫卷火山外
海氣窮番出鷓鴣猿鳥聲相續惟啼曉呼同
戚促百處谿灘異雨晴四時雷電迷昏旭魚
鴈足望緘封地遠三江嶺萬重魚躍豈能通
遠峽鴈飛難渡瘴江東雲蒸地熱無霜霰
桃李冬花匪時變天際長垂飲澗虹簷前不
去銜泥燕幸逢雷雨潑妖

廣東名勝志

卷之六

音

昏提挈悲歡出海門西日眼明看少長北風身醒
辭寒溫賈生謫去因前席痛哭書成竟何益物忘
忠良表是非朝驅澤灌為讐敵明皇聖德異文皇
不使無辜困鬼方漢日傳臣終委棄如今衰叟重
輝光按縣當為高要及晉康割入故得載之

西寧縣

在州西百二十里

與東安縣同置在州之西故名其地為瀧水西山
大崗及德慶州之都成鄉也○縣有天黃山猿人
所居凡六十五山此其一云

廣東名勝志卷之七

閩中曹學佺能始撰

高州府

在省城西

領州一縣五

漢合浦郡有高涼縣建安末孫權以縣立高涼郡
涼梁宇通用也劉宋以後為夷獠所據梁大同元
年獠峒阮平因置高州于高涼郡是時馮寶為郡
太守李遷仕為州刺史據大阜口拔梁而寶妻沈
夫人擊走之自是其地世屬馮氏至隋州廢郡治
高涼縣唐武德六年復立高州貞觀末移州治良
德縣乾元初治電白縣 大明始治今所○形勝
廣東名勝志 卷之七 一

茂名縣

附郭

圖經云本西甌駱越地晉鎮南大將軍馮游請築
城置縣于東西二山間先是有道士潘茂名者功
成上昇因以名縣今城東門外有潘仙亭石船丹
竈俱存○寶山在縣北里許舊電白堡之北下有
電白縣學遺址以其形似圓珠故名山麓有送龍

岡其北有射狼山又三里爲鑑山山下溪流湓湑
如鏡曰鑑水至江其流浩大曰鑑江山東北紫繞
郡治至化州會羅水入海鑑江之西里許梁時置
南巴郡于此隋廢爲縣唐初于縣立南巖州貞觀
中改名潘州潘州者亦從道人潘茂名之姓也○
潘山卽東山也其麓有潘仙坡明知縣孔鏞記云
東門外百步許有坡不能十畝有石船石竈晉邑
人潘茂名煉丹于此茂名嘗入山逢二道士奕立
觀久之道士顧謂之曰子亦識此乎曰入猶蛇竇
出似鴈行道士笑可其說因授以服黃精之法及
廣東名勝志卷之七 二

縣南二里亦以茂名而名下臨大湖唐天寶中一
夕大雷雨湖心湧出一洲土人呼爲小瀛洲○毛
山在寶山東晉邑人毛方隱此得服氣之法自幼
至老兩頰如丹凡風雨未早豐歉預以告人無不
驗者 上官灣在縣東北一里崖石高峻淵深莫
測灣水與府治後龍井相通名爲龍眼又五十里
有大帽山勢接增城山峰形如帽故名其八十里
有白水嶺嶺上飛泉直瀉白簪鮮明故名九十里
有高涼山本名高梁以萃峰高聳盛暑如秋故更
今名郡亦以此得名也南越志云高涼本今浦縣
廣東名勝志卷之七 三

丹成上昇雞犬咸隨孔鏞詩云共說金丹可駐顏
仙翁不久任人間石船辭合年年在藥竈塵封日
日閒亭宇落成新歲月乾坤猶自舊江山我來欲
問長生訣遶鶴何時海上還鄭阜義石船詩短棹
輕帆遠遶來潘仙何處問蓬萊如今化作滄浪石
春雨年年長綠苔丹竈詩仙家雞犬去無存丹竈
空留火不溫萬古靈蹤何處覓淡煙荒草暗孤村
○觀山在縣西一里茂名于此上昇後築觀其上
故名又名昇真山山巔金玉二井前有石脊穿城
出江突露石角水有旋渦是名下官灣○茂嶺在

漢末建安十六年衛毅錢博拒步騭于高要縣毅
投水死博與其屬亡于高涼呂岱爲刺史博因詰
降遂以博爲高涼都尉于是置郡○茅峒去縣北
十里許四山環合中有隙地受衍平舒有居民廬
舍當山缺處一徑逶迤通神電以西諸路○龐溪
在縣北二十五里高三十丈洪厓陁壁中有石堂
可坐數十人水從厓下噴出上有龐夫人祠祠極
靈驗其地有古良德縣址初陳立務德縣于此後
更良德縣宋初廢入電白縣今屬縣之懷德鄉○
茂山書院在縣中博鄉晉高涼太守楊芳著書之

所俗訛王潞非也今改祠祀之○洗夫人祠在東門外五代史列傳洗氏高凉人世爲南越首領管轄嶠峒部落十餘萬家洗氏幼賢明曉兵畧在父母家撫循部衆能行軍用帥壓服諸越每勸親族爲善由是信義結于本鄉兄挺恃其強侵掠旁郡嶺表苦之洗氏多所規諷于是海南儋州歸附者千餘峒羅州刺史馮融聞其志行聘爲其子高凉太守寶妻先世爲州牧號令多有不行至是洗氏誠約本宗使從民禮有犯法者雖親族不貸自茲政令咸秋人莫敢違遇侯景反廣州都督蕭勃徵

廣東名勝志

卷之七

四

兵援臺高州刺史李遷仕據大阜口遣使召寶寶欲往洗氏止之曰刺史無故不當召太守必欲邀君共爲反耳寶曰何以知之曰刺史被召援臺乃稱有疾鑄兵聚衆而後喚君今若往必留質追君兵衆願勿行以觀其勢數日仕果反遣主帥杜平虜率兵入贛石洗氏謂寶曰平虜驍將也今入贛石必與官兵相拒勢未得還遷仕在州無能爲也若君自往必當戰聞宜遣使詐之卑辭厚禮云寶未敢出欲遣婦參謁彼聞之喜必無防慮由是妾將千餘人步擔雜物唱言輸賧得至柵下賊必可

圖寶從之遷仕果喜覘洗氏衆皆擔物不設備于是擊之大捷遷仕遂走寧都及寶卒嶺表大亂洗氏懷集百越數州晏然陳永定二年其子僕年九歲遣首領朝于丹陽拜陽春郡守後廣州刺史歐陽紇謀反召僕至高安誘與爲亂僕遣使歸告洗氏曰吾矢忠貞迄今兩代豈敢輒負國家遂發兵拒境紇徒潰散僕以洗氏功封信都侯加平越中郎將轉石龍太守詔使持節開洗氏爲中郎將石龍太夫人麾幢旌節一如刺史之儀至德中僕卒陳亡嶺南數郡未有所附其奉洗氏爲主號爲聖

廣東名勝志

卷之七

五

毋保境拒守隋高祖遣總管韋洸安撫嶺外陳將徐瑱以南康拒守洸至嶺下逡巡不敢進初洗以扶南犀杖獻于陳王至是晉王廣遣陳主遣洗氏書諭以國亡令其歸化并以犀杖爲信洗氏見杖驗知陳亡集首領盡日慟哭遣其孫魂帥衆迎洸嶺南遂定未幾番禺人王仲宣反首領皆應之圍洸于廣州進兵屯衡嶺洗氏遣孫暄帥師救洸暄與逆黨陳佛智素善遲留不進洗氏大怒下暄于獄又遣孫盎討佛智戰克斬之進兵與鹿愿軍會共攻仲宣洗氏親披甲乘馬領騎巡撫諸州其

蒼梧等處首領皆來跪謁嶺表悉平高祖異之拜
蓋爲高州刺史仍赦暄拜羅州刺史追贈寶爲廣
州總管譙國公開夫人爲譙國夫人仍開幕府置
長史以下官屬給印章聽發部落六州兵馬若有
機急便宜行事更降敕書勞慰皇后以首飾及宴
服一襲賜之洗氏並盛于金篋歲陳之庭以示孫
子曰余歷事三代不敢二心今賜物具存此忠孝
之報也汝革宜盡赤心時番州總管趙訥貪虐諸
俚多叛洗氏上封事論安撫之宜并言訥罪狀上
遣鞠訥竟寘諸法降敕委洗氏招慰亡叛遂親載

廣東名勝志

卷之七

六

詔書自稱使者歷十餘州宣述上意諭諸俚僚所
至皆服高祖嘉之賜臨振縣湯沐邑一千五百戶
贈僕爲崖州總管平原郡公仁壽初卒賻物一千
段諡誠敬夫人○國朝周書妻某氏高州人景泰
丙子歲領鄉薦授瓊山訓導孝氏行舟次西江遇
寇其夫潛匿他所婦以爲死矣抱其幼子赴水卒
氏失其姓郡志亦不列以吳寬薨庵集中詩採入
詩云西江水深痕如屋有婦船頭仰天哭哭聲遶
江江水平玉顏一擲鴻毛輕想當汪汪眼雙淚只
見良人不見水抱兒語兒兒勿啼妾身不是河伯

妻倉皇魚腹期同葬不道良人固無恙良人無恙
去作官妾身雖死心則安

電白縣

在府城東
四十里

梁析高涼縣地置電白郡隋罷郡爲縣唐自良德
縣徙高州治此宋以良德保寧二縣省入舊治在
府東北寶山下獅子坡蓋高州之地東北西三面
聯屬皆徃而獅子坡乃電白信宜適中處所以控
制夷人出入之咽喉也自景泰初流賊雲擾無寧
歲成化四年徙縣治入神電衛城○莊嶺嶺在縣
北二里高峻巉巖縣之主山也又十里有龍陣山

廣東名勝志

卷之七

七

山麓石巖三寶中湧清泉爲潭五十里有角嶺
雙峯並峙形色蒼翠故名孔鏞龍潭詩云昨夜秋
雷動幽潛起蜚蟠驪龍忽飛去空浸領珠寒○蓮
頭山在縣南十里高秀若芙蓉縣之寶峰也其三
十里有鹹水湖四水皆淡而一湖獨鹹說者以爲
地竅通海云四十里有蓮頭港源出奇壁山下北
流入港南接大分洲通海○奇壁山在縣西北十
五里山石蒼潤如壁故名七十里有湖山嶺山勢
聳拔爲諸山之宗登其巔瞰大海如池沼上有龍
潭廣五丈餘莫測其深中有二巨鯉人或見之投

以木石立兩○要龍山在縣東六十里又有雙甌山與之相連賴仙翁風土歌云巧妙四山雲岫落要龍雙甌月燈明卽此山也○大海在縣東一百里齊永明三年高凉俚人海中網魚得銅獸其上有字云作寶鼎齊臣萬年子孫承寶○寰宇記云海出驂馬似馬如牛尾水犀似牛角似龍一曰龍鯉又多珠鼈狀如肺四眼六足而吐珠又有文魷烏頭魚尾鳴如磬而生玉述異記云海中有鮫人之室水居如魚不廢機織其眼淚則出珠南越志有君魚長一寸背骨如筆管大者如刀逢諸小魚

廣東名勝志

卷之七

八

及鼈腹皆破之○唐馮益墓在電白界馮家村掘石得碑云馮府君之墓益宅內手植枯椰子二株高百尺宋時尚存

信宜縣

在府北八十五里

唐武德初析隋永熙郡地置信義縣宋開寶間以特亮譚峨懷德三縣併入改名信宜其譚峨縣址在今縣西南二十里特亮縣址在今縣西北一百二十里有特亮江源出宋山下郡國志云在河涸水北昔有白牛夜山光影照一村村人見此牛因號特亮唐置特亮縣其名本此○龍山在縣東二

十里山勢險峻南有石孔約深五丈許謂之風窖北亦有石孔其深莫測謂之雨窖相傳有龍伏于窖中故名宋紹興間譙樓有吹角老兵忽題詩于柱曰畫角吹來歲月深譙樓無古亦無今不如歸我龍山去松竹青青何處尋遂遁形不知所往又七十里有古樓山形勢險峻上有三峰高低相疊如樓故名○大間山在縣西北二十里形勢高大間于茂名信宜二縣之界中有石室可坐數人又有石牀丹竈及巨人跡一百里有甌嶺形勝同大間其下之水爲西川○白馬山在縣東北一百里

廣東名勝志

卷之七

九

上有石如馬水流山下爲麗水江○其處有雷公嶺澗谷響應如雷鳴故名山下爲東川水流至縣城南合西水入于賓江唐貞觀初置賓州其名本此

化州

在府西南九十里

領縣二

舊唐志宋檀道濟于陵羅二江口築石城因置羅州唐置陵羅縣在州一百二十里今之州庭左有石微露出地上謂之龍首州治後有石潛江中謂之龍尾每夜靜龍首多鳴吼聲類鸛而洪大特甚隋開皇間置石龍縣者以此又州境有羅辨洞唐

因置羅辨縣及辨州宋太平興國五年改辨州名
化州廢陵羅龍化羅辨三縣皆入石龍 國初省
入州景泰八年石龍鳴三日夜其夜州同知楊景
生子一清至弘治間爲太平宰相○志云石龍岡
在治北卽龍尾之潛于水中龍首之露于州治者
又西南三里爲石龍江有石高六丈周廻如之而
石紋俱作龍形○鳳井在治西一里泉從石出久
旱不竭井上地形如鳳投之狀故名又五十里有
平樂水源出畚禾嶺下東流四十餘里與陵水合
內淺外深渾筏無阻故有平樂之名○龍母山在

廣東名勝志

卷之七

十

州南里許一名南山其下爲宋范祖禹墓墓前有
祠祖禹成都人紹聖初安置卒于此又二十里有
平源江納羅江鑑江諸水南流下吳川入海○麗
山在治北二十里州之鎮山也其五十里有石城
山中低而四傍高如城八十里有來安山地極險
峻惟東南一徑可登九十里有陵羅二水陵水源
出廣西北流縣扶來山下西南與羅水合流在陵
羅鄉羅水亦出北流縣峩石下東南流合陵水入
海○漢高興縣卽今之化州也縣人李進字子賢
世本農家涉獵經史方力耕時有一鷄倏來毛色

五彩頰之不知所往時目爲客鷄後仕至交州副
史其子孫蕃衍布在交廣之間高興人遂以客鷄
爲祥比諸陳寶焉

吳川縣

在州城南
七十里

隋志有吳川縣元和志以爲劉宋置然宋志南齊
志皆無此縣則元和志爲誤宋初以幹水零綠二
縣併入○按志劉宋羅州故址在縣西北一百十
里卽檀道濟所置者羅州之西七十三里有幹水
縣故址劉宋置招義縣唐改名幹水州之西南一
百二十里有零綠縣故址○吳川水在縣西一里

廣東名勝志

卷之七

十一

五

源出鑑江納陵羅諸水流至合江渡下分三川旋
繞縣南復合爲一至限門入海水道曲而狹值潮
退沙磧淺露或潮滿風急舟楫多阻故名限門又
二十里有平城江源出州之那陽山經林公渡入
江三十里有零洞水源出零洞山並流入海○城
南河畔有極浦亭宋邑人李凌雲隱處丞相陳宜
中爲之賦詩朔風惡雨過吳川極浦亭前望遠天
有路可通環嶺外無山堪並首陽巔嶺雲起際潮
初長海月高時人未眠異日北歸須記取平蕪盡
處一峰圓○招義山在縣西北二里晉盧循之亂

邑有譚氏招義兵以保鄉閭劉宋置招義縣本此
○洞雷水在縣東無水源而隨潮上下又三里有
文翁嶺自電白浮山分脉而來峙于海東○特思
山在縣西南七十里其勢突兀爲衆山之最又六
十里有特呈山青秀聳于海中故名○硃洲在縣
南一百四十里屹立海中當南北道乃雷化犬牙
之處宋景炎三年端宗避元舟次于此而崩陸秀
夫與張世傑復立帝昺填海錄云是日午登壇畢
還宮御輦所向有龍擎空而上身首角目俱全墮
入室雲陰不見因收元祥興升硃洲爲翔龍縣○
廣東名勝志卷之七 十一

石城縣 在州西百一十里

唐武德五年置石城縣爲羅州治所天寶元年更
名廉江宋開寶五年併入吳川乾道三年復置○
南廉水在縣東一里源出容縣東南流入海○謝
建山在縣北十里山勢自州謝獲山而來故名上
有一峰高出諸峰爲縣之鎮又有一岡遠望如城

曰石城岡縣因以名其四十里有石籬山西南北
皆峻東稍平疊石如籬狀又一百三十里有天堂
山元末民恃其險避寇于此獲免鋒鏑故以爲名
○九洲山在縣東北二十里源出廣西陸川縣流
接本縣雙水入海其江至冬水淺沙渚出露有九
故名○望恩山在縣南五十里驛路經其麓突起
三峰形如筆架廻繞縣治相傳宋時有一人棄家
雷州府天寧寺爲僧一日過此遇其父乃拜曰望
父之恩未報故天遣來後人因以名山○零綠水
在縣西一百二十里卽零烈水也源出廉州流入

廣東名勝志卷之七

十一

海

廣東名勝志卷之七

廣東名勝志卷之八

閩中曹學佺能始撰

雷州府在城南一百里領縣三

宋圖經云周惠王命楚子熊惲鎮南海至此建樓以表其界登覽四方豁然洞達因名楚謐樓至今卓處郡城之上漢元鼎四年置合浦郡統縣六其一為徐聞卽今治也元和志云梁武帝分合浦郡置合州大同末以合肥為合州此為南合州治在特侶塘唐貞觀八年改名雷州投荒錄以其雷聲近在簷宇間也又云陰晦之夕郡田必有開壅之

廣東名勝志

卷之八

一

上

跡土人謂之雷耕國史補云春夏日日有雷至秋則伏地中其形如虺人取食之謂之雷公按志雷公山在郡西北四十五里高八丈盤旋五十里唐郎士元送林材配雷州昨日三峰尉今朝萬里人平生任孤直豈是不妨身海霧多為瘴山雷乍作鄰遙憐北戶月與子獨相親○志云四德祠在城內雲衢坊祀郡守何庾戴之邵薛直夫孟安仁也四賢皆有功德于民故祀之而後附以陳大震虞應龍鳥古孫澤呂琬郭思誠賈煥等今併廢○十賢堂在西湖之上宋咸淳九年郡守虞應龍建文

天祥記畧云志稱寇萊公準以司戶至丁晉公謂以崖州司戶至學士蘇軾正字任伯雨以渡海至門下侍郎蘇轍以散官至泰觀以蘇門下至樞密王巖叟雖未嘗至而追授別駕猶之至也未幾章惇亦至其後丞相李綱趙鼎秦政李光編修胡銓皆由是之瓊之萬之儋之崖邪正勝負世道與之為軒輊雷視中州僻遠且小而世道之會乃于是而可觀矣虞侯應龍來知雷州考圖諜訪故老顧瞻山川怒如有懷乃黜丁氏章氏自萊公以至濟巷几十賢為祠于西湖之上使海邦興起前聞知

廣東名勝志

卷之八

二

上

所勸云余不敏叙其凡復為迎送神祠而系以詩曰颺風起兮雲黃萬里兮故鄉桃李兮不祥何懷乎斯宇兮惟獨此衆芳五岳為質兮三辰為光保有國兮萬年其昌

海康縣附郭

元和郡縣志云隋開皇十八年析徐聞縣地置隋康縣十年改為海康余按隋志合浦郡下有海康與隋康自是二縣不應合為一也唐志云徐聞本隋康貞觀二年更名徐聞則隋康乃徐聞非海康矣宋初以遂溪徐聞二縣併入南渡後復析為三

○南樓卽郡城南門譙樓文宋瑞記畧曰並海爲州者皆有颶風而雷爲甚三面際海當風之衝太史虞應龍來爲州是歲咸淳十年夜半颶風作厥明視之譙壓墮壞方風之來也其聲如虹有蜃如樓臺及其歛烈較驟句哮撞梓聲氣不可名狀侯乃伐巨材鳩工並興設爲巍峩下臨鯨波云云○城南有蘇公樓宋蘇黃門以論熙豐邪說安置雷州章惇下令流人不許占官舍郡人吳國鑑造屋于此以處子山惇又以爲彊奪民居然賴有僦券而止其兄子瞻亦謫儋耳過之同處月餘其後郡

廣東名勝志

卷之八

三

守毛當時卽其地建樓焉子由寓居雜詠手植天隨菊晨添首藉盤叢長令憂苦花晚怯春寒素食舊無愧長齋今未闕殷勤拾燈蒞眼暗讀書難又鄰家三畝竹蕭散倚東牆誰謂非吾有時能爲我涼雪深間毀折風作任披狂事過還依舊相看意愈長長公和云堂前種山丹錯落瑤瑤盤堂後種秋菊碎金收辟寒草木如有情慰此芳歲闌幽人正獨樂不知行路難又幽居有古意我井分西牆誰言三伏熱止須一杯涼先生坐恐渴羣鷄自猖狂衆散還獨酌逡巡味尤長○圖經云擊子雷山在

城南八里擊雷之水出焉水有三一出銅鼓村一出鴈鵠坡一出徐聞縣界三水合流環繞縣治如帶與海潮接相聞昔被雷震成水故名○夢溪筆談云世人有得雷斧雷楔者皆于震雷之下云雷神所墜元豐二年子居隨州夏水雷震一木析其下得楔信如所傳嶺表異錄云雷州西南八里有雷公廟每歲土人造雷鼓雷車具酒醴設奠甚謹最忌雞雞二肉犯者立致霹靂舊志州民有陳姓者出獵得巨卵歸置庭中忽一日雷震乃析得一男子左右手有文曰雷長而涉獵書傳辟秀才中

廣東名勝志

卷之八

四

第仕爲本州刺史有善政梁武帝賜璽書褒獎旣沒有靈異鄉人呼雷種立廟祀之○宋李永年雷廟記云舊址在州西南山岡梁開平中廟隨州遷又二年一夕颶風暴作廟失二樑所在尋訪不獲乃徙于英榜山之石神廟西卽其地建廟與石神相並○按英榜山在城西八里舊有石神五代梁旣遷雷廟于其座西僞漢時復欲遷雷神正殿居東而遷石座于西使人舁石不動遂鑿其根愈掘愈深乃知其神不許遷動也今雷廟前百步小阜上有石龜二座係古墓蓋其一爲雷震裂草本生

其間弘治以來漸合僅有跡如瘡癥○英靈岡在城址五里與擎雷山相對狀如屏几舊名烏卵山相傳陳大建間雷出于此英靈顯異乃更今名或云雷種陳氏世居于此宋寇平仲造之有留題英靈陳司馬宅卽其後也詩云公餘策馬到英靈幸有官餘伴使星人物熙熙風景盛好將佳會入丹青○東洋海在縣東十里極目無際南通瓊崖西通對樂楊梅二珠池東北通閩廣海中有思靈島舊志每年九月黃魚化鳩出水集巖樹人網之輒得又有羊肝魚形斑頭大尾有星老則化爲蛇夷

廣東名勝志

卷之八

五

堅志趙鼎貶珠崖桂帥張淵道遣使致饋自雷州浮海風力甚勁願見波濤中紅旗相逐而下使者疑爲海寇舟人握手令勿語急人舟被髮持刀出遂背立割其股血滴水中凡經二時乃相呼曰更生因言此巨鱷也紅旗者鱷鬚耳使與吾舟相值數里之間一展轉舟則淪溺是時舟南去鱷北上相望兩時彼此各行數百里計其身當千里有餘蘇子瞻渡海詩參橫十柄欲三更苦雨終風也解晴雲散月明誰點綴天容海色本澄清空餘魯叟乘槎意相識軒轅泰樂聲九死南康吾不恨茲遊

奇絕冠平生○澆洲在縣東南崛起海中周圍五十餘里有田地肥沃盛產荷花又博袍之山有博袍水西流入海經此洲南○卵洲在西南海中舊經云鳥多伏卵于上船過或取卵其鳥千萬飛隨十里始返○冠萊公司戶參軍其所居內有小池忽一夕星隕于中使人入求之得一石因架軒池上名瑞星池又有泉在西館內以萊公嘗善飲之因名萊泉○唐叟字元老桂林興安人紹聖間爲海康令蘇子瞻南遷過之相得甚懽將渡海謂曰元老行雖孤高唐氏豈容無後時叟年已五十

廣東名勝志

卷之八

六

猶未娶云

遂溪縣

在府北一百里

古有鐵把縣因鐵把水爲名又有樵縣隋改樵川唐天寶元年改鐵把爲遂溪省樵川入焉宋初併入海康縣紹興二年復置○舊縣東五里峯崙埠有石枕海岸長五尺闊三尺宋嘉定間大雷雨龍降其地爪痕入石如鑿有泉湧出旋爲潭○今縣英靈下村有石牛南朝時客陳姓者驅牛過此土地堂前牛恣化爲石石皆半爲牛頭客因家于此卽雷種之祖地也○烏蛇山在縣東北三十里又

一百二十里有訓樓山枕海高十丈絕頂有五色
光現若樓臺故名○斜離嶺在縣南五十里高十
仞突起二峰勢皆斜列又六十里有七星嶺嶺上
起小七峰如北斗故名○湖光巖在縣東南七十
里一名陷湖一名淨湖宋建炎中丞相李綱自萬
安召還雷州時改今名相傳陷湖中有白牛入
村居民殺而食之惟一老嫗不食明日風雨大作
一村盡陷成湖獨此嫗携一傘竹行至湖岸以竹
倒插于地而去湖有二石巖如屋後人接蓋飛簷
建佛殿其中餘巖皆可列坐巖北有神祠禱雨者

廣東名勝志

卷之八

七

祀以白牛卽應宋封靈惠侯湖西絕壁中又有白
雲巖宛若城門其前湖水澄徹人跡罕至唐宋未
避世者多往依之靖康中有僧琮改爲禪菴琮本
邑人超然拔俗足跡不到城市間李忠定以謫官
至杖錫來謁時官僚欲見之已飄然而去巖之陽
卽鐵耙溪溪石有如鐵耙故名李綱贈僧琮詩萬
里謫居來海嶠眼中衲子見絕少方袍圓頂動成
羣與俗不同祇其表琮師乃是雷陽人徧歷叢林
參學飽歸來上築瘴海濱十里湖光巖洞小深唐
不復卽城市宴坐惟知侶猿鳥惠然顧我意良勤

野鶴孤雲自輕矯風姿已令蔬笋氣語論不將藤
葛繞黃茅深處見篁筠使我困箱欲傾倒爲君
復戀幽棲訪舊終須乘泚渺口公北還琮復追送
至縣南城月驛公留別琮絕句云好住湖巖攝此
心有緣終會有知音梁谿老去孤峯頂月白風清
難更尋○螺岡山在縣西南七十里高三十仞多
產橄欖南方草木狀名欖欖樹身聳拔高數丈許
其子深秋方熟味雖苦澁咀之芬馥勝含雞骨香
黃山谷詠橄欖詩想其餘其有瓜葛苦中真味晚
方回蘇東坡詩待得餘其回齒頰已輸崖蜜十分

廣東名勝志

卷之八

八

甜故又名餘其子孫吳時歲貢至晉猶然山下爲
武樂水流向南轉東入海○澗洲在縣西南二百
里海中周圍七十餘里內有八村人多田少皆以
賈海爲生洲上有溫泉黑泥可浣衣使白如雪前
爲蛇洋洲周圍四十里二洲之上各有山阜縹緲
煙波間可望不可登又有訓鷄門周圍一百五里
隔硎洲僅一港地勢奔趨如鷄展翅故名○海康
北至遂溪爲舖十其七日遂康康與遂接壤也
又次爲賓州舖宋運使梁安世過此有詩云榕枝
已斷樓番地竹箐相連路接溪風暖雷陽三月暮

木棉花落鴈鳴啼

徐聞縣在府城南一百里

漢志合浦郡有徐聞縣齊改齊康隋改隋康唐貞觀二年復名徐聞宋開寶初併入海康縣紹興中復置元至元中遷治賓村村卽今所按徐聞者以海潮之來徐徐而聞也交州記云徐聞縣多大蜈蚣其皮可辟瘴取其肉曝爲脯又云長數丈能噉牛葛洪退觀賦云蜈蚣大者長百步頭如車箱可畏惡越人獵之肉如鮑○石門山在縣西北五里高十餘丈周圍十里有巨石惟立如門山巔有廣夏名勝志

卷之八

九

潭潭水四時不竭又四十里有廉賓水源出馬鞍山流至老沙港入海○石馬井在縣東五里相傳昔有馬常夜食人禾爲人追急入此井只留石形似馬故名今有碑刻石馬之神四字又十里有大水溪源出龍床山至此有石潭水聲響急其深不測名曰龍潭南經海安城東入海○雙嶺在縣北五十里昔有游士題詩嶺上云年年常喚作丫頭何不梳裝出嫁休筆忽乾下澗取水有神續云只爲尋媒未得巖前空立萬餘秋○小蓬山在縣南海中前有三墩中墩有古樹甚惟下有龍王

廟廟前有穴名龍泉祈雨者于鹹水中取得淡水則雨立至由此渡海四百餘里乃至瓊州海隅有千步香柴似杜若而紅碧間雜佩之聞于數里故名海中有鷄子魚肉翅無鱗尾尖而長有風濤卽乘風飛于海上又有天牛魚方圓二尺眼大如斗在脾頭口在脇中露齒無唇兩肉角如臂兩翼長六尺尾長五尺其形如魚能上岸與牛鬬角軟還石乃中堅則復出又有海鏡亦名海月廣人呼爲膏葉兩片合以成形殼甚瑩滑如雲母光內有小肉如蚌蛤腹中有蠟子甚小頭黃螯足具備蠟出

廣夏名勝志

卷之八

十

拾食蠟飽滿腹海鏡亦飽或迫以火蠟子卽走出離腹腸立斃或生剖之蠟子活在腹中逡巡亦斃云

廣東名勝志卷之九

閩中曹學佺能始撰

廉州府

在省城南一千八百九十里

領一州二縣

漢元鼎六年置合浦郡故隋大業于此置合州矣
元和志云今州即合浦郡理吳孫權黃武七年更
名珠官郡水經注曰地不產穀民以採珠爲生故
名南齊志云越州臨漳郡本合浦北界夷獠叢居
劉宋泰始中西江督護陳伯紹啓立爲越州在今
府治東十里一名青牛城蓋當置州時見三青牛
圍之卽其處置城故名隋大業三年旣廢州爲合
廣東名勝志卷之九

廣東名勝志

卷之九

一

注

于楚惟鷄尾合浦足以當之○志云東漢隄爲費
貽爲合浦太守蒞政清簡民懷其德合浦江山皆
名廉者以貽之故也○孟嘗浙江上虞人爲合浦
太守先是二千石使民采珠積以自入忽徙去他
境嘗痛易前弊化行踰歲去珠復還後人立還珠
亭以表之○唐顏游泰瑯琊臨川人武德初廉州
刺史時劉黑闥初平人多暴梗游泰至撫卹境內
禮讓大行民歌之曰廉州顏有道性行同莊老愛
人如赤子不殺非時草高祖璽書慰勞之○毛炳
廣西富川人性倜儻不羈好讀書唐乾通際以平
廣東名勝志卷之九

廣東名勝志

卷之九

二

上

寇功陸廉州都巡簡使交寇死于難累贈太尉忠
武烈公今有祠如其額○蘇緘福建晉江人宋神
宗時知廉州府吏多侵墨緘獨勵以清操人皆向
化改知英州儂智高作亂募士赴敵死之○李時
亮廣西博白人知廉州有治聲獻平邊十策及疏
購政神宗嘉之時亮精于詩與陶弼相廝和有李
陶集弼蓋知欽州云○陳瓘字瑩中南劍州人徽
宗朝論章蔡邪佞貶袁州又移廉州瓘在貶所自
署其齋曰了齋觀經史百家之言善者錄之于壁
旣而合爲一書名曰壁記○蘇軾眉山人紹聖間

貶瓊州昌化縣安置元符召還量移廉州時有石
康令歐陽闢者與子瞻甚殷勤送接離巾琴枕賦
以詩謝之因歎曰若年六十予尚少一歲白髮盈
頭正畧相似然君吏隱一隅視予困窮亦不相遠
矣○文忠公集有云合浦愈上人以詩名嶺外將
訪道南嶽留詩壁上云開伴孤雲自在飛東坡居
士過其精舍因戲和之詩曰孤雲出岫豈求伴錫
杖凌空自要飛爲問庭松尚西指不知玄奘幾時
歸

合浦縣附郭

廣東名勝志

卷之九

三

漢舊縣宋開寶間省封山蔡龍大廉三縣入焉太
平興國八年省入石康縣咸平元年復置我明成
化八年以石康縣殘破于流賊仍省入○按封山
縣故址在舊州南一百二十里南齊置封山郡隋
罷郡爲縣唐于縣置姜州其屬有東羅縣尋皆併
入○蔡龍縣在舊州北一百五十里唐初置卽今
蔡龍洞也洞在今城東一里又有高城縣貞觀中
併入蔡龍者旋俱廢○舊州東南一百里有大廉
縣故址亦置于唐初後併入石康縣石康縣故址
在府治東三十里○志云鴈池在治北二里環遶

廣東名勝志

卷之九

四

芳洲其氣清淑常有鴈集故名又五里爲鍾潯水
接江海相傳宋政和間靈覺寺鍾一夕飛去旣明
懸空而下猶濕居人言潯中每夜有鍾聲必與龍
戰寺僧祭之果然遂鑿去頂上龍角乃止其後潯
中風起輒有一物大如車輪藍色湧出波中復沒
○縣東二里爲南洋水源出薛屋嶺西流達城入
于州江又三里爲劉公浦水○州江卽廉江也源
出廣西大容山南至州江口分爲五曰州江曰王
屋屯江曰白沙塘江曰大橋江曰新村江環流郡
南入海明知府饒秉鑑詩長江來浩浩何事得廉
名自是源常潔因之流亦清浪浮雲影動波靜月
華明寄語滄浪客于茲好濯纓○思鄉水在治東
北五里源出思峒山流至武利江復回峒界內入
晏江以其去而復還故名○猛水江在治北十里
自廉江分流者又十里爲石灣江以其灣際多石
故名○縣東十里登高山之陽有銅船湖劉欣期
交州記云湖去合浦四十里每陰雨輒見有銅船
出水又有一牛在湖中漁者祭以雞酒便得大魚
不然但得牛糞而已或以漢馬援嘗鑄五銅船以
其四渡海征林邑留其一于此云又十里有白石

山已入廢石康界內蘇子瞻詩青山南白石北此地嗟峨人不識者也又十里有三山三峰峭立與白石山相接○龍門嶺在縣東十里其水分二支曰源頭曰龍門環城北入欽州之龍門江又五十里有仙人橋溪中突起一石儼若巨舟長四丈闊半之南片數石相聯北岸石條橫架于上有巨人跡巖巖然橋南兩石人夾侍西有廢址如城池之狀過東又一石橋橫小溪橋頭有石佛石盤俗傳仙人撐石船引大廉小港北通石康至此聞雞鳴乃止一名石雞橋又五十里有大廉山其上有

廣東名勝志

卷之九

五

樵者入山迷路遇五黃冠朱顏相與談笑指示得歸白鶴觀在其頂多產異果入山者得食不得煉歸如懷一果即迷歸路○武利江發源一自小雙山一自張蒙山一自謝成嶺會武利壩南流至新倉江入海○珠母海在縣南八十里中有七珠池曰青鸞曰楊梅曰烏坭曰白沙曰平江曰斷望曰海渚古今注云漢章帝時鬱林進大珠圍三寸和帝時得大珠圍五寸徑七分南越志珠有九品大五分以上至一寸八分爲八品有光彩一邊水平似覆金者名瑞珠其次爲走珠又次爲滑珠又

廣東名勝志

卷之九

六

亦合像使放光照燭殿宇日久不散云○漢順帝却獻珠詔曰海內頗有災異朝廷脩政大官減膳珍玩不御而桂陽太守文翁不維竭忠宣暢本朝而遠獻大珠以求媚朕甚不取焉令封以還之○晉交州刺史陶璜請施珠禁表云合浦郡土地硃礪百姓惟以採珠爲業商賈去來以珠貨米而吳時珠禁甚嚴禁絕道路人以饑困又所調取繁多不克今請上珠輸一次者輸二麤者悉蠲除自十月訖二月非採珠之期聽商賈通行如舊詔從之

廣東名勝志

卷之九

七

桂

欽州

在府西百四十里

領縣二

八

劉宋析合浦縣地置宋壽宋廣安京三郡梁置安州以統之隋開皇十八年改爲欽州○明洪武二年陞府九年改縣十四年仍爲州○志云三山嶺在州南五里有三山亭宋州守陶弼題十二韻刻石尚存上產孔雀又名孔雀嶺孔雀之雄者生三年有小尾五年成大尾自喜其尾而甚妬凡欲棲必先擇可置尾之處然後止捕之者候甚雨時其尾沾濕不能高翔又恐人傷其尾亦不敢翔也按唐宋欽州寧越郡貢翠羽本朝始罷○雙角嶺在

州北十里雙峰並峙如角故名又十里爲望海嶺言可以望海也又十里爲石浪山羣峰疊石如湧浪然○欽江在州治東源發洪崖山流經城東南以入于海而州西二十里漁洪江又十里鳳凰江州東二十里平銀江州南一百餘里防城江俱注之唐沈佺期渡海安詩嘗聞交趾郡南與貫胸連四氣分寒少三光置日偏尉佗曾馭國翁仲久遊泉邑屋遺氓在魚鹽舊產傳楚人遙捧翟漢將下看爲北斗崇山掛南風漲海牽別離頻步月容鬚驟催年昆弟推由命妻孥割付綠夢來魂尚擾愁

廣東名勝志

卷之九

八

桂

委病空纏虛道崩城淚明心不應天○龍門江在州南六十里源出合浦龍門山至此兩岸夾峙形勢若門而水深百尋大魚登此仰化成龍不得過者鰓腮點額血流入水恒如丹池流經涌淪周墩而達交趾蓋欽州要害地也龍門之前旁有巨石淡水出焉是名淡水灣○分茅嶺在州西南二百里與交趾分界山頂生茅南北異向漢馬援旣平交趾立銅柱其上以表漢界唐安南都護馬摠亦建二銅柱于漢故處以明伏波之裔○明宣德二年地陷交趾嘉靖二十一年莫登庸降仍歸版籍

唐杜甫詩回首扶桑銅柱標冥冥氛氣未全銷越
裳翠羽無消息南海明珠久寂寥殊錫曾爲大司
馬總戎皆插侍中貂炎風朔雪天王地只在忠良
翊聖朝項斯詩領得賣珠錢還歸銅柱邊看兒調
小象打鼓試新船醉後眠神樹耕時語瘴煙不逢
寒使老相問莫知年○唐嗣聖間舍人張說流欽
州有在嶺外送使詩秋鴈逢春返流人何日歸將
予去國淚灑子入鄉衣饑飢啼相聚愁須喘更飛
南中不可問書此示京畿○宋大觀中魏安行爲
京西轉運副使以程瑀所著論解安行爲之鏤板

廣東名勝志

卷之九

九

泰檜疑其議已因諸之流欽州編管○呂祖泰字
泰然河南人上書論韓侂冑無君請誅之書山中
外大駭有旨配欽州牢城收管既至府官爲好語
誘之曰此舉常有導汝者幸試言之吾且署汝祖
泰笑曰公何問之愚也吾固知必死而可受教于
人者乎尹曰汝病狂喪心耶祖泰曰今之附韓氏
得美官者乃病狂喪心耳後侂冑誅特授廵功郎
監南岳廟卒○陶弼永州人以慶曆中知欽州葺
城浚濠郡治增固政暇多所題詠有吟石釣石東
西兩湖皆所倘佯也其題吟石詩云守邊無一事

江上得閒吟醉嚙歌微出狂書墨不深潮痕沒高
岸月色透疎林此意無人解宵分淚滿襟釣石詩
云守邊無一事坐釣石東橋樹色連山疊泥痕上
海潮餌經河日煖輪任水風飄客正思新繪鯨鱗
氣漫騎東湖詩寧越佳山水東湖帶郡城月天高
寺影春雨一橋聲石上青蒲令沙中白鳥橫天涯
正寥落獨往若爲情西湖詩寧越佳山水西湖似
浙城桂多天竺子潮次海門聲路向林梢轉橋隨
野色橫從茲樓泊者無復渡江情商翁又題州東
門之天涯亭霧雨絲絲風色驕天涯亭上覺魂銷

廣東名勝志

卷之九

十

一家生意付秋瘴萬里歸心隨暮潮兵送遠人還
海界吏申遷客入津橋山公對此聊酣飲怕見醒
來兩鬢凋

靈山縣

在州北百二十里

隋置南賓縣屬欽州唐貞觀中改名靈山宋開寶
中廢遵化欽江內亭三縣入焉遵化故址在今縣
治南三十里卽李邕貶遵化尉處欽江故址在今
縣西南內亭故址在今縣治西九十里先是州治
在欽江至天聖初徙治今縣西八十里元又徙治
安遠以靈山爲屬○靈山在縣西一里又名石六

峰其峰有六雄壯奇特內一峰曰龜峰龜靈物也故曰靈山因以名縣其下有巖純石而內虛高廣如堂室石乳森森下垂滴如纓絡巖有三曰龜巖月巖錢巖宋州守陶弼登此有記畧云予得三巖于榛莽間其一呀然雲際天光內通如月半破一似巨龜殼側倚巖下一窪中隆前卑後昂狀如覆鼎上有陰壑刀布藏焉樵者百方力不能到下有磐石螺蚌附之疑古海漸于此因名三海巖又有無名氏碑記云刀布懸巖非人力取螺帶石磯蚌凝斗壁天柱撐空流源匝地金獅玉象連綿地鼓

廣東名勝志

卷之九

十一

石鐘相應觀音變化之像巍然在湧壁間平地突起尖峰深巖直通海底峰頂有塘塘生錦鯉人常見之然不可取明翁傳詩靈巖宵空洞奇探迥且深五月微風生飄飄涼氣侵石牀變閒靜獨坐彈素琴徘徊理中曲惜哉無知音日暮登高岡遠望浮雲陰欲因南風發送此萬里心○龍牙山在縣北十五里山中澄潭常有龍起故名又二十里有洪牙山一名洪崖與廣西橫州接界下爲洪崖江經縣西流入于欽○黃樓山在縣西北十五里本名黃姜山唐時山下有黃氏女招遵化姜神翊爲

婿築樓以居之因名○羅陽山在縣東二十五里山極高大陟其巔往還盡二日力山上巨石方丈旁有脩竹風搖則掃其石上塵謂之神帝山峙縣東日出必先照故曰羅陽其西有穿鏡巖與三海巖相接翠屏聳立峰半一竅相通望若城門天日臨之恍如穿鏡○狼濟山在縣西一百里山上有石室石門門外橫一石橋橋上石人夾立初唐州人審原悌讀書于此舉永昌元年進士累官諫議大夫兼修國史以直書隱巢事忤玄宗旨去官原悌曾孫越郎亦嘗于此游獵今有石名狗跡者其

廣東名勝志

卷之九

十二

所憩處宋之問于宋公宅送審諫議詩宋公爰創宅庾氏更誅茅開出人三秀平臨海四郊漢臣來絳節荆牧動金鐃樽溢宜城酒笙裁曲沃匏露荷秋變節風柳夕鳴梢一散陽臺雨方隨月兔巢按延清以神龍二年徙知欽州云○大洸江在縣南一百六十里源出高崙嶺西南流抵大洸港入海唐白樂天送客遊嶺南詩已訝遊何遠仍嗟別太頻離容君蹙促贈語我殷勤迢遞天南面蒼茫海北濤調陵國分界交趾郡爲鄰蒼鬱三光晦溫暾四氣勻陰晴變寒暑昏曉錯星辰瘴地難爲老蠻

限不易馴土民稀白首洞主盡黃巾戰艦猶驚浪
戎車未息塵紅旗圍弁服紫綬累文身麵苦桃柳
莫漿酸橄欖新牙櫓迎海舶銅鼓賽江神不凍食
泉暖無霜毒草春雲烟蟒蛇氣刀劍鱷魚鱗路足
黠樓客官多謫逐臣天黃生颶母雨黑長楓人迴
使先傳語征車早返輪須防杯裏蠱莫愛囊中珍
止與南殊俗身將貨執親嘗聞君子誠憂道不憂
貧

廣東名勝志卷之九終

廣東名勝志

卷之九

廣東名勝志卷之十

瓊州府

在海南渡海不計里數

領州三縣十

閩中曹學佺能始撰

山海經離耳雕題二國皆在鬱水南楚離騷所謂
玄國之南裔也史記漢武帝平南越遣軍往漲海
洲上略得之始置珠崖儋耳二郡從徐聞縣對渡
北軍舉帆一日一夜而至自武帝至昭帝凡六叛
遂罷儋耳并屬珠崖元帝時珠崖又叛初元三年
復罷珠崖孫吳于徐聞縣立珠崖郡而于其地立
珠官一縣招撫遠人竟不從化晉宋志皆有珠官

廣東名勝志

卷之十

一

注

南齊佚之梁又于徐聞縣立珠崖郡然皆不能有
其地也隋大業六年始開置珠崖郡立十縣又置
儋耳臨振二郡王象之曰此據元和志云耳而隋
志所不載又高州誠敬夫人廟碑云高祖賜夫人
臨振縣湯沐邑則是煬帝未置珠崖時已有臨振
縣矣然或先為縣後乃陞郡乎唐立都督府管崖
儋振三州貞觀五年以崖州之瓊山置瓊州城墀
治址已定嗣宇初墜一夕梁飛于今所遂移治焉
卽今衛基是也貞元五年陞瓊州為都督府儋崖
振萬四州俱隸瓊元收瓊州路 大明陞為府○

攷志漢珠崖郡唐崖州俱在今治東南珠崖郡在石陵村城址俱存有珠崖侯王廟今合祀靈山者崖州在麻釵都其城濱江引小溪爲濠俗名舊州是也○瓊臺在府治前唐設都督府宋置瓊管安撫都監俱在此處○元泰不華送瓊州萬戶入京海氣昏昏接蜃樓颶風吹浪蹴天浮旛旗晝捲蕉花落弓劍朝懸瘴雨收曾把烏號悲絕域却乘赤檣上神州男兒墜地四方志須及生封萬戶侯虞集寄海南故將軍海上風來五月秋晚涼應上木蘭舟金盤赤荔生南國玉盃清冰出北州狂客醉

廣東名勝志

卷之十

二

歸花作幃美人歌罷月如鉤期門舊識將軍面從獵還披翠羽裘明楊士奇送黃知府之瓊州蕭蕭朔風勁慄慄年歲徂積雪橫山岡凝冰塞川途念子萬里行相送城南隅寒樹渺蒼茫誰能忍離居離居昔不淺晤語今還促郡府分南溟蒸黎望賢牧寒暄動飛旆浮埃暗馳轍遠舉凌冥冥臨岐羨鴻鵠鴻鵠翔翩翩倏忽天之涯丈夫抱奇才致用貴及時山川歷繙邈何以贈爭離永矢冰雪操遲暮以爲期

瓊山縣

附郭

漢瑯琊縣唐貞觀五年分置瓊山縣旋于縣立瓊州十三年又析置會口顏羅客瓊三縣後俱省宋熙寧四年又省崖州之舍城縣入焉按梁置崖州在今府城東南三十里而舍城縣隋置也在今府城東北二百六十里顏羅一曰顏盧唐改顏城其產有三熟之稻八谷之蠶卽此會口許澄邁縣下明知縣李思迪瓊山官舍夜雨作一片陰雲接海潮晚風吹作雨瀟瀟燭花影裏人憔悴簷溜聲中夜寂寥且喜暫時消瘴癘莫驚四序失和調救民無策歸無計腸斷家山萬里遥○永日軒在兵備

廣東名勝志

卷之十

三

道後爲唐相李德裕建舊傳公草窮愁志自序云消此永日可以解憂後人因扁其居以寄想焉○放生池在城南譙樓下宋守韓璧鑿建池上有六瑞堂郡守王光祖建以其時蓮開魚帶者三云又有知樂亭朱晦翁記○開元寺卽古乾亨寺也在南橋內寺有東坡臺宋蘇軾謫昌化嘗寓其間○霜筠軒在城之南國初儒士王惠築以讀書解纒爲之記○鴈塔峰在治南平岡一峰突秀如筆水環其下元范曄題云白出瓊山古郭門更無平行似中原重重葉暗桃柳雨知是黎人第幾村○

雙泉在治北蘇軾有洞酌亭詩并引云軾南還過
瓊得雙泉于城之東北閭泉相去咫尺而異味庚
辰歲遷合浦復過之太守陸公建亭泉上求亭名
與詩名之曰洞酌詩曰酌彼兩泉挹彼注茲一鉅
之中有澠有溜以淪以烹衆咸莫濟自江徂海浩
然無私○竹軒在城西成化中處士唐瑜就其所
居之東而建○下田村在縣西北一里大學士丘
濬世居于此城西澗有水環遶此村入海謂之第
一水文莊公有詩云玄圃麟洲非遠境延康龍漢
未多年有人問我家居處朱橘金花滿下田○蒼

廣東名勝志

卷之十

四

屹山在城南二里洗馬橋南石峰屹立蒼翠撲人
壁間刻云盤龍屈曲自何起伏等字○又八里爲
南渡江源自五指歷臨高澄邁定安三縣界會諸
水至此入海越十五里有靈山自北渡海者至中
洋卽見此山上有靈山神祠每歲以三月九日有
司致祭又十五里爲滿渭溪水源有二一自謝潭
一自廕潭合流十餘里入大江鄉人沿溪築柵置
車升水灌田其水如渭之清而鄉語呼水爲滿故
名又五里有南湖通南渡江入海傍有石井上刻
詩云山高水碧半巖泉水接桃花亦洞天佚其二

廣東名勝志

卷之十

五

句○海口港在城北十里舟行順風一日夜可抵
徐聞港中產物曰吊介之屬也蛇頭龜身水宿木
栖其骨輕利貯以銅瓦皆浸出惟雞卵盛之不
漏治諸腫毒又有蛤之屬曰刪其腹有小蟹如榆
莢崩開甲食則蟹亦出食刪甲各蟹亦還○峻靈
潭在縣城東周圍二百餘丈山鯨魚色白而短大
者長二尺作膾炙殊香美又三里爲黎母水蓋黎
母山之水五派流入四郡故儋州亦有黎母水云
○潭龍嶺在東北二十里絕頂可望黎母諸山其
下有泉分兩臂並趨西南一泉中湧名曰卓錫相
傳宋僧和靖嘗卓錫于此蘇軾詩云少年好遠遊
蕩志隘八荒九夷爲藩維四海環我堂稍喜海南
州自古無戰場奇峰望黎母何異嵩與邙飛泉瀉
萬仞舞鶴雙低昂芋魁儻可飽無肉亦奚傷○玉
龍泉在城西南二十里郡人鄭廷鵠記略云郡城
之西南有泉出自石竇寒冽異常其味甘潔噴湧
之勢如飛珠走玉雖大旱不竭好事者因琢石龍
置竇中遂有今名自泉東流十步右轉而爲篁溪
過篁溪又十步乃匯而爲石湖湖水東流經學前
爲學前水正統八年有鴈來集丘濬記畧云正統

壬戌秋八月予肄業學官童子報曰有鳥集于學官池比鵲而小似鳬而大足指蹠屬毛色蒼白旁皇四顧馴擾不驚蓋平昔所未嘗見者盍觀之予偕二友往焉顧謂之曰此易所謂鴻漸於陸其羽可用爲儀者乎書所謂隨陽以爲居者乎是集于江湖漢沔之間乃其所也嶺海之南隔山越河胡爲而至此乎後二年甲子游果首舉于鄉又十年成進士入翰林累官少保武英殿大學士卒謚文莊○西石山在城西四十里上多石下有洞可容數百人其上有井與海通西南一里有蓮蓮

廣東名勝志

卷之十

六

洞自石門入其中逕實委曲相通大小凡五峒上有一門透露天日○惠通泉在城東五十里蘇子瞻記畧云三山巷之下出泉味類惠山泉僧惟德以水餉且求名之曰惠通以其與惠泉通也○扶山在城東南五十里左有五嶺一日從衍二日思峒三日光螺四日居碌五日居林遞相擁護故以扶名道家第二十四福地有陶公者于此脩煉得道仙去又名陶公山其西有蒼巡峒峒門寬五六尺斜入二十餘丈內有二井人汲其一牛飲其一山下巨潭流合三十六曲水達于大江○又三

十里曰那射山居人以射獵爲生其陽爲銅銚溪溪中巨石形如銅銚水注其中聲如雷早聞之則雨雨聞之則止山中有獸名麝角當額上戴科藤一株三四條長可一尋獵者每見而不敢射又有果然似獼猴以名自呼蒼黑羣行老者前少者後得果食則先與老者徐人射之以其毛爲裘甚溫異物志云交州以南有果然其體不過三尺而尾長四尺餘及尾度身過其頭視鼻仍見兩孔仰面其毛長柔細滑澤十餘皮可得一褥鹿好溫暖○雲露山在縣西南六十里有三潭俗名陷屋潭上

廣東名勝志

卷之十

七

潭林木陰森人莫近之下潭有石如橄欖微駁可穿禱雨多應又六十里有南岐嶺中有大石盤圍一丈許上有小石扣之聲如鼓亦名石鼓嶺○瓊山在縣南六十里有瓊山白石二村土石皆白如玉而潤故名種蘗芋味特美蘗有紅白甜三種孫真人千金方在山者名山藥芋卽食貨志之蹲鴟也蘇東坡芋羹詩云香似龍涎仍臘白味如牛乳更全清莫將南海金蘗膾輕比東坡玉糝羹○丘文莊有布衣友黃珏隱于東臯去縣東六十里珏性冲澹耽詩交接海內名流大學士李東陽贈

以詩云「日日沙頭看鳥飛，柴門剛枕釣魚磯。」鷺鷥驚見海出月，客嘯不知風滿衣。隣舍牆邊呼酒近，臥人天上寄書稀。從今小隱須稱大，新向長安市上歸。

澄邁縣在府城西六十里

漢有句「中縣陷以其地置今縣」以境內澄邁山爲名。縣南七十里曾家東隅唐貞觀中于此置會口。縣南漢時省來屬今名傳羅村是也。○按澄邁山在縣東十五里特起一峰若樹株又名獨株山。○縣西通潮閣乃宋澄邁驛閣也。蘇子瞻過此嘗憊

廣東名勝志卷之十 八

閣上有絕句二首倦客愁聞歸路遙眼前飛閣俯長橋貪看白鷺橫秋浦不覺青林沒晚潮又餘生欲老海南村帝遣巫陽招我魂杳杳天低鵲沒處青山一髮是中原○萬歲岡在縣西十里有石如列屏號聖石天將雨則雲霧滃塞又西爲大勝嶺漢馬援大破交趾女子徵側徵貳嶠南悉平因撫定珠崖調立城郭置井邑屯兵故以大勝名○搏龍潭在縣南十里源自沙吉村轉流經此激灘成潭國朝景泰天順年間俱有龍起至大勝嶺上升○縣南二十里有文裔山龍泉出其陽三峰

在其陰又南有鯉魚潭出異魚如鯉山穴泉湧瀄而爲潭其水深碧流溢出逕新安江達瓊山之白沙入海○新安江源自五指山經本縣達定安至白沙入海○雲賓谷在縣西北三十里明天順間邑人吳濬隱居于此丘文莊擬之鄭子真谷口李愿盤谷焉張汝弼詩「椰葉陰中鵲雙語定應有客來何許」山居深窈路逶迤來客須煩迂杖屨主人預出谷口迎坐石聽松久延佇嚶嚶好鳥求友聲宛轉綢繆如我情欲絕未絕忽飛去馬蹄踏踏來林垌主人迎笑客下馬喃喃不已話平生步入草

廣東名勝志卷之十 九

堂景幽絕草光如霧花如雪葉葉檳榔取次嘗海錯山珍相間列深尊巨觥醉乾坤麗語新詞弄風月人生會面能幾何昨朝綠鬢今成皓湖海故人能念我山居寥落頻相過我于谷口萬松裏誅茅更結迎賓窠

臨高縣在府南二百三十里

唐志武德五年分平昌縣置臨機縣開元元年更名臨高○志云昆耶山一名高山在城西十里縣名臨高以此元范德機記畧云邑西有山山頂有獸狀似大蟲俚人呼爲昆耶故以名山邑之耆老

曰漢建武二年青州人王氏家于邑之南村有子長名祈次名律與邑人王居傑獵于山倦憩石上祈爲石所陷居傑三引刀不解祈曰我爲毘耶大神隱此石室已後可以純白三牲祀我語訖則神人兩途律與居傑歸而謀之邑人如期致祭嗣是神非厥靈延祐甲寅邑宰某記曰夫渤海之五峰蜀地之三峩奇則奇矣豈若此山之神魏榆之石能言金華之石可叱惟則惟矣豈若此石之靈必碑以紀之俾邑人不忘神之祀銘曰高山洪濛俯視衆峰天造石室有神居中靈妙變化神機感通

廣東名勝志

卷之十

十

七

其物呵護三邊息烽陽沴而和十雨九風民受乃賜報彰神功歲有常祀犧牲致恭刻在金石以垂無窮歲以八月十六日致祭新官到任必放雞神前十其啼否以驗災祥○美瀧灘在縣東十里水自石巔瀉下高數十尋形如曳練下有潭其深莫測久旱而響則雨灘上黑石平鋪可坐百餘人林木枕擲最多其樹葉下有鬚如鹿馬尾採之以織巾木性如竹紫黑色有文理堅可製器樹皮中有屑如麵可爲餅食之○買愁村在縣南未詳其所由名而村中多檳榔樹異物志云其樹若筍佈生

廣東名勝志

卷之十

十一

五

竿近上五六尺間洪腫起如瓠木焉因折裂出埋黍稷無華而實大如桃李又棘針重累其下以衛實蘇軾詠檳榔詩異味誰栽向海濱亭亭直幹亂枝分開花樹杪翻青緯結子苞中皺錦紋可療饑懷香自吐能消瘴癘煖如薰堆盤何物堪爲偶葉清新捲翠雲○胡鈴買愁村詩往往常思聞喜縣南來怕入買愁村區區萬里天涯路野草芳煙正斷魂○縣東南三十里有那盆嶺勢自五指山北來至縣界忽于平地突起一峰高聳而圓若覆盆狀蜿蜒東北復起一二峰至府治又蜿蜒而西南距縣城十里爲落雲嶺勢不甚高然將雨則雲先棲泊于此○龍潭在縣西三十里潭側有廟元范惇記畧云潭中有穴二水碧黑色測之無底宋天聖間常有白龍出焉潭水西灌千餘畝大旱不殺甚雨不漏或曰地近海穴通故然天久旱肅白氣上騰禱者以爲雨應延祐元年牛君那海來尹是縣會早禱之雨明年又旱余錄因歷縣尹請述其事刻諸石命吏剪叢翳來與龍約曰庶余文哉以神視余吏反而雨隨至吁亦可謂靈矣乃爲樂龍之章俾世世歌以承祀辭曰僊僊兮舞宇坎坎兮

桐鼓龍之居今有官棟白雲今下爲宇湛湛今天
門龍之徠今從續紛洞簫亮今須君蹇須君今日
復夜科直蒸兮芳有藉折素馨兮楊柳玄天矯兮
上下○又十里有泉曰澹菴泉宋胡銓繼興十八
年謫吉陽軍過此遇早覓得此泉甘而且冽由是
汲者不絕後里人戴定立石書澹菴泉三字○縣
治東有茉莉軒令胡澹建胡澹菴書櫺云茉莉花
色白春未夏初盛開氣最清可以薰茗後人題詩
其上寄宿高軒忽十年幽香和墨染陶箋佳名舊
著松陵詠雅什新從海外傳三字尚蒙留紀錄一
廣東名勝志卷之十

生難遇好因緣

王

奇聲茉莉花珍重莫受蠻風與瘴
煙蓋彼時秦檜憾銓輩書李胡趙三字于格天閣
上必欲殺之故其末句微寓意云

定安縣

在府城南
八十里

瓊山縣南境自漢至唐皆徠所居未嘗入版籍唐
咸通五年遣辛傳李趙四將軍提兵擒黎峒蔣璘
省等遂定其地置忠州兵還卽廢元至元三十年
元帥朱斌統兵深入人跡不到之處黎巢盡空明
年立定安縣于忠州故地天曆元年陞爲南建州
我洪武初復爲縣○五指山在縣南界五峰屹

立如人指故名一云婺女星常降此山名黎婺山
一云昔雷攝一蛇卵在山中生一女歲久有交趾
蠻過海採香因與野合其後子孫衆多是爲黎人
之祖故曰黎母山黎人居山四傍內爲生黎外爲
熟黎始按州縣界大抵四郡各占隅之一隅而山
極高其巔常在雲霧中久晴海氣清廓時或見翠
尖浮半空下猶洪濛熟黎所居已阻且深生黎之
巢人跡不至相傳有怡真養氣壽考逸樂之輩不
與世接虎豹守險無路可攀但覺水泉其美絕異
耳海樓餘錄云近聞熟黎村一壽婦嘗至山下有
廣東名勝志卷之十

王

淵泉極甘旁皆果殼鳥羽盡中原之所有○方輿
志云生黎各有峒主貝布爲衣兩幅前後爲裾長
闊不過一尺掩不至膝兩腿俱露椎髻額前男文
臂腿女文身面山中所產有沈香青桂香雞骨香
馬蹄棧香同是一本其木頗類椿及檉柳葉似楠
花白子若檳榔大如桑椹交州人謂之密香欲取
者先斷其積年老根經歲皮幹朽爛而木心與枝
節不壞者卽香也堅黑沈水者爲沈香細枝堅實
不爛者爲青桂半沈半浮于水面者爲雞骨形如
馬蹄者爲馬蹄粗者爲棧香○建江在縣北源自

五指山歷臨高出澄邁新江而來至此中有清潭潭有兩石似龜或擊折一頭江水爲赤數年又有五泥人卓立令賢則沙開泥人出否則淤隱不見右見大司空潘季馴記

文昌縣在府城南百六十里

漢時置縣于治南紫貝山下亦以紫貝爲名在今新衙村唐武德五年改名平昌治今縣北何恭都及貞觀間又改今名元至順間遷北山都卽今治也○文昌江源有二一自龍塘山一自邁南山各流至城南一里相合又東南至清瀾港入海○玉

廣東名勝志

卷之十

古

力

陽山在縣西北十里縣之主峰也林木椰子最多大三四圍高二三丈通身無枝至百餘年纔有葉南方草木狀云三月花連着實房房三十或二十七八子至六月熟七月收其大者可作椀○滑丘在縣東北五十里東昆港水之北丘狹而長若埭者延亘六七里內藏一丘隆然深秀宋知軍邢夢璜世居于此其十代孫有登明正統戊辰進士累官僉都御史致仕歸作草亭于所居怡然終日○又五十里爲銅鼓山晉書云諸徐皆鑄銅爲鼓初成懸于庭中置酒以招同類豪富者以金銀釵扣

鼓遂遣主人若讎殺相攻便擊此鼓其類雲集後人于此掘得銅鼓因以名山又二十里有抱虎山山石如虎其左者回抱于右故名○魚爺井在縣西五十里水極清冽相傳泉與海通有大魚白頭俗呼魚爺卽出○東嶺山在縣東一百里舊志云此山之人形如猿猱其地多田種薯蕷給食紡緝吉貝細密瑩白異物志云吉貝花熟時狀如鴛鴦中有實如珠珣細過絲棉人將用之則車輪絞出其核但紡不織任意以抽相牽不斷○焚樓嶺在治北一百三十里相傳漢樓船將軍楊僕初渡海

廣東名勝志

卷之十

十五

至此卽焚其樓船以示士卒必死要其滅賊後人因以名之又二十里爲七星山大海中連有七峰下出淡水航海必于此取汲其木多相思大樹材理堅邪砍之則文可作器其實如珊瑚而稍異初色黃久則紅如豆歷年不變烏多鷓鴣一名淘河身形似鷓鴣而極大喙長尺餘直而廣頰下垂如數斗囊若遇小水便仰水滿其頰而去令水竭魚在陸地故曰淘河

會同縣在府東南二百九十里

元至元三十年與定安縣同置初治平定鄉皇慶

初王高之變徙端都爲今所○天塘溪在縣北二十里源出文昌天塘嶺流經達樂會萬泉江入海又有大塘水源出黎山分流縣南潞爲巨鍾曰大塘水○西崖嶺在治西三十里峰高千餘頂有巨石其色蒼白周迴望之形狀參差各異中有石龕幽邃可容數十人又縣東南隅二十里有多異嶺山多怪石異常故名

樂會縣在府東南三十五里

隋大業六年王萬昌作亂遣隴西太守韓洪討平之俄而萬昌弟仲通復叛洪又討平之師未返而

廣東名勝志卷之十

洪卒黎復叛有黎黑村爲黎出入之衝唐顯慶五年乃置縣于此以樂會爲名元至元二十四年徙太平鄉之調瀨三十一年徙萬泉渡北大德六年徙渡南爲今治○陰陽山在治北一里以山形奇偶相生也又十五里有龍見石狀如龍首山脊半里黑石峻嶒出若龍鱗而黎盆水繞其前○萬泉河在西北二十五里源自五指山流經定安黎峒東南達此至縣西分爲二支繞縣治至雷村山復合出傳放港入大海以其納衆水之流故名萬泉縣人牧馬皆飲于此又名儂馬河○三山神嶺在

縣東南十里其上有泉名金牛井四時不涸禱雨多應又十五里有金牛山聳峻挿空登之則東南諸山皆爲培塿○白石山在縣西四十里峰高千仞頂有巨石其色蒼白形如磐碑周迴望之其形各異

儋州在府西南三百七十里

漢有儋耳郡異物志云儋耳云者言土人鑊其頰皮上連耳斤分爲數支狀似雞腸累累耳下垂或云馬援收黎人時見儋耳婦人號其地爲儋耳云今州西三十里高麻都有儋耳城遺址乃漢樓船將

廣東名勝志卷之十

軍楊僕所建唐平蕭銑置儋州始遷治城東卽今所也天寶元年改昌化郡乾元復爲儋州宋熙寧六年改昌化軍南渡廢軍爲宜倫縣明洪武初復爲儋州正統五年以宜倫併入唐嚴維送李秘書往儋州題魁會爲伍逢萊近拜郎臣心瞻北闕家事在南荒莎草山城小毛州海驛長玄成知必大寧是泛滄浪○淪水在州北一里源出黎母山合諸水來繞城北西流十里至新英浦與新昌渡水合流復經羊浦入于海唐貞觀中太子校書王義方貶儋州吉安丞行至海南舟人請以酒脯致

祭義方曰黍稷非馨義在明德乃酌水祝曰思帝鄉而北顧望海浦以南浮必也行愆諸已義負前脩長鯨擊水天乎覆舟因忠獲戾以孝見尤四維霧廓千里安流是時仲夏風濤蒸毒祭畢開霧遂南無恙○州西南有陷沿井郡國志云與淪水相通有人以竹置井口淪水得之俚人呼竹爲陷沿因以爲名或謂馬拔來白馬于此跑沙得泉一名白馬井○桃榔巷在城南蘇子瞻偃息之所傍有桃榔林巷南有清水池池中荷花四季不絕臘月猶盛東坡桃榔巷銘九州一區帝爲方輿神尻以

載酒堂詩云退居有成言耆老竟未踐何曾歸屢作敬通免休閒等一味忘想生愧靦將自知明稍積在家善城東兩黎子室邇人自遠呼我釣其池人魚兩忘返使君亦命駕恨子林塘淺○朝天官亦在城東南中有息軒蘇長公寓此飲其井而其之因名乳泉井其詩云無事此靜坐一日似兩日若活七十年便是百四十黃金幾時成白髮日夜出開眼三十秋速如駒過隙是故東坡老貴汝一念息時來登此軒目送過客席家山歸未能題詩寄屋壁又乳泉賦吾謫居僇耳卜居城南隣于司命之宮百井皆鹹而醪醴湮乳獨發于宮中給吾飲食酒茗之用蓋沛然而無窮吾嘗中夜而起挈餅而東有落月以相隨無一人而我同汲者不動夜氣方歸鏘瓊珮之落谷灑玉池之生肥吾一嚙而過逗懼守神之呵譏却五味而謝六塵悟一真而失百非雖飛仙之有藥中無主而何依渺松喬之安在猶想像于庶幾○相泉在州西十五里宋丞相趙鼎安置吉陽過此遇旱諸泉皆涸見潮海有水脉令人鑿之得泉潮漲則鹹潮退則甘以其得之于丞相故名相泉○松林山在州北

二十里即隋志之藤山也頂圓下番其中如繡宇
有石巖宋僧和靖居此歟松依露固壁六年淳熙
丙午功成騰化蘇軾松林山詩突兀隘空虛他山
總不如若看道傍石盡是補天餘○龍門嶺在州
西北三十里海岸夾起石峰兩趾奔海其狀若門
可以泊舟上有石穴中虛通海透風名風門內容
數十人皆有蛇潛其間化為龍又名虺穴又四十
里有黎毗山以近黎母而名○馬蝗山在州東三
十里以形似得名相傳漢時屯兵于此土人時常
掘得銅鼓鉦鐃等物其地又多鬼火以陰晴出沒

廣東名勝志 卷之十 三

蓋古戰場血漬所化云

昌化縣 在州南二
百九十里

漢有至來縣久廢隋大業初置昌化縣○昌江在
城南十里源自五指山流納戕娘水至侯村分南
北二派南江西流經赤坎村會海潮成港一名南
崖江北江繞縣南流西至泥浦與潮相匯徑入海
一名北海○峻靈山本名朝明在縣北十里郡國
志云朝明山有二石如人相傳有兄弟向海捕魚
化為石號見第石又有石若冠帽乃二兄弟所遺
及石池石船乃其所游乘者黎人祀之一名神山

嶺宋封其神為峻靈王遂以名山宋蘇軾碑畧云
唐代宗之世有比丘尼若夢恍惚見上帝賜八寶
以獻諸朝且傳帝命曰中原兵久不解朕聞于天
故以此寶鎮之以是知天亦分寶以鎮也昌化
縣西有山名峙海上石峰巉然若巨人冠帽西南
向而坐者俚人謂之山胎腠偽漢封其山神為鎮
海廣德王五代末南夷有寇氣者謂是山有神寶
氣藏舟其下斷山發石以求之夜半大風浪駕舟
碎空中夷皆溺死僂之父老獮有及見敗舟山上
者今獨有石存焉元封五年詔封山神為峻靈

廣東名勝志 卷之十 三

王山有石池產紫鱗魚民莫敢犯石峰之側有荔
枝黃柑人得就食持去則有風霆之變○瑗崖
千里塊海中民夷錯居古相蒙方壺蓬萊此別宮
峻靈獨立秀且雄為帝守寶甚嚴恭庇蔭嘉穀歲
屢豐○恭子灣在縣西北二十里有石如恭子若
取之者以紙錢拋山下取勿揀選取畢視之黑白
適均○象石在縣城東十五里石形如象擊之聲
如鉦又三十里有馬頰山勢起伏至海濱復相對
聳起若天馬然○九峰山在城東一百六十里山
有九峰盤旋百餘里其下為戕娘村相傳戕娘生

九子皆爲酋長至九喇卽此

萬州 在府城東南一百七十里

領縣一

唐志萬安縣下注云貞觀五年析文昌縣置龍朔二年于此置萬安州在今通化縣名曰舊州天寶元年改萬全郡乾元復爲萬安州 大明洪武初改爲萬州正統間以萬安縣併入○志云南陵水在縣西南二里又十里有大溪水二十里有都封水注之○金仙水在縣北二里發源黎山至城北止潞爲潭流出平政橋轉北入小海潭畔有石盆上有馬蹄人跡及葫蘆痕相傳嘗有交趾道士煉丹

廣東名勝志

卷之十

三

于此○東山嶺在縣東七里嶺南有巨石如盤又一石方如印一巖刻華封二字傍有丹井又南有維石巖泉出石壁下宋陳德裕守萬安劉椿爲作黎順亭記略云我公出守萬安大小峒穴隨土貢宜公減租寬役勸勉農桑遂令天生碑石聳然顯于東山華封巖側誠不偶出乃建黎順亭刻天然之碑四字○小海港在城東二十里產魚蝦味美港口二小石峙起南北二門上有石神廟內有石船一石神三商舶往來祈福多應○赤隴山在州東南三十里其土色赤岡隴相連故名又二十

里海中有獨洲山風帆半日可到峰勢插天周圍五十里島有鸚鵡一種青色一種五色大于鵝而小于白又有鳥名秦吉了大似鸚鵡善效人言語音雄大分明于鸚鵡唐白居易詩云秦吉了出南中彩毛青黑花頸紅耳聰心慧舌端巧鳥語人言無不通又出猩猩郭璞讚云厥狀似猿號音若嬰兒自然知往顧測物情是也猩猩嗜酒好着屐能知人往事常數百爲群欲捕之者設酒路側織草爲屐更相連結猩猩見酒及屐知人設張則知張者祖先姓名乃呼名言之奴欲張我乎捨之而去復

廣東名勝志

卷之十

三

自再三相謂曰試共嘗酒但不醉何妨及飲遂至于醉取屐著之因爲人擒○六連山在縣北六十里六峰連續起伏三十餘里故名鹿巖連聚于此又名鹿市山○金牛嶺在縣東北一百里相傳嶺上有金牛夜光舟人望見之以爲寶氣○州北境有岐峒蓋在生黎之外五指之中歷代不化者爲岐又爲黎人所懼卽隋志所謂龜岐也

陵水縣

在州城南六十里

隋大業六年置陵水縣宋熙寧七年廢爲鎮入萬寧縣元豐三年復置舊志及一統志云縣境有寶

雲傳遼二縣遺址皆唐貞觀中析文昌縣地置南
漢省入○多雲嶺在縣南十里一名靈山峻拔多
雲禱雨靈應又十五里有水口港源出大河水至
此合潮成港入海○陵柵水在縣東北十五里又
縣東二里有大河水二十里有傳吉水源自五指
山繞石山間出合衆水至水口港入海○海中有
雙女巖去岸半日周圍數十里兩石峙立如人上
有淡水海舶多就汲焉○小五指山在縣西南一
百里生岐峒中與崖州共界挺立數峯岐人環居
其下有郎溫嶺嶺脚二峒外險而內夷乃陵水之
廣東名勝志 卷之十

衝也

崖州在府城南千里四百一十里

古珠厓之別爲崖州始于隋置臨振郡唐武德五
年改爲振州宋開寶五年改爲崖州熙寧六年改
爲朱崖軍我 洪武二年復爲崖州正統五年以
寧遠縣併入○翰墨全書云崖州氣候不正春常
苦旱涉夏多雨樵牧漁獵與黎僚錯雜出入必持
弓矢丁謂之貶寇準初擬崖州忽自疑曰崖州再
涉鯨波如何乃擬雷州按黎人居黎母山中崖州
在鳴南階既不可取逕則復浮海循鳴而南所謂

再涉鯨波也嶺表異錄云自瓊至振多溪澗間中
有石鱗次水流其間或相去二三尺近似天設可
躡之而過或有乘牛過者牛皆促飲四蹄跳躍而
過或失則隨流而下唐李德裕登臨振城詩獨立
高樓望帝京鳥飛猶是一年程青山似欲留人住
百匝千遭繞郡城宋丁謂崖州道中山木無陰驛
路長海風吹熱透蕉裳渴思西漢金華露因憶南
朝石步廊江上綸竿輪散認林間冠鵝負清涼下
程欲選披襟處滿眼蘋蘩與佛桑○輿地紀勝云
盛德堂在水南村宋裴開義宅義本唐裴度十五

廣東名勝志

卷之十

五

代孫父瑒爲雷州刺史以中原亂不得歸聞義由
陰補知昌化軍卜居于此會趙鼎編置吉陽義遂
讓宅以居後胡銓亦忤秦檜謫吉陽居之因題扁
且銘曰震風凌雨大厦幃幪遷客所廬丞相趙公
後來云誰廬陵胡銓三宿銜恩矧此八年○相公
亭在兢田村丁謂貶所郡長吏建屋數椽處之謂
嘗語客曰天下州郡孰大客曰京師謂口不然宰
相爲崖州司戶則崖州大耳聞者絕倒○南山在
州南十里壁立枕海爲州屏障石邊一穴出泉清
冷可愛名萬仞泉明黃芳詩鵬背高鶯吸曉虹

憐孤絕自爲宗輿圖盡地千里峰勢半開波萬
重華夏封疆分微外斗牛光焰直天中似嫌涓滴
分流細獨向重離閣會同○又十里爲釣臺山中
有試劍峰峰頭有石船長丈餘闊四尺有二石室
曰大小洞天宋知軍毛奎記畧云石船摩崖之巔
得一石室前瞰大海後環曲港峭壁在南小峒附
其又于山麓石峰之陰近石船得一巖由西北委
蛇數十丈以通後峒巖之外臨海有平石可坐而
釣是爲釣臺對巖之前巨石奇怪其下可坐十客
仰望諸景皆在目中○玳瑁欄在州東南五十里

廣東名勝志

卷之十

五

海邊有巨石數十丈如屋宋時陳明甫鑿石爲欄
以養玳瑁異物志云瑤瑁如龜大者如盤孟背上
有鱗發之因見其文有光輝可作器嶺表錄異云
生帶之遇有蠱毒則其甲自動搖每以爲驗唐末
盧亭獲以獻連帥薛知柔取二斤堵于左臂以辟
毒仍養于池俟其樹處漸生復送之海○落筆峒
在州東一百里石峰獨聳高數十丈中有石峒懸
石擊之如磬有石馬首在門內入門有雙石如懸
筆其尖水滴不斷東十數步復有一峒俯入僅容
身門內如屏高可十丈中甚暗外有石竅通光可

薛纖毫極處有井深不可測昔人刻木爲誌沈井
後乃于大海中得之知此井通海也○又三十里
爲臨川水源出黎山分爲兩派前後夾流臨川後
水產石蠃廣州記云只是常蠃以年久被水沫相
泡因成石每遇海潮卽飄出石蠃味鹹寒有毒主
消眼翳前水產海鏡嶺表錄異云廣人呼爲膏葉
兩片合以成形內有小肉如蚌蛤其殼圓中甚瑩
滑白照如雲母光○廻風嶺在州東北一百二十
里以颶風不過此嶺而名李德裕崖州道中嶺水
爭分路轉迷椰枕椰葉暗螢溪愁衝霧逢蛇草

廣東名勝志

卷之十

五

畏落沙蟲避燕泥五月畚田收火米三更津吏報
潮雞不堪腸斷思鄉處紅槿花開越鳥啼明張習
詩古驛投來近海埂坐看高嶺插青天明朝要向
廻風過便是蓬瀛頂上僊○大河水北流三里復
分流南入于海海槎餘錄云海而七百里外有石
塘北之海水特高八九尺海槎必遠避而行若一
墜卽不能出其南波流甚急舟入廻溜中罕能脫
者又有鬼哭灘凡舟至此輒有無頭及隻手獨足
短禿之鬼百千爲羣互來追逐舟人以米飯投之
則止○木欽川在州境西陽離俎云朱崖有一島

居民甚聚而地無井海水特鹹取草木汁飲之故

名

感恩縣

在州西南三十里

漢九龍縣治九龍山下隋改今名宋入宜倫縣元豐復置○感勞山在城北十里感恩之水出其陰南有平坡昔大軍平黎至此秋毫無犯土人感而勞之故名○南龍江源出黎母山東繞縣治西會潮成港入海兩岸皆石深不可測又四十里有透道巖澄江之水出焉一名白沙港其水澄澈源出黎母山流經此會潮成港入海又五十里有抱透廣東名勝志

卷之十

壬

廣東名勝志卷之十終

廣東名勝志

卷之十

三九

翻天沃日高千尺馮夷起舞羣龍趨六鯨駕出雲
山白洪流洶湧迷天關我行見之心瞻寒須臾滿
耳自澎湃萬鼓怒吼雷門間水晶樓閣白玉闌干
尋萬疊不可越有客破浪乘長風使我因之壯心
發

廣西總叙

文獻通考有嶺外代蒼十卷永嘉周去非直夫撰所記皆粵西事據云唐分天下爲十道二廣不分東西元口郡縣志以唐分嶺南安南桂管邕容爲五府各置經略使而嶺南節度治廣州是合廣南五管並隸廣州亦不分東西矣至懿宗咸通三年始陞邕管爲西道節度使而東西乃分宋汪應辰題名紀云國初合二廣爲嶺南道至端拱元年監察御史高象先爲廣西轉運使廣西分部命使實始於此皇祐中懷智高平詔狄青分廣西邕宜融爲三路守臣兼兵馬都監而置經略安撫使於桂州以統之此今者粵西開府之制也宋朝會要云大觀三年以黔南路併入廣西爲一路以廣西黔南路爲名依舊桂州爲帥府四年仍舊稱廣南西路張維廣西郡邑記云以漢志考之今之東路卽漢之南路桂陽郡與夫桂陽郡之五縣曰桂陽潯陽含洄陽山曲江是也蒼梧郡之三縣曰高要端溪與夫廣信對陽俱屬焉其鬱林合浦珠崖儋耳四郡與夫蒼梧之七縣是西路而交趾九真日南自唐置安南都護歷五代遂爲羈縻國此似今者

總叙

一

廣西名勝志

總叙

二

兩廣總督之制也按國初交趾雖入郡縣屢叛不常至宣德間始棄之今僅修貢職不替而已○代蒼又云五嶺之說皆指山名考之乃入嶺之途五耳非必山也自福建入廣東之循梅一也自江西之南安入南雄二也自湖廣之郴入連三也自道州入廣西之賀縣四也自全入靜江五也○明督學使魏濬西事珥云五嶺考見丹鉛錄臺嶺之嶠在大庾騎田之嶠在桂陽都龐之嶠在九真萌渚之嶠在臨賀越城之嶠在始安則西粵已占嶺之三矣而廣州記謂大庾始安臨賀桂陽揭陽爲五嶺其說頗異淮南子以爲始皇利越之犀角象齒翡翠珠璣乃使尉屠睢發卒五十萬爲五軍一軍塞鐔城之嶺一軍守九疑之塞一軍處番禺之都一軍守南野之界一軍結餘干之水然粵西薪米之外皆仰給東入所謂犀角象齒翡翠明珠未有一焉及考其地則鐔城在武陵西南九疑在零陵南野餘干在豫章大抵隔絕嶺表之路爾惟番禺一軍軍於越地故謂之處謂之都亦中外維絡控制使不得動之意非必利其所有也又唐置五管廣管桂管容管邕管瓊管屬之西者亦三○按

桂陽今郴州是有黃岑山在州之前一曰黃箱山
卽騎田之嶠其支曰折嶺者楚車於此分界口萌
涪嶠在富川縣北與楚之江華爲界水南北分流
口始安嶠在興安縣界湘灘二源間相距百餘步
卽越城之嶠口臨賀嶺一曰桂嶺今謂在桂林者
誤○漢武帝元鼎間以衛尉路博德爲伏波將軍
出桂陽下湟水主爵都尉楊僕爲樓船將軍出豫
章下浚水發十萬師討南越歸義越侯嚴爲支船
將軍出零陵下離水甲爲下瀨將軍下蒼梧越馳
義侯遺別將發夜郎兵牂牁威令番禺復其王建

廣西名勝志

總叙

三

德相呂嘉蒼梧王趙光降遂以其地爲蒼梧南海
九真交趾等九郡蓋伏波樓船兩路爲正師支船
下瀨攻蒼梧使自救而夜郎以備應援與秦五軍
之意大畧相似○隋義寧間羅川令蕭洗稱兵江
陵欽州刺史竇長真以鬱林附之始安郡丞李襲
志堅守不下詭攻圍二載外無聲援城陷詭仍以
襲志爲桂州總管復遣劉泊界嶺表地得五十餘
城勝兵四十餘萬唐武德初襲志約嶺南酋永平
郡守李光度潛圖歸附高祖以書諭曰公朕之宗
不可與異姓比宜及子弟並豫宗正屬籍是年以

李靖爲行軍總管討平蕭詧靖踰嶺至桂州分道
招慰下十六州襲志誘諸嶺南酋皆送款詔授靖
嶺南撫慰大使襲志爲桂州都督靖以嶺表遼遠
久不見德化非示禮義無以變風因延見長老宣
布恩意嶺表率平○唐李方鎮擅命自相椎長楚
王馬希範割據靜江燕輅牂牁象郡南漢王劉晟
稱制番禺時脩郤于楚周廣順間南漢遣內侍吳
懷恩攻敗楚師以兵畧定宜連昭賀桂柳象龔等
州盡有嶺西地宋開寶三年以潘美爲桂州行營
都部署帥師伐南漢劉鋹聞宋師至內外震恐乃
遣龔澄樞馳往賀州畫守禦策宋前鋒至芳林澄
樞遣還遂圍賀州鋹遣伍彥柔將兵樓賀潘美潛
以奇兵伏南鄉岸彥柔夜泊南鄉艤舟岸側遲明
挾彈登岸踞胡床拈棹而宋伏兵卒起彥柔衆大
亂因擒彥柔斬之梟其首以示城中城遂降美帥
師次昭州破開建砦昭州刺史田行稠遁去城遂
陷桂州刺史李承進棄城而奔美乘勝克廣州降
劉鋹嶺南悉平 國初洪武元年

廣西名勝志

總叙

四

上以廖永忠爲征南將軍以叅政朱亮祖爲副帥
取廣東以平章楊璟左丞周德興叅政張彬取廣

西因諭承忠曰兩廣之地遠在南方彼此割據民
困久矣定亂安民正在今日若先遣人宣布威德
以招徠之必有歸款迎降者可不勞師旅慎勿殺
掠廣東既平留兵鎮守仍與平章楊璟等合兵取
廣西肅清南服在此一舉復諭璟等曰南方之地
皆人叛圖惟兩廣尚未歸附命爾等率荆湘之衆
進取廣西兩軍合勢何征不克何堅不摧爾其務
靖亂止暴撫綏順附使遠人畏服懋建乃勛毋替
予命諸將皆頓首受命五月承忠亮祖等既平廣
州兵至梧州境元達魯花赤拜任率官吏父老迎
廣西名勝志 總叙 五
降時元吏部尚書普顏帖木兒張瑄以便宣行事
入廣西行次藤州聞承忠兵至欲募卒迎拒無有
應之者既而聞州守吳鏞出降乃率所部百餘人
走鬱林亮勒兵追之普顏帖木兒戰死張瑄赴水
死亮祖駐兵藤州於是潯貴鬱林容州以次皆降
是時楊璟既克永州遂引兵抵靖江城下屯北關
參政張彬屯南關亮祖帥師自廣東來會屯于東
門象鼻山下攻城越二旬不下璟語諸將校曰彼
所恃者西城濠水耳當先取關口開決其堤岸破
之必矣諸將曰諾明日遣指揮使丘廣引輕兵攻

開口關殺其守堤兵遂決堤濠水涸因築土堤五
道與江城接以逼之元守臣也兒吉尼勢窮蹙其
總制張瑄與麾下裴觀以書繫矢射璟營約降期
是夜二鼓觀縋城見璟備言城中儲積空虛人無
鬪志可立取狀瑄乃給白皮帽百餘俾歸為識約
四鼓從寶賢門入至期璟率衆登城曰殺人傷人
及標掠者死衆心遂安生擒也兒吉尼送於京師
左江太平府土官黃英衍右江田州府土官岑伯
顏等各遣使齎印章詣璟降 上既平廣西遣照
磨蘭以權諭兩江谿洞居民詔曰朕惟武功以定
廣西名勝志 總叙 六
天下文教以化遠人古先哲王威德並施遐邇咸
服者也瞻茲兩江地邊南徼風俗質朴自唐宋以
來黃岑二氏代居其間世亂則保境土世治則修
職貢良由審時知機故能若此頃者朕命將南征
兩廣平定爾等不煩師旅奉印來歸嚮慕之誠良
足嘉尚今特遣使往諭爾其克慎乃心益懋厥職
宣布朕意以安居民自是兩江諸夷贊琛者悉後
云○魏濬西事珥曰古之部署方州皆因山川形
便與其道理遠近所宜故或因延衽之勢以臨制
上游或順臂指之義以控運四外要歸於建威銷

萌以久治安而已若悉割兩江東包廉欽潯鬱以
 北盡平宜柳之境屬之邕管使自爲牧鎮此所謂
 臂枯之義也則兩江谿峒可以馴服兩江既治雖
 以南畧交趾可也或曰如此則何以爲廣西曰桂
 林故衡湘地也天文分野上屬翼軫九疑蒼梧之
 山形勢曼衍首起衡嶽腹蟠八桂而尾達平蒼梧
 湘灘二水分繞其下桂林據其上游若屋極然所
 謂建瓴之勢也衡永邵道桂柳諸郡綴附廣西并
 故所轄桂昭梧三郡統之其封畧故爲不小矣今
 荆湖地理濶遠行部使者病不能徧歷或議欲析
 廣西名勝志
 總叙
 七
 之而衡湘間數郡歲調兵食以給廣西蓋猶屬之
 也若舉而移之經制一定爲嶺服安危計慮久宜
 更無出於此○按張襄惠公序南寧志中有此論
 與秦置桂林象郡吳分荆交之意畧同唐設桂林
 邕州二都督府而宋平儂智高後邕州太守特兼
 經畧安撫之號兩江無事者近百年其效可睹矣
 異曰西南多故必有行其說者○今制廣西桂林
 府屬桂林道平樂府屬府江道梧州府屬蒼梧道
 柳州慶遠思恩三府屬右江道潯州南寧太平三
 府屬左江道其蒼梧左右江道俱守巡分治之惟

桂林平樂則總一分守故守道曰桂平道而佐以
 天啓二年起家降補茲職云

閩中曹學佺能始撰

桂林府 附卷 領州二縣七

史記秦始皇南取百粵置桂林象郡按象郡在今日南境桂林在兩江郡縣之間非今之桂林也漢書武帝元鼎六年改桂林郡為鬱林今潯鬱二州其地咸有焉南史梁天監六年分廣州置桂林地亦不改大同六年改置桂州于始安郡督南桂林等二十四郡始為今桂林矣始安郡在漢分屬零陵東漢建始安侯國于此三國吳甘露元年以零陵西名勝志卷之一

陵南部置始安郡其時黃蓋為始安太守郡治多所規拓晉宋齊陳皆因之至隋開皇中廢始安郡為置桂州唐武德天寶之際始安郡及桂州更置不常至光化間陞靜江軍節度使宋紹興已後之靜江府元靜江路俱治其額 國朝仍復桂林之名以藩王為靜江府改靜曰靖二義亦相通○城邑考云桂林子城在灘江之西周三里十有八步高一丈二尺唐莫休符風土記以為唐初桂州總管李靖所築○古外城唐蔡襲築方六里又有夾城在外城之北周六七里光啓中都督陳環築○

古城六南曰寧遠俗呼陽橋北曰迎恩西二一曰平狄俗呼鍊爐一曰利正俗呼沙塘其東二一曰行春俗呼上東門其一則子城之東江門宋皇祐中平儂智高之後經畧余靖所築也王安石為之記今門增十二曰東鎮就日癸水麗澤武勝文昌寶賢西清安定而寧遠行春東江三門仍舊○榕樹門即古南門相傳為唐時築門上植榕一株歲久根生跨門內外盤錯至地分而為兩天成門狀車馬往來徑于其下 國初洪武八年展南城凡舊基率毀去惟存此門即楊基孟載詩榕樹城門

廣西名勝志卷之一

二

却倒垂也○東江門有樓冠其上唐時名東樓長史于邵九日陪廉使盧端公宴東樓有序今分守桂平道近此門故予詩云分司猶得近東江○東樓之北有樓曰逍遙宋之間登逍遙樓詩逍遙樓上望鄉關綠水泓澄雲霧間北去衡陽二千里無因鴈足繫書還宋崇寧初改為湘南樓取韓退之詩中語也李彥弼有記今碑見存碑陰刻逍遙樓三字以為顏魯公筆○唐人從城東至北建有三亭其一為東山風土記云府之東門有大亭枕江與望月樓相接近子城口一為拜表亭風土記

云北樓碧潯南連望月東俯長河西隣雄堞前尚
書盧公匡建置一爲碧潯亭樓連道遙前近大
江縮宇弘麗制作精緻高下敞豁冠諸亭院大中
初韋舍人瓘所創也○曹鄴碧潯宴上有懷知己秋
花蘆葉滿溪流一簇笙歌在水樓金管曲長人盡
醉玉簪恩重獨生愁女蘿力弱難逢地桐樹心孤
易感秋莫惟當歡却惆悵全家欲上五湖舟○陽
亭舊在陽江上迤西南城陽江之水入焉名曰陽
塘演漾數百餘畝岸帶樹陰洲連芳杜夏月藕花
盛開芬郁特甚今析入貢院及督學公署十之三

廣西名勝志

卷之一

三

四○宋之問故宅在城南二里卽玄山觀也宋雍
熙間刺史柳開玄山觀記云唐景雲初宋公南遷
愛其清致卜爲軒榭後夫人孫氏捨爲觀後五
十餘年夫人族弟舍部郎中成來爲刺史命開記
之後易爲真山觀○曹鄴宅在市西門阜財坊鄴
字鄴之本陽朔人唐大中登進士第後遷于此觀
寮令狐綯以鄴所居改爲遷駕坊○趙觀文故宅
在城西門外進賢坊舊臨桂學址觀文臨桂人唐
乾寧二年狀元○望泰驛舊設于城北蓋古秦城
在城北八十里融灘二水間也唐柳子厚集有城

北望秦驛手開竹徑至釣磯留待徐容州詩云幽
逕爲誰開美人城北來王程倘餘暇一上子陵臺
至宋時改爲桂州驛咸平初陳堯叟爲轉運使以
嶺西風俗病者禱神不服藥乃集驗方刻石于驛
內今復移之稍東因改爲東江驛○魏濟嶠南瑣
記云東江驛去虞山西南三百步黃澤山癸方來
注之匯爲靜流東與灘江隔一洲洲上蒹葭密
而驛前竹樹林樾交接互映淥水一灣澄泓如染
了無塵土之態○舊始安郡及桂林郡驛俱在獨
秀山下國初建置藩封乃移于鹽樓街北唐李

廣西名勝志

卷之一

四

義山詩有曰旣載從戎筆仍披選勝襟襟瀧通伏波
枉簾對有虞琴宅與嚴城接門藏別岫深閣涼松
冉冉堂靜桂森森明指獨秀山也○八桂堂在揭
帝塘上宋紹興中龍圖閣鄱陽程節建更熙春臺
泛淥閣俱在左右按揭帝梵稱也塘在癸水就日
二門之間方廣數畝獨秀伏波二巖巖影其中今
亦藩郡垣而閉之堂久不存○漢張衡四愁詩其
一曰我所思兮在桂林欲往從之湘水深側身南
望涕沾襟美人贈我金琅玕何以報之雙玉盤路
遠莫致倚惆悵何爲懷憂心傷煩唐王昌齡送任

五之桂林楚客醉孤舟越水將引棹山爲兩鄉別
月帶千里貌羈縻同繪綸僻幽間虎豹桂林寒色
在苦節知所効榜卽任華也時爲李昌巖府中叅
佐杜甫寄桂州楊五五嶺皆炎熱宜人獨桂林梅
花萬里外雪片一冬深聞此寬和憶爲邦况好音
江邊送孫楚遠附白頭吟韓愈送桂州嚴大夫蒼
蒼森八桂茲地在湘南江作青羅帶山如碧玉簪
戶多輪翠羽家自種黃柑遠勝登仙去飛鸞不假
騷李商隱桂林卽事城窄山將壓江寬地共浮西
南通絕域東北有高樓神護青楓岸龍移白石湫
廣西名勝志卷之一 五

殊鄉近河禱蕭鼓不魯休○金石錄載唐桂州都
督程元英碑李邕撰文張廷珪八分書大歷七年
五月立○隋桂州總管陳莫穎墓誌正書無姓名
武德八年十月○文獻通攷桂林風土記一卷唐
融州刺史權知春州莫休符撰昭宗光化二年○
桂林志一卷宋乾道五年靜江教授江文叔編時
張維爲帥撰次刊刻○桂海虞衡志二卷府帥吳
郡范至能撰成大自桂移蜀道中追記昔游○桂
林盛事記張仲宇撰字德儀紹興間人與石安民
相爲引重安民二弟安行安持俱能文里人號曰

三石

臨桂縣附郡

本漢始安縣吳立始安郡領縣七始安其一也唐
武德初析置福祿縣貞觀省入始更今名○唐張
籍送人之臨桂旌旆過湘潭幽奇得遍探莎城百
粵地荇路九疑南有地多生桂無時不養蠶聽歌
難辨曲風俗自相諳茂豈桂城早秋遠客驚秋早
江天夜露新滿庭惟有月空館更何人上命知身
賤傷寒舞劍頻懷帝曾下淚可是爲憂貧宋陶淵
明臨桂令戴若納出廣五嶺生還少無辭酒滿觴
廣西名勝志卷之一 六

共經邊寇事先出瘴煙鄉楚樹蟬聲早湖天日影
涼此行休問路宮闕斗杓旁○縣舊基在今府學
內卽始安縣也唐時徙在郡治西南隅利正門下
國初移今所乃舊縣學基○獨秀山縣城內稍東
疑介獨立有端人正士之想國初考卜其陽爲藩
邸朱扉四達周垣重遠蒼翠所及皆禁禁間地以
故形亭畫觀上出雲表下漸清池最爲諸山麗觀
馬山故刻有孔子像按圖似元人所爲者起自唐
大曆中李昌巖爲桂管觀察使建學其下設東西
庠以居胄子備俎豆儀以親釋菜建中元年八月

二十八日監察御史裏行鄭叔齊爲之記曰巖曰讀書以劉宋時始安太守顏延之讀書于此巖前有五詠堂鐫五君詠不具錄顏詩曰未若獨秀者巖我邪邑間見鄭叔齊記內惜無全篇口桂海虞衡志云讀書巖在獨秀峯北傍周廻百餘丈豁然明朗有便房石榻石牖如環堵之室其西石壁垂乳潔白如雪有洞曰雪洞題名唐刑部員外郎孟簡元和元年三月三日遊宋朝奉郎通判桂州軍州事楊書思政和二年九月晦來孫覲北歸提點刑獄董谷招經畧安撫劉彥適轉運副使陳克判

廣西名勝志

卷之一

七

官趙子巖餞于蒙亭飯後登鐵牛寺塔徒步入巖院觀無盡老人畫像初寮道人書榜及讀書巖所刻五詠晚集於靜寄紹興四年十月十七日淳熙改元冬常恭曾遊開封王維則拉張信之啜茶巖下山主華公預焉淳熙十年歲次癸卯七月十九日題紹興甲戌三月二十七日知府事呂愿忠訪顏氏讀書巖淪茗鼓琴裏面久之預者四人機宜劉襄監郡朱良弼司理葉仁宋乾道九年蔣時日新篆雙清室三字又有舊刻雪洞二字○桂山在府治東北三峰連屬拔起于前次峯宛轉後峯龍

從總之皆北山也巖曰疊綠明張羽王紀勝曰桂城直北重門夾山山分東行卽爲疊綠有亭曰仙鶴又有越亭山穴透出北而因名北牖洞俗名風洞遠眺長江極目煙水唐舍昌初元常侍晦時恣盤遊建大八角亭寫其直像而院卽爲寫真院歌臺釣榭石室蓮池故稱絕景口明臨桂令葉繼熙雜識云疊綠巖在城北又東數百步斗徑紆環奇石累積山腰有洞南北相通穿洞出山北歷級而升巖石益奇聳有三巨峰列峙唐韓翃詩三峰亭暗橋邊宿卽此也梯磴廻互遠眺群山作奔騰趨

廣西名勝志

卷之一

八

躍之勢口元常侍記云按圖經山以石紋橫布彩翠相間故名疊綠東行則枕歷桂水西巖有石門中有石像故曰福庭又門陰構齊雲亭迥在西北曠視天末想望歸途北人此遊多軫鄉思直渚之北有虛檻釣榭由此三逕各趨所抵左指山隈右之僧舍爲寫真堂北鑿山逕可抵栖真洞其石小支戟立四望故山名四望亭號銷憂亭之前後綿絡山腹皆遷梁危磴以相因委其詩曰乏才叨八使徇祿非三顧南服頒詔修東林證迷誤未聞述職効偶脫羣煩趣激水潄坳塘綠崖歛磴步西巖

溪朝旭深凝囊宿霧顯氣爽衣巾涼颼輕杖屐臨
高神慮寂遠眺川原布帆帆返汀煙籠鷁集江樹
獨探洞府靜悅若佳佳遇一瞬契真宗百年成妄
故屏顏石戶啓者需溪雲度松籟韻官商爲覺勢
翔邇津梁危行架濟物庫舟渡環流馳羽觴金英
姪粧輝第吟寒壘迴鳥噪空山暮悵望麋鹿心低
迴車馬路懸冠謝陶令梳珮懷疏傳遐想蛻纓綬
徒懸郵襦袴福盈禍之倚權勝道所惡何必栖禪
關無言自真悟○夾北城而西是爲寶華富山中
斷續以雉堞下有重門爲西清寶積山自南來交

廣西名勝志

卷之一

九

扼其口前巖東爲華景華景之前橫塘深廣茂
飄霞綺夕麗金波元常侍聯建亭口巖光以巖拂
水而寫光也石屋半敞可布十筵其從翠壁上蟠
漸至峰首有諸葛祠從北至西城壁峻削皆斬崖
爲之雖石頭之險不能過焉唐以前謂西阜高起
名其地爲盤龍岡諸葛之祠無亦因是起與山度
衡志云華景洞高廣如十間屋洞門亦然有石基
局爛柯石元常侍巖光亭詩石靜如開鏡山高若
聳蓮荷竿抽玉管花蔓綴金鉤亦長篇之斷壁也
臨桂雜識云華景石洞毗聯朱扉雙啓周廻完密

若寢室然窈窕深逴紆轉徐折開而復明蓋洞之
後別敞爲口耳附崖竹木掩映間若仙若絕頂至
諸葛祠臨高瞻遠豁然一大觀云○隱山當夾山
南口潛洞出其東北西山并其西南亂石疊盤北
高南下中藏六洞洞皆有水溢出爲湖唐李渤名
其洞之水曰蒙泉疏水出山名曰蒙溪諸洞名曰
朝陽夕陽南華北牖白雀嘉蓮各有隸書三字曩
日湖光之勝具吳韋記中今廢爲平疇矣吳武陵
記畧云西出門里許得小山山下得伏流北上四
十餘步得石門左右劍立自石門西行十步得北

廣西名勝志

卷之一

十

洞如室清縹若繪上有石窓下望千山如指自石
室東迴三步得巖有水泓然其色墨綠巖北露半
穴如門出門有潭袤三十步潭有菱荷潭北十步
得溪溪橫五里徑二百步可方舟渺然有江海趣
魚龍滄瀾鷗鷺浮泊如秦石門東南越小嶺石林
危嶠夾簷自嶺下十步得東巖自巖口直下二十
步有水淺莎細草如織南望有結乳其白擁雪白
巖西南上陟飛梯四十級有碧石盆二乳竇滴下
酌飲承之又陟梯九級得白石盆盆色如玉盆間
有水香耳自然可飲十人還白石盆東北上又十

二級得石堂乳穗駢垂擊之鏗然作金玉聲自堂
北出四步直西南入小峽得內洞東有石室如畫
頂上方井弱翠輕綠便如藻繡自洞南下仰瞻東
崖有巖乳如樓如閣如人如獸自樓閣斗下七步
次石梁渠深七十尺渠上爲梁曲折縈繞三百步
自梁直南抵絕壁斗下飛梯九盤及水水北崖石
閣峭甚綴以欄檻適堪宴息自石閣還上絕壁西
十步又得小洞僂行三十步左右壁有鐘乳或垂
或滴壁窮有石室多白蝙蝠出小洞北上二十步
得外洞壁下有石數十其面砥平間有凹罅琴薦

廣西名勝志

卷之一

十一

厥狀甚怪遊人列坐肅若水霞洞北七步臨西石
門石門又西去三十九步得西洞洞深九十八北
崖有道可容一軌崖南有水若鏡纖鱗微甲悉堪
數識自西洞口南去一矢得南洞洞西壁可識數
十人其東有水輕風徐來微波蕩漾北上山頂盤
曲五百步石狀如牛如馬如熊如熊劍者誠者笙
琴者埤簾者不可名狀石路四周而松蘿萃於西
北其左又有一洞名迴龍洞中石橋貫出山背欄
檻之上度以石盆承流不絕橋上別爲洞門有崖
石廣約半畝因之爲亭榭舊建西山寺于上一名

資慶寺相傳宋崇寧間米芾爲臨桂尉任蒲寓西
山資慶寺與詩僧紹言遊有贈紹言詩序唐茂昱
西山上陸大夫登高上山高處更堪愁野菊
鄉酒蘆花滿眼秋風煙連楚鄉兄弟客荊州早晚
朝天去親隨定遠侯宋孫抗題朝陽洞險絕信天
開春蘿陰古苔不愁雲影閉先得日光來片石充
基局涼波迤酒盃東風偏著意草木爛成堆抗于
六洞各有題詠不具錄題名河內李會伯再牧桂
之明年實開肇改元上命三衢柴士表視邊隘竣
事將還及六月二十一日約憲倉四明豐蒞兵帥

廣西名勝志

卷之一

十二

汪光朱廣用苻離朱煥載酒千山觀訪招隱過仙
奕感今懷昔風物固亡恙也時火傘張空水花蘸
碧相與徜徉其間清不受暑因得四十字弁識諸
石○中隱山在城西而五里至則小溪淺碧可踐
而過循麓入巖巖有三重其下着地者最爲廣平
上漸斬削然戴履純石瑩然朗淨無復下方埃塈
狀階第三重據牖而望若游日天表噴煙歸鳥皆
從下飛侯山迢迢入巖轉光風自西來薄巖拂樹
與東麓僧菴鐘磬和和炊煙縷縷起叢薄間其傍
有木松村居人頗衆按中隱一作鍾隱土人曰佛

于以宋乾道間建有福緣寺為僧祖華所居故名題名元豐二年八月十八日劉宜父會公冕出永福僧紹簡進枯茶嘗定夫前陽方字若長樂陳庸仲嘉定癸酉先重陽一日來遊詩境癸酉二月三日遊詩境即字若之別號蕭子敬向伯大王德強呂叔舉鍾德元張聖泳鍾長卿王必大端平內中下元前二日來遊長沙鍾春伯豫章范旂斐端平丙申歲十月既望前二日同遊臨川羅愚淳祐辛丑中伏日約曹伯虎時世用梁份魏牧楊義仲趙時頌陳詹汪知幾翁崇綱觀稼西郊至呂公巖

廣西名勝志卷之十一

泛舟覽湖山之勝觀石湖南軒諸賢題字時雨初霽涼風先秋穠事可期因志其喜陳鐸叔振周子榮景仁范得輿民載趙孟邁君啓淳祐辛亥前立春二日同遊○琴潭山在城西六里群山中有一小山石林立如鐸解刀削其下空洞成潭水流琤琤如琴筑聲前有小巖虛廣明潔石榻石琴各一具傍又有荔枝品備石門而入深十餘丈多滴乳垂綴若荔枝宋方提刑題云字若冉至桂林歷窮勝踐最後始得清秀玉乳荔枝琴潭四巖而琴潭水石又諸巖之冠是且川原平衍嵒峰環抱愛

之不能去○清秀山從西清門下濠石道上西皋入夾山口緣山行又里許有塘口清巖出其上環桂諸山本以孤峭標秀而是山則周連隴湊盤紆巒鬱長引一里餘獨以巖門下瞰塘水山澤通氣奇彩映發如其名焉入門則有兩巖東西對闢上出山半其迥朗亦適相敵北郭諸山近在東壩可招而至其西則陽江北來倚檻而望批崖越壑共流汨淪過下庄居者前水波寬緩山漸深土漸衍似村塢可耕矣方信孺詩尋徧洞天三十六蒼霏獨闕此巖屏旋除野草開新逕遮莫寒藤刺客衣

廣西名勝志卷之十一

歲月偶同題壁字煙霞似不放人歸把茆欲作開山主已落羅囊第二機張自明和甲子循環各一時又逢青犬護巖屏金甌城鎖瑤池苑蒼玉樓鋪錦地衣萬里西風生木末數聲湘竹叫雲歸明朝天上秋期近問訊河邊織女機題名龍圖閣直學士經畧王公若愚與提點刑獄劉子至提舉學事唐夢傳大張旌旆觀稼近郊烹今歲建茅於此遂過微雲諸閣大觀元年五月十六日權發遣轉運副使公事張莊正民題杜唐臣張通夫王誠中張通甫董君佐姪聖程聖欽元符三年八月旦同遊

欲騎日月超然之韻端臣獨題公輔公密大觀庚寅清明前六日遊男叔侍明叔仲明仁仲子源靖康改元五月中休同遊是歲初冬九日明叔仲明子源同晉卿再來郡守呂叔恭以甲戌季春七日遊中隱巖山水之興未已後兩日再拉機宜劉子思監州朱國輔經屬陳朝彥同至新洞所見愈奇真所謂倒食其蔗也。灘山入口巖居益有朱元順云是時張安國帥桂年壯氣盛少所屈意乃紆騁入谷親與其客造朱所栖至勒之石豈桂乏蜚遞之士朱獨高舉希慕遺風安國遂從而禮異之於

廣西名勝志

卷之一

五

以風部內乎了達之牒乃判府汪公聖錫所給且稱了達有苦行巖刺具在來遊者後之君子可挾焉。灘山人即張羽王鳴鳳也。○灘山一名沈水山在城東南隅唐龍朔中會降天使投龍于此陽江西來東入灘水魁然起據南阜之端橫障江口洞曰水月門出水上其高侔闕夏秋之交移舟入焉遊魚千百淺灘几席間宋提刑方公信孺即南壁下建精舍以居曰雲崖軒其爲詩云不用窮探費杖藜隱然林壑挾城陴會遊月洞千巖上更着雲崖一段奇拂拭軒窓容俎豆發輝泉石借聲詩瞿

藝頗似知人意已約樹花帶雪移。范成大復水月洞銘并序云水月洞刻灘山之麓梁空踞江春水時至湍流貫之石門正回如蒲月機光景穿映壑之皎然名賓其實舊矣近歲或以一時燕私更其號爲朝陽邦人弗從且隱山之洞旣曰朝陽矣不應相重乾道九年秋九月初吉吳人范成大甫田林光朝致古松宜俾復其舊成大又爲之銘曰有嵌居顏中涼漲湍水清石寒回魄在上終古弗爽如月斯壑灘山之英離江之靈復其品名題名會布陳信山時中劉宗保齊謀劉品宋元豐二年

廣西名勝志

卷之一

六

中秋遊淳熙乙未歲中秋日廣漢張敬夫約長樂鄭少融玉山趙養民同遊水東諸巖薄暮自松關放舟泊水月洞天宇清熒月色佳甚因書崖壁以紀勝槩。臨江會宏正崇仁吳從廬陵楊壽慈三山陳華子羽士李可道同遊子公邁公适侍淳熙癸卯九月望桐廬詹儀之以淳熙戊申四月辛巳同臨賀別駕涂四友欽陽守陳昭嗣前桂林郡文學陳憲泛舟訪水月洞登普家洲時亭樹一新江山改色懷古攬勝觴詠忘歸後一月辛酉約幕屬陳邑唐庭堅雷建憲屬陳東漕爲黃奕余偕劉三

來羣監延陵吳宗旦宜之新安朱瞻顏子淵冒雨
泛舟水色正碧洞月宛然若望冰輪在雲峰缺處
舉盃酌月迺還紹熙改元授衣假丹陽張金以紹
熙甲寅正月四日集賓僚廬陵胡楓相臺王思詠
吳門范藻臨川董居誼新安汪楚材郡人滑懋在
報恩寺之脩然亭食已泛舟龍隱遂過馬家洲訪
水月洞登慈氏閣從容竟日而歸淳熙丙午先公
吏部通守是邦戊申春拜欽陽太守時連帥祠廬
詹二卿與先公爲道誼交不以吏屬視一觴一詠
莫不與焉嗚呼累侍膝下年未冠今四十五載矣紹

廣西名勝志

卷之一

七

定巳丑時自零陵守蒙恩再昇節來南登桂嶺四
望簪帶宛然白雲何在情已不能自勝歲餘幸所
部相安得以暇日携男輩游水月洞細睨懸崖上
有詹與先公所識歲月愈愴然在中已紹定庚寅
五月朔男輩散大夫廣南西路轉運判官疇百拜
拂塵孫將仕郎成之秉筆吾閩衣冠甲天下游宦
在桂林者一時爲盛經幕三山卓樗子用紹定辛
卯菊節會同里二十有一人同幕趙緜夫仲至林
文誠公著憲幕李遇用之漕幕陳夢唐景長林應
辰振老趙希鄂仲韓薛之鑑明叟奉檄至者郭岳

伯崇陳諒一彥博方禹錫文瑞李士煒華國趙必
取世賴王震定東父柯楚伯翹林顥景程林機次
樞鄭公壘希呂調銓者陳士吉一卿趙希璫宗美
陳應龍翔卿聯轡湘南登千山愁簪帶挹棲霞七
星之秀薄暮舍策泛舟山龍隱涉警家洲夷猶水
月之下把酒賦詩人物與衆山俱清情無涯而樂
亦無涯也讀會原一汗趙希固淳祐壬子上巳盤
薄水月詠南軒遺篇光霽熙然懷哉若人雲崖二
真書旁有佛像下鐫唐僧智深爲合浦令呂興造
佛像記朝陽洞三篆字張孝祥書水月洞三字銘

廣西名勝志

卷之一

八

園居士書谿園乃宋靜江倅吳億之別號○雉山
在離山南二里有宋里人劉晞大書雉山二字南
渡後虞使君汎字叔子嘗守雷州避地於此桂州
陳方彥以其地畀之故有虞使君宅基山東北麓
下款江水其上側起有昂首欲飛之勢巖自南入
稍深詰曲可七八丈倚山南望見離峽陽江與彈
九南溪諸水滄漾長邁瀾縈灘迅縹緗天際有宋
諸公當日宴集稷亭青羅閣遺址宋黃照詩爲愛
空門息世機儒衣不着着僧衣淵魚林鳥已聞法
更待當年瑞雉歸鄒浩詩客睡當年記雉山杜鵬

聲切枕難安今朝歸向山頭過不見杜鵑空夢殘
題名轉運使屯田外郎蘇安世與進士趙揚來遊
并男台文祥文炳文彥文侍行乙未三月二十三
日大宋治平元年臘後一日運判孔延之具舟接
部因率通判范子明機宜姚原道知冀州丁錡飲
餞于雒山提刑余藻書巖石以紀武陵張頤仲舉
甬上苗時中子若洛陽劉宗傑唐輔吳興劉誼宜
父七日自真山觀來遊元豐元年八月轉運使朝
散大夫直集賢院陳情權提點刑獄奉議郎彭次
雲權提舉常平奉議郎齊誥權發遣提舉常平通

廣西名勝志

卷之一

元

直郎劉誼元豐二年十二月十七日同遊元豐辛
酉歲孟夏二十三日君美會仲舉仲隱施元子明
自壽寧早膳泛舟晚飲雒山巖足日仲隱被旨還使
湖南李時亮題通直郎經畧司管勾文字李孝中
全叔永寧簿吳朋彥周元祐二年九月七日來遊
元祐六年三月二十四日自逍遙樓出桂江泛舟
至雒山觀巖洞微雨不可登絕頂并流過壽寧復
還逍遙置酒高郵孫覽溫陵謝季成漣水孫傑荆
渚朱衮宣城董必曲江譚揆劉堉同遊江陽高士
勤得修許贊元忠崇寧二年七月初四日同遊程

子立安撫邕莞周公儀許元善范貴之張通甫張
景通蘭大冲柳成甫李端臣洪仲達程聖欽范少
房同通叟飲餞雒山崇寧壬午季夏望日東都程
建子立崇寧中中清明前一日挈家遊男微衍衍
侍行鄱陽程欽之率龍舒劉成之汝陽梁晦叔溫
川范貴之臨川徐伯應鄱陽萬彥亨劉長孺南康
范少房南海張守道同遊男昇侍大觀戊子九月
望日張子修農子源王君錫宋義夫何由道張方
仲侯伯壽饒客來遊大觀庚寅九月二十一日政
和二年三月二十七日南郡唐晉德携家遊男鋼

廣西名勝志

卷之一

二十

銖銓錫侍行建安謝勳信都李溫古原田永年長
沙裴曉廣陵楚執規淮海楊書思政和癸巳孟春
晦日同入端臣適用聯袂凌顛景款幽叢岑然暖
略奴爲無方學文室蓋自生白政和丙申季
秋次朔杜贊萬劉方仲自龍隱過雒山政
和三年三月二十日清湘舍去繼崇舉開封劉若
愚惡夫若水幾道乘暇登永寧閣復何雒山紹興
丙申重九日元壽携家來丙寅仲春十有四日肥
鄉胡彥溫以職事約東從鹽會議蒼梧桐廬詹體
仁招三山熊景瞻飲餞於雒山之禊亭雨餘江山

如洗樽俎無復暑氣檢陳迹一別蓋六年矣縱
英巖广景物尤勝勸酬歡甚淳熙十有一年夏五
月甲寅苗田李子凝甲戌九月二十八日東還荆
使檢詳餞別於此像章李大異帥桂之三年勸農
於廣壽寺是日春和景明天氣清淑因從容觀亭
遍觀前賢鐫刻過午而歸通判翟野胡楓臨桂令
耐適偕來嘉泰改元仲春望日○闕鷄山在雉山
東水口卽彈丸溪合灘處其上有山竦身昂首若
與西岸山壁摩羽作闔狀山半有穴南北橫貫故
以穿名或題曰空明宋胡楓名曰月巖趙師恕詩

廣西名勝志

卷之一

十一

瞻此巖壑勝傾客共登臨危棧臨不測巖塗歷嶺
欹俯仰極高低上下窮幽深來登空明山千崖正
沉沉下瞰青羅江古木鬱蕭森清風萬里來層雲
濛濛襟有客可共賦有酒可自斟此景豈易得此
樂豈易尋吾生今老矣遁跡歸窮岑○從闕鷄山
北水口入是爲南溪諸峯環合四壁削懸煙翠點
蒼蒼本如染曰玄巖曰白龍洞唐李渤所開築巖
洞之前溪水澄碧中有泉出是爲新泉臨桂雜志
云白龍洞口有石屋一區循左壁行半途有小石
室洞頂石罅折裂似龍蛟者爪甲宛然陟玄巖有

李渤題名入洞漸高繁曲旁達有石橋石室其處
處小竇通光下視卽劉仙觀巖有階級可通道流
厭遊人之擾乃毀去之劉仙巖之下則穿雲窟也
以有仲達足迹名曰仙迹巖劉仙巖前有道觀長
松落落據牀小憩輒作蕭疎之狀當高數十仞深
入百步內重門幽徑迴環窈窕似斷復通石乳瑩
潔參差倚研傍多玉池玄井洞西有曲斗潭流注
南溪水面浮花黃色又名金蓮港李渤玄巖詩云
玄巖麗南溪新泉發幽色巖泉孕靈秀雲煙粉崖
壁斜峰信天插奇洞周神闕窈窕去未窮環迴勢

廣西名勝志

卷之一

十二

難極玉池似無水玄井昏不測仙戶掩復開乳膏
凝更滴丹砂有遺址石徑無常跡南眺蒼梧雲北
望洞庭客蕭條風煙外爽朗形神寂若值浮丘翁
從此謝塵役題名假守呂叔恭拉機宜劉子思監
郡朱國輔經屬陳朝彥自中隱巖過白龍洞叔恭
之子大鈞侍行紹興甲戌季春七日朱晞顏慶元
改元寒食陪都運守丞遊白龍洞時牡丹盛開小
酌巖下夕陽西度並轡而歸白龍山在桂城東南
登山之西而至其洞深廣可數楹石之穹窿隱然
若神物化去而留其跡洞之名益亦舊矣元祐已

已二月八日上黨苗子居歷陽高時仲金陵李師
正黎陽吉鄰幾乘暇以遊愛其佳趣因刻於石會
稽關蔚宗題上饒盧潛禮濟北段徵之毘陵胡茂
方同郡樓元弼武夷葉振卿紹聖乙亥秋九月中
游遊湘陰彭子民陶遠王長孺洛陽席貢從詔使
部還桂同遊白龍洞已卯春公輔公密侍親遊春
來此政和辛卯季春旬休日南郡唐晉德携家同
遊男鋼銖銓錫侍行政和二年三月二十七日題
李景言王子舉渭之昭淳熙丙申立夏日同遊陳
正仲銓訖之官王景醇林亨仲飲餞於乙卯仲冬

廣西名勝志

卷之一

三

慶元丁巳立秋後三日同幕集鵬於此豫章王岳
次山溫陵趙庚叔初長沙陳克仁壽卿長樂陳昂
中定謨臨川楊文明仲藻慶亭翟子塾歲在庚申
重五休務日携家往尋巖洞之勝暑風清微涼氣
襲人徜徉終日不知夕陽之在山也長沙李勁正
臣胡特正雅叔唐際次山朱佐君輔蕭仲仁元之
嘉定甲子端陽日憩此嘉定辛未中元後四日計
臺臨汀楊公子直復出按本歷之郡憲臺括蒼常
定夫帥守濟北李誠之載酒白龍洞留款先是去
夏六月大暑公初行郡亦嘗觴此夫仕而南多鄙

夷其民急忽廼職使者問畏炎毒未嘗一踪按部
公連歲犯暑殆遍走二十四州尊年精明人所難
及父老有迎拜而問者曰使家壯也何用而見用
於遲晚近也弗留而官留於遠外吾儕猶民懷私
惠而勤勞使家一至於斯公呼而謝之曰上有命
老弗容辭遠弗敢憚懼我之矜汝者或有未至而
汝之憐我者姑置勿言遂一笑登車既行勒茲語
於巖石用告我同志云東萊呂祖昇長沙王濟美
自千山觀聯騎來遊嘉熙初元正月二日□桂故
云有郭顯者不知何所人居南溪之劉仙巖一稱

廣西名勝志

卷之一

四

住山道民一稱南溪郭顯然卒無可踪跡之者獨
有南溪卜居銘首言士大夫以金虜之故多南遷
似避地桂中張孝祥集有同郭道深訪朱元順所
居清巖或曰道深乃顯字云○淨瓶山在城南十
里勢如頽雲西面襟江中有小洲浮起如印其山
有洞懸石如張蓋垂垂下覆傍窺則似葉荷敗葉
因名蓮葉洞從蓮葉下再穿一洞石筍下垂可三
丈餘離地僅尺許俗名仙蕉洞○伏波山在伏波
門外山東劃江巖亦東嚮初景微射先燭巖室漸
晃潭壑孤峰群木如出潭裏遊舸多集其下唐詩

有伏波廟

虞衡志云伏波嚴突

然而起且千丈下有洞名還珠可容二十椽穿鑿通透戶牖旁出有懸石如柱去地一線不合俗名馬伏波試劍石前浸江濱波浪洶湧日夜激蓄之宋章峴詩江瀾淵洑蓄山根山裂巖開石室存惟是夜呼千嶂黑盤龍展起一川渾金沙試決通泉脉翠壁開題破鮮痕三伏幾人逃畏暑豈惟河朔有清樽崔靜和韻古木纏溪出亂根四時香火廟空存人家曉聚危鴨亂水惟夜翻星斗渾靈洞仙遊雲日鎖陰崖龍去石生痕幸同軒從來餘興酬

廣西名勝志

卷之一

廿五

醉清時酒一樽題名知桂州燕經畧安撫陸詭從點刑獄公事余藻轉運判官孔延之兵馬鈴轄白均徐印新知鬱林州姚原道經畧司勾當公事劉恕治平二年立夏後二日會於此藻題南陽達夫會稽蔚宗清江志康熙寧壬子八月望日同遊潘景純未報應寧七年五月晦來龍石舍人龍圖閣待制知桂州會布子宣轉運使尚書度支部中直集賢院陳倩君美副使殿中丞苗時中子居提點刑獄太常博士劉宗傑唐輔提舉常平秘書丞齊諱子期管勾常平前江山縣丞劉誼宜夫元豐二

年六月初三日建安帖

彭次雲歷陽齊

吳劉誼元豐三年十二月二十四日同遊沃波嚴後二日大梁和斌獨游王賦題曲江譚俊弟拱井湟川蕭汝朗同游紹聖丁丑孟秋二日文初題朝請大夫直龍圖閣知桂州燕經畧安撫胡宗回醇大朝奉大夫轉運副使程節信叔朝散郎提點刑獄梁子美才甫奉議郎提舉常平譚揆文初累會沃波茲嚴勝絕在桂林洞穴之上紹聖三年十月二十二日管勾書寫機宜文字胡義脩奉命題路汾程子立被命西邕燕將黃忱君錫儀別於蒙亭時元符已卯孟夏既望鄱陽程節信叔曲江譚俊文初臨川劉蒙資明全魏董遵守道廬陵會鎮次山自八桂堂過沃波嚴啜茶遂遊龍隱洞辛巳清明前二日謹題乙未元日端臣隻遊曹聖邁黃彥劉宋文李端臣蹀躞青驄穿綠楊柳芳蔭把滄淵與春工相忘無何鄉政和丁酉絕煙節清涼劉鑑逢時膠州葵聲樂道晉江呂汴子會祥符馮元震亨之襄陵侯林晉卿答溪王蕃子宜自湘南樓泛舟過沃波嚴避暑抵暮而歸宣和己亥六月十六日李昇之譚振尚肅之黃鐸同遊桂林富有嚴穴

廣西名勝志

卷之一

廿六

而盛暑易於束遊者唯東巖冠之宣和庚子六月
二日三衢毛子嘉率天台周文虎睢陽張君原四
明林芑民巴陵黃師心三衢徐伯材會飲於此翌
日天台周彥佐復携酒與昨諸公偕來獨文虎伯
材不至而宜陽吳廷規與之建安練山甫補官宣
和乙巳寒食前二日携家來遊子宗衮宗元孫應
侍行甥潘希孟泰命書經畧安撫蔡懌同提點刑
獄尚用之轉運判官黃鐸轉運判官曹邁提舉常
平王舜舉廉訪使者練山甫早飯靈隱過會公巖
栖霞風洞烹茶晚會於伏波巖抵暮而歸時宣和

廣西名勝志

卷之一

廿

乙巳季春初十日題晉江呂成之詣樞府票議紫
洲李域建安呂著長沙李服休都嶠陳覺湘潭吳
芾飲餞於伏波巖時靖康初元季夏四日孫仲益
自桂山還晉陵桂帥率二漕憲車餞于八桂堂劉
立道陳景淵董令叔趙少隱與焉紹興四年十月
二十一日潮陽劉助方明自蜀還鄉寓八桂堂治
舟汎波巖下追念昔爲兒童侍先子官於此邦始
至以政和乙未之秋而其去以宣和乙亥之春今
三十年恍如一夢感歎之餘因識巖壁庶使後有
考焉男汶渭溱孫男駒騎鸞鵬鴻外孫葉騏侍行

紹興戊辰六月中泝方明以戊辰六月登舟東歸
翌日解維泊雉山又翌日聞命復帥湖南遂還八
桂辭不獲命改轍而北以十月二日啓行赴鎮是
用再勒于前題之左方後儀張璠溫之被命前來
經畧施大資止之八桂堂五日復還武林因暇縱
步來觀是巖紹興丙子未伏前一日宋公玉歸豫
章王壽卿姚周卿田子寒張子真子斐程善道黃
德制王儀之勝彥真飲餞於此乾道己丑六月十
七日秦舜卿李南大淳熙甲午重陽日來遊方信
孺楊志李閔祖嘉定同遊嘉熙改元初伏後一日

廣西名勝志

卷之一

廿

長沙雷文瑞祥仲趙師鍾舜臣劉應定直甫羅仲
孺巨卿黃岡徐敏子銜命指度南州館穀于巖側
四明戴炎長沙韓夢發寶鑾周翦呈渚馮弼外孫
上饒尤日新侍時淳祐丙午仲春下泝淳祐丙午
立冬後七日廬陵劉受祖之蒼梧臧舟汎波巖下
蘭谿趙立德成以寶祐甲寅歲閏月十有一日携
家東歸臧舟還珠洞至二十一日遊徧諸巖卽行
長沙胡德新盤叔泛灘歸湘猶子克紹同資中郭
又新居安及鄉人周德明清叔梁世賢國佐鍾懿
子浚鄭益謙遜伯飲餞癸水亭表回巖下笑談竟

日執別煙雨中寶祐乙卯元宵後一日覃懷李會
伯長孺以淳祐己酉來牧是邦越十年再開制閩
屢至此洞每輒哀泉淪者棄田竟日令人起濯纓
之想不知身在飛鳥跼蹐水處也蓋參山帶水
勝絕天下而此洞又居筵帶之勝舊有癸水亭因
城築合更爲之男約杞好孫國華侍京定庚申首
夏二日謹識眉山朱景行以咸淳戊辰十二月三
日登舟於此吳興陶定安世來遊甲申冬十一月
初張唐輔吳正禮同遊劉舜舉張子容子真子安
胡宗周同來庚寅三月中渝靜江軍三大字集賢

廣西名勝志

卷之一

九

殿修撰熙河蘭岷路經客安撫兼知熙州鄱陽鍾
傅書寶文閣待制知桂州兼廣南西路經客安撫
使鄱陽程節上石正夏堂三大字隸書吳郡范成
大立雕陽柱易書○木龍洞在癸水門外北去伏
波巖四百步許西望疊巖僅百步也孔道通行
如砥如矢驅車飛蓋綽然而餘旁復有小洞相通
○七星山渡江而東望見峯巒駢列如星象然中
有棲霞洞唐祀玄元老子于此有古像相傳明皇
所寘洞前有慶林觀又曰東觀風土記云東觀距
府郭三里隔長河其東南皆崇山巨壑綠竹青松

峒崆幽奇登臨險易不可名狀有石門勢甚襟束
東燭行五十步洞穴始坦平如毬場可容千百人
如此者八九所約畧相似皆有清泉淥水乳液葩
漿惟石嵌空龍盤虎踞引燭緣涉竟日而還終莫
能際相傳云昔有人聚糧深涉而行還計其所行
已及東河之下如聞棹楫湍湍之聲在其上又以
爲通九疑山唐張固遊東觀詩巖岫碧潏顏靈蹤
若可攀樓臺煙靄外松竹翠微間玉液寒深洞秋
光秀遠山憑君指歸路何處是人寰從事盧順之
於東觀席上贈張侍郎渡江旌旆動魚龍令節開

廣西名勝志

卷之一

三十

筵上碧峯翡翠巢低巖桂小茱萸房濕露香漫白
雲郊外無塵事黃菊筵中盡醉容好是謝公高興
處夕陽歸騎出疎松侍郎固和云亂山清翠郡城
東爽節憑高一望通交友會時絲管合羽觴飛處
笑言同金英耀彩晴雲外玉鉢凝霜暮雨中高誅
已勞潘岳思醉歡慙道自車公無名氏紀遊詩云
瑰奇恣樓計貝闕青瑤房方臘疑永巷俄敞如華
堂玉果窈浮溪瓊戶正當窓仙佛肖彷彿鐘鼓鐃
擊撞最最左顧龜信欲吠麗丹竈儼亡恙芝田
霽生香棹嗟千恠聚絢爛五色光更無一塵流但

覺六月涼玲瓏穿屐折詩曲通三湘神鬼若剗剗
乾坤真混落人如深夜暗出喜皎日光隔世驚瞬
息異境難揣量宋范成大碧虛亭銘并序曰唐
鄭冠卿遇日華月華君於栖霞洞與之笛不能成
聲傾壺飲之僅得滴瀝獨記其贈詩二篇出門見
采樵者問曰洞中樂乎跬步亦失所在吳人范成
大小築其處以識幽討按詩卒章云不緣過去行
方便那得今朝會碧虛卽以爲亭額且銘之曰空
洞維石中函碧虛誰歟知津有翹負芻我來扣門
兩翁在否雖不能笛能醉我酒爲君作亭表巖之
廣西名勝志卷之一

三

扁名翁所命而我銘之題名河間俞獻可上谷燕
肅趙郡李誥聖宋天禧二年秋月中元同遊慶曆
四年甲申九月二十三日辛巳廣南西路提點刑
獄尚書虞部郎中隴右李永德尚書職方員外郎
知桂州汝南周駿尚書都官員外郎新知永州蔡
陽潘獨轉運判官太常博士安廷梁戴同遊曹聖
延李端臣躍雲磴摩星魁倚筇少憩於此丁酉七
夕前三日經峇安撫蔡懌樂道提點刑獄尚用之
仲明庶訪使者張洵仁仲宣和甲辰八月初八日
同遊紹興六年丙辰歲上九日八桂龍躍并宛丘

唐全同判仙李記到此因而刺題方域張淵道晉
陽路質夫贛州魯吉甫桐廬方務德潮陽劉方明
紹興戊辰六月丁酉同登七星山紹興丁丑正月
己巳府縣官屬汝陰張好禮定叔開封李奇元傳
之睢陽王處存子安洛陽楚儼師言長沙吳延年
永錫壽春魏美言李及溫海戴子琦君美清江楊
解正伯休務相從尋春於訾家洲訪程公巖入栖
霞洞憩於黃氏之園極一時觀遊之勝繼至者二
人開封賈成之公戒柯山陳梁伯初余素有山水
癖游宦江浙逾二紀明峰繡川歷覽幾盡飽聞八
廣西名勝志卷之一

三

桂巖洞之奇恨未能一到得郡鬱林因携家謁清
惠祠泛舟過龍隱食已入栖霞洞洞深窈窕數里
不能極其涯既出相羊石扉宴坐終日野雲飄素
練群峰錯若壁超然頓忘俗慮信壺中有天語非
虛誕又疑飛空步霧乘風駕鶴而來想仙島蓬宮
不異此也隆興初元七月十七日三槐王定甫之
書會稽諸葛國瑞永嘉林騰達偕行乾道癸巳重
九吳人童潭遠道范成大至能携家同登七星山
遂遊栖霞水月諸洞鄭少融趙養民李正之范至
能落壺天觀還舍碧虛淳熙元年范至能赴成都

率祀元將王中顯游子明林行輔周直夫諸葛叔時酌別碧虛淳熙乙未二十八日增城崔公正子被旨奏事以癸酉上春下浣舟行先一日栢峇管定夫濟陽李誠之會飲於相南樓已而遊屏風彈子巖栖霞洞泛舟龍隱歸集於脩然亭時積雨新霽風月較美清流碧巖隨處呈露黃童白叟夾道咨嗟益公持憲山林年而行部之日居半未嘗足歷巖洞及茲召行肯爲一日留酒行加嘆曰天下巖壑稱此地誠亦希有人生臭味投合此會良未易得景物人情覺相愛戀其爲我饒此語於巖廣西名勝志卷之一

石他日以墨刻寄似亦足以慰所思云呂倅信留桂林五月凡山水之勝無不登覽於其行也蔡顏仲具酒率韓弼時蔣商澤同遊以別陰雨淒涼倍有離群之念癸卯九月二十日淳祐辛丑六月二十一日昭武謝達叔達金華劉涿清叔臨川羅愚李能遊江右蕭瀚曹朋年周復明來遊萬必達淳熙改元仲秋九日獨步壺天觀回憇碧虛伏讀鄭君事績長嘆二直景昔時之集今獨何異於愚也敬書玄風洞去棲霞旁數百步有風自洞中出寒似冰雪提荆曹輔于玄風洞有遇歐陽晦夫詩

夫名關靈川人宋柳開玄風洞銘并序云出桂城東抵慶林觀背山下有洞出風淳化元年開知州事往避秋暑因刻銘於洞左曰桂東叢峰洞穴空通凌肌森磔沒骨浸心瑩雪若縹緲水若冽暑宇如煥周匝流毒其何如斯爲能安之巖山裁裁嶺水湯湯亘古綿今氣炎土荒物糞爾情候幸翔節夏雨多涼秋旱多熱春榮冬扇朝順夕變反側無恒大痛相仍我來洞中百慮時窮翛然自釋忘歸終日勒銘巖石用紀罔極題名程節信叔張景溫敦直董遵守道許端臣中南元符三年五月十廣西名勝志卷之一

九日遊政和壬辰季秋丙子經畧安撫使王先之遂轉運副使陳道夫提點刑獄唐夢傳提舉學事陳質夫提舉常平陳從道走馬承受陳明達轉運判官唐晉德蚤集東禪寺飯於安樂堂煎茶少憩遂過玄風洞宜春曹邁聖延廬陵李彥弼端臣凌商衢絕端桿挾隨車之霧潤探空穴之薄膚於是七雲子甌酪奴討文囿之菁英研道樞之虛無恍契夫禦寇之冷然歛翱乎寥陽之清都政和七載丁酉七月上浣日李昂霄奉命書來風亭落成少隱置酒會者幾人立道景淵令升汝弼仲益紹興

甲寅七月十一日○彈丸山以山下出石子磊落如彈故名按水經注云灘水又南合彈丸溪水出於彈丸山是也湧泉奔流衝激山岬及谿中有石自然珠圓故取名焉山有二巖皆北向左巖廣可九筵石斜覆若奇雲垂垂欲壓右巖廣可三室東西兩洞如東西廂下有彈丸溪水入于江宋陳儼詩地迴山奇怪神仙喜穴居百雲剝洞巧五石補天餘商野幽人夢周南太史書心乎愛丘壑勝槩一躊躇枯蒼梁安世題云諸巖多奇觀獨少寬平縱步之適惟彈子巖前有地百餘畝水竹窈窕環

廣西名勝志

卷之一

三五

以遠山經畧看山劉公煒始買地爲圃隔橋築亭仰觀崖石如坐冷泉對飛來諸峰遂爲桂林勝遊之最淳熙庚子中秋日會於靈隱亭登舟貫龍隱得雨甚涼泝流酌癸水亭上醉荷香而歸江西鄉人同仕於廣右者十有二李蹊成叔郭有愬允誠潘修文叔李石韞王徐夢華商老王樂李文張坦明仲蔡說子羽陳公琮師宋魏沐熏父王恩詠詠之孟浩養直淳熙重光赤奮若仲秋中泝講鄉會於湘南樓過彈子巖題石淳熙九年歲在壬寅暮秋初吉七閩熊飛景瞻以憲事行部至桂林與鄉

人宦遊者李葵東顧季樞伯廣王葵欽之陳閔周卿上官駿子聲邵夏卿仲華吳三錫龍卿吳榮漢老楊延季洪卿陳璧廷珪鄭憲希聲潘元震子聲陳光祖昭遠吳孝友次張趙冲虛中莊漢輔李之蔣孟震震卿朱禾仁叔陳應定夫會於諸洞以續庚子之盟與者濮陽馬演季長青社錦良弼傅鳳臨川蔡說子羽桐廬詹體仁三山林惠隅遊龍隱曾公栖霞彈子諸巖洞天齊氣和徜徉終日第憲車行部不得同此樂也淳熙乙巳正月中泝蒲陽陳謙正仲自三城辟守懷澤就銓計臺仲子璉侍

廣西名勝志

卷之一

三六

行臺府賓佐移尊水東盤薄松關歷覽曾公栖霞彈子諸巖洞同遊者十二人北嶽王宗孟景醇泉山趙庚叔初林子蒙亨仲廣平李正夫顧老廬陵董世儀子羽建安鄭繼勲少周劉褒伯龍臨川楊汝明仲藻西安徐詡叔虞金華宋姓茂叔新安朱權聖與長沙李魯王伯溫時連雨忽霽寒氣亦歛景物呈露極驪乃歸慶元冬十一月二十有六日開禱改元季冬中泝東都趙善恭作肅領兒曹汝洙汝瀧汝漫汝渲來遊婿昭武謝寧孫鄧友直外孫謝濟鄧筠侍行○龍隱巖在七星之石山脚人

谿水中桂勝曰七星迴映並薄青旻龍隱分道宅
南自表遊者刺舟轉碕入窅見其上石裂長數丈
作鱗甲形登岸緣麓則有大巖如排高門坐堂皇
可以廣宴山椒有滴玉泉點點墮石穴中琤然作
清響宋人來游酌石溜試新茗卽此襄陽米芾以
詩送教授推官李彥弼兼簡桂帥程節節亦有詩
荅之彥弼將芾與節所荅詩并鐫之方信孺五言
古風春波飽微綠斗柄函空明方舟貫巖腹鵝鸕
相酬鳴仰窺穿窰頂宛轉百怪呈下闕清冷淵演
迤萬頃澄但同魚鳥參勿遺蛟龍驚扶苔樵竒篆

廣西名勝志

卷之十

圭

倚棹看題名太虛可爲室豈復資藥櫃乳泉助茗
碗中有水雪清何須驂鶴去此卽白玉京文題石
門元不銷巖屋本無基九夏花猶在千年樹倒垂
僧閑方定起客到每歸遲其欲眠蓬萊沿崖續斷
碑章峴詩吏局區區得暇難倚崖高閣暫登攀群
峰半出重林外小艇橫浮一水間霜葉信風隨鳥
逝晚雲沉石伴僧閑夕陽欲下猶迴戀更鼓清琴
數弄還丁未上巳重遊溪干纖棹訪巖扉危磴攀
緣不欲歸垂乳滴聲當佛座宿雲留潤在僧衣聊
開襟席臨流水閒擲文竿到落暉旅宦天涯耳寂

實送春無意惜芳菲未曉顏暇日過龍隱山有以
千葉白梅獻者輒成鄙句云素艷重重疊雪輕先
春不怕雪霜凝人言五嶺地皆熱誰折一枝寒欲
水似笑疎花太狹瘦故教密葉擁千層湘南別有
新春樣拚醉花前喚不應○屏風山在圓通灣平
野之上山形折疊故以屏名灣水紆滴下接彈丸
溪巖深十數丈地漸高起似築臺其上上有石如
鐘墮地蹠石磴盡天光射入爲後小門范公成大
表以空明又於其外作壺天觀自爲之銘弁序云
凡洞穴皆幽闇偏又秉燭而遊唯屏風巖高廣壁

廣西名勝志

卷之十一

圭

立如康莊大廈延納暉景內外昭徹石湖居士名
之曰空明之洞銘曰心塵目華三昧現前我提一
壺彌羅大千無有方所四維上下此三昧門溥施
遊者張孝祥詩高巖劃天開又徑通乳穴隈堆青
螺髻峭嶠白玉闕外有虎豹蹲中恐蛟蜃蟄東榮
俯雷電西出挾日月萬壑來悲風六月不知熱平
生山水趣嶺海最奇絕洞府二十四未厭屐齒折
晚乃遊此巖餘地比僕妾同來六七士嗜好頗相
埒舉酒酬山神慰汝久湮滅題名桂林巖洞冠天
下而此巖最清絕又五嶺之冠也延平鄧公衍彦

達宜春藍苗文穎秦臺西門賞進賢平陽丘阡仲
通建炎戊申天中節日來遊經畧安撫建安周與
道提點刑獄江東程巨川應訪使者開封侯晉卿
建炎二年十月初五日同遊許中甫遊慶林來此
庚辰六月廿八日題李似之林德元許師仲兩仲
同來乾道丁亥十一月廿有四日明年秋七月甲
子師仲與二水唐德柄三衢劉公實復來後三日
再至○湘水巖在城東三十里俗呼聖水巖夜半
則潮上巖日中則潮下巖每日如常客不愆期地
廣數十畝水經注所云潮汐塘也○虞山在城東
廣西各勝志卷之一 三九

集九齡謁虞帝廟自爲文不具錄後大曆間李昌
嘯重加脩飾爲勒摩碑于上宋之間桂州黃潭
舜祠詩云虞世巡白越相傳堊九疑精靈遊此地
祠祀日光輝禋祭忽辟望丹青圖二妃神來歌率
舞仙去鳳還飛日暝山氣落江空潭靄微帝鄉三
萬里乘彼白雲歸張栻韶音洞記由舜祠之後不
十步至虞山下有石門可窺入其中則虛明以長
仰而視之石去人僅尺許色清潤可愛瞰其旁蹲
踞蜿蜒如虎豹龍蛇者皆是也行其中百步餘望
北牖清江橫其前下臨深淵所謂皇澤灣也始栻
廣西各勝志卷之一 四九

開霽旗幟明人馬盛弩力勁皆新創也士練有素各以技逞實一時壯觀桐廬詹體仁以明日招三山熊景瞻林德潤出郊歷韶音洞登釣臺天氣增爽言宴清適儘可人意屬景瞻有移節江東之命舉酒相屬又使人不能無悵然○立魚峰高數十丈純石紅紫色若魚形逞立在韶音洞西舊有中峰寺寺有古像微于碑碣蓋廬舍那佛之所報身世緣磴而上絕頂群山如瑤簪玉筍森然在目唐人登高于此○明月洞在立魚峰南鳥道險狹捫蘿而升洞去平地數千尺外隘中宏周如繭室可容十許人寢處旁通甕牖隔外方石丈餘其平若砥下視來徑歷歷不爽西向因巖構宇佛子居之○堯山界在靈川去桂城東北十五里積土盤迴參差帶石長竟數百里爲桂諸山之冠陰雨將及先有白雲起其中冥濛漸合飄灑隨至山徑多松松鱗望見兩掖有石巖在其下道詰曲處土人云靈官頭上有平田曰天子田因堯以名劍江之源出焉合彈九溪至穿山口入于灘一名靈建江山頂有白鹿禪師菴相傳唐開元中僧元康者以經論應詔將還山玄宗賜以異國所貢白鹿故名按

後漢書始安侯國其下注引始安縣志曰東有曠樂山遼山豈遼訛爲堯白鹿仰駿樂皆以其聲相近故耶風土記云堯山在府東北踞大江與舜祠相望山有廟絕靈四時公私饗奠不絕相傳爲秦時建唐軒轅彌明謁堯帝廟詩祖龍開國盡遐荒廟建唐堯鎮此邦山卷白雲朝帝座林疎紅日列仙幢巍巍聖蹟陵松嶠蕩蕩恩波洽桂江瞻仰威靈共面首紫霞深處鎮軒窓宋張栻謁堯廟詞溪交流兮谷幽山作屏兮層丘水偃蹇兮枝相樛皇詩爲兮於此留謁冠佩兮充庭紫芳馨兮再陳純衣兮在御東風吹兮物爲春皇之仁兮其天四時序兮何言出門兮四顧渺宇宙兮茫然○辰山在城北東渡三四里堯山所徑土人名曰虎山中巖重起畧似中隱宋有士人劉晞家其下桂帥李大異嘉晞有隱操以蟄龍擬之因用名其巖詳具晞子劉君顯所饒諸詩中舊志云山有二巖下巖初入昏黑行十餘步乃明密石室穹然坐三十餘客巖扉西向下瞰平野山川城郭瞭然在目自扉左登陟磴百餘級至中巖乳石奇恠可駭可愕又由閣道至上巖巖之巔有小亭放目天際其深杳靄

不可窮極嘉泰初士人劉升之始出此巖於荒莽
中遊者驚詫以爲桂林諸山之冠相傳升之爲諸
生日呂帥愿忠招見任寄居士喻以秦城有王氣
俾各賦詩以誦檜升之獨不從人服其抗節云題
名趙悅道翁于東李叔逢余仲庸鍾定叟嘉泰甲
子月夕前七日來遊○灘江與湘同源出興安陽
海山至其縣北醜爲二流灘則經靈渠南出繞繞
桂城東北及其西南帶以陽江從灘山下入焉岸
傍數山或扼其衝或遮其去故間有亂石及沙渾
處清淺爲灘湛碧爲潭餘雖深至一二丈其下石

廣西名勝志

卷之一

三

雜五色草蕪諸種所有遊魚群嬉水面間沒葉底
此水最清洞澈無翳飛雲過鳥景不能遁南中人
士自後禊之外良辰吉日浮舟宴集乃其故俗唐
宋之間桂州三月三日篇云始安繁華舊風俗帳
飲傾城沸江曲主人絲管清且悲客子肝腸斷還
續荔浦蘅皋萬里餘洛陽音信絕能踈故園今日
應愁思曲水何能更袂除作伴誰憐合浦葉思歸
豈食桂江魚不求漢使金裝願得佳人錦字書
張九齡巡按自灘水南行理棹雖云遠飲水寧有
惜况乃佳山川怡然傲潭石奇峰及前轉茂樹隈

中積猿鳥聲自呼風泉氣相激目因詭容遡心與
清暉滌紛吾謬執簡行郡將移檄卽事聊獨歡素
懷豈無適悠悠詠靡盬庶以窮日夕○灘所挾諸
水陽江爲大源出靈川縣之思磨山一出維摩廟
流至郭西領杉木蓮花諸塘水匯爲澄潭歷西南
文昌三石梁東出灘山與灘合宋時於城下構亭
曰陽亭張栻仲春過陽亭詩亭古危臨岸林幽巧
近城煙容隨雨任花片着溪清春事已如許客懷
誰與傾亭前幾株樹滿意欲敷榮○灘南流至關
鷄山南溪之水自西南來合彈丸溪入灘東過將

廣西名勝志

卷之十

四

軍橋橋下有泉其列宜茗又東爲金蓮港每夏秋
間其花盛發搖漾水面鬱若金粲亦臨汎佳處唐
李渤留別南溪常嘆春泉去不回我今此去更難
來欲知別後留情處手種巖花次第開○訾家洲
起灘水中箭並灘山唐元和中裴中丞行立剏建
亭閣於其上屬柳宗元爲記先是訾家所居因以
名焉洲每經大水不受淹浸相承言其浮也唐楊
漢公訾洲宴遊詩桂林雲物畫漫漫雨裏花開雨
裏殘惟有今朝好風景櫻桃含笑柳眉橫歐陽賓
詩舊業分明桂水頭人歸業盡水空流春風日暮

江頭立不及漁家有釣舟宋張孝祥詩一雨便清涼風回百草香雲山米家畫水竹輞川庄僧賦獨新帖塙榛斬舊行歸鸛乘晚霽空翠蒲輕裝○相思江在城南五十里唐地理志云臨桂縣有相思墟元壽元年築以分水使東西流東合灘江西匯白石水濶各十丈源出白石山下其地有仙里昔有群仙會集輜輶羽駕過于碧空竟日而去里人聚觀狀聞于朝因名會仙里又三十里爲甘巖大江之右其源亦出靈川思磨山自水側湧出巖方十餘丈大如屋室莫究其深淺盛暑詣之凜然

聚觀相耻○李海濱之弟也爲作隱山六洞銘者又有喜弟淑再至桂林長歌凡五百言○張羽王桂故云唐李嶸庶察桂州月夜聞隣居吟詠之音訪知爲戎豈因以幕賓處之豈在席調其竹兒巉解其意卽贈之呈感賦詩有思合苑前酬之句○楊衡吳興人與陳羽念別詩有云碧桂水連海蒼梧雲滿山及送公孫器自桂林歸蜀則云桂流淺復碧潏潏半露石似亦曾臨清流而興詠者○李群玉嘗自五羊來桂林訪故人舊君有一院蕉聲暮半庭春影斜之句○宋朱晦叔紹熙間知靜江府爲人豪爽自喜最傾意于當世有文名者其赴桂經鄱陽留訪程邁在桂得石屏又以遺邁得邁石屏記乃自爲跋鐫之龍隱巖諸山亦多子淵所題○方信孺莆田人提刑桂州開屏驕從游諸山仙絃濡毫有所撰述不務時草具當其得意處望崖嘆曰平生方提刑以好山水間孰信茲山寓筆研哉他日于西山擇最勝處營創館宇期欲奉母偕隱其下名所居曰碧桂林山林自爲之銘其文尚在山中○李師忠復之師桂罷歸一詞題別云子規啼破城樓月畫船曉載笙歌發兩岸荔枝紅萬

煙雨中佳人相對泣淚下羅衣濕從此信音稀
嶺南無雁飛○黃庭堅字魯直以編管宜州過桂
見諸山驚嘆奇絕賦詩有云桂嶺環城如雁宕平
地蒼山忽嵯峨峯成不生郭熙死奈此百嶂千峰
何嘗寓行熟大師水閣爲名榕陰閣刻諸碑石○
江家字信中成都華陽人以省叔父祖禹昭州還
寓桂州天寧寺黃魯直贈以詩云范侯來尋入桂
路走別俗人如脫兔其後山谷歿于宜州寥往襲
喪出嶺士大夫義之○吳敏字元中真州人大觀
初辟雍試首選蔡京其父欲妻以女辭左遷柳

廣西名勝志卷之一

七

州嘗遊桂城外南禪寺多遺墨○程祐之伊川先
生從孫也紹興間避地僑居桂之永寧寺他日師
五羊還居焉今子孫墳墓俱在桂林○元楊舜民
蜀人嘗任清湘縣丞至正末避兵靜江爲作新城
碑記見登道遙樓上○劉恢字志道常寧人避地
靜江爲宣成書院山長宣成宋理宗賜額蓋祀橫
渠張公秋東萊呂公祖謙也景定二年經畧朱公
視孫所請○王元字文元桂林人貧病苦吟切中
夜得句妻黃氏輒先起燃火且縋筆以待屬草元
有題琴詩曰拂琴出素匣何事獨挈斛古調俗不

樂止聲君自知寒食出祠遊老檜倚風悲縱有來
聽者誰堪繼子期○僧景淳宋元豐時人獨居一
寺不畜侍者終日閉門聞隣寺齋鐘卽造焉諸刹
皆敬愛之陰雨不出卽爲送食積二十年如故淳
詩如夜色中旬後虛堂坐幾更隔溪猿不叫當檻
初生又後夜客來稀幽齋獨掩扉月中無犬立
草際一螢飛皆稱佳句○石仲元桂人爲七星巖
道士于詩妙極精微宋天禧間將逝謂門人曰祭
謝當然未喪之文子其嗣之盡出平生所作詩三
百餘篇授之曰凡吾所得子之所知決句而發有

廣西名勝志卷之一

八

桂華集三卷蓋仲元自號桂華子云

廣西名勝志卷之一

終

中興
宋史
卷之
一

廣西名勝志卷之二

中興縣

桂林府所屬外州縣共八處

靈川縣

在府東北五十里

本始安縣地唐龍朔二年析置以靈渠水爲名按卽灘水也出縣東北九十里之海陽山與湘水同源北流爲湘南流爲灘灘水自興安縣南入陡出大融江入縣界縣東有淦江西北有路江縣南有白石湫東北有耳水皆入焉淦路二源俱出程峒白石湫出自石廵司潭添上唐李義山詩所云龍

廣西名勝志

卷之二

一

移白石湫也耳水源出融山北界經縣西南穿過大山下東流注于灘○高鎮山在縣西南二里古名大象峰一名大藏其下有潭橫浸山腹名象潭其形三折又名之潭元至正年大藏山崩後名其所崩崖爲赤壁因名赤壁山及建祠以祀諸葛武侯○真仙巖在縣西南三里石屋穹窿可坐數十人乳花凝結爲纓絡寶蓋之狀又七里曰仙巖巖門高五尺邃若堂皇秉炬而入百步有深潭按之以石聲若鳴鉦古傳神仙棲隱之所又十里爲華嚴洞高廣數仞清泉環繞時有桃花片濺寸許

從洞中流出石壁上有詩云巖前流水無人渡洞口碧桃花自開東望蓬萊三萬里等閒歸去等閒來○千秋峰在縣東北十里獨立危聳下有峽通大江名千秋峽銀江之水出焉南注于灘○舞華山在縣西二十里峰多奇秀如冠如笏如人趨而拜之狀又十里有讀書巖宋秦方兄弟讀書處○雙蓋山在縣西北十里高百餘丈兩峰同峙若張傘然又二十里爲靈巖山大江洞其腹濶數十丈深不可測遙望山根橫光一線迫之乃知巖在山水底水上表裏明徹而然巖口水面拍拍僅容小舟擊汰而入仰視巖腹與水而正平相去丈餘水深不可施篙仰撐巖腹以行佐之以楫另進尺寸遇聲發則山水皆應大聲叱咤則砰隱晝裂可駭當巖正中石穴隆如蓋其下爲神龍所居輿地紀勝云南北相通正如堂殿水灌巖中其色如藍○北障山在縣北倚之若屏障也山綿亘數十里每風颺起則飛鳥回旋不能度俗謬云鳥不過靈川○宋紹聖間秦觀以言事謫嶺南寓居靈川一年嘗賦呂仙茶十二韻右呂仙山在今治西南平阜卽靈川舊縣也其地產茶以唐光化中呂巖遊此因

廣西名勝志

卷之二

二

名宋紹定四年縣令鄭延年始遷今所○莫休符
風土記云出府城北十里有雙女塚俗傳二妃來
尋帝舜卒葬于此塚高十丈周迴二里餘○風土
記又云府北郭松逕盡處有安南都護普譚塚普
譚靈川人其宅今爲聖壽寺有廟在寺之北下殯
後殯于此時有識地勢者言葬所有天子氣山是
極斷至夜又有陰兵填平如舊既而再掘復平不
已時有効役者宿其所夜聞鬼兵相語曰能以青
布運土填江則我等無能爲也及明主吏聞宿者
言遂用青布輦運土投河竟免陰兵填築今墳所

廣西名勝志卷之二

三

極處猶存有石人石柱松楸百餘株或云訾家洲
因運此土流下成洲有歐陽脩者爲絕句云舊業
分明桂水頭人間業盡水空流春風日暮江頭立
不及漁翁有釣舟○于闐陰慶間邑人全賜靈川
志云靈川自唐武德四年平蕭詵置桂州總管府
領始安福祿等十縣尋改始安爲靈川福祿爲臨
桂按始安自梁大同六年改置桂州卽爲郭下之
邑謂靈川新自始安則可以始安改爲靈川似于
義未叶且福祿省入始安在唐貞觀二年尋卽改
始安爲臨桂未可以改福祿爲臨桂也宜從

爲正○志又云靈川得名本于靈渠渠行

入大融江名曰靈江又西北有黃柏六峒川江三
水合灘水爲同流故曰融江言通融也靈之義得
于渠川之義得于三水並下按州縣凡例未有析
二字以取名如靈本靈渠川本三水者通志以唐
龍朔二年置靈川縣蓋縣西三十里之龍巖村有
山高數十丈若平地中龍朔二年山忽峙其者七
晝夜大雷雨龍升而霖山腹遂空高三十丈許長
倍之石間鱗甲至今隱現若存其下爲深淵莫測
故水從西江來者皆滙之西江卽六峒黃柏川江

廣西名勝志卷之二

四

也其源俱出全州西延之境與湖廣新寧交界迭
七都蠻峒而來六峒居中黃柏川江在左右以成
川字故巖亦曰靈巖川曰靈川耳龍朔之時顯此
奇異卽以是年置縣義亦取諸此也若靈渠融江
俱在興安境與靈川何涉至小融江始爲靈興二
縣之界○小融江亦自興安來至江南大埠口始
與大融江滙左右刺合故曰灘津○大融江又下
二十餘里爲千秋峽叢山列擁尖峭如筆亦名筆
峽風水相搏濤色如銀名曰銀江其氣清淑四時
若秋故曰千秋又過縣南二十里之甘棠墟與甘

江合又十里之白石潭其水甚深相傳縣南二里許有蛟精塘昔歲妖廢傷隄害物南齊永明四年始安內史裴昭明夢神女七人雲冠玉佩各執小旂圭印自言爲荆楚以南司禍福之神此方被妖廢所害今當禁之于白石湫既覺詢其故得之先時湫水陰急舟觸無所不收乃爲建祠秩祀湫水遂平唐李義山詩神護青楓岸龍移白石湫卽此

○邑東南盡處爲堯嶺古謂之東嶺有東嶺神祠李唐以前更爲堯廟其曰秦時建者本軒轅彌明詩中祖龍開國盡起荒廟建唐堯鎮此邦語耳今

廣西名勝志

卷之十一

五

祭品實出靈川○舜華山與堯山相望下有池曰舜池○又有盤古嶺民建盤古祠于其上盤嶺而南爲半雲山卽莫休符風土記所載雙女陵及安南都護普贊塚地也邑之南界接臨桂之北○縣北十里北障山與堯山對峙高廣稱之山周環八百源其著者滑石泉也泉出黃石似泥非泥昔人鑿以龍首注爲塘禪士全用誠依泉結庵居焉宋崇寧間鄒浩策昭州北還過此題云馬頭今日度嚴關十九年前去後還惟有流泉聲似舊凭欄重聽響潯潯南渡紹興六年胡舜陟帥桂易名爲漱

玉泉因題詩云奔走塵沙五十程泉聲今夜響冷冷明朝畫鼓催征騎不使行人仔細聽至我朝高曆壬子歲縣令蔣一葵更名道鄉泉蓋湖南岳麓有道鄉臺張宣公爲鄉忠公設者而蔣令與忠公同爲比陵人云按今有道鄉泉碑亭在山心舖官路側去小融江渡里許○塵沙行半日烟火是靈川縣只三家市渠通大斛船官空無現俸稅重有荒田太息王郎子棲遲欲四年右宋乾道間知靜江府張孝祥過靈川作也昔間嶺外徧江灘今日方知行路難越鳥啼時紅槿發潭蛟潛處碧波

廣西名勝志

卷之十一

六

塞唱歌跳鬼家家重擊鼓招賓夜夜懼獨有風塵流洛客每思鄉國動長嘆石國初編修冉庸謫居靈川作也已上俱縣志所載志爲全公賜撰字申甫嘉靖辛丑進士授南戶部郎左遷四川簡州同知稍起浙江嚴州府丞致仕于家以著述爲事自號月華山人以邑西南二十里有月洞山臨江其所讀書云

興安縣

在府東北一百三十里

唐志全義縣註云本名臨源武德初析始安置大曆三年峒寇萬重光誘桂林等九縣構逆獨臨源

不應因名全義太平興國三年避太宗御名因改興安舊城在今縣西唐李靖築○柳河東集有全義縣復北門記在今縣西五十里居民尚以全義名坊即此○臨源者以地臨湘灘二水之源也舊城在縣南鄉廖仙井傍遺址尚存按水經注云灘水與湘水出海陽山而分源湘灘之間陸地廣百餘步謂之始安嶠即越嶠也水自嶠之陽南流注灘名曰始安水故庾仲初賦揚都云判五嶺而分流唐通典亦謂之臨源嶺嶺在縣北三里卽全義嶺也海陽山在縣南九十里山形如覆釜有巖極

廣西名勝志

卷之十

七

幽邃東嶺而人行數百步至水泉處潤不盈尺其深莫測有司以每歲九月九日致祭○注水經云始安水又南與瀉水合按瀉水源出南鄉名桃花源又有融水出融山二峒中零水出縣西南五十里鬱金山俱南流入灘○靈渠在縣北五里卽導灘水者也亦名秦鑿渠始皇命屠睢伐越史祿轉餉乃自零陵上流鑿渠至桂林渠內置斗門三十六所每斗門開之以俟水稍漸進故能循崖而上建甌而下既通舟楫又利灌溉號爲靈渠漢戈船將軍出零陵下湘水卽此路後漢伏波將軍馬援

因秦舊渠開湘水六十里穿度城仍折而北入于湘今名中江是也至唐寶曆間渠道崩壞觀祭使李渤乃疊石造堤如鉅甍狀劈分二水每水置石斗門一使制之開灘水則入於桂江壅桂江則歸之湘水又鑿分水渠三十五步潤僅五六尺以便行舟其後咸通中魚孟威宋慶曆中李師中相繼修築之渠上有漢伏波祠○古秦城在縣西南四十里其側有秦王廟蓋始皇二十三年築以限越者通鑑唐昭宗光化元年馬殷引兵取桂州自秦城以北望風奔潰卽此宋曹子方詩海窮山盡尚

廣西名勝志

卷之十

八

南征髀肉銷殘只自驚回首長安八千里此中那得有秦城張孝祥詩壘山湮谷北防胡南築堅城更遠圖桂海水天塵不動那知隴上有耕夫○龍蟠山在縣東十五里本名盤龍唐天寶改今名山有石洞其門數重遊者秉炬而入常見龍跡於泥沙中其大如盤嶺表錄異云山有乳洞斜貫一溪名靈水溪溪中魚皆脩尾四足丹其腹人不敢捕否則有風雷之變○石康嶺在縣西過八十里遙迤至縣後旋而向之其下源泉四出南有雙女廟廟旁有石突出高五丈俗呼神石石罅潤寸許請

雨千廟者用茅樸鑿以甕盛之須更水隨茅出
瓶仰望巔巔雲起而雨立至○乳洞在縣西南十
里有上中下三層其中虛明夏涼冬溫內有清泉
噴出沿石壁左流成溪觸石湍急有聲遶洞門而
出卽下洞也左旋而上十餘步疊石爲臺地勢爽
塏有田數畦左方三石如柱旁有隙路可通入石
室是爲中洞水氣蒸潤常有煙霧旋樅又沿石道
曲折凡數百級至上洞入門平曠淺溪可涉垂乳
玲瓏有五色石橫亘其上又行數百步有石高十
餘丈色亦五綵石床鐘磬異響殊狀宋李邦彥名
廣西名勝志卷之二

九

之曰飛霞洞隸書王谿橋三字又有張孝祥大書
上清三洞四字○里許瀨渠有鳴玉洞洞中石筍
懸注一石盤承之泉聲琮琤如鳴玉然亦名梵音
洞○草聖巖在縣西十五里前有寺今廢唐僧雲
嶠習草書其中有雲嶠書堂及滌硯池巖之東有
穴圓如月名月山又五里爲白雪峰峙立渠江之
側粲白如積雪故名上巖深廣可容百許人○唐
承裕宅在縣北二十里五季時承裕自中原避地
于此後入宋仕太祖有璽書亭藏藝祖所賜書淳
熙間張栻爲之記傍有清泉色如碧玉其例異常

足供山市數十家里人呼其處爲唐家宅按卽今
唐家舖巡司也其裔有唐則字世範唐叟字元老
以文章卓行著聞于時○宋宣和中尚用之任本
路提刑後寓桂州水東石佛真教二寺南來諸士
夫多與之遊卒葬興安子孫因占籍于桂○王應
辰興安人宋慶元間以能誦九經作春秋語孟義
兼通子史貢于禮部時九歲後數年其弟應申亦
九歲貢入前後試國子監中書省試俱免文解○
元傳與礪興安縣詩亂峰如劍不知名篁竹蕭蕭
送驛程轉粟未休離水役負戈猶發夜郎兵百蠻

十

日落朱旗暗五嶺風來畫角清空使腐儒多感慨
西南群盜幾時平○明分宜嚴嵩宿興安別署破
木古松喧夕簾遠峰寒露起層陰梅花兩岸湘灘
水歲晚相隨到桂林齊安黃珪次韻路傍花向馬
頭放亭外柳垂池上陰愁絕寒崖人不到可憐啼
鳥度前林○予聞洪伯常興安志曰興安隋仁壽
中置縣唐武德四年析置宣風貞觀十二年省至
德二年改興安爲理定復爲臨源據言梁分始安
置臨源縣則臨源何時廢而至至德始復耶唐志
通志未有隋置興安之文興安至太平興國元年

避太宗諱始改全義爲今名以縣有始安水及始安嶠併用年號以紀之也與安斷自是時始○志云點燈山在治西三里有巖爲陶隱士讀書處夜間常有燈光故名按卽辭學士詩陶生巖畔草青青也又過二三十里爲龍山唐質肅公先塚在焉質之蔣生中立所榻大宜山碑云宋質肅公先世之墓也然大宜山屬南鄉原不與龍山爲一安知龍山非質肅公塚耶桂州提刑李師中送唐介赴貶所詩有去國一身輕似葉高名千古重如山之句則介爲與安人無疑而墓在江側之龍山亦無

廣西名勝志

卷之十一

十一

疑故解縉詩曰唐介堪前江水聲也其時想必出興安順流而抵全州故題曰過全州偶成云○志以石康嶺有雙女廟不知所自按治南有雙女井流入離江世傳有王姓者清明舉家皆往祭掃止遣二女在宅風雨暴作忽墮所居二女沒焉其井源深不測首合靈渠則雙女必爲神而石康所祀者必此神也○嚴關在治北十七里兩山壁立上鐫嚴關二大字或謂漢歸義越侯嚴出零陵下灘水定越建功由此故名又謂此關常隘路而可畏也桂林諸生徐謹征西記云宋末經畧使馬瑩以

阻元兵鑿馬坑嶺斷路處

陽湖縣在府南一百四十里

本始安縣地隋開皇十年分置取陽湖山爲名水源所出北流爲湘水湘中記云湘水之出於陽朔則觴爲之舟至洞庭日月若入於其中也按金石古文有云漢陽朔碑字字畫奇古則陽朔之名亦既久矣置縣曰始于隋○縣舊名歸義有古城在今治西十五里之歸利鄉○古樂州城在縣南二十里白面村山下唐武德初置樂州於此後移入平樂○新林驛在獨秀巖之後分置歸義縣時有

廣西名勝志

卷之十一

十一

此唐貞觀初併入陽朔遂廢今人尚呼驛頭街○葡萄驛 國初洪武二年立正統間廢卽今之葡萄墟○今驛名古祥在縣北十五里其移北郭龍頭山下亦以正統府○龍頭山高百餘丈以形似而名唐詩人曹鄴家在焉今建慈光寺于此○縣理設在都利山下注水經云灘水又南逕都利山是也以出香草故名一曰都荔漢樂章云都荔逐芳卽此治南數百步爲鑑山其石光瑩與縣治棋楫時見人物車馬之形有鑑山寺唐同光年建有宋太宗御製碑○烏山在縣南五里濱江其形

如鳥舒翅而立下有白鶴觀基址○東人山在縣東南十五里此山之狀似人冠帶而拱揖其西亦有石如人冠帶若坐而愛之者宋縣令萬壽詩數里西山路千家夕照村霞光迴樹杪山影倒雲根更小空處舍人歸附郭門地偏風俗好鷄犬任黃昏○碧蓮峰在縣西十五里峰巒重疊簇出如蓮華唐沈彬題云陶潛彭澤五株柳潘岳河陽一縣花兩處爭如陽朔縣碧蓮峰裏住人家○里許爲威南山其下有吳威南將軍墓又爲塘山下有湧泉諸流爲淵山巔之氣與威南山相接傍有乳洞中廣西名勝志卷之十一

也今爲茂籍居之溪橋樹色宛若桃源○繡山與臨桂接界舟入陽朔必先歷此亦可以棹艇遊于其中○東潭水在縣西北雙月溪在縣東南各三里許達于桂江○西溪發源縣西山曲折遶明珠洞前人桂水○興平水在縣北三十里源出寶子山南流者爲興平與桂江合北流者爲零陵水出道州○犀潭在縣西三十里龍濟松江二橋水匯處中有石穴云犀所藏岸傍細草如茸呼曰犀草○飛泉在縣西五十里泉湧山腰懸石百級飛注而下如掛銀河入于桂江○唐吳武陵陽朔縣廳壁記畧云群山發海嶠頓伏騰走千里而北又登衡巫千餘里而南咸會于陽朔陽朔經四百里孤崖絕巘森聳駢植類三峰九疑析城天柱者凡數十里如樓閣通天如關刺霄如修竿如高旗如人而怒如馬而啣如陣將合如戰將潰難乎其狀也而又離江荔水灌織其下蛇龜猿鶴焯燿萬惟縣分山間其土黃壤其方十里其勢險其形感千人守之十萬不能攻東制邕容交廣之衝南扼賓蠻嚴象之隘一日有盜則吾檻其吭而有餘縣西七步有石渠其浚十仞仞之下有洞洞有水深百尺上

有亭可以宴樂遊處肆在亭西廩在肆西鄉吏士
齊黎人商賈夾江而宅基置山足山多大木可以
室可以室其花四時饒紅紫望之森然猶珊瑚瓊
玖予又不知夫崑崙崕峒其名安取而勝茲茲藉
戶五千其稅緡錢千萬於桂為大故俗獷而人狡
吏苛而政暴尤難其正寶歷元年正大夫有事罷
渤海李湜裁縫其間浹時而俗咸變又以見吾宰
之能官入也○按吳武陵所稱海嶠衡巫諸山會
于陽朔者益指海陽山而言即靈興二縣界之陽
海也其地在楚粵之交為一嶺所限嶠以北皆荆

廣西名勝志

卷之二

楚之域也海者泉盛大之稱水北曰陽故曰海陽
其水北起而分湘灘者為龍巖又東南出泉曰梓
巖水下陽朔一山一巖分湘灘朔為三水故名三
山海陽今始安嶠去陽朔下蒼梧者乃其故道故
漢書曰或下灘津或下陽朔也○宋陶弼到陽朔
縣五管新多事輕車屢往還勤勞成白髮故舊在
青山樹色繞分楚江聲未出蠻自慚迎候少無患
及孤鰥又石壁深深遠縣衙不離床衽見煙霞民
耕紫芋為朝食僧煮黃精代晚茶瀑布聲中窺案
牘女蘿陰裏勸桑麻欲知言假絃歌處水墨屏風

數百家按弼字商翁零陵人宋慶曆中從楊攻討
湖南猺有功得授陽朔簿久之復令陽朔故有再
至之語弼在任課民種樹休養道旁他郡縣數百
里內悉效之

全州在府東二百里領縣一

本漢零陵郡之洮陽縣也隋平陳改洮陽為湘源
唐因之五代晉天福間馬希範請置全州改湘源
為清湘縣附郭國初設全州府後仍改州以清
湘省入○按全州之名本于湘山寺僧全真也詳
本山下○零陵郡故城在州北三十里地名梅潭

廣西名勝志

卷之二

城塹俱存又五里即故洮陽縣水北曰陽以洮水
遶其南也俗名改州灘有驛曰山角驛即洮陽驛
矣○湘源故城在城西七里地名柘橋後周顯德
三年徙入城今長盈倉其故址○湘水之南五十
里有越王城即水經注所云越城嶠也後漢建安
十六年吳交州刺史賴恭自廣信合兵出零陵慰
于越城以却步騭者○方輿勝覽云照紅樓萬屏
樓曲水亭依綠亭楚南偉觀樓俱在郡圃今廢宋
刺史柳開楚南樓詩洗盡蠻煙几案空登臨直見
楚山雄坐當湘鷁高飛處身在乾坤灝氣中木落

有情瞻北閣霜輕無夢入西風凭欄自是蓬瀛客
獨對瀟湘興未窮○按開字仲塗宋開寶進士端
拱元年知全州時西溪洞蠻栗氏亂開至出府庫
金帛率牙吏勇辯者三人招其酋賜衣帽緡錢親
為撫慰居數日遣還如期携老幼數百人至公悉
加賞犒營室以居作詩鑑一篇示之刺諸石公無
事常鼎連山水任意嬉遊自稱無礙道人故王禹
偁集中送柳無礙序有云江山猿鳥之姿雲泉竹
樹之美皆在指顧中矣○湘春樓州城大南門也
宋陳規有詩今名鎮湘○皆山樓在清湘縣南宋
廣西名勝志卷之十一
紹興間令安主建楊萬里記今為鐘樓○樓煙閣
在州西磐石山椒取柳仲塗詩中語也柳詩云古
寺登山椒公堂去不遙尋僧忘俗慮盤道出塵囂
疎箔樓煙霧明眸望沅瀟漁翁江上立指我在雲
霄○唐黃滔寄湘中鄭明府縣與白雲連沅州况
縣前巖僧同夜坐江月看秋圓葉拂莎庭石茶檠
乳洞泉莫耽雲水興疲俗待君痊宋陶弼過清湘
嶺開巒土斷此地下湘川綠水紋如染丹楓色欲
然瘴消還愛酒兵解尚憂邊故里誰相訪孤帆出
曉煙○湘山在州西一里峰巒鬱鬱巖洞幽深絕

頂有飛來石相傳自羅浮飛來者其稍夷處曰筍
布臺寂照大師經行之所有湘山寺唐咸通二年
建寺門二層徑長百餘丈始入殿由兩廡升達殿
後有浮屠俗名無量壽佛塔即師示寂處也巖有
甲亭眺覽郡中如在畫圖林岳詩云雲歸楚峽靜
江入甲亭幽即此又有法華玉乳二泉宋析彦質
詩寓久渾忘客臨行似別家途窮身更怯秋老鬢
先華生計黃菊令歸期碧海賒湘山今夜雨番飛
意無涯韓駒詩湘南第一境山水足娛人塔占飛
來石僧番過去身雲泉蒼壁曙竹樹絳園春羨爾
廣西名勝志卷之十一
安禪客脩然不受塵口魏禹卿西事珥云湘山寂
照大師俗姓周名全真郴州人初遊吳越謁師於
雙徑得安樂法作偈云有物先天地無形本寂寥
能為萬象主不逐四時彫人皆知有悟後訪勝
得湘山荀布臺因住持焉會昌汰釋氏歸一夕生
肉髻鬚髮倂長乃衣紫霞衣入覆釜山結菴而居
刺史韋宙迎之四門各見其入莫辨其孰真也示
寂時年百三十二歲其遺蜕在湘山妙明塔致內
典以慧而覺者曰熾盛光佛以文而覺者曰無量
壽佛則無量壽自有別義佛之壽固不以年也○

柳山在州北二里郡之圭峰舊名北山爲柳刺史
所遊賞因卽其姓爲名有寸月臺拔地七十丈岡
巒廻複禽鳥希踪二江東流波影炫目柳公仲室
築室讀書有書堂紹興間州守林岳爲之記魏禹
卿云近日柳山書院應泉井中有巨石乘風雨飛
入井內昂首低尾狀如龍馬其高廣正與井之石
楚相似實嘉靖壬寅四月七日也○湘水發源于
陽海與灘分處地名鐔常漚而爲潭名曰漢潭導
入中江在湘灘二水之中陽海之舊江也○洮水
出州北三十里之文山山下出泉清激有聲故名

廣西各勝志

卷之二

九

水經注云洮水出洮陽縣西南東流注于湘水漢
英布軍敗走江南高祖令別將追之擊布軍于洮
水南北皆大破之如淳注云洮陽之洮音韜蓋布
舊與長沙王婚其敗也布往從之洮水出長沙國
境內故布之軍大敗于此劉宋武帝繼母舅蕭卓
爲洮陽令文帝元嘉三十年宗慤以功封洮陽侯
皆其地○羅水出羅氏山經州西五里飛鸞橋灌
水出灌陽縣南經州南二里小村口俱流注于湘
○州東南合江門對岸有山巋然舊名鉢孟山卽
羅灌入湘處 明知州顧璘易爲完山有合江亭

觀察茶陵龍大有建舊刻詩云高秋來眺合江亭
江上新生白鶴汀塞北風煙聊息駕湘南丘壑自
忘形十年髮爲離騷變千里雲隨嶽麓停同是明
時投檄侶倚看雙閣對秋青○三華山在州南五
里與湘山寺正對頂有三峰形如華蓋湘江逶迤
其背明黃曄詩金翎拍海山鳥鳴寒光拂曙天欲
晴沮濠瑞霏酒霏翠仰視不見華峰青頂更褰幔
山林薄傍柳縈花繞城郭南山玄豹藏已久文彩
斑斑變龍箬○隆城山在州東一里有古額垣如
城塹狀○獅子巖在州西四里以形似名亦卽湘

廣西各勝志

卷之二

三

山之一峰也徑由歸雲菴而上有白石如帶可五
六丈許側隘不可通俯視石罅僅二三尺秉燭而
入深廣可容三百人中有數疊如階磴然又十里
爲石燕岡有巖高深二十丈時有石燕迴翔其中
○礪巖在州北十五里飛泉如練琮琤激越故以
礪名中有石田石鼓蓮華臺閣之像甚多宋胡寅
謫居清湘遊此鐫五言古詩十二韻諸石又城西
南三十五里有青田巖城南四十里有波斯巖皆
稱絕勝○倚石山在州南六十里以巖石相倚故
名建安之水出焉舊設建安驛處○神仙巖在州

北六十里爲古神仙所居有石剎幽徑二字○黃
華山在州東北六十里郡國志之黃山也橫亘如
榜舊名獵山○獲金山州西長鄉跨湖廣新寧縣
界其山上接霄穹下臨無地遊者拔綠絕壑而上
有天馬佛足諸踪產掃階竹僅尺許葉密而小乾
久不脫○鉅鍾潭在州西境宋吳曾記云予布衣
時從內翰汪公彥章遊汪謂予曰柳子厚所記零
陵山川間諸長老咸不知所在每爲之嘆息予乾
道辛卯六月來守清湘偶長樂鄉四十七都民有
校牒互訴樸林灣乃鉅鍾鎮也予欣然曰此子厚
廣西名勝志卷之十一
之所記也方子厚時湘源猶未建州故屬零陵與
記中語合予以居官不得出常恨不獲親至其所
考子厚之記散行宴坐乎水石之間覽小丘丹溪
袁家莊之勝以慰其平生而汪又去世已久不及
昔其所未知者故著于茲以爲好遊君子指踪焉
○范九皋廟記云虞舜一妃廟在城南一里漢初
平元年建唐元和九年重修柳宗元爲之記○伍
子胥祠在江頭村其代伍姓者合祀之漢鄧禹祠
在龍水壩鄧姓者祀之○亭渡廟在城北并鄉渡
南祀英布韓信彭越三像○趙大夫廟在城南三

十五里或云晉大夫趙宣子也廟記以五代時有
趙侯者河東人爲湘源令因家焉卽所居立廟祀
其先祖鄉人以感應祠之○中殿廟在州北六十
里山口肇自後唐天祐時原設白茅灘宋天聖間
遷此○柴侯祠在州西四十里大陂之陽宋嘉定
中賜額威信侯名崇趙唐末人爲河北邢州守棄
官聞湘山寂照大師道行來從之遊僧衆稱曰柴
君歿後年餘忽積雨暴漲溪水湍急有大木自覆
釜山湧出下陂江已而泝流復上五里夜間空中
有聲云吾柴君也欲于此建廟鄉人以其木刻神
廣西名勝志卷之十一
像祀之號柴君祠宋初州境寇至侯現神兵列城
壘前賊懼望風奔潰紹興間有孔彥周曹成之難
侯顯化如初今城西湘山麓者其行祠云○盤石
廟宋黃庭堅記曰廟在州西三里許故全州使君
王侯廟也侯諱世行字祖道開封人初任全州都
巡檢使會儂智高入寇世行率民調兵以扼賊衝
百姓安堵湘人德之安撫使吳中復等薦其可用
權守全州州益大治歿後立廟于此盤石之下有
泉出焉是爲盤泉一名玉髓泉其味甘冽○志云
章後都陽人洪武元年知全州府與同知淮安李

習協心民事嘗植松亘百餘里勢若参天大者三
五十圍唐蔭道路人謂之引路松徐謹西征記以
爲宋咸平初陳亮叟所植云○周健錢塘人宣德
初知全州任滿民千餘詣闕請留乃進奉直大
夫還治少師楊士奇贈以詩有歸到清湘三月暮
郭南騎馬勸春耕之句○顧璘字華玉應天府人
正德間守開封以忤中貴謫知全州最久所著有
浮湘集州北二十里廻龍巖其所開也○唐諫字
居田里久之易名登政和五年進士知峽州時士

唐西名勝志

卷之十一

夫出蜀者皆挾巨商重賈公盡發之卒以謗免友
人贈詩云但得歸舟輕似葉何妨蜀客怨商征○
廖遂明者尚氣節工文詞尤長于樂府陳尚誼南
遷過全州郡將待之甚峻遂明獨相勞問如故舊
了翁北歸學士折彥質亦貶嶺南道遇之問南中
相識以遂明薦彥質因避范與語甚悅欲與之偕
遂明慨然不辭一日渡海風濤大作遂明持劍厲
聲曰有宋忠臣在風濤遂忘其壯勁如此○唐仁
杰苦吟樂隱時同調陳德誠出守池陽仁傑以詩
貽之云紅旆渡江霞蘸水青蛇出匣雪侵衣德誠

善之因勉其入金陵會休沐朝士集于昇元寺召
仁傑往酒行請賦登閣詩仁傑沈吟少頃立就有
句云雲散便宜千里望日斜長占半城陰衆皆閣
筆如元白之遜楊汝士也○朱冕字德父元符中
王鞏坐司馬光黨貶全州冕偕弟袞從之遊鞏每
評其兄弟冕真純不苟袞開爽有文後冕以孝行
聞于朝至和二年賜粟帛黃魯直南遷過其家贈
以詩云萬里瀟湘一故人白頭親老尚懸鵲環家
但有千竿竹望目空耕一畝芹其風致如此○陶
崇字宗山十歲賦詩有驚人句登嘉泰二年進士

唐西名勝志

卷之十一

召試館職慕柳子厚爲文嘗撰宋鏡歌鼓吹曲及
楚詞七叙以進理宗甚嘉嘆後陳時事忤權貴出
知信州卒于官所著有激齋集○蔣公順字成父
從魏了翁遊學有所得嘗築室湘濱名其居曰鶴
寄日吟味讀書以自適鶴山爲之銘 國朝于中
字子正以學行稱洪武初應辟授監察御史內直
賦詩有太液暖風吹御柳瀛洲春日醉仙桃之句
爲時傳誦立朝彈劾不避因忤旨謫雲南歸厚縣
丞稍起南雄府通判卒所著有黃鶴山樵詩集○
成弘之聞蔣昇將冕兄弟也昇仕至南京戶部尚

書晃大學士全時乞休爲海內名德全州人○宋
管及其先縉雲人因遊清湘家焉崇寧間爲宜州
理曹黃魯直被謫至時黨禁甚嚴親知絕跡及周
旋之甚篤將別山谷書折桂亭三字貽之○李壁
字白夫武緣縣人選交冠之難居全積書至數萬
卷日與生徒誦讀其中已上皆流寓煙閣遙聞向曉鷄
水平舟靜浪聲齊高林帶雨楊梅熟曲岸龍雲謝
豹啼二女廟荒江樹老九疑山碧楚天低湘南自
古多離怨莫動哀吟使客淒涼唐張泌過湘源作
也歌聲野色中人樂歲時豐著雨陰晴雜秋田早

廣西名勝志

卷之十一

五

晚同嶺雲無烈日江樹足涼風自指鄉山語前村
有路通石宋陶弼題霞溪驛也北戶書類到南雲
鴈不飛試評騎馬路何似釣魚磯擊析黃卯店簞
燈白竹屏故園桑柘煖亦有稻魚肥石范成大宿
深溪驛也文殊堂中松永日如鳴琴我登雙松堂
時步雙松陰下有寂莫人安禪無古今右黃庭堅
題雙松堂也南北東西幾萬峰郡城如在畫圖中
何人裁斷湘妃竹半醺秋江作釣筒右陶全過全
州作也霜林紅葉襯桐花路轉崖根百尺斜簪日
斷雲成徙倚湘南秋盡未還家右朱子恭題招義

驛也陶生嚴畔草青青唐介墳前江水聲兩岸好
山看不盡盡船槳到全城右國朝解縉過全州
偶成也千章喬木拂雲齊一徑松陰路欲迷泥滑
草深行不得滿山風雨鷓鴣啼右黃鎬入清湘遇
雨也已上皆旅客

灌陽縣

在州南
九十里

隋大業中蕭銑析湘源置攷灌水土去縣南九十里
自興安界流入水北曰陽故曰灌陽也春陵古碑
考云後漢獻帝有熊尚初者拜騎都尉灌陽長縣
號沿之大學士蔣晃記以灌陽有縣自孫吳始卽
廣西名勝志

卷之十一

六

其得蜀零陵等四郡時云○峽山在縣北五里夾
江峙岸幽聳蔽日形似三峽故名縣有涉羅馬渡
龍川鹽川諸水咸匯于此東流入湘攷水經注云
觀水出臨賀郡之謝沐縣界西北逕觀陽縣西卽
此水也灌古謂之觀其入湘處謂之觀口○華山
在縣西南七里有虞帝祠江水遠其麓唐馬戴湘
川弔舜詩伊子生好古弔舜蒼梧間白日生將沒
遊波疑不還九疑雲動影曠野竹成斑鴈集蕪陵
渚猿啼霧露山南風吹早恨瑤瑟怨長閑元化誰
能問天門恨久關○通真巖在縣西二里又名靈

巖前後洞門敞朗約深十餘丈廣二十餘步如大
厦形又八里爲仙源洞世傳有柳子厚遺跡其傍
有大源塘○打鼓洞在縣西四十里水經注云觀
陽縣東有裴巖其下有石鼓形如覆船扣之清響
遠徹卽此洞也其水流入灌○井院泉在縣北二
十里又十里爲新靈泉俱在興安界來流入灌江
小富水在縣北六十里自旗嶺山流經昭義凡江
以入于灌○沙河之水出九龍巖中通別澗有石
藤九其形盤屈如龍水流入灌陽離唐戴叔倫宿
灌陽離絕句十月江邊蘆葉飛灌陽離冷上舟遲
廣西名勝志卷十一

今朝未遇高風使遣與沙鷗宿水湄

永寧州在府西一百五十里領縣二

唐析始安縣地置純化縣永貞初改慕化乾寧初
又爲置古縣 國初改古田成化間設于夷隆慶
四年都御史殷正茂平之疏改設州曰永寧○州
主山爲寶蓋黃源之水出焉北流合永福水入于
離而州北之大長江源出都狼山州東之東江合
四源水皆注之○方輿勝覽云東郭先生廖扶家
有丹砂井一族數百口飲此井者皆百餘歲按州
東有巖名百壽舊名夫子巖宋紹定己丑知縣史

涓鶴百壽字于石崖蓋指此也今壁有平古田碑
○虎路巖在州東南二里石柱崢嶸光明弘敞東
炬而入有石大士滴乳天成從巖而下又有金竺
巖深宵廣遠流泉一泓其上凝滄物象森錯○將
軍巖在州西五里洞門之右若將軍踞坐然入半
里許上下方平如砥有石乳恍垂芝撒網等狀○
穿巖在州西三十里穿成復迤如覆屢屋坦長二
十餘丈人馬通行之地志其爲奇也○天村山在
州西南一百里山頂有旧居民耕種成村故名○
都狼嶺在州北六十里初黃巢寇嶺南溪峒蠻應
之逼州城王者執當堅守于向曰徒示弱耳卽上
馬引兵與賊戰于都狼山連挫其鋒巢飲衆以避
乃逐利深入大戰于洛陽坡後兵不繼向氣益振
提刀橫擊賊莫敢櫻會暮峒蠻散去向被重創道
卒巢因陷桂管按向字仁忠臨桂西鄉人時署高
驛牙門將云○宋高登字彥先漳浦人少孤力學
宣和間爲太學生與陳東等上書乞斬六賊不報
紹興二年廷對極言無所顧避有司惡其直授富
川主簿轉古縣令廣西帥沈晦問登何以治縣乃
條陳十餘事晦曰此古人之政今人詐疑不可行

對曰忠信可行蠻貊謂不能行誠不至爾豪民秦
琥武斷鄉曲持吏短長登白郡及諸司宣之法一
郡快之帥胡舜陟謂登曰古縣秦太師父舊治實
生太師于此盍祠祀之登曰檢爲相亡狀祠不可
立舜陟大怒撫秦琥事誣登專殺詔送靖江獄屬
母死薰壘水次登假歸壘其母訖事詣獄而舜陟
先以事下獄死矣登事卒白

永福縣在州西一百里

唐武德初析始安縣之永福鄉置卽以其鄉爲名
我朝省理定縣入焉今有理定堡○鳳巢山在縣
廣西名勝志卷之十一

尤

城北本名華蓋隋大業二年鳳鳥來巢百禽集于
山下宋建隆間復有雙鳳巢之守臣以聞詔遣使
鑿巢下石得美玉故以爲名山頂有玉液池其下
卽王世則故居太平興國八年狀元也○麻蘭山
在舊理定界距縣西南六十里震宇記云從府至
柳州路經北山過溪百餘里方至平路山中有毒
出尋溪水行有伏流有平流峭絕險隘更無別路
柳宗元詩桂州西南又千里灘水閭石麻蘭高唐
桂帥旱禱多由此其水流爲下漏川以入灘木皮
丹竹二江俱自古田界流出注焉而平樂府之修

仁縣界古礫江荔浦縣界之石流江亦相灌委○
太和山在理定城後崖谷盤紆西南有江自古田
出名太和江嶠南瑣記云靈渠自北而南三十二
陡又由灘通銅鼓水自東而西入永福六陡六陡
冬月水消則涸絕不行○又云自理定西行麻蘭
鳥沙諸嶺險絕刺天無蜿蜒迤邐之狀路極逼仄
每遇嶺則直上至絕頂乃下下抵澗水乃已度澗
又復上如此者三四程開之飛雲九折勢雖險峭
尚可乘車策蹇而行不至若是也諸嶺每遇狹處
謂之陀子必有大小石子一堆意必戍士積之以
廣西名勝志卷之十一

三

僻他處者及詢之則云行人過此必從山下携石
一塊寘其下祝云願增脚力○宋李師中和李明
叔理定道中幽居日日數歸程已寫華嚴兩帙經
門外初寒江氣白嶺頭多雨燒痕青魯逢飯顆嘲
山笠應載鴟夷笑井瓶客土相思空引望天涯風
景似新亭按理定廢縣卽今橫塘驛基蓋元時自
清音驛移來者○全州志云唐時登政和二年進
士初復理定縣有惠政其子朝俊以蔭補亦宰理
定民間頌其作述之善時仕至澧州守

義寧縣在州東一百里

靈宇記云石晉天福八年析靈川歸義縣爲城
因陞縣曰義寧○靈鷲山在縣西南十五里峭拔
高峻上有瀑布泉白鹿菴又五里爲巖洞山高數
十仞容十餘榻泉繞洞前舊傳有桃花片大寸許
從洞中流出有題詩石壁上云跨鶴曾來不記年
洞中流水碧依然紫簫吹徹無人問萬里西風月
滿天○義江在縣北七十里源出丁嶺流至蘇橋
分爲三入永福江一歷銅鼓壩東流合相思水入
灘○屐齒痕在江口石磯上和傳蜀漢時有武當
者偕諸葛武侯征猓智惠江死焉英靈白晝
廣西名勝志卷之十一

圭

懷金甲揮刀大呼響應山谷嘗臨流踞坐磯上屐
痕宛然可觀○宋淳熙間張栻知靜江府嘗按縣
至義寧爲書義寧縣學四大字刺石見存○廬陵
曾堉通判靜江王管義寧勸農公事節用愛人嘗
修庀公署不勞民而訖成功○縣西南有香林寺
唐咸通五年建卽宋咸淳間遷學來者○北門外
有聖德觀宋寶祐三年建

廣西名勝志卷之二終

廣西名勝志卷之三

關中曹學佺能始撰

平樂府

在府城南
二百里

領州一縣七

唐武德初以始安郡之平樂縣置樂州貞觀改名
昭州元大德間陞州爲平樂府 大明因之○唐
李商隱昭州詩桂水春猶早昭州日正西虎當官
路關猿上驛樓啼繩爛金沙井松乾乳洞梯鄉音
殊可駭仍有醉如泥宋梅摯云我愛昭州路優游
不嶮崎九疑通舜堦八桂遶秦祠亭堠相望處漁
樵有讓時政平無虎闊莫信義山詩○天繪亭夷
廣西名勝志卷之三

一

堅志云昭州郡圃有亭名天繪建炎中郡守李丕
以與金國年號同欲更之乞名於徐師川久而未
得有范某者爲易曰清輝已揭榜而師川來謁李
視積壤中有片石斑斑如有文字取而滌之乃此
亭舊紀其畧云予擇勝得此亭名以天繪取其景
物自然也後某年月日當有俗子易名清輝者可
爲一笑考其命名之日與此不差今亭在西山福
聖寺攷亦不存○明宣德間知府唐復字永亨昆
陵人嘗葺郡治建書樓于府學明倫堂復繪古勤
學者以風諸生名曰昭文○西山卽昭山也距城

西百步灘樂二水滙有巨石逕百尺屹立水中其石正方如印亦名印山○按灘江發源陽海自桂林府來至平樂乃名府江以昭州及平樂縣在唐宋之季俱屬桂林水經注曰孫吳割蒼梧之境立以爲縣北隸始安是也平樂至元時始得自稱府而府江之名本于此○水經注云始安谿水又西南注于灘水謂之平水志云樂水源出富川上鄉越恭城縣遠至郡城入于灘灘樂二水滙處蓄而爲潭其深莫測名曰昭潭下爲十六灘最險峻今昭潭驛沿其名又上有更鼓灘荔浦江自西南注

廣西名勝志

卷之三

二

之曰荔浦江口舊平樂縣設此○古州城在府西南樂山里相傳隋唐時築今訛爲孤州唐中書令崔玄暉與張柬之等誅誅張昌宗奉中宗復辟後因武三思譖貶玄暉古州司馬尋遣人殺之於此○唐刺史敬超先與杜甫善甫寄高適詩序有云今海內念形故人獨漢中王鶚昭州敬使君超先在耳城北龍興觀有敬公井尚存○明督學使蘓濬沿革論曰昭介桂梧西北近楚清湘九疑鬱相繆焉東南入梧巨石急灘如坂上走九溪峒林樾多爲獵人所盤據一夫不靖醜類陸梁近且交夷

而蘊崇之刊山通道展爲周行而又增置樓船繕修校壘廼令單騎直馳往來如織重裝下上帖席而安蓋千百世之利哉郡治故寥濶山田仰泉不甚作苦茹茨竹戶魚鹽粗給庶幾稱小康云○府城宋治平元年太守汪齊築至軌道乙酉歲太守葛永慶修治之議鑿後山爲壕不果 國朝洪武十三年增設守禦千戶所始拓開于外三里合之得五百四十有一丈○廢樂州城在府西南三里唐武德初刺史汪齊贊築○廢永平縣在府東北歷塘村隋開皇置宋開寶中廢○廢龍平縣在府

廣西名勝志

卷之三

三

東南百六十里梁靜州及龍平郡唐富州皆治于此今屬昭平縣心慙里

平樂縣

附郭

釋詳府下然縣自吳甘露元年分富川置則先于府久矣○鳳凰山據城東北勢如飛鳳唐松千株千霄拂雲爲一方之形勝有梅公亭遺址宋景祐中龍圖梅公摯守郡時建○南山在昭潭南岸雙峯挺出峯下有巖深廣數丈資聖寺設焉○東山距城一里多竹木宋嘉祐中里人太子中舍韓颺澹于仕進隱焉號東山野叟轉運李師中有詩題

其隱所○仙宮嶺在府城北宋元符間鄒魯詩居
以江水不可飲汲於數里外後所居嶺下忽有泉
湧出因名感應泉銘之曰有穹其山有潛其淵動
惟厥時以出斯泉沛然莫遏其源我感我應其來
自天及將北歸數日前泉乃涸浩使人漚之乃於
亂石下得蟹一枚自放於江曰予至五嶺不見此
物數年矣亂石之下又非所宜穴也何從而出耶
易不云乎物不可以終難故受之以解蟹者解也
天寔告之矣是夜有人至門厲聲呼曰侍郎歸矣
求之不見次日果獲賜環○徐師川集有訪鄒道

廣西名勝志

卷之三

甲

鄉故居詩序云十一月九日携二豎子邀單秀才
步出古觀之西北求鄒侍郎忠公寓舍於拾青閣
故基其詩云履霜頗強健晨興恣所適兩兒休藍
輿呼客同蠟屐危橋出隘巷憑高聊物色蕭然但
林莽蕪廢長荊棘井竈復遺江山依舊碧要知
千載下懷賢求所歷按師川名俯黃魯直之甥也
魯直謫宜州師川來訪舅氏魯直卒俯寓昭州者
久之○道鄉書院舊碑 國朝嘉靖丁未歲縣令
李圭于道中得井欄一面滌其泥穢有字漸露乃
斷碑也遂徧求之更得數片惜不能成章乃爲置

之學官其詩曰道鄉書院久銷沈誰憶殘碑也
尋夫爲忠賢留勝跡人于夢寐感知音貞珉肯遂
風霜變妙畫元非鬼物侵請罷益增今昔感斗山
應借重儒林○忠公同時有元光者昭平人嘗從
公遊公亦至其家及放歸有詩別光云不因投竄
抵昭平那得相逢一笑親塵裏豈知居士意山中
聊見宰官身周顒尚以家爲累元亮惟知酒是真
莫逆于心更何語撥開船子過醪津○倉山在城
東南九里峯巒秀奪宛如眉黛故名又里許爲繁
山山有九峯縈紆曲折莫窮其致○白雲巖在城

廣西名勝志

卷之三

五

東十里叢林蒼蔚洞門巽然有古藤盤繞之其中
寥廓盛夏常寒成聲肖象之屬甚夥○華蓋山在
城西十里夕陽返照有似火焰 國初解縉詩云
火焰山危下夕陽即此山也○密山在城北十里
群峯迴合環擁郡治故名近城五里有龍嶽峯宋
鄒忠公得志軒云前有峯數十仞曰龍嶽即此一
名龍躍考槃之水出焉跨澗有橋曰覽勝○聖山
穿山誕山俱在縣東北樂山里聖山者以譚氏二
仙女尸解于此而名魏義挿天絕頂高平俗呼仙
巖石前有梳粧臺左右列翠竹二枝仙子將飛騰

清風徐來疎篁拂座爽氣蕭然「穿山三峯並立半壁開一圓竅可通往來」誕山亦有三峯譚氏二女產此山下及長脩黃老之術不知所之一日里人以不雨爲憂二女至謂之曰汝能餉我即可得雨翁第餉之未信也二女甫去果大雨如注翁知其神追覓不見山下呼之則上應山上呼之則下應循至一巨石四周無草木二女之衣帶在焉翁異之白其事於衆是後恒見二女於石上櫛髮因建廟山下祀焉○後唐陶英字世民世爲青州人累官太尉天祐二年上書言事指斥時政忤朱廣西名勝志卷之主

六

全忠因授太尉征南將軍領兵八萬出鎮昭州故以疎之明年全忠篡位英懼禍隱于誕山家焉同時有李太尉者簪纓相似子孫累代締姻其山下有峒因目爲陶李峒○誕山之水北流至榕津與沙江合即故沙亭縣也其上有走馬坪○縣之津平里在虎步江口有廢茶城縣址其上有目巖高數十丈下有巨石近頂左右有兩小巖宛如人目黑白分明見荊州風土記

賀縣

在府東二百里

本秦臨賀縣三國吳以爲郡隋平陳改置州唐宋

如之臨賀皆爲治所 國朝省臨賀入州後又置州爲縣宋之省封陽蕩山元之省桂嶺皆析臨賀置者今爲桂嶺蕩山等鄉○按桂嶺一名臨賀嶺書張耳傳秦有五嶺之戍廣州記大庾始安臨賀桂陽揭陽謂之五嶺是也盛弘之荊州記云臨賀山中有二竹大數十圍有盤石徑四五丈清滑如棋局二竹屈垂拂掃石上絕無塵穢未至數十里風吹竹音如笙簫臨水出焉流合賀水元和郡縣志云臨水一名賀水源出富川卽此水也臨賀水逕龍門灘水深百尋大魚自躍登此門化爲龍不廣西名勝志卷之主

七

過者騰腮點額石在縣東南一名龍谿○浮山在縣東十里挺出江中雖洪濤汎漲此山不沒上有迎碧亭○醜山在縣西十里高千餘丈舊名幽山唐刺史李郃來遊名瑞雲宋守鄧璧以此山多雲氣因改今名其上有泉注爲池名曰仙池○仙池之水流入橘江以注于賀而王山泉天堂嶺之水皆注焉按王泉山在縣西北天堂嶺在縣南各去十里其泉攸絜四時不絕縣北二十里有七十二峯巒奇競秀其中多橘是曰橘山乃橘水之源也唐時有銅冶今廢○按莫休符風土記云天師

宅在賀州道錄以爲玄中大法師今以宅爲廟廟中有美異果實往來人食之無患惟勿採取取必致禍○唐書李邵列傳邵字子玄延唐人因劉蕡對策切直爲時宰所抑邵與裴休杜牧等二十二人中第邵曰劉蕡下第我輩登科能無厚顏疏言舊策漢魏以來無與比臣對不及蕡遠甚乞開所授以旌蕡直不報爲賀州刺史賀人愛之至改旣山曰瑞雲云其時咸通開宰相常保衡出爲賀州刺史留意吏事不以舊宰輔自居人亦稱之○宋大中祥符時道州人周輔成舉進士授賀州桂嶺令終其官以子敦順貴贈諫議大夫○文獻通攷有本政書十三卷南軒張栻答朱元晦來云賀州林勲本政書想亦須見其人一生用功于是持論亦可貴又于其家求得數書有論屯田項日亦具有功今給抄錄續當奉寄敬夫時爲靜江府帥云○通志啓聖紀云孝穆皇太后 孝宗皇帝好賀縣人幼入宮成化五年 憲廟召幸有娠萬貴姬知而惡之百方苦楚胎竟無恙 上令託疾出居安樂堂以病報而屬門官常視六年七月己卯誕皇太子是爲孝宗皇帝太后少乳太監張敏使女

廣西名勝志

卷之三

八

廣西名勝志

九

荷以粉餌哺彌月西內廢后吳氏保護之尤謹已前悼恭太子薨萬貴妃無子禁中漸傳西宮有皇子 上與貴妃始召見相持泣下於時皇子六歲矣矩度不凡上撫之大喜從 太后求壽宮匠何基卒京師籍籍有異言追封淑妃二十三年 憲廟崩 孝宗卽位尊謚孝穆皇太后有縣丞徐瑣者請究 太后崩逝之由禮部以爲且興太獄株連蔓引非 先帝意從之但訪求 太后親屬之在廣西者紛紛良久竟無所得或云 太后李姓入宮時誤稱爲紀又以爲太后家在賀之迎恩里白龍塘毋孕 孝穆將免忽一日龍塘水盡赤已而 孝穆生云

荔浦縣

在府治西八十五里

本漢舊縣屬蒼梧在荔江北因以爲名唐以縣置荔州尋廢宋以永寧縣省入○鵝翎山在縣東五里巖極相承虛明變幻中有巨石如鵝故名或云娥英語音相近宋甘叔異詩俗謂鵝翎未便然娥英恐是古時傳謠聲流盡蒼梧淚斑竹林中聞杜鵑○卧山郡國志云荔浦有卧石其形似人而舉體青黃隱起可以祈雨小舉小雨大舉大雨○荔

江源出崇仁縣荔山今入永福界輿地記云荔溪多桂不生雜木樵樵皆桂有丹竹江出峯門瀨水出魯山其流皆入焉○縹緲山在縣北四十里險峻如升昔人置關其上卽漢地里志之荔平關也土名界牌峽○水經曰瀨水南過蒼梧荔浦縣注云瀨水出縣西北蒲山之東逕其縣西與瀨水合出水豐縣西北蒲山東逕其縣西又東南流入于荔浦縣注于瀨谿又注于瀨水之上有瀨水關瀨水又南左合靈谿水口出臨賀富川縣北符靈閭南流逕其縣東又南注于瀨水○徐徵字君求廣西名勝志卷之三

十

蒼梧荔浦人漢延熹中仕郡爲督郵適中常侍唐衡遣客至蒼梧買珍奇客怙衡勢多臧所直又滯醢過甚徵便收客郡市髡髻巨乃白太守太守大怒收徵付獄主簿請曰此人無禮恃強買賣既侵百姓又汚婦女徵上念明政據刑中耻今不使佐郡無復爪牙之吏後督郵當徒跣行奉諸貴戚賓客耳太守不得已釋之郡中稱其敢決○宋梁竦高要人調靖江荔浦尉以獲賊功改官僉書鬱林一日假寐夢西海府君牒請云殿庭如王居講賓王禮請梁撰水城記梁援筆爲之記未就而覺

明日錄畢焚之無病而逝

富川縣

在府東北二十里

富江源出靈亭鄉南匯神源之水注於賀以入瀨此縣命名之始也兩漢蒼梧郡下有富川縣唐天寶初更名富水縣尋復舊宋省馮乘縣入元及

我明如之○按漢書有萌渚嶠爲五嶺一與湖廣

江華縣分界處馮乘縣基在焉今屬富川賀縣之間晉陶侃之擊杜弘宋潘美之擊劉鋹岳飛之擊

曹成皆由於此○漢地里志元鼎四年析臨賀鐘

山地置富川縣今鐘山千戶所是去縣西南六十

廣西名勝志卷之三

十一

里山上有石扣之如鐘鳴故曰鐘山也其後徙靈

石山靈石者四時常有煙靄冒於峰頂又里許曰

興雲山雲蔚卽雨人以爲候夫今治乃洪武初征

南將軍韓觀所遷○朝冠山在縣東一里以形似

之或謂朝陽之冠冕也又九里爲穿山其上有巖

石皆五色蒼藤數根從下繞之又石梁可逕而

度故以穿名○石門山在縣東三十里四圍峭壁

僅容一人入其中則平原曠野居民百餘家不減

桃源○秀峯在縣北二十五里平地突起凡數十

仞秀甲雲表唐開元間浙人毛裘爲賀州守之任

道經此峯欣然歎曰歸閒之日于此卜居焉及于官家因不返其坎子曰亨曰貞即富川毛氏祖也又十里爲桃母崑谿水漫流傍多桃樹相傳有老嫗歲凶種此采其實以充饑樹苗至今特盛又十里爲龍山龍谿之水出焉遶郎山下過石巖多穿內有鐫刻又二十里爲長標嶺耆老相傳唐李靖討蕭銑時駐師植標于此○白馬山在縣南二十里其下有白馬泉又六十里爲碧雲洞洞門石脉隱起廣陽島三字遠極分明近視如擘絮狀○歌山在縣東南郡國志云昔有老人自少不婚而廣西名勝志卷之三

巖外一夕俄不見以爲狎舉云按在縣東六十里隱山其中有潛德巖鑄林公石牀四字宋元豐二年林通達夫識○秦山在縣北一百八十里荊州記云吳孫權時此山夜雷暴震開爲洞者六有石鼓石壇昔傳仙人所居○志云林楚才有詩名與清湘唐仁杰同時倡和毛奎字子文性寡嗜好力學不倦建書院以授生徒自號澹然居士嘗作大小二洞天記已上俱富川人

恭城縣在府西北一百里

本漢蒼梧郡地唐武德四年析置○燕子巖在縣南里許外峻頂寬有石巖如燕巢然○金芝巖在縣東三里石室高則乳垂如芝○穿巖在縣西十五里巖至深邃有谿源從中出舟行如在月中爽氣逼人○銀殿山在縣東北八十里元和志云其下有鐘乳穴十二所是以山際明白如銀或云常有白雲繚繞遠視如宮殿故名○平島山在水西方輿勝覽云唐葉靖祖墓在此靖有道術嘗與明皇乘雲幸陳湄堂家每歲上必來省墓去墓十里有大悲寺元豐初有客葉姓者借宿於寺因口占詩八句僧但記其結句云明朝蓬島去白雪滿頭

飛詔旦啓戶人馬遽失○周渭恭城人南漢時苦于繁賦因率鄉人踰嶺將避地零陵爲賊所得脫身走建隆初至京師見宋太祖上書時務太祖奇之擢右贊善大夫歷試郡縣政以簡肅太平興國二年遷廣南轉運副使初渭入中原妻子皆留恭城及廣南平渭始還鄉里因奏去劉鋹無藝之征鄉人德之爲立祠焉○國初蕭嘉祐新舍人知恭城縣惟情與民皆感悅山谷徭氓以片紙招之依期而至無有後者聽政之暇與諸生講學士風丕振

廣西名勝志

卷之三

一

脩仁縣

在府治西八十五里

本漢荔浦縣地吳孫氏置建陵縣梁武帝立爲郡隋開皇郡廢仍爲縣唐長慶三年桂管觀察使殷侗奏縣名同肅宗陵號以縣有脩仁鄉請改脩仁相沿至今○羅仁山在縣東二里又六里爲太平巖又二十里爲青山○橫水山在縣西一里又九里爲越王山又五里爲駱駝山下有駱駝水源出龍山西南流注連水○縣之東陂水出晨口朝陽水出平南皆入于荔以注灘江○縣北十里蘿山宋皇祐間知縣狄道誨討山寇經此夢蘿子卿神

來棲因禱焉師捷請于朝卽其處建廟祀之賜額順應因名山曰蘿山廟前有樹一株國朝弘治知縣葉其將伐之轟然有聲猛虎隨至乃思而止

昭平縣

在府治南一百八十里

本漢蒼梧郡臨賀縣地武帝分臨賀郡於龍平縣置南靜州開皇十一年廢以龍平屬桂州貞觀八年於此置富州縣亦屬焉宋開寶五年廢富州以思勤馬江二縣入龍平隸昭州宣和六年改爲昭平元復爲龍平尋省入平樂我朝萬曆四年復置仍名昭平○靖尉山在縣南二里舊經云唐開元中明皇從法師葉靖乘雲至此山山有御座基又幸前進士陳蒲堂家未幾其家生金笋蒲堂尋亦不知所往○王白泉在縣西北十里龍門峽左宋治平間刻龍門王白泉五字○木皮山在縣東二十里又二十里爲芟葉山又四十里爲北陀山○獨山在縣北一百二十里巍然特立周圍皆峭壁不可躋南一穴深三十步廣二十六步高千尋可通山巔冠起居民緣梯而上下視以石擊之寇不敢犯○五指山在縣東一百八十里其中深廣入僅一線可容一人扼之則萬夫莫過○宋時有

廣西名勝志

卷之三

十五

宏字大舉寓昭賀間不仕工詩送入下峽云
西水殘秋裏孤舟伴夜猿南越行云因尋買珠客
誤入射猿家細雨云何處殘春夜和花落古宮途
中逢故人云孤舟半夜雨上國十年心衡山處士
廖融南遊宏贈以詩云猿吟牛渚月老憶洞庭山
皆稱佳句

永安州

在府城南一百六十里

本漢潯陽縣地元和志云武德五年置立山縣又
於此置南恭州貞觀八年改爲蒙州宋會要云熙
寧八年廢蒙州以立山縣屬昭州省東臨蒙山二
廣西名勝志卷之三

十六

縣入焉 我朝置永安州屬平樂府○方輿勝覽
云三石在城南十里僞漢時有兵入靖江過此黎
明遇獵者牽黃犬逐一鹿兵以鎗刺鹿徐視之石
也已而人大與鹿皆化爲石鼎峙道傍今一石尚
有鎗痕○蒙山在城東五十里唐蒙州蒙山郡治
所其名亦取焉○通天巖在州北三十里相傳昔
立山縣人夜卧山巔至夜半嶺忽高及天其人頻
覺以手摩之歸白縣令往驗果然因發民丁周圖
鑿窟數十穴貫薪燒之如龍吟者數日乃絕遂不
復高甘穴猶存○銀江在州東源出平峒逕上龍

漚子○江西江源出茶山在州之西故名○激江
在州南源出古眉東至于藤南入于海○金麻江
在州北源出榕峒過山灣會古東古乘入于灘

廣西名勝志

卷之三

十七

廣西名勝志卷之四

閩中曹學佺能始撰

梧州府

在省城東南七百里

領州一縣十

漢地里志蒼梧越地秦始皇貳百越以屬桂林郡秦末趙佗自立為南越王封其同姓趙光為蒼梧王即此漢平呂嘉以其地為蒼梧郡之廣信縣因於郡兼置交州元封五年置十三州刺史於番禺九州之外交州刺史部七郡蒼梧其一而交州仍治廣信後漢獻帝末孫權以步騭為交州刺史始遷州於番禺孫皓時分置廣州理番禺而交州乃廣西名勝志卷之四

徙龍編矣晉宋齊梁陳蒼梧為郡不改至隋始廢唐平蕭銑置梧州天寶元年改蒼梧郡乾元元年復為梧州宋因之元改梧州路 我明設府 史記帝舜南巡崩于蒼梧之野山海經曰蒼梧之山帝舜葬于其陽也朱葬于其陰文穎注漢書以為九疑之山半在零陵半在蒼梧也魏潞引玄中記云堯時有何侯者隱蒼梧山至夏禹已二百餘歲五帝賜之藥一器家人三百餘口同昇今為太極真人按此則蒼梧已著名于上古者矣○梧州府城在總府之東北謂之西府故亭元戎乃勳侯也嶠

梧春行冬息徧歷所部咨詢疾苦太守而下多解綬請罪弘庶實舉發一時貪殘為之歛迹部內肅然○喻猛和帝時為蒼梧太守以清白率吏郡人頌曰於維蒼梧交趾之域大漢惟宗達以仁德○賈琮字孟堅東印聊城人靈帝授交州刺史時交趾屯兵反執刺史及合浦人守琮到部訊其反狀咸言賦稅過重百姓家殫民不聊生故聚為盜賊琮即移書告示各使安其資業誅斬渠帥為大害者簡選良吏試守諸縣蠲復徭役百姓底定巷路歌曰賈父來晚使我先反今見清平吏不敢飯○陳臨字子然南海人漢永建中為蒼梧太守推誠而理導人以孝悌民有遺腹子為父報怨殺人被吏所獲臨知其無嗣令其妻侍獄後產一男郡人歌曰蒼梧府君恩廣大能令死囚有後代建安中徵為廷尉後本郡以五月五日祠臨東城門上令小童繫服以舞之○圖經云朱臨水在郡城南後漢郡守陳穉升郡事暇時釣魚于此○朝臺岡在城北六朝范曄築臺山上遇正朔輒率群僚望朝而拜○梧州有總府其右為總督制府前總兵府在總府之東北謂之西府故亭元戎乃勳侯也嶠

舊府中有伏波將軍所鑄銅鼓其一尚存形不似今制濶三尺許而徑可三尺五十旁圍漸縮如腰形復微展而稍窄其口似今之竹焙簞體絕薄純綠色紋甚精古而無遠作龜尾十數昂有刻欲跳狀中受擊處其聲如鼓耳已有斷裂痕擊之聲不其然乎一宗好者近為稅瑞獻之內庭所縣木架而左右有銅鑄狼機數柄倒於地製亦精以奔近時物也又聞蒼梧郡有銅船沉于水至今水澄隱隱可見謂是伏波所鑄按後漢書莽和問周敞為交州刺史採龍山

廣西名勝志

卷之四

之木為州門鼓仍分一鼓給桂林郡一鼓給交趾郡擊一鼓則二鼓皆鳴所謂叩宮而商應者也其形亦倣銅鼓之製大抵夷人重約誓信鬼神故多作此類以鎮服之耳○儒林傳後漢劉熙字成國北海人博覽多識名重州堂建安中薦辟不就避地交州往來蒼梧容接生徒數百人乃仰物名以釋義惟揆事原致意精微作釋名二十七篇熙自為序其時有程秉字德樞南頓人少明周易詩書逮事鄭玄得其真秘後避亂交州與熙考論大義遂傳通五經士變命為長史孫權聞之以禮徵辟

拜太子太傅後卒于官所著周易謫尚書駿論語弼凡三萬餘言又有薛綜字敬文沛郡竹邑人世典州郡為著姓綜少明經善屬文舉秀才漢末大亂乃依故人避地交州從劉熙學士燮既附孫權召綜為五官中郎除合浦太守治郡威惠並行民徠愛之轉守交趾時交土始開刺史呂岱率師討伐綜與俱行事畢還都守謁者僕射赤烏三年徙左部督尋為選曹尚書太子太傅六年春卒所著詩文名曰私載○西事瑀云後漢永平間陳元長孫以布衣伏闕疏稱范升等所駁左氏義者斷藏

廣西名勝志

卷之四

小文嫖黷微辭決瑕摘譽掩其弘美請復立左氏學上從之元厭難將軍欽之子欽治左氏與劉歆同時而各自為家三輔決錄謂左氏春秋遠在蒼梧蓋指欽也元子望卿亦以左氏顯若此則遐邇素士能用經術嚆起固不必借光于富貴矣○牟子者蒼梧人其月叙曰雷帝崩天下擾亂獨交州差安北方異人咸來茲土多為神仙辟穀長生之術時人多有學者牟子常以五經難之道家術士莫敢對是時牟子將母避世交趾年二十六歸蒼梧娶妻太守聞其守學請署吏牟子見世亂無

仕宦意竟不就州牧辟之復稱疾不起牧弟豫章太守爲中郎將卒融所殺牧乃請牟子曰弟爲逆賊所害骨肉之痛憤發肝心當遣劉都尉行恐外界疑難行人不通君文武兼備有專對才今欲相屈之零陵桂陽假坐于道路何如牟子曰被林服櫪見遇日久烈上以身期必騁效遂嚴當發命其毋倖亡不果行久之歎曰老子絕聖棄智脩身保直萬物不干其志天下不易其樂故可貴也于是銳志于佛道兼研老子五千文合玄妙爲酒漿蔬五經爲琴篋遂乘筆墨餘閒畧引聖賢雅言證解

廣西名勝志卷之四

五

蒼梧縣附郭

漢蒼梧郡之廣信縣亦郡所理也隋始設蒼梧縣縣南十五里與封川界屬廣東有兩廣樹在封梧之間南北兩柯驗其榮瘁以上兩省之豐凶○唐盧綸寄嶺外故人見說南來處蒼梧接桂林過秋天更煖邊海日長陰巴路絲雲出蠻鄉入洞深信迴人有說夢到片應沈碧水通春色青山寄遠心炎方難久客爲爾一雷襟明解絕詩蒼梧城北繫龍洲水接南天日夜流水井鰐池春草合火山鰐

室夜光浮千家竹屋臨沙嘴萬斛江船下石頭欹枕夢回霄漢近瘋聲猶在鳳凰樓○按志繫龍洲在城東七里大江中亦名七里洲江水巨漲洲獨不沒故謂之繫龍洲○水井在城東水井寺內其水澄湛不涸味甘且冷唐經畧使元結目之爲水井又爲銘刻石上其前有浣清堂今廢○鰐池一名思良江在城北二十里亦名多賢水其中鰐魚有四足長者二丈恬在山間伺鹿亦能啖人攷搜神記稱扶南王范尋養數虎於大雲山以罪人授之無罪者虎不食乃赦之又於池養鱷魚十數頭

廣西名勝志卷之四

六

接之如大雲法學士解公似用此事○大雲山在城東北隅有伏虎巖蟠結危聳卽范養虎處今接虎之事寂然乃有三界廟者廟中小蛇十數背青腹赤目有火光常緣神身及蟠繞藤香上人以手接而玩之甚馴習往來莫知其嚮有所願越期未嘗者蛇輒至其家人驚曰神索願也友人鄭紱偕予至梧渡江祀之果然廟在火山之麓○窰宇記云火山府城南隔江山水深無極山上有火每三五夜一見如野燒或言其下水中有寶珠光燭於上或言南越王尉陀藏神劍於此故騰焰如火

山有荔枝四月先熟吾閩稱火山荔枝本此又產獸名靈麋生三足郡中有災福及使車將至則先鳴唐沈佺期詩身經火山熱願入瘴江銷虞衡志云嘉魚在火山下內穴中狀如小鯢魚味極美春永允佳○三江以左右二江合府江匯于城南故名府江一名桂江卽灘水也水經注曰鬱水又逕蒼梧廣信縣灘水注之又東逕番禺入海是矣漢武帝使馳義侯發夜郎兵下牂牁江會番禺卽此也水傍有石英山米產石英兄貢英山之左有鶴飛岡相傳南漢太守劉曜嘗鑿斷之俄有雙鶴飛

唐西名勝志

卷之四

七

逝于上又城北六十里有通星山亦傳曜所鑿以觀星象者○金石山在城東二里圖經云吳時有道士牽牛渡江語舟人曰船內牛糞聊以相贈舟人視之牛糞皆金須臾道士與牛並隱石下○石鼓洞在城西北五里山巔有洞洞下爲慶林寺其左臨江爲高明亭故址○蕪山在城東南八里大江之濤相傳宋韞軾被謫南行泊舟於此山下故名○立山在城西十五里東臨大江山坂平衍極險隘一徑通藤○印山在城西北三十里方正方如印特立水塘中塘曰大印塘○城

農城縣在治西南晉置劉宋時廢郡國志云縣有銅山銅湖銅丘○戎城縣亦晉置宋咸平省入以地置戎墟鎮○歌羅城在治西南六十里隋開皇李賢築以屯兵者○漢孝子丁密墓在縣內密遭父喪廬于墓側有雙鳥游密舍傍小池見人馴伏後遭母喪復廬墓三年雙鳥游戲池中亦如之全時有賴琦者母喪獨身造墳歷年乃成手種松樹成行感飛鳧白鳩之瑞南史范雲爲刺史遣使祭密及琦墓是也○唐吳武陵墓在城內桂芳橋石刻唐咸通二年立○朗吟亭在城東跨濠通放生池舊名飛仙以首有神仙朗吟其上○武靈渡在通運所前桂江之側○戎墟渡在城南二十里大江上通長洲卽宋戎墟鎮○五兩渡在縣東二十里本唐詩惡說南風五兩輕之句

唐西名勝志

卷之四

八

藤縣

在唐西六十里

本漢蒼梧郡之猛陵縣地晉置永平郡於此隋廢郡置藤州唐天寶初改感義郡乾元初復爲藤州治寧風縣宋徙治鍾津縣元因之我洪武十一年改州爲縣省鍾津入焉○唐宋之間發藤州詩朝夕苦過征孤魂常自驚泛舟依島泊投館聽猿

鳴石髮綠溪長林衣拂地輕雲峰刻不似苔壁畫
難成露浥千花氣泉和萬籟聲琴幽紅處歌躋險
綠中行戀結芝蘭砌悲纏松栢瑩丹心江北死白
髮嶺南生體懸天邊國窮愁海外情勞歌意無限
吟月爲誰明○東山在縣東一里上有李衛公祠
以公南征嘗駐師於此○南山在縣南二里頂平
如砥上有杏壇松厓竹巷芹澗皆清絕勝地附近
爲石壁山巖巒相倚松檜倒生其下卽大江也又
有石人山危石臨渾遠望如人○龍驤山在縣南
七里數峯聳列下俯清流骨龍驤將軍陳隱鎮此

廣西名勝志

卷之四

九

管駐兵山下故名○登嶼山在縣西十五里二山
南北對峙江中蒼翠相望濫於詹隄○六爻山在
縣西九十里山形交加如列成卦○赤水峽在縣
東六十里峽南有巖深濶丈餘頂竅通日光相傳
李白嘗過此因名李白巖峽與巖相對壁立而一
水中流舊有廣惠寺今置巡司其上○白藤嶺在
縣西南一百里路通容縣多產白藤今昔州縣俱
以此名○藤江在縣北源出交趾至邕州左右江
至此與繡江合又東流至番禺入海蘓子瞻詩
舟藤城下弄月鐔江濱江月夜夜好雲山朝朝晴

按宋紹聖間黃門趙轍青稜化州別駕其兄軾亦
徙儋州相遇於藤作詩倡和卽此處也○鐔江在
縣東南自高州北流徑容縣至縣城東入於黔鬱
唐武德初有宣撫使者至此艤舟遊慈聖寺以金
杯挹井水杯墜井中汲水至乾不見杯只得一龜
長一尺二寸宣撫解紅勒帛繫其腰放之井祝曰
爾若有靈當漲杯出水及歸至寺門塘見龜踴躍
塘內次日遊乾亨寺道忽見前杯自澗流出又見
前龜紅帛仍繫於腰又拾龜而放之曰爾若有靈
同歸供養是夜風浪忽起宣撫舟中有一寶劍浮

廣西名勝志

卷之四

十

水而去明日集網窮搜不見但得古藤一根而埋
之乃至西岸又見龜跡環繞及奏改移鸞州於此
仍依龜跡築城名其地曰鐔津且於寶劍躍水處
名劍江○注王泉在縣西南宋秦觀詩中有涵雲
注王之句故名○元余觀詩雲蒸崑山液月浸藍田
英臨風嘖沆瀣浦腹珠璣鳴○桂山泉在縣東二
里色白味甘○余觀詩寒蟾窺玉甃老兔遺香酥化
爲銀河水一沃炎海枯○鴨兒灘在縣南三里富
禮詩云秋高霜降餘灘淺石齒蘭魚吹笛來野
鴨斜飛起山頭兩石人並坐如笑指○金環灘在

嶽內唐武德初有於藤州得聖鶴者能言語歌
獻之內庭歲餘不語惟而問之答曰身居南土生
長禽中父母異方故不敢言上憐之賜以金環而
遣之歸因以是名○梧州北州俱在縣東繡江上
居民鱗錯○秦觀題藤州光善亭詩霞通海天曙
月來東山白共是凭欄人誰是當秋色相傳觀在
藤堂夢中作辭云山靈不花動一山春色行到
水溪深處有黃鸝千不龍雲當面化龍蛇天矯掛
晴碧醉卧古藤陰下者不知南北時觀已病是日
偶爲客述之因索水至不能飲笑視之而卒

廣西名勝志

卷之四

容縣

在府西二
百四十里

本漢合浦縣地晉分立嚴昌縣梁改曰陰石縣因
立陰石郡隋廢郡改縣曰奉化又改曰普寧屬藤
州唐武德四年平蕭銑置銅州貞觀八年改容州
以容江爲名宋元如之我 朝改縣○唐曹唐送
嚴大夫再領容州日照雙旌射火山笑迎賓從却
南還風雲暗發鐃歌外號令潛生氣槩間簞竹水
翻臺榭濕刺桐花落管絃閒無因得報真珠屐親
從新侯定八蠻○大曆間元結爲容管經畧使植
蓮于廨後池構亭曰面面以其四周爽豁可囑蓮

花而名○相傳蓮塘內有銅鑑一口每風雨夜與
譙樓禁鐘相搏鐘蓋唐貞元間物也當事者屢欲
徙之他處皆不克遂若還之極用其力之半○淵
纓亭在城西三里繡江上有石橫江枕流上平如
砥可坐數人石罅如紫玉尊受水數斗次山亦名
之爲靈尊其水色似滄浪故以濯纓名○城南江
卽容江也一名繡江有駱駝橋跨之唐貞觀二年
建學于此至元始遷江源出北流藍山經縣城南
東流入藤梧○距城十里有讀書臺巨石蟠江上
如砥昔漁人繫舟收網其詩聞石上朗誦書聲故

廣西名勝志

卷之四

名○北靈山在縣北二里其狀似龜亦名真武嶺
又八里爲陵雲山勢高入雲上產斑竹○西山嶺
在縣西二十里嶺斜而長聯絡不斷迤邐卽大容
山○大容山在縣西北二十五里高五百丈周圍
一千餘里鬱林高潯諸州分據其麓○都嶠山在
縣南二十里山有八峰曰龍子馬鞍八疊雲蓋香
壚仙人中峰丹竈而八疊最奇秀有南北兩洞道
書第二十洞天南洞寬廣平坦中有浮屠大像北
洞差狹爲星壇者八中峰絕頂有室曰中宮院宋
隆興中有梁賢者與友人遊此見有閣宇三間傍

多柳林取一顆嚼之自是遂不粒食糲東坡贈邵道士詩乞得紛紛撲撲身結茅都嶠與仙鄰卽此○楊山在縣西雲凌里唐楊貴妃產於此有井尚存曰楊妃井妃小名玉環父亡母葉氏懷孕十三月而生妃後軍都督部署楊康以財帛求之爲女三歲聽康親女讀書卽能成誦時有長史楊玄琰攝行帥聞之遂倍金帛與康得之選入壽王宮明皇召入內爲貴妃號曰太真○龍母墳在縣南二百里白家村沿澗而入層崖遞瀑飛下數十丈瀑之左群峰盤踞稍尖處儼成一月堂龍母墳在焉

十三

東偏有小石池容水數斗石壁如削下臨急湍不能容步衆流奔瀉日數十尺乃漚爲深潭渟泓莫測龍蓋蟄伏于此初猶人婦入山中久不返衆往覓之則爲龍所據陰雲罩幕旣歸所居常有寒氣人莫敢近婦不自覺也娠歲餘產一龍胞中無血止下水數升頃之雲霧交集騰舉而去婦亦無恙後數歲婦以病歿方殯忽有龍自空中下盤旋蜿蜒數四遂擁其骸以去衆隨之至其地石忽自裂龍竄骸陷而入焉石復合後龍常至其家飛繞屋前久之乃去○唐王翊字宏胘大曆中爲容管經

十四

累使初夷獠梁崇牽等煽亂撫其城前後經畧使皆僑治梧嗣曰我容州刺史安可客他所必得客乃止出私財募士有功者許署吏于是人人自奮不數月斬賊帥歐陽珪悉復容州故地詔徙治順州○戴叔倫貞元初爲容管經畧使綏徠夷落威名播聞德宗嘗賦中和節詩遣使者寵賜之其時有常丹爲容州刺史教民耕織禁止惰遊始城州十三里開置屯田二十四所○宋王次翁知容州賊不犯境嘗募元紉之爲人恥結在道州時乞免科率二奏刻之石并其遺像以自觀省曰庶不墜

在府西南
百九十里

本漢蒼梧郡猛陵縣地陳置永業郡於此隋罷郡置永業縣唐武德五年分置龍城縣仍置南義州貞觀五年徙治岑溪宋太宗時避御名改南儀州熙寧五年州廢以縣屬藤州 國朝改今屬○高

城山嶺結縣南勢高遠土人以爲石人額有巨
如人立狀○鳥嶺山在縣北十里壁峻千仞縣
治是嶺舊有馬嶺巡司今改上里河村去縣四十
里○丁蘭山在縣東十里丁蘭村爲漢孝子丁
蘭故居或云孝子丁密非蘭也一名丁郎山其下
有泉名孝感泉密字靖公許蒼梧下○都盤山在
縣南二十里一名羅山○冷水山佛子山並在縣
西南三十里兩山相接如翼之張縣以爲輔○要
義山在城東一百里崢嶸秀特又名秀峰卽繡江
之源也縣南有皇華江縣西有潘洞江俱出連城

廣西名勝志

卷之四

鄉經縣前西流入丁繡江下藤峽入梧○孫吳虞
翻字仲翔會稽餘姚人爲騎都尉數直諫吳主權
不悅權與孫皎論及神仙翻指昭曰彼皆死人而
語神仙世豈有仙人也權積怒非一徙翻交州後
徙蒼梧猛陵嘗言云自恨疏節骨體不媚犯上獲罪
當長沒海隅生無可與語死以青蠅爲弔客使天
下一人知己者足以不恨雖處罪放而講學不倦
門徒常數百人在南十餘年卒○晉勾漏令葛洪
在縣東六里山脩煉有棋盤石澗流涓涓入石壑
中因名葛仙巖相去里許有石穴出泉甘冽名葛

井昔題巖壁上詩云古洞門深百尺寬石巖題詠
暗苔斑細尋仙令燒丹去滿地流泉浸月寒

懷集縣

在府東北一百五十里

漢四會縣地晉懷化縣隋改懷集西南有懷溪合
馬寧花地諸水經潯州入海其南峰有釣臺石臨
溪水色澄泓時出白魚游洄可見按懷谿發源齊
嶽山在縣西北一百里峭拔出於衆山之上望如
嶽齊故名○天馬山在縣南五里唐地理志驃山
疑卽此○四門巖在縣西五十里突起平地中有
石室外有四門巖中石乳凝結爲柱者八爲蓮花

廣西名勝志

卷之四

者一此巖之東北又有遊仙巖巖中化龍石一石
人一西南有三潮巖巖中有泉應潮輒湧○朝巖
在縣西八十里徑窄而暗其中明徹滴乳凝結爲
珠玉縵絡鳥獸龍蛇之類甚多此巖西南又有燕
巖石峰峭拔入洞深邃中有石僧之菴基局以多
蟄燕于此故名○梅子山在縣東一百里中多梅
樹掩映成林○白崖山在縣西南百五十里山嶺
險峻白石楚楚望之如雪故名○廢懷遠縣晉置
在城東十里今立古縣營是也○廢威州唐置領
懷集永固泅水三縣尋廢今縣西南獨週里大路

傍有龍岡驛是其遺址○廢永固縣舊志云在城北不詳其處今縣東南務本里有永固岡城垣基址猶存疑或近之○廢泝水縣在縣西泝水里泝水渡頭上里許蓋永固在唐開元時省入懷集而泝水以宋平南漢時省也○古龍洞在黨山大凹潭深不可測相傳有龍潛其中每風雨時作潭自有聲歲旱祈禱輒應○上愛嶺與新州四會縣接壤唐神龍間五祖得衣鉢與惠能客禪能迷去恐人害之嘗潛至上愛嶺北高峯頭石室棲遯至今猶傳曰六祖巖長慶年間泝水縣建寺以尊崇之

廣西名勝志

卷之四

七

後寺廢乃于道士巖前重建○道士巖即花石洞也晉葛洪字稚川號抱朴子嘗遍遊名山過泝水縣覽花石洞遂居之采覓丹砂及金鵝蕊諸藥丹竈中鐫抱朴二字水清墨蹟隱隱尚存後人遂以道士名巖○明廣文黃宣遊花石巖賦辭采駢麗余采之云於爍懷陽秀石峙嶸盤錯蒼梧枕轉交粵挺玄黃之麗象跨嶺海而橫越乘標引峯連縣崎嶇體奕磴以屹嶸紛郁郁以纚列或罪鬼兮而岸峇或嶧岵兮而嶺嶠或嶧岑兮峯刺以參差或嶧嶠兮嶧嶠而斷絕或下平衍而曠蕩或上嗒呀

而藏薛于東則青江浮瀾蕩其胸于南則赤水波湫涵其穴其巖則有四門洞囑從橫崎嶇鬼嘯怪啐儼若天闕芝房無以參閭風不能劣于前則有中天石竇上泊玄幽炫耀虹蜺于斗射牛雲鳥穿飛曾莫知其攀遊於旁則有坂坻噴吼而成獸狀若羣蓮猗猗太華競秀爭妍游女弄奇于若邪之曲耕父揚光于清冷之淵於右則有北面齊嶽雙峰峻崕隆崇歸峴冠山之朱堂盤紆玲瓏儼員嶠之瑤室爾乃開曰雲之庄披素書之帙簾簾雲幌霏霏映日圓地生明曲若新月逸乎哉洵宜望

廣西名勝志

卷之四

八

之無際恬矣哉蓋汎盼而靡一至若青冥迴薄巍巍銀表道人兮羽化雲女兮嫵媚金鵝石魚兮時不散龍鼎玄珠兮沈不曉淒乎雲濤兮神何奇溢乎水瀾兮澤奚小爾乃登嶠嶠覽遐逖披嶠嶠眺諸石則有央若奔驟類天馬之騰空蛻若游龍儼巨鰲之立極或前橫若削而筆聳或後赴若敵而劍擲或蒼蒼若雲門而巖巖或覆若洪鐘而仆仄或連若累空而輻輳或散若踣踞而遠埴美哉茂麗臨望席矣奇矣衆備難覩記矣于是乃列寺管址棲樓于後東西膠葛南北駢複雕栾鏤采異出奇

構於是乃崇基表刹金彩玉璞施不捨之豐結
緣之閣掩室摩竭演勿照之真明杜口毗邪通息
言之妙覺夫然後九衢之草千芳四照之花萬灼
崖谷共清地景交連于是同屢并井都人女士絃
服說粧雜沓雲纏瑞皇帶以馳驚蕩神情之曠美
恨百年之迅度日豐容之難似追寄與之無盡識
蜉蝣之幾過于是有朱輪鼎貴從奕奕陳詩采
風飛觴舉白澹忘懷乎紛粉暢游倪丁瞬息於是
有玄直之子輕妙之容攀雲鏡之石室尋霞舉之
仙鳥仰葱翠以延服恣遨遊以高適此則花石洞

廣西名勝志

卷之四

十九

之梗槩世得爲雄者也若夫悟暉韶而葉綺感
豔節而花燃雜好鳥之流聲釋機情于魚釜翫盈
虛於物化揆興義於幾篇綠草萋而送春朱櫻存
而迎愛愛晨風之弄旭似夜笛之噪夜閑踟躕于
月觀喜澹蕩于風榭搜沈淒以魂摧托沈騷而賦
駕人安得而不懷余安能以自默乎客曰若吾子
之言大都能道其要妙所謂彈究于前開發家于
未覺矣蓋爲竟其說焉遂辭曰途廓萬有天地宅
今前芳茲石恢奇怪兮鴻荒無傳誰斧鑿兮巖巖
具瞻洵俯仰兮苞光靈曜施莫石兮必有偉人代

相符兮斐詞知謬美贊侑兮○又有李齡者亦廣
文其詠南谿古渡詩云兩堤楊柳酒帘風去去來
來信莫窮記得南河歸路晚水邊停騎落霞紅又
佛燈晚照詩依約禪關入定鐘佛前燈火隔疎松
山僧深夜渾無寐更借寒光照鉢龍

鬱林州

在府西北三十里

領縣四

本秦桂林郡地漢元鼎六年更桂林爲鬱林後漢
光武二年世祖鬱林太守外卽此魏晉因之梁改
爲南定州隋大業初改尹州煬帝改鬱州尋改爲
鬱林郡自唐已來州郡率無定稱而鬱之名不改

廣西名勝志

卷之四

二十

州故治南流縣 國朝以南流省入○谷永漢建
寧中太守廣鬱古四縣駱所居永以恩信招降烏
許人十餘萬開立七縣○吳陸績爲鬱林守歸舟
經於岸上取巨石壓之人稱曰陸公鬱林石在今
吳郡之婁門陸龜蒙家居臨頓里其門有巨石卽此
○毛靈晉泰始七年守鬱林壯勇慨慷爲吳將陶
璜所執不屈而死後人立祠祀之○劉宋太守劉
勳至郡珊瑚連理生勳聞于朝爲大明七年正月
○王安中字履道中山人宋靖康初以尚書左丞
論時政謫鬱林子孫因家焉○元文升宋末丞相

天祥弟壁之子也信國死難以升爲嗣後仕元海
北無訪使卒葬于此州之八疊岡子孫遂家於鬱
今有文丞相祠其裔諸生文運熙者尚藏國初
解學士縉書公上已詩以貽廉訪子良錫云○圖
經信石山在州東南二里一名牢石坡坡上夾石
側壁如鐘唐置牢州以此每歲秋期鄉人共候此
石若有雲氣覆之歲必大稔○石柱坡在州南三
里柱高三尺相傳馬伏波立又七里爲兩道嶺峰
俗稱疊嶺陸二縣經由此分○寒山在州北二十
里九域志云越王既遣人入山採楠十日方回問

廣西名勝志

卷十四

廿一

其故云山中大寒不得歸故名○荔枝山在州東
南二十里山出荔枝夏月熟時如錦屏障○隱仙
巖在州西二十里石室幽邃壁上題元和十四年
來遊七字附近爲黃都山九域志云昔有樵夫入
山迷路見黃衣冠者五人語之曰吾都此山者也
故名○水月巖在州東南二十里洞中虛明石乳
凝結如琅玕倒垂澗水從巖中流蕩漾激石遵澗
行爲陰洞遊必列炬跨木渡澗數十步水石益奇
削爲芙蓉伸爲仙人掌滿盤柱立翔飛疾馳無所不
有又出洞西南行板緣而上有一峯拔起草木森

蔚洞在其腹是日天馬洞洞中有馬蹄跡莫紀其
數直入石二三寸許又有釣天洞分上下二界卽
天馬西峯也下洞涉潭水始至臨潭有二石扣之
作金玉聲上界軒豁可布十筵坐聽考鐘擊石琅
琅如鈞天之奏已拂日光矣溯其初入洞兩出欲
合未合之間上露一道天光晦晦如昧爽初曙澗
流紆折與之相應又別自一世界也○南流江在
州之左南流縣以此名源出大容山會綠鴉水西
南流十餘里八疊峯迴過羅望江至廉入海江濱
有巨石如伏犀石間二竇水各湧出合爲一派迴

廣西名勝志

卷十四

廿二

數十步入江宋嘉祐十六年忽湧紫水因名紫泉
○五龍潭在州南三里其水甚深色如靛旁有石
壁狀如雕鏤○司命井在鬱平廢縣縣卽唐麟德
初所析置也南越記云縣有石井其淡平之可給
閭境不竭又其南有石室皎潔明朗中有石人像
中一石床可坐百餘人○郡國志云馬援造銅船
一旣歸付程安令洗於渚天晴水澄往往望見船
樓上恒似有四寸水不知幾十丈許○顧微廣州
記云鬱林郡東南山上有池池有石牛百姓祈雨
殺生牛以牛血和泥泥石牛背祭畢即大雨洗石

牛背泥盡乃晴又有西甌池在郡西越王遣甌脫
淬劍于此晨夕常有煙氣今西甌驛沿其名○南
史齊武帝乘龍舟遊江中絀越布爲帷結綠絲爲
帆縛以鋤石爲足榜人皆着鬱林布作淡黃袴舞
估客樂按今鬱林葛南方稱爲佳物機誕而縱長
五六丈然質頗重厚似不甚宜暑原貢額不載萬
曆十五年始令貢千疋已又令貢二千疋上部覆
奏定每歲百疋內監教之織爲龍鳳紋以獻
今上登極敕止之○金石畧云後漢鬱林蒼舊碑
字叔高和帝時舉方正碑以初平四年八月立○

唐名勝志卷之四

廿三

唐鬱林觀東巖壁上崔逸八分書併撰文開元七
年正月立

博白縣在州西南七十里

本漢合浦縣地唐武德四年析置南州并置博白
縣六年改南州曰白州仍以縣隸焉宋開寶五年
廢白州以博昌縣隸廉州七年復置白州紹興六
年廢州爲博白縣隸鬱林至今因之○衛公山在
縣東十里有靈應侯壇相傳即李藥師也其側爲
洞房山高廣玲瓏綴乳丹碧麗若雕房宋劉子羽
謫居時置有尋山堂今廢○雙角山在縣西十五

里雙峯角立綠珠江發源于此又十五里爲綠羅
山其下有綠珠村○將軍洞在縣南三十里洞九
三重石室虛明中有石田石龍石廩有溫涼泉分
爲二派而流石壁上刻南州太守領將軍龐孝泰
十字○伏割山在縣西四十里鸚鵡孔雀諸禽多
出其中下爲伏割村○金魚山在縣西南五十里
舊傳曾產一角羊于此山下有石井深十餘丈多
金魚○又十里爲安石山北岸臨江中有二石流
泉潰激崖宇虛曠峙于其巔寔宇記以爲南越王
宴坐處○飲馬江在縣南一里漢馬伏波南征飲

唐名勝志卷之四

廿四

馬于此○綠珠江在縣南七里嶺表錄異云白州
界有一派水出自雙角山合容州江是謂綠珠江
昔梁氏之女有容貌石季倫爲交趾採訪使以真
珠三斛買之梁氏之居舊井存焉飲者必誕美女
宋徐靈緣珠渡詩早出綠羅村晚過綠珠渡日落
白州城草芳梁女墓江水流古今滔滔不相顧今
人不見古時人依舊青山路如故○南漢時博白
有遠村號綠舍者皆高山大樹人跡少至斗米僅
值一二錢以深窅險峻不得出也村民嘗自謂其
山多鳳大如鵝五色有冠而尾甚長率居大樹之

鷲晴明則雙飛而出所過諸鳥斂翼俯首伏不敢鳴者久之又宋景德間白州有三鳳自南來飛入城中群鳥隨之至萬壽寺前棲於百尺木龍樹上身長九尺高五尺備五彩冠似金杯此二則見西事耳○唐龐孝恭少以忠義自許龍朔中由武功歷左驍衛將軍遼東道行軍總管戰歿于陣○李時亮字端夫宋嘉祐中進士累官散騎常侍兼御史大夫亮善屬文尤長于詩與同官陶弼相廢和有詩曰李陶集已上俱博白人○蔡條叢記云博州城西有新村吾家杖其間至一舍旁見兩老人

廣西名勝志卷之四

廿五

可入畫圖也

北流縣

在州東四十五里

本漢合浦縣地晉析置勾漏縣唐武德初改置北流屬合浦郡舊唐志云州所治也隋大業初以陸川縣地入焉唐武德四年析置豪石宕昌南流陵城新安五縣貞觀十一年省新安後又併豪石宕昌俱省元和郡縣志云北流縣在州郭開元中移於今理○縣學唐貞觀三年建在登龍橋西元大

德二年遷于寶圭驛至正間始遷今所○金龜山在縣東二里口吻足皆具遠近視之無不駭為直者與會靈臺隔江相對亦高山也上有瀑布巖洞○梧臺山在縣南天門山在縣西與穿鎮公界諸巖為縣西南之鎮○勾漏山在縣東北十五里平川中石峰千百矗立特起其巖穴多勾曲穿漏故名山有靈寶觀觀東有龍潭洞冷襲毛骨觀後二小洞南向者曰太陽北向者曰太陰由觀後西北行即勾漏洞洞前俯瞰有橫塘石室室東為寶圭洞秉燭而入丹竈床几盤甕礪臼皆石乳自然

廣西名勝志卷之四

廿六

疑結而成約半里許水涯循梯直下擎竹筏而行歷甕門三四重間閣委曲窮水際益廣益奇矯首見一點煙如長虹山天表蓋石罅之容光也捨筏躡梯板躍而上其中一室曰蟠桃深三四百步仰視高處杳不見頂其西小室明朗連榻周遍可踞可卧是為道書第二十二洞天按北流志云晉葛洪為勾漏令嘗於寶圭洞脩煉成仙離州志云洪勾容人聞交趾出丹砂遂遊離訪羅山寺脩煉丹成復遊勾漏歷羅浮以去廣州志云洪將之勾漏至廣州刺史鄧嶽留之不聽去止於羅浮煉丹忽

與嶽疏云常遠行尋御嶽急往別及至洪已兀然
前逝極于瞻與王定國書云葛稚川求爲勾漏令
而竟化於廉州其說不一如此晉中興書云洪亡
時舉屍入棺輕如空衣登其屍解於羅浮而後遊
於勾漏耶西事詳云勾漏洞四面石山圍繞
其中忽開平野數里洞在地上不煩登陟外微敞
豁中有暗溪穿貫而入與北流水合結小桴坐其
上命篙師撐之詰曲而行水無底兩岸石如虎豹
獠獍森然欲搏行約里許仰見一大星爛然細視
乃石孔透天光也洞對高崖上夏時望見荷葉田

廣西名勝志

卷之四

廿七

續

田然峻絕不可到土人云或見荷花則歲大稔口
寶圭洞即勾漏正洞石室中有玉宸道君及葛真
人石像五季時迎自南海者遊人躡梯攀蘿曲磴
飛棧如瑤階玉埒小石細碎羅列如杯如竿又如
楊梅荔枝充滿梁壘莫可名狀轉及僅容跬步直
穿太陰洞後出山腹乃寶圭之東洞中室曰蟠桃
廣三四百步仰視高處不見其頂西小室洞朗外
腦自然石榻平鋪壘壘可眠可踞與東洞對正如
兩板○白砂洞縱廣一項高數十仞石骨玉英散
彩流光下有澗井數處皆舊時採砂之坎凡砂生

於此其色獨白故名洞西有龍真觀石碣記云隋
漢時中官陳君所經營左右二石室深四五尋石
房相對隆冬亦溫其上重如層樓樓閣與溪澗
映帶有石窟高深皆丈餘竊真觀傍有玉虛洞洞
中物象瑩潔如玉雲從洞出則南風從洞出則霽
玉虛洞之下有巫山寨崖閣二項絕壁千仞十有
二峯四顧一闌間以尖峰懸崖噴噴峭削觀之西
巫山寨之北有玉田洞洞闊三門其盤石皆翠碧
色平夷通明可以假仰其奇乳悉具物象緣石棧
行百步傾身而入乃至石田數丘石花如玉田中

廣西名勝志

卷之四

廿八

續

積水無間冬夏不涸不涸出洞而南半里至玉田
寨高十餘仞其深莫測比流爲二池中有小島水
潛通江時有大魚逆流而入去輒直卷五里有普
照巖山如覆釜洞穴常其胸入洞仰視不可階升
而其中仙壇寶塔低昂交錯幢幡羽衣獵獵飛動
巖西有獨秀巖巖峙平野之中石室廣六丈高倍
之虛曠平夷可容數千人石乳樹壁上儼如西方
佛像○綠藍水出綠藍山其流有二一經廉州入
海一經容縣至番禺入海有橋曰洛桑跨綠藍江
去縣東二十里○銅鼓潭在縣北二十里昔有銅

鼓浮水而出擊之聲駭村落至慕復沈水中 本
朝景泰三年其鼓復出舟人獲送本縣譙樓至今
存○馬門灘在縣西南四十里漢馬援南征以江
流迅急鑿去其石餘二巨石雙立爲門其中流水
如奔馬故名○北戍灘在馬門灘下唐高駢爲安
南都護平蠻北歸患其湍險屬防遏使楊陵疏濬
之○鬼門關在縣西十里兩山相對間濶三十步
馬援討林邑蠻路由於此立碑石龜尚存往來交
趾皆由此關其南无多瘡癘去者以得生還諺曰
鬼門關十人去九不還我 洪武初敕改爲桂門
廣西名勝志卷之四 廿九

陸川縣 在州西南七十里

本漢合浦郡地隋置陸川縣大業初廢入北流縣
唐武德四年復置宋會要云開寶七年廢順州省
龍臺溫水龍化南河四縣入焉九年移治公平淳

化五年後徙治溫水元屬容州 國初洪武四年
改今屬○後陽山爲縣所据群峰疊嶂起伏不齊
○東山去縣八里高三十丈中有泉水南入紗洞
其下爲金沙溪○文龍山在縣東北十五里山下
有水流遶縣前○雙龍山在縣西南二十里山高
百仞雙瀑流注即古龍蒙縣治也○鳴石山窰宇
記云董奉旣死人見於鳴石山山海經云長石之
山洪水出焉山多爲石即此○石袍山方輿記云
山多竹木葱翠如袍山有肉翅虎下山食人食訖
即飛還絕巖○白羊山山色潔白四面懸絕上有
飛泉下有勾芒木可爲布○交黎山在縣南產黃
白藤及多鵬雉蚺鹿有水濬洞凡九十九渡○六
穿石在縣北壁立如碑高丈餘上穿六孔○蕭韶
山九域志云管間音樂於此○崑崙水在縣東水
中有石似崑崙下流經廉州入海○平南水在縣
南二十五里合龍化江流入伏波灘

興業縣 在州北六十里

舊唐志云石南縣州所治也梁置定州陳天嘉中
置石南郡於此隋開皇十年改郡爲石南縣唐麟
德二年析石南置興業其後因之○萬石山在縣

西四里峯巒錯落如累石然其下有石并流澗詰曲土人修禊於此○東斗北斗二山俱在城外十里東斗之外又有東山山上有泉從石崖下百餘仞望之如翔鸞舞鶴舊建有飛泉亭今廢○綠陰山在縣南十里有木如榕大蔽數十畝一名甌山鳴水江遶其下○翻雪嶺在縣北二十里龍舟江之源也險峻難行草轍易倒故名○鐵城山在縣南十五里周圍巖崖皆鐵色其中平衍容數百家外縋石壁險固如城上多石竇泉流不竭山有四門惟東首可通人行南門有土基相傳爲古敵樓

廣西名勝志卷之四 卅一

西北二門多石艱阻圖經云石南郡縣舊設於此宋至道二年移治南流山北一里有古州巖廣數丈巖中有潭四時不涸又東入一竇有石懸下如鐘扣之鏗然石壁間有元和十四年來遊等字○白馬巖在縣西十餘里遠望如馬其中深廣可容數千人又有三四小洞幽深莫測上透天光○牛龍巖在縣南二十里中可容千牛每冬寒則居民驅牛入巖以避又有龍墊於此○元至正間興業大李村有姓李者素好脩煉一日與妻自外家酣飲回至途中忽謂妻曰我體癢甚須過前溪一浴

於待之少頃風雨驟至妻趨前視之則遍體鱗出矣囑妻曰我歲一來歸當以米糕祀我語畢歛然變爲龍騰空去後果歲一還其里里人禱之雨澤沾足禾稼豐稔人呼其宅曰李龍宅

廣西名勝志卷之四 終

卅二

廣西名勝志卷之五

關中曹學佺能始撰

柳州府

在舊城內

領州一縣十

以地當柳南也唐貞觀八年改自南昆州者本漢鬱林郡之潭中縣地孫吳析置焉平縣梁大同三年八龍見於江乃即江南置龍州及龍城縣故唐天寶元年改爲龍城郡矣至乾元始復柳州○唐元和間刺史柳宗元登柳州城樓寄漳汀封連四州詩城上高樓接大荒海天愁思正茫茫驚風亂颭芙蓉水密雨斜侵薜荔牆嶺樹重遮千里目江流曲似九迴腸共來百越文身地猶自音書滯一方魏謩西事珥云祥河水既與龍融二江合過柳州宛轉環遶如壺城益水北來還轉向北東處如壺之領城則居其腹也柳山廻互交錯而水從之所謂江流曲似九迴腸者以此○柳江在城南一名潯水源出懷遠流經象州歷潯梧至廣東入海柳子厚詩柳州柳刺史種柳柳江邊談笑爲政事推移成昔年○東亭在江南岸柳宗元記畧云出州南譙門左行二十六步有棄地在道南南值江西際垂楊傳置東曰東館其內草木猥與至是始

命校尉劉疏樹以竹箭松檉桂檜柏杉易爲亭宇
湖衆山橫環嶺關漫漫常邑居之闕而忘乎人則
斯亦奇矣○相子堂在城西柳宗元種柑於此其
詩曰手植黃柑二百株春來新葉遍城隅方同楚
客憐皇樹不學前州利木奴幾歲開花間噴雪何
人摘實見垂珠若教坐待成林日滋榮還堪養老
夫○集古錄云柳州文宣王新廟碑唐元和十八
年八月立刺史柳宗元撰文○羅池廟碑昌黎韓
愈撰文其畧云羅池廟者故刺史柳侯廟也柳侯

廣西名勝志卷之五

二

爲州三年柳民旣皆喜悅嘗與部將魏忠謝寧歐
陽翼飲酒于驛亭謂曰明年吾將死而爲神後三
年爲廟祀我及期而死三年孟秋侯降於州之後
堂歐陽翼等見而拜之其父夢而告曰謁我於羅
池廟成過客李儀醉酒慢侮堂上得疾扶出廟門
而死明年春魏忠歐陽翼使謝寧來京師請書其
事於石○孔溫裕宣宗時爲補闕以諫討党項差
謫柳州司馬○劉蕡字大華嘗對策文宗極言宦
官之禍因得罪貶柳州司戶參軍卒於柳李商隱
有詩哭之蕡墓在城西五里 國朝桑悅字民澤

以調柳州倅不欲往或問之曰宗元小兒久擅此
荆名往一旦掩倂其上不妄爾悅弘治間吳人

馬平縣

釋詳郡下向爲柳州治所宋咸淳初曾徙治于柳
城之龍元 我朝復還馬平 唐戴叔倫過柳州
詩地盡江南戍山分桂北林火雲三月合石路九
疑深暗谷隨風過危橋共鳥尋羈魂已愁絕不復
待猿吟○柳河東渠有柳州山水近治可遊者記
云古之州治潯水南山石間今徙在水北直平四
十里南北東西皆水涯北有雙山夾道嶄然曰背

廣西名勝志

卷之五

石山有支川東流入于潯水潯水因是北而東盡
大壁下其壁曰龍壁其下秀石可硯南絕水有山
無麓廣有尋高五又下上若一曰甌山山之南皆
大山多奇又南且西曰駕鶴山狀聳環立古州治
習焉有泉在坎下常盈而不流南有山方正而崇
類屏者曰屏山其西曰四姥山皆獨立不倚北流
潯水潯下又西曰仙奕之山山之西可上其上有
穴穴有屏有室有宇其宇下有流石或形如肺肝
如蜂房或掛于下如人如禽如器物其衆東西九
十尺南北少半東登入小穴常有四尺則廓然甚

大竅中黑燭之高僅見其宇皆流石怪狀山屏南
室中入小穴倍常而上始黑已而大明爲上室由
上室而上有穴比出之乃臨大野飛鳥皆視其背
其始登者得石枰於上黑肌而赤脈十有八道可
奕故以名其山多標多櫨多簣之竹多罽爲雀
其南有石魚之山全石無大草木山小而高其形
如立魚有穴類仙奕人其穴東出其西北靈泉在
東趾下有麓環之泉大類轂雷鳴西奔二十尺有
洄在石澗因伏無所見多綠青之魚及石鱗多儵
雷山兩崖東西雷水出焉蓄崖中曰雷塘能出雲

廣西名勝志

卷之五

氣作雷雨變見有光禱用俎魚豆蔬脩形糝糒虔
則應在立魚南其間多美山無名而深峨山在野
中無麓峨水出焉東流入于潯水○按峨山距城
西三里一名深峨山有雙瀑布飛流如鵝亦名鵝
山宋陶弼詩鵝山夏曉雲漫郭龍碑春深水遠村
○立魚山在江南岸里許以形似名山半巖洞玲
瓏前一巨洞左右二門通後二洞高廣明潔如堂
房可供遊宴山凡有潭名小龍潭中多魚與大江
通江水消漲此潭隨之又里許爲屏山以其方正
類屏爲甌山以其突圓類甌又二里爲雷山兩岸

東西大山相向南有飛來廟最靈廟下深潭名大龍潭柳子厚有雷塘祈雨文○仙奕山在城西南詳柳記中又次爲駕鶴山旁臨大江聳掛如鶴古州治之所辰也又次爲新洞山與鵝山相對有洞可坐百人石乳融結以杖觸之作鐘磬聲○背石山在城北十里其東山曰桃竹西曰雀岡俗名夾道雙山○龍壁山在城東十五里石壁峭壁下臨大江郡城之下關也有洞曰關洞距城八里○柳江卽城南江經江口鎮合相思壠永福雒容之水下潯州與鬱水合是曰黔江○白蓮池在北關外

廣西名勝志

卷之五

池有九竅泉出其中又城北隅有井柳子厚爲之銘沈傳師書見金石錄○陸道仙泉在城東南十里仙巖之麓相傳有陸道人者脩煉于此巖洞玲瓏泉流不竭有古詩刻甚多○仙人跡在城東北十五里有石平地突出周半里許上有巨人跡二相傳鍾呂二仙所留按志城南亦有仙跡山其麓有大雲寺唐初建後燬于火仍脩復之柳子厚有後寺記見集中○西事珥云 國初洪武間馬平王簿孔性善言溪峒蠻雖常亂擾亦有良心昔陳景又爲令猥獯皆應差役厥後撫字垂方始仍反

側誠使守令得人示以恩信諭以禍福亦當革心向化 上嘉納其言命吏部凡臨溪峒郡縣擇賢守令以撫輯之此事柳志不載今簿皆逸其名

雒容縣 在府城南六十里

唐貞觀初析潯中縣置宋南渡後遷于洛清鄉國朝萬曆四年以縣屢被山賊焚劫因徙上羅鄉之嘉祿村爲今所 按維清江在縣南半里自桂江分流經縣界至邵城三江口入于柳江縣以此名○舊縣西十里有龍鼻江發源托定維斗鄉流入維清江○會仙巖在縣南曰象巖有石鐘鼓擊之鏗然○思微山去舊縣里許上有泉穴四時不涸屏石山在舊縣西北十里下有泉岷水出其中○如來山在縣南十五里高聳峭拔相傳有神女降於此

廣西名勝志

卷之五

羅城縣 在府西北百九十里

本桂林之玖州洞地宋開寶中置屬融州熙寧中省入融水縣我 朝洪武初復置屬融州十年州廢改今屬○東黃山在縣東有巖曰淵秀○鳳凰山在縣北二里又八里爲覆鐘山俱以形似而名○永山在縣西北四十里其上高寒四時常水又

四十里焉蔡山以形似之或謂其產多蔡故名○石硯山在縣西九十里聖水發源於此○武陽江在縣北界有二源一自高懸里出一自平西里出皆至武陽寨合流入沙拱江

柳城縣在府北七十里

亦漢潭中縣地梁置龍城縣宋景德年改柳城○按張維廣西郡邑志曰梁大同三年八龍見於江乃即江南置龍州及龍城縣隋開皇初徙治江北州尋廢至元移龍江東 我朝因之○青鳳山在縣西二里高百餘仞上有一竅通明亦名穿山○

廣西名勝志

卷之五

七

鳥疊山在城東南二里高聳臨江下有深潭澄湛徹底以其山石純虛故名○勒馬山在縣北三里舊縣治處○銅磬山一名雲蓋山在縣西十里高大峻聳雲霧常覆其上○筆架山在縣東十里尖銳而秀故名○觀音巖在縣西北回環相通西有臨西閣北有丹霄亭南有石田石盆地巖東有會仙巖巖中有仙人跡丹爐○龍江在縣西源出慶遠與融水合流來會柳江○湧珠泉在城西七十里自地湧出市中相傳諸葛亮孔明南征過此馬跑其地其泉湧出故又名馬跑泉

懷遠縣在府北一百一十里

本詳河夜郎之境宋至和中置王日寨至四年因王江古州蠻納土賜懷遠軍尋改為平州仍置附郭懷遠縣 我朝洪武十年州縣俱廢以縣置三江鎮巡簡司十四年復置縣○按平山在縣北五里宋建平州以此一名屏山其下為治平洲廣數百畝可以耕種○今縣在丹陽洲即古丹陽鎮也蒼帽山在其北珠玉山在其南天馬山在其東掛榜山在其西又北為大柱山再遠為唐朝山與湖廣通道縣界○九曲山在下石門其山巔處高

廣西名勝志

卷之五

八

萬仞怪石巖巖中有一泓碧練千尺○石門山有四江左右兩山夾峙崖石峭壁若門古州江出黎平古州合容江及靖州諸水至縣○板江在縣北界源自扶勞山出牛頭上蹇經邊田入大江○焦花江在縣北二十里源自焦花村至江口入大江又十五里為田寨江源出吼江北原經田寨播管丹竹入大江又三十里為西波江源自白雉山入其邊江會合水江○四里江自大理馬平經白花古利龍塘入潯江○斗江水自江源大地入潯江○大融江古州清水江之水出焉即舊縣西北大

江也

融縣

在融州西
自融州西

隋置融州唐天寶初改融水郡其城仰天寶時築
東臨融水至乾元後爲融州俱以融水附郭 國
朝改州爲縣省融水入焉唐柳宗元詩荒山秋日
午獨上蒼巖愆愆如何望鄉夕西北是融州 獨秀
山在縣西一里巖然秀發上干雲霄又里許爲旗
山勢稍衍迤香山廟按其麓舊有香山驛宋元間
遷學宮處 老人巖在縣西南四里舊傳有老人
拄杖悠然其上故名巖巖隆起度高千仞山腰削
廣西名勝志卷之五

九

壁忽開巖竇明軒豁登自山後石徑縈紆而上
屢憩乃至臨巖一眺俯視萬家雲際諸山如在几
榻 玉華巖在城西北四里巖間有一石蹲踞如
尻昂首而上驤又一石蜿蜒垂首而下盼俗號龍
吟虎嘯者以此 劉公巖在城南四里舊名西峯
宋紹定間郡守劉繼祖命報恩寺僧知性開之硤
碍剔截豁然虛明因以劉公名 德嚴即彈子巖
也在城西五里玲瓏峒闊四五丈高如之內產
石子如彈因名 真仙巖在縣南六里仰視高遠
青白錯雜靈壽溪出焉冷冷清響作環珮聲中有

白石如天尊像舊名靈巖山又名老君洞宋感寧
中改爲真仙巖頒太宗御書百二十軸藏於內張
孝祥磨崖大書天下第一真仙之巖八字又有宋
元祐黨籍碑巖背里許平地中有二潭相連大者
數十畝小者一二畝水色糾碧中多靈產名安靈
潭 雲際山在縣北十里甚高峻上有翠玉寒碧
二泉山頂出雲多雨雲淨則晴近西爲石門山背
江兩山夾峙崖石峻削如門狀土人謂之上石門
在縣上者謂之下石門 銅鼓山在縣西南二十
里舊傳諸葛武侯散埋銅鼓以服蠻獠後有得于
廣西名勝志卷之五

十

是山者山下爲銅鼓灘 鉢盂洞在縣東北二十
里四面青山護列洞中平地如砥石上有硃書鉢
盂洞三字 鐵船山在縣西三十里遙望形如一
船尾插絕頂巖間又有仙女泉以七月七夕常有
仙女浴于泉側 聖山在縣北四十里長安鎮高
七八里上有廟祀虞舜因名近東爲盤嶺上下
二十餘里嶺道縈紆 寶積山在縣東五十里產
鐵及廬山石近北爲天堂嶺上有一泉長流不竭
登板飲者以爲天堂也 潭江合縣保江浪溪諸
水與龍江并入于柳 保江出縣北界村至魚樓

浪溪江出縣大段村至長安靈壽溪在縣西南出
六村背江在縣北流經羅城俱入于柳○單光簡
融州人宋開寶六年進士爲監察御史彈劾不避
權皇京師呼爲真御史○張守約濮州人歐陽修
薦其有廷事權知融州峒將吳儂恃險爲邊患悉
捕誅之後脩復薦可任以將軍因詰閣條利害多
所見納

來賓縣在府南七十里

唐志嚴州下注云乾封二年招攷生獠以秦故桂
林郡之嚴州置來賓循德歸化三縣宋朝會要云
唐書名勝志卷之五 土

開寶七年以來賓縣隸象州按至我 朝始改今
屬○白雲洞在縣北二十里洞至深遂常有白雲
籠罩其上○石牙山在縣南三十里平地有石峭
拔如象牙又三十里爲金峯山方輿勝覽云山有
寺大石當其巖前寺僧禱于雷神欲去此石忽風
雨晦冥頃之開霽則石已移在山中宋有佛日禪
師金華開山第一祖也○思王山在縣北四十里
舊經云昔人有得玉于此山者再來求之不得因
以名○居松山在縣南四十里山有石門有自然
石盆夏生蓮花嘗有魚戲盆中又十里爲穿山其

山有穴南北相通相傳馬伏波時獲白鹿於此○
瑞象山在縣西瑞光臺記云郡之西山瑩秀葱翠
四時寒暑陰晴變態不一當其天宇澄霽倏爾
潏紅日朝暾遊雲間出悉爲白象之形宛若生成
奔逐飄逸於西山之上○雙泉巖在縣西北嘗有
士人讀書巖中而患無水忽一日雙泉湧出潤丈
餘夏涼冬溫○武禪山在縣境昔時有武志士者
脩煉于此每出赴人齋供則架青布幕爲橋去五
七里遠至市廛宋皇祐初白日上昇○大江在縣
南發源遷江縣都泥江流合柳江梓柯水自梓柯
廣西名勝志卷之五 土

象州在府東南一百三十里 領縣一

漢武帝平南越以桂林地置鬱林郡而秦之象郡
更名曰南今象州即鬱林郡之中潯潭中二縣地
也陳置象郡隋廢郡置象州至今仍之○象山在
州治西山多出雲其上有巖白石如象象州之名
本此○鳳凰山在州東二里與東岡山相連○燕

子巖在城北巖中空洞可容千人群燕巢棲于此其下有碧潭亦名龍潭山○白面山在州南七里石壁橫截大江如白面然又三里爲鷺鷥巖一名鷺鷥峽其上有石約四尺許扣之如鐘鼓聲呂景蒙名之曰石樂○居鹿山在州東北四十里上有鹿池舊經云天欲雨輒先有雲如鹿起于池中○獨傲山在州南五十里舊名天益山宋乾德間邑婦獨孤氏與夫妹傲氏採葛山中飲泉見有雙鯉戲水傲氏取之身陷其中獨孤氏往救亦陷俄無形影月餘在室中呼其父母曰吾二人乃仙女因

廣西名勝志

卷之五

十一

有過謫於人間今當還故來辭耳衆咸異之呼爲獨傲仙女亦以名其山○濮泉在州東四十里松檜森羅水石交映州人遊賞之地其上爲石牛山山多怪石常有雲霧蒙罩天色晴霽儼然牛像頭角俱全○又二十里曰雷山莫休符風土記云天欲雷雨則此山先有雲霧又四十里爲聖塘山高峻懸絕昔有藤根垂地人或攀藤而上有一池水清冷可愛魚鼈遊泳桃李樹環遶之且多猿猴及藤爲風雨折去人跡遂絕○象江即柳江也經州城西而州東七里有七里江出天堂嶺入于象江

○樂陽鄭璠自象江得怪石六其三登而上銳又一如世間道士存思圖人肺胃肝腎次第懸絡又一空而隱外若癭瘻決痼病不好物者又一色紺水而理平漫彈之有好聲璠爲象江守三年後還長安無家寄止人舍下計輦六石費俸錢六十萬璠嗜好有意極類前輩人李義山記之○象州清規院池中有龍居焉寺鐘常夜飛入水與龍鬪勝而歸則聲振林木偶一夕不回僧往視之見龍蟠踞鐘上寺隨廢水落清徹猶見其影○王世則永

廣西名勝志

卷之五

十四

言儲貳事忤旨出知象州有惠政及民祀名宦○象州石橋宋紹興間知州陳太和所築以便民之往來公字仲容蒲田人州廨闕有率齋學士孫觀記○國朝象州人呂景蒙弘治間監祭御史以直言謫潁州判後稍起廷評不赴著柳州府志十六卷藏用集三十卷又有定性發蒙象郡學的二書

武宣縣

在州東南九十里

本隋始安郡之桂林縣地唐武德四年析桂林建陵縣南置武仙縣乾封省桂林縣入焉宋元如之國朝改名武宣○仙人山在縣西十里嶺表記云

古仙人隱此柳宗元詩云寒江夜雨蓬游海曉雲
遮盡仙人山○仙巖山在縣南四十里巖高一丈
深十倍之可容數百人壁上有仙人影中有泉滴
成乳○石羊山在縣西六十里峭壁上有石如羊
俯臨大江江中石影頭角尾蹄俱全又石上有大
字六行隱約如草書無路可行莫能辨其真相傳
以爲古仙題○銅鼓灘距縣十里昔馬援南征
得銅鼓于此廣化記曰獠人鑄銅爲鼓以高大爲
貴而濶至丈餘者初成縣於庭冠辰置酒招同類
來觀○永通峽一名斷藤峽在縣南三十里接潯
廣西名勝志卷之五

賓州

在府南百三十里

領縣二

唐貞觀五年置以賓江而名本漢鬱林郡之領方
縣也唐至德二年改爲領方郡乾元元年復爲賓
州○領方山在城東一里有郡縣名皆因之今設

學宮處有元淳祐中進士題名碑○仙影山在州
城外相傳有二仙女遊此因留影巖石間舊設解
鞍驛在焉宋陶弼詩月墜星冠七大夫遠看還有
近還無瑤池侍女雙成道遣下神仙聚飲圖○州
南門外圓珠嶺在大江之濱如珠圓抱故名又里
許爲銅鼓嶺嶺上行人逢逢有聲如銅鼓也又三
里爲頂山舊傳漢陸賈使越時所經又三里曰武
涿山又五里曰南山○葛仙嶺在州西十五里有
洞深邃可容數百人宋乾道間知州葛翁葺亭其
上右在馬嶺之傍○與馬鞍山相連者曰村巖也
廣西名勝志卷之五

舊傳巖中暗通武緣縣以火燭之乃可行○又五
里爲金鷄山舊傳有金鷄飛集其上又二十里爲
古漏山泉如滴漏四時不竭州守王舉開浚得之
甘冽可飲○羅鳳嶺在州北十五里形勢蜿蜒爲
治屏障近東曰銅泉山以出銅泉故名○又三里
爲石壁山與白羊山相對其側有廖平巖清勝奇
絕四圍堅密如城郭宋時廖陸祖者居此○鎮龍
山在州東南燈臺山在州西南各八十里極其危
聳接南寧永貴武緣上林諸界迤邐二百餘里○
賓水在州西南三十里有賓水派合東流出李依

江合于柳。李依江源出鄧鄉過遷江趨于柳。古融州商船俱于是出。武陵江在州東三十里。源出武陵山合浮江水。白鶴泉在州南三十里。源出南山至瑯鄉通靈寨泉俱合李依。賓州故城在今城南十里。宋開寶間知府楊。政遷置。今改廣化鄉。廢領方縣漢置應劭註地里云爲都尉治所按志唐于縣置賓州宋遷至舊城北三十里。今廢。楊居政宋開寶中知賓州始創治解。築城以衛居民前守蒙延永爲賊所害居政撫其二子買田宅以贖之。梁仲保賓州人也充本州廣西名勝志卷之五

十七

團練使時儂智高引衆來攻仲保迎戰勝負相持累日賊衆益集城陷死之後人追傷爲保立祠享祀不絕也。元楊維禎狄武襄吟賓州海月光團團劍花火樹燒爛班將軍如內客未散提書已寇崑崙關當時諫官疑武士豈知賊邊如此於乎銅面將軍今豈無世無永相麗。耳老死益詠其破儂賊事也。宋紹聖中王鞏以薦軾黨謫賓州既歸出侍兒柔奴進坡酒疾謂鞏奴廣南應是不好答曰此心安處便是吾鄉坡因作定風波辭贈之辭曰嘗羨人問。球主。郎天教分付點酥娘自作

清歌傳時齒風起雪飛炎海變清涼萬里歸來年愈少微笑時時猶帶嶺梅香試問廣南應不好却道此心安處便是吾鄉

上林縣在州北七十五里

唐武德四年析領方縣置高州六年常厥開拓化外改南方州貞觀元年改澄州宋開寶五年廢澄州爲上林縣至今因之縣西南一里有勝業寺卽祠殿者。扶風山在縣北五里其山八分蓋若扶欄因建八角仙亭于上又五里爲石光山嚴石晶紫日照之有光。古祿山在縣西七里上有石壇廣西名勝志卷之五

十八

號仙殿宋雍熙中有盧氏年十歲登山采茶遇仙於此又縣南五里古祿水出焉。思隣山在縣西五里昔有何隣者精道術年百餘歲隱居于此後不知所適鄉人思之故名又里許爲羅勾山以山勢盤屈如勾也又三里爲大明山蜿蜒疊聳中有五峯挿漢四時雲霧隱現不常有深潭相傳吐光時照數里又縣東七里嶺上亦有夜光與大明山交映名爭光嶺。鎮鉚山在縣南十里昔人有得鎮鉚寶劍于此故名又十里爲鷄籠山中洞宏闊可容百人。石蓬山在縣東南十里平地特起

中有巖洞容數百人下有小江穿石縫中水清碧多魚○止輦山在縣東四十五里平地突起圓阜其形如輦上有古水一株亭亭如蓋○智城洞在縣東二十里唐初常厥持節來伏生巖後隱于此因爲上林人有常敬辯所撰碑存○又三十里曰羅洪山其中有洞宋帝昺讀書處昺號白雲先生遇異人有所得章子厚招至象臺勸其勿以榮辱爲念因歸集書一樓閉門誦讀無所不通鄉人以書樓目之象臺卽今州驛所○獅山螺山俱平地特起與羅洪山相向有水出焉曰獅螺江○古淶

廣西名勝志卷之五

十九

山在縣西南五十里古樹參天遠望葱蔚其下有古淶水○澄江出大明山下入馬波唐以此縣爲澄州治所其名本之黃龍江里仁江化龍江周江皆在縣北其流注于馬波馬波發源茶江流入潯江有章光水淡竹水樊廟水皆合注之○清趣橋在城南門外又數百武爲萬松橋○琴水橋在無虞鄉單竹橋在感化鄉石蓮橋在古淶里皆名之雅醇者無虞鄉卽廢無虞縣也

遷江縣

在州東北八十五里

唐羈縻之思剛州也宋天禧四年改今縣屬賓州

以遷江水爲名○鐘山在縣北一里其下有巖○寶積山在縣東二里疊石崔嵬不通道路頂平可居○印山在縣西二里上有石盤潑水盤內時出石魚一雙中有八仙洞下有白石牛身全見而二足隱又一里爲煙合山層巒疊嶂林壑深蔚時出煙霞故名○泊艦山在縣北五里其下有巖足容數百人石筍奇甚舟過者皆駐觀之○古黨山在縣西十五里唐書有黨州乃開古黨洞時置又有澄江洞瑤人所居無田而有山畬刀耕火種○潮泉在縣西八十里泉水湧出一日三潮自羅月鎮

廣西名勝志卷之五

二十

入于都泥江○鷓鴣山在縣南二十里郡志又謂之白鶴山其下有洞名白龍江水出焉曰龍江縣西二里有賀水又八里有武節水縣南十里有武繩水皆流注之

廣西名勝志卷之六

閩中曹學佺能始撰

慶遠府在省城西
南六百里 領州一縣四

恭屬象郡漢交趾日南二郡界後沒於蠻唐初招

降置粵州州有河為神龍所居天寶元年因改名

龍水郡乾元元年復為粵州乾符中更曰宜州宋

宣和元年陞慶遠軍節度更龍水曰宜山咸淳初

以寧宗潛邸陞慶遠府至今沿之其城相傳唐刺

史吳懷忠築 國初洪武二十九年因設衛乃拓

開舊址合之得一千三百丈北以江為壕東西南

廣西名勝志卷之六

三面引官陂水為沼延袤二千餘丈又有鐵城在

府城北二里宋寶祐間築黃應德記○廢宜州貢

院在府城南宋時置元廢○南樓在府治前城南

門樓也有黃庭堅所書范滂傳刻石于上後嘉熙

三年樓燬刻併不存石魯直重刻字徑數寸筆勢

飛動為趙忠定公汝愚所得寶宜簪笏每遇名流

輒求題跋云○明遜國記載 建文帝既遜位削

髮披緇執楊應能度牒雲遊四方自湖蜀入湘至

廣西慶遠府寓西竺寺時有指揮彭英者先曾侍

衛或傳有其僧至英往訪之心知其為帝也嗚咽

不自勝憤筆 帝起作偈繞而誦之乃食既登

舟英復多所贈諒 帝解所乘馬酬之復作偈曰

蹴路人間知幾年艱難險阻共周旋我今別爾東

西去何日相逢境率天及解纜馬忽騰躍潛然而

驚多記近事○月山叢談四卷郡人李文鳳撰

宜山縣附郭

唐龍水縣為宜州治宋嘉祐七年省洛曹縣入焉

宣和間改今名以有宜山在縣北二里龍江上江

源自貴州都勻府流至城北而東兩岸石筍孤峭

直下柳城合於融江○北山一名會仙山在城北

廣西名勝志卷之六

一里上有白龍洞洞有石龍鱗甲宛然唐永河東

陸島臣嘗遇軒轅彌明授以仙術且曰子之成功

當在山窮水絕之處島臣乃歷覽至宜寓吳生家

生師事之因與登覽歷遍大小巖穴凡二十所遂

居大巖修煉不復出手植異桃石榴歲久不凋後

苑解仙去又里許為天門山兩峯如削萃律參天

宋馬當世祖墳在焉其子孫所居曰馬村○南山

在城南五里有洞軒敞如屋中有石龍鱗甲皆

具因名龍隱洞前有廣化寺宋真宗嘗賜御書十

六軸藏之閣中州有盧僧者名德洪自幼棲止于

太史公自爲記畧曰初度地有細民宅其旁夢
在人云此非汝所得居亟去之及鳩工祠旁又一
民夢曰汝輩勿汗此坎屋陰地數人有器以錫汝
民如言坎地得一古磬云○通志載宜州吳某妻
鄧氏其夫在戍所鄧以衣寄之而侑以一絕云欲
寄寒衣上帝都連宵裁剪眼模糊可憐寬窄無人
試淚逐西風酒去途題畫菊云良工妙手恁安排
筆底移來紙上裁葉綠花黃長自嬌等閑那與蝶
蜂來

天河縣在府北
九十里

廣西名勝志卷之六

五

輿地廣記云唐紐州同置宋大觀元年隸融州靖
康元年改隸宜州○北陵山在縣西二十里麓有
泉水里人有吳生者師事陸仙翁脩道於此○三
湖水在縣西一十里一日三潮潮退則其流一線
可以溉田因名聖水○湘山寺在縣城北宋時建

河池州在府西二
百十五里 領縣二

本唐羈縻智州之地宋初置河池縣隸宜州省富
力縣入焉大觀元年於此置鹿州以縣爲懷德縣
隸之四年廢鹿州其懷德縣復爲河池縣隸宜州
元因之我 國朝洪武初省三旺州入焉弘治間

陞爲州 吳山在州前其下卽秀江也智州山在
州西四十里綿亘百餘里舊智州治設此○金城
江在州東五十里舊金城州以此爲名太平山在
金城江次巖上鐫大上太平四字○西事珥云河
池州近山地牧童十餘人相聚歌舞或吹笛戲方
劇忽出半一人約長二丈面潤三尺餘披髮爲喙
背有二翼俯觀群童爲樂嬉然而笑垂舌長過腰
群童顧見大驚皆走其一人能夷語呼曰合合勿
去仍歌舞吹笛以樂群童復聚吹笛歌舞如故其
人喜樹手大笑聲震林樾已而垂舌久之始去

廣西名勝志卷之六

六

思恩縣在州西一
百五十里

廣記云唐貞觀十二年開生蠻與環州同置因屬
焉後州沒於蠻宋熙寧八年以環州思恩隸宜州
我弘治間改今屬○寒山在縣南五里土人謂之
寒坂以山高多風炎方之人甚宜之○緝山在縣
北二十里土人謂之暗嶺以其山嶂崇疊日光少
見故名○石巖洞在縣東二十里三峯之下天成
巖穴寬約五六丈有泉自穴中湧出○環江在縣
南六里唐環州治也帶溪在縣北四十里源出荔
波至此旋流如帶入龍江宋之帶溪寨設焉又十

里爲婆婆泉其泉常隱不見遠行者渴而求飲則湧出定名婆婆泉

荔波縣

在州西北百八十里

宋置荔波州以羈縻蠻人元因之屬南丹安撫司國朝洪武初廢入思恩縣十七年復析置荔波縣隸府正統十二年改隸南丹尋復今屬○方林山在縣北五里○水巖山在縣西十里其下有水從巖中出○勞村江在縣東南一百二十里○志云思恩荔波二縣西北界上與貴州爛土黎平諸夷相接不通王化有美杉生山下山類覆壓不知幾廣西名勝志卷之六

七

十百年矣夷云是諸葛丞相伐而埋之雖未盡然亦兩漢先秦時物也夷人每候其地有紫氣上騰則群聚穿土輒得之紫色堅類牛角投於水即沈解爲棺出市之

思恩府

在者城西南八百里

領縣一

漢屬交趾唐爲思恩州屬邕乃澄州止戈縣地宋開寶間廢澄州以止戈賀永無虞三縣省入上林治平間以上林之止戈入武緣隸邕元屬田州路歷代羈縻而已我朝洪武初土官岑永昌歸附授思恩知州仍屬田州永樂初改屬布政司時居民僅八百戶永昌死子瑛襲瑛有謀畧善治兵左當上官意前後鎮守大帥皆優異之洪熙間從鎮遠侯顧興祖奏以武緣白山峒七百戶分屬思恩宣德間復從都督山以上林添溪峒八百餘戶益之正統間瑛以功陞田州知府仍管思恩州事瑛欲善管田州府與知府岑紹交惡安遠侯柳溥議陞思恩爲府又益以宜山八仙諸峒六百六十戶從之尋改爲軍民府瑛以府治遐遼議改于橋利又請置學校立師儒增廣生徒比諸內郡焉時兩廣用兵多所調發總兵董興檄瑛討賊帥黃蕭養瑛之瑛守柳慶又敗峒賊常公點于賓州瑛上首功四百五十餘累陞廣西叅政改都指揮同知擢驍騎將軍都指揮使瑛死子鎮襲逆自繼以鎮弟鏐襲鏐死子濟襲濟以兵力雄長弘治間

屋寇思城果化上林都陽等衆攻陷田州逐知府
岑猛俘其妻子婦女百二十九人都御史潘蕃疏
其罪狀集兵進討潘敗死遷甘家因議改銓流官
以雲南知府張鳳爲廣西右叅政掌思恩府事正
德七年增設鳳化縣治以流官諸夷猶未甚馴伏
單思劉召相繼爲變都御史盛應期遣官軍平之
未幾而土目王受與田州日盧繼合謀煽亂勢益
猖獗新建伯王守仁受命至乃一意招撫而極受
等破八寨賊爲張其功因列思恩地爲九土巡簡
司官以頭目授王受白山司巡簡得比於世官矣
廣西名勝志卷八
又以思恩舊治瘴霧昏寒宜夏之爽塏于是擇地
荒田以建新郡割武緣止戈二里益之又議割上
林三里而移鳳化縣治于其處蓋寓犬牙相錯之
意嗣之者爲林公富所議遷郡割止戈里俱如公
指惟以三里當設衛而弁鳳化縣裁之遂令府治
益孤嘉靖十三年鎮安岑金寶詐岑濬子謀弁思
恩守備高乾督九司征之誅金寶十六年鎮安又
糾衆謀亂叅將沈希儀誘至柳州殺之其後九司
日恣所轄夷民不堪知府陳璘曲加殺戮目把劉
現盧回以復土爲名鼓衆煽亂僞使翁萬達因有

事安計擒盧回殺之招同土人亂者二十餘
人最後東蘭岑瑄詐稱岑濬子起雲謀復土官卒
爲九司頭目所縛萬曆七年督府吳文華謂九司
日以騎點編民甚少緩急難恃奏割南寧武緣縣
屬思恩自是思恩稱巨鎮矣○右江大志曰舊治
四面絕壁首據磅礴觸處皆芒利矜研之石如在
矛戟中瘴霧昏寒薄午始開今治四野夷曠軒輅
秀麗後山起伏蜿蜒敷爲平原兩溪繞山合流而
大巨浸江水既通商貨輻輳比於內地云○同知
吳赴登郡籌邊樓詩高壓郡西城籌邊不浪名江
廣西名勝志卷八
山三面敵鷄犬幾家聲曉鐘聲中靜危橋竹外明
公餘一登眺觸處盡奇情又過官塘四野陰靈一
夜清風花煙柳絮紛紛塘渺渺舍庚無雷猶家
家帶雨耕題普濟橋路漫平田水遠堤草重晴戲
野禽啼石橋斜日林塘晚絕似肩輿過竹溪○府
志云獨秀山在舊城東半里一峯獨立不與群山
相連八景中獨秀晴嵐仰此○仙女山在舊州城
內前有大澤水光如鏡俗名仙女照鏡潭○白雲
棲霞滴玉通天諸巖俱在舊州左右舊州距今治
以五六里○閩山人傳汝舟者同太守周璞遊郡

內諸山川其題城比十里暗宮詩云亂山盤一逕
裂水伏無門谷助聲聲響煙籠馬邑昏息陰遙問
樹具食隅逢村今日來遊意祇堪許靖論又題五
峰詩平野獵歸風色暮五峯迴處石門高穿巖村
老多燃炬供酒狼家盡帶刀雲氣乍孤山下雨松
聲遙捲峽中詩不堪仙竈埋幽草極目丹崖思獨
勞志謂五峰在舊府學前內有仙巖石室○知府
周璞同傳山人遊獅子巖數載塵埃笑白頭乘風
今喜到巖在勢迴西北瞻宸極形峙東南鎮粵州
半榻幸同遺世士一官深愧富民侯雲蘿石壁平

廣西名勝志卷之六

生興即欲投簪向急流右巖在郡東南中空石懸
如乳人物花鳥多所奇狀○清水江在郡城北有
通津二水出城中合橋利以及馱蒙江皆流注之
亦洪水涵之下流也○人影山在洪水江之右有
人影在山半石壁上作招搖態

武緣縣

在府南
五十里

本漢領方縣地梁屬嶺山郡隋置縣尋省入嶺山
唐武德間復置宋景祐間益以廢樂昌縣地屬邕
州明興因之至萬曆七年始改今屬○起鳳山
在縣東十里平地特起兩峰許翦如鳳上有飛來

寺○伊嶺山在縣南三十里上有懸巖宋嘉定間
周師變結菴脩煉于此有古刻詩像銘○西江
在縣西門外源出大明山劍江至白范村合仙湖
江抵縣城西相傳水中有石鼓擊之必致風雨○
南流江在縣南二里源出大明山之淶黎江合下
沙傳瀝二水經陸嘯下黃下洞諸村會西江流出
南寧入大江○江南岸有靈水江平底皆石泉源
湧沸夏月水漲流濁此獨清澈日光薄射五色晶
瑩昔有犀出山傍頂發光采故以靈名

廣西名勝志卷之六

廣西名勝志卷之六 終

廣西名勝志卷之七

潯州府

在府城東前九百里

閩中曹學佺能始撰

江曰潯江東城門曰潯陽郡名貶焉唐太宗所置也貞觀十三年廢屬龔州旋役置至今沿之○潯江在府城東哈水自城北雙水自城南至此合流東下蒼梧入海城南十里自羅葉水又五里爲潯水城北三十里有都耶水東北五十里之大隍水西南五十里之繡江皆入焉按志潯水出嶺野中惟石甃其旁水泉深碧中有巨魚人以爲神不敢

廣西名勝志卷之七

一

采捕繡江與橫山水合流湛碧如繡卽唐置繡州處○唐曹唐潯江總遊盡典南遊卒未迴水工舟子不須催正思碧樹閑心句難放紅螺蘸甲杯漲海潮生陰火滅蒼梧風煖瘴雲開蘆花寂寂月如練何處笛聲江上來○嶺右遷客錄云唐帛待價宰相挺之子也以得罪流放繡州詠歌之聲遠播戶外○宋胡旦渤海人淳化中知制誥坐王維思累謫潯州旦以狀元進身雖在謫所著書得三百餘卷嘗鑿大硯方五六尺刻記云胡旦修春秋硯○趙子松宋宗室也號鑑湖居士建炎初貶龔州

未幾放令自便值道梗未能歸寓居於潯先是宣和間館職有謂子松曰夜夢帝勅公爲自眉洞天主去後子松竟沒於潯○曾幾龔州人號茶山居士建炎初避地於潯嘗有詩云鷄犬圖書同一舸老大蕩漿兒扶柁潯江一繫欲生根夢下湖南向江左○陳翥延平人堆曾孫也慶元間爲潯州守權故遷雷廉寓于潯上大夫高之刻高宗賜正篆手勅于碑以風後學○魏濟四事珥云舊傳潯州官圃有娑羅樹一株甚巨每枝生葉七片有花穗甚長而黃秋後結實如栗可食唐李邕進娑羅樹狀云此樹不庇凡草不止惡禽如得託根長樂摧頽建章布葉重陰比月中之丹桂連枝接影對天上之白榆東梓則青郊苦而歲不稔西茂則白藏泰而秋有成蓋異種也佛書一曰菩提樹一曰娑羅樹云○禹卿又云予鉤校至潯時已近午節畧階前列菊二盆開花甚盛詢之云郝學博齋頭數十盆獨此一盆忽花非常種也異之爲賦一詩云五月能開九月花最憐炎口有寒葩閒看離檣林爭麗靜伴畦蘭併苗芽傍節未須愁乏洒落英還取巾懷沙從來仙種多靈幻不與人間管歲華

廣西名勝志卷之七

二

銅梁張佳胤左江道叅政也城北有馬氏園頗稱幽勝肖甫時過之作詩云第宅西偏好林園十畝開花名詢失譜禽語隔江來愛竹沿幽逕班荆席古苔殊方懷土意頗此得徘徊○郡守陳紹功晉江人題郡圃之卧齋種蔬時片各四絕今錄其半云堂叅罷設景蕭疎日費公家五斗儲將毋不求井台奉親栽隙地有佳蔬又閉戶偷然不有書朝來彈鋏食無魚呼童且共灌園去不著衣冠即野夫又郡齋平畝即花田煙雨來時翠色鮮更有清香散滿座寧須睡鴨噴沈煙又手栽花木滿欄干

廣西名勝志

卷之七

三

山鳥偷窺下羽翰解得此時同樂意留芳吏與後人有

桂平縣附郭

本漢布山縣屬鬱林郡唐頌字德雅番禺人爲布山令寬和爲理卒之日人祀之梁置桂平郡隋郡廢於布山縣地置桂平縣屬戶州後屬鬱林郡唐武德間屬貴州貞觀初屬燕州七年始屬潯州十二年州廢屬鬱州又省陵江縣入焉後復置潯州而縣屬之相沿至今○按貴州卽今府屬之貴縣也戶州在其縣南鬱州設平南縣鬱江燕州去今

治西六十五里廢陵江縣在桂平之崇江里○縣境羅繡里有廢羅繡縣武平里有廢武平縣常平鄉有廢常平縣城隍市俱存又有廢皇化縣本漢阿林縣地隋改皇化宋時省入○南湖在城南延袤二里有洲洲上有平波南浦兩亭○銅鼓灘在城東一里多邑石春夏水漲響如鼓聲又下爲岩灘弩灘思陽灘欽石灘皆最險者○思陵山在城西五里一名西陵有巖曰三清巖宋淳化初州守姚嗣宗常遊因名姚翁巖有泉曰湧泉卽思陵水之源也○獅子岡在城西十五里以形似名

廣西名勝志

卷之七

四

○寶子嶺在城南三十里出五色石子如寶積然○鳳巢山在城西五十里下有龍潭○石鹿山紫荊山俱在城北五十里又西爲羅影山○白石山在城南六十里兩峯並立下有巖洞通北流勾漏世傳葛洪常往來其間上有會仙巖蹬道險峻而巖甚廣可容數十人有煉丹竈入仙石俱在獨秀峯側有泉曰漱玉始流微細鳴鍾鼓則泉湧出道昔第二十一洞天有清真觀一名陽明觀內貯宋太宗御書○羅叢巖在縣西南六十里巖中明爽可容三百人內有岩虛洞山石穴而入通行平坦

屈曲約半里許出於巖東洞內有石佛石磬石獅
石床相傳宋程明道正叔二夫子築臺讀書於此
其下有靈源洞亦由石穴而入通行平坦其屈曲
約一里出於巖西內有石羅漢象馬魚龍之屬○
崑崙岡在城西七十里又西南爲崑崙嶺路極險
峻○雲合嶺在城南八十里危聳而秀雲合則雨
○石梯山在城西一百里側前如梯路通容管○
水表山在城東南嶺在城南俱一百二十三里
○聞石山在城北一百六十里一作砦石峯巒
秀如列旌旗五代時狀元梁高讀書於此高平南

廣西名勝志

卷之七

五

人○永通峽在西北境大山夾江延袤數百里勢
極崎嶇搖賊所出沒國朝都御史韓雍討平之
原名藤峽舊傳峽口有藤大如斗長數百丈連峽
而生公命斷之汁流水赤賊巢始空正德十二年
都御史陳金奏改今名鐫有勅賜永通峽五字于
石永通峽謠已見

武林縣

在府東一
百三十里

本漢猛陵縣地晉置武城縣劉宋改武林縣唐貞
觀七年分置平南後自武林移龔州治此領陽川
武林隋建大同四縣以益之宋以思明州之武郎

縣及大同等四縣省入紹興七年廢龔州以縣隸
潯州至今因之○按龔江在縣東南一名都泥水
西通邕宜二江東迴藤梧入海縣有烏江白馬江
流注之唐龔州以此名○燕石山在縣東南十五
里圖經云旂春夏郡燕皆巢石頂唐以置燕州焉
○遊魚洲在縣前大江中秋冬潭清水洲出如
魚遊形○漾水河在縣東南二十五里接大江上
有石鼓扣之清越○蛇黃岡在縣北四里岡勢盤
紆出蛇黃旂歲九月邑人掘深七八尺始得大如
雞子小者如彈凡其色紫磨之可傳腫毒尤治小

廣西名勝志

卷之七

六

兒驚瀉○思鵝巖在縣西二十里石狀如八角樓
又有高陽巖巖之對峙巖宇高曠前瞰平野相近
有胡叟巖又有暢巖其中石門石榻流泉澗出宛
如跳珠又二十里爲西嶺宋守姚嗣宗詩并邑倦
炎酷西巖境獨清即此○藍嶺山在縣南六十里
竅穴甚多其下有藍嶺村上有石脚巖或云通勾
漏○維靈山在縣東南八十里九峰錯立下有深
潭○高陽巖在縣西北九十里內有宋治平中詩
刻以地勢高而何陽故名○廢思明州唐永隆初
之思明州也後改思明後省入○廢武林縣在縣

之武林鄉劉宋置廢隋建縣在縣之建烏里隋時
置廢大同縣在縣之大同鄉廢陽川縣在縣之陽
川里俱唐時置前後省人○宋陶弼過思明詩幾
年來瘴外此夜宿溪中照枕殘鷄月吹燈落葉風
盧循猶爲國楊僕已衰翁起戴寒星去村前燒影
紅○五代梁高平南人劉襲白龍改元高舉進士
第一官至翰林學士見龔多虐政乞歸養因獻倚
門望子賦巽憐之聽其主贈遺不受但請蠲本郡
丁賦有差郡人頌德立祠祀焉今縣東六十里白
馬廟相傳高常乘白馬遊東壕墟過渡偶没于水

姓相有貧不了黎庶潑潑紫江流兩下分頭恨人
少盛元時人誦也
貴縣在府西一百四十里
輿地記云廢鬱林郡在貴縣西廢鬱林縣在貴縣
東廢南州在貴縣南按當縣原爲貴州唐貞觀
八年改自南州省天寶元年又改爲懷澤郡至
乾元間始復宋孝宗時陞貴州防禦使我 國初
改州爲縣以鬱林縣省入○州城唐元和間刺史
謝鵬因容管經畧使楊文討賊駐此乃借兵夫發
古塚磚以築城宋紹熙間畧郡譚景先修之○按
鬱林即漢廣鬱縣也晉改鬱平宋開寶間改鬱林
爲州理注水經曰牂牁水又東經鬱林廣鬱縣爲
鬱小留水注之是夫○縣城南江即鬱江也縣南
四里汎水江縣東龍山麓汎江皆入焉又有資江
一名浮江自賓州來東津江自巡司前龍江分來
橫肩江自鬱林州來繳江自興業縣來武思江自
博白縣來俱流注于鬱○鬱林郡故城吳鬱林守
陸績所築治東北有谷公井相傳漢刺史谷永鑿
也治東南有陸公井南漢乾和中刺史劉惔古種
橘于井傍又名橘井○縣南鬱江之傍有紫泉與

源偶現紫色蜺符嘉應白是邑人旃候以爲祥縣西北有石井亦通大江水竭則歲荒因名司命井○廖家井在縣北塘中有石洲其上紫紅亭遺址○嘉魚井在縣西泉通江穴時出嘉魚又里許爲南澗井東有卷石蘓帆大書南澗二字○又里許爲東井怪石湧出水流石底又里許爲謝公池以唐守謝離浚之而名○瑞松井宋孝子樂詔所居傍有其露著松樹上後爲庸東提刑幹官蘇軾南遷與詔相見詢知狀爲署其亭曰甘露林曰瑞松其讀書處曰薰風○龍腹井在縣北二十里水

廣西名勝志

卷之七

九

深數尺攪之色濁汲之旋清禱雨輒應○潮水泉在縣西六十里其水盈涸不時或遇祈饗一日至三四十潮漢封其神爲澄湖公唐設測水縣於此至宋廢○南山在縣南十里有七星巖二十四峰峭拔奇秀甲於一郡山中后室有石笋佛像龍田之屈有景祐寺宋咸平初嘗賜太宗御書凡二百二十軸藏於此○東山在縣東二十里峰巒秀特相傳唐時有何特進胤光二人隱此山化爲石今山頂有石狀如二人並侍西北一峯望之如婦人搭帳簪花俗呼新婦巖○北山在縣北二十里

上有瀑布千仞禪僧羽客多所棲止古經云周穆王時山上有物相闕頃之一女子號泣云吾乃神也因金牛星驅雷電與山頂石池神物相闕今神物已化爲石牛矣旃旌段牲取血和泥塗牛背以鹹鹵塗牛口歌牧牛詩以樂之祀畢卽雨泥盡乃暗入十里爲顯朝崗陸績爲守嘗登之仍歸渾天儀於其上○西山在縣西三十里五峯並立山多踰躅花○銀山在縣東北上有石函望之如銀俗呼爲仙函○龍影山在縣南唐莫休符風上記云石壁上有五色彩畫龍形○思巖山在縣南七十

廣西名勝志

卷之七

十

里山中有居思娥者入山恒見之不知名姓世代問之則曰此山中人也人號之曰思巖巖人山多奇花果味與常別取而懷之輒迷不得出○龍馬山在縣西北七十里山多虺其毒殺人用冷石屑者瘞內卽活俗傳有馬嘶及奔蹏聲主多疫癘○登側崖在北山路傍去縣七十里接神女嶺或聞山上有宴樂聲則歲稔人安○馬嶺龍山皆見唐書馬嶺一名馬度唐已前馬嶺縣設此龍山則唐貴州懷澤郡下注云有龍山矣按唐書中山桓彥範于中宗時反正有功爲武三思所讒出懷州

遣御史周利用往窮其事遇於貴州遂被害則是

時貴州尚未改懷澤郡也又有懷澤縣在縣南一

百五十里亦唐時置宋廢今爲懷澤驛○縣境有

烏許夷巢居皆射翠毛制蚌求珠以爲業卽漢

鬱林太守谷永所招者今散處溪峒宋開寶中曹

克明知邕管時宣州澄海軍校陳進又鬱江暴漲

州城頗圯克明率丁夫伐木爲連舫維之水上狀

如郭郭又多設旗幟浮巨筏陳兵其上爲守禦募

谿洞兵三千與安撫使曹利用行攻貴州遇賊大

破之徒宜融等十州都巡檢使○三江城處邊上

廣西名勝志

卷之七

古

流鬱江水滙於此太宗伯蕭雲舉碑畧曰三江故

盜熒陽義公備兵分守謂宜緝敵其口於是城

之不三日而告成行營戍室官兵各所戰門牙衛

翼翼堂堂賊徒屏息民安固公旋罷京卿中丞

撫茲嶺石啓績寔自溥始

廣西名勝志卷之八

國中曹學佺能始撰

南寧府在府城西南領州三縣二

地里沿革論曰故稱邕管非州時其西北交趾踞

其西南三十六峒錯壤而居延袤幾千里橫山永

平尤稱要害唐及宋建牙置帥與桂州等又郡

地最夷曠可宿數萬師曩者征田州及經畧安南

舉弭節茲土則其勢便也自徭夷不靖往仗兵

急則藉其前驅緩則檄爲守固諸酋乃稍稍驕恣

不可盡繩以文法策邕事者至欲開重鎮以復邕

廣西名勝志

卷之八

一

州督府之舊嗟夫事固未易更亦未易言也○邕

州唐貞觀初改自南晉州者天寶間又改爲朗寧

郡故南寧之名無之元泰定爲南寧路國朝改

府有南城臺在城南崑崙臺之左其東北隅有臺

亭名最高臺又城北有亭在北湖上欄瓦花州宋

安撫使顏敏德所創也○邕州城爲宋皇祐間平

儂智高時更築善丁崩頽有劉郡守者失其名夢

神人告以就蛇跡紆斜處築之離舊城三百五十

步續川告成○古邕州城在今城南二里基址尚

在邕溪水之所逕也源出欽州流經四方嶺馬退

山夾古邕州前入大江攸嶺書邕字从川从邑以
四方俱水也○南寧故屬左江然當郡亦自有左
右江之號左出廣源右出我利此二土州之水匯
於合江鎮流入橫州是爲鬱江鬱江左江也主母
州與右江合右江一名黔江唐李嶠自邕州順流
詩鳴榔入峴口汎舸歷川湄尚想江陵陣猶疑下
瀨師岸間帆影疾風逆鼓聲遲萍葉沾蘭紫林花
拂桂旗方鳴蒼雀落劍動白猿悲芳樹迎危管幽
篴入楚詞全軍多勝策無戰在明時寄謝山東秋
長纓徒自敗宋陶弼秋日登南城望江國家書少

廣西名勝志

卷之八

二

秋堂寒草生無人來遠渡盡日上高城落照懸漁
市孤煙起戍營東園故籬窮又向酒中傾又登崑
崙臺落照古城隅邊風動隼旟久閒忘戰畧多病
熱酒書白髮隨年短新情與世疎桃花春水煖還
釣舊溪魚○按李嶠字巨山唐高宗詔擊邕州拔
獠以嶠監軍嶠人其峒悉諭降之陶弼字商翁時
爲西上關門使知邕州○元和郡國志云邕州左
右溪洞口得銅鼓相傳爲漢馬援所製形如坐螭
而空其下蒲腹皆細花紋極工綴四角有小螭螭
兩人昇行拊之聲如鞀鼓○南裔異物志云馬又

淵積石爲塘達於象浦建金標爲南極之界俞益
期牋云文淵立兩銅柱於林邑岸北有遺人十餘
家居壽冷岸南與銅柱對皆以馬爲姓輿地紀勝
云唐馬總爲安南都護建二銅柱於漢故處五代
晉馬希範平群蠻亦立銅柱於溪州二公皆以爲
伏波之裔故今左右江各有其一而後之原文曰
銅柱折交趾滅交人往來覺石於下以固之唐張
籍蠻中詩銅柱南邊毒草春行人幾日到金麟玉
璽穿耳誰家女自抱琵琶迎游神楊用脩片鉛總
錄云金麟之麟當作潏注水經所云金潏清潏是

廣西名勝志

卷之八

三

也○伏波廟在城西岸一里唐武德初建 國朝
學士張以寧詩邕州江上古祠官傳是當年屢鏖
翁丹荔黃蕉長盛祭緣沈金鎖尚英風灘聲夜帶
軍聲壯嵐氣秋隨劍氣空莫羨少遊鄉里志封侯
廟食至今雄以寧福建古田人使安南經此○懷
忠廟在城北宋知州事撫緘晉江人熙寧四年交
人人炮衆號入萬誠悉力桓守外援不至乃率其
家三十六人闔門焚死緘因戰沒後交人乘勢侵
桂州行數合衆見大兵北至呼曰蕞城隍兵來交
人懼遂退郡爲立祠元祐間賜今額○淩樓廟後

府治西南五十里山麓有泉出峯切甚清冽宋皇祐中邑守吳姓者亡其名時寇作亂吳與子三人力戰不克俱死之邑人感而立廟祀焉

宣化縣

本漢鬱林郡之領方縣晉分置晉興郡隋平陳廢郡爲縣旋改名宣化至今仍○縣治五花嶺舊三清觀基也發源白望仙坡分脈微茫突起五阜伏城內外一府治一儒學一城隍一即今縣治一天寧寺在城西僅百步許較之衢市或高一丈或高二丈或高七八尺氣脈融結有如五花故名○望

廣西名勝志

卷之八

四

仙坡在城東北一里相對羅山古有羅秀者脩煉於山頂上昇而北坡與之正對故以望仙名宋狄青孫沔余靖征儂賊駐師於此陶弼建三公亭於其上○興望仙相拱揖者青秀山也距城東南十里雄奇秀拔爲邕江之砥障巖洞相因出泉甘冽羅山距城北二十里高峻南城俯瞰比湖通秀道人脩真之所上有北市龍潭祈禱輒應○其相連爲馬退山山勢赴而後返如馬之退故名舊有茅亭柳宗元爲之記又十五里爲苦竹山其山多生苦竹延袤幾里○道人山在城東北十里形如道

人之冠因以名之○聖嶺山在城西三十里峰巒

廣西名勝志

卷之八

五

事耳云狄武襄以上元夜奪崑崙關破儂智高閉扼賓篴兩界水南北分流勢不怯峭而險仄難行騎者亦以爲苦旁多岐嶺與諸夷通若據崑崙須防間道云○伶俐水源出崑崙山流入大江與鬱江合而鬱之上流曰靈犀水時有靈犀出沒亦名靈灣其曰八尺水源出交趾界可憑水源出大明山龍溪源出銅鼓陂危江源出如禾鄉者皆注之○如禾鄉唐初置之如禾縣也初屬欽州後改屬邕宋景祐間廢又有廢懷化州在懷化峒廢思龍縣在思龍鄉俱唐時置宋元祐間廢○唐李翱字

廣西名勝志

卷之八

六

經智高之亂物力彫耗人不樂生弭綏輯拊循志其動皆諸洞獻土物求內助弼降意撫答謝却其貲皆感化無犯邊者屬久雨慮水入城弼令民徙居高地隨率僚吏塞堤江二門又爲土囊千餘置道上水從竇入即塞之人民乏食發廩以賑或方舟隨之水不及女墻者三板旬有五口乃退公私一無所損弼久于邕爲邕人所愛戴尤喜賦詩轍跡至處多所錫詠云

隆安縣

在府西北百八十里

本宜化縣之那九村先議設驛演那樓築巡以司

廣西名勝志

卷之八

七

里高五百尺嘗結雲霧過者或聞其中有鼓樂之聲絕頂有池不溢不涸又二十里爲隴鴉山山下有巖二亦多怪石如蓮花佛座之狀○蓋橋山在縣南二十里中有巖穴積水架梁傳云自上占神農時至今不朽又三十里曰梅龜嶺廣延一舍樹木叢蔚鳥獸繁殖相傳有神龜盤於古梅樹故名○陽明洞在縣西北三十里王文成公征思田時舟經於此刻陽明洞天四字及平南記一篇

橫州

在府東一百一十里

本漢合浦郡之高涼縣地元和志云今在高州界

三國吳孫休分立合浦北部以都尉領之晉武帝平吳改合浦屬國都尉立寧浦郡隋志寧浦郡下注云累分置簡陽郡隋平陳後郡廢置簡州大業二年州廢爲寧浦郡唐武德四年以鬱林郡之寧浦樂山二縣置簡州六年改南簡州貞觀八年始改橫州以橫槎江爲名○按廢寧浦縣在州城內本吳昌平縣也晉更名寧浦唐爲橫州節宋以樂山嶺山二縣併入明興省入州○廢樂山縣隋置故城在州東南五十里州境有廢蒙澤縣唐武德初置貞觀中省省人有廢簡陽城卽累所分置簡陽郡云○夫子小影石按凡而坐從以七十二弟子夫子行像石吳道子所畫夫子立而顏子從以上二石俱宋紹興中郡守何先覺刻置寧浦縣學各有記○戒石銘在州甬道黃庭堅書○廢貢院宋置州人章鑑有貢院上梁文見輿地紀勝○綺川亭在州治南臨鬱水海棠亭在州西海棠橋側舊多海棠樹故名有淮海堂在海棠亭之後爲宋秦觀建按少游以紹聖初削職編管橫州有書生祝姓者居海棠橋側少游嘗醉宿其家作詞云喚起一聲人悄衾冷夢寒曉曉瘴雨過海棠春色又

添多少杜鵑酸成微笑坐破椰瓢共嚼覺傾倒急投牀醉鄉席天人間少○仙槎亭在城西北隅登高嶺上州人九日登言向處相傳晉咸元中隱士董京遇一仙人秋夜橫槎于浦宋紹定間郡守張垓因建亭曰仙槎按志橫槎浦距城西南十里源出山谷流入鬱江有枯槎橫于灘上枝葉扶疎其色如潑先塋照人故有橫槎節奈少游嘗寓焉○鬱江在城南源出廣源州之廣源山流遶學前形如半月一名月江西岸七里有立石高二丈許形如牛皮大鐫橫州二字相傳仙人所書清江在州北十里出石魚天陰有翼飛出武流江在州舉南二十五里源出靈山縣界俱北流入州以注于鬱○州東十五里有古江源出震龍山流經綠監至烏蠻驛入于鬱設巡簡司○烏蠻一名烏許卽漢谷永所招其上爲烏蠻山去州東城六十里僞漢主名嚴乃易爲烏蠻攷異物志稱烏蠻在南海郡之西安南都統司之北卽烏許蠻也古垣子產國生首子輒解而食之曰宜弟味旨則獻其君君喜之而賞其婦妻美則讓其兄其國有烏蠻漢焉漢建武中國廢如此則烏蠻之名不起自僞漢矣口

上文成謂伏波廟詩樓船金鼓宿鳥蠻魚麗群舟
夜上灘月遠旌旂千嶂靜風傳鈴折九溪寒荒夷
未必先登振神武由來不殺難想見虞廷新氣象
兩階千羽在雲端石廟在鳥蠻山麓○志云烏石
嶺距州一里石色純盧故名○古鉢山在城北七
里頂突而圓如僧鉢孟狀州鎮山也其脊有半山
亭鉢之左山形聯絡如九珠鉢之右山形飛翥如
鳳凰背因以名之有水出焉其旁多產香稻名香
稻溪海棠橋跨之○蕪摩嶠在城西五里傳云仙
人蓮奉亡後人見之于此南越志云在寧浦郡東

廣西名勝志

卷之八

十

南○空籠山在城東十里空明一窺東西朗然又
十里爲長寨山形如立荷襟領羅蠶羅蠶者以山
平地突起如蠶房也又十里爲天窺山山有石洞
洞口有潭水產嘉魚上有二岐多怪石鐘乳靈泉
盤燕王盡處有窟通見天日又十里爲鳳凰巖石
壁臨江巖半翠房如畫房前有臺中有柱如鰲足
旁有仙半窩後穿一窺可通巖頂日射之光入洞
口○寶華山在州南二十里其巔常有寶氣故名
昔爲雷公嶺有泉自石槽中瀉下長數十丈形如
掛練唐有二僧居之一騎白鹿一騎花虎往來人

山中入號虎鹿仙人又三十里爲東山多樟楠永
盤紆數百里武流水之源也又二十里爲天堂山
與石槽山相對相傳古有石橋仙人會于山頂爲
樵監所窺雷斧劈斷其橋今不可登○綠巖山在
州西六十里出綠泉多產礬石又四十里爲雲龍
山山頂有潭蛟龍所居爲橫浮寶貴諸山之冠又
五十里爲飛龍山相傳昔有白龍自山飛去故名
○占辣泉在州北八十里桂海虞衡志云占辣乃
賓橫間名以壺中泉醖酒既熟不煮但埋土中日
足取出色淺紅味甘而致遠雖暴日中不壞○龍

廣西名勝志

卷之八

十一

池在橫州北唐貞觀中有女婦陳氏買魚忽有白
衣人謂之曰魚不可食可擲水中急上山避之陳
如言避於古鉢山頂回望所居皆陷爲池○梁世
基橫州人歷官大理寺丞用法平允家有荔枝生
連理神宗賜以詩曰橫浦江南岸梁家問世賢一
株連理木五月荔枝天○嶺右遷客錄云唐杜王
倫相州人出入兩宮典機密太子失道輒當帝前
督切太子帝責其漏洩上語貶交州都督召入中
書令後李義府誣正倫交通罔上謫守橫州○張
大安繁水人上元中爲太子庶子時章懷太子在

春官令與洗馬劉綽等江范曄後漢書光宅中
出橫州司馬卒○趙不尤宋太宗裔靖康之難募
義兵與金人戰皆捷河南北盜亟避其鋒曰此小
使軍也高宗即位引眾歸補武翼郎從岳飛平湖
寇飛死槍奪其兵遣刺橫州○文獻通考耕桑要
備二卷宣教印通判橫州何先覺撰紹興癸酉序
○西事耳云橫州學正劉琯持身端謹每日授諸
生經講論不倦州守方脩學官曰親主度工諸生
曰盍往迎之官曰脩學有司職講學吾職也各舉
其職何以迎爲○陸舜臣字師阜橫州人登正德
丙子鄉試爲雷州同知罷歸公喜著書及通賓客
如給事中吳時來主事董傳策論籍茲土皆招致
其家時典出游探諸幽勝賡唱輒和賓至如歸云
所著有橫州志

永淳縣

在州西百二十里

本漢鬱林郡地唐初置淳州帝永定縣永貞元年
改鬱州宋初廢鬱州以未定縣屬橫州元祐初改
爲永淳縣至今因之○晚松岡在縣南一里里許
爲雷峰嶺有雷廟城東三十里又有雷巖剎壁臨
江俗名雷破巖○滕山在縣北二十里巖石滴乳

具有衆妙因名衆妙巖又十里爲龍章山相傳有
龍出入此山文彩炳然故名○魚流山在縣西六
十里山中有溪每水漲魚常順流而下○司中山
在縣西北五十里產鐵力樟楠諸大水○林公嶺
在縣南六十里昔有林姓者隱此故名○大江在
城西卽鬱江也永東江在縣東一里源出梁雞村
東班江在縣東北五里源出領方縣界秋風江在
縣南十里源出靈山界俱入鬱江○牛練灘在縣
南十五里中有石形如牛龍泉在城西十里有古
洞洞有石竇通於大江○嶠南墳記云潯州西行

新寧州

在州西二百里

舊爲四峒介宣化江惠二州間嘉靖中峒民黃綱
率其黨效欽因改四峒爲四都曰武黎曰華陽曰
沙水曰吳從隆慶間設州名曰新寧帝沙都○玄
天洞在州南一里石峰特立上洞寬平仰之有隙
通天光其下爲印山○三峰山在州北環列如屏
俗名筆架山其下爲金雞巖○石龍洲在州城西

數百步連亘千丈橫截江流三面皆水中一白石長數十丈出地不盈尺狀如龍之蜿蜒又二百步有迴瀾磯巨石突出橫江鬱水至此西流○慈烏石在州東北一里卽州治之脈也磊石星布望之如群鳥飛集雲際○鮎魚灣在州西五里群峰壁立江畔一石不數尺垂宛若魚形又五里爲犀牛洞洞最虛明可列數十榻有池一泓其水自石滴下清冷不竭○獅子巖在州西北十里半山有洞洞口寬數丈平坦如砌石覆其上又一石蹲踞若獅故者稍入遂曲空曠奇桀萬狀再循一隙則亂

常弘治十八年以州改流官屈南寧府正德六年復叛嘉靖元年討獲其酋州境遂平○獅山在州北二里一作思山州名因之相近爲文嶺山突如三台故名山出溫泉○州前有六馬嶺其形如拜又其東有棟銅山山下有三百谷口○恃武嶺在州之左高百丈上有土城世傳馬伏波所立其麓爲甘燕巖相對有胡恃回車二節亦有土城○獨秀峰在州東南五里其背爲獅子潭水面一石蹲踞昂首若獅子然○明麗峽在州西八里又二里爲鳳凰山其北曰王侯山上有廨址名王侯寨○柳槐山在州西十二里以多柳槐二樹故名又十里爲排陽嶺四周石壁山半有泉懸如瀑布下注成溪○淶玉山在州北十里雷電時出對雨立至又二十里爲北梯嶺又十里爲東香山巖峻洞深恠石層出入洞者持炬照之上有弄懷山三字○四方嶺在州西四十里其上有潭名曰天池又四十里群峯巒峴百溪叢注名曰十萬山卽明江之源也達州而西合左江水其側爲葫蘆灣○上魚江在州西南與小江水合○龍跳溪卽板龍溪去州五里上夾下銳世傳以龍躍名巖有穴數口春

唐始置羈縻屬邕州都督府元屈思明路我洪武初土官黃中榮內附授知州其後子孫叛服不

水蕩漾則魚集于嚴隈云

太平府

在府城西南二十六百里

領州四縣一

漢屬交趾郡號麗江晉以來夷獠居之唐爲羈縻州隸邕都督府其後或臣或叛不常宋平嶺南立五寨於左有二江溪洞其一曰太平與古萬遷隆永平橫山四寨各領州縣洞屬邕州建武節度元初仍爲五寨後廢乃置太平路於麗江以控制蠻夷我洪武三年改太平府初治狀盧未幾復還麗江○麗江在城南卽左江也出廣源州流經憑祥龍州合明江諸水遶郡城西南東三面至合江廣西名勝志卷之八 十六

鎮與祥河水合人謂之府前江○太平城曰壺城閨曰壺開蓋江水自北來逶從東北去屈爲壺狀故名壺開距城北三里又有廢伏波閣在衣甲山下相傳伏波征交趾所築一名威震閣○金櫃山在江之東山形如櫃其中虛明可容百人又三里爲蛾眉山屹立雲表秀而長也相對爲白面山○宋有鰲山道人嘗卧于州學諸生見而叱之答曰莫欺閑客也會作詩諸生授紙筆令吟之曰家住鰲頭最上山偶然踪跡到塵寰不妨名利場中卧忙者自忙閒自閒

崇善縣附郭

古名崇山宋所置縣隸古萬寨元改今屬明興

如之○西事珥云崇山卽舜放讎兜處唐沈佺期有從崇山向越裳詩朝發崇山下暮坐越裳陰西從杉谷度北上竹谿深按竹谿古道明水杉谷占崇岑也九真圖云崇山至越裳四十里杉谷起崇山竹谿從道明國來於崇山北二十五里合水歌訣藤竹明味有三十峰夾水直上千餘仞諸仙窟宅在焉楊用脩以爲當在交廣之域似必當地也○志云崇官山在舊縣北二里其山空洞竅通於江又里許爲石門山江中巨石峙立中通如門○隴峽山在城南三里又里許爲五廩山山多羊桃子俗名五廩子○白雲山在城東四里方巖連亘如玉屏有七洞相連而白雲最勝洞口懸石扣之作鐘聲夜靜有光如燈出入洞門人謂之佛燈其下有雲泉○青連山在城北十里山勢綿亘三百餘里峰巒矗立望之青翠相連故名其陽有青山巖高濶深邃石乳懸綴奇恠萬狀脫函成堆蓋異境云又三十里爲盤環嶺純土可耕望見太平安平二州又名望州嶺○鰲頭山俗名雞籠山在城

東北四里即整山也屹立江心其頂有方石長八尺四面花關中有石紋自然成樹如丹桂狀○西事珥云巖淋在太平之模村入巖二十步幽暗如晦夕有野龍潛伏其中村婦無欲見之則盛飾唱土歌入巖龍乃出馴桑若素習者入村婦懷中盤伏良久乃去問脫下遺鱗婦珍藏而歸以爲獲神之貺若侮襲之雷雨驟至○飛來鐘相傳自交趾思琅州飛來者炎徽紀聞云指揮沈希儀遣舍人劉勳往相之欲掘取其銅以造軍器未至鐘數百步仆地死○龍馬泉在府南峰近江數丈與江相通上有榕樹覆蔽成穴或曰龍潛于此即太平八景之綠樹神歇也

左州在府東北一百里

舊名左陽唐置隸邕州宋以隸古萬寨元改今屬國朝因之土官黃姓洪武初黃勝爵歸附授知州再傳子孫爭襲相仇殺成化十三年改流○州治舊在龍村知州李欽承遷于占覽萬曆二年始建學○天燈山在州南門外以常現仙燈故名○銀甕山在新村其山臨江山頂有洞以占仙理有數十銀甕于此○金山在州西北二里有巖曰通幽

奇峰錯峙惟石環列上有架壑亭錫金山二字亭後有流霞峰最高登之斯入表在日雙清獨秀諸峰皆聯絡焉○雲巖山在州東三里巖有二層平廣如一中多奇乳作雲物花草狀亦名雲州又云落成巖○栢嶺即北山巖也在州治南三里中虛可容百人隈曲盤旋巧緻足觀前有二坎深不可測後有拱臺若金狻座傍磨石乳又如白龍狀座上蓮花辨正似米麥水犀堆積萬點扣之鏗然有聲○傳感山在嘹亮村離城東南入里一水中流奇峰對列若煙雲花卉之狀遇水隔處輒負浮槎以度之詩曲環遶約里許旁通小巖皆可遊觀有擎雲羅漢佛子度閱諸臺境花通天石鼓諸洞及洗心池羽化菴皆天然之妙不費雕琢○橋龍江在州前出口陀陵之三清山合諸水流經龍光村環州治而南入于江○龍泉在州東二里高山聯絡一石擎起片龍頭然石下湧出源泉四時不竭滙爲一池形如半壁北流與橋龍江合

養利州在府北五十里

州有養山利水合以爲名上官趙姓我洪武初有趙口泰者歸附授知州以次傳襲至宣德間稍

用侵其隣境殺掠萬曆三年始平之因改流○右高山在州南小印山在州西各去一里印山其形方正似之蒼秀奇特右嵩一作古嵩○正月臺在州東南二里田中一大石高如臺圓如月上下相映入登其上如在月中○武陽山在州東三里有武安洞滴水成溪與瀑布泉合流大下江名曰洞溪之水

武康州在府東北一百里

舊名康山宋置縣隸遷隆泰元隸太平路 明典

如之上官楊姓成化八年其子孫楊雄傑糾合峒

廣西名勝志卷之八

賊二千餘人人宣化縣劫虜且偽署官職總兵官

趙輔等擒誅之因改流

上石西州在府西南一百里

唐置石西州宋加上字屬永平寨元屬思明路

大明改路爲府因屬焉後乃改屬太平○州南有

白馬洞洞口隔水決乾乃行秉炬而入初暗後敞

懸石盤旋如芝如蓮如龍蛇虎豹不可勝紀右距

州三十里○州更土官趙氏何氏黃氏凡三姓皆

絕始改流然自知州殷興爲上人毒死其後陞授

來者桀不敵人多寄孥于太平以承使令之乏舊

曆十九年知州孫繼先始新州治携家人从拓城

堯井畧改觀焉自後役鞠爲戎莽之場至天啓二

年闖入吳爾施者乃披荆棘而進者有西州小紀

一卷其詩云黃茅爲宇竹爲門斗米有豚濁酒尊

欲向此中停信宿俄傳交趾掠前邨又幾處人煙

覆短牆山多未許牧牛羊頽祠蔓草無香火唯見

殘碑枕夕陽又百萬當年事遠征高標銅柱伏波

營受降城下徘徊久能得將軍日再生又馬跑相

傳舊有泉行人消渴欲流涎瓶中搗得家園茗太

子亭逸竹火煎

廣西名勝志卷之八

廿二

廣西名勝志卷之八

廣西名勝志卷之九

中曹學佺能始撰

右江土司

南丹州 東蘭州 那地州 忻城縣 永順長

官司 永定長官司 已上慶遠府轄

鎮安府 湖潤寨 田州 上林縣 向武州

富勞縣 奉議州 泗城州 歸順州 安隆長

官司 上林長官司 上峽崗 思恩九司 已

上直隸布政司

南丹州在慶遠府城西二百四十里東抵河池界

廣西名勝志 卷之九

西抵貴州豐寧長官司南抵那地界北抵荔波界

其山曰長春山曰三寶山曰金鷄山曰孟莫山其

川曰青雲溪紅盆江其產銀錫古蠻峒地也唐爲

羈縻州宋開寶初土官莫洪背內附元豐三年立

爲南丹州官轄諸峒蠻大觀元年廣西經畧使王

祖道欲急追功殺上官莫公俊改南丹爲觀州公

俊弟公晟密圖報復焚寶積監尋廢觀州以公晟

知南丹州兼賓峒都巡簡使歷世承襲元至正末

莫國麒獻圖納土命爲慶遠南丹谿峒安撫使大

德二年改慶遠路總管府爲軍民安撫司我 洪

廣西名勝志 卷之九

必善脩前數致懇讓口占絕句遺之曰貪泉爽酌

吾何敢暮夜懷金豈不知寄語丹州賢太守元封

回贈莫相疑不見黃佐廣州府志

東蘭州在府城西南四百二十里東抵永順司界

西抵泗城界南抵田州界北抵那地界其山曰五

篆山青雲山勝山福山代山三佛山雙鳳山剛洞

山其川曰隘洞江九曲水銀海池古百粵地唐爲

羈縻州隸邕州都督府宋有常君朝首居文蘭峒

爲上夷長依紱南岩家焉傳子安開崇寧五年內

附因置蘭州以安開知州事俾世其官元改爲東

蘭州韋氏世襲如故我 洪武十二年韋富撓造其家人韋錢保詣闕上故元所授印頁方物錢保匿富撓名以爲已物因以保知東蘭州既而保微暴急民不堪命借富撓作亂廣西都司討平之因言其故於是執錢保罪之以州隸慶遠府仍歸韋氏世襲

那地州在府城西南二百四十里東抵河池界西抵泗城界南抵東蘭界北抵南丹界其山曰虎山馬山屏風山威現山紅山懷峽嶺暮曉嶺其川曰烏泥江龍泉江有百粵地唐爲谿峒之地名曰那

廣西名勝志

卷之九

三

地宋熙寧初上人羅世念來降因授官世襲崇寧五年諸蠻納土遂置地那二州以羅氏世知地州大觀初析地州建隆縣置孚州宣和中孚州廢元仍爲地那二州其酋長世脩常貢洪武元年羅黃貌歸附詔省那人地改爲那地州錫印授黃貌爲上官世襲知州以流官吏日佐之

忻城縣在府南一百四十里東抵馬平界西抵永順界南抵賓州界北抵宜山界其山曰龍塘山疊石山張帽山其川曰烏泥江龍塘江占百粵地唐置芝州天寶初併綜歸思忻芝五州改爲忻城郡

屬領南道後復爲之州宋慶曆間廢因置忻城縣改隸宜州元仍舊以上官莫保爲八仙屯千戶我洪武初設流官知縣罷管兵官籍其屯兵爲民莫氏遂徙居忻城界宣正以後猶獷狂悖知縣顧寬不事事而獷老韋公泰等舉莫保之玄孫敬誠爲土官寬爲申監司具奏授敬誠世襲知縣時一邑二令權不相統流官徒擁虛名耳繼寬者益不能振諸錢穀甲兵盡入土官掌握流官知縣恒佩印就居府城弘治間總督鄧廷瓚奏韋流官而土人韋泊爲內監官用事陰主之始獨任上官

廣西名勝志

卷之九

四

永順司在府城西南六十里舊爲宜山縣古陽述昆等鄉永泰外里吉利中里夷江端簡緣河思農等里之地○永定司在府城東南八十里舊爲宜山縣歸善洛三等鄉洛南洛富洛東路西下里及莫往峒洛分路一都博等里之地正統六年因蠻夷弗靖司土者莫能控禦老人黃祖記與思恩土官岑瑛交結謀割地歸之思恩因謀于知縣朱斌備時瑛方雄兩江大將多有之斌備亦欲藉以自固遂爲具奏將地改撥岑瑛管轄土人嗷嗷不服韋酋秀以復地爲名因而倡亂成化二十一年覃

召管等復亂屢征不靖弘治間委官撫之各賊願
取前地別立長官司以治都御史鄧廷瓚爲奏置
永順永定二司各設長官一副長官一以鄧文茂
彭訪羣槐韋朝和等授之亦皆宜山洛口洛東諸
里人也曰是宜山東南棄一百八十四村地宜山
西南棄一百二十四村地○蘓濬論曰我國家
川夏變夷窮髮之地舉爲編戶乃承平以來宜州
廣輪日殷月削此何以故則計失於恇怯而禍成
於陵夷也忻城自唐宋已爲內地而涵濡于國家
衣冠禮樂之化者逾百餘載一旦恍於邪說裂冠

廣西名勝志

卷之九

五

毀冕棄赤子而驅之從禽當事者啓戎心夫述昆
莫往諸鄉距郡城數十里而近乃不能固其圉而
舉三百餘村之內地畧之長官司棄腹心以資敵
縱虎狼於堂廡非熟計也總寬朱斌備白首書生
計無復之不足苛責臣陳謨樞臣央策國是所
資良非細故亦忍舉祖宗之土地置之若輕舟
飄瓦何以責中消耶此風一熾効者相踵自莫楊
之侵我茆灘也而思恩削自莫之厚之燬我董界
也而荔波削自東蘭之侵我三旺那地之占我中
下也而河池益削司上者日以上聞主下詔書切

責而狼心未厭勢擊猶故今日剽一聚明日寇一
村我不能保其嬰兒而彼且畜之爲廝養卒日復
一日其不論胥於夷者無幾矣夫變夷之與變於
夷也可同日道哉詩曰我先公曰辟國百里今也
感國百里古今盛衰之感策宜事者有遐思夫

直隸土司

鎮安府古百粵地東抵向武界西抵交趾界南抵
都康界北抵奉議界漢屬交趾郡宋於鎮安峒建
右江鎮安軍民宣撫司元改鎮安路明興洪武
二年以舊治僻遠移建廢凍州改爲府其山曰雲

廣西名勝志

卷之九

六

山也筆山雷高嶺感賦巖其川曰賦命江授土岑
天保知府設流官首領佐之天保死志綱襲洪武
三十五年何武知州黃世鐵侵奪高寨等地督府
遣兵夷之以其地屬鎮安○上映峒元爲州屬鎮
安路國初爲峒隸鎮安府土官許朝卿管峒事
今許尚惠襲○湖潤寨巡簡司始祖岑元全屬鎮
安府傳至岑穩隆慶三年調征廣東陳仁子壽松
承襲○論曰鎮安僻在諸洞上霧下潦與群僚亡
異其改路稱郡徙建今治自我明始開其山有
盤石巖石大如盤故稱宏觀蓮花之塘四時不涸

洞多泉流田仰慨灌爬沙穿竹而紆迥自潤官無
舉程之勞迺郡人田事之外無日不岌山阪涉澗
數射飛逐走以相娛快地饒人衆亦足雄諸部落
夫

歸順州舊爲峒隸鎮安府永樂間鎮安知府岑志
綱分其第二子岑永福領峒事傳子瑛屢率兵報
效都御史鄧廷贊奏歸順峒舊爲州治洪武初裁
革今其峒主岑瑛効勞于官乞設州崇授以土
官知州從之仍增設流官吏目一員瑛死子璋襲
復從璋奏以州改隸布政司璋多智畧田州土官

廣西名勝志

卷之九

七

岑猛以不法獲譴都御史姚鏐將舉兵璋猛婦翁
也督府慮璋黨猛召都指揮沈希儀問計
知璋女失寵恨猛因請假旬日部下千戶
善璋布儀召趙臣以計紿之璋強臣留傳
遣人馳希儀所備陳猛反狀恐波及願設計
希儀許之猛子邦彥守土亮臨璋伴遣兵千
邦彥曰聞天兵至將以姻黨誅我今日義同死
忍坐視此背精兵可當一面者邦彥欣納之璋復
遣人告希儀曰謹以千人內應矣時田州兵殊
死守峴諸將軍莫利當臨者希儀獨引兵當之約

戰三合歸順兵大呼曰敗矣田州兵驚潰希儀麾
兵乘之斬首數千級邦彥死焉猛聞敗欲自經而
璋先已築別館使人請猛時猛倉皇不知所度遂
挺身佩印從璋使走歸順璋詭猛爲猛草奏此猛
出印實封之璋既知猛印所在乃鵠殺猛斬其首
并府印函之間道馳詣軍門爲讒言所阻竟不論
功璋死次子獻襲職從征黎賊卒于軍

田州土官岑氏自以爲漢武陰侯岑彭後不知所
攷其地東抵南寧界西抵泗城界南抵奉議界北
抵東蘭界漢屬交趾唐隸邕州宋始置田州屬邕

廣西名勝志

卷之九

八

州橫山寨元置田州路軍民總管府 明興改爲
田州府省來安府入焉其山曰芭野山橫山其川
曰右江萬洞溪洪武元年土官岑伯顏以二路歸
附因錫之印世襲伯顏死子堅襲數傳至溥弘治
三年思城州土官岑欽泗城州土官岑應攻勉田
州共逐之都御史秦紘遂欽以溥歸府溥二子長
號次猛號以失愛殺溥土目黃驥李蠻其殺號猛
方四歲驥護之赴梧州告襲歸至南寧李蠻遣兵
來迎驥恐蠻分已權殺其人蠻率兵繼至驥誣蠻
爲變請官護送乃檄思恩知府岑潞以兵衛猛潞

方豪舉驍賂潯挾猛分地界驍北至旧州李蠻拒
不納驍復以猛奔思恩十一年都御史鄧廷璋檄
潯歸猛潯不從尋以兵徵之潯始釋猛督府納之
田州與潯構潯潯集泗城東蘭州兵陷田州猛走
免都御史潘蕃討潯誅之改流官降猛福建平海
千戶以叅政謝湖掌田州府事猛遷延不行及湖
至陳兵自衛挾改府佐湖受僥代請都御史陳金
劾之下錦衣逮湖正德初猛賂太監劉瑾矯詔以
猛爲田州府同知湖僅降賊猛撫遺民兵威復振
稍稍侵旁郡自廣復興軍功序遷知府爲重乃言

廣西名勝志

卷之九

九

督府征調頗先鋒而督府庠校至旧州者猛率厚
賂結驍譽猛者籍甚會江西華林峒賊反都御史
陳金檄猛從征猛兵沿途剽掠民皆從村避之爲
之謠曰華林賊來亦得土兵來死不測黃狐跳梁
白狐立十家九家選柴棘項之賊平金疏猛功稍
遷指揮同知猛復恃其兵力步驟諸峒十三年襲
龍州十六年襲泗城州殺土官岑瑛自是輕視中
國糧餉不供嘉靖初思恩府頭目劉召叛叅將李
璋調猛合攻猛于邦彥迺遷後期以致兵敗遂在
階言都御史盛應期持此恫猛冀其貴猛傾出

不遷語應期恚恨疏猛旦暮必反狀請征之未報
應期去都御史姚鏌代之鏌雅知猛無反心而鏌
子涑亦以書諫請勿征時巡按謝汝儀與鏌有隙
廉得涑書誣涑納猛萬金鏌皇恐乃再請征猛遂
發兵八萬分道並進猛長子邦彥守上堯隘指揮
沈希儀擊斬之諸軍繼入猛懼謀出奔而歸順知
州岑璋猛婦翁也其女失愛屏居璋欲藉此報猛
乃誘猛走歸順鳩殺之先是猛三子邦彥敗死邦
佐出後其族武靖知州邦相亡走邦彥則室子芝
祿匿民間姚鏌見岑氏卑弱計田州可遂滅乃陳

廣西名勝志

卷之九

十

疏請流官治旧州從之未幾土目盧蘇糾思恩土
目王受等挾邦相反兩江皆震御史石金劾鏌
上寡謀利圖田州不可得并思恩失之上大怒
責鏌落職起王守仁總制軍務守仁至蒼梧時諸
夷聞先聲皆股栗聽命而守仁顧益窮蹙以明年
至南寧使人約降蘇受許諾而以精兵二千自衛
守仁所愛指揮王佐門客岑伯使人言蘇受以萬
金叩命蘇受大恚守仁待見知佐等謀夜告守仁
守仁遂旦不寐使人語蘇受毋信纔言蘇受疑懼
未決言來見時必陳兵衛守仁許之蘇受復言軍

門左右祇候須盡易以田州人守仁又許之蘓受入軍門守仁數之論杖一百蘓受不免甲而受之杖杖人又田州人也諸夷皆驚莫測守仁意守仁乃上疏言岑氏世効邊功猛獨誅誤觸法雖未伏誅聞已病死治田州非岑氏不可請降田州府爲州治以岑邦相爲判官分設土巡簡以盧蘓等爲之以殺其勢添設田寧府統以流官知府以總其權守仁薨都御史林富反其政上言田州不必再設府治以騷遠夷朝議許之以岑邦相爲判官分設十八土巡簡可以張佑克副總兵鎮其地○論

天下事如持衡然宜輕而重之宜重而輕之任事之難卽豪傑且無以自解他又何責哉按蘓紫溪此論寔與炎微紀聞相發明

思城州唐時置宋元仍舊 明興因之土官知州岑欽與田州土官岑溥同宗弘治間岑溥被頭目黃明所逼逃之思恩府欽會兵討之誅黃明并其族屬後溥與欽交惡欽攻奪田州府逐岑溥殺五十餘家督臣委官送溥于琥入府役爲欽所遇都御史秦紘檄兵攻之欽走遣官諭之欽死孫桂佩襲弘治末思恩府知府岑濬亂攻田州桂佩投於濬被誅印失今無襲地爲田州所併

上林縣在田州東三百八十里宋置隸橫山寨元屬田州路 明興因焉洪武二年土官黃嵩歸附授世襲知縣以流官典史佐之嵩死于伯慶襲

上隆州在田州城北八十里宋隸橫山寨元屬田州路洪武初以知縣岑永通管州事成化間移置武靖州

泗城州東抵東蘭界西抵上林長官司界南抵田州界北抵永寧州漢屬交趾郡宋置泗城州隸橫山寨元屬田州路其山

雲山

其川曰澄碧水襲淵水洪武初上官岑善忠歸附授世襲知州以流官吏目佐之改隸布政司自宣德七年岑豹襲職禁鴛亡狀迫逐程縣流官知縣與上林長官司及旧州土司相仇殺無已時亦互有勝敗云○論曰泗城廣輪延袤兵力亦勁與慶遠諸州互相雄長然其不善之積且世世夫豹之後有應也應之後有接也至躡旧州吞長官甚者以國家之璽章收伯任其逼且奪而莫之誰何天奪之鑒宜其及已今程縣已廢故址尚存華失其鹿夷競逐之其何震之有間程之距宜山稍邇而距泗城甚遠國初改隸慶遠良非無謂有能舉洪武間故事覈其疆界令人慶郡版圖益茲醜夷誰敢睥睨其間哉惜不然矣

安隆長官司東抵泗城界西抵雲南界南抵上林長官司界北抵貴州宣慰司界漢屬交趾郡元爲泗城州地國朝永樂間置長官司以泗城州上官岑善忠次子子德授長官撫其夷民

上林長官司東北俱抵泗城界西抵安隆長官司界南抵雲南界漢屬交趾郡宋元號上林峒屈泗城州明興因焉其山曰晚稼山累峯嶺未樂間置

長官司以泗城州土官岑善忠三子子成爲長官撫其夷民程縣在州城東北舊號程莊其山曰回顧山藩籬山其水曰唏柳水明興歸附隸泗城州洪武二十一年改爲縣編戶一里後改屬慶遠府尋復隸泗城州改流官知縣正統間爲岑豹所逼棄官遁去典史攝印旋亦罹害豹遂奪其印吞併縣治事聞屢遣官督之歷岑應岑接父子凡七十餘年不服嘉靖元年接爲諸州上官攻殺督府遣官按問徵縣印貯於公帑以快處分今僅存荒土泗城南丹那地俱欲爭之時治兵相攻云

奉議州東西北俱抵旧州界南抵鎮安界漢屬交趾宋置州初屬靜江軍節度使後屬廣西經畧安撫司元屬廣西兩江道宣慰司洪武五年省入來安府七年復置其山曰石門山唏沙山其川曰右江流至南寧與左江合○論曰奉議一彈丸耳三面交迫旧州南界鎮安其勢甚盛顧置銜銓官時而罷時而設豈非欲中斷田鎮以伐其謀耶夫以葢爾一隅控二雄邦非藉內地無以爲重故直隸藩封如宋元故事非無意也今土官殄世判官掌其事者有餘年豈一尺組能制夷人之命官則漢

官制則夷制因俗而理易相安耳夫以華治夷至數更牧守而未定以夷治夷卽一判官而有餘此分制馭之衡也

向武州東北抵旧州界西抵鎮安界南抵鎮遠州界漢屬交趾宋置州隸橫山寨元隸旧州路其山曰馬鞍山武城山其川曰枯榕江入于石江洪武二年土官黃志威歸附授世襲知州○富勞縣在州北三十里元置隸向武州 明興洪武間爲蠻獠所據三十五年復置仍隸向武州永樂初省武林人焉其山曰塘嶺山坡州山

廣西名勝志

卷之九

十五

都康州東南抵龍英界西抵鎮安界北抵向武界其山曰也望山其川曰也燭江漢屬交趾宋置州隸橫山寨元展旧州路以土官馮姓者爲酋長洪武初夷獠作亂據州馮原保出奔尋撫還其子進福以安集民後置州以進福子斌世襲知州設流官吏目焉○思恩府九司嘉靖六年新建伯王守仁撫叛目阮平思恩議設九司巡簡以分領之○興隆司在府北六十里巡簡常貴嘉靖七年授冠帶理司事其地視諸司獨廣○那馬司在府北五十里巡簡蕭開嘉靖七年授職開故絕以白山司

頭目黃理署司事理故子黃賜由府學廩膳襲以

征南嶺功陞授指揮僉事賜故子如金襲如金告

休子中通由府學生員襲○白山司在府北六十

里巡簡王受故爲思恩亂酋新建伯曲貸之且受

以職及其子孫○定羅司在府西一百三十里巡

簡徐岳嘉靖七年授職○舊城司在府西北一百

五十里巡簡黃石嘉靖七年授職○下旺司在府

東北七十里巡簡常文明嘉靖七年授職○安定

司在府東北三百二十里巡簡潘良嘉靖七年授

職○都陽司在府西北一百五十里巡簡王亞嘉

廣西名勝志

卷之九

十六

靖七年授職當故絕以頭目黃羅署司事○古零司在府東八十里巡檢覃益嘉靖七年授職益故子文顯由府庠生襲文顯告休子桂由府庠生納例授副千戶未襲子大欽襲攝司事

廣西名勝志卷之十

園中曹學佺能始撰

左江土司

潯州府轄 武靖州舊爲上隆州

南寧府轄 歸德州 果化州 下雷州 忠州

太平府轄 太平州 思城州 安平州 萬承

州 上下垌州 鎮遠州 都結州 全茗州

茗盈州 思同州 龍英州 結安州 佔倫州

思明州 羅陽縣 陀陵縣

直隸布政司 思明府 下石西州 江州 羅

廣西名勝志卷之十

白縣 利州 思陵州 龍州 憑祥州

武靖州在潯州府城西二十五里地名碧灘成化

三年總督韓雍以其地爲懸峽要害立州治時上

隆州土官岑鐸犯大辟下獄奏有其罪遷其部兵

二千人世掌武靖州事設疏官吏目一員尋復移

置崇峯大宣二里間爲夢水北岸乃紫荆竹踏梅

嶺大坤諸山要路也地廣土沃袤連大同鵬化足

以控制諸蠻岑鐸死于祀無嗣部兵漸散正德十

六年議以田州府岑猛次子邦佐維之時僅有部

兵五十人嘉靖五年猛亂安置邦佐漳州七年總

督王守仁撫平田州奏復邦佐知州事邦佐益無

忌憚占骨狼家爲部落以睚眦怨嫉諸猜攻墮營

壘目兵死者二百餘人時左副使翁萬遠奏議田

汝成言之督府數邦佐諸罪狀謂宜逮治削職以

武靖州改爲武靖千戶所推賢能軍職一人掌管

以平南桂平貴縣三縣狼家屬之提調編爲保甲

其於計便督府不從按今邦佐之嗣已絕潯州府

通判權知州事狼兵歸之桂平平南貴三縣俱如

翁田二公議

歸德州在南寧府城西一百五十里東西北三面

廣西名勝志卷之十

俱抵思恩界南抵隆安界宋熙寧中置隸邕州元

屬田州路洪武二年土官黃陞城歸附授知州以

流官吏目佐之

果化州在府城西北四百餘里東抵隆安界西抵

上林界南抵太平界北抵思恩界宋始開置果化

州隸邕州元屬田州路洪武二年土官趙榮歸附

授世襲知州以流官吏目佐之按已上二州俱弘

治間爲田州所侵錄因改隸南寧

忠州在府極西宋建隸邕州元屬思明路明典因

之土官黃姓其先江州之族有黃威慶者率子中

謹歸附授威慶江州中謹忠州各世襲知州設流官同知吏目佐之數傳至黃賢相先是有四峒者介于南寧思明思江兩州之間思明思州屢肆占奪嘉靖間副使翁萬達議改峒名四都隸南寧地方稍定隆慶三年冬思明府土官黃承祖奏取四都地賢相遂爭之擅立總管諸名目分兵數千戍守因縱令剽掠村落爲禍甚烈食事譚惟鼎謀之方伯郭應聘應聘曰是可間取也永康縣典史李材有謀畧時署遷隆寨巡備隣忠州惟鼎屬之以寨人覃惠內及材子夢辰潛入州中數往來貿易盡得其親近狀懇重賞問之其部下頭目傲思蒙裕輩苦賢相虐願內應惟鼎密爲手書諭二十四村及四寨頭目程秀等令號召鄉兵擒獻賢相諸所蓄積金穀器物悉聽自取而遷隆峒土官黃一元者素善賢相惟鼎度賢相必求救一元責之左謹計既定惟鼎令材等集兵三千有奇擁迫近地內兵遙望之以爲官兵至爭取財寶馬匹四散遁去賢相勢窮挈印奔四寨四寨村老就賢相語曰官家逮主甚急當詣官聽理賢獻殿位下自取孔雀血入酒飲不死材督諸鄉兵迫至會黃一元

兵亦至遂擒賢相及州印以督備指揮吳世勲鎮四都都民復業如故賢相斃于獄議設流官不果督府奏以州屬南寧令州印給賢相子有瀚襲下雷州在郡極西東抵龍英界西抵交趾界南抵安平界北抵湖潤寨宋元爲下雷州 明興印失廢州爲峒在湖潤寨屬鎮安府至峒長許永通調征有功始給冠帶傳許世烈許國仁繼襲峒事嘉靖十四年得獲舊印國仁子宗蔭襲宗蔭父子屢立戰功四十三年改屬南寧府宗蔭死于應珪襲萬曆十八年以地過交南奏陛下雷州降印授應珪土判官設流官吏目佐之

太平州在太平府治西北八十里東抵左州界南抵崇善界西抵安平界北抵養利界舊名瓠陽爲西原農峒地唐爲波州地宋置州隸太平寨元隸太平路我 明因焉其山則坡高龍蟠板茂嚴傍其水則有邏水隴水教水皆入左江洪武元年土官李以忠納土歸附授本州知州設流官吏目佐之

思城州在府治西北一百里東抵養利界南抵太平界西抵安平界北抵下雷州界亦西原農峒地

也唐置州隸邕州宋分爲上思城下思城二州隸太平寨元至正間仍併爲一州 明興因焉其山有邑曰山龍級山隴馬山胥眉山弄隈山其川曰流水入于左江洪武元年州酋長趙雄傑歸附授世襲知州以流官吏目佐之

安平州在府治西北一百里西抵龍州界東抵思城界南抵太平界北抵交趾界舊名安山爲西原農峒地唐置波州宋皇祐間析爲安平州隸太平寨元隸太平路 明興因焉其山曰顯山星山養山帽山其川曰大水小水合流入于左江洪武初

廣西名勝志

卷之十

五

上官李郭祐歸附授世襲知州以流官吏目佐之萬永州在府治東北一百五十里東抵養利界西抵龍英界南抵思同界北抵陀陵界舊名萬陽爲唐置萬永萬形二州隸邕州宋省萬形入焉隸太平寨元隸太平路我 朝因之其山曰馬安山香壽山連山武安峒其川曰綠降水喻黎水合流入于左江洪武初土官許郭安歸附授世襲知州流官吏目佐之永樂間征交趾死于軍子永誠襲上下凍州在府治西二百二十里東北抵龍州界西南抵交趾界舊名凍江宋置凍州隸太平寨元

分上凍下凍二州隸太平路尋合爲一隸龍州明興隸府其山曰青連山八峯山拱嶺山其川曰大源水流入左江洪武元年土官趙帖從歸附錫印授世襲知州以流官吏目佐之帖從死于福瑞襲永樂四年征交趾死于軍

鎮遠州在府治東北二百八十里東抵信倫界西抵向武界南抵結安界北抵果化界舊名古隴宋置州隸邕州元隸太平路 明興因焉其山曰筆架山天馬山洪武初土官趙勝昌歸附授世襲知州以流官吏目佐之

廣西名勝志

卷之十

六

都結州在府治東北三百三十里土官農姓洪武初內附授世襲知州設流官佐貳興鎮遠等州例同全茗州在府治北一百六十里東抵茗盈界西抵龍英界南抵龍州界北抵萬承界舊名連岡爲西原地宋置隸邕州元隸太平路 明興因焉其山曰端坐山獅子山其川曰澗水入于左江洪武初土官李添慶歸附授知州以流官吏目佐之茗盈州在府治北一百六十里西抵全茗界南抵養利界東抵萬承界宋置隸邕州元隸太平路

明興因焉其山曰帽山獅山其川曰澗水入于左江洪武初土官李鐵釘歸附授世襲知州以流官吏目佐之

思同州在府治東二百里東南抵羅陽界西抵萬承界北抵永康界舊名永寧爲西原地唐置隸邕州宋隸太平寨隸太平路 明興因焉其山曰明山中有巖相通曰敦厚山馬鞍山金星山壽桃峯又曰頻笏峯以其形似笏云其川曰綠零水入于左江洪武元年黃克嗣歸附授世襲知州以流官吏目佐之

廣西名勝志 卷之十

七

龍英州在府治北二百一十里東抵養利界西抵上峒峒界南抵交趾界北抵向武界舊名英山宋爲峒元爲州隸太平路 明興因焉其山曰筆架山巖山其川曰通利江源有三合流入左江洪武元年土官李世賢歸附授世襲知州割上懷州地入其版圖以流官吏目佐之

結安州在府治東北二百二十里東抵都結界西抵鎮遠界南抵龍英界北抵信倫界舊名營周爲西原農峒地宋置結安峒隸太平寨元改爲州隸太平路 明興因焉其山曰石人山石牛山其川

曰堰水流入左江洪武元年土官張仕榮歸附授世襲知州以流官吏目佐之

信倫州在府治東北二百三十里東抵都結界西南抵結安界北抵鎮遠界舊名那兜爲西原農峒地宋置安峒隸太平寨元建爲州隸太平路 明興因焉其山曰倚坐山其川曰呷卑水流入左江洪武元年峒長馮萬傑歸附授世襲知州流官吏目佐之

廣西名勝志 卷之十

八

思明州東抵思明府西抵交趾界南抵西平州界北抵龍英州界宋置州屬太平寨元屬思明路其山曰逐象山其川曰太子泉土官黃姓典思明府同族洪武黃鈞壽歸附授世襲知州屬思明府後因黃竑煽亂改屬太平○論曰黃竑神姦也身遭大誅世濟其兇而傳及四世猶併思明州而有之王法幾以不振夫阿失其柄馭委其御甚者爲其餌而陰庇其私尚可謂中國有人乎永祖雖有罪然思明州故其屬也爭地以戰上下相夷乃削土官之地畀其爭奪之下邑體統已紊彼安能俯首而甘心者始謀不慎爰以釀爭悲夫竑事詳思明府下

羅陽縣在府治東二百里東抵新寧界西抵陀陵縣界南抵大江界北抵宣化縣界舊名福利爲西原峒地宋置隸遷隆寨元隸太平路 明興因焉其山曰青山白虎山其川曰狀排江入左江洪武初土官黃宣歸附授世襲知縣以流官典史_{之佐}陀陵縣在府治東一百四十里東抵羅陽縣界西抵養利界南抵大江界北抵思同界舊名駱陀爲西原農峒地宋置隸古萬寨元隸太平路 明興因焉其山曰綠澄山那寔山脫拖山其川曰澗水入左江洪武初土官黃富歸附授世襲知縣以流

廣西名勝志 卷之十

九

官典史佐之

思明府古百粵地東抵廣東欽州界西抵交趾界南抵思陵州界北抵江州界漢屬交趾郡唐置思明州隸邕州宋隸永平寨元改思明路其山曰回團山風門嶺摩夫嶺其川曰明江有土官黃忽都者爲思明總管洪武元年忽都歸附詔改思明路爲府錫印授世襲知府設流官同知佐之子廣平襲廣平死無嗣弟廣成襲廣成死子調襲其庶兄瑛亦以捍禦功累遷都指揮使守潯州景泰間瑛老以庶子鈞襲嫡子錄怨間計於瑛瑛欲因而奪

之遣子震僞徵兵於思明夜襲瑛鈞殺之歸報於錄已而又圖奪嫡都御史李堂誘瑛錄執之震與子紹奔龍州錄死於獄邵人立鈞子道襲瑛度不得免時 純皇帝在東宮 景皇帝有子曰見濟瑛遣人入京先賂用事者乃具奏請立見濟爲皇太子 景帝大悅時藤峽賊方熾尙書于謙奏令瑛赴軍前討賊立功瑛以功進都督未幾 英皇復辟瑛自殺命發棺鞭其屍成化年間總督韓雍捕震誅之○炎徼紀聞云至今人言易儲事謂肅愍公巷舌而不諫始有甚焉而其子孫作家狀亦

廣西名勝志 卷之十

十

云景皇帝大漸時肅愍草疏請復辟欲上而不果是殆爲其祖父文過語正不當以也肅愍豈其憤耶所見或有一道焉第大學士陳循因夷酋之議而承以爲功肅愍不爲開陳人體何也其後鍾御史同章儀制綸廖少卿莊相繼請復儲被杖瀕死目之遺烈可勝誅哉 下石西州在思明府治西宋分石西州置屬永平寨元屬思明路洪武二年土官官閉賢歸附授世襲知州以流官吏目佐之 江州古百粵地東抵忠州界西抵龍州界南抵思

明府界北抵太平府界漢屬交趾號江陽宋置江
州隸古萬寨元屬思明路 明興因其山曰波
漢山其川曰綠眉水歸安水入于左江土官黃威
慶歸附授世襲知州以流官吏目佐之改直隸布
政司○羅曰縣在江州治東北宋建屬遷隆寨元
屬江州其山曰羅高山其川曰龍東水流入左江
洪武初土官梁敬賓歸附授世襲知縣敬賓死于
復昌襲未樂間從征交南被陷于福里襲

利州古百粵地東抵泗城界西抵安隆界南抵田
州界北抵永寧州界漢屬交趾號阮麗莊宋建利

廣西名勝志

卷之十

十一

州隸橫山寨元因其山曰白鹿山其川曰阮麗
水濛泓水土官岑姓者洪武初納款授知州以流
官吏目佐之隸布政司正統間知州岑顏奏本州
地二十五里泗城知州岑豹與兵攻占勅廣西總
兵官柳溥等及三司御史親詣其地諭以利害令
悉還所侵剽不奉命顏後請于朝第行鎮官開諭
耳豹終不悅攻殺岑顏及其子得奪去州印遂以
流官判官管州事數十年間屢經諸司劾奏移檄
遣官督追歷岑應岑接二世如故嘉靖二年田州
歸順那地土官岑猛等與兵攻泗城破其州擒岑

接殺之督府遣官按問追出州印嚴其宗枝無可
據者印發賓州貯庫地方兵民歸併泗城州

龍州古百粵地東抵太平府界西抵上下凍州南
抵思明府北抵安平其山曰馬傾山曰秀嶺其川
曰龍江漢屬交趾宋置龍州隸太平寨元大德中
陞州爲萬戶府洪武初土官趙帖堅歸附授世襲
知州以流官吏目佐之帖堅死無嗣姪宗壽襲已
而鄭國公常茂以罪謫龍州納帖堅女爲妾植州
事茂病卒宗壽以間有人告茂匿龍州未死者詔
總兵官楊文征之宗壽赴闕伏罪遂罷征宗壽死

廣西名勝志

卷之十

十二

子景昇襲景昇死無嗣以叔仁政襲仁政死子南
傑襲南傑死子源襲源死無子庶兄浦有二子長
相次楷相當立楷妬之謀岑氏以僕帛隊于璋詭
云遺腹而岑氏兄子猛方熾楷遂奏言璋實源子
當立爲相所篡事下督府未決璋賂鎮守太監傅
倫舍人王祥詭云有制猛僞檄調兵二萬人送璋
入龍州左江大震相挈印奔兕村都御史楊旦討
璋猛殺之相乃歸相二子長熾次寶相枝樞寶亦
枝樞相絕愛之曰肖我當立猛乃以寶去爲奴
嘉靖元年相死州人立熾楷弑之州人立其族弟

煖時王守仁提督兩廣募客岑伯高幸用事楷賂伯高言煖非趙氏裔當立者楷也遣上恩知州黃熊兆覈之熊兆黨伯高言楷當立以州印畀楷楷遂殺煖大亂州目黃安等潛往旧州購寶寶時爲奴楊布家十三年矣安等行百金購得之言之督府都御史林富謂楷勢已張母持之急乃令楷攝職俟寶長讓之楷復時時謀殺寶富諭楷令以印還寶寶謝以五千金益以腴田三十一村楷計寶弱易與不如微厚利而徐圖之遂聽命楷復求帝璋之子應育之令往來寶所寶妻黃氏思明府土

廣西名勝志

卷之十

十三

官黃朝女也貳於寶而與應通應乃厚結州目及遣人向武州乞兵自樹寶曰荒悍刑狡男子王良爲閹楷知良恨寶徵使內應良許之楷以千人夜至寶寢門呼良良開門納楷兵執寶寢所斬之以他盜聞應以兵千人桀擄州治并結黃朝自援都御史蔡經謀副使翁萬達圖之萬達謂楷徂詐未可速圖常應與煖寡慮可旦久擒斷其中堅然後可次第獲督府善之萬達行部至太平使人以他事召黃朝諭之計論應論死時諸言楷事者故不爲理州人大譁萬達愈厚楷時時稱楷勇冠軍可

當一面楷信之遂統精兵千人詣萬達言狀并以三十必村地獻萬達留語旬日楷寢慰弛不爲備部兵多以乏糧遣歸萬達召楷及州目鄧瑀等入見伏壯士劫之曰汝罪滔天宜自爲計楷死官必及汝子可爲書諭汝黨勿亂楷自分必死乃爲書諭其黨曰業已如此亂無益也可善輔我子以存趙萬達即杖楷斃之以楷書諭其州人時楷子匡時生四年矣立之一州悉定乃以十三村還龍州十八村隸崇善縣○諭曰按永樂間三將軍問罪安南由龍州度憑祥用扼交人之吭最後安南納

廣西名勝志

卷之十

十四

欽卽閣謝罪票票請命則二州固中國之藩籬亦人交之門戶也黎賊父子血染劒鋒莫氏主臣面縛道左州無老少能傳其事至于今爲烈哉州與交人小有反唇莫不盛舉英國之問罪司馬之受降用以屈伏其口彼亦北望鎮南之關如在天上豈金湯之足憑殆文武之繫賴耳登昭德之臺者其有遐思哉
撫藩土司志總序曰兩江黔洞舊爲荒服唐太宗時諸夷內屬始置羈縻縻州縣隸於都督府以其首領刺史宋參唐制析其種落大者爲州小者爲縣

又小者爲峒推其雄者爲首領籍民爲壯丁以落
籬內郡其酋皆世襲分隸諸寨總隸於提舉元豐
以後峒酋多寄內地納粟授大小使臣或敢詰關
陳利害至借補關職與帥抗禮爲招馬官者尤與
縣相狎子弟有入邕州應舉者招游士多設耳目
州縣文移求下已先知之與騎居室服食擬于公
俠其州縣雖曰羈縻然租稅不供威令不行寨官
非惟墮不舉職且日走峒帥之門握手爲市卽提
舉亦不復威重與之交關通賄其間有自愛稍欲
振厲諸峒必共汙染之使以罪去甚則醜焉故曰
贖貨則玩玩則無震非虛言已元以左右兩江羈
縻州縣俱屬南寧帥府分司帶轄而上下相通姑
息左甚我 朝受命兩江土酋東奔交關西緣牂
牁際滇之廣南莫不納土歸款願貢方物恐後
朝廷第因舊疆稍稍增省置各府州縣其長吏令
世世相傳諸佐與屬並爲鈐才郡有永州有目割
絕者始以流官代焉大都於彼歸正恢我包荒納
上則受請示則遣令無煩覆覈察勿絕而已間有
調發勝兵奉檄連伍解嚴還部輕者奪文襁重者
錫冠裳願屯種者予之膏腴且耕且守所以馭諸

酋之法其約束甚堅而綴系亦備至矣間有桀驁
不逞跳梁絕墨猶諄諄文告待其不悛然後加兵
姑以岑氏論如思恩之潯田州之猛泗城州之應
及接不數年相繼夷滅甚則覆其宗殄其子孫矣
夫夷俗剽悍如勢與狼急則相擊爭則相噬天性
固然但彼既授簪纓應爵上力足以齒生殺財足
以後上供養尊處優今諸部落莫敢印視彼亦視
中國之予奪爲戚忻榮辱豈願其子若孫中道而
殄哉故華以夷爲監亦自相監此前事之師已願
議者謂太平諸夷上壓而兵微一有不逞可更而
置其勢甚易若思明田州諸司封疆表於內地土
馬雄於近郊其制馭甚難欲稍倣賈生築建之議
因其勢而瓜分之斯不亦却顧哉然而未易言也
西南土司與交州爲隣交人所以悅首頓顙不敢
窺內地者以土酋兵力之強足制其死命也若自
弱其兵輕撤其陣恐中國之邊患有甚於上司矣
夫夷無常順亦無常逆惟視吾馭之何若余觀往
牒 國初諸土官奉約束一徵召惟恐不前正統
以後浸淫桀驁視文告若土苴則馭之得失異也
國初以重典懲貪人人重自愛故威令易行其後

史道維而多端中泊武弁視土官爲外府而墨吏以漁人收之卽襲一職進一階未有不以賄行者故土酋亦輕中國視若無人微發不以時至檀自攻殺無虛日我一有警又不得已藉之爲聲援我日益弱夷日益橫如奉驕子養遺雛欲其不決裂不可得已昔胡端敏守太平而諸土酋畏之若神明愛之若慈母則馭之道得也夫豈獨太平然哉

廣西名勝志之十

廣西名勝志卷之十

十七

雲南布政司 在京師西南萬有六百四

十里領府二十州二夷司十八

雲南古梁州之域而百濮之地也。延周書獻令曰西南產里百濮以象蜀以短狔是已蓋其時來朝有百國故稱百濮云今滇中爲鄯闡大理爲昆彌臨安爲甸町烏蒙爲牂柯皆百濮中之名。括地志云戰國時楚莊躋略地至滇因自王滇中及秦常頰通五尺道頗置吏而未盡臣服也漢元封初滇王降始置益州郡卽以王長其衆益州云者言于九州復益此上也後漢始漸除刺史以統其郡雲南總叙 一

縣最後乃有益州牧之名晉以下皆曰寧州有刺史領之隋曰益州總管唐曰姚州都督其實只羈縻而已迄于宋元爲蒙段二酋所據元氏稱曰雲南行省始郡縣之稍稍置宣慰司其間 本朝因之分爲四道其迤西者曰金滄道曰洱海道領大理永昌鶴慶蒙化楚雄武定永寧姚安鎮沅順寧麗江景東等府迤東者曰安普道曰臨元道領雲南臨安澂江尋甸廣西廣南曲靖元江等府其土官之有分地者長官司一曰者樂甸禦夷府二曰孟定孟良軍民宣慰司六曰孟養車里木邦老撾

緬甸八百大甸宣撫司三曰千厓南甸龍川禦夷
州四曰鎮康灣甸大候威達禦夷長官司二曰芒
市緬甸軍民指揮使司二曰瀾滄騰衝其山川形
勢則東以曲靖爲關以雷益爲蔽南以元江爲關
以車里爲蔽西以永昌爲關以麓川爲蔽北以鶴
慶爲關以麗江爲蔽故曰雲南要害之處有三東
南八百老撾交趾諸夷以元江臨江爲鎖鑰西南
緬甸諸夷以騰越永昌順寧爲咽喉西北吐蕃以
麗江永寧北勝爲扼塞識此三要者可以高枕雲
南矣又曰雲南二十府有三大江爲之界東北金
雲南總叙 二

沙江西南瀾滄江而二江之源皆出吐蕃流逕臨
洮而入麗江至南詔邇成周之世嘗合雍州于梁
州則禹貢謂華陽黑水惟梁州者言華山雖雍州
其陽黑水所經處爲梁州也黑水以內蠻蠻居之
黑水以外獐夷居之嘗稽古志陸終爲黃帝之所
嬖若水爲顓頊之所生產里爲湯亳之貢國濮人
爲武牧之征隊載籍昭然可以覆視矣待常類爲
通道始而唐蒙始開郡平緯書云神農有國地過
日月之表夫日表骨利月表青丘雲南比之猶爲
通封矣 州郡古名曰滇中詳見本府曰雲南詳

見本縣曰南中者常璩志自成都而言曰南詔者
夷語也譯爲王今蒙化府是蒙舍詔浪穹縣是浪
穹詔後移劍川州名浪劍詔鄧州是鄧賧詔蒙
次和山是浪施詔亦曰施聖欠詔麗江府是摩娑
詔四川建昌衛是蒙駕詔所謂六詔也又沉木之
種分九十九部有六詔統之沉木詳見永昌府○
其門戶有四曰古路即南路曰西路曰東路曰閭
道自邛雅建昌會川渡金沙江入姚安白崖者古
路也 常類略通五八道至蜀諸葛孔明始大開
之曰南道又曰石門道韋臯傳云石門者史萬歲
雲南總叙 三

南征所開也天寶中鮮于仲通下兵南溪道遂閉
至是蠻徑北谷近吐蕃故阜復治之由黎州出邛
部直雲南置青溪關始遣幕府崔佐時復從此通
南詔焉起瀘州泝永寧走赤水達曲靖曰西路
亦曰姚駕路唐天寶中出師山之元季始置郵傳
於此出湖藩轉辰沅經貴州曰東路肇自莊躋
而立驛則自國朝始由重慶綦江七驛至播州
又六驛至貴州曰間道乃武侯遺李恢開案分道
南征逐北盤江馬忠撫定牂柯皆由之凡此四路
皆由楚蜀而言若由廣西安南則岐愈多不能悉

○其官署有督理銀場道以治礦政有公議府以集衆思有譯宗館以柔遠人有武館以講武備而黔府則鎮守沐國建牙之地也其餘皆與他省同○其君長則有白氏莊氏段氏而慕逆若鄭若楊若趙若高不與焉若梁王則元宗姓也今存其梗槩以應下文○隋書云阿育王之次子曰弘德賈王莽洱之間號白飯王是爲白人之祖詳見趙州○白古通云莊氏後有名嘗羗者當漢元狩間與白厓王爭衡武帝乃立白人仁果爲滇王而隔嗣絕仁果傳十五代當蜀後主世賜姓張氏又雲南總叙

六

四

趙

十七傳當唐天寶世張樂進求遜位于細農邏四傳爲閣羅鳳國號大蒙家氏之興始此○其國封疆東至于銅柱鐵橋蟠桃曲榆東南至于交趾南至驃國木落山西至于太石西北至于吐蕃北至于神川東北至于黔巫八方之地屬以八演習從中國教令都曰苴咩別都曰善闡皆中國降人爲之經書焉傳十三世凡三百有十年其臣鄭買嗣滅之鄭氏三傳凡二十六年其臣趙善政楊千貞遁滅之而自立共三年段思平起兵討平之千貞走死○譯年運志曰段之先武威郡白人也有名

儉魏者佐蒙氏有功六傳至思平而有國改號大理時後晉天福二年也九傳至段連義當宋熙寧八年爲其臣楊義兒所弑自立凡四年高昇太起兵討之仍立連義之子再傳遜爲僧國人共立昇太爲主二年死復立段氏餘子正諒號後理國七傳至興智而元滅之段氏自思平至興智二十二至歷三百五十年元滅後理國得五城八府蠻郡二十有七設大理都元帥府仍錄段氏子孫俾世守其地○其貿易用貝滇載記曰貝者肥也方言也一貝曰莊四莊曰手四手曰苗五苗曰索九索雲南總叙

八

五

張

當白金一錢按古者貨貝而寶龜至周而有泉泰乃廢貝行泉王莽時大貝四十八分以上二枚爲朋直二百十六小貝三寸六分以上一朋值五十公貝二寸四分以上一朋直三十小貝二分以上一朋直十不盈寸二分不得朋每枚直錢三貨殖傳云貝五種大貝牝貝公貝小貝不成貝雲南所用小貝之尤細者郭景純贊曰先民有作龜貝爲貨貴以文采賈以小大簡易則賈犯而不過蓋用泉則有揀選之弊貝則枚數而已南中猶有太古之遺風歟

雲南府

附名

領昆明富民宜良羅次歸化

呈貢祿豐三泊易門九縣晉寧安寧昆

陽嵩明凡四州

春秋國語曰楚蚡冒始啓濮史記楚頃襄王使將軍莊蹻將兵循江上略巴蜀黔中以西莊蹻者故楚莊王苗裔也至滇池地方三百里旁平地肥饒數千里以兵威定屬楚欲歸報會秦擊奪楚巴黔中郡道塞不通因還以其衆王滇變服從其俗以長之至漢元狩初天子令王然于栢始昌呂越人等使聞出西南夷指求身毒國至滇滇王嘗羗乃雲南府志勝八卷之一

留爲求道西十餘輩歲餘皆閉昆明莫能通身毒國滇王與漢使者言曰漢孰與我大及夜郎侯亦然以道不通故各自爲一州王不知漢廣大使者還因盛言滇大國足事親附天子注意復使王然于以越破及誅南夷風諭滇王入朝滇王衆數萬其旁東北有勞浸靡莫皆同姓相扶未肯聽勞浸靡莫又數傷犯使者吏卒元鼎六年天子發巴蜀兵擊滅之以兵臨滇滇王始首善以故弗誅○四夷傳云天子以嘗羗問使者語不遜時白匡有名仁果者爲衆所戴乃冊爲滇王奄有全滇之地而

莊氏世絕矣及元封初使郭昌衛廣平其未服仁果始舉國降請置吏乃以滇爲益州郡仁果復長其人常璩曰元封元年使司馬遷南略昆明二年使韓說開益州授經教學故雲南有古漢學基焉上號曰益州屬縣曰滇池雙栢同勞同瀨連然俞元牧靡穀昌秦臧邪龍味昆澤葉榆律高不帶雲南嵩唐弄棟比蘇賁古毋掇勝休建伶來唯凡三十四復置二縣以屬越雋郡曰遂久曰青蛉置五縣以屬牂牁郡曰故曰且蘭曰平夷曰漏卧曰句

雲南府志勝八卷之一

二

町蜀建興三年改益州郡爲建寧郡以郡人李恢爲太守治味縣味縣者蜀之南中諸郡庾亮都督治也有明月社夷叟不奉官則官與共盟焉晉泰始六年置寧州以統南中亦在其處永嘉四年改建寧郡爲晉寧郡宋齊以還皆因之蒙段稱郡闡府元改中慶路 國朝改雲南府

昆明縣 附郭

漢滇池縣也元爲善州領昆明官渡二縣其後廢州而存縣已併官渡入焉 明因之按昆者夷大族之稱彌言滿也盛也言族大而且盛也音轉而

爲明○滇池一名昆明池在城南常璩南中志曰
滇池縣故滇國也有澤水週迴二百餘里所出深
廣下流淺狹如倒流故曰滇長老相傳池有神馬
交則生駿駒俗稱之曰滇駒日行五百里有水神
祠按志今浪裡海口西海口俱有龍王廟卽祀水
神者○華陽國志曰章帝元和二年蜀郡王阜爲
益州郡太守治化尤異神馬四匹出滇池河中其
露降白鳥見於是始興文學漸遷其俗九域志云
滇池亦名積波池周廣五百餘里盤龍江黃龍溪
諸水之所匯也稱南中巨浸焉今環池設河泊官

雲南府志勝八卷之一

三

五口一統志云滇池出不鉢蓮其花盤千瓣葉分
三色中池二島曰大小卧納下委爲螳郎川川水
縈迴安寧州治過昆陽州富民縣入于金沙江御
史鄧凌詩滇池三百里環列數州城是也○五華
山在城內上有五華寺楊慎滇載記云五花寺有
金叶菜市有銀叶秋恒璋金齒孝廉張含詩云五
華臺上望昆明淨練微茫似掌平故國欲歸歸未
得海風山雨一齊生○長春觀在城南隅元之梁
王府也世祖旣入大理擄段興智已赦之設都元
帥府於彼使還世守之以鎮撫其民人至元四年

始封皇子忽哥赤爲雲南王居省城其時雲南三
十七部都元帥寶合丁專制歲久萌竊據心設宴
次置毒酒中有勸農官張立道者陳留人以父任
備宿衛遷王府文學疑其事趨入見門者拒之立
道怒與詬王聞其聲召入言變王乃引其手使探
口中肉已腐矣是夕薨寶合丁遂據王座使索印
行事立道潛結義士十三人約共討賊刺臂血和
金屑飲之推一人走京師上變事露爲寶合丁囚
諸獄大匠提舉張忠率義士劫獄出走至吐蕃界
遇勘使至乃偕來按寶合丁及王府嘗受賂者皆

雲南府志勝八卷之一

四

伏誅其後以皇曾孫松山爲梁王至也先鐵木兒
之世乃與大理構隙至大二年梁王大破段光于
羅那關段光八代總管也詳大理○治東南有大
靈廟祀迦羅大黑天神依蒙氏之舊相傳蜀孔明
南征時立初名五龍 國初黔王重建易今名祀
周厲王諫臣唐葛周三入隋嘉州守趙昱蜀漢將
軍關羽趙雲其處有碑刻誓文曰碑卽仆蠻爲漢
奴夷人畏誓每過碑下輒以石檮之○明王禕墓
在城東二里洪武實錄五年遣翰林待制王禕八
年遣中書省叅知政事吳雲俱招諭雲南不下死

之初禱至雲南栢匪剝瓦爾密猶豫未決然雅敬
棉職留之忽漠北使至責梁王匿南使公遂遇害
于三市街瘞地藏寺北及子紳來求其藏則夷爲
墟矣詢於其處立表識焉雲以不從鐵知院改易
制書之請亦遇害殞于給孤寺雲子徽馳驛歸塋
○爨王碑在縣東十五里題曰大周昆明隋西爨
王之碑唐成都閭丘均文賈餘絢書按閭丘均與
陳子昂杜審言齊名武后時爲太常博士罷官流
寓南中碑碣多出其手○苴蘭城在縣北十餘里
楚莊躋築一名穀昌城按華陽國志穀昌縣漢武

雲南府志勝入卷之一

五

帝遣將軍郭昌平滇中因名縣爲郭昌以威夷孝
章時改穀昌志云梁王于穀昌城傍築王女城卽
此○盤龍江源出嵩盟州故邵甸縣山中九九十
九泉合流蜿蜒南入滇池○金陵河在治南盤龍
江水由金馬山麓流經春登里蒙段時隄上多種
黃花名迭道金陵○銀稜河在治西盤龍江水由
商山麓流過沙浪里南述府治蒙段時隄上多種
白花名繁城銀稜○雲津橋銀稜河水經其下通
濟橋在雲津西以銀稜河之濠水泛溢於市而不
可渡故爲是橋○高峽關在雲津橋北碧峽精舍

記滇海西斤舍舟登陸俗曰高橋稽之古志橋
曰峽以山形似泰峽閣也高峽與碧雞相望如箭
栝然楊用修太史別業在其下用修蜀新都人以
議禮詞戍金齒僑居于此自言曰余有別業在高
峽海岸景物奇勝程公明爲書帖子云春酒夜棋
難放客短籬疎竹不返山年七十三竟卒戊所用
修戊申中秋高峽風雨詩云人家一見海心浮彷彿樓臺似十洲不用梯雲引明月水晶宮裡度中秋
秋答高峽耆老詩云寒燈社酒醉鷄豚滇酒高峽
古義存策杖持觴相慰藉全勝子美在羌村銅梁

雲南府志勝入卷之一

六

張佳胤弔高峽楊太史詩一自投荒去終身瘴海
間風雲辭玉署歲月謝紅顏著作愁中盡詩篇病
後刪大名重死諫前席阻生還石表何因折泉臺
不可攀知無封禪草誰問碧鷄關僮僕將孤觀文
章獨百蠻空餘載酒處寂寞鎖青山○西湖在治
西周迴五里卽滇池之上流中積蘚藻俗呼草海
子傍有黔國別業名曰水雲鄉○東寺西寺俱在
城南巖巖對立塔高十有三丈俗呼白塔唐貞元
初弄棟節度楊嵯顛建東名常樂西名慧光元梁
王邀平章段功演梵東寺殺之卽此地也○按滇

載記段自興智失國以來元季喪亂中原多故於是十一總管出焉九代總管段功鎮大理城值明王珍來攻梁王遁奔威楚諸部悉亂功出兵破紅巾賊于關灘死者十七八又追至回磴過七星關而還梁王深德功以女阿蓋妻之奏授雲南平章威望大著留戀不歸夫人高氏在大理寄樂府促之其詞云風捲殘雲九霄冉冉逐龍池無偶水雲一片綠寂寞倚屏幃春雨紛紛促蜀錦半床閒鴛鴦獨自宿好語我將軍只恐樂極生悲冤鬼哭於是功歸而復往善闡人謂梁王曰段平章後來有雲南府志勝八卷之一

七

吞金馬碧鷄之心梁王始疑之召阿蓋主曰親莫如父母實莫如社稷付汝孔雀膽一具乘便以殪功功死猶有他平章不失富貴也主潛然受醢而退出以示功功曰我耻自傷爾父尚爲裹何造言如此三諫不聽明日王邀功過東寺演梵至通濟橋馬逸因令番將格殺之口功之子寶嗣職十代總管我洪武元年梁王七攻之不克乃講和泰隆寶爲雲南左丞未幾明玉珍復攻善闡梁王遣人乞師寶答書有云殺虎子而還喂虎母分狙栗而自詐狙公儼然虎就壁吞金印玉書乃爲釣

魚之香餌繡閨淑女自同掩雉之網羅况平章既亡弟兄聲絕今止遺一嫠一奴奴欲再贅華黎氏嫠又可配阿蓋妃如此事諾必借大兵如其不可待金馬山換作點蒼山昆明池改爲西洱海時來矣口通志載段功妻女詩雖褻夷語然其志可悲蓋主云吾家住在鴈門深一片閑雲到滇海心懸明月照青天青天不語今三載蘋花歷亂羅山秋誤我一生踏裏彩雲片波瀾不見人押不蘆花顏色改肉屏獨坐細思量西山鐵立霜瀟瀟酒口功女名羞奴嫁建昌阿黎氏于歸之日出閨中繡旗示雲南府志勝八卷之一

八

第寶曰自我省事之日聞父含冤卽繡此旗待汝今七年矣我至建昌收合東兵飛檄西洱以此旗爲符急以兵會鄯闡慎勿我違其詩曰何彼穠兮花自紅歸車獨別洱河東鴻臺蕪苑難經目風刺霜刀易塞胸雲舊山高連水遠月新春疊與秋重淚珠恰似通宵雨千里關河幾處逢口按踏裏彩者錦被也押不蘆花者乃北方起死回生草名也肉屏者略曉背也鐵立者松林也口螺山在城北童然皆石作深碧色蟠旋如螺髻故名下有洞名潮音深窈莫測有燃炬而入者行兩日阻水而返

滇池中望之惟螺山與碧鷄獨高螺山谷中有寺曰圓通窮幽極阻寺中亭謝靈運咸依厓穴而成○商山在螺山北連峰疊嶂丹翠絢目有鸞停鵲時之態有冷泉可以已風有龍祠祠東有龍泉觀山麓有湧泉寺 明鄧漢詩在山泉總好得地寺爲佳素木搖風檻幽花綉石崖一窺三藏義還詠八關齋未得空諸有情塵可暫排其南曰文殊寺五代時僧贊普見文殊大士現身卽其地建楊用修有文殊寺芍藥詩○進耳山在城西二十里有漢時廟祀以奉使而卒者栖神于此佚其姓名按雲南府志勝入卷之一 九

一統志云 太祖高皇帝有所謨畫未發而街市童謠之求其故知爲土地神所泄怒曰此神當遠謫雲南其後神憑滇巫於此山故俗呼爲進耳云○謝肇淛滇畧曰嘉靖壬午大理趙汝濂省試往淨耳寺卜遇異人出一劄示之曰此榜草有子名乎趙徧閱答無有異人曰知子端士將爲子易之卽空去第三名以趙名填上鈐三圖書而去揭曉日書榜至第三名羅侍御忽疑問二司答爲故家子素有才名侍御曰如此則私矣卽空榜易以趙名鈐三印一

如所見按大理無淨耳寺疑卽進耳之神○玉案山在滇池北十餘里多泉石山北有三泉如盆地上有玉案遠近佛刹攢列山有筇竹寺花木幽翳僧皆備頭陀行有終身未嘗下山者唐道南和尚詩松鳴天籟玉珊珊萬象常應護此山一局偈基蒼石爛數聲長嘯白雲開乾坤不蔽西南境金碧平分左右班萬古難磨真蹟在峰頭鸞鶴幾時還○玉案山頂有石棋枰其中凹處隱然如布子狀山又有圓照寺寺中杉樹皆合抱元至正年產小赤犬群吠遍野占云天狗墜地爲赤犬有大軍覆雲南府志勝入卷之一 十

境○白古通云阿育國王娶天女生三子長曰福邦季曰至德封二子于金馬碧鷄俾分主其地常璩云山有碧鷄金馬光景倏忽人多見之漢宣帝五鳳三年方士言益州碧鷄金馬之神可祠而致乃遣諫議大夫王褒求之其移金馬碧鷄頌云持節使者王褒謹拜南厓敬移金精神馬縹碧之鷄處南之荒深谿迴谷非土之鄉歸來歸來漢德無疆廣乎唐虞澤配三皇黃龍見兮白虎仁歸徠歸徠可以爲倫歸兮翔兮何事南荒也按山在省城外西爲碧鷄東爲金馬相距五十餘里其中卽滇

池顏師古云碧如鷄金形如馬也○金馬山不甚高綿亘西南數十里上有源泉長亭下有金馬關○碧鷄山俯瞰滇澤渌水千尋蒼厓萬丈下有碧鷄關相傳周惠王時有鳳凰翔集於此時人不識目爲碧鷄因以名山其神卽邃古東天竺阿育王長子名福邦逐神馬至此後土人立廟祀之此滇略所載○太華山在碧鷄西北下瞰滇池有太華寺稱滇城絕勝 明張含詩云滇國地形惟此最青霄樓閣迴招提山園雉堞籠金馬海撼龍宮浴碧鷄雲裡鶴巢松樹徧風前僊梵雨花迷諸雲南府志勝一卷之一

土

天不在藤蘿外中夜起看星宿低○近太華而環滇海又有羅漢華亭普賢諸寺皆經用修題咏其詩云碧鷄峰頭羅漢寺曾是梁王避暑宮飛錫迴臨飛鳥上片帆遙指落霞中慈雲法雨香陀淨剩水殘山象教空今古銷沉愁極目登臨迢遞送歸鴻荅趙少參載酒普賢寺云鷺寺敞初筵鷗波送酒泉沉陰幽卜晝爛醉滯回舫別夢昆明水離心蜀國絃還須忘歲月鬢髮任蕭然○海源洞在城西二十里中可容數百人四崖削立石乳倒垂疑成幻謫千態萬狀不可數計下有龍湫其水清淺

四時不竭流入鷺鷥池又注五里爲黑龍潭潭深不可測上有文殊閣及龍祠其西爲白龍池又十里曰橫山水洞屬高龍院村一山橫立如墻鑿山凹爲東西洞引泉以灌八村之田洞高五尺廣二尺自西跨東五十有八丈得泉二十二道宛蜒縈迂四千一百八十三丈若抱山而東赴若帶而縮若白龍挂雨偕山勢俱來若玉虹下飲潛入洞口而復東出○滇程記曰楊林達板橋驛號三亭實六亭貨始用肥板橋三亭而至滇省驛壁有題云滇海盈盈一水遙解鞍明日問歸橈還如謝朓宣雲南府志勝一卷之一

土

城路南浦新林過板橋○海口大河在治西南八十里記云金馬碧鷄東西兩山夾護商山北來而環列于前中開一大都會並受邵甸牧羊山諸泉及烏黑龍潭萊海海源洛洛河諸水滙爲巨浸延袤三百餘里軍民田廬環列其旁而洩于雲南稍西一小河又折而北不見其去故又名滇海云○寶象河在府治南源出楊林縣之上板橋分瀉至此注諸滇池○清侯井在布政司內大理時高智昇爲鄯闡演習官號清侯他日鑿井得泉而美因以官名泉闡西井在城隍廟內土人取之濯絲織

錦其色鮮明異于他水猶蜀之錦江濤井也

富民縣在府北一百里

初爲西寧州地唐貞觀中改爲梨州烏蠻西夢門始架馬舉龍城號梨溪甸元至元中立梨囊千戶所尋改今縣本朝因之其山曰靈芝在縣西南二里以元延祐初建寺山下闢基得靈芝五本因名靈芝寺併以名山○曰洞口在縣東南三里山下有洞水從其中出流經縣南入于安寧河○曰三卧在縣西十餘里謂顛卧魯卧蒙課卧也卧譯爲和○縣東八里有響石色青白狀如馬鞍擊之雲南府志勝八卷之一

十三

宜良縣在府東百五十里

初爲羅氏築城號羅哀龍城唐貞觀始置匡州領匡川等縣元初立宜良城及大池千戶所至元中爲宜良州領大池大赤二縣復降州爲縣本朝因之○按志有湯池赤水棚二巡檢因大池大赤舊名○華陽國志滇池有溫泉如越雋溫水蓋卽

湯池云今湯池屬本縣赤水屬昆明○志云縣東有山名客爭容鎮山也其西有竿箐山北有保紅山○諸葛洞在縣南小石嶺畔武侯嘗刻營其上

羅次縣在府西百四十里上知縣

古歷磨呂村也烏蠻羅部居之宋時大理使高白連慶主其地元置羅次州隸中慶路改爲縣屬安寧州本朝弘治中改屬府○縣東三里玉龍山有碧石竇湧泉如玉山以之名有寺亦名玉龍縣南五里九戌山有九峰高起亦名九湧山○縣北古城卽羅部城縣東百里有煉象關據滇程記當雲南府志勝八卷之一

十四

作棟椽○自古通云其麼則哀山兩山也俱在羅次縣一在縣西三十里一在東北四十里譯云子望母山○元史兀良合台傳云甲寅秋復分兵取附都善闡轉攻合刺章水城屠之蓋烏蠻也前次羅部府其酋高昇集諸部兵拒戰大破之于夷可浪上下遂進至烏蠻所都押赤城城際滇池三面皆水既險且堅選驍勇以砲摧其北門縱火焚之皆不克乃大震鼓鉦進而作作而止使不知所爲如是者七日伺其乏夜五鼓潛師躍入亂斫之遂大潰至昆澤擒其王段興智

晉寧州

在府南九十里
歸化呈貢二縣

晉隆安初始置實滇池縣地也唐武德初于此置
昆州併置晉寧縣蒙氏段氏皆爲陽城堡萬戶府
至元中復置今州 本朝因之以歸化呈貢二縣
來屬○州有內城蒙氏所築卽陽城堡也有外城
週七里九門十二衙店西寧州刺史梁毗所築在
州西北毗字景和安定烏氏人高祖時刺州十餘
年蠻夷不擾先是酋長皆服金冠以金多者爲豪
儁因而凌奪每尋干戈邊境無寧歲毗患之後因
諸酋以金來餽毗置金坐側對之慟哭而言曰此
雲南府志勝一卷之一

五

物饑不可食寒不可衣汝等因之相滅不可勝數
今將此來欲殺我耶一無所納而謝之於是蠻夷
感信終毗官不相攻擊○州南五里小石屏山多
雲氣上有五龍泉又五里爲光長山北瞰滇海山
腹穹洞扣之作鐘鼓聲○州東五里萬松山上有
盤龍寺元至正中有僧宗照入此山相地龍湫之
傍而建遷其龍于東巉忽日沐浴已跌坐說偈云
三成與三空何佛祖不道不破則便有能破則便
無投筆而化今有舍利真身藏塔中 明邵漢盤
龍山詩勝地不迴車將貽山靈請况值冬景霽乘

高展清眺涉澗漱潺湲寒蘿陟窈窕楚宛浮翠
含桃靜宜笑泉聲泄暗竇岩光發幽竅俯勝漸微
茫仰攀益孤峭心賞如素期沉疴卽已療○志云
萬松山卽盤龍山也有萬松蟠龍羅漢三寺又二
里有海寶寺 明楊用修詩浮蹤頻過晉寧州此
日初尋海寶遊漁父帆檣船作屋僊人臺榭石爲
樓峰頭極見長安日濯足直誇萬里流圖畫眼前
看不盡蓬瀛物外豈須求○城塚記云天女城在
州西晉李毅之女秀代父領鎮時所築華陽國志
太康三年罷寧州置南夷府以天水李毅爲校尉

雲南府志勝一卷之一

十六

持節統兵鎮南中總五十八部夷族都監行事大
安元年有五苓夷之亂毅病死子釗任洛還赶到
牂柯路塞停駐交州文武以毅女秀明達有父才
遂奉以領州事秀初適漢嘉太守廣漢王威威將
家避地在南又推威領南夷龍驤參軍秀獎勵戰
守食糧已盡人但茹草炙鼠爲命秀伺夷怠緩輒
出軍掩破首尾三年釗乃得達初毅死寧州無主
治中毛孟詣京師求刺史不見省孟因泣陳曰君
亡親喪幽閉窮城萬里訴哀不垂閔救旣慚包胥
哭秦之感又愧梁妻崩城之戚存不若亡乞賜臣

死欲自刎朝廷憐之乃以王遜爲刺史以釗爲平
寇將軍領南夷護軍討賊又勅交州救助之交州
刺史吾彥遣子咨援釗會五茶發夜郎莊王墓因
而討賊之及討惡徐剛夷數千落威震南方李雄
亂蜀使其叔李驤寇寧州遜使督護姚岳與戰於
蟠龍川逆寇敗之而不能獲遜鞭之岳怒甚
髮上衝冠冠爲之裂而死古土城內忠烈廟祀
女秀也唐人所立至今從之楊慎晉寧觀社將歸
留別詩云東臺北道苦相留花月春城夜色悠錦
傘夫人雙轍轉金輪太子四門遊九枝燈下開華
雲南府志勝六卷之一 七

宴百戲棚中奪彩籌南北相過殊未遠綠波紅嶼
舟○州東三里梅溪山之麓巨石上有龍馬
傳滇池產龍駒畫見于山夜入于水按史晉
武大元十四年六月朔寧州刺史費統言滇池
有二馬一白一黑出入水中民人董聰見之卽此
地○州西十里牛戀村相傳有異人牧牛滇海邊
牛夜入水戀草忽爲報曉牛盡化爲石至今水中
石像若牛形

歸化縣在州東北二十里

漢之安江城也昔有吳氏居之號大吳籠後爲夢

莫徒蠻所據元初隸呈貢千戶所至元中改置今
縣志有交七浦在縣東北二十里廣二百餘里蓋
滇池之下流也治南六里有白馬勒村舊稱平原
亢旱之地 本朝隆慶六年七月十三日有牧兒
忽聞地下如雷鳴驚視之則田中水湧高丈許急
歸呼其主往視之已成深潭惟有金鯉游泳其中
遂爲一方灌溉之利

呈貢縣在州北六十里

有古呈貢城世爲烏白夢門夢莫徒阿茶焚五種
蠻之居元初立呈貢千戶所至元中改爲晟貢縣
雲南府志勝六卷之一 八

我 朝仍名呈貢○治北有三山分位如台星呼
曰三台西南十五里有象兔山舊夷叟寨也治西
有伽宗城大理段氏使土官伽宗所築楊用修送
呂呈貢詩云鈞璫家世子真官千載清風紹灌壇
莫道枳鸞栖百里滇湖萬頃水雲寬

安寧州在府西七十里領祿豐一縣土知州董

漢益州郡之遠然縣也唐武德初置安寧縣隸昆
州蒙閣羅鳳叛唐以蘇閑阿哀治之大理段氏以
高酋守之元初隸陽城堡萬戶府至元初立安寧
千戶所後改爲州 本朝因之以祿豐縣隸焉○

葦陽國志連然縣有鹽泉南中所共仰滇程記云
安寧民食馬蹄鹽鹽產象池井今縣西北五里有
呀巉山鎮山也其水可以煎鹽州西古阿寧地有
鹽課提舉司轄鹽井四井在司治東西楊慎連然
新井贈張鹽司云連然新井自漢代孟堅地志分
明載昆池郡闡恣斟斟竿馬髦牛兼負戴松嚴張
子爲鹽官一軟不飲鹽井泉編瓶勿幕契易象鵠
夷樹車莫太玄脯苔甃爲朝夕添髮方瞳映金
碧井絡儲精下水衡新井忽穿盈百尺灶丁伐木
何丁丁聲聲牢盆歌頌聲君不見濁河九曲帶神

雲南府志勝

卷之一

十九

京寧知安寧之井徹底清○滇記云安寧州六亭
而達祿嶠卽祿脹驛地食釜鹽鹽產黑井宮盛首
戴任戴者皆黑鬢老者一人任葦人壯者二人之
事壯者任一牛之力○虎丘寺碑云安寧本古螳
螂川源自滇池繁迴縣治過昆陽富民下入金沙
江州北山麓舊有虎丘寺乃洪武中土官董賜叅
禮之所楊用修有寄舊安寧守詩云太守風流鬢
未霜梅花初月迴相望虎丘雲樹溫泉水却憶連
然似故鄉曹溪寺詩螳螂川水青如苔曹溪寺花
紅滿臺韶光滿眼莫辭醉幾箇扁舟乘興來○滇

略云滇溫泉至多而安寧州之碧玉泉爲冠在城
北十里許四山壁立中爲石坎飛泉注焉清可鑒
髮香可淪茗有坐石正方碧色如玉其上爲曹溪
寺傍溪而建一泉脉脉潮汐不爽倚山飛閣登之
可望百里諸山寺有曇花樹一林相傳自西域移
來扶疎百尺綠葉白花檳藥他種終不復活溫泉
之側有無名樹僅四五尺蟠根石崖四時不彫亦
不長 明邵漢暮春由碧玉泉泛舟螳螂川詩浴
沂歌點也降渚望湘君水向螳川盡山從鷄嶺分
魚床深映竹野碓靜春雲日夕樵風起蠻謳幾處

雲南府志勝

卷之一

二十

聞○州東十里洛陽山大理段氏鑿羅漢十八軀
於其上建法華寺以居之山下有泉流經東橋下
合螳螂水寺有遙岑樓登之可覽一州之勝楊用
修詩云羅綺絳山遊雲林意轉幽苔愁金屐齒花
妬錦纏頭陽燄紅將歛晴嵐翠欲流清樽興不盡
邀月坐岑樓○州西羅青山上有羅青廟廟前一
泉甘美異常又有海眼泉相去數百步一日三潮
隨湧隨涸相傳僧戒照卓錫所湧○滇略云古阿
育王有龍馬三子皆欲之王意在季子而患其爭
乃以轡私授之縱馬逸乃下令三子捕得者以馬

與之長子意馬渴必飲滇池仲子意馬必過甸中
伺而邀之俱不獲季子往東松林以轡引馬遂獲
之二子耻之長沒于碧鷄山下爲神仲沒于巖頭
曰上甸景帝季亦沒于松林卽金馬景帝也今州
界龍馬跳淵山并草溪井龍馬河卽其所經之地
石上蹄跡深尺許

祿豐縣在州西百八十里

古祿琿甸之白村也烏爨居之大理時高智昇使
子義勝治之元初隸安寧千戶所至元中置今縣
屬安寧州○滇程記云由祿脹驛八亭而畸達祿

雲南府志勝八卷之一

豐有老鴉關巡檢司有獅子口路迤臨祭諺云獅
子口十騎九下走有棟椽坡棠梨峭有草名金剛
鑽碧簪而蜎芒形肖刺桐孔雀是食其漿殺人用
脩詩曰十里棠梨峭三重棟椽坡老來疲執戟此
處幾停河南浦江離短東亭水荇多不堪回白首
新柳轉猶雛○縣西有蘭谷有六里箐楊大史詩
云六里箐何深千重樹如莽俯聽秋蟬鳴翻在幽
淵底澗水何滴瀝谷蘭香靡靡不見采芳人誰爲
枕流子鄧遠遊祿脹道中詩云攢峰七十二一一
排高穹前有獅子口後有驪琿籠五里一尉烽燧

密十家九家烟火空身披袍甲戴天工前者殺人
深箐中窮山日里行旅斷草木救靡虎鬪風○縣
西十五里南平山三面峻陟惟南稍夷故名縣東
北三十里姚陵山舊名驪宗龍山群峰之中此爲
最尊有泉及古營壘存一星宿河源出武定府過
易門縣而入元江在縣西界

昆陽州在州西百八十里領易門三泊二縣

地在滇池南漢之澤縣地也梁時爲土人蠻瓚所
據隋南寧夷蠻瓚降拜昆州刺史唐開元以前置
河東等二十一州隸嵩州改隸黎州後沒於南詔
雲南府志勝八卷之一

大理時高氏治此名巨橋城元立巨橋萬戶府至
元中改爲昆陽州以在昆明池之陽而名至元時
於本州置河西縣尋省入州 本朝因之○志云
石洞泉在州平定鄉小山下洞凡三出泉滙爲一
潭中產巨魚青白二色號隨龍魚土人神之不敢
捕○治西五里深林鬱藹者長松山也治北十里
昂然聳而還顧者望州山也西十里頂秀三峰奇
分八面者珊蒙果山也又有白鳥山在滇池側近
一名僊卧山○渠濫川在州東南五里東北流入
滇池 明鄧漢詩云渠濫川中水珊蒙嶺上雲

心不辭說倚柱待斜暉○又由昆陽泛滇海乘月一百二十里至高峽詩云乘槎厭山行方舟信海帆是時日高春輝輝蕩漾池雙槳蕩咿軋已覺風颯颯迴瀾漾空色透骨作深絀洪波浩無際孤烟生澹淡鵲影乍分布鷺玉時一颺峰巒互浮沒郡邑宛分泛細想浩劫初應共歷陽陷喧喧鳬鴈動孤光破鵝鵝明月出波間驪珠自吐吟流光屑圭璧分影過舩艦漁舩故輕迅往來疾於颺天高雲葉散夜久露華湛湖燈辨古寺潮音訴幽梵異境心頗疑端坐意彌憺不謂適徼外翻得凌汎濫

雲南府志勝一卷之一

三

三泊縣在州西北七十里

樊僚之居大理時隸鄯闡府元初隸巨橋萬戶府至元初於那龍城置今縣以溪爲名○縣西北十五里雲龍山四時蒼翠將雨則雲凝其岫縣西南十四里白鶴山其頂有白鶴巢之故名又十五里滑光習山山巖上有小城蓋蠻壘云縣北十五里葱蒙卧山上有漢人舊城彼土稱爲華納城城外有古碑題曰大周故河東刺史王府君碑按卽王仁求也仁求安寧州人在州以清淨爲理夷民安之卒塋于此山子善寶亦爲河東刺史河東州卽

今昆陽州楊州修有石椿村訪王仁求碑詩云唐代河東守周朝聖曆時土花封綠字石髮被金碑玄露磨猶卧嘶風馬自悲荒原誰過問郡乘不曾知又云鳴蟻古河東川原勢亦雄城荒吊華納山遠問葱蒙玉節埋天龍銀鈎刺畫蟲間丘名姓在縉雲仰清風其碑文爲間丘均所撰故用脩詩有刺史聲謠留郡乘太常文藻照桓楹之句均蓋仕唐太常也又玲瓏晴霽葱蒙市感栗秋風華納城皆河東州事用修蓋屢言之○山亭記碑在縣西七里小山中大理時高智圓建亭爲遊觀之所楊雲南府志勝一卷之一

三

易門縣在州西南五十里

烏蠻仲磨由男所居之地大理有國高福世守其城元立洩門千戶所隸巨橋萬戶府至元中改今名○縣北娘當山三峰秀聳舊名戈辰智補出縣

南五十里低黎巖高插雲漢下有平谷宜畜牧此山恒出異馬蓋稱西馬云楊用修集曰易門龍口洞余凡三遊之矣其初遊詩云滌池滙清泚陰磴蟠虛空上接朱明天下有馮夷宮天花從空來飛落酒盞中雲根翠蘚駭芝英紫玲瓏洞天與福地圖謀焉能窮暇日招勝侶言笑欻然同神遊脫鞵絆至音非絲桐振衣延異景展駕躡歸風高寒不可住塵凡嘆飄逢其再遊詩云石髓罡風結明珠茵露懸如尋小有洞終近大羅天月磴雲栖宿天窓日漏穿更逢句漏令重記赤明年其三遊詩云雲南府志勝一卷之一 五

又向浹源續舊題嵐消靄淨日平西磨崖擬刻三遊洞架壑如穿九曲溪瓊液劉郎休盡醉金屏謝妓待重携卧梅問訊開花不喜見繁苞照水低

嵩明州在府東北一百二十里

昔烏蠻車氏之居後爲枳氏所奪名枳磴漢時有築金城于此號其地曰長州因築臺與蠻盟改名曰嵩盟唐時蒙氏置長城郡宋時大理改嵩盟郡至元中改長州尋陞爲嵩盟府已降爲州領楊林邵甸二縣 本朝洪武中省邵甸成化中省楊林俱併入州仍更盟爲明○志云治北蛇山小而奇

形如盤蛇又十里爲彌雄山蒼崖疊出望之蔚然其壤腴宜粟蔬今名彌秀山○東北十五里羅錦山巖石文采若羅錦色有羅錦泉月豐里田禾賴其灌溉○州東二十里秀嵩山聳出霄漢環州衆山皆出其下俗呼爲鈴山蜀時孟獲立寨于此○又二十里款蒙山世傳蒙世隆征烏蒙得四女歸至此山四女遙望故鄉俯仰嘆息忽山顛霧起結爲三峰蠻謂三爲款注爲雲其山特峻登之雲南諸山悉在目中○縣西五十里林樅山春月山中開三色聚八僊花布蒲山谷土人來遊謂之登花雲南府志勝一卷之一 五

○州之中中和里兩泉對流名對龍泉百餘步始合入于嘉利澤澤在州東南十五里周迴百餘里水可以溉魚可以食卽楊林澤也又資善里有石洞高丈許其中出泉○廢楊林縣在州東南三十里昔爲枳氏車氏斗氏麼氏四種蠻之居縣東門內有石狀如羊元因立羊林千戶所 本朝爲楊林所有城週圍九四里○滇程記云自易龍所達楊林驛號三亭實七亭羅傍山枕楊林海子方如支郡三城有漁舟百十艘岸皆沃壤○按白古記云波羅傍者唐時佐蒙氏細奴羅出於澁江之側衣

錦袍執儒書教之以文厭羅刹之暴伏龍鬼之噴
山名蓋由此而立 楊慎有楊林驛詩楊林今日
是昭關白首拘留未得還漁父浣紗渾不見斷腸
今古淚潺湲題驛壁詩綠樹藏郵舍青山出峭嶺
宿雲開蒼蔚初日淨林丘平遠王維畫蒼茫杜甫
愁今宵明月滿爲報大刀頭 按楊林驛在州西
南二十五里舊楊林縣也縣南有竹雄山東有羊
林山西南十里有石若馬頭土人呼爲烏納山山
過百餘里西距呈貢東接宜良有水草宜牧○邵
甸廢縣在州西四十里其西北有東葛勒山高可
雲南府志勝八卷之一 宅
三十里爲南中之名山 升菴遺集云邵甸河去
嵩明六十里而遙有泉源二皆發梁山山之西北
一自牧羊村歷核桃村至高倉入河一自崛澤屯
入河二水交流至迴犁灣松花壩楚石過流入于
盤龍江帶滇池滙昆池滬流浸腴田始萬頃云○
州西南有漢人所築金城城南有諸葛亮與夷軌
盟臺又有南詔楊祐所築梅堂阿葛籠蒙琮籠白
籠集興籠諸城週迴相望爲犄角之勢

曲靖軍民府

在首城東北三百三十里

領縣二曰南寧曰

亦佐州四曰霑益曰陸涼曰馬龍曰羅

雄

漢益州郡味縣之地蜀漢建寧郡卽治味縣也後
分建寧置興古郡至晉並隸寧州梁時有爨賫者
據之分東西二爨曲靖定西爨地唐置南寧州亦
治味縣及改恭州爲曲州分協州置靖州俱屬戎
州都督府天寶末沒於蠻蒙氏置石城郡段氏因
之後爲摩彌部所據元初置摩彌萬戶府至元間
改中路後又改曲靖路陞宣撫司 本朝洪武中
曲靖府志勝八卷之二 一
改曲靖軍民府蓋舉曲州靖州之名合而用之云

南寧縣

附郡

釋詳郡下元初置南寧州後改縣 本朝洪武末
年省越州石堡山之地入焉○華陽國志建興三
年丞相亮南征改益州郡曰建寧郡以郡民李恢
爲太守治味縣及寧州建別置益州郡其後太守
李邊恢孫也與前太守董惺建寧人爨量其叛於
是刺史王遜表改益州郡爲晉寧郡又曰建寧郡
治味縣有明月社夷吏不奉官卽官與共盟于此
社也○隋梁瑒請略定南寧州疏竊以遠撫長駕

王者令圖易俗移風有國恒典南寧州漢世牂牁之地近代以來分置興古雲南建寧朱提四郡戶口殷衆金帛富饒二河有駿馬明珠益寧出鹽井犀角晉太始七年以益州曠遠分置寧州至僞梁南寧州刺史徐文盛被湘東王徵赴荊州屬東夏尚阻未遑略土民饕餮遂竊據一方國家遙授刺史其子震相承至今而震臣禮多虧貢賦不入每奉獻不過數十馬其處去益路止一千朱提北境卽與戎州接界如聞彼人苦其苛政思被皇風闢土服遠今正其時幸因平蜀士衆不煩重興師

曲靖府志勝

卷之二

二

旅神猱旣訖卽請略定南寧自瀘戎已來軍糧須給過此卽于蠻夷徵稅以供兵馬其寧州朱提雲南西爨並置總管州鎮計彼熟蠻租調足供城防倉儲一則以肅蠻夷二則裨益軍國謹上建南寧州郡縣事意有都督杜神敬昔曾使彼具所請緣今并送往○滇程記云白水驛達南寧驛號三亭註分水交水阿幢橋也實八亭交水川平可走輪蹄阿幢橋有大道達曲靖府號三义路走曲靖路有鐵溝哨守以盧荒夷蓋吏稱盧荒夷卽今猺羅之傳訛也猺羅女酋曰海六者統之有失則戍夷

共僭後當事者受其賂諸夷遂肆掠無忌行者怨苦號曰官猺羅云○城東有八塔雙井皆諸葛武侯建鑿以厭勝者又有青龍山山有寺鄧溪來遊詩云塵尾兼繩拂條然位置幽厨烟逼近市隍影入平疇種竹深防露移花緩得秋客心何所着到毘猺延留○城西有勝峰山嶙峋聳拔高出群峰其上有五雷廟歲以驚蟄致祭○城南有李元禮碑相傳李唐以黨錮事妻子門人流石城郡未詳○城北有武侯水閣有臨漪樓皆下瞰蓮池高臺曲水爲郡勝區○志云城東五里有東海子廣輪

曲靖府志勝

卷之二

三

五十餘里夏秋之交雨水汪洋故稱巨浸○城南瀾湘江源出馬龍州木容菁秋水時至有若洞庭瀾湘之勢故名○城北八里爲白石江卽沐西平擒元司徒達里麻處按通紀洪武十四年辛酉十月天兵自辰沅陸出羅鬼普定普安皆下之已出奇兵襲章節擊可渡河皆克時梁王栢匪刺兀爾密遣其司徒達里麻以精兵十萬拒于曲靖于是我師倍道而進未至白石江忽大霧四塞師衝霧及江而止霧霽則兩軍相望達里麻大驚以爲飛至亟擁兵陣水上侯別遣一軍泝流潛渡出其陣

後鳴銅角樹旗幟爲疑兵山谷間彼軍方亂乃趨
濟白石以猛而善泗者斫其軍而奪之氣師畢濟
整列而鼓礮聲震天侯繼鐵騎其中堅生擒達
里麻俘甲士二萬馬一萬潰卒棄甲斷馬尾晝夜
走乃乘勝直趨雲南寧王遁走滇池島中先縊其
妃乃投水而死其年冬十二月也自秋九月出師
至是百日而雲南平○曲靖之役元副樞燕帖木
兒與其妻脫脫懷氏閉門不納曰爾受梁王厚恩
兵敗不死何以見王乃燔其二男一女命侍者曰
我死爾舉火焚屋毋令見辱亦飲鴆死○志云負
曲靖府志勝入卷之二

四

金山在縣西南十五里山石皆青黑其頂石有穴
狀若馬蹄水深尺餘郡中童子初學書必投肥穴
中然後汲以研墨土人呼爲右軍硯池也其東北
一峰高百餘仞上有望夫石○南城村在縣南十
五里舊府治在焉尚有遺址廢越州亦在其處越
州本唐悅州其時領有耳泉等六縣後爨蠻以之
立普磨部元置千戶所改爲越州我洪武末始省
○爨府君碑在縣南二十里按志爨深興古郡人
晉永嘉中與將軍姚岳同破李雄者仕爲本郡太
守今南寧縣十餘里有興古太守爨府君碑其處

有洞二一名普賢一名觀音皆以其像肖○石城
在縣北二十里隋牂柯郡地唐爲莊州石城縣屬
黔州都督舊有一碑乃段氏與三十七部諸蠻立
誓之物○分秦山在縣東二十里舊名石堡山相
傳丞相亮與諸酋會盟處其下有溫泉澗二丈許
其沸如湯○真峰寺在縣西南二十里林鬱秀麗
花木繁麗亦與區也邵漢詩云其命登山展嘗聞
布地金櫻欄爲雨色巖壑應秋深酒禁寬蓮社玄
談欵竹林晚來風簾起浙浙助幽吟○寺碑略云
本朝正統中真峰有鏡中長老晝夜不寐者四十
曲靖府志勝入卷之二

五

餘年夜嘗以數珠撒地一一探之仍集成串以煉
睡魔後欲建寺卜地得龍潭祝曰爾龍須上山以
此借我寺成爾亦有功次日視之潭水已遷於山
頂矣今泉水滴溜流樹杪穿厨達廊其冽異常即
龍徙處成化中黔國公過宜良有皂冠緋衣來迎
左右不見公問此中有神祠否對有土神甚靈時
公尚乏嗣遣人禱焉夜夢曰世卿之貴須積功累
行者來尋而內人有娠一日公坐廳事見鏡中入
內俄而不見方異之報胄子生矣卽繼軒公也詢
鏡中化辰與誕辰不齊晷刻○滇略曰曲靖之夷

有黑白爨椎髻皮服居深山雖高岡磽確務力墾之種薄苦二蒜自贍畜馬牧養蕃息剔去尾骨二節謂之雕尾以此爲貴刻木爲鞍而無鞞剡木爲鐙狀如魚口器用竹筐木盤房舍飲食頗類漢人

亦佐縣在府東一百五十里

本夜直部音訛爲亦佐元至元間置亦佐縣本朝洪武初分越州之屈卽村入焉○治東有旱改山禱雨之所言旱時祭之卽改爲雨也○治西有矣屑山上有井泉居人利汲夷語以水爲矣因名曲靖府志勝不卷之二

霑益州在府東一百三十里

漢牂柯宛溫縣地蜀漢屬興古郡晉置西平郡唐貞觀之盤州也天寶末沒于蠻後爲摩彌部所據元至元中置霑益州領交水石梁羅山三縣本朝併三縣及越州入焉○晉常璩志西平郡寧州刺史尹奉置先是刺史王遜時蠻量保盤南遜討之不克及遜卒寇掠州下吏民患之奉重募徼外夷刺殺量而誘降李邊盤南悉平奉以功進安西將軍封遷陵伯乃割興古雲南二郡之盤江南如南零三縣爲西平郡○元公孫輔亂後傷懷詩云

驅馬霑益州南望滇海頭向來繁華地變滅如浮漚迥不見人煙但見河水流青山宛然在風景何蕭颯郡縣生荆棘汗萊曠田疇夜聽虎豹號晝顧麋鹿遊群鳥集戰壘野燐飛林丘灼灼道傍花只爲行者愁○滇程記曰昔安州達亦資孔號六亭實八亭有半納平山主人稱爲雲南波脫陀相續行石齒中土人曰我道掌平問亭哨隔閣兼山猶曰咫尺爾亦資孔六亭而達平夷至此西望山平天濤因以爲名自平夷六程而達白水驛有茶花簪多盜行者不戒而掠名曰張冷路有清溪洞面曲靖府志勝不卷之二

溪流中宵深炬火入之有浮圖龍象芝朶雲英諸相皆石乳融結又有桂花洞桂本百尺根蟠洞底枝出洞外秋華時香徹他山○廢羅山縣在平夷鄉乃摩彌部東境夷名樂蒙山○廢石梁縣在州東北五十里石梁山本摩彌部又名五勒部○越州衛城在州東南六十里衛南有永安橋衛北有鎮夷橋弄泥溪水經其下○交水村在州南二百三十里廢交水縣在焉其先摩彌部酋蒙提居之名易脈籠城後爲大理國高護軍所據元于此置縣○交水下流五十里爲交河謂合盤江螭溪二

水而名之也又十里爲交水壩其地爲平蠻鄉與塊步水合阿幢橋在其處又三十里爲太平橋長八十尺濶二十尺交河之水經焉○盤江有二源北流曰北盤江南流曰南盤江環繞諸山各流千餘里至平伐橫山寨而合焉州治據二江之間也州北百二十里有可渡河可渡橋跨其上州南二百里有東山河源出東山山色蒼翠如畫圖水下爲河河傍有洲平坦肥沃可百餘頃旱澇無虞○志云石龍山在州東十里山麓有石蜿蜒如龍形州南五十里有龍華山山上有龍華寺又二十里

曲靖府志勝

卷之二

八

有炎方山下有炎方驛楊慎詩云漢家舊是炎方驛元代訛稱火忽都玉斧無端分爨爨金甌何事汚羗胡登高身屬殷胥靡作賦誰誇楚大夫羸馬敝裘償路債嵐烟嶂霧了詩通口炎方距松林驛又八十里故用修詩內有炎方丹旭明松林翠濤頰之句○通志云開珊居集者霑益之烏蠻也精卜筮之學其法用細竹四十九根或以鷄骨代之

陸涼州

在府南一百二十里

漢將柯郡平夷縣之地蜀漢屬與古郡晉分置平

唐置陸涼州天寶末沒于蠻南詔時號落溫部元初內附置落溫千戶所屬落蒙萬戶至元中改置今州領河納芳華二縣我明因之倂二縣入焉○丘雄山在州東七里有方池水無盈縮醜山泉十八道一口黑龍泉○中涎澤在丘雄山下源自盤江經府東南合滿湘江至是匯焉十八泉與南淵皆注之○涎澤洲上有木柵義城在涎澤尾水連城郭南中之固城也○滿戍山在州北二十里相近有石背關○部封山在州西四十里相近有石門平曠沃壤石笋森密周圍十餘里大者高

曲靖府志勝

卷之二

九

數倪參差不齊望之如井俯仰側直千態萬狀東西行者穿其中故曰石門又東出數百步有離石馬狀類西嶽三峰有石墻寺在其處○陸涼衛城在州西南二十五里城週六里四門與府城等城南北俱有橋北橋在衛城西北芳華鄉跨南淵水上○廢芳華縣在州西四十里昔落溫部之地蠻名忻歪又名部封故名部封山也元初置千戶所後改芳華縣○廢河納縣在州南八十里蔡村中蒙氏有國置陸涼縣于此後倂于落溫部元初置百戶至元中改河納縣○河納縣西三十里有蠻

龍顏碑燹一名士德南寧州同樂縣人劉宋時累
官龍驤將軍鎮蠻校尉寧州刺史封印都縣侯○
又有燹雲碑在州南三十里雲建寧郡人仕魏累
官驃騎大將軍開府儀同三司南寧州刺史封同
樂郡侯按同樂亦味縣所分置者○滇略云燹夷
居黑水之內以其王姓燹故名今陸涼有燹王碑
云楚令尹子文之後受姓班氏西漢末食邑千燹
遂以爲氏其後世爲鎮蠻校尉晉燹深爲興古太
守隋燹亂史萬歲平之今其種類散處于滇各
郡依山谷險阻而居聚爲寇盜亦有與漢民雜處
曲靖府志勝八卷之二

十

畊稼納賦者男子椎髻去鬚佩雙刀喜鬪輕死
婦氏披髮衣皂貴者錦綉飾賤者披羊皮乘馬則
並足橫坐室女耳穿大環剪髮齊肩裙不掩膝男
子無貴賤皆披毳跣足夫婦之禮盡不相見夜則
同寢子生未十歲不得見其父妻妾不相妬忌疾
不識藥惟用男巫號曰大巫瞽以鷄骨占吉凶正
妻曰耐德非所生不得繼位若耐德無子或有子
未及娶而死者始及庶出及野合所生子酋長無
繼嗣則立妻女治事死以豹皮裹而焚之臘月爲
春節豎長竿橫設一木左右各坐一人以五落爲

戲多養義士名其可厚贍之戰鬪視死如歸善造
堅甲其利刃有價直數十馬者標鎗勁弩置毒矢
未沾膚立死官軍捕之則烏鼠散至于附近耕種
者患蠶絲僞及受市駟魚肉而不能自直也

馬龍州在府西北
七十里

漢益州郡地唐時沒于蠻名撒匡焚刺居之後有
盤瓠裔納垢部逐舊蠻而有其地至羅且內附于
元置納垢千戶所至元中改今州領通泉一縣
國初併縣入馬○滇程記云南寧驛四亭而達馬
龍馬至是脫昆蹄馬龍州達易龍所又名木密關
曲靖府志勝八卷之二

十一

號三亭滄浪白塔趙河也實八亭途經魯婆伽巡
司下板橋古城堡小關索嶺夾路多闔場花丹素
二采○中和山在州西南四十五里山有玄武觀
明都憲蔣宗魯記略云山發自宜良宛蜒起伏至
此結爲二中峰前後突兀左右層巒環列若旗鼓
狀後枕尋甸群山大海而小山曲水迴繞于前儼
然龜蛇盤辟又有僊人洞五龍潭上下平田千頃
雲南前衛屯兵數百家居之嵩明州幕趙昂至官
日嘗欲陟其巔衆謂上有黑虎樵采所禁竟陟焉
曰此山龜蛇成形神僊窟宅也昔聞太和山爲玄

修脩道之所有黑虎龜山茲非其驗歟少頃帝現
像中峰之頂昂與眾羅拜咸頌仰其處開山立室
事初就緒昂以老去令其子董成之卻漢遊中和
山詩明發孤猿叫朝躋宿雨收庄傾光自溢峰合
翠交流蕭緱懸車側頓承徒道周松嶼循碧達蘭
薄委紅稠霧濕花文掩陽休日氣浮抗莖高摧巖
飛線下垂漱草暖眠星鹿泉香飲竹飈絕蹊虛拓
架梯嶮曲分疇丘壑因依勝風烟吐納幽疏寮通
四望複閣跨三休反宇星辰入豐碑日月留奔波
隨物役聊浪亦天遊道向鴻蒙問珠令罔象求青
曲靖府志勝入卷之二 十三

出可終老底事更夷猶○州南六十里伯刻山多
怪石東南六十五里木容峯山其下爲木容溪流
注于府之瀟湘江西南六十里多羅山山石奇瑰
林樹茂密州之望山也州西七十五里楊磨山又
名關索嶺上有夷關○州城東爲東河城西爲西
河二水合流入尋甸府界○廢通泉縣在州西南
四十里通泉鄉本盤瓠裔納垢之孫易阡分居其
地元末爲易籠百戶後改通泉縣○滇略云土人
交易借貸無文字輒以木刻爲信析而分彼此各
藏其半亦上古之遺風然亦有變字如科斗狀惟

其類自用耳市以丑戌日爲馬說有兩毗者納垢
酋之後隱居各撰變字形如蝌蚪二年始成字
母乙千八百四十號趨出蠻人遵用以爲書法○
志云州出石燕有文大者爲雄小者爲雌能愈眼
疾

羅雄州 在府東南二
百七十里

昔盤瓠六子其一曰蒙由丘後裔有羅雄者居此
甸至其孫普且名其部曰羅雄元初內附隸普摩
所至元中割夜直部爲羅雄州隸曲靖路 本朝
因之○州治南喜舊村有溪亦名喜舊源出龍甸
曲靖府志勝入卷之二 十三

村流環州境西至普安州入于盤江溪東有故羅
雄州遺址○州西南十三里白螭山東南六十里
羅莊山皆材木之藪也州北八十里祿布山高二
百餘丈盤旋百里林木葱蒨峭石巉巖西北八十
里八部山高等祿布崗密入聳故蠻呼爲八部○
州俗事無大小必就巫師以鷄骨卜吉凶死不用
棺貴以虎豹賤以羊皮昇于野焚之會親友殺牲
祭享會者其族富則令人守之數月藏其骨埋
之非親人不知其處

尋甸府

在省城二百六十里
親領編戶七里

古滇國地後僕刺蠻居之號仲劄蒞源部烏蠻之裔新丁奪而有之至四世孫遂號新丁部語訛爲仁地部也蒙氏爲尋甸段氏改仁德部元初置仁德萬戶至元中改仁德府領爲美歸厚縣國初改尋甸軍民府省二縣入焉成化十二年土酋安氏兄弟爭襲殺始奏除流官改尋甸府○張志淳城池記略云尋甸外接四川內隣武定霑益諸夷元仁德府基在今城東五里其遷于舊治莫考朕時我洪武中改尋甸軍民府以安氏世襲知府尋甸府志勝八卷之三

統之成化丙申革置流官癸卯築土城嘉靖丁亥安氏亂入之遂剽嵩明鏐楊林艱木密馬龍構武定鳳朝文直逼雲南焚西門市舍省會大震戊子三月徵兵四集始殲之乃築城于舊治之右踰一澗又置鳳梧千戶所于舊治左之何見村○木密守禦所城在府東南六十里洪武初築卽木密關也滇載記馬龍州達易龍所號三亭實八亭途經下板橋關索嶺有戍守○治東半里有橋名獨欄雙橋又呼兩座橋治北有迎恩橋安銓之亂諸生馮世傑携母弟匿橋下爲賊所傷母

曰婦人見執賊手不若死僕曰世難不能庇母何以爲人與其弟相率赴橋下死○同時土民有趙愷必沙皆有能名賊欲得之愷登樓自縊闔門皆自焚必沙欲謀殺賊賊使人鳩之○勇克山在城西林壑高深夏月恒有積雪俗呼雪山其泉下注爲党俸溪里許爲隱毒山地多嵐瘴惟此開朗土人每以夏月避暑山中○城北三里廢爲美縣地名溢浦適呂賤甸方百里卽仁地之故部也近爲美有怒郎村村有金鞍獅子二山○冷水塘在城北四里一名矣部烏泉流入沙林甸○僊人洞在尋甸府志勝八卷之三

城西南四里內有神僊磴確石床石柱之奇深二十許里其下又有水洞○龍洞在城北五里層巖一石遺龍馬足迹于其上洞口恒集小雀名龍雀木葉落洞水中輒啣去洞泉所經田疇須之注爲螳螂河○月孤山在城東北八里環亘五十里又名鳳梧山鳳梧所名本此○三龍並泉在府西十里周圍石如砌就其泉穿山而出面對一洞可容千人地名法果兒○牌額洞在治東三十里自三岔河順流而下近河半里許卽洞也深廣約二丈高約丈五尺中有石笋及獸蹄鳥跡之形○阿交

合溪在治東十五里有二源一出嵩明州一出馬龍州至治東南五十里合流過霑益州界□踰溪之橋曰通靖四達之衝也長三十丈濶五丈在治東二十里○果馬山在城西六十里泉下爲果馬溪其別派流入昆明縣之龍巨江□果馬里有神祠祀大黑天神俗傳像自東川府飛來城東北三里亦有祠○三積山上有九十九泉按與嵩明邵甸交界其水入昆明縣之盤龍江又有鳳凰麒麟山與三稜皆在府峯之亦郎里地○怒勒峰有一水畜魚甚多上列六寨曰沙必郎曰折瑙曰則干

尋甸府志勝

卷之三

三

曰按竿曰怒勒曰納龜皆盜藪與霑益阿汪接界

○額吾峰上有清水塘亦有寨曰額吾竹圭束那

沙黑額峰有溫泉二泓齊山溫泉俗呼熱水塘在

城南五十里有溫泉橋長五十丈濶二尺跨阿交

合水上○那多峰有大石寨接東川府界下有

龍吐水以上三峰各有亂賊潛住在府治乞怒里

界○落耳山洞泉滴瀝不絕巖峰山產石蜜通滇

中之逕路也洗納山有熱水兩塘相對中界一古

樹如傘亭亭峰岡山上有龜塘其水澈碧四時產

龜已上四山在府治可郎馬之界又款庄馬界有

五葦山山下有古洞出泉普按馬界有梁王山接嵩明州界有海岳山接洗納龍寨○廢陽厚縣在城西百三十里地名易浪瀚籠舊屬仁地部元置党俸縣後改歸厚其地有溪亦名党俸有九潯九層城爲縣故址其西南有山名落隴雄綿亘五十餘里東有圭山秀如劍峰土人築寨其上名安樂城發不可卽○滇略云尋甸有野蠻以木皮蔽體形貌醜惡男少女多一夫有十數妻者持木弓以禦盜不事農畝入山採草木及動查食之無器皿藉食以蕉葉

尋甸府志勝

卷之三

四

臨安府

去省城四百二十二里

領州四曰建水石屏

迷寧領縣四曰通海河西嶠峨

官司八曰納樓茶甸曰教化三部曰玉弄

山曰虧容甸曰溪處甸曰思陀甸曰左能

寨曰落恐甸

古甸町國漢之甸町縣也屬牂柯郡蜀漢屬興古

郡唐為羈縻牂州地其後蒙詔據之置通海郡段

氏為秀山郡後為阿契部所居元置本部萬戶府

尋改臨安路 本朝為府○華陽國志甸町縣故

甸町王國名也其置自漢王姓毋漢時受封迄今

臨安府志勝八卷之四

有漢興縣及勝休縣縣有河水從廣百四十里深

數十丈地道記曰水東至毋撥入橋水毋撥亦漢

縣名○漢書昭帝始元間益州姑繒牂牁反遣水

衡都尉呂辟胡軍正王平大鴻臚田廣明舍鉤町

侯毋波大破之以功封波鉤町王成帝時鉤町王

禹與夜郎滿臥二國更相攻擊帝使大中大夫張

匡持節和解之甸町夜郎不服刻木作漢使射之

乃遣陳立為牂柯太守出益州斬夜郎王而甸町

乃服

建水州

附郭

唐為烏麼蠻地古稱步頭亦云巴甸每夏秋間溪

水漲溢如海夷語海為惠歷蒙氏築惠歷城即漢

建水城也元置建水千戶所後改今州 本朝因

之○府治歲月紀云皇明移元日月于強圉叶浹

之交辛之干龍尾伏酉殄顛遏劉臨安平徙治建

水寄釋官更祝犂大荒洛浹三百七十三辰弗遑

直通判許莘大懼弗職諮于司幕議合乃于農隙

建府治于中城基廣三百又六尺期歲紀也修倍

而加八九九陽之數也廳廡垂阿凡為楹若干塗

堅汗瑱腹而不丹胎民朴也鳩工屬邑齊民力也

臨安府志勝八卷之四

役興于暢月甲子遂成以礪之後甲浹二辰不踰

也僦工皆屬吏以能舉也嗚呼春秋謹於防興作

歲月筆而不削今大役告成微歲月何以示後通

判字師尹大名人籍于杭司幕郭善建水等州同

知李凡若干員○按府治元時在通海縣五里通

海附郭縣也 本朝移府治于建水州故以州附

郭而以通海隸寧州○建水在府城南廣五畝今

湮塞過半通志謂之建水池舊有龍宅人環居之

○府南回回村有龍井每正月朔旦水上輒游雙

魚府東門外有玉絮井水味甘冽造楮者資焉○

華陽國志興古郡諸葛亮平南中時分建寧牂柯地置屬郡七郡治溫縣志云府治西有溫泉每春暮郡人浴三日乃歸謂之祛疫又府東北三十里香林寺山下亦有溫泉一名香林泉通志曲江有溫泉發自山麓湯沸不可近引別流清冷者爲浴池澄澈見底按溫縣名本此○府治西有指林寺元人記略云其地始多林木居人嘗見一鹿指其中率衆逐之不得一異人出指其林中曰鹿處此非一朝夕何可捕也言既不復見咸以爲神相與立祠祀之甚靈著元貞間始建殿乃取前異事榜臨安府志勝卷之四

三

之以爲名 國朝有僧溫成住指林寺得悟一百二十歲乃坐化去沐帥璘詩云邊城公暇與偏餘躍馬來遊釋子家綠映隔窓羅漢竹紅開滿樹佛桑花山光水色如迎客萸葉檳榔當啜茶又得浮生間半日此身忘却在天涯口東城外接待寺有住持號鐵船戒鵬精專壽八十二坐化作偈曰鐵船渡苦海蝦蟇上樹枝若能悟此理便是出塵時○曲江古城在府治北臨曲江一築於漢一築於蒙曲江驛在治東北楊慎夜宿詩云曲江驛裡無燈燭殘月斜明覺夜深梁苑薄遊成滯迹并州客

含有歸音連營吹角鳴鳴起叩鼓持更統統流三十從軍今六十何時同隱蜀山岑○曲江在府東北九十里源出新興由岷峨經河西入盤江夏秋多水烟樹微茫孤舟往來行者利涉○瀘江在府治南源自石屏之黑龍湖東流入阿迷州南爲樂蒙州入於盤江盤江去府東北二百里合衆流入廣西府○古盤江縣常璩志云興古有盤町山又曰初爰量保盤南刺史王遜討之不克遜卒刺史尹奉募外夷刺殺量而盤南平乃刈興古雲南之盤江南如南零三縣而立西平郡○段氏古城一

卷之四

四

在城南五里瀘江鄉今無圻寺址一在城西二里之蓮花池○寶山距城西南二里相傳山產石如寶夜有火光故名又里許爲樂榮山山泥有香作餅炙之可食焚婦嗜之以爲美○白鶴舖前有白沙井土人甘之以爲第一泉泉傍有羣節墓元末盜起回回刺魯丁等四十一人栖山谷中誦經盜脅之不從遂皆遇害身首異處經宿自能合衆異之爲叢葬于此○石山蒙山在府城東十五里山麓有洞異龍湖瀘江諸水流入此洞復流出入阿迷州○巖洞去蒙山五里一名雲津洞山形綿亘

林徑縈紆衆水歸宿伏流會盤江達于南海洞口
空澗可容數百人前阻深潭無徑可通遊者循山
背行達中洞結橋而度列炬而入石髓凝結倒垂
千態萬狀蓋西南第一洞天也郭漢詩云句町古
樂國淵密鬱相繆飽開巖洞佳宿昔神已投紆鞞
巖岸側稍折瀘水右連蜷步脩坂硯硯陟窮岫篆
形近乃辨正似鳬鐘覆金鋪間綺錢歲稔著苔厚
旁穿小孔入奮作鼠穴關厚豁忽自異所恨非廣
袤信知長房壺別有一宇宙齒齒金芙蓉紛披若
可採繆乳五色龍躡蹠一角獸天人五銖衣宛然

臨安府志勝

卷之四

五

復蹇縹跼跌終不動默如証所授石室稍深入宛
轉象中葦几榻縱橫列穴處非結構仙者四五人
或坐或偃什丹竈何日封芝田幾人耨哀玉叩冷
冷百尺噴溫潤勺以長生瓢一軟勝芳酎金簡遇
不識形體如篆籀學道三十年茫然尚難讀中路
又以隔淙淙雨聲驟不知潛沫穿翻使衆流湊濤
石觸其聲鼓吹間一奏頗疑南海潮消息此深透
○萬象洞南明洞俱在岩洞之後明黃中記曰句
町洞壑率幽深窅突非列炬不可入茲洞盤旋屈
折不能二百步而仰開三寶天光晶晶可別鬚眉

蓋他洞所絕無也當口處僅一竅大如甕荒榛野
蔓翳之今年秋予按郡臨安遊萬象洞天過而疑
焉命從者從窳旁擊之聲遂蓬然中若有應之者
知其洞遂薙而門焉直窮堂奧豁豁曠衍可容數
百人奇形怪狀紛錯空寂令人心曠目炫應接不
暇昔人謂神仙之所窟宅非歟因名曰南明洞天
而系以詩云方外遺踪古洞天薜蘿深鎖翠微連
晴窓窈窕晶光入凍壁離奇滴乳懸白日雲醒龍
欲起碧枝烟暝雀初旋山林久秘無人識掃石留
題絕到年○判文山在城南五十里高千餘仞中

臨安府志勝

卷之四

六

有三峰削如筆架昔大理段思平外舅巽判居其
上因名學士王景常判山翫月歌云判山山上秋
月明判山山下秋水清道人持盃待明月氣壓泰
華吞滄溟姮娥靚粧倚碧井照見琉璃幾千頃興
來吸盡金巨羅舞袖徘徊弄清影景常名奎浙江
松陽人 國初以懷遠教諭累擢山西叅政謫戍
臨安詩文高古人士宗之後召還爲翰林侍讀預
修實錄有南詔稿○志云臨安諸夷居於西南境
外者曰幹泥蠻巢居林處治生甚儉家積貝以百
二十索爲一窖藏地中將死則囑其子曰我平生

藏貝若干汝可取幾許餘者勿動我來生用之傍
郡者曰烏鸞母雞獾獠等蠻性悍形陋潛匿
山谷惟事剽擄一言不合引刀相判死則以財物
償之○華陽國志云興古郡多鳩獠獠特有瘴氣
自梁水興古西平三郡少殺有桄榔木可作麵以
牛酥酪食之人民資以爲糧欲取其木先當祠祀
○梁水郡置在盤江南管二縣曰梁水縣有振山
出銅曰貢古縣有米山出銀鉄銅鉛又興古有律
高縣縣西爲石空山東南盤町山俱出錫故滇略
云錫則臨安者往最上者爲芭蕉葉扣之聲如銅

臨安府志勝入卷之四

七

鐵其白如銀作器殊良○郡國志云興古郡有大
蛇長數丈尾有兩岐如鈎在水中以尾鈎取岸上
人馬食之木有古度不花而實實從皮中出大如
安石榴色赤可食實中有如蒲梨者取之爲粽數
日不煮皆化成虫如蟻有翼穿皮飛出俗謂之無
花果楊慎古度賦曰有木詭容在句之東脩穉盤
壤巨幹撐空闕華青帝垂寶玄工蓐收傳紺屏翳
粵紅子穿皮出房殊卉叢膚無纖蠹腹育飛虫又
曰垣比景灌茵露果呈燭葉雲布栢榴相思爲黨
降平仲君遷爲朋故君子識之是曰古度○南方

草木狀云興古有果名劉三月花七月熟其色黃
其味酢又有豈蔻樹大如李二月花七八月熟
乾剝食其核味辛香○荔枝臨安有二樹其一近
北山寺大可合抱一在王叅戎別墅僅六寸徑熟
以三月形味皆劣於閩廣又有龍眼一株味甘差
似嶺南然此三樹之外土人百計種之不育也

石屏州

在府西
七十里

蠻名舊欣猶漢言林麓也唐烏麼蠻所居築城名
末來宋時阿刺蠻奪而據之闢地得石坪聚爲邑
居因名石坪邑元改邑爲州屬臨安路 本朝改

臨安府志勝入卷之四

八

坪爲屏改路爲府屬焉○吳龍湖在州東有九曲
週百五十餘里湖中古有三島其中島名小東末
城今呼它斷山小島名孟獲龍有蛇虫不可居昔
蠻酋流罪人於其中大島名和龍湖立城其上漢
名水城四面皆巨浸東流入于瀘江○又州西二
里有大龍小龍二井相去不遠其泉會流入異龍
湖○州北五里有乾陽龍祠所以禱雨又有吳敏德
木鬱葱山麓有乾陽龍祠所以禱雨又有吳敏德
祠唐時建今徙于州南州南有五塘溝五溫泉注
之以資灌溉○州東十五里有萊王山產佳石如

王州南二十五里有鍾秀山產紫石可以硯山高
三百餘丈綿亘百餘里其西北有寶山產石如圓
珠口鍾秀山有砌條石蠻人呼鹿爲砌呼石爲條
猶華言鹿石也其高七尺左右各一石高二尺形
如狗逐鹿狀明楊宗詩怪石三駟得地靈曾聞戎
獵此中經韓盧疾疾飛沙草麋鹿呦呦食野萍蒼
莽埋雲千古秀莽蒼者雨四時青發踪指示人何
在一枕眠蕉夢不醒○州西八十里有龍馬蹄石
高四尺圍六尺上有蹄跡傍有四山石爲風伯龍
師禱雨響應爰尚忠詩力戰曾勞汗血軀山中風
臨安府志勝入卷之四

九

雨老麋無巉巖此日留踪在奇骨當年待價沽雲
路不辭千里遠霜蹄肯受一鞍驅房星落地無今
古疑是周王八駿圖其處有落矣河濶三丈源出
元江府西流入虧容甸

阿迷州

在府東南
百二十里

漢以前蠻阿審者居其地華音訛爲阿迷元初立
阿審萬戶府至元間隸南路總管府大德間隸臨
安廣西元江宣慰使司 本朝立今州○明鄒應
龍州城門說云東曰儲澤于時爲春取春陽布澤
之義直門一溪其流洶湧塘以蓄之俾無滯漫正

南離方故曰陽明以州在南山之阿也西拱秀山
是名峰麗龍潭環湧于外而盤江自西南發源合
南洞水泉諸水會焉故曰池抱此予命門意也寶
鄔淺無關于政或云儲澤者門對東山諸除賊也
池抱者北有水下之警諸抑暴也陽明者聲名洋
溢也峰麗者西方于時爲秋賦成而民阜其豐利
乎○按東山卽烏充山去城東十五里嘗有烏集
其上故名烏充山云西有祿豐山祿豐山之西有
蓬和山三山相連環抱郡治○州東南有買吾山
明巡撫鄒應龍東征至此山忽雷擊連賊數人乃
臨安府志勝入卷之四

十

易名雷公山其地有通靈洞卽南洞也鄒中丞記
略云阿迷郡南有岩穴數處舊爲通敵予輕騎率
帳下士縱獵其場大蒐之山蹊坳曲步行且覈至
一洞懸石崒聳偉詭譎迴迴樹根盤擎亂結條上造
霄藤蘿纏挂如蓋下有湧出分兩派注之溪會
歸盤江馬洞門橫可容三四人予去戎服佩珥俯
僂入列數炬前導初入逼仄下則水石交砌足踏
蹶徐捫壁登一石磴力蹕之上頗寬敞面懸石柱
數四垂者倚者植立者變態叠出地皆沙石水痕
鱗次氣蒸蒸如鬱再歷十數步一孔豁然透天日

心目爽朗又旋繞之如經數堂中一處更高廣龍
驤鳳翔鐘鼓懸列紆舒屈曲珠纍乳滴湯淫琬璵
神鬼怪異真奇境也南崖下黯渺漂沓火燭之則
見橫流洶湧波驚浪躍如決奔馬淵忽瀆瀑皆不
可測志所謂以石投之深而雷鳴者遂由故道出
距岩而直左傍石有標題曰南洞咸謂距此尚有
三洞云○州有枊廣城凡三所一在州東南二里
通安橋前宋時僂智高奔竄狄青使其將楊文廣
追之屯兵於此一城在市坪舖一城在石頭寨○
州之樂家河源出石屏異龍湖至建水爲瀘江而
臨安府志勝大卷之四 十一

寧州

在府東北一百八十里

領縣二

漢爲益州郡之符都後改沈黎郡晉梁爲南寧州
地唐初析置西寧州貞觀中改黎州天寶末沒於

步雄部蠻號其地爲浪曠華語爲旱龍也後步雄
服於爨蠻乃割浪曠與寧會丘圭於是仍名寧郡
元初置寧部萬戶府後改寧海府至元中改今名
隸臨安路舊領通海峒峨西沙三縣西沙在州東
寧會世居之其裔孫築城於此名西沙縣後省入
州 本朝以通海峒峨二縣屬焉○通志會西沙
所築西沙龍在州之老寨後大箐內會語呼城爲
龍也西沙縣故址在州南二里仁善坊內張海詩
云孤城西壁擁層巒繞郭芙蓉秀可餐翠挹烟光
春作雨清分嵐氣曉生寒繪圖有客如摩詰高臥
臨安府志勝大卷之四 十二

何人似謝安拄笏釣簾看不盡酒腸應覺許多寬
○浣江在州西南三里水從晴龍潭流下兩岸綠
樹清陰爲行客餞別之所○爪水在州南志謂浣
江之水流自北角思永之水流自西角轉而東南
下矣冲之水與之俱會於茶部冲形如爪字故名
按思永河卽城南四里海眼泉也○高河在州西
南四里團山頂外臨中窪周二百餘步澇不涸雨
不溢○渴池在海口海眼之中水甚清澈熱如沸
湯每歲秋冬鄉人羣赴浴焉○武石仙迹在城西
十里道傍石凡三其一似人足一似研一似棋局

○顛岩泉在州東北十里兩岸相對下有溪澗一
泉自山巔下如瀑布謝溥詩云飛流一瀉落巔岼
百丈人看挂素紈王尺休疑量度易金針須信裂
縫難林穿濺沫跳珠玉壑漱清音響珮環幾欲臨
流揮彩筆尚餘錦繡出毫端○通志陽暮山卽三
龍洞山也三洞俱在山腰上洞崆峒廣敞如大厦
深入莫測內有巧石盤紆如龍如柱如鐘磬鏗然
有聲中洞亦廣濶有石如佛像下洞臨溪湧出多
魚鰕之屬隨水去來山多夕陽倒景作金紫萬狀
○碧玉峰在州北十五里岩石磷磷下瞰撫仙湖

臨安府志勝八卷之四

三

波光涵浸如碧玉傍有石如懸鐘又名石鐘巖今
路居村有碧玉祠鄧漢望撫仙湖詩端居抱遐寄
閉戶生烟雲何況舉開處遙天沂云霜華斂淨
衆日氣澄曉氛木落洲渚出魚龍了可分仙人披
綠髮下來濯清芬聯予不得說疑是扶桑君自註
湖有峰如仙子狀按志當是孤山山有海瀛寺王
紹宗詩泛棹撫仙湖扶筇海瀛寺烟景似金山鐘
聲到江次○登樓山在州東南二十里高可千丈
袤八十餘里遠近之景舉在目中其巔有池方百
步皆有翠鳥翔集每葉落水面鳥卽銜去蒙氏有

國封爲東隅之神山形如文字一名文峰又有木
角甸山產蘆日石在州百三十里之備樂村

通海縣在府東北一百五十里

漢時阿閼蠻之居一名阿亦又名尼郎唐蒙氏立
通海郡卽度使於此宋段氏所稱秀山郡也元初
爲通海千戶隸鄧州萬戶府至元中改通海縣
本朝因之○通志云通海湖在縣北境源自河西
縣來注於此周圍八十里似環而缺俗名海子古
時水渴不通有神僧過此於縣治東北二里石筍
叢立處以錫杖穿一穴水始舒洩通海之名本此
臨安府志勝八卷之四

古

今穴猶存○秀山在縣南六十里一名青山列翠
如屏障下瞰長河卽海子也山半有判府泉亦因
段氏爨判而名泉味甘冽飲之令人肥皙其麓乃
是秀山泉韓宜可詩突兀峰巒入翠微白雲如練
久相依祇堪仙子裁春服曾與君王補袞衣風裏
卷舒還有態眼前聚散本無機一從醉抱山頭石
未得從龍萬里飛按宜可字伯時會稽人洪武間
以山西布政與括蒼王奎俱謫臨安故其詩多寓
意○秀山頂有湧金寺王景常重修記略云踰滇
以南深淵絕壑惟通海爲最勝環通海數十里峻

壑遙峰琅玕琪樹惟秀山爲最勝據秀山之奇曰
浮屠者三湧金爲勝仰射天光俯臨巨浸城郭居
室之壯盛山林島嶼之蟠虬長鐘暮鼓隱隱疑在
天上也若其蛇蟠扶輿綱繻轉轉出入眇忽四時
昕夕雲霞嵐霧盪摩曳擊與松風蘿月爭爲光霽
真諸天梵率之宮豈人間世所恒有哉辭曰雲南
會區星土有哉井鉞參旋胎胎凝結神局見鑿鬱
爲寶林旣晦於古聿彰於今相時鐵牛載朴載斷
暨於月智曰丹曰腹東厓矯矯營山之椒湧金有
暇岌業層霄一時聞望歸於慧庭守道不二觀於

臨安府志勝

卷之四

五

厥成猗歟鏡涵志行員堅一鉢一錫萬里朝天松
枝南指飛錫聿至貫金泉湧棟宇山委遂殿寶林
遂開湧金遂亭積翠盪軋陽陰云云楊慎詩云驚
頂金波湧龍宮玉鏡分芳臺淨旭日芳樹翠朝雲
日暇華簪集天空清梵聞空林且花事綠酒映紅
隴○清涼寺亦在秀山元僧鐵牛開山建寺有五
日湧金曰懸雲曰妙高曰普光而清涼居其一也
每峰巒一疊而寺各一蓋彷彿五臺山而名之

河西縣

在府西北一百八十里

唐於姚州南置西宗州領三縣河西其一也天寶

後沒於蠻爲步雄部後阿獒蠻奪而居之名其地
曰休臘元初阿獒部內附卽其地立萬戶府休臘
隸之至元中改河西州屬臨安路已改州爲縣相
沿至今○縣北琉璃山元時土酋建城砦其上凡
三層○縣西五里螺髻山以峰尖似之尖有丈許
石塔塔前有池中多蓴菜螺獅每晨輿雲覆其上
土人立螺峰祠云在螺髻村中○又五里爲佛光
山山形中高頂圓左右稍下而秀削如佛光○縣
東有翠微山寺曰慈蔭北有龜山其狀甚肖有龜
山神祠○東北碌碌山多石近溪四圍皆水卽碌

臨安府志勝

卷之四

六

碌河也通海湖之源出於此水自水磨村流來周
圍八十里中產魚族甚繁味皆美其處有碌碑村
村中一石如人遠望尤肖呼爲石姥有石母廟○
縣西有川名曰山後川延二百步袤百許步深丈
餘四週植柳柳陰中弄影清碧可人○縣東南二
十里轆轤管有東湖延四百步袤三百步其北有
西湖延百步植隄蓄水所以溉田○縣北有三龍
泉以晨汲者見泉中一物如蛇而三頭故名縣西
南十里有九龍泉延百步昔有密僧善降龍龍有
九頭立廟以雩之又縣北百里有龍馬寨相傳古

有龍馬現此

嶧縣在府西北二
百六十里

漢爲益州郡地晉屬南寧州唐時爲嶧倪蠻所居
號嶧我部後爲阿獒蠻逐而據之元初內附立嶧
峽千戶所至元十三年改爲州領弔川平甸二縣
其後州降爲縣以二縣爲鄉屬臨安路 本朝因
之○弔川鄉在縣西北九十里山麓有洞泉自石
門中流出平甸鄉在縣西一百七十里又五十里
興衣鄉有遂巖深遠廣濶直巡檢司前○唐嶧倪
寨在縣西北四十里元時建基址尚存又云古縣

臨安府志勝入卷之四

七

治在縣東北二里嶧山之陽也○縣南有南寺
亦名如是菴明周登南寺鐘聲詩梵王樓閣遠座
焚一枕蒲牢曙色分東谷響傳西谷應上方聲徹
下方聞翻經臺落髮婁月洗鉢池封淡淡雲回首
桂峰村舍近隔林鶯起幾鴉羣○桂峰山在縣南
二里高峰峭拔上多桂樹故名下有橋橋頭有祠
並依山谷與桂山相連爲龍山山下龍泉四時不
竭一云卽溫泉也○縣西南九十里怕念鄉有五
鳳山五山連峙其勢如飛山麓有洞深廣可容數
十人名鳳山洞○近縣之山有若屏風者有若旗

鼓帳合者各以形似得名○縣西十五里三元洞
兩山並峙東西二門高十餘丈中可容一二百人
洞三層上層光明透徹中層光不及之但有奇石
異狀下層如平田坳坎中一水穿過沁爽宜人○
合流江在縣東南一里兩水異源一自新化州流
至當縣北爲大河一自石屏州流至當縣南爲小
河會流至於府治之曲江○丁癸江在縣西北二
百五十里源自三泊縣流來其水洶湧空濶居民
剡木爲舟乃可渡

蒙自縣在府東一
百五十里

臨安府志勝入卷之四

六

地接建水有唐時百夷所築故城南詔以趙姓者
守其地宋爲阿獒所有元初歸附置蒙自千戶所
後改爲今縣○境內有山名目則漢語呼爲蒙自
縣所由名也山在縣西三十里橫列二十餘峰多
巉巖怪石明何應春詩萬壑疊峰巒孕紫烟重來生
意滿陂田清風泉自龍湫發落日人從鳥道旋遠
浦新晴飛白鷺疎林殘暑咽寒蟬夷民村落常更
置幾處荒基蔓草芊○雲龍山在縣東三十里王
景章記云踰蒙自三十里而逢四山蟠束如奏若
蒼虬行天百靈景從蜿蜒飛舞可愕可愛前出數

里林木蒼鬱拔起如画路人指是名石室中可坐
千人又前數十里石巖嵌上而削下有峰蔽日營
戶其陽土人利之周旁有石洞一鑄啓牖上平經
行者夜宿其中足容百人無虎豹蛇虺之患其前
危峰十數岑崟雲表隱若城壁風松語天半可壑
不可仰一逶迤側入其中皆山箐廣數十弓袤
數里兩峰石筍如束草木連蜷雲氣出如白練奇
形詭勢巖巖神工不相連屬如覆盂如巨牖如虎
噬如龍翔如玉女靚粧勇夫卓旗千變萬狀不可
殫述遙睇其中迴峰盤固翠雲相盪琅玕琪樹瑤
臨安府志勝八卷之四

尤

草文鹿出渺入忽意者必有安期美門往來其間
非人世也不然則山精木客之窟宅殆神物爲之
啓閉世有謝靈運刊木通道奇秘當不在十洞天
下日昃絕壑火光青熒疑爲鬼燐策馬疾馳宿小
雲龍山下萬石林峙雕王鏤雪白光摩夾甚怪土
人鑿石爲峽騎行通南卽大雲龍也從絕頂鳥道
絕雲霧間蹠踣數里不敢俯睨一峰東轉屹若屏
幃可數十仞峭峻尤甚○耳羅山在縣東北三十
里每有風雨雷電白山峰中起年必大豐以爲驗
○鸚鵡山有二處一在縣西五十里一在縣北七

十里其地多出鸚鵡故名○美泉山在縣東九十
里其上石筍森立絕頂平廣千頃有三池○縣西
南之水曰西溪溪凡二所一出銀礦一出錫礦○
縣南百步有草湖闊長十丈東南有梨花江其源
發元江府經納茶甸至當縣東南入交趾清水江
○長橋海在縣東二十里構木爲梁長十餘丈四
面皆水又二十里爲矣波海中多魚蝦海菜○仙
人洞在縣東七十里寬二丈餘四面石壁懸注如
鐘鼓○滇略云蒙自山中有仙草葉圓枝細採其
葉乾之一二年燻以泉井或氣呵之復鮮茂如故
臨安府志勝八卷之四

辛

此亦太和山萬年松之屬也

納樓茶甸長官司

在府西南一百八十里

蒙詔之茶甸地元初置茶甸千戶所隸阿甯萬戶
府至元中改隸善闡宣慰司後分爲二千戶隸雲
南行省尋改隸臨安宣慰司又改今名 本朝改
長官司隸本府○松山在司南一里松子產焉○
曲通山在司西南八里山下有泉兩派一流入豐
祿縣一流入石洞卽仙人洞也在司東北五十里
流泉湧溢樵者經之恒聞洞中有聲如鸛鷄犬○
鈴羊洞在司北中產礦煉銀其高聳處有鈴羊飛

石層積人不可到○風洞在司東二十里風從洞
出四時皆然○魚洞在司東南六十里每春月輒
有魚蝦遊泳蝦色紅肥澤長可五寸呼為仙蝦○
納樓有三渡司南四十里祿蓮渡東南百里乍甸
渡司東百五十里呵土渡也○滇略曰臨安所屬
長官司曰納樓教化王弄虧容鬼陀溪處落恐左
能安南凡九納土官普姓

教化三部長官司

在府東南三百五十里

唐時強現蠻居之謂強現身車等三部曾也華語
訛為教化元名強現三部隸臨安宣慰司後屬強
臨安府志勝天卷之四

主

現四部○波夢山在司西四十里孤峰秀削出羣
山之上○魯部河在司西南三十里源出禮社江
經司境流入蒙自之梨花江

王弄山長官司

在府東南二百五十里

元兀良吉歹之征交趾也路經阿迷於是立王弄
大小二部

虧容甸長官司

在府西南一百四十里

漢時為缺容甸部元至元中內附撥隸元江路其
地上熱下濕多瘴癘常以安置罪人 本朝改今
額○虧容江在司西五里即元江府之禮社江也

流至本司東經車人寨出寧遠州李璧詩虧容江
上是天涯斷髮文身幾許家四月山風扇炎煥檳
榔樹樹盡開花蓋司西北五十里有檳榔渡云又
有茶渡在司北四十里

溪處甸長官司

在府西南一百五十里

漢為七溪之溪處甸部其酋名賀殢華訛為和泥
初本一部至酋官桂兄弟分為三部溪處甸其一
也元置軍民萬戶隸雲南行省後羅繁萬戶府屬
元江路 本朝改今屬○司西之山奇峭延長民
居山上其中有溪澗即溪處山也

臨安府志勝天卷之四

主

思陀甸長官司

在府西南五十里

舊為官桂思陀部初管落恐溪處二部後不相服
乃分為三元置和泥路隸雲南行省後屬元江路
本朝改今屬○司東山頂平夷處有思陀寨址亦
曰思陀山

左能寨長官司

在府西南一百三十里

舊為思陀甸寨後不相服乃改為左能寨 本朝
改今屬

落恐甸長官司

在府西南二百里

唐時名伴溪落恐部屬思陀甸後不相服元置落

恐軍民萬戶隸雲南行省後屬元江路 本朝改今屬

安南長官司 在府東南一百九十里

本阿焚蠻所居舊名褒古後名拾資元珍資千戶所後以地近交趾改安南道防送軍千戶屬臨安路 本朝改今屬□土產金紫檳榔鱗蛇膽蛇長丈餘四足有黃鱗黑鱗能吞鹿脊冬在山夏秋在水土人殺而食之取其膽可治牙疼解毒藥黃鱗為上黑鱗次之又云臨安近接交趾稱雲南極邊也○按臨安所屬長官司若納樓茶甸獨居江內臨安府志勝八卷之四 奎

若虧容溪處思陀落恐左能五甸寨則居河外其西偏也若教化三部王弄山其南偏也其密迤外國若車里若八百媳婦若交趾所謂邊徼重地也長官司皆 國初改置安南近議裁省

澂江府 在省城西一百二十里 領縣三曰河陽江川陽

宗州二曰新興路南

漢置俞元縣於此唐天寶末沒於蠻號羅伽甸後為焚蠻所奪宋段氏析蠻為三部曰強宗曰休制曰步雄後步雄部有居羅伽甸者號羅伽部元初內附置羅伽萬戶府至元中升為澂江路 國初改府

河陽縣 附郭

南於此置河陽郡元降為縣 本朝因之○常璩志云晉河陽郡刺史王遜分雲南郡置屬縣四澂江府志勝八卷之五 一

戶千河陽縣在郡治踞河中源洲上○府治舊在今蓮山前弘治中遷於山半正德中遷賜溥山麓嘉勛中復遷金蓮山隆慶中與城同遷於舞鳳馬口舞鳳山勢自羅藏山之中支逶迤而來如鳳首覽輝而下左右兩山竝峙若展翼焉金蓮在縣治東高圓平正眾山環拱日光照耀有若金蓮賜溥在府東五里有蜀漢諸葛營乃建興中丞相亮選拔酋長駐兵之所○東街曰漱王莊鏡二橋漱王泉出重珠山下莊鏡泉出碌碁山下附郭田疇資其灌溉○西街有立馬關以防龍清廟之水

有太平閘以防梁王衝之水太平橋在治西二里
跨羅藏溪○西古城在縣治西元時築遺址猶存
城西十里別有西街城民居稠密正德中寇警知
府唐臣諭衆各以其居地所占及第戶之高下分
築爲城周匝三里爲五門○撫仙湖在城南十里
一名羅仙湖一名清魚藏月湖周三百餘里北納
諸溪流南受星雲湖涵泓清澈一碧萬頃其中多
石王筍山撫其上宛如仙子憑鏡而立湖中有鼉
鰲魚可以辟瘴尾間東會銀池盤江達于南海按
王筍山舊名沙拔山在縣西南二十里孤高獨秀

激江府志勝入卷之五

二

有王筍之形楊慎詩云激江色似碧醞酬萬頃烟
波際綠蕪只少樓臺相掩映天然圖畫勝西湖○
羅藏山在府北十里東漢志云紫山出銅後訛爲
藏又蠻語虎柵爲羅藏昔有虎自碧鷄渡滇池爲
民害土人造柵取之山高五千尺其上平衍有龍
湫時興雲霧元梁王於此立寨又名梁王山南有
泉流爲羅藏溪入撫仙湖北有泉流爲錦溪西有
泉流爲彌勒石溪俱經陽宗縣入于明湖○山之
東有菜花坪野萊蔓生可爲釐相傳梁王安遊之
處耕者往往得其遺物○闕摩山在城東多巖穴

泉竇其水流爲北波沼有北波龍廟在山下以三
月上已致祭山有華藏寺元丞相墊刺流寓至此
樂其幽蔚栖焉足迹不入城市者累年卒葬山之
半其詩云洪鐘清遠透禪關華藏招提烟霧間浮
世已更新態度青山不改舊容顏洞中水湧潛龍
臥松頂風生野鶴還久已不牽名利鎖洗心來伴
老僧閒○華藏寺石壁間有岩如鷄曰金鷄岩相
傳金鷄啼朱價貴人以爲怪擊去其首喙鄧漢華
藏寺詩梁州仲冬月氣候如秋蚤憂俗省煩膺乘
閒恣幽討鳴笳越修阪停車度清涼攀林踐香界

激江府志勝入卷之五

三

漸近山更好斷翠開筠房疏碧架亂嶺銀勝倚虛
壁紅亭映深島濫泉珠自瀉雜英霞微冒迴颺蕩
松林蒼翠若可掃山果摘霜橘蔬食甘溫藻跼俗
鮮勝韵遺策得曠抱去住久已審懸車豈待老○
治西北有龍爬山其山有龍爪爬搔之迹東南有
迴龍山又名象鼻嶺石骨低迴蜿蜒如入湖狀其
脊分攏旋轉北望羅藏城郭左顧若龍蟠然○蟠
龍岡石岩雙湫夾出曰西密一云卽西浦龍泉也
舊傳水自地中接昆明池雙湧於西山之麓流不
百武南折于海今爲閘堰之蓄洩以時有西浦龍

神廟在蟠龍岡歲以春三月上辰致祭○自古記云激江有波羅傍者佐蒙氏細農羅衣錦袍執儒書教之以文而厭羅利之暴伏龍鬼之噴蓋阿叱力者流也○蜀志李恢字德昂建寧郡俞元人爲郡督郵坐姑夫建伶令僇習有罪免官太守董和以習方士大姓寢不許後貢恢於州恢知州牧劉璋必敗自結先主爲功曹書佐主簿遷別駕從事進床降都督使持節領交州刺史住平縣丞相亮南征也先由越嵩使恢案道向建寧諸大姓相糾合圍恢軍昆明衆少敵倍又未得亮聲息乃以計激江府志勝八卷之五

四

詔南人得緩圍而大破之追奔逐北南至盤江東接牂柯與亮聲勢相連南土平定封漢興亭侯加安漢將軍建興七年以交州屬吳解刺史更領建寧太守還居本郡徙漢中九年卒子遺嗣○其俗之異者以啜酒扁米爲禮男女同市近郡之儼儼性雖頑很然敬其長上官至爭迎到家刲羊擊豕罄所有以供之婦女皆出羅拜務取其歡心

江川縣

在府東南九十里

漢時名碌雲異城又名易龍城唐蒙氏徙曲旺蠻居此以白蠻守治之段氏以步麼徙蠻子孫分管

其地名步雄部元初置千戶所至元中改江川州尋降爲縣縣治有石其形如龍卽碌雲異城也○縣南星雲湖周圍八十餘里東流五里入于撫仙湖楊慎詩通海江川湖水清與君連日鏡中行孤山一點衝烟小何羨霞標建赤城○縣有三河上河發源於阿化冲分流於前廣二衛中河與上同源流抵烏鴉村下河卽中河之分也流抵左衛營○海門橋在城東南八里臨安要路也星雲湖水經其下由此登舟而泛撫仙○海西村有兩井皆出溫泉西山下有冷水泉俱下注星雲湖○龍鳳

五

激江府志勝八卷之五
山在縣西三里崇岡疊阜爲縣鎮山冷泉溫泉同源于此○志云自嘉至隆庚午十年之間五色光再見于龍鳳山山有雲集寺唐名龍鳳沐西平易今名董難詩云石竇白雲間丹厓手可攀雨吹臨瀑布溪轉學螺鬟妙響聞靈籟浮生覺夢關禪栖蘿月下清露洗秋山○東山寺距城三里山頂浮圖唐天寶二年建今呼天寶塔○蟠坤山在縣南十五里東臨撫仙西際星雲山頂石皆赭童無草木有蟠坤神廟在石岩中廢久忽一日廟址上有馬跡大如碗見者平之次日而跡愈多於是上人

復其祀○屈願顛山在縣北十五里山半湧泉三派西入滇海東入撫仙南爲阿件乃入星雲湖土人謂屈爲犬類爲惜顛爲功嘗有獵是山終日不獲者歸咎於犬故名○綠籠山在縣西北十五里林木蒼翠下有泉爲六部溪東流入星雲湖○部椿城在縣北二十里昔蠻易昌所築元置雙龍縣於此今廢爲雙龍鄉○滇略云雙龍鄉有覆盆山其山無石皆螺殼積成昔有夷婦浚衣于河忽螺精出見婦驚急以浚衣盆覆之其精遂止後人因以名山曰鄉中有古樹不知其名初春茁葉自南

澂江府志勝入卷之五

大

則旱自北則雨自東自西則風雨時禾稼登四圍並發則饑饉旱澇驗之無爽○丁連然君墓在縣北三十里山麓先時覆以巨石有耕者憇之石忽動驚異斲石得碣面勒丁連然君之神道按史宋太宗時有交趾王丁連然來朝疑卽其人且古之交趾亦今之郡地也

陽宗縣

在府北四十里

唐時麼夢蠻居此號強宗因以名部後訛爲陽宗部元初蠻酋盧舍內附置陽宗千戶所至元中改爲縣屬澂江路本朝屬府○夾漈山在縣城西

彌勒石溪及冷水塘二水夾之○梁王屯在城東南二里基坪山上有廢垣元梁王曾城其上○黑相城在縣東一名輪納龍城○明湖在縣北一名夷休湖一名陽宗湖源出羅藏山下流入盤江迺七十餘里兩崖陡絕山水赤色魚味甚嘉○彌勒石溪亦發源羅藏山流經縣治東北而入明湖○日角溪在縣西北八里發源覺卜山下伏流過路南之天生橋復出爲茲溪也○縣西十里有濯纓泉縣南三里有青龍泉二水清冽上有龍祠歲季春官民祀之以祈水○縣西北七里之化石祖山

澂江府志勝入卷之五

七

其南有泉洞公爲溪北入明湖○天馬山在妙甸南三十里山形肖馬故名兩山並護峰巒起伏茂林曲澗蒼鬱盤旋陟其巔東見宜良大池江南望澂江撫仙湖西連陽宗梁王屯北覩湯池萬福寺山麓流泉環繞若帶邑人趙世麟墓父於此獲九狼二兔之異

新興州

在府西一百二十里

漢青蛉弄棟二縣地梁爲土人爰瓚所據分爲西爰地唐貞觀中置求州屬戎州都督府天寶末沒於蠻蒙氏置溫富縣段氏徙麼夢蠻居此元置部

修普舍二千戶所至元中改部傍千戶為休納縣
又於休納置新興州領普舍研和二縣後省休納
入州屬激江路 皇明併省研和普舍入焉○白
城在州北昔大理段氏之世強宗部蠻之裔長曰
部傍據普舍龍城即休納城也次曰普舍據普札
龍城城在州北二十五里二城之間有白城乃漢
人所築二苗累爭之不能定○州西有祿匡城南
有昌人城故研和縣有王乞城皆漢築者畔龍城
在州西十里元置縣後省入研和有研和城在州
南三十里昔麼麼蠻步雄居此○奇梨山在州治
激江府志勝八卷之五 八

西林木茂蔚下有泉流入大溪溪源東北出金雄
山流繞西南合羅麼奇梨二溪過嶧峨縣而入曲
江○羅麼山在州東北二十里今名石厓山其下
有白龍溪凡九曲○靈照山在州東十里有靈照
寺大基山在州西北十五里上有石枰相傳有仙
奕棋于此又五里為九龍池池聚九泉分灌赤壤
又五十里為蒙習山一名適饑山山頂與晉寧州
分界

路南州 在府東一百三十里

元憲宗時置落蒙萬戶府至元中改路南州領邑

市一縣州東半里有撒呂城即舊州城也 國朝
弘治四年省邑市縣入焉○照鏡山在州西北二
里山前有池如鏡倒影其中○休柔山在東北十
五里今名九盤下有流泉曰休柔溪南流入盤江
○牢鼻山在州東十五里以形似而名頂上有泉
主人引之灌漑○木龍山在州東南十五里高五
百餘仞其處有遮日山峰巒峻拔陽輝被掩故名
○關索嶺在州北三十里稱峻險之地○劉龍山
在州東八十里山下小石可煉為銅○鐵赤河在
州西源自陸涼州經邑市過瓦渡雙龍溪至州境
激江府志勝八卷之五 九

西南又過興寧溪下流入盤江○巴盤江亦源陸
涼州經邑市宜良入廣西府界○天生橋二所石
梁可渡不假人力一去州五十里一在東北十二
里○州南有彌沙城漢時築元初置彌沙縣於此
後省入邑市縣邑市故城在州東八十里○州東
三十里有韃子城夷語為底伯盧其城起自曲靖
抵于廣西綿延三百里昔蠻酋弟兄築此分界

廣西府志卷之六 領州三曰師宗曰彌勒曰維

摩

漢蓋州將柯部地陷屬牂州後為東寧烏蠻彌鹿等部居之唐隸黔州都督府後師宗彌勒二部寢盛蒙段皆莫能制元憲宗七年始內附至元十二年第二部為軍置廣西路 皇明改為今府舊土知府昂姓今為土照磨 一築城記略云廣西水臨水下沙夷西近龜山巢冠南連路南州北接陸涼舊建州土舍夷雜四而雜處而沙夷尤稱獷悍舊為夷邦生納下村土官掌之 國朝成化間更置

廣西府志勝六卷之六

一

流官賀助來知府事始築上城焉○城中山曰鍾秀城北山曰發果俱峭拔與巒嶠相接環于府治與治相應之山曰翠屏其形如屏幃然○城西三里為阿盧山山下舊為阿盧部延亘四十餘里南連彌勒北跨師宗口阿盧山洞深邃莫窮中有雕欄寶塔鐘鼓石床佛龕之異郡人多遊焉洞中流泉入于西溪蓋師宗諸水多伏流於地至此始出為溪流經府城西環抱城南與東溪合○阿盧山中石竅出水一支流入矣邦池池一名龍洞洶迴三十餘里半跨彌勒之界而彌勒古受之亦皆

注焉口矣邦池中有小山山上有福廣寺池水南入于盤江盤江自宜良縣流經府境而入于羅雄州蓋郡中諸水惟此為大口巴盤江一名半江自潯江東南來流經本府之西過彌勒而東注于普安州界○志曰諸山為屏八甸為壘彈壓烏沙土獠諸蠻是廣西之大勢也郡有黑爨獠夷土獠沙蠻獠獠五種雜居土獠得犬方祭婦人以黑線綉布裹頭纏腰獠獠婦以布為袍員領大袖前及膝後曳地有爭辨者詣鬼神言誓直者敢去曲者退縮尚有古風黑獠獠自恃其貴而強好爭鬪事剽掠其間惟有白人好書差強人意耳

二

師宗州 在府北八十里

宋時爨蠻逐獠獠等而居之其後有師宗者據匿弄甸號師宗部元初隸落蒙萬戶府至元中以本部為千戶把總領阿寧豆勿阿盧豆吳四千戶屬廣西路後改置今州○州北五里三峰嶺者為恩容山又十七里雙峰聳立者曰鎮北門山言經行其間如門扇也○州東南二十里有檳榔洞付村中有元時總管府治址今廢○州東八十里英武山高可千仞 洪武初設有英武驛于其下山

饒盜賊與虎虎嘗野英武驛丞以去自後少人行驛遂廢都漢英武關望姚安諸山雪詩英武關頭蚤行客北風林葉飄蕭檄高原夜雨生曉寒金秀諸峰雪盈尺九疊橫舒雲母屏千里照耀銀沙磧憶從北上賦南征歲月常歌苦熱行圖爐集句思兒女買棹臨流憶友生憑軒忽覽瑤華色腸斷芳桐角枕情○又三十里有祿德山孤峰秀削一作六德山有六德廢驛址在山下其地名阿歹村多集人○又三十里有馬者籠山高峻掉天弘治十年本州阿定鄉去此二十餘里有一山高可五丈廣西府志勝八卷之六 三

根蟠二十餘丈一夕移於馬者籠山邊有三大樹隨山而徙皆不搖動土人但聞風雷震撼之聲旦起視舊處已爲平地

彌勒州在府西九十里

宋時夢麼徒之裔名彌勒者得郭甸巴甸部籠而居故名其部曰彌勒元至元中改置今州○州治舊名八甸村弘治十一年始城之有八甸溪在治北其源三一出本村一出阿欲山一出北傾山至州治東而合流南入盤江○治前玉津橋卽跨八甸溪之上橋長五丈濶七尺○巴甸江源出本州

西北南流數里注于盤江或云卽八甸也州境又有山湖產大魚○卜龍山在州南五里卽步龍部千戶山環遼州治登嶂重巒蒼鬱可觀○阿欲山在州西十里卽阿欲部千戶亘七十餘里有溫泉濶二丈許深三尺餘水色瑩徹可以浴其東接北傾山在州北三十里阿欲鄉中高可五十餘仞西連阿欲構甸二山○元四千戶中有吉輪部吉輪山在府東南五里惟哀惡部未詳○盤江山在州東南百里東西兩山相峙盤水流其中東抵師宗州南界阿迷州其中有石竅深廣丈餘濶水湧出注于江 四

廣西府志勝八卷之六

維摩州在府東南三百六十里

元立維摩千戶隸阿迷萬戶至元以後改爲今州皇明因之舊土州同資姓今李姓○曲部山在州西中峰高聳下有泉爲溪流經州南數里入石竅伏流城中曲部驛名本此○小維摩山在州東北八十里高可千仞○阿母山在州東南九十里高亦千仞山下有阿母驛阿母驛東七十里爲維摩驛○州東北百里有萬年龍山山下有泉爲溪流入廣南府界有寶寧山下亦有泉爲寶寧溪○州

東南百里則大維摩山也州名因之高出衆山之
上上官世居于此今革去爲流○折角山在州東
南口五十里下有泉爲折角溪○龍定山在州東
南三百餘里五峰屹立遠卽望見之

廣西府志勝

卷之六

五

廣南府去省城八百里領州一曰富州親領編戶
六里

宋時名特磨道儂智高之裔居之元至元間立廣
南西路宣撫司領路城等五州後來安路奪其路
城上林羅左三州惟領安寧及富而已 皇明洪
武十六年歸附改今府土同知儂姓○志云廣南
古無郡邑西洋江限其南牌頭山爲之鎮崇厓巨
壑峻阪深林之區也按牌頭山在府西北五里層
巒起伏其右小山連峙如盾土人築砦居之○蓮
花山在城東北二十五里五峰連聳諸小山參差
廣南府志勝

卷之七

一

傍峙狀若芙蓉○西洋江去府城八十里源出本
府拔郎山及速部木王山三流合湊東南入于田
州府之右江○元咸陽王廟碑云至元十三年冬
遣使檄廣南雞洞時儂士貴及左江李惟屏右江
岑從成等二十人各獻土物納款勒碑識之云
本朝靖遠伯王驥傳云正統初廣南土官通判儂
舉與富州土官知州沈政舉兵相仇殺者十餘年
驥設法慰諭之不煩一兵而兩仇頓釋蓋平麓川
之餘威也○小孟貢江產鯉魚食之日御百女故
夷性極淫無論貴賤有數妻不相妬忌山產鬱薑

餌刀圭終世絕人道土人以飼牡馬又產蝮蛇欲
取者先以雞骨卜吉則入山麓求之蛇見人輒伏
不動夷語之曰中國天子求爾膽可伏死否則亦
不汝費是不昭汝靈也蛇反背就戮今言去膽猶
活謬耳膽有三等生領下者以傳毒矢居腹者入
藥治病疽者以童便研一合服之又以傳患處立
愈居尾者不堪用藥之又蘇合香膽礬腦子阿魏
騏驎竭諸奇藥皆產焉獨無麝麝價與金相衡地
多虎土人狎象而畏虎農人守禾皆宵宿樹杪結
草樓以捍風雨衣皆套項統裙鵝毛爲裯褥溫毳
廣南府志勝／卷之七 二

富州 在府東二
百六十里

沿革見府 國初以安寧州省入土知州沈姓○
祛丕山在治西形如後貌昔土人結屋避兵其上
今呼御頭寨○玉泉山在州西北七十里絕頂飛
瀑如練下有石池迴旋清碧溢流于西洋江○翥
鷁山在州東南九十里高可二百仞惟石嵯峨夷
酋之壑穴也○西寧山在州東北百五十里下有
巖洞深邃蠻人潛避其中不可究詰○楠木溪在

州東二十里源出花架山其水常暖○南汪溪在
州西麻卵山及僻冷山流至州南會楠木溪東行
至石洞湫流十五里復出入于右江

廣南府志勝／卷之七

三

鎮沅府去府城一百一十里領長官司一曰祿谷寨親

領編戶五里

古濮洛雜蠻所居元史謂是和泥昔僕二蠻也唐時南詔蒙氏銀生府之地其後金齒夷據之元

初內附以爲威遠州復置案板寨屬元江路本

朝洪武初陞今府上知府刀姓○案板山在治東北高百餘仞形如几案舊寨以此得名○波弄山

在府城西山勢起伏如波浪疊來山之上下有鹽

井六所土人掘地爲坑深三尺許納薪其中焚之

俟成灰取井中之滴澆灰上明日皆化爲鹽鹽色

鎮沅府志勝入卷之八

黑白相雜而味頗苦俗呼白雜糞鹽用以交易○

治東北有烏連山常集百鳥故名○杉木江源出

者樂甸流經府治南下流入威遠州界江岸多杉

祿谷寨長官司在府東北一百五十里

皇朝永樂十年置○司北八十里馬容山高千餘

丈延亘數百里石路隘狹僅容單騎曰馬容者猶

言容馬也○司南百里爲石羅山司東百里爲小

不肖山又西二百里爲納羅山山多虎豹土人呼

虎爲羅呼藏爲納○馬湧江源出納樓甸經寒夷

下流合于南浪江○南浪之源出納羅山經寒夷

下流入寧遠州界○郡產孔雀及小雞雞形矮小
鳴經晝夜與中國雞聲異民居依山爲郡藉水叢
居婦人勤蠶織務耕作而略無少暇產子先浴之
江而歸付其夫

鎮沅府志勝入卷之八

元江軍民府六百九十里領長官司一曰因遠

羅必甸

古名惠龍甸又名因遠部唐時南詔蒙氏以屬銀生節度徙白蠻蘇張周段等十姓戍之又開威遠等處置威遠縣後和泥寇據其地及宋時儂智高之黨窟居于此和泥又開羅槃甸居之後為麼麼徒蠻阿契諸部所有元時內附至元中置元江路戶府後於威遠更置元江路領羅槃馬籠等十二部屬臨安廣西元江等處宣慰司 本朝洪武中改元江府永樂中改元江軍民府土知府那姓元江府志勝之卷之九 一

因遠羅必甸長官司附

宋時名羅槃甸元割羅槃部於威遠立元江路皇明洪武中置長官司○白樂山一名栖霞在府東北十里狀若中原之崆峒山蒙氏之南岳也按山與蒙樂山同脉故分其名○寶山在城西二十里員如螺髻尖如插簪相傳蠻酋藏寶山麓恒起光怪因名○城西有五小石號風伯雨師壇土人每以金箔登石上曰是晴雨之處所當莊嚴也松栢鬱然成林亦稱勝境○有一大石號龍馬石其上有蹄迹相傳昔有乘馬過此上馬為龍馬人稱

異人○城西四十里有因遠山長官司名取此下有泉為仲夷溪仲家夷也溪水東流入禮社江○

禮社即元江源自白崖江合澗洽江流遶府城東南入南安州○路通山即馬龍山在府東二十五里高峰千仞蔽虧日月北可瞰禮社江○嵯峨山在城西南二十里其中峰狀若卓旗望之欲飛動○貴驍河在城西北四十里阿南村跨河有混龍橋○溫王泉在城西北十五里白石竇迸出其色清碧可弄○玉臺山在城東凡二十五峰崖壁險阨其峯翠如玉望之若臺舊名羅槃山也○司地產元江府志勝之卷之九 二

新化州六百九十里

舊為馬龍他郎二甸阿契諸部蠻據之元憲宗時內附立為二千戶所屬寧州萬戶府至元十三年以馬籠等甸管民官併於他郎置司屬元江路皇明改為龍馬他郎甸長官司直隸雲南布政司

新化州六百九十里

舊為馬龍他郎二甸阿契諸部蠻據之元憲宗時內附立為二千戶所屬寧州萬戶府至元十三年以馬籠等甸管民官併於他郎置司屬元江路皇明改為龍馬他郎甸長官司直隸雲南布政司

弘治間改今名為州○治東為通順山治西為通
 匪山葱青相對山勢自昆陽州來連屬不絕○微
 崇山在治北五十里嶺巖峻極延長百五十里下
 有溫泉宜浴以路險僻鮮有到者○磯閣山在州
 北百里五峰聳秀其北一泉下注于摩沙勒江○
 馬籠山在州西百里蠻酋結寨其上即馬籠部也
 其北有陀崆山陀崆山之北有法龍山皆酋若處
 ○摩沙勒江源自大理白崖城流經本州東南八
 十里東注元江入交趾界夏秋潦漲飲其水者輒
 中瘴癘惟白夷男女四時浴其中○志云馬籠諸
 元江府志勝／卷之九 三

山在江之左羣山夾江其隘如峽此江即摩沙勒
 也其俗羣山為田然地磽确一移居粵人能居旱
 濕女勞男佚蠶桑捕魚蒲蠻好居高山藝蕎採藥
 隨時遷徙

楚雄府

在府城東
四百二十里

領縣五曰楚雄廣通定遠定邊彌嘉州二

曰南安鎮南

漢以前為滇國地及置益州郡屬焉晉咸康中曾
 置安州尋罷入寧州後為濮蠻耕牧之墟城而居
 之自爨酋始初名威楚唐貞觀末內附置為五州
 曰傍望求直覽蒙詔時銀生黑背之鄉始置銀生
 節度使段氏之世銀生府屬姚州改當節驗又改
 白鹿部復為威楚部元憲宗置威楚萬戶府至元
 後置威楚開南等路宣撫司 本朝洪武十五年
 楚雄府志勝／卷之十 一

改置今府

楚雄縣

附郭

釋詳府下 國初以富民淨樂二縣省入至元間
 所置也舊城築自征蠻都督袁義奏謂南山高峻
 近郭倘寇據以臨城是借之勢也圖上請拓之
 太祖御筆一抹適當其巔義遂依圖改築焉南山
 即志之鴈塔山也亦名金鑛山其麓有武侯祠云
 是孔明屯營之處故楊慎送祝弘舒知楚雄有封
 疆諸葛舊營西之句○鳴鳳山在城西蒙詔景莊
 時山上有鳳皇鳴山麓之蟠石有巨人跡長二尺

餘○滇略云城西鳴鳳山腹有石高五尺餘懸倚之其裂隙處僅可容指內空洞不可度有物如蝦蟆而差小形綢五色隱見不常蓋數百年物也俗呼爲石龍圖○鳴鳳山巔有響石寺山孕怪石擊之有聲明汝南王王靜碑取材於此○響石寺中有二井泉味甘冽永樂間汝南王因改爲雲泉寺○詩芝詩古樹青松最上頭荒原白骨動邊愁石根僧定雲常護谷口龍眠泉不流日落草黃平淡淡風長溪碧去悠悠天涯杯酒成何意塞上軍書漫未休○鳴鳳支壠有古山寺家詔時建陳時雨詩

楚雄府志勝卷之十

二

水寒鉢底來龍卧雲暖庭前看鶴翔半榻松風吹夢夢時花雨沃心凉卽此寺作○通志云峨碌山其形如屏又名峨碌石在城北青峰坡上石高八尺廣四尺一人觸之則搖聚衆推之巖然不倒古峨碌城得名本此○滇程記云自廣通縣七亭而達楚雄府有峨碌驛途經回磴關封氏段氏閣羅鳳通唐師返轡於此民食陶鹽鹽產白井所謂白石泉鹽井也○一統志云龍川江在府城北源出鎮南州平夷川東南流經府城西合諸水至青峰下而爲峨碌川又東會諸水經定邊縣境西流

入金沙江○城東有鳳泉城西有楊練溪水清可浣宜醞○平山河在德化門外源出南安州山來經府北而入龍川江○跨河者爲平山橋有梁王堰在平山門外一舍許梁王栢匪刺瓦爾密所築○德江村在府西北二里段氏故相高量成之居也量成爲智昇五世孫相段氏後避位居是村築城而隱時號德江城一村化其德稱爲夷中君子至高長壽乃以城附于元○微溪山在城西三十里山高千仞峰巒百餘而溪箐如之每溪皆有泉分流三十里乃合而注卧龍江○微溪山有元僧

楚雄府志勝卷之十

三

源空者威楚人子三歲卽能誦佛號及長爲僧伏螺髻山虎又遊九重巖入定絕粒經月凡有齋事必預知之一日端坐而化茶毘之月祥雲繞其上○紫溪山在微溪右昔有隱者居之紫溪村口有七寶寺○滇程記云楚雄府四亭而崎達呂合元史所謂呂閣也元段平章敗紅巾明王珍於此有錢郎橋結構壯麗實冠一方蒲田林俊毀鶴慶寺金像以成茲役費蓋千萬焉○呂閣驛在城西三十五里楊慎晚晴登驛樓詩雲送沙橋雨風迎呂閣花長虹垂澗斷落景避風斜隱几莊周賴長吟

謝朓霞登臨存二仲談笑竟昏鴉○呂閣驛古閣
關難也南詔時有王威玄張明亨者同志修道栖
隱於五樓山山在鎮南州東二十里感呂祖來度
王獨得上昇而張懊悔臨死謂人曰吾功行尚缺
請留骨治人瘡瘍他日骨化為瑩如水晶試以治
療立愈因名其地為呂閣後燬于兵燹因改呂合
以有合襟水云○滇略云蒙氏時楚雄有野馬二
每風雨關於原隰久之化為龍大者逸入東南村
馬小者逸入西南山谷楚人呼馬為驃因以名村
曰驃村○近郭之夷為羅婆居山林高阜以牧養

楚雄府志勝本卷之十

四

為華男子髻束高頂戴笠披氍毹婦人方領黑衣長
裙披髮跣足所居有房屋無牀榻以松毛鋪地而
卧其西南有和泥蠻男子剪髮齊眉衣不掩脛婦
人頭纏布或黑或白長五尺以紅索尺許綴海貝
青綠珠為瓔珞桶裙無裳積處子以紅黑布相間
綴於裙之左右既適人則以藤絲圈束膝下以捕
鴈打鼠自給吉肉吹簫笙

廣通縣在府東七十里

唐初為古路賤地後沒於蠻南詔立路賤縣於此
元初置路賤千戶所至元中改今縣隸南安州

本朝改屬府○圖經云青峽門峨嵋山其支在廣
通之南者名阿浮煉出是縣之鎮山也○鳳山在
縣西一里形如飛鳳陰雨初霽時見仙羊出沒其
上山下有仙羊庵○又里許有營盤山山下為諸
葛公屯營之地相近有明月清風二橋志云縣東
三里清風河發源於趙普關流行枯木村○城東
北十里有雕龍河源出阿陋香山又有嵯龍山山
勢蜿蜒出泉甘冽名曰龍泉有鶴翁山環遶縣治
交會於大河○卧象山在羅直村其東南有卧獅
山相對拱峙山麓產銀礦○回磴山在縣西十八

楚雄府志勝本卷之十

五

里閣羅鳳備雲南拓東城至此山值天昏暴雷雨
其佐勸之回兵因名有回磴關為趙府大路○和
茶山在縣南十五里清水河源出焉其東有阿陋
香山溪河源出焉二山相連高聳峭拔延亘二百
餘里○蒙七塔有溪在縣東二十里翠微橋跨之
其後即蒙七塔舖○湯園箐在縣西四十里翠屏
山上人云昔諸葛公征南駐軍其下適當鵬月二
十四軍士追思荆楚之俗以湯園祀龍已炊而食
之未盡者傾釜而去俗傳箐中小石殊肖其形○
志曰登廣通之剏林山則祿豐定邊諸境一覽在

目是楚雄聚山之長也其山登霄插雲在縣東界
○龍街山去縣廿七十里其洞名龍街洞常有音
樂作其中○拾資河在縣東五十里源出武定東
流入南安州界至沅江入交趾河按拾資有舖有
堡有巡司有驛有村○近巡司有陡澗橋跨拾資
河水也驛有邵漢傷垂柳詩引云垂柳篇者楊用
脩太史作蓋自悼之詞也余過拾資驛從壁間讀
而悲之作傷楊柳仍用其體云建章宮中春早回
太液池邊雪後栽飄花婀娜隨風舞紺幃玲瓏映
水開綠條纒葉參差布乳燕新鶯往來度自許風

楚雄府志勝

卷之十

六

流張緒年誰誇豔薄枚乘賦豔藻風流此一時禁
地長承雨露私詩成玉塵偏驕賜宴出飛龍許借
騎霧縷烟絲聚還散玉階幾歲留珍玩有時三起
復三眠不悟五晨經六旦搖落秋風奈別何遷斥
炎方歲月多少府一生嗟假塞子山獨坐歎婆娑
○拾資村有鹽井曰阿陋猴井志云阿陋雄山高
千仞泉出注爲羅申河山南爲阿陋河在縣東北
十五里○滇程記云自雲南府祿豐縣七亭而崎
乃達拾資地產蘭葉大而香遠有窩石砲南平坡
六里響響水橋響水坡坡產蘭莖葉皆香不待花

也拾資驛四程而達廣通縣爲路甸驛即十八灣
坡清川橋

定遠縣

在府西北一
百二十里

漢爲越雋郡地唐置西濮州貞觀中改寧州沒於
蠻酋乃築耐籠城宋屬段氏元立牟州千戶所牟
驛同音也至元改定遠州仍立南寧州尋改州爲
今縣省南寧入焉 本朝因之○岡經云定遠鎮
山曰赤石味山即楚雄之礮礫山也在縣西二十
里亦曰赤土山多赭石林木幽翳延亘二百餘里
其東有泉下流爲零川○境有黃蓬窰高氏專大

楚雄府志勝

卷之十

七

理國政時令雲南參政廖曾從民三百戶居之元初
立黃蓬窰百戶已改爲南寧縣尋省入定遠○黃
蓮池在縣東南五里廣二里許相傳池產黃花如
蓮西南五里有龍馬池方廣四里相傳有龍馬現
池中○馬蹄石在縣清和鄉一路峻崖凡七里許
崖畔有石池方廣各丈餘泉香而甘石上有馬蹄
痕六七處或磨之經宿其痕如舊○清和鄉有木
刺谷村山多巖巖惟石有一屨迹長二尺廣七八
寸土人以爲神○紫甸鄉有日久山方廣四十里
國初有土酋名自久據爲寨故名之○雲龍山在

縣西二十里峭拔起伏非一又名伏虎奔上有廟
郡人春秋祀之或云卽楚雄源空和尚伏虎處○
金基山在縣南四十里高三千仞連亘數百里有
五十餘峰群山之脈皆起於此上有基關關之
真武廟最著靈有戊守○玉壁山在縣東六十里
高千仞照日照之如玉壁山東有鳳羽山南有易
者山亦有絕頂峰丹巖碧嶂高出羣山之表○諸
葛山一名獨立山在縣東六十里世傳孔明過此
今猶斷山岡左右以厭勝亦名破軍山山畔有井
舊出澗水下有白石泉通志云黑鹽井出金鹽在

楚華府志勝卷之十

八

定遠縣東七十里琅井在定遠寶泉黑井在七局
村唐時有李阿召者常收一黑牛飲于池而肥澤
異常日跡迹之池處皆澗泉遂報蒙詔爲開黑井
官之不受求爲僧許之賜紫袈裟井民世祠焉有
鐸風臺及黑井提舉司元學士李源道記云滇地
西走六驛有郡曰越楚東北五舍沿琅山入長谷
有澗井取維於一方以佐國用以資民生厥利至
溥井西里許有山口萬春塙立屏峙聳出天外萬
山迤邐東麓江之水踞虎嶺之麓巨石巖空居山
谷間惟萬春爲勝延祐乙卯僧君山泊土之者宿

始建寺曰真覺云○萬春山下有圓通寺司南有
密塔寺司之絕頂峰有靈感寺琅井有寺四曰七
寶曰開寧曰普照曰奇峰○他寺名之不悉者縣
東南三里外有燃燈東二里有冬山北十五里有北
山東南八里有竹林北八里有靈山香烟皆盛○
定遠僧有連精者通瑜伽秘密教能役鬼降龍元
至正間雲南大旱梁王迎之祈雨既至於淨龍中
呪出一小蛇雨傾盆隨之王贈以金帛固辭乃役
鬼荷其行李而去

定遠縣在府西二
百二十里

楚華府志勝卷之十

九

唐時爲濮洛蠻所居地曰南澗宋時爲大理舊治
元於南澗置今縣隸鎮南州至元省入州本朝
後置縣改屬府○圖經云青峰山在定遠之北者
名曰蒼山蓋一山高大分爲五縣之鎮也志以縣
治後真武坐臺山蓋鎮出云治後十里擁翠山有
刁思郎遺壘又有螺盤山山頂盤旋形如螺髻故
名國初西平侯與刁思郎大戰於此山之西自
普關在山頂產青綠石礪○治北有鳳皇山中有
石掃寺寺有石像竹葉落殿扉風隨掃去○縣前
河曰定遠源出於蒙化府羅丘塲五六月間河水

洶湧不敢渡縣西有牟直河卽零川也縣又有刺崩川○石羊林在縣北五里井上石似羊形人不取動動則井水泛溢○武臺在縣東五里之劉昇村是諸葛公屯兵處○縣西十里諸句營昔征南日過營州於日直賤北傍山下築營夷人至今猶爲望子洞基址尚存○通志云定邊有羅羅凡婚姻死生殺牛設酒以一人吹蘆笙爲引首男女牽手周旋跳舞歌吹以爲樂

碯嘉縣在府南四十里

唐時夷獠居之地曰虛初五代段思平據此爲景

楚雄府志勝卷之十

十

東部蠻宋紹興二十三年蒙古忽必烈兵出蕭關滅段氏故段興智封爲摩訶羅乃於黑初山設寨自守時有星殞化爲黑石以爲祥因名碯嘉寨至元間改爲千戶所後改爲縣○黑初山在縣西高千餘仞五峰並聳百里連衣山下有隕星今移置縣治前按志元泰定間有大星隕于縣之虛初山化爲黑石狀如冬瓜色如鉄上有點如星擊之鏘然有聲欲舉之者默然則動有語聲則不能舉土人怪而積薪焚之雷雨交作乃止嘉靖間知縣某移置土神祠以立春日祀之○卧象山在縣治東

形如蹲象故名上有元時碯嘉千戶所舊址爲泰定間建屬景東路○卜門山在縣東北三十里卽楚雄礧礧之支高聳入雲其泉下繞爲河曰卜門河又有馬鹿河在縣西四里跨二河者西龍橋也去縣北十里○碯嘉有雙蠻凡婚姻男以水潑女足爲定死則空坑用板而塋上蓋葦蓬以生時所用之物納於左右復以鷄雌雄各一爲殉其鷄矮脚啼無時所謂雙鷄也

南安州在府東南五十里

唐爲黑蠻蠻所居寨名摩芻宋爲高氏所據元初

楚雄府志勝卷之十

十一

置摩芻千戶所屬威楚萬戶府至元中改今州領廣通縣 本朝因之而以縣隸府州治在威楚東南山嶺稠疊林麓四周之地也○健林蒼山在州東五里山半有泉相傳泉池有黑龍可祈年今訛爲阿姑外山昔黑蠻祖尾晟吳立棚居其上子孫漸盛不離他部至高氏封於威楚方屬焉○縣東一里有紫石山上有紫山紫石二寺又里許爲烏龍山樹木叢密望之鬱蒼泉山下注爲黑龍潭又里許曰白沙泉相傳本溫泉可浴土人於其中殺犬遂化爲寒泉○州南鳳皇山形如鳳舉土主廟

居鳳翅上甚靈○西北有鸛武山平地突起常有鸛鵲栖焉○州西五里有神石高十餘丈蒙氏封為南嶽社靈安邊之神土人歲以裝其頂○西南四十里表羅山是產銀礦○州有安龍堡山賊蠻渠帥所伏嘉靖間絕頂山吼聲聞數里明年遂有奚德奚本等倡眾為叛知州苟詵出奇設伏躬入巢穴率師格殺仍立哨于要地民用以安楊慎有南安守行楚雄郡在滇雲間屬州斗大名南安帝裳椎髻滿夷箭刺桐毛竹紛交橫狼子野心獷難制寇巢益窟相糾蟠分符長吏噢且咻相戒咸

楚雄府志勝

卷之十

十一

欲服以寬蟻聚蜂屯盈十萬積漸多於鄭宅完新守者誰苟其姓下車亟欲鋤神奸誓修鯨鯢一鼓盡芒蜎草恙無遺管蛟翼負山猝未殲精衛填海力已殫蠱亦有毒吁可怪虎豈易搏驚傍觀官中了事是痴絕何如袖手同堂餐紅雲一朵天北極白日不照天之南苟成都之華陽人

鎮南州

在府西北七十里

漢時濮落所居川名欠舍中有鷄和城唐蒙氏置石鼓縣又於沙却地置俗富郡即今州治也宋時屬大理段氏元初置欠舍千戶石鼓百戶至元中

改欠舍千戶為鎮南州又置石鼓定邊二縣後省二縣入州 本朝復置定邊縣以隸府而州仍舊○滇程記曰由呂合驛三亭而達鎮南州城南有石吠之山是占豐歉有奇望號仙人骨瘍醫采之按在州東南二十里山產煤炭中有碎石如朴硝粉之可敷創疾口石吠山在州南上有片石類犬相傳凶年將至則石有聲若犬吠然○金鷄山在州正東五里高出羣峰每日將升望山尖如火輪昔有金鷄見其上○十八盤山在州北十五里登之者迂迴山岡十八折乃至其巔○石鼓山在州

楚雄府志勝

卷之十

十二

東十里上有石行列如鼓舊石鼓縣以此得名鄧漢詩云斗大雖稱郡由來形勝多山橫白鹿郡水接青蛉河里社開喬木人烟枕曲阿遺風問南詔猶自說鷄和鷄和即石鼓城也○五樓山在州東三十里太乙村後嵯巖峭拔產美石可以琢器是王張二仙隱處○滇程記云鎮南州三亭而畸達沙橋有鴛鴦白塔二坡自茲徂西山確道脩遠日而舍沙橋驛八亭而達達普湖土人稱陂堰為湖也途經小孤山鸛鵲關七里坡普昌關泰地哨道歷巨箐危石口按沙橋村有舖有堡有巡司有驛

俱在州西三十里楊慎沙橋花園詩云村墟遠幾
家驛亭空四壁誰解築花牽離英紛可覩似憐遠
遊人驛以慰岑寂口沙橋驛南有南山寺城西三
里有西山寺雨落村有光明寺高陀村有高陀寺
西山之上有三尺寒泉○州西四十里直力橋楊
用修有詩柳篇其叙云楚雄直力橋有垂柳一株
婉約可愛往來見之賦此志感靈和殿前艷陽時
忘憂館裡光風吹千門萬戶旌旗色九陌三條雨
露姿蒼涼范日龍燕旬縹緲宮雲覆京縣芳樹重
重歸院迷飄花點點臨池見臨池歸院總仙曹應

楚雄府志勝

卷之十

十四

制分題競彩臺詔乘西第將軍馬詩奪東方學士
袍金明綠暗留烟霧舊燕新鶯換朝暮只知眉黛
為君耀肯信腰肢有人妬從此沉淪萬里身可堪
憔悴四經春支離散木甘時棄攀折荒亭委路塵
搖落秋風上林遠婆娑生意華年晚腸斷關山明
月樓一聲橫笛清霜坂按其樹在直力橋而詩題
捨資驛壁故都遠游和者錄于前○英武關在州
西七十里即鸚武關有鄧漢七言古風見廣西府

姚安軍民府

在府城東
初七百五

漢弄棟蜻蛉二縣屬益州郡東漢屬永昌郡蜀漢
屬雲南郡唐置姚州都督府於此以其民多姓姚
者天寶間南詔蒙氏改為弄棟府段思平改為統
矢邏又改曰姚府至段政嚴封高泰明之子明清
為演習官兼有其地元憲宗三年內附七年立統
矢千戶所至元十二年改置姚州屬大理路天曆
元年陞姚安路 皇明改路為州後改今府領州
曰姚縣曰大姚

姚州

附

姚安府志勝

卷之十一

一

唐龍朔中武陵王簿石子仁奏置其後長史李孝
讓辛文協並為羣蠻所殺遣郎將趙武貴討之貴
及蜀兵應時破敗無噍類故駱賓王集有祭趙郎
將之文也後使將軍李義總等往征郎將劉惠基
復戰死其州遂廢至垂拱四年蠻郎將王善寶昆
州刺史樊乾福又請置州奏言所有課稅自出姚
府管內更不勞擾蜀中及置州後錄事參軍李稜
為蠻所殺延威中司馬成琛奏請于瀘南置鎮七
戍守蜀始多事矣蜀州刺史張柬之表論其弊曰
臣竊按姚州古哀牢之舊國也絕城荒外山高水

深自生人以來泊於後代不與中國交通前漢唐
蒙開夜郎滇罕而哀牢不附至光武季年始置永
昌郡以統理收其鹽布鹽之稅以利中土其國
西通大秦南通交趾奇珍異寶進貢歲時不闕劉
備據有巴蜀常以甲兵不克及備死諸葛亮五月
渡瀘收其金銀鹽布以益軍儲使張伯岐選其勁
卒勇兵以增武備故蜀志稱亮南征而國以富饒
甲兵充足由此言之則前代置郡其利頗深今金
銀鹽布之稅不供奇珍之貢不入戈戟之用不實
於戎行實貨之資不輸於大國而空竭府庫驅率

姚安府志勝

卷之十一

二

平人受役蠻夷肝膽塗地臣竊爲國家惜之伏乞
省罷姚州使隸焉府歲時朝覲同之藩閩云云○
睿宗景雲中姚州蠻先附吐蕃御史李知古請兵
擊降之築土城置州縣重賦稅因誅其豪僞掠其
子女爲奴婢羣蠻怨怒引吐蕃攻知古殺之於是
姚路絕○按唐置姚府總管五十七州皆羈縻
也猶漢之設益州郡晉之設寧州皆舉全省而言
今係之姚安者以當時姚州都督設在其地故耳
若元時姚州則專轄一方○歐陽玄陞姚安路記
云姚安當段氏有國時爲姚府居南詔八大府之

一其地有崇山修谷平疇廣川饒麋鹿魚鼈之利
其土宜黍麥穀稻其民尚矣俗樂善事嘗攷其載
記高自昇泰相國六世至護隆封其長子隆政爲
姚州越雋會川三郡之演習演習者蓋彼國牧守
之稱也我皇元憲宗皇帝在位歲癸丑世祖皇帝
以潛邸奉命征雲南段氏國亡降姚府爲州隆政
之子政若入朝授武毅將軍世襲姚州守政若卒
子明襲天曆戊辰又入朝文宗皇帝嘉其世濟忠
孝自遠述職賜衣尚方賜鞍轡乘黃楮幣稱是命
陞姚州爲姚安路明爲姚安路總管留遣明年已

姚安府志勝

卷之十一

三

已會雲南兵禍方起又明年庚午高氏之宗子阿
海率邦人禦賊于險俘馘甚衆適王人督師權委
阿海攝姚州判官行州事至順平辛未夏明始還
鎮偵賊退兵解民馴復業乃創姚安路軍民總管
府於是招流離撫撫貳關汚萊而還僞秩繕官舍
而葺郵傳焉○鄧溪姚安詩山霧四塞煙霏微林
深箐密人行稀騎鈴川北日初霽弄棟城頭雲亂
飛映水鳥此故寂歷迎風雀麥相因依故鄉節候
復誰記五月南中猶衿衣○聚遠樓在府東百步
許 本朝景泰間土舍高清建弘壯高敞每登眺

一郡山川皆在目中副使范淵詩江城九月不勝秋無伴還登聚遠樓白壁不題今日句青山曾共古人遊寂寥且付杯中物聚散還看江上漚老我十年南北路夢魂遊到鳳池頭○松蘿小憩亭在府治西知府楊汝允詩官舍非吾適誅茅旋結廬薜蘿供野色蓬華擬山居夙尚耽名理閒緣了簿書烏啼人吏散臥閣興何如○治西龜祥山一名赤石以形似龜而名其頂有泉其西有金秀山山出泉流下爲陽派河又東流滙爲陽片湖西入于洶溪○溪西北有蜻蛉橋跨蜻蛉河上河舊名三姚安府志勝不卷之十一

四

窠戍江水出府南四十里三窠山山舊有古松三窠夜霽恒發異光土燹以爲金銀器而掘之枯其一○飽烟蘿山一名東山距府治十里高出羣山林木蒼翠其西有武侯塔廟相傳丞相亮征南駐兵之處楊汝允詩崇阿陟盡古祠開諸葛臨戎尚有臺羽扇直疑驅甲馬儲胥猶自護風雷浮雲不改山川色時論終歸管樂才漢祚欲灰成底事蕭疎庭栢有餘哀○山南有古城爲唐刺史張虔陀所築有慈應寺亦虔陀建寺中有碑上存元康三年并雲南郡主等篆字餘皆剝落口東山之泉曰

黃龍曰白馬遶于寺前寺亦以黃龍白馬爲名○九鼎鐘山一名華山在城東北十五里峰巒有九狀若懸鐘每春月花木叢盛時聚遊人○仙景山一名石雲山在城西北十五里昔有修煉山中而仙去者其麓有石田西嶺二泉泉畔有磨杵石爲仙人遺跡○城北十五里有矣保山塔上有碑紀爲段正興太寶六年甲戌建實宋紹興二十四年也○城西十七里稽肅山其泉流入陽派湖山上古碑剝落餘天福二字俗呼稽叔碑○西又十三里口連水源出鎮南州之木盤山經府連場西轉姚安府志勝不卷之十一

五

七十里入大姚河以趨金沙江華陽國志云楸棟縣有無血水水出連山或卽連場山○城北二十里龍鳳山卽白塔山塔爲晉天福間建高十五丈其西南數里有清池可鑒毛髮塔影常映其中因名塔鏡卽塔鏡湖也○妙光寺在府北五十里其相近有圓鏡師和清涼八達吉妙光嚴興寶諸寺妙光嚴爲勝興寶寺有碑刻云段智興元亨二年建宋孝宗淳熙之十二年○元歐陽玄妙光寺記寺在府治蒲海場至順二年辛未姚安路總管高侯歸自京師旣奉命陞州爲路宣授明珠虎符退

自感激荷國厚恩茂以報稱乃捐已資卽私第之里繕修妙光報恩禪寺面勢岡陵占勝泉石祈皇帝壽永錫民福是山昔無泉飲得夢禪師住山以錫杖卓於巖谷之陰而泉湧焉予以雲南之事佛俗有所從受也然而佛之於雲南有足以助時君之化其來亦非一日也彼其沈毅悍鷙之性一旦歸於清淨慈儉之宗此蓋威武之所不能屈教化之所未易漸而爭名之徒深居寡言衣壞食淡合掌趺坐伏而擾之若不勞餘力焉亦豈小補云爾

姚安府志勝不卷之十一

六

○綠蘿山一名盤曲山在府北百二十里中有綠蘿蘭若與穆武山相連○白鹽井在府北百二十里實大姚縣地有鹽課提舉司傍有九井曰觀音曰舊曰橋曰界曰中曰灰曰尾曰白石谷曰阿拜小○滇略云紙竿石在提舉司一里許昔蒙氏時洞庭君愛女於此牧竿有紙餌土驅之不去掘地遂得澗泉名曰白竿井人卽其地立聖母祠及開橋頭井得石竿云卽餌土之紙後歸於聖母祠其井卽白鹽井也志云司北有洞庭君主廟卽聖母祠○司南有文殊寺西有諸天寺知府吳嘉祥詩曲徑絲蘿上巉巖帶閣懸樹深雲護石風疾鳥摩

天井火催鹽急溪流入市旋年來行役倦登歷覺清便○司西一里寶關山勢高百仞以其爲通鹽要路因名○香水河源出府北黎武村與白鹽井提舉司觀音箐步水合流入于金沙江○小卜靈岳祠在府城西北小卜莊躋之將也從躋定滇中戰死于此蒙氏立廟祀之○姚安土府同知州同知皆高姓蓋高泰祥之後也泰祥者高昇泰九世孫當宋理宗二十年冬元世祖攻破吐蕃穿石關駐兵謀統府舉國惶惶咸思蹈海泰祥領兵與元蕭伯顏不花虎兒敦等相持彌月雖雄未決退至

姚安府志勝不卷之十一

七

統矢卽姚安復募兵勤王一時義士桴鼓相應三十七部酋長刻期且至而元兵長驅蜂編蒼郊遂被執面訊不屈世祖欲官之不受因殺之臨刑曰段運不回天使其然爲臣隕首蓋其職也吾事畢矣時日正午忽愁雲怒雷山川悽慘天鼓大鳴元戎失目是歲十二月其妻段氏抱孤高瓊伸訴世祖曰此忠臣後也善視養之乃降旨世其官○元高明爲姚安路總管子壽官雲南中書省左丞○明洪武初州同知高惠正德間府同知高鳳俱有志行稱能吏○弘治中土官高棟與普安叛賊戰

死于板橋驛嘉靖中土官高鵠當元江之變布政徐樾遇害奮身赴救死之□成化間土判官高梓潼賜至孝為母舐目復明吮癰代死有司旌其門○滇略云姚安之夷名散摩都獬獬強悍好鬪交易用鹽米一日一小市五日一大市且却鄉有黑齒百夷樓栖河浴寢臥無尊卑但以氍毹間之而已

大姚縣在府北三十里

漢為蜻蛉縣治屬越嶲郡蜀漢屬雲南郡唐置西濮州後更名黎州宋大理段氏屬姚安夷名大姚姚安府志勝卷之十一

八

堡元初置大姚堡千戶所至元間改今縣屬姚州本朝因之與中屯千戶所同城○晉常璩志蜻蛉縣有鹽官濮水同出焉按蜻蛉河源出州之三窠山潞為大石湖分為東西二洶溪遶府而北合趨大姚河轉入于金沙江○大姚河源出書案山西流至當縣與鉄索之水合流經州治復遶縣東北入于蜻蛉河○鉄索箐在縣西北山阿水隈夷黨聚以剽掠為業且百年萬曆元年巡撫鄒應龍討平之添捕設禦四郡乃安○龍蛟江在縣北百二十里今名其泡江源亦出鉄索箐合州之連場

水二河入金沙江○凡山在縣南一里左隅一名石穴一名石壁洞又名紗帽山山後四里有四路插雲者為四奇山○溫泉在治東冷泉在治北醉翁井在治東相傳昔有人醉死此地自後出泉清冽不竭○武侯土城在縣左却江馬鞍山麓上有鉄橋相傳侯開路時物○白塔在縣西北二里許上有唐尉遲監造字弘治間縣地震而塔中裂耳震復合如故○馬家山在縣北十里高出群山林木葱蘢○柴丘嶺在縣東二十里雲合即雨旱時尤旱上有古寨○方山在縣北三十里產藥苗山姚安府志勝卷之十一

九

有菩提子俗名木樨子員淨而瑩勝他郡之產

武定府

在府城南二里

領州二曰和曲曰祿勸

縣一曰元謀

古瀛國地漢屬益州郡隋爲昆州唐隸姚州昔盧鹿等蠻居之後附蒙氏宋時大理段氏使烏蠻阿歷治此其後裔孫法瓦寔盛併納夷尼共籠等地以其遠祖羅婆爲部名元憲宗四年內附置羅婆萬戶府至元八年併仁德于矢二部入馬更置北路總管府尋改武定路置南甸縣 本朝改武定軍民府弘治間省南甸入馬隆慶中奏革土官除流官○布政使陳善城垣碑略云武定爲南詔三武定府志勝入卷之十二 一

十七部之一宋淳熙間段氏以阿歷爲羅武部長三傳至矣格當元世祖時爲北部土官總管至元七年改武定路追我朝阿而八代孫弄積妻商勝倡義歸附授武定軍民土知府嗟乎商勝土婦耳能知順逆識真主使子孫世守忠順 朝廷方念舊勲錄及苗裔何忍遽剪滅之也正德間弄積三世孫阿英改姓鳳潛蓄異謀嘉靖以來嗣官鳳繼祖者尤而效之曰弄干戈屢撫屢叛罪惡貫盈巡撫尚書新昌呂公光洵始決意議剿未幾逆祖授首隆慶改元年呂公疏於朝請設流官以治之擇

鳳氏族人思光者世授府經歷以永其祀制曰可三年思光之父鳳曆糾合諸夷謀危城社巡撫江陵陳公授知府劉宗寅同知邵世彥密計一鼓撲滅之說者謂三公定亂之略賢於數萬甲兵云○相傳鳳繼祖之叛副使張天復督兵至武定夜夢一虎垂翼於良方乃鑄銅虎於城隍廟爲文以厭之逆祖遂就擒

和曲州

附郭

元至元中改叵遼甸置○皇明因之嘉靖末築建府城移州附郭有廢南甸縣舊名夷陳龍又名漢武定府志勝入卷之十二 二

甸訛爲南甸元時置南甸縣屬武定路者 本朝改隸和曲州○治東北一里有虎市龍潭二橋兩岸江壁峭立相對跨以木橋其下龍潭淵深莫測中有靈物潛焉相傳橋不敢覓覓之斯崗○獅子山在城西二里石岩雄踞如獅故名○滇略云獅子山去城西五里許壁立千仞其巔平敞里許有泉噴出渚爲小池池傍羅漢松一株大數十圍霜條鐵幹世所罕見巖半有菴曰龍隱中祀 建文帝相傳帝自靖難師入自髡以出栖此山者四十餘年今其像禪衣錫杖凄然老衲狀也○諸葛故

城在城西二里丞相亮初過大渡河卽駐節於此
今遺址猶存○香泉在城南三里泉至春則生香
土人每以二三月間具酒肴祭泉然後汲之和酒
而飲謂能愈衆疾又舊州西十五里廢縣南三里
俱有香泉味皆芬冽土人汲去以酸棗蔗漿鹽梅
和飲之○烏龍河在治後五里源出烏龍洞溉田
凡數百頃土人云洞中有靈物能興雲雨○佐丘
山在城北二十五里山中平坦花木長春有澤廣
五畝水無盈涸流分二派一爲勒溪洩一爲東坡
洩○鋪哇山在城西南三十里稱險隘有懸瀑汗

武定府志勝八卷之十二

三

丈下注成池名鋪哇洩歲春月土人皆浴其中○
紅崖峽在城東北四十里丹崖壁高千尺餘東
枕溪流險峻難陟弘治間鳳英始開路行者便之
○壽胚胎洞在城西北四十里山洞深十餘丈中
有石筍森立石乳自岩下滴筍堆凝成質如手拳
然又有石如壽星者如盆盂者如獅象者○武陵
洞在城北七十里夾甸西山中深不可測內有流
泉石人石獸以火燭之不敢語語則雷雨輒至○
三石塔洞在武陵洞西山巔有疊石層層如塔者
三洞深可三十餘丈中有石盤注水不溢不涸盆

中浸一白石狀如鐘色如冰玉以墨書之頃刻變
成黑片又有石如人立者有筍下垂者四壁人物
如畫如塑○惠嬭湖在城西北八十里湖方五里
茂林佳木掩映其傍水色清碧深不可測亦有鳥
所落葉之異○金沙江在府治北源出吐蕃流經
龍川犁牛石下又名犁牛河過麗江鶴慶北勝姚
安歷本府北界又東達黎溪沿江多嵐瘴冬日行
人流汗土人云惟雨中及夜渡乃無虞元李京詩
雨中夜過金沙江五月渡瀘卽此地兩崖峻極若
登天下視此江如井底三月頭九月尾烟瘴拍天

武定府志勝八卷之十二

四

如霧起我今適當六月末王事役人安敢避來從
滇池至越嵩畏途一千三百里干戈浩蕩豺虎穴
晝不荒寧夜無寐憶昔先帝南征日簞食壺漿競
臣妾撫之以寬來以德五十餘年爲樂園一朝賊
臣肆胸臆生事邀功作邊隙可憐三十七部民魚
肉豈能分玉石君不見南詔安危在一人莫道今
無賽典亦○輿地圖云金沙江距府三百八十里
又七十里爲會川衛由會川過金沙江謂之渡瀘
也諸葛武侯出師表云五月渡瀘卽此按京字景
山河間人大德間山樞庭宣慰烏蠻寺陞烏撒烏

蒙道宣慰副使時其地隸雲南行省羣蠻不靖按行調發周履雲南之境後乃悉其見聞為雲南志略四卷以獻虞伯生元明善俱為之序○賽典赤者元咸陽王瞻思丁也有忠愛於雲南死之日百姓巷哭之交趾王遣十二使衰絰弔祭○滇略云萬曆三十五年十一月武定土酋鳳克叛陷郡城脅推官白明通索府印遂圍雲南巡撫陳用賓以印與之始解明年正月鳳克陷祿豐殺知縣蘇慶陽又陷元謀羅次嵩明等州殺掠無算用賓尋發兵討平之俘克等檻送京師既而言者交章劾用武定府志勝卷之十二 五

實棄印及總兵沐叔等失機罪

詔逮治及都司

張名世武安知府陳典推官白明通祿勸知州黃

榜俱下獄論死

元謀縣

在府西北一百九十里

元至元中以環州置元謀縣隸和曲州

皇明因

之舊土知縣吾姓今革○治南有馬頭山連亘四

十里地勢最高東望尋甸南見楚雄北眺黎泥西

瞻大理縣治之鎮山也○法靈山在城西北十里

一名住雄山頂摩蒼空壁立萬仞西枕巽陋向東

北諸山環於州境俗呼環州山○吾梁山在治北

三十里孤圓秀拔登臨稱快又四十里為盤龍山逶迤連亘有蟠泥之勢故名○竹沙雄山在西北二百里四壁卓立竹木叢蔚高出羣山之上人迹罕至○縣有雷應山相傳霹靂發聲於此其處有應元溪源出和曲之虛仁驛後經馬頭而注于此又有紀寶溪其源出定遠縣之苴寧山流合應元溪○法納和村有溫泉其沸如湯可烹羊豕土人於冬春競往浴之○楊慎過縣村詩遙望元謀縣塚墓何疊繁借問何人葬官尸與吏骸山川多瘴癘仕宦少生回三月春草青元謀不可行九月草交頭元謀不可遊嗟爾營營子何以歛來此九州幸自寬何為此遊盤

武定府志勝卷之十二

六

祿勸州

在府東北二十里

元以洪農祿勸甸置祿勸州領易籠石舊二縣屬

武定路 國初以易籠省入州正德間又以石舊

省入○按石舊廢縣在府城東縣界元有四甸曰

掌鳩曰法塊曰抹捻曰曲藏後訛呼掌鳩為石舊

元因以名縣○有掌鳩水遶村環甸凡數十次咸

有渡○掌鳩甸有斷石人俗傳古有仙翁騎驢至

此驢為道傍翁仲所駭仙翁怒拔劍斬石人至今

身首宛然○法塊山在石舊縣西北三十里四面削立如城惟東南一徑可容足騎其傍有哀阿籠山○匪歪山在法塊西其巔凹而坦可容數萬家○石舊南十許里有懸崖石女俗傳古有二女牧織山下有飛虫來集麾之不去撲殺之俄而烈風大作吹二女懸于崖下遂化為石○石舊東南有普渡河流入金沙江○廢易籠縣在州北百八十里地名倍場有二水相合遶城而東蠻語謂水為泖籠為城又訛泖為易焉昔羅婆大會居之為羣會會集之所○幸丘山在易籠縣東北四面陡絕

武定府志勝

卷之十三

七

絕頂有三峰亦可容數萬家昔為羅婆寨天生之域所謂牢不可破者有甘龍泉山焉○滇載記云唐代宗大曆十四年南詔異牟尋嗣立改國號曰大理自稱日東王僭封五嶽四瀆立三皇廟春秋致祭以國界內之點蒼山為中嶽以東川界江雲露松外龍山為東嶽註在今祿勸州一名絳雲露山山有共命鳥穴一名烏蒙山一名雲龍山○滇略云烏蒙山在祿勸州東北三百里北臨金沙江山有十二峰八九月間常有雪其頂有烏龍泉下流為烏龍河蒙氏封此山為東嶽

順寧府

在省城東十百有五十里

親領編戶六里

舊名慶甸蒲人居之即濮人之訛也歷漢唐宋不通中國雖蒙段亦不能馴元泰定間始內附天曆元年置今府併置寶通州及慶甸縣本朝洪武初設府仍舊省州縣俱入焉○府治東西有兩山翼之如雙鳳名交鳳山山瀉泉流於治北作橋跨之名柳春橋橋有瓦屋扶闌也○蘊古泉亭在治西方言謂泉為蘊謂湧為古蓋其地有湧泉焉清澄可鑑毛髮避暑亭中涼沁肌骨○響景亭在治西三里陶家園水竹環遶清景快心是郡人遊賞處○龍湫亭在府治南山麓方一畝林木蔽蔚至其地毛髮悚然相傳有龍居其中可以禱旱○溫泉二所一在阿汪村一在西添村其沸可汲○順寧河在府治東源出甸頭村山箐內流入大候孟祐河即府之帶水也○樂平山在府西北十五里為郡鎮山山下有塘周圍里許知府猛寅所鑿以備灌溉○城西十五里有玄玉山又名僕山近日耕者得一石方尺許厚寸上有鐫文曰襟滄江帶錫河為崑崙山家子厥名曰中阿下尚有十餘字皆剝落○州南四十五里把達山上有把達關兩

山對立如門一徑中通實稱險隘○關滄江在治東北七十里源自金齒東南流經本府與黑惠江合南過景東元江交趾乃入南海歲五六月江中有物黑如霧光如火聲如析木破石觸之則死或云此瘴母也按關滄江經過多郡縣瘴母之推惟獨順寧爲然本朝正德十三年八月龍圖關滄江水騰湧百丈行人不能渡者七日○關滄浮橋編竹爲之長十五丈廣五丈人馬經之如臥虹狀楊慎詩千尺長虹臥錦波懸檀度索笑柯玉關金鎖隨開闔木客鰲人襍嘯歌漫道龜鼉巢碧海虛

順寧府志勝

卷之十三

二

傳烏鵲架銀河堪憐來往驚鴻影步步塵香濺襖羅口知府猛卿時關滄江漁者見有物汭流而來舉網得之乃觀音像也鑄法古雅蓋自交趾逆流至者以獻猛猛命祀於城東萬慶寺口觀音寺在江坡把事何智建以其處有觀音井也初長途夏月行皆苦渴一老人過此以杖觸地而泉湧出因名觀音井云○黑會江即黑惠江一名海溪江在關滄江之東水由大理劍川澤流經漾濞巡檢司南四十里橋舖與漾濞二水合爲一江入蒙化境至本府洋山下入關滄江蒙氏以黑惠關滄路怒

麗江爲四瀆卽此○繹山在府治西南二百里山勢百盤林深谷奧下臨絕澗渡以藤橋土人呼爲阿繹五山山水急速流下爲阿繹河中有魚似鯉而非肥美可食○阿魯使泥山在府北百八十里山中有洞深十餘步上積華蓋層層如樓閣常有白氣出入其中名白霞洞兩山迥絕中有磴路可百餘步平直如砥逕旁皆細草蒙茸俗呼觀音接路○又十里爲虎墟河在阿城舊村南以河傍舊有虎穴也河水流入黑惠江其地有象脚井昔有白象過此衆逐之象足所跑處出泉一泓故名○

順寧府志勝

卷之十三

三

西粵山在治西南二百里層峰削壁之下有洞豁然形肖城闕廣約十許丈嵌空竒崛其上有青蓮華朵朵下垂石鐘磬二擊之琳瑯成韻深遂莫窮董難詩云茲山奇絕不可紀嶙峋嵌空難與比晦明幻化神物潛章亥艱難不到此山鬼啾啾木客號古藤絙索垂猿猱山禽百韻隔雲木落日熊羆呼其曹路斷弔橋懸惟石宛若晴虹高萬尺懸檀度索越他山廕廕天風吹羽翮煙霞不隔水源深仙境微茫何處尋人似避秦雞犬近松根履足蹇然音洞門深鎖桃千樹山靈謝指桃源路翠觀岑

青紫府圖鬼工斲處心驚怖石鐘繫紫石乳香龍
飛鳳翥石筍長石鐘石鼓還石磬鈞天樂派音鏗
錚仙人酤我長春醕一飲驪襟無處所仙詞瀏亮
潄塵煩自信仙緣吾與汝○泮山在府東二百二
十里山極陡絕下卽瀾滄黑惠合流之處號爲泮
江而山又因江得名○蟭蛄者山在治北二百四
十里土少石多高峻骨立奇詭嵌空宛如鬼工削
成其下有聚落俗呼蟭蛄者云○滇略曰在順寧
沿瀾滄江而居者曰普蠻一名撲子蠻體黑性悍
專爲盜賊騎不用鞍跣足衣短甲膝頸皆露善用

順寧府志勝

卷之十三

四

鎗弩馳突如飛男子以布二幅縫合而掛體無襟
袖領緣食不用筯寢無床衾拳屈而臥婦人縮髻
腦後織紅黑布幅搭於右肩左脅而扳於胸前
別用布一幅蔽腰見人不拜但屈膝而已○猛緬
猛猛緬撒所謂三猛也附近順寧而猛猛最強部
落萬人時與二猛爲難其地田少箐多射獵爲生
猛緬地雖廣衍而民柔怯酋長忠順猛撒微弱近
折而入吹馬矣○通志云蒲人青紅布裹頭頂以
青絲小縑繩而繫之多者爲貴無則爲賤下著花
襯身掛花套長衣膝下繫黑藤數遭婦人縮髻于

後頭戴青絲珠以花布圍腰爲帟上繫海貝帶
十數圍以莎羅布繫肩上爲盛服赤脚而行涉水
登山其疾如飛○有名夜梅者樊人婦也正統初
木邦犯境至於順寧兵勢大熾郡中男女與敵者
皆北夜梅手持尺劍殺其百十餘騎而歸○西南
夷傳云巴蜀民或竊出商賈取其竿馬樊僮髦僮
髦牛以此殷富志云樊僮卽今順寧西南之樊夷
也僮信實而忠於其主至死不變

順寧府志勝

卷之十三

五

景東府

在舊城東北一百八十里

親領編戶八里

初名柘南一名猛谷又名景董後訛爲景東也和泥昔樸二蠻居之漢時尚未有其地唐南詔蒙氏立銀生府於此後爲金齒白蠻所據元中統三年討平之以所部隸威楚萬戶至元十二年置開南州隸威楚路洪武中改今府上知府陶姓土知事姜姓○楊慎送劉通判之景東詩有云子去官柘東瀟酒亦仙吏清泉湛浮塵白日少公事烏巾白袷對青山品水尋烟衙院閑松濤遙起瘴癘外茶星宛在泉縉問題首曰甸灣茶歌蓋府與甸灣

景東府志

卷之十

十

州隣界云○景董山在府治西昔爲會寨今立衛城城之西據山巔又有小城周圍三十餘丈惟開東門以望遠圖經曰小城形如偃月謂之月城○冠泉亭記略云衛治設在無量山麓登嶂懸厓三方環拱前則原野寬平一望無際其中所少者特水耳雖寒泉數穴地脉細微不足於用昔人隨山遡源決渠接覓將一舍而遙順勢自然而導之直抵于城南隅鑿池一區深濶各丈餘甃以磚石上覆以亭下實以沙歲令定夷門卒更相巡視俾無壅滯故水來無窮而其用不乏云按景董卽無量

山之支龍也○邦泰山在府治東有險可恃土官世居之其麓有陶猛田土知府陶姓正統間陶璜襲職值麓川叛寇入境璜祖母阿襲率所部禦賊斬馘甚多境土以完朝命進襲爲太淑人○城南一里有錦屏山青鋪翠列望之如屏北三十里有鶴籠山一峰突兀絕頂孤圓○東北有孔雀山其水流經孔雀橋橋在府治南十八里○城東二里有大河橋上覆瓦屋凡四十九楹其源出定邊縣之阿笠村合三岔流經府治南入于馬龍江○蒙樂山在府北九十里一名無量山其高無筭不

景東府志

卷之十

二

可攀躋一峰特出上有石罅蒙氏封爲南嶽最上有毒泉人畜飲之皆斃山半石洞深不可測每有燃炬探之輒遇大蝙蝠撲滅泉流二派北爲清水河南爲通華河跨河之橋亦曰通華在府治北通華河北有一小亭名曰短亭○關滄江俗名浪滄江源出金齒流經府西南二百餘里南流至車里宣慰地○哈蒲路村有石洞其中有石鼓石床人物之狀人多遊之○自古通云興宗王蒙遜晟開南邵窮石村中一僧牽白犬乞食村民盜犬食之僧指某某皆盜也怒榜掠之頃肚中忽作信信聲

相顧失色以僧爲妖支解之僧呼曰終爲仇對何
苦如是竟灰燼其屍盛以截竹投之江須臾此僧
裂竹而出形體復完相傳以爲觀音大士神化使
然○弘治間景東府忽然昏黑三日不聞往來相
值面目莫辨若夜行然有司聞于朝 命廷臣集
議行考察法以謝天變于時南京刑部左侍郎兼
僉都御史樊瑩承旨考黜文武官千二百員有奇

大理府

去省城八百里

領州四縣三長官司一

漢元封時置益州實本郡地東漢分屬永昌郡蜀
志建興二年益州大姓雍闓殺其太守正昂附於
吳先王更以張裔爲太守闓假鬼教曰張府君如
瓢壺外雖澤內實粗殺之不可縛與吳於是執裔
與吳孫權乃遣署闓爲永昌太守遣故益州牧劉
璋子闓爲益州刺史居於交益之間建寧人孟獲
說夷叟曰官欲得烏狗三百頭膺前盡黑者蠟腦
三斗關木構三丈者三千關木堅剛性委曲高不
至二丈故獲以恐夷明年春諸葛亮南征自安上
大理府志勝卷之十五 一
水路入越嵩別遣李恢向益州以王士爲太守先
是越嵩叟帥高定元殺郡將稱王以叛軍卑水上
亮斬之定元部曲推孟獲爲主及李恢敗南中夏
五月亮乃渡瀘進征益州生虜孟獲置軍中秋遂
平四郡謂益州越嵩永昌牂柯也建興二年置雲
南郡齊梁改曰西河陽隋置南寧州總管唐置姚
州都督俱屬焉天寶以後爲蒙氏所據建都于此
其後鄭趙楊段四姓迭據之元憲宗時立上下二
萬戶府至元間改置大理路 本朝改路爲府○
華陽國志云雲南郡有上方下方夷亦出華布孔

崔土地有稻田畜牧但不奉桑葉榆縣有河洲遂
又縣有繩水有縹碧石橋棟縣有無血水水出連
山刺史王遜分雲南置河陽郡郡治河陽縣在河
中源洲上○元郭松年記略云大理城名陽苴咩
城亦名紫城方圓五里卽蒙氏第五王神武王閣
羅鳳贊普鍾十三年甲辰所築時唐代宗廣德二
年也西倚點蒼東扼洱水龍首關于鄧川之南龍
尾關于趙賧之北昔稱山水大都惟此足以當之

太和縣附郭

漢葉榆縣地唐開元末皮羅閣逐洱河蠻取太和
大理府志勝八卷之十五 二

城卽此元憲宗于城內立上中下三千戶所至元
中罷中所爲錄事司于上下二所立今縣 本朝
因之羊苴咩城一名葉榆城坐點蒼中峰下輓表
石裡方三里圍十二里城內馳道廣二丈五尺四
垂爲角樓元僧天祥榆城聽角詩十年遊子在天
涯一夜秋風又憶家恨殺葉榆城上角曉來吹入
小梅花○一統志云南詔城有九重言九座也二
在河尾里一在關邑里一在太和村一在北國一
在蟠溪里一在塔樹一在摩用以史城羊苴咩足
之爲九皆備吐蕃而設○五華樓在府治西唐大

中十年南詔蒙昭成王晟豐佑所建以會西南諸
蠻夷其樓方廣五里高百尺上可容萬人亦曰五
華臺元憲宗曾駐師馬樓前有撫運碑僧子雲撰
皇明康里子山詩有客新從鶴柘回自言曾上五
華臺蒼顏暑雪當窓見玉脚晴雲對檻開桂樹小
山招隱士桃花流水屬僊才王孫芳草年年綠爲
問西遊幾日陪○楊士雲蒼洱圖說云大理之境
峰巒萬疊戴雪腰雲如列屏十九曲峙于後者點
蒼山也波濤千頃橫練蓄黛如月生五日潞於前
者葉榆水也卽道元水經註曰葉榆水一名洱水
大理府志勝八卷之十五 三

西漢於此置葉榆縣夏秋之交山腰白雲宛如玉
帶昔人題天將玉帶封山公者此也峰峽皆有懸
瀑注爲十八溪溪流所經沃壤百里灌溉之利不
俟鋤疏春碓用泉不勞人力郡之方位延庚揖辛
賓夕陽而導初月蓋與海臨之西湖洪州之西山
嘉州之蛾眉齊安之臨臯滁之琅琊同一快雨若
夫四時氣候常如初春寒止于涼暑止于溫曾無
穢穢凍栗之苦此則諸方皆莫及也且花草蔬菜
迥異凡常島嶼湖波偏宜臨泛一泉一石無不可
坐風帆沙鳥晴雨咸宜浮圖鉅麗玉柱標穹傑閣

飛樓連幢萃影翠微煙景陸蔚葳蕤千態萬貌不可爲喻至其地者使人名利之心頓消崇聖鴻鐘聲聞百里諸峰梵唄通爲連屬滄波漁火滿地星辰映壁澗峰植圭櫟劍時有隱君子誅茅于其中唐人詩云燈懸千嶂夕幔卷五湖秋語殆爲斯地設歟謝肇淛點蒼山詩點蒼十九峰一一芙蓉青巖亘百餘里疑張雲母屏鳥道當太白鐵壁排高冥白雲逸其腹玉帶橫萬釘一峰一溪流奔瀉如建瓴散入市廛問家家鳴琤琤遠近汪矚隰禾黍藉生成陰崖四五月積雪輝廣庭陽光照不及大理府志勝八卷之十五 四

力與造化爭北麓產文石玉質聲瓏玲濃淡合圖畫蒼素何分明追琢豈天巧醞釀誠地靈○西洱河在府城東洱通作耳一統志曰河形似耳通志曰如月生五日又曰形如月抱耳通典曰卽昆洱池漢武帝象其形鑿池以習水戰非滇池也昆彌國亦以此名水經注曰葉榆河水罷谷山數泉涌起如珠樹世傳黑水伏流別派自西北來匯于縣東爲巨津又遶縣西南山石穴中出會澗滄江而入南海又曰浪穹水經縣西南玉案山遶出天橋其末流名渙水乃遶點蒼山背與漾水合入閼滄

江口洱河有四洲曰青莎鼻曰大貫洲曰鴛鴦曰馬簾有九曲曰蓮花曰大鶴曰嶠磯曰鳳翼曰羅時曰牛角曰波炸曰高崑皆可田可廬而大鶴洲隨水浮沉常不收口又有三島曰金梭曰赤文曰玉几金梭島在青巖山之南玉几山卽玉案山也漢元封間兩司馬皆至止山在葉榆河東岍上有摩崖刻十四字云蜀諸葛亮平南中陣於是水之南其後唐開元中李宓王天運等伐南詔前後覆軍皆于此處口赤文島有大篆數十字莫能辨志謂之地券古蹟志曰邪龍者羅刹也漢時立邪龍大理府志勝八卷之十五 五

縣佛祖記云洱河昔有羅刹啖人睛肉居歲久族盛乃王其地號羅刹國觀音化爲老人乞地藏脩問其廣狹曰袈裟一展大耳跳之地足矣羅刹許諾老人曰恐後悔請立地券又許之券成解所衣袈裟一展蓋其國都令犬一躍盡其東西耳躍盡其南北云口府城東北鳳岡村有合會寺野史載觀音買羅刹國會合國人者叟于此相連有遺愛寺觀音閣閣東有古羅荃寺口通紀曰邪龍旣爲大士所除其種類尚潛於東山海窟惡風白浪時覆舟航有神僧就東厓創羅荃寺厭之誦經其中

一夜忽聞大震動聲僧鳴之見百十童子造曰師
在此壞我屋宅吾屬不安請師別遷僧厲聲曰是
法住法位有何不可遂失童子所在明日寺下漂
死鱗百餘自是安流稱樂土焉○舊志羅荃寺唐
楊都師所創也寺前有田四十畝以神力栽挿日
未昃而畢工山下有黑龍爲行舟患呼犬吠之龍
怒出水而蜿蜒之頃若受教誨而沒先是河浪九
疊師以念珠鞭去其三疊河乃翕順可舟○洱河
逶城西南山石穴中出東岸有分水厓儼如斧劃
漁人謂自岸下分水爲兩南河北海鹹淡不類河

大理府志勝八卷之十五

六

魚不入海海魚不入河魚遊至此則返冬鯽味美
甲於諸郡魏武帝四時物製曰滇池鯽魚至冬極
美是也八月望夜河海正中有珊瑚樹出水而漁
人往往見之世傳海龍獻寶內典云珊瑚撐月卽
此元述律杰詩洱水何雄壯源流自鄧川兩開龍
首尾九曲勢蜿蜒大理城池固金湯鐵石堅四洲
從古號三島至今傳羅閣憑巖嶮封疆却侵烟點
蒼山色好銘刻尚依然明楊士雲詩羅谷源初導
寧河委更深淵爲葉榆澤流過點蒼陰淥漠交奔
注開津渺帶襟三危何處是黑水到南滇鄧漢詩

鷗夷笙歌載兩頭春風徐漾木蘭舟魚龍徙族聞
中夜蒲柳分行辨四洲弓月全臨隄影出蓮峰遙
學浪花浮清尊滿泛空明色宛在蒹葭白露秋○
洱河東畔有剝碑穿舊傳蒙詔將樹國門之碑伐
材于此今石厓碑迹猶存○郭松年行記曰洱水
涉歷三郡停蓄紫城東北自河首南盡河尾汪洋
浩蕩波濤于兩關周圍百有餘里河首卽上關城
也一名龍首關週四里四門距府北七十里元王
明嗣詩萬里雲南道壯哉龍首關氣吞西洱水勢
軋點蒼山虎節光推轂犀昆響賜環銘功崖石上

大理府志勝八卷之十五

七

寧美玉門關○河首有水樓卽水月樓元僧天祥
詩此樓登眺好終日俯平湖葉盡村村樹花殘岍
岍蘆漁翁晴獨釣沙鳥晚相呼何處微鐘動雲藏
萬寺孤志謂龍首關南石巖中開一小竅深不可
測患耳疾者以一海肥投竅中卽愈○滇略云上
關和山之麓有樹高七八丈葉如桂花白色每朵
十二瓣以應月數遇閏輒多一瓣相傳僊人所種
更無別本土人因其地名之曰和山花鄧漢詩有
云此花種來不知歲要識歲功驗花蒂霜葉青青
雪作葩風前十二釵橫斜○河尾卽下關城又名

龍尾關距城南三十里過二里三門關南有橋橋南有壁郭松年記云自趙州舟行三十里至河尾關珥水之下流也架木爲梁長十五丈餘穿形飲水睨而視之如虹霓本朝程本立詩山爲城郭海爲池一卒當關萬卒窺越駕郡開通漢使吐蕃兵結覆唐師從知地險非空設豈信天亡遂不支歷覽華夷每懷古臨風倚馬讀殘碑○龍尾關外有伏波廟世傳諸葛武侯駐兵渙水上一軍皆瘠因禱伏波之神得愈又有靈塔寺蒙詔時龍尾關出大蟒吞啗人有段赤城者葉榆人披甲持雙刀大理府志勝八卷之十五

八

赴蟒蟒吞之劍鋒出其腹俱死土人剖蟒放取赤城骨葬之建塔冢上煨蟒骨以堊塔因名靈塔○塚記云唐天寶戰士塚二其一在龍尾關東鄧達遊詩荒墳何崔嵬悲見萬鬼鄰山風吹白楊黯黯玄陰屯南詔昔拒命此輩稱官軍主將既失利十萬同崩奔膏血殷川原遺骸縱橫陳惜哉掩骼義翻著逆節臣至今風雨夕點點嗟潛蟒王室刑政亂守令寄匪人乾陀小豎子激變良有因西南遂糜沸終唐不復振可憐洱河戰談者爲酸辛近觀鳳酋事國威猶見伸○松年記云舟行至河尾順

流而下約里許有石門巨石橫眉號石馬橋爲群波爭道之地懸流奔注雲濤雪浪聲聞數里河尾橋之西有關馬北入府城之路名龍尾關蒙氏之所設也高壁危厓巋然尚存楊用脩詩有云蒼山峽束滄江口天梁中貫晴雷吼中有不斷之長風衝波動林沙石走咫尺顛厓迴不知征馬長嘶客低首○何鍾記云取道龍關南循洱河往觀天橋及石門關出石關如行成臯之虎牢峯嶂嶺可百餘武名一線天爲洱水故道石林古色可吹洞簫亦險阨也按石門在點蒼山背遵洱河而上其大理府志勝八卷之十五

九

山兩壁牆立深十餘里有若門然○滇略曰天橋在府西南三十五里世傳大士鑿洞山骨使洱河水下趨處也初蒼洱之間皆爲水國旣鑿之後而洱河水洩其大半所存者十之三然後民得平土而居古人謂之石河天橋者兩山輻輳中空丈餘水從空中出兩岍石各上特出丈許其微不相及處有巨石覆掩非神力可致過石橋攀鳥道數十武爲達樣備孔道則石橋之東厓也循岍南行里許有地名不落梅乃洱水出橋外石厓懸瀉數十尺衝激亂石濺沫上起如梅花本朝郭廷梧詩

天橋西渡馬蹄輕一線中分幾萬程激水瀟珠
不老吹簫傍洞鶴先清○天威逕自龍關以外皆
得名之蜀諸葛丞相征南中自會川入歷三絳弄
棟葉榆西抵永昌遂生致孟獲七擒七赦之問曰
今縱汝復能戰否獲心服答曰公天威也南人不
復反矣故以爲名唐顧雲天威逕行蠻嶺高蠻海
濶去舸迴艘投此歇一夜舟人得夢聞草草相呼
一時發颶風怒起雲煎狂波濤擺掣魚龍僵海神
迫急上听走山靈股栗入石藏金蛇飛伏霍閃過
白日倒掛銀繩長轟轟礪礪雷車轉霹靂一聲天

大理府志勝

卷之十五

十

地戰風定雲開始望看萬里有天才四片車遙遙
馬聞闐雲南八國萬部落皆從此路來朝天耿恭
拜出井底水廣利刺開山上泉若論終在濟物意
二將之功皆小焉高駢詩豺狼坑盡却朝天戰馬
休嘶瘴嶺烟歸路嶮巖今坦蕩一條千里直如弦
又萬里驅兵過海門此生今日報君恩回期只待
風煙淨不遣征衣有淚痕○河北海神祠南詔異
牟尋建其時詔棄吐蕃復歸唐特立此祠自誓不
復叛府北五十里何矣城村中有喜洲龍王廟土
人曰此與府東洱水神祠同出按白古通曰點蒼

山脚插入洱河其最深長者惟城東一支與喜洲
一支也南支之神其形金魚戴金錢北支之神其
形玉螺二物見必有禳祥○廟記云榆水西北岍
各有水神祠神狀牛首人身或虎頭鷄喙俱大石
自平地湧出非人工也山海經曰西荒之山有神
獸面人身其說蓋與此合冬月海風水面常有陰
火高數丈燭天海賦陰火潛然是已○太平廣記
載常陀將軍童真梵行不交人欲弘護佛法唐乾
封二年告宣律師曰西洱河出白石土人斷成多
寶佛全身相安在彼土鷲山寺于時蜀青城山人

大理府志勝

卷之十五

十

往請道出郎州大小勃弄三千餘里方達西洱河
蒙自廣三十里中多洲島有古寺經像而無僧
有梵書與今文同其俗每年三時供養古塔塔基
如戒壇三重上有覆釜每放光彼土人卽以素食
祭之求福祚也其地去鶴州二千餘里與天竺不
達蜀人既得像置舟中行數里見洱河岍上小童
行遊謂是神之殺之不知爲海神因爾神怒覆其
舟人像俱溺至晉時成都寺僧忽見寺門前土石
墳起隨除隨長異之乃告大衆深掘丈餘見此像
及人骨俱出骸骨肘脰悉皆龐大比今人數倍出

像時牽曳艱難是吾化爲老人指揮之使出因其
花跌上有隸書多寶字乃各寺多寶律師則隸
出李斯如何太古已有此體答曰見今南贍部洲
四面文字俱是篆隸但以海路遙遠重譯莫傳耳
○志云城北四十里史城是隋史萬歲駐師處按
隋書萬歲京兆杜陵人先是南寧州夷蠻詭降拜
爲昆州刺史已復叛乃以萬歲爲行軍總管擊之
入自蜻蛉川經弄棟次小勃弄大勃弄至于南中
行數百里見諸葛亮紀功碑銘其背曰萬歲之後
勝我者過此令左右倒其碑而進度西洱河入濫

大理府志勝

卷之十五

十三

渠川行千餘里破其二十餘部虜男女二萬餘口
諸夷懼服徑寸明珠請降萬歲乃奏詭入朝許之
已而詭疑貳不欲行于是賂萬歲萬歲捨詭班師
蜀王秀偵知使人索之萬歲悉以所賂金寶沉之
江案無所獲以功進柱國明年蠻詭復反秀奏其
受賂縱賊無大臣節乃除名相傳孔明紀功碑近
在史城今毀○名山記云點蒼山一名靈鷲山在
龍首龍尾兩開之間縣百餘里若屏風然有十
九峰環列內向峰夾一澗懸瀑而下散入市廛村
墅東注于洱河險崖積雪經夏不消故亦名雪山

華陽國志山有神鹿一身兩頭食毒草亦出孔雀
常以二月來翔月餘而去卽此山 明李元陽點
蒼記云山在太和縣西五里凡十九峰連春屏列
內抱如弛弓然山椒懸瀑注爲十八溪翠縹條分
青嶂並峙如大鳥之連翼將翔也山色積黛殷潤
歷秋冬不枯高六十里接連雲氣滇西山川聯絡
拱揖蒙氏竊據封爲中岳漢書邪龍雲南縣註云
山似扶風太乙之狀上有馮河迴迴萬步疊嶂承
流崇岡戴雪四時皆吐鶴雲松檜椅楸生之其陽
多山茶陰多丹桂又有木蓮躑躅花樹並高數丈

大理府志勝

卷之十五

十三

春日紅白錯襍被于谿谷中崑號雪山世傳爲佛
苦行之地草石皆作旃檀香氣叢林列剎諸峰相
望蓋舊在天竺幅員之內爲阿育王封故國有三
千蘭若茲土得其半焉今存者什一耳前襟榆江
碧瀾萬頃背環漾水連絡爲帶林阻谷與而無猛
虎毒蛇冬夏氣候調適暑至于溫寒至于涼而止
故四時無日無花楊慎詩化城樓閣壯人寰澤國
封疆鎮兩關雲氣裝成銀色界天工斲出點蒼山
童軒詩極目望點蒼芙蓉麗雙闕下有百尺松中
有千年雪○志云自山南而北一曰斜陽峰漠南

陽溪二曰馬耳峰葦溪三曰佛頂峰莫溪四
曰聖應峰青岩溪五曰馬龍峰龍溪六曰玉局峰
綠玉溪七曰龍泉峰中溪八曰中峰桃溪九曰觀
音峰梅溪十曰應樂峰隱溪十一曰雪入峰雙鴛
溪十二曰蘭峰白石溪十三曰三陽峰靈泉溪十
四曰鶴雪峰錦溪十五曰白雲峰芒湧溪十六曰
蓮花峰陽溪十七曰五臺峰萬花溪十八曰蒼琅
峰霞移溪十九曰雲弄峰 至此則山海相
接環海之外復有諸山曰青巔曰鷄嶺曰玉几曰
羅釜曰巖葱曰龜曰蛇若拱若揖其間石窟巖巒
大理府志勝卷之十五 志

不可殫述○滇略云湯山寺一名感通寺在城南
十里漢摩騰竺法蘭山西竺入中國時所建唐
南詔重新之其地山巒迴合林樾葱蒨茶絕佳
佛堂之外僧院三十有六四壁繪人天諸相皆極
工麗中堂石上有僧跡跡我洪武十六年寺僧無
極率其徒入覲獻白駒一山茶一 上臨軒受之
頃山茶忽發一花加異之賜 御製詩十八章叙
其水陸往返之勞仍勅撰記略云此寺落成之日
住持者焚香默禱一夕有佛像自城中飛來而奠
位于此今大雄殿未燔像是也楊慎詩巖麓舊山

半波瀾黑水分傳燈留聖製演梵聽華文壁古像
苔見泉香瑞草聞花宮三十六一一達八群二舊
傳感通寺一僧方炊黍忽白虎至急舉以飢連糜
擲中其項去明日佛殿左一像有糜在頸取視之
卽昨餽中物因名其香積處爲白虎墩口楊用脩
記略云投感通乃篝燈夜坐聞寺僧誦等字同游
李中丞曰六書中轉註實非考老而宋人妄擬後
世學者遂沿而不改此不可無述願公任之予遂
操筆書轉註之例約千餘字彙爲一編中豁題其
額曰寫韻樓寓此凡二旬日而後去三月乙酉北
大理府志勝卷之十五 十五

行五里有寺曰玉局在中峰下峰巒四峙恒有雲
氣而夏爲感寺內昭文祠爲祀唐御史杜光庭之
所光庭青城人史稱其博學善屬文後使南詔重
之留教子弟藏修玉局山卒焉蒙學士樊泰堃之
峰麓清平官張羅匹爲之立廟其詩云僊是青城
客山留玉局名渾如故鄉地偏動故鄉情按玉局
出處在成都詳彼處俗傳星回節各寺皆燃炬
惟玉局峰有神火與凡炬散列山谷濱海漁家得
見其全鄉試年炬有多寡中式如其數若見火炬
叅之明春中式亦如其數以此又呼占文峰口南

詔時玉局峰月望夜輒有天樂自空冉冉駐峰頂
詔謂秘密僧王左梨曰夜來天樂甚美何從能使
百聞曰能乃俟望夜作持明法預候其處天樂果
至鷄鳴時但見群鶴翔空遺下玉琵琶龍吟箏竹
笛方響尋器貯之內藏云○馮河在玉局峰頂之
南巖壁聳削潭水清空每有墜葉鳥輒銜去舊傳
觀音大士放黑龍於此使冬春居雪山夏秋居溫
湯寒暑寒熱益熱放溫泉在龍尾關者是每二至
前後數日雷雨大作是龍往返時○滇略曰蒼山
有二潭南潭黑龍居之北潭黃龍居之黃龍善而

大理府志勝

卷之十五

十六

黑龍惡相與鬪黑者敗眇其一目潛于潭底人近
之輒雷電暴作○楊記云玉局西南有一溪疊巖
承流水色瑩澈其中石子粼粼青碧璀璨宛如寶
玉名曰青碧溪緣山麓北行二里至天臺有諸葛
武侯畫卦石土人于石上建八塔以識侯蹟○志
云府城西郊武侯祠後山岡下有壇壝名祭天臺
卽武侯祭天畫卦之所又名畫卦臺初侯南征詔
賜金鉞一具曲蓋一前後葆羽鼓吹各一部虎
賁六十人其諸界有王者儀衛遂得攝以祀天云
○敦素子天臺寺碑略曰諸葛公征南中顧瞻蒼

珥奇麗停車龍泉峰下累月嘗見玉局五雲繚繚
中有紫鳳下集乃躬行荆棘中得梓刻三皇五帝
像異之乃令建閣奉像記焉又于石上畫八卦
建浮圖三十六而去○用脩記云玉局東行一里
至弘聖寺有浮圖高三百尺規制嚴整考之史傳
爲隋文帝時勅建者或曰古阿育王所造也慎有
重脩寺記略云在昔大士作四浮圖以鎮羅刹居
城北者三其寺崇聖居城南者一其寺弘聖高者
五百餘尺次者亦不下四百尺弘聖舊名王舍寺
亦曰一塔寺其浮圖高二十丈爲級十六我朝弘
大理府志勝

卷之十五

十七

治間南澗出怪物湧水高百丈狀如雪山至弘聖
寺前勒留久之然後分倒而去人以爲浮圖之功
寺有閣辰蒼面洱原野雉堞咸在指顧之中○三
塔中央高四百餘尺凡十六級旁二座差小俱錯
金爲頂頂有金鵬世傳龍性畏鵬而敬塔大理舊
爲龍澤故用此制歷之塔尖有缺記云唐貞觀六
年尉遲敬德監造開元元年癸丑南詔請唐匠恭
詣徽義重修塔成而二匠死寺有銅觀音像高二
丈四尺其銅初不給家詔民董善明顯天虔禱是
夕天雨銅助之無欠無餘像成日五色光瑞覆蓋

全境三門內有樓上懸鴻鐘聲聞百里欵云大蒙國建極十三年鑄爲唐咸通十三年也。懸鐘樓之北有般若臺模李陽冰篆其上三門外萬松離立蒼翠際天鄧漢六言詩法界金銀夏啓花宮日月雙題蒼山霽雪當戶江水春雲到溪阿育故封自徙咸通年號猶遺人天何限興滅徒倚藏經閣西口三塔南石上有觀音蹟縣人楊輔爲八分書識之輒傳學多聞尤精篆隸所居有桂樓在城北十五里著隸法宗源每視水乾輒有神爲之添歲八十餘得道僊去。三塔左有瑞鶴觀楊慎記略

大理府志勝卷之十五

十六

云應樂峰之下三塔之次有瑞鶴觀本崇聖寺址寺在唐有屋千楹今存者無幾郡人御史中丞李元陽罄其家資興發補弊爲一方快觀乃大建三焦以落之祥雲彌天竟日不散師堂蠟炬匪火而燃聚魂之處神虎現形雙鶴蹁躚集于殿春老稚謹呼頃之乃隱于是復庀材鳩工以建茲觀先是公夢神人三十六于雲端下大木去地丈許懸空而上及竣事規制悉與夢符太守鄭侯題其額曰瑞鶴識景况云。用脩記又曰北行二里至點蒼神祠卽唐書載使臣與南詔設盟處祠在城西三

里中峰之麓唐崔佐時與南詔盟撰盟書四其一卽藏于祠之石室中一沉西洱河一置祖廟一以進上佐時乃常臯幕官也德宗時與牟尋欲背吐蕃而內附遣西川節度常臯覲之臯使佐時至牟苴咩城于時吐蕃使者多在南詔陰戒佐時衣紫柯使者服以入佐時曰我乃唐使安得從小夷服異牟尋夜迎之設位庭燎佐時卽宣天子意異牟尋顧吐蕃使者失色乃流涕再拜受命使其子閣勸及清平官與佐時歃血發兵攻吐蕃使者殺之刻金契以獻遣督長段南羅趙仰寬隨佐時入朝

大理府志勝卷之十五

十九

○帝釋寺在城西北應樂峰有僊樂室以茲地常聆天樂故明陳時雨詩常時看竹過禪室架壑杉松護石窗十九龍溪和玉瀉三千蘭若並霞紅道因學又心方悟詩爲吟多句轉工昨上點蒼巖畔宿碧霄僊樂下天風口應樂峰之南澗曰梅溪夏秋瀑布下有盆澗盆中有石其大如馬水激石跳鏗錫如雷壁上刻無名氏詩翠壁千尋挂玉泉盆澗激石幾千年當時躍浪如龍馬砥礪磨礱變作圓足練捲將高五尺須臾墜落潭花白如今世運自推遷等閑占斷蛟龍宅。用脩記云癸巳北

度南潤乃至無爲寺有汝南王碑聲如玉磬清越可聽聞北岡有元世祖駐蹕臺後人屋之方至其處大雨忽至遂趨屋下避雨軒內洞豁最堪遊日則見蒲川烈日農人刈麥于其處予曰異哉何晴雨相違也中露曰此所謂晴川秋雨者是已每歲五月以上日有雨田野時放晴故刈麥種秧兩無所妨世傳觀音大士授記而然無爲寺在城北蘭峰下有翠華臺上有晒經坡廣三百步不生草木世傳唐三藏法師晒經處三陽峰與蘭峰連接峰下有石案去城北十三里長丈有六潤

大理府志勝

卷之十五

三

六尺厚二尺許四足皆大石上閣此案千夫莫舉案與足相依處可度一髮是神巧也相傳楊波達東漢時人至唐猶存常騎青牛三角逍遙以遊若神明大士爲迦葉波尊者設供用此案是永徽中事○鶴雲寺在城北二十里鶴雲峰麓南詔時有冲舉僊住峰頂四十餘年嘗坐一石圍棋忽下山辭村人曰吾明日去矣翌午登石片雲在足下冉冉騰空而去楊慎詩朝遊蒼山岑夕上蒼山址蒼山不可窮日落悲風起欲騎僊人鶴共看僊人碁僊棋不可見僊人去幾時○鶴雲峰又北六里

石雲寺沿溪而西過獨木橋升寶華寺其地多花卉紅紫膠葛寶華即金龍寺也段氏建舊名昆侖寺上下近花村今謂之普坪村當白雲峰麓白雲峰之下曰芒湧溪上有滴乳石南詔高智昇初生弃于巖下石乳滴入其口數日不死乃收養芒湧溪深處爲放光谷四圍皆有佛光或圓或長五色互異云是藥師佛道場又名悉達場楊記云甲午同上悉達場遙見瓦屋懸構于蒼烟之上扁曰中谿小隱時已入夏尚闢火而卧丁酉至陽溪歷遺愛寺觀舍利塔入溪三里有一石門如圓

大理府志勝

卷之十五

主

月者羅刹洞也世傳觀音大士閉羅刹于其中云自古通云邪龍既施地老人乃幻上陽溪之石室爲金殿玉樓以螺爲人睛供帳百具以居之羅刹喜過望盡携其類而入已而石室自閉通志云僊魔石在城北上平溪傍世傳觀音閉羅刹以此石壓之後人建觀音閣其上遺愛寺在石南亦祀大士者懸厓結構下臨無地環山吞海澄然如鏡又名天鏡閣○用脩記云自上關放舟而南有飛厓出水而曰鷄額山維舟山隰徒步而升石磴盤旋可三百武削壁卷阿正向點蒼十九溪峰盡

在几席又南至鐵雨庄云是羅刹背盟遊大士雨鐵以止之是其處也崖面如蜂房蟻窠人者棲鶴鷄小者巢蝠鵠聞舟人喧驚出而群飛又南至赤文島云是大士買地券字如蟲篆不可辨識○志云大悲寺在城東南靈會寺在城北院榜村昔蒙氏征摩波渡金沙江得汴流木異而拾之造成千光王像像置彼中藍婆寺後移祀于靈會一云造成觀音像祀于大悲寺 本朝成化間雪深七尺城郭絕烟人有于香篆中得火者以爲神異○志云府治後有石馬井泉水甘冽源出西天竺泉上大理府志勝入卷之十五 圭

有亭每日午照井井有石如馬可見○又有藥師井在城西北取水造楮極瑩潔有羅扇井在城西南關照寺中元世祖駐師其上以羅扇拂之故名城西三聖寺唐時南詔之太廟也內有三大士像自西天竺携來南詔有七聖此得其三○關廟畫壁在府治西南元建 國初錦衣待詔金潤甫謫戍大理畫侯生平功績圖于四壁筆法精至楊用脩爲之歌 治南大我寺即阿叱力僧綱司也阿叱力一名阿闍黎有家能誦呪制龍相傳大士制邪龍時留有遺法謂之師僧有妻子讀佛書

段氏而上設科選士皆此輩楊用脩戲語云大理公魚皆有子雲南和尚豈無兒作異魚圖贊云西洱弓魚三寸其脩謹書以公音是字謬又晒多子亦孔之羞蓋洱水有公魚僅如指大長三寸許而味甚佳一作魷又作弓○舊記南詔有七師張子辰其一也習天竺持明法詔問修建有何功德答曰無騰口說當爲證明乃坐露地前置一鉢頃之鉢中有水晶觀音乘雲升空去初洱海邊漁者得鵬卵破得嬰兒乳之長成人稱爲宗模師能以符呪化水土爲酒食千百人皆醉飽一日化爲雕飛大理府志勝入卷之十五 圭

集高興寺不知所止按高興在洱河玉案山崇福寺之北今詳賓川口南詔孝恒王與吐蕃戰尹嗟酋于我崑崙峰頂持呪助戰吐蕃見天兵下乃奔口幽王時羅邏倚以神力運巖石補點蒼山今有如象如牛堆塚而起皆是其妙口昭成王時楊常滿居我崑崙山持呪能起死回生移山洩海云口又有師曰董細師王玄興楊會舍趙永牙楊頭魯周壽海咸具戒行能役鬼神自古通載其呪幻不具錄○榆水之東有鷄足山即迦葉入定之所南有畢鉢羅窟即阿難結集之處觀音七化阿育故封也

漢武使郭昌衛廣平西南夷至葉榆界耀兵而入有女用稻草縻一大石背負而行漢兵相顧吐舌謂婦女智力如此況男子乎于是兵不血刃○又十里陽南館有轆肩庄初神武王擇婿主曰我欲倒坐牛背任其所之牛入處卽婿也王試從之牛至一委巷側角而入其家軀走避強之乃出問有子否曰有往樵薪主卽拜軀爲姑頃之其子負炭回見軀從父走使招入令報王王大怒絕之他日婿問首飾是何物答金也曰吾樵處甚多明日負大理府志勝八卷之十五 孟

至皆金磚遂豪一國王怒解乃請讎王王難之曰能作金橋銀路吾當來婿以金磚砌之橋路皆成後人名其處曰轆角莊言方牛入時角如轆轤轉入陋巷也按神武乃蒙氏閼羅鳳之僞謚已上孝恒乃異牟尋幽乃勸龍晟昭成乃晟豐祐云耳因舉蒙氏立國始末上邇白張下接段氏以迄鄭趙楊高凡都下大理者皆得錄○白古通云繼莊氏稱滇王者仁果也實治白崖今府之趙州地按隋書云遠古之初西海有阿育國其王能登雲上天娶天女生三子次曰弘德封于蒼洱之間奉佛不

莽孽腥日食白飯稱白飯王是白國之鼻祖也楊慎滇載記云滇未通之先有低牟苴者居哀牢之麓婦曰沙壹生九男是曰九隆蕃衍爲九十九部領以六酋號爲六詔仁果者九隆八族之四世孫也夫二家所載仁果之先不同如此徐攷史記西南夷傳中云元狩元年博望侯張騫使大夏來言見蜀布印竹枝曰從東南身毒國可數千里得蜀賈人市或聞印西可二千里有身毒國騫因盛言身毒國道便近天子乃令王然于等出西南夷指求身毒國至滇滇王乃留爲求道西十餘輩歲餘大理府志勝八卷之十五 孟

皆閉昆明莫能通身毒國云云據文則知阿育卽天竺天竺者身毒之轉音也印滇皆隣大理則其所屬州縣夷徼皆身毒之墟無疑通志于沿革論中亦明言之而用脩未之攷爾○沿革論曰漢武帝時白崖有天竺白飯王之後爲衆所戴天子冊爲滇王仍治白崖白崖在趙州南六十里蒙化管口元封二年滇王請置吏于是以爲益州郡賜王玉印卽舊治復長其人舊志蜀丞相亮南征賜其渠帥鳳龍佑那姓張氏此佑那又仁果之十五世孫也自後各爲部落不相統攝唐開元中始命白

國人張樂進求爲首領大將軍時蒙化巍山有細
農羅者天意屬之所居成聚進求自念傳國久恐
爲天所厭且不可以力爭遂遜位焉永徽四年蒙
氏細奴羅遣使入朝賜以錦袍上元元年子羅盛
炎立太極元年子晟羅皮立授特進封臺登郡王
其年姚州蠻作亂吐蕃助之以鐵鉏梁漾漢二水
越點蒼山以通西洱河築城戍之靈武監軍御史
唐九徵時爲姚薦道討擊使毀鐵鉏夷其城建鐵
柱勒功而去□開元二十六年皮羅閣逐洱河蠻
取太和城遂都之城周十餘里夷語以坡陀爲和
大理府志勝／卷之十五

壬

和在城中尊之曰太和按今太和村南詔城是其
處去下關十五里而遙蒙氏自立國以來居蒙化
至皮羅閣求合五詔爲一始城太和而遷焉立二
關連陷遼川永昌石鼓沙追賤龍佐賤又遣其孫
鳳伽異入朝唐授伽異鴻臚卿妻以宗女賜樂一
部子閣羅鳳立當天寶八載張乾陀爲雲南郡守
循故事挈妻子來謁乾陀皆私之鳳怒攻殺乾陀
取夷州三十二陷雋州獲唐西瀛令鄭回劍南節
度使鮮如仲通來討鳳伽異與段儉魏以四月庚
寅迎戰于西洱河唐兵死者六萬人乃稱臣吐蕃

吐蕃封之爲贊普鍾繡言東帝也封其子爲大瑟
子于是取材點蒼刻碑國門之外明叛唐非得已
也僭國號曰大蒙始建年號曰贊普鍾碑文則鄭
回之筆凡三千六百六十六字□國門者卽古太
和城也明年劍南留後李宓將其擊之爲蒙所誘
全軍沒焉唐益發兵不能克前後死者二十萬人
自是南詔始與中國絕矣○按儲光義高適俱有
送李宓伐雲南詩達夫序云天寶十一載有詔伐
西南夷右相楊公兼節制之寄乃奏前雲南太守
李宓涉海自交趾擊之道路險艱往復數萬里蓋
大理府志勝／卷之十五

壬

百王所未通也十三載四月至于長安君子是以
知廟堂使能而李公効節□余按是役皆歸罪楊
國忠而載記獨歸之李宓宓全軍皆覆而高適作
詩賀之皆不可曉○大曆十四年鳳伽異未立而
死異牟尋立初居史城史城者隋史萬歲巡西洱
河所築牟尋乃引吐蕃入寇唐神策都將李晟擊
破之始以貞元四年改城牟賧直畔城徙居之稱
日東王僭封五嶽四瀆立官九夷三托○滇載記
貞元五年鄭回說牟尋以大義歸唐乃遣烏蠻蒙
衛直聘于劍南節度帝皇遣崔佐時報之盟于

點蒼山九年常皇始遣崔佐時由石門趣雲南于是復通石門南道○牟尋雖內附而猶結好吐蕃皇乃爲書遺之使謀至吐蕃吐蕃疑之于是歸附之志始堅十年牟尋自將數萬人襲吐蕃大破之遣其弟獻圖納貢及吐蕃所頒金印請改號南詔○白居易蠻子朝詩云蠻子朝泛皮舡今渡繩橋來自嵩州道路遙入界先經蜀川過蜀將收功先表賀臣國雲南六詔蠻東連牂牁西連蕃六詔星居初碎瑣合爲一詔漸強大開元皇帝雖聖神惟蠻倔強不來賓鮮于仲通六萬卒征蠻一陣全軍大理府志勝卷之十五 壬

沒至今西洱河岸邊箭孔刀痕滿枯骨誰知今日慕草風不勞一人蠻自通誠由陛下休明德亦賴微臣誘諭功德宗看表知如此笑令中使迎蠻子蠻子導從者誰何摩挲俗羽雙隈伽清平官持赤藤杖大將軍繫金吐蕃異牟尋勞尋閣勸待勅召對延英殿上心貴在懷遠蠻引臨玉座近天顏曩旒下曲親勞徠賜衣賜食移時對移時對不可得大臣相看有羨色君不見宰相拖紫佩金章朝日惟聞面一刻○史云唐以南詔來臣遣袁滋奉使冊爲雲南王賜銀窠黃金印王北面跪受宴使者

出玄宗所賜器物指老僧工歌女曰皇帝所賜龜茲惟此二人在耳○權德輿送袁滋持節冊南詔詩云西南使星去遠微迎朝聘烟雨焚道深麾幢漢儀盛途經五尺險水愛雙流淨上國給恩波外臣遵禮命離堂駐驕馭且盡樽中聖○牟尋卒子尋閣勸立尋閣勸卒子勸龍晟立爲其臣弄棟節度使楊嵯顛所殺而立其弟勸利晟卒子豐祐立不連父名時太和三年西川節度杜元穎不恤士卒有逃入蠻境者由是盡得蜀都虔實遂以逃人鄉道入寇陷邛戎犛三州徑入成都取諸經籍大理府志勝卷之十五 壬

掠子女工技數萬人及珍貨去于是南詔工技文藝與中國埒矣及李德裕代元穎乃歸所掠百姓四千人豐祐卒子世隆立通志曰初段宗勝將兵救緬甸知苴蕤有篡逆意欲剪苴黨乃請于詔曰權不重人不用命必專生殺許之受勅出令限七日齊軍于河尾關惟統矢遠限乃斬之卽嵯顛子也旣捷歸至騰越聞詔崩苴蕤募立勝作書與蕤云王崩子幼聞公攝位國之福也曩承詔救緬緬王酬我佛舍利今凱還倘率國中多人來迎境上幸甚苴蕤乃率國中耆艾自服龍袞執金爐盛陳

儀衛至義修相見下拜舍利宗勝斬之乃歸國求
世隆而立焉○唐史南詔傳云大中十三年豐佑
死子佑龍立佑龍乃僭稱帝號大禮國其年寇播
州陷之咸通元年遣清平官董成等至成都節度
使李福因之劉潼釋之詔成朝京師召兄別殿遣
還八年遣楊佑慶來謝釋囚且歸成都俘三千人
節度使李師望殺其使十年入寇陷犍爲及黎雅
嘉三州明年攻成都不克去十四年陷黔中是年
以牛叢爲劍南節度使南詔謾書來朝叢囚其三
十八人乾符中屢犯蜀川勝負不一及高駢鎮西

大理府志勝入卷之十五

三

川高駢發兵進至大渡河殺獲甚衆虜其酋
長數十人四年世隆復寇越雋卒于京淨寺于隆
舜立請和親中和元年遣宗正少卿李龜年充使
以宗室女爲安化公主妻之隆舜爲臣楊登所弑
子舜化真立四年爲唐昭宗光化五年也其臣鄭
買嗣奪之而滅其國唐自明皇之末李宓敗于雲
南死者二十萬其後南詔盛強至于懿宗之時陷
安南圍成都中國首尾疲于奔命皆由邊臣貪利
邀功自我致寇其誰之尤究之唐室式微宦官蠹
其內南詔擾其外財竭民困海內大亂而因以亡

矣故因志城郭而詳列之迄于宋元以備遺佚○
買嗣本鄭回之後世爲清平官既篡改國號爲大
長和卒子旻嗣立爲蜀王建所破俘斬數萬溺死
者如之求婚南漢南漢主以增城公主妻之卒子
隆亶嗣立爲東川節度楊干貞所殺遂扳侍中趙
善政立之國號大天興唐明宗天成三年也○趙
氏亦世爲清平官立僅十月干貞自取之改國號
大義寧通海節度段思平起兵問罪干貞走死而
段氏興焉○初思平借兵未集駐河尾關夜夢已
無首王綏闕耳鏡破令其軍師占曰君丈夫夫去
大理府志勝入卷之十五

三

首爲天天子兆玉綏去耳爲王王者兆鏡破則無
影無影則無敵之兆也思平乃決明日引兵欲渡
莫知所從見江尾一婦被環而浣指曰人從我江
尾馬從三沙矣爾國名大理遂依其言而濟逐楊
氏自立改國號大理時晉天福二年也卒于思英
立思平之弟思良廢之自立思良卒傳思聰卒素
順立當宋太祖建隆四年也初王全斌平蜀欲因
兵威取滇進地圖覽之太祖以玉斧畫大渡河曰
此外非吾有也由是雲南三百年不通中國使段
氏得以睨燹燹而長世焉素順卒傳素英素廉素

隆素隆避位爲僧傳孫素貞素貞死傳孫素興國
人廢之而立思平之曾孫思廉思廉以慶曆四
年立至皇祐中廣西儂智高掠廣州敗走大理苑
馬思廉函其首至京師段氏至是始聞名于中國
熙定八年思廉避位傳子廉義爲其臣楊義貞所
弑自立號廣安皇帝凡四月段氏臣高昇太以東
方兵討滅之而立廉義子壽輝已廢之立思廉庶
子正明五年正明避位爲僧國人共奉昇太爲主
而段中絕口昇太既立改號大中國臨終囑其子
太明日段氏不振國人推我我不得已而從今其

大理府志勝

卷之十五

三

子長可還故物勿使後人效尤也太明乃求得段
正諒立之而段復興號後理國正諒立以高太
明爲相遣柵主高太連具方物朝宋求經籍得六
十九家正諒立十三年避位爲僧傳正篆假廣西
路爲貢道貢象馬于宋政和七年冊爲大理國王
紹興十七年避位爲僧傳正興避位爲僧傳智興
智興傳子智連智連傳弟智祥智祥傳子祥興淳
佑四年元兵來攻其臣高禾逆戰死宋遣使祭之
傳子興智興智立當元憲宗壬子歲三道征南進
自臨洮經行山谷二十餘里以革囊濟金沙江進

薄大理興智與其臣高太祥拒戰大敗奔鄯闡府
太祥就擒不屈斬于五花樓下時白日當午忽雲
起雷震世祖異之乃設都元帥封興智爲摩訶羅
嗟管領八方又以劉時中爲宣撫使同興智安輯
其民段氏雖滅有十一總管代興與元氏共存亡
馬按元史一代名信苴日彼名段實中統間入朝
世祖嘉之改璽書令總管大理鄯闡會川建昌永
昌騰越諸郡以功累授雲南行省叅政又以攻石
城及仁德府錫虎符爲總管二代段忠功授金
齒宣慰兼掌軍民萬戶府三代段慶信苴日之

大理府志勝

卷之十五

三

子也尚主授雲南叅政四代正五代隆六代俊
七代義八代光九代功十代實十一代明滇載記
皆有信苴之號未詳段光之世元季板蕩鎮鄯
闡者乃宗室梁王也與大理分城構隙至大二年
梁王引兵至羅那關招守將高蓬不從賂庖人斬
其首以獻梁王并殺庖人至治元年大理玉案山
產赤小犬群吠遍野占云天狗墜地爲赤犬其下
有大軍覆境又時雨鐵民舍山石皆穿人物值之
多斃俗呼爲鐵雨段功之時明玉珍將紅巾三
萬來攻鄯闡段功赴救屢敗之追至回磴關功在

陣中得玉珍母手書有云爾征雲南務得之不可輕還軍少糧乏我當添補員外楊淵海效其字迹易之曰中國兵來急爾宜早歸又募能入紅巾營者實之玉珍見書恐蜀中有變又新失利遂收軍及段功東寺之禍淵海亦飲藥而卒○段實聞我明高皇帝開基遣其叔段真由會川入京奉表歸欵洪武十四年授段明爲宣慰壬戌春正月天兵破鄯闡梁王自鴻黨屬悉俘明遣都使張元亨貽潁川西平二侯書曰大理乃唐交綏之外國鄯闡實宋斧盡之餘邦難列管也徒勞兵甲請依唐大理府志勝入卷之十五 圭

宋故事寬我蒙段奉正朔佩華篆比年一小貢三年一大貢傳潁川怒榜辱其使明再上書曰漢武習戰僅置益州元祖親征祗緣鄯闡乞與班師侯乃荅書曰我大明龍飛淮甸混一區宇陋漢唐之小智卑宋元之淺圖大兵所至神龍助陣天地應符汝段氏接武蒙氏運已絕于元世寬命延息以至于今我師已殲梁王報你世仇不降何待其年三月二侯分兵宵緣點蒼山繞出下關之背先樹旗幟遲明段兵驚潰大軍策馬亂流而渡明遂就擒并其二子至金陵

太祖傳諭曰爾父寶魯有降表朕不忍廢賜長子名歸仁授永昌衛鎮撫次子名歸義授鷹門衛鎮撫大理悉定務慎詩云碧鷄金馬古梁州銅柱鐵橋天際頭試問平滇功第一逢人惟說潁川侯

趙州在府南六十里
領雲南一縣

唐爲姚州境蒙氏使趙康居之康東川人有功總于其地土人不忘以姓稱之是爲趙賧元初立趙賧千戶所至元十一年改趙賧州本朝去賧字遷治于三耳山下蓋古勃弄治○志云鳳山在城西里許山一支兩翼如鳳來儀俗又呼三耳山大理府志勝入卷之十五 圭

○與鳳儀相對者曰龍伯山曰宿龍山山頂有浮圖鐫云唐鎮南將軍建○鳳儀山上有亭曰鳳嬉可望一州城郭村廬土田渠陂若境內之僊洞雲扉銀溪珠貫龍池石寨諸勝咸在指顧中○州東二里有安東城李專珠所築蒙氏之安東將軍也又一里九龍池山有諸葛武侯營壘遺址○郭松年行記云出趙州城北數百步地極明秀蒙昭成王保和九年有高將軍者卽此地建徧知寺其殿像壁繪于今罕見非漢匠名筆不能造其妙○徧知寺東北里許有高原號城磴其地空而不畊乃

元世祖駐蹕之所有佛宇一區○州東北五里有
普河魚池池多魚人不敢捕謂是龍王兵○滇略
云趙州產丁魚言其小如釘也諸河中蚌蜆充仞
亦無捕者獨螺大如拳有印有黃有腐秋夏之交
盈肆○城北五里有飛來寺舊名救開寺蒙段時
有佛像飛來集此因改今 明胡堯時詩行過飛
來寺逶迤趙州路忽見點蒼山飄然神與驚巖嵌
雪未消峰高鳥難度姿潤青芙蓉長日生雲霧騰
茲千仞岡誰敢振高步○又北十里路轉峰迴茂
林脩竹蔚然深秀中有建峰神廟在焉雨暘所禱

大理府志勝

卷之十五

五

按廟在州治東南似爲趙康立祀者○州北十五
里有御井亭元楊庭碑記曰世祖癸丑南征駐蹕
其所時天旱三軍渴甚乃禱于神訖以寶劍挿地
清流湧出今亭記碑存○州南十九里有唐城李
宓所築鮮于仲通與李宓之征雲南也前後覆軍
二十餘萬閣羅鳳曰天子致討于士卒何辜聚其
尸塋之曰萬人冢其高如山在州西二十五里一
在龍尾關東○州南五十里有九龍頂山一作九
頂與雲南縣交界山有九峰相聚望之猶龍○又
十里有孤鳥寺又曰高娘寺世傳土人張氏有婢

名高娘常有白猪隨之一日忽騎白象乘空而去
象卽猪也○滇略云居人高氏女名谷女十三而
不能言其兄戍東川三月不歸女忽語曰兄食乏
家喜其能言戲應曰能餉乎曰能乃果飯與之女
徑行家人笑躡其後至盤陀石下水洞而去家
人方驚駭聞女忽回曰一旅之衆皆飽矣且言軍
中地形事勢其嫂不信乃以衣授之曰送與兄取
垢衣來潯女卽行果取垢衣至自是餉以爲常女
常收一白猪忽謂家人曰軍回矣遂騎猪化爲象
騰空去里人以爲普賢化身卽其地建谷女寺後

大理府志勝

卷之十五

五

訛爲谷鳥云音近孤故又名孤鳥○行記曰趙險
之山四週迴抱川澤平衍故家喬木猶有存者蓋
神莊江貫于其中溉田千頃以故民皆富庶無旱
魃之災然也山行六十里至白崑甸其甸形南北
袤與雲南品甸相埒居民奏集木麻蔽野縣西山
石崖斬絕其色如雪故名白崖○按白古通阿育
王次子弘德居蒼洱爲白飯王是爲白人之祖其
末裔名仁果載記曰仁果居昆彌川今白崖也傳
十七世至龍祐那值忠武侯征雍闥師次白崖川
斬闥以祐那爲酋長賜姓張割永昌益州二郡地

置雲南郡于此其人慕武侯之德漸去山林徙平地建城邑務農桑諸部于是始有姓氏○按志蒙氏所立文案洞城卽古彩雲城也在白崖西山下一名白崖險險者猶華言州南詔有十險此其一

是蜀漢時龍祐那所築楊慎詩雲開遠見彩雲州一片烟嵐鳥外浮還見前年山下路密蒙花發艷

新秋○昆彌山在州南四十里國初西平侯過

此更名定西嶺兩崖間有古刻文即篆世傳是諸

葛孔明之印定西嶺有驛驛東南七里有故壘元

憲宗屯兵處俗呼爲胡營○滇程記云定西嶺六

大理府志勝

卷之十五

五

亭而達趙州踰嶺乃夷趙州三亭而達下關也○

郭記云白崑甸西南有古廟廟中鐵柱高七尺五

寸徑二尺八寸昔蒙氏第十一主景莊王所造題

曰建極十三年壬辰四月庚午朔十有四日癸丑

鑄土人歲歲添金其上號天尊柱四時禱祀之按

蒙氏隆舜僞諡宣武改元建極爲唐乾符四年○

通志諸葛武侯旣服孟獲回師至白崖立鐵柱紀

功在州南百里懸崖上于是改益州郡爲建寧鐵

柱歲久剝泐至唐天寶中龍佑那之十五世孫張

樂進求重鑄旣成合酋長九人祭天子柱側是日

有鳥五色集柱頂頃之飛恐蒙舍酋長習農樂左

肩上衆以爲異戒勿驚擾農樂寢食惟謹十八日

鳥乃去衆以天命攸屬諷張樂進求遜位農樂不

敢當衆強之稱興宗王是爲蒙南詔按鐵柱至唐

乾符凡三鑄矣每有鐵笠覆其尖云○白崖川西

山有畢鉢羅窟一名賓波羅窟巖壁聳拔千餘丈

上有獨木橋十餘所木大如指樵子僕疾者履之

而過亦不損折其木亦非常見之材每月十五夜

換橋一次十六日但見橋製更新無復舊木謂之

僊橋昔寺僧畜犬僊橋遂斷後屏犬橋復完本

大理府志勝

卷之十五

五

朝成化間壁上見詩云懸崖萬仞沒躋攀樓觀參

差杳霽間一派水流蒼石隙數聲猿嘯白雲閒堪

嗟簫史乘鸞去定是王喬駕鶴還唯有靈橋高料

掉幽禽惆悵對空山不註姓氏然其地土人不能

到竟不知誰題也○志云白崖之水有注爲赤水

江有注爲禮社江與毘離江三水合潤滄水經元

江府入于交趾國○州之大江名波羅江源出九

龍頂山及定西嶺北流經州治東南下入西洱河

赤水江岸有鳳栖木二株俗傳鳳昔栖其上至今

日脯時鷹隼朝之以千枚○州南九十里迷渡

市設巡檢司昔武侯築城其處今呼諸葛城城卽當時建寧縣址也元于白崖賧立建寧縣因之矣又十里有唐時尊勝寺志謂玄宗嘉張建成來朝賜之浮屠像及佛經建成歸舫寺藏之口按成都大慈寺記云初寺新鑄鐘成戒曰擊鐘一聲施金一兩有連扣八十聲者僧驚問爲誰曰南使張建成也大慈旣受其施爲之授記易名成化成化旣歸遂以內典授其鄉人云○州東南有乾海子該巡檢司又有望城坡一碗水之號故楊慎詩云沙達名乾海坡高號望城海曾無滴水坡亦是虛名大理府志勝卷之十五 聖

又云峭名一碗水坡號半邊山疲人倚石磴渴馬飲水湍○志云州北有儒風廟唐鮮于仲通征南詔携儒生張姓者歿于此後人立廟祀之○張叔天資穎出過目成誦襟襟俗不知書叔每疾之思欲變化而其道無繇元符初聞司馬相如至若水造梁遂負笈往從之校經歸教其鄉土○盛覽字長通樸榆人學于司馬相如所著有賦心四卷其與相如往復書不傳相如答書曰詞賦者合綦紐以成文列錦繡而爲質一經一緯一官一商此乃賦之迹也賦家之心包括宇宙總覽人物斯乃得

之于內不可得而傳○隗叔通樸榆人性至孝母好飲江齊水縣東二百里有江名若水叔通日入江引水以給無間冬夏天爲出平石至江齊中人呼爲孝子石○龐遺樸榆秀才也時李特據蜀李雄犯建寧咸和二年遺起義兵攻雄雄敗遁去里人稱龐義士云○許叔鄴聞人以漢元和中入中國授五經歸以教其郡人○張志誠鄴聞人以唐太和中入成都學王羲之書帖歸教國人已上皆土著也

雲南縣在州南一百里土知縣土大理府志勝卷之十五 聖

漢武帝置以縣在彩雲之南也史記武帝元符元年命王然于柏始昌呂越人間出西南夷至滇指求身毒國是歲有彩雲見于白崖因立縣○郭松年曰自鎮南州過雌嶺卽大理界出行七十里有甸馬川原坦夷山勢廻合周二百餘里乃雲南州也州西北十餘里山麓間有石如鏡光可鑑面舊名鏡州以此口按鏡州城在縣治西南唐初置所領夷郎等六縣遺址尚存至張樂進求時州北龍興和山忽五色雲起輪囷終日不散人以爲祥因復古名爲雲南州元至元間始降爲縣縣西二十

五里卽龍興和山也○滇程記云自普淜驛六亭而達雲南縣界所經有桃樹坡金鷄廟孟獲營安南坡坡有巡檢司下坡地復坦夷古雲南郡治此土人稱爲小雲南以別于治城也近雲南驛有古城村雲南驛八亭而達定西嶺卽白崖○滇略云青華山在縣南八里其下有洞濶十丈山僅培塿而洞深邃不可窮懸岍滴乳愈深愈奇上有石竅漏光若天窓然岐逕支分人入必縻縶以志其返○楊氏記云自洱海衛城西行通蒙化岐左有青華洞中極寬衍天光洞日每歲季夏廿四日土人

大理府志勝八卷之十五

四三

士女裸至以炬火燹之云不爾其地必有蜘蛛之孽御史李元詩青華洞深且密神工融鬼斧劈茫茫天壤間此理不可詰無乃渾沌初闢時浩氣嘘泡成幻質沿苔捫石豈容已宛若風雨投暗室虛幽極處明自生時復有窺見天日袂昏破晦露真機萬態千形難盡述行行洞口更升巔咲看扶桑紅日出○縣北八里有般若寺段詔時建常有寶燈飛入雙塔中夏夜放光人多見之縣西北寶華寺亦有飛燈內有龍潭俱段詔建○郭記云自雲南縣西行三十餘里至品甸唐史嘗置坡州亦名

清子川其地川澤土壤不減雲南特種時之力不及爾甸中有池名曰清湖灌漑甚溥按清湖在縣西南一里湖水恒濁末樂七年黃河清此水亦清自後竟不濁因以清湖爲名○清湖之西官道中有石成文如古篆籀色如丹砂號曰地符行人謹避莫敢踐之○青海子在縣南十里水源山白金龍山望之頭角皆具宛如游龍○周官夢子海在縣東北十五里亦名蒙舍海也舊制引寶泉山水蓄于周官品甸二陂以備農事故縣東北十里有品甸灣而蒙氏立有品甸縣焉○青龍海西畔有

大理府志勝八卷之十五

四三

馬蹄迹二人足跡一世傳大士神化之地○水目山在縣南二十里山巔有泉深不可測段氏臣楊普濟于此建水目寺相傳初建時有僧阿漂爲工匠都養常挈筐入市售乳酪蔬菌之屬雖二百里外產者一日致之人因其出窺其室中見漂閉戶默坐置筐坐前有頂筐中自盈見者誼于衆漂遂立化寺有白虎窩黃龍木犬之異有貴客至木犬自吠今遺蹟猶存○九鼎山在縣西北二十里一曰寶泉九峰相並望之簇如青蓮石穴空洞盤折而升其上九鼎寺是盧閣古佛洞華嚴洞玉峰塔

諸勝巖嵒飛梯令人登之有挾風羽翰想僧房淨
室如蜂房鵲巢下臨絕壑過而宿者半夜輒聞轉
石下聲有聲如砲山之泉源流注于溪溝名萬花
溪清流可濯花卉沿隄邑人四時遊焉○葉鏡湖
在縣南三十里湖中有石如鏡故有波大舖去縣
二十里月鏡舖去縣三十里皆大理段思平故事
口按段之先名儉魏者佐蒙氏有功摧清平官段
思平其六世孫也生有異兆楊干貞忌之每陰使
索捕思平乃變姓名爲獵者牽一犬自隨至品甸
宿逆旅旅舍中有戟一枝牛革四疊間風倒戟
大理府志勝入卷之十五 四

而代蒙改國號大理焉

鄧川州 在府北七十里領浪
寧一縣上知州何姓

漢牒榆縣地唐爲遼備州隸姚州都督府後爲遼
賧詔所據南詔併之置鄧川賧元至元十一年改

立今州○唐書開元二十六年皮羅閣賂節度使
王昱求合六詔爲一于是取太和城又取大磴城
大磴者鄧備城也○德源城在州治東卽元初德
源千戶所演載記曰皮羅閣之立當玄宗開元十
六年受冊封爲雲南王賜名歸義于是南詔凌強
大而五詔微弱皮羅閣因仲夏二十五日星回節
祭先之期建松明爲樓以宴五詔既醉皮羅閣佯
下樓擊鼓舉火焚樓于是五詔遂滅乃求合五爲
一朝廷許之先鄧賧詔妻慈善逆知其謀止詔無
往詔曰勢不可也妻乃以鐵釧約其臂戒之而行
大理府志勝入卷之十五 五

旣五詔皆灰燼尸無辨獨慈善依鐵釧尋得昇歸
羅閣愛其慧迫娶之曰夫死未塋請歸治喪事竣
閉城自固羅閣發兵圍之三月食盡乃西向自縛
于一座竟餓死羅閣聞之曰吾悞逼此貞婦矣因
旌其城曰德源城○州之東南羣勝山孤峰高聳
洱水爲襟島渚縈洄波光萬頃良勝槩也州東有
獅舌山州北有鐘山皆以形似而名各去城七里
傍鐘山有綠玉池有溫泉亦曰玉泉○州東十里
有星鯉泉自東山麓石崖下湧出注爲池深不可
測泉內魚額點點如星土人以爲異莫敢捕近泉

有寺成化間屢見其地放光掘得白銅像一軀而
立寺名曰觀音○州南十五里有上洱池又五里
爲油魚穴魚長僅二三寸中秋則肥孟冬則絕洱
水記云河首闕有石穴八九月產油魚而肥人謂
水鹹則然油魚視魴魚更小而肥美過之炙則腴
毳○又五里有潭淵十餘畝三山環峙其一而峻
壁如石墻潭深莫測昔人避兵其中今呼南詔潭
○州東二十里有豪猪洞諸葛寨在其南山頂有
石墻遺址云是孔明初擒孟獲之寨其下爲龍潭
石壁上有龍形仰觀有日月星辰及人馬揮霍之
大理府志勝卷之十五

四

狀層現叠出如雕刻然史謂孟獲所據銀坑洞卽
此方諸洞也○初孟獲收雍閣餘衆以拒孔明獲
驍捷爲夷漢所服據佛光寨爲險武侯不得進乃
由漾濞江而北破其寨云佛光山去府百五十里
山下有九石竅泉出其中名九龍泉○國初洪武
壬戌傅沐二侯既定大理夏六月元孽普顏篤復
叛據佛光寨先不韋叛據鄧川甲子正月十七日
顏川侯復自七星關回軍大理平鄧川破佛光寨
明彭綱宿鄧川驛詩風走落葉聲山犬吠不已
披衣夜出戶明月照溪水鄧漢早發鄧川二飯懷

恩寺詩有厭因有忻出郭意已達我行值農月村
村見荷春綠陰橫芊路光風泛蘭畹幽禽啼木杪
遇以停我轡稍入山路陝刻施上雲阪石脉吐新
泉松根竄饑鼯但惜來者奇不復憂往寒百里絕
山郵解鞍共僧飯鳴磬惟此心卽事昭隱遯將窮
歷覽妙耶此遂息偃

浪穹縣

在州西十五里
縣志典史王姓

蠻名彌次浪穹詔所居也唐初蒙詔侵之其王曰
鐸羅望戰敗移保劍州更號劍浪詔貞元中于此
立浪穹州元立浪穹千戶所隸大理上萬戶至元
大理府志勝卷之十五

七

中改爲縣與鳳羽縣俱屬鄧川州本朝以鳳羽併
入○唐玄宗初首領鐸羅望書曰勅故姚州管内
大酋長那榜時嫡孫將軍鐸羅望卿之先祖輸忠
奉國遽聞徂逝深愴于懷言念邊人必藉綏撫又
通蕃界無資鎮遏卿宜繼承先業以副朕心故遣
宿衛首領王其白于姚州都督達奚守珪計會就
彼吊慰便授卿兼浪穹州刺史并賜綾三百匹至
宜領取秋中已涼卿及首領以下俱安好遣書指
不多及○一統志云寧山在縣西形如鳳翼又名
鳳翼山有鳳皇臺在縣北二百步爲施望欠詔所

築臺下有白沙井泉味甘冽亦望欠所鑿○九氣臺在縣東二里臺凡九竅下有溫泉其氣從竅而升大理所屬趙鄧賓川雲南皆有溫泉惟浪穹之九氣泉爲最浴之已疾○魚子淵在縣西水色青碧中多魚人不收捕以爲龍在是也又名龍池○通志云罷谷之水先注于寧河河在縣北卽一統志所謂寧湖也亦曰明河葡萄酒江受寧河水經鄧州南入西河今名彌苴江卽普陀江○楊慎泛浪穹海子詩云峰頭才見一泓幽沙屋驚看四岸浮沉水羅紋堪並色嘉陵石黛過添愁秦源欲

大理府志勝入卷之十五

咒

問桃花渡楚望渾迷杜若洲亦有滄浪舊歌曲曉來乘興更扁舟○志云普陀崕在縣東南十五里有巡檢司其南有石馬洞深不可測石舄跡甚明○蓮花山在縣東北四十里三面陟絕惟一逕僅容馬勢若蓮花山麓有浮圖相傳爲玄奘法師所建○與蓮花相連者蒙次和山也三面並險不異蓮花惟一面臨河六詔時施浪詔移居之兩山之下有三營元世祖自石門關入取大理見二山爲吐蕃襟喉乃留達軍三百戶以鎮之分爲三營○罷谷山在縣北二十里水經曰罷谷之山汴水

出焉其山空洞泉湧起如珠樹乃闡滄江之伏流也楊慎詩罷谷山在寧河頭汴河之水此源流荒經海圖有往證欲拾此碧尋靈湫是日雨晴辰角曙天光淨綠遙嵐浮石路無塵水聲裡恍如天樂鳴琳琳無名秋花亂綴錦亂下木葉隨苔漚絕勝樊籠在塵市登臨暇日銷煩憂○鳳羽山一名鳥吊山在縣西南三十里水經註曰縣故葉榆之國西北有鳥吊山每歲八九月衆鳥千百爲群集于山下鳴呼啁嘶俗言鳳皇死于此山故衆鳥來吊楊慎詩鳥吊山頭鳥道微刺桐茅竹隱斜暉九苞

大理府志勝入卷之十五

咒

文采不復見千古畫圖知是非○滇略云鳥吊山下鳳羽鄉去縣西南四十里卽元之鳳羽縣也今廢爲巡檢司自九月至陽月夜中萬鳥群聚居民燭而羅之投火罹羅所獲萬計多得異羽內無喙者以爲持哀不食稱義鳥放之此鄉中有石竅內藏一蛇田家窺見其頭則種秧早見腹則種秧及時見尾則早呼爲占農石○五代趙善政時浪穹縣天馬山北復有一山狀如龜蛇卽善政所居按善政乃蒙氏清平官後立爲王僅十月而失位其山左澗有水右澗無水有樵名青神者善呪法衆

無謂曰若能分水于右澗乎青神曰不難遂以斧柯觸山右澗水卽湧出與左澗均人居在右者咸利之後後爲神附祀善政之廟

賓川州 在府東一百里

蒙氏太和楚場地 本朝弘治七年割太和九里趙州一里雲南二里設今州○鍾英山在其東基垂百里產竹箭烏龍山在其西產奇石空窠玲瓏可以琢烏龍東麓有白浮圖有烏龍池積水下迤諸般仰給○湧泉在州西南二十里龍祠之左水清林碧宜避暑○州西二十里寂照寺有巖如龕

大理府志勝

卷之十五

五

是宗保禪師證道之迹○西北三十里有井人見白牛齧草其傍忽没井中照之深不可測又十里爲翠屏山形方而頂平蒼翠橫列如倚屏然○金龍湫在州西百里洱河之東樹木叢茂幽泉咽流行者毛髮悚栗可以禱雨湫傍有高興寺卽宗模化爲鵬處近玉案山崇福寺口高興寺後巨石上有牛蹄及龍蟠跡崇福寺在大場曲村觀音箐寺在洱河東巖谷奇詭不可名狀寺有洞可容數十人中大士像乃天成不事琢其處又有上倉湖湖中產蓮花菜是觀音化箭鏃所成其遺種云按志

點蒼山高河泉有菜紅莢而青葉味辛五六月潛採之佳若高聲則雲霧驟興而風雨至蓋高河乃龍湫也○通志大理之龍潭有三在趙州乾海子峭者曰乾龍潭在鷄足石鐘寺側者曰大龍潭在賓川州龜山之東者曰紅雀龍潭按紅雀卽新渠在龜山東注楊梅谷可灌萬頃田又煉洞甸頭甸尾之渠修之可以稔歲○升菴集曰雲南治城西上永昌經途所亘旁多寇巢曰金鷄廟赤石厓螳螂龜山鐵索箐諸寇夷也不田不蚕却以爲世箐居則以善却相雄長醜類婚匹女氏輒問曰爾男

大理府志勝

卷之十五

五

能驟張而却商乎若是者以爲恒俗弘治中始州賓川而衛大羅城迷渡而戍普洲凡以弭之也而竟不効嘉靖初太倉人姜夢賓備兵瀾滄首繩土酋使之詰盜未幾而巨寇尼龍伏鎮姚駕路通又單騎至夷箐使譯人諭之曰頃有司不爾恤爾民而爲盜今吾爾撫爾盜而爲民乎皮裳菜食任爾主息龍街虎街任爾貿易爾能從乎皆解刀弩率妻子羅拜叩頭洒泣捐心自誓不復爲非有名虧定者先盜而富敗業而貧家人諄怨之定曰從汝言脫役有犯何面目見姜公寧引藥而死口按金

鷄廟在雲南縣境螳螂龜山俱有峭赤石厓今有
巡檢司○大羅城在鍾英山下卽州城先是地乃
荒原畚插之時掘得碑有古刻大羅城三字莫攷
其始因以大羅爲衛名焉○諸葛城在州西二里
虎踞山故鄉應龍賓川詩有何人築此受降城營
壘猶傳諸葛名之句○金沙江在州東北一百五
十里卽若水也漢遂又縣在其東北古稱爲白門
言入白果國之門也唐劉渢詩云白門太和城來
往一萬里去者無全生十人九人死代馬卧陰山
燕兵哭澗水妻行求死夫父行求死子蒼天滿愁
大理府志勝入卷之十五 五三

雲白骨積空壘哀哀雲南行十萬同已矣○孫水
一名白沙江在州東北界卽金沙之別流也按漢
書司馬相如定西南夷橋孫原註云孫水南至會
無入若水○鷄足山在州西四十里去洱河東北
一百里明李逸民記略云葉榆水東陸行八十里
至白石菴一峰聳出平頂南向餘三方各有山一
支蓋一頂而三支也由白石菴至河子孔過福緣
寺一名接待由此上傳衣寺按佛統紀云佛入涅
之日以金縷袈裟付大弟子迦葉波手持以待彌
勒補位故名傳衣山傳衣歷萬松菴華嚴龍祥放

光各寺約四里皆由岡脊行澗谷淙淙時正六月
忽飛羅綿雲繩平一白宛如玉地大圓光倚立玉
地之上外暈七重每重五色環中虛明如鏡觀者
各見自身現鏡中毛髮可數舉手動足影亦如之
僧呼爲攝身光有頃光沒風起壑中雲氣散盡林
巒改色鮮妍奪目復出一光如大虹霓然只半缺
而佛光則圓瑩如水晶映物僧呼爲佛現須臾乃
收有時見平雲上現二銀船橋舵皆具往來江村
沙浦中如人棹之但不見人由放光寺西北行六
十里北麓等七寺皆大梵刹也又陟袈裟殿殿
大理府志勝入卷之十五 五三

北巖龕爲郡人楊備脩行處又西上兜率菴爲行
僧煉魔處又上鐵瓦殿殿後有袈裟石青質白劬
如袈裟之制又上胡梯梯手扳足躋足每近手膝
常照胸後人之帽觸前人之履梯盡有大悲閣復
陟大頂普光殿殿脚有石門千仞人跡罕至藏經
云平陽僧法顯入西竺求經踰葱嶺而南將至鷄
足山路遇老人麗眉偉貌顯問其沙彌始知卽是
尊者現身乃追至迦葉門爲大石所橫不得入流
涕而去出普光殿西行過虎跳澗僊基石西南至
拜佛石又下至曹溪水水上有曹溪庵菴前有八

功德水又東望有石窟古老相傳黑人以呪術收蛇納其中又前至迦葉門卽尊者守衣入定之洞天也俗呼華首門蓋言此耳門高下有二皆彷彿城門狀○南詔通紀永貞間鷄足僧小沉者與二僧同住一菴入城乞食次詔問識何法門答能使死者生極樂世界詔令國中但有死者請小沉起棺如此十餘年有讒之者曰超度死魂何所證驗願入棺試之及小沉啓視此人誠死矣詔欲生之有頃遂甦此人悔曰我已生在七寶宮殿中如何復來此飽日小沉還舊庵竟一僧傲二僧曰從城

大理府志勝

卷之十五

五

中來乃不暴糧耶小沉遂走叩迦葉石門門訇然中開二僧追呼至則閉矣相與悔恨焚身門外焚處生栢二株或謂小沉迦葉化跡也按永貞乃後神國段正興之僞號值宋高宗紹興之世通志作南詔惡弄口迦葉門巖半里有金鷄泉僅容碗日有異鳥飲之鳥來至二十隻而止四時皆然嘗有僧倚壁結樓引泉自供夜夢曰此金鷄泉也不宜見擾明日而樓災記云登鷄足由海則徑由陸則迂出府城六里至海神祠解維登舟約二十里抵東崖過觚擺山二十餘里至下倉又二十里至白

梅橋三里至白石崖又二里至洗心橋過盞磁者九又兩之凡十八灣至石鐘寺東二里至大龍潭龍華寺雲海菴龍祥寺海會菴玉皇閣又五里至迦葉殿殿後東行三里至堦率菴二里至銅佛殿殿後里許爲胡梯梯又二三里至普光殿卽山之絕頂也有塔四望乃見山形三距前支一距後峙若鷄足焉今建有臺臺上爲閣二層名曰觀風涉桃花溪遵山足右趾而行十里至傳衣寺又十里至福圓寺又三十里至賓川州見謝東山謝在杭前後二記明哲學鄧原岳詩葉榆水從山腳流點

大理府志勝

卷之十五

五

蒼鷄足俱神丘東西對峙爭奇絕翩翩靈蹟垂千秋我聞鷄足之山元淨土迦葉授衣卽其處禪宗正印信難求釋氏遺踪或可覩相傳八月佛放光輪菌五色還非常琳宮紺宇不知數浮圖寶剎凌蒼蒼我來登覽多所歷煙霧冥冥恍相失披逕先尋堦率菴捫蘿耳扣袈裟石江風吹雲雨如注御孫梯滑不可度大悲閣在山之巔下視群峰互吞吐須臾雨散雲亦開清照遙山青翠來鹿江雪嶺白照服茫茫洱海浮銀杯拾身崖削多虎跡僊基石山草花碧拜佛巖懸千仞岡曹溪泉冷成丹液

華首門扇亦已久昔時永鉢今何有洞天寂寂雲
四封層巒半壁蒼衣厚俯瞰下方亦可憐幻成百
里梵羅綿我心一作空明想便如鉢裏開青蓮

雲龍州在府西
五百里

古爲雲龍甸元至元末年立軍民總管府并防送
千戶所以隸金齒宣慰司 本朝置今州屬大理
府土官知州一人吏目一人有雲龍甸巡檢司設
在州東七十里○一統志云三峰山在治西通志
謂之三崇山山後有野蠻距郡五百里而遙一言
不合多以白外相向○有溪曰蘇溪有橋曰雲龍
大理府志勝卷之十五
五

在洛馬鹽井傍口按洛馬井石縫井河邊井石門
井山井號五井鹽課司俱在浪穹雲龍交界

十二關長官司在府東南
三百里

本元雲南縣楚場地建元間以其僻險始置十二
關防送千戶所 本朝改置長官司隸大理府○
土官長官一人有歸山在長官司治西山下有僧
會司僧舍一人

永昌軍民府在省城東一
十二百里

領州一曰騰越縣二曰保山曰永平安撫
司一曰潞江長官司二曰鳳溪曰施甸

上古名哀牢國九隆氏居之論衡云楊終字子山
爲郡上計吏進哀牢傳明帝奇之是也漢武帝時
內附置不韋縣東漢永平間立瀾滄郡尋改永昌
郡蜀漢迄晉皆因之唐屬姚州都督府後爲南詔
蒙氏所據歷宋段氏高氏皆稱永昌府元至元十
五年併置金齒宣撫司 國初仍置府以宣撫司
爲衛餘詳見下○華陽志云身毒國蜀之西國今
永昌府志勝卷之十六
一

永昌是漢武帝使張騫至大夏見節竹蜀布問所
從來曰吾賈人從身毒國得之身毒天竺也口白
古通曰天竺阿育王第三子驪直低子曰低牟直
一作蒙迦獨分土於永昌之墟其妻摩梨羌名沙
壹世居哀牢山下蒙迦獨嘗爲漁死池水中不獲
尸沙壹往哭之見一木浮觸而來婦坐其上覺安
明日視之觸木如故遂時浣絮其上感而孕產十
子他日浣池邊見浮木化爲龍人語曰爲我生子
安在衆子驚走最小者不能走陪龍坐龍因舐其
背而沉焉沙壹謂背爲九謂坐爲龍名之曰九隆

華陽志作元隆華言陪坐也口十子之名一眉附
羅二牟苴兼三牟苴諾四牟苴酬五牟苴駕六牟
苴託七牟苴林八牟苴頌九牟苴閃十卽九隆九
隆長而點智嘗有天樂隨之又有鳳凰來儀五色
開花之祥衆遂推爲酋長時哀牢山有酋波息者
生十女九龍尾弟娶之厥後種類蔓延分據谿谷
是爲六詔之始口滇載記云沉水之裔分爲九十
九部其渠酋有六號六詔第五子牟苴駕之三十
六世孫是爲細奴羅蒙氏之始祖也○華陽國志
云武帝通博南山度瀾滄水以取哀牢地置不常
永昌府志勝入卷之十六 二

縣而哀牢轉衆建武二十三年哀牢王扈栗遣兵
乘單舡南攻鹿麥鹿麥弱將受擒會天大震雷疾
風雨水爲逆流單舡沉沒死者數千人後扈栗復
遣六王攻鹿麥鹿麥王逆戰大破哀牢軍殺其六
王哀牢人埋六王夜虎跑而食之哀牢人驚怖扈
栗謀諸耆叟曰哀牢略微自來不如如此今輒被天
誅將中國有受命之王乎是何天祐也二十七年
遣使詣越雋太守鄭鴻言願帥種人歸義奉貢世
祖納之以地爲西部屬國以王爲君長其地東西
三千里南北四千六百里有穿胸儋耳種其渠帥

皆曰王自後朝貢有常明帝永平元年姑復夷復
叛益州刺史討平之傳首京師十二年哀牢柳狼
遣子奉獻以其地置哀牢縣南二縣仍割益州西
部六縣立瀾滄郡尋隸永昌郡永昌之名始此口
續漢志云西部六縣謂不常比蘇牂牁邪龍雲南
焉唐也常志曰初置郡屬縣八戶六萬去洛六千
九百里寧州極西南古今注曰置益州西部都尉
居焉唐永平十年也時鄭純爲都尉口哀牢傳曰
章帝建初元年王類牢及太守王尋奔牂牁詔發
夷漢討之二年邪龍人鹵承等應募率諸郡兵大
永昌府志勝入卷之十六 三

破類牢于博南斬之封鹵承爲破虜傍邑侯○華
陽國志云益州西部金銀寶貨之地居其官者富
及十世廣漢鄭純獨尚清廉毫髮不犯夷漢歌咏
表薦無數上自三司下及卿士莫不嘆賞明帝嘉
之因以西部爲永昌郡以純爲太守自純之後太
守著名績者有蜀郡張化常員巴郡沈雅黎彪章
武初郡無太守值諸郡叛亂永昌功曹呂凱本郡
承王伉保境六年丞相亮南征高其義表凱爲雲
南郡太守伉永昌太守皆加封亭侯口呂凱字季
平不常人也仕郡五官掾功曹初益州郡六姓雍

閩叛蜀以降吳吳逕授閩爲永昌太守永昌旣在益州郡之西道路壅塞與蜀隔絕而郡太守數數改易凱與永蜀郡王伉帥吏民閉境拒閩閩數移檄永昌意在迫脅凱以檄答之詞旨嚴正由是恩威內著爲郡中所信故能全其節及丞相亮南征旣發而道而閩先爲高定元部所殺南中平亮表曰永昌郡緣呂凱泊丞王伉等執忠絕域十有餘年閩與高定逼其東北而凱等守義不與交通臣不意永昌風俗敦直乃爾以爲雲南太守封陽廷亭侯舍爲叛夷所害 明大學士楊廷和記曰元永昌府志勝入卷之十六 四

爲大園墜其耳其渠帥墜垂至肩 本朝流寓金齒二人皆名公一曰徐有貞舊名程字元玉吳縣人天順改元以功進華蓋殿學士封武功伯尋編戍金齒衛三年乃賜環其學自天文地理陰陽兵法無所不通一曰楊慎字用修新都人廷和之子正德辛丑及第第一人嘉靖五年以議大禮謫戍永昌衛年七十二竟卒于雲南

保山縣 附郭

縣東北爲不常境西南爲哀牢境實金齒衛地也嘉靖元年始置今縣取太保山爲名○太保山在永昌府志勝入卷之十六 五

城內正西差幾東向高千餘尺橫闊數里山巔平衍可習騎射嘗有掘地者于土中得巨碑甚多皆有平好二字周遭林木蒼翠烟雲變幻稱奇觀云山脈乃蜀丞相亮使掘以防夷叛深可三丈餘鐵物間之鄧漢人日登太保山詩太保山頭七日春邊城景物迥愁人甲兵未解銀生戍耕種纔餘漆齒民地險風烟迷大候天清楊柳映蘭津登高倍切思歸歎恰數離家二載身○太保山麓有忠義祠祀左都督總兵方政也政鳳陽人正統元年麓川思任發叛屠騰越柵守路江公夜進兵斬三千

餘級大破之渡江逐北窮日夜兵疲食盡戰歿陣
中贈威遠伯謫忠毅 詔永昌爲之立祠口先是
交趾復叛朝廷遣將征之不利許其納貢盡還中
國陷失之人因請蒞盟衆皆疑懼公即登黎王舟
梳其鬚而與之誓黎王懾服保全數十萬人而歸
○通志府治東即漢哀牢縣址元之永昌府 國
初改爲中千戶所營郭春震詩驄馬南嘶欲盡天
哀牢城外吐蕃連空江暮雨沉虹影古洞春流襟
盤延高下人家多傍簣尋常客路半偏烟相逢莫
笑無拘束繮木耕山亦自便○嬰樊千戶所在城

永昌府志勝卷之十六

六

中正坊改爲右所軍營○明義萬戶府在城清寧
坊改爲左所軍營○回回千戶所在城法明寺東
南改爲中左所軍營口法明寺枕太保山麓蒙氏
所創郡人湯琮贈法明僧詩無心因逐白雲歸靜
鎖巖前白板扉客有淵明方置酒徒無弘忍不傳
衣風號石室松聲急月到紗窓竹影肥饑飯困眠
無一事滿山空翠淡忘機口寺有栖雲樓歸休菴
各藏一井井水香美烹茶不翳寺西有三清觀沈
杲詩云棟宇翬飛十二樓晴霞遙映宿煙收雙松
覆地不知暑萬竹吟風只似秋僊藥未歸丹灶冷

洞房深鎖碧窗幽切跡已開鸛塵鞅翻笑劉郎憶
故丘○城內有上水河下水河源出九龍池及寶
蓋山箐合流入城貫穿委巷而達于東河○有耶
義河源出龍王泉流經耶義村泛于此津合結水
河南入于峽口河即東河也○鎮南門之西有鐘
樓跨城爲之銅鐘千斤蓋漢時遺器聲聞數十里
南門之外有龍泉寺寺前一池泉從池底湧出因
以名寺口龍泉門外有龍祠劉寅記曰永昌之城
右倚巍山山下有泉汪然湧出停蓄爲池迴環數
百步漸而東南灌田千餘頃呼曰龍泉或云卽九

永昌府志勝卷之十六

七

隆池○永鎮門外有龍津閣孝廉張含詩春日城
西獨自遊祇緣携酒得淹留柳天樓閣煙花重汎
海魚龍日月浮漢國河山直帶礪蒼家人物故風
流黃鸝恰恰啼深樹吹盡東風不解愁○城西有
節孝婦碑御史黃中題其碑陰曰右詩節婦宋氏
作也洪武初生戌金齒奉姑偕行過武陵題詩郵
亭壁上訴其流離困踣之情至今讀之令人酸悵
謹勒碑而樹之祠用告來者祠則御史陰汝登建
其詩云郵亭咫尺堪後宿手握親姑鬢茅屋抱薪
就地旋鋪攤支願相向吞聲哭傍人問我來何方

僂首哀哀訴東山妾家祖居金華府海道曹閣上
千戶舉般運粟人都回金牌勅賜雙飛虎弟兄晦
迹在山林立志從文不從武今朝玉堂宋學士亦
與妾家同一譜笄年嫁向衢州城夫婿好學明詩
經離騷千史遍披覽志欲出仕甦蒼生前奉郡邑
忽交辟辭親千里趨神京丹墀對策中殿舉馳書
飛報泥金名承恩拜除閬州守飄然畫舸西南行
到官未幾訪遺老要挾奸頑盡除掃日則升堂治
公務夜則挑燈理文藻守廉不使纖塵污執法致
遭倖佐怒府推獲罪苦相板察院來提有誰訴臨
永昌府志勝卷之十六 八

行囊蒙無錫銖惟有舊日將去書城中父老泣相
送道傍聞者咸嗟吁一時微賊動盈萬妾夫自料
無從辦經旬苦打不成招賄囑家人莫送飯嗟吁
餓死囚囹圄中旗軍原籍來抄封當時指望耀門戶
豈期一旦翻成空親隣憐妾貧如洗歛鈔殷勤饋
行李伶仃三口到京師奉旨邊軍戍金齒阿第遠
送龍江邊臨岐抱頭哭向天姊南弟北兩割痛別
後耳會知何年開瓶未達子病倒求醫問卜皆難
保武昌城外野坡前白骨誰憐葬青草初然有子
相依傍身安且不憂家蕩如今子死姑年高縱到

雲南有誰望八月官船渡常德促裝登途壯行色
空林日暮鷓鴣飛聲聲叫道行不得上山險似登
天梯百戶發放來取齊雨晴泥滑把姑手一步一
仆身沾泥晚來走向營中宿神思昏昏倦無力五
更睡重起身遲飯鍋未熟旗頭遍翻思昔日深閨
內遠行不出中門外融融日影上欄干花落庭前
烏聲碎寶簪斜簪金鳳翅翠雲纏髮蛾眉嬌綉床
新刺雙蝴蝶坐久尚怯春風饒豈知一日夫亡後
萬里遐荒要親走半途日暮姑云饑欲丐奉姑羞
舉口同來一婦天台人情儆薄似秋空雲喪夫未
永昌府志勝卷之十六 九

經二十日畫眉重嫁鹽商君血色紅雲綉羅襖終
日騎驅涉長道穩坐不知行路難揚鞭笑指青山
小取歡但感新人心那憶舊夫恩愛深時曉風俗
日頹敗廢盡大義貪黃金妾心汪汪淡如水寧受
饑寒不受耻幾回欲壅江魚腹姑存未敢求先死
前途孤身少康健辛苦奉姑終不怨姑亡妾亦隨
姑下地于何慚見夫面說罷傷心淚如雨咽咽垂
頭不成語道傍見者為酸心隔嶺猿啼叫何許○
永鎮門外有寶蓋山以形似名山勢峻峭為衆山
之冠城北二里有五福山五福之北為雄山山在

仁壽門外居寶蓋之左云○諸葛村在城南七里一名諸葛營舊記云孔明既擒孟獲移師永昌卽金齒司也司城南八里西山之下侯管屯兵其間迄師還民相謂曰吾儕皆諸葛公遺民也乃構祠祀之兩場疾疫皆應其禱元揭傒斯詩炎靈厭東都計龍起南陽漢業入三顧蜀日官重光煌煌十萬師聲威遙八荒大星殞渭南萬古一悲傷但使漢賊分安有終不亡桓桓蕭將軍雙旄出永昌下馬城南地爲公酌一觴○滇載記云永昌城外七里舊漢村其人言語衣服皆類蜀蓋征南時留

永昌府志勝

卷之十六

十

居者曹遇詩孟獲生擒雍闓平永昌南下一屯營樊人也解前朝事立向斜陽說孔明按志四川軍萬戶府在諸葛村後土人居之口諸葛營前小海子內土阜一區周遭三十三丈隨水高十雖巨潦不能沒傳爲孔明豎標臺口營東有王羲之手書碑刻在高阜處俗呼右軍書臺又有神濟橋舊記云郡南數里由官道東分直南人諸葛村故里橋跨沙河下流曰神濟者以東嶽祠于是村也口又營南有東岳廟按蒙氏封東川府烏龍山爲東岳此其行祠云祠前有觀騎樓舊俗以三月二十七

日迎神賽會俠少之徒聚此走馬賭勝觀者咸登此樓上下如市今樓雖毀而其俗尚存○光明井在城東五里唐大厝間井傍嘗見三角牛四角羊鼎足鷄來往井中有火光燭天南詔今寨之今建風雲雷雨壇于其上○金鷄泉在金鷄村其泉一溫一涼四時可浴溫泉之傍有石高五尺圍丈餘石上數孔蓋聚水澡浴者相傳曰龍立溫泉之北有將臺高丈餘廣倍之亦云呂凱所築蓋凱乃金鷄村人也村後有蒙古軍千戶所址土人居之○青英村在城東十里其處有東明寺俗曰桃花

永昌府志勝

卷之十六

十一

寺也又有百花寺在郎義村之西郡人滕嶺詩石路東風百種花百花深處一僧家鳳溪統澗分晴靄鸞嶺當窓落綺霞深院雨餘留鶴迹小園日午散蜂衙前村後寨皆蒲葵競向新春摘茗芽○靈鷲山在城北八里高如寶蓋延袤七里餘山巔有報恩寺俗呼爲大寺山有茶園菓林○西南十里栖賢山高百餘丈隱者居之東漢時有白龍現于山上○法寶山在城南十里勢隣九隆而沙河限之其東與寶山海相近異年尋于此建法寶寺因以名山○滇略云法寶山南五里有卧獅山以形

名高百丈袁二里俗名卧獅窩其下有洞曰芭蕉
廣二尋高稱之深百五十步石乳燦爛有如蓮花
鐘傘之異故又名石花山按一統志芭蕉洞在官
市山有官市堰而法寶九隆兩山之間爲沙河○
九隆山在龍泉門外十里高千尺一名九坡嶺蓋
山勢起伏凡九云其麓有泉自池湧出凡九寶郡
人梵石爲池承之其下匯爲大池可三十畝名曰
九龍池夏月荷花盛開中有畫舫可以游汎銅梁
張佳胤詩陂塘晴射海霞紅樓榭清陰落鏡中古
木浮槎天上過平橋流水席間通歌聲漸起千峰

永昌府志勝

卷之十六

十一

月寒氣非關九夏風環視盡搖河漢影對君疑坐
斗牛宮志九龍池亦名易羅池卽沙壹鴈沉木之
處○袁牢山在城東二十里本名安樂夷語訛爲
袁牢也孤峰秀聳如拱如坐高三百餘丈雄視西
陲延袤三十里許絕頂有石巉巖如人坐懷中山
有二穴名天井水出其中土人每春視水之盈涸
以卜豐稔穴相通取左穴水則右涸取右穴亦然
山下有石如鼻二孔出泉一溫一涼號爲玉泉正
德間人于袁牢山掘得碑志段中庸撰文其略曰
夫人諱福則伽宗胃裔之嫡女也事君子也樂其

道而不淫逮下妾也用其能而不妒又日月出碧
雞照袁牢之名縣鴻飛滇渚下潯陽之長江餘文
零落不可識○山有元立大官廟相傳段氏二子
見俘世祖賜名歸仁歸義土人憐而祀之其小官
廟在東林中○志云城北二十里有銀壺虎嶂二
山虎嶂有溫泉可浴銀壺多白石如壺也又五里
有雲巖山山高二百丈餘盤迴三里許雜木陰森
巖石深百步中有石橫卧于下長丈餘好事者鑿
爲佛建寺以覆之扁曰雲巖卧佛其左有洞門高
三尺深十餘丈寺外築臺建門臺下有池○城東

永昌府志勝

卷之十六

十一

北三十里有天井山岡陵四繞中有平地可居山
半有大樹段氏時僚蠻爲盜出沒此中過者輒變
弓以厭之樹高五丈餘箭鏃如蝟毛然○東南四
十里峽口山下有石洞廣二丈高半之一郡之水
俱洩于此陰流地中達于施甸枯柯下瀾滄江洞
多魚又名魚洞○羅岷山在城北八十里瀾滄西
岸也高千丈延袤四十餘里相傳蒙詔時僧羅岷
者自天竺來此嘗作戲舞山石亦隨而舞後沒土
人祠之巖下時墜飛石過者驚趨謂之催行石有
人將曉時見石自江中飛上霧中甚多郡人張舍

詩蘭津之南何崔嵬水寨石路盤空迴江氛嶺殺
日月騎山狂谷狼狽猿哀炎天風高屢見寇嚴冬
地迴嘗聞雷釣藤葛葛四時茂鸚哥柱鵲千樹開
○滇程記云自沙木和十亭而崎至永昌府途經
瀾滄江橋越有大瘴零雨始旭草泫葉脫時行旅
忌之江流介二山之趾兩崖壁峙截若墻垣因爲
橋基橋纜缺梯木懸跨千尺束馬以渡又西爲江
坡有逕路新闢爰捷一亭○瀾滄江在羅岷之麓
一名鹿滄源出吐蕃峽和哥甸一云出沙州石下
度雲龍江至于永昌廣僅三十餘支其深莫測其

永昌府志勝

卷之十六

古

流如奔東流經順寧府達車里入于南海卽漢書
所云博南津也蒙氏封爲四瀆之一其江中有物
黑如霧光如火聲如折木破石觸之則死或云瘴
母也文選謂之鬼彈內典謂之禁水惟此江有之
他所絕無元毛炫詩兩山高插雲歸然若天岸草
樹綠相繆仰視天一線中有此長江江流急如箭
亂石轟其中潰激成飛霞客子時問津鷄鳴夜將
旦○羅岷山有神祠祀天竺僧或曰卽黑水祠也
董義山詩黑山祠前黑水波千家樓閣彩雲羅碑
鐫大詔龜龍沒步躡荒經此碧多竿馬絡頭歸漢

貢輿童連臂路荒歌一枝獨守鶴鶴志慷慨平居
柰若何 明太和李元陽黑水考禹貢黑水西河
唯雍州華陽黑水唯梁州又曰禹導黑水至于三
危入于南海傳論紛紛或謂其源出某山流逕某
地或謂其跨河而南流或疑其世遠而湮涸或謂
三危在今麗江或謂竄南苗不應復在南夷之地
此皆出于臆度不足爲據愚之所據知有經文而
已夫黑水之源固不可窮而入南海之水則可數
也何則龍獨無入南海之水唯今滇之瀾滄江潞
江二水皆由吐蕃西北來蓋與雍州相連但不知

永昌府志勝

卷之十六

五

果出張掖地否水勢並洶湧皆入于南海是豈所
謂黑水者乎然潞江西南越蜿蜒緬中內外皆夷
其于梁州之境若不相屬唯瀾滄山西北迤邐向
東南徘徊雲南郡縣之界至交趾入海今水內皆
爲漢人水外則爲夷緬禹之所導于以分別梁州
界者唯瀾滄江足以當之孟津之會曰髡人在北
勝濮人在順寧以今考之皆在瀾滄江內則瀾滄
江之爲黑水無疑矣地理志謂南中山曰昆彌水
曰洛山海經曰洱水西流入于洛故瀾滄江又名
洛水言脈絡分明也元史至元八年大理勸農官

張立道使交趾並黑水跨雲南以至其國觀此則
瀾滄江之爲黑水益章明矣若三危山卽不在
麗江當亦不遠夫古今山川因革之名雖不可紀
極然不可移者山川之蹟也隨時異稱者山川之
名也不據不可移之蹟而據易變之名亦未矣大
都爲論傳者未嘗答三省地形但知隴在蜀之北
蜀在滇之東北而禹貢言黑水爲梁雍二州之界
又入南海故不得不疑其跨河知跨河非理又不
得不疑其湮涸曾不知隴蜀滇三省鼎立隴則西
南斜長入蜀滇則西北斜長近隴蜀則尖長入滇
永昌府志勝八卷之十六 土六

鳥語花明迎使節浪滄江上瘴全消○滇程記云
瀾滄江土人謠呼爲浪滄建枋書曰霽虹蓋非古
始矣似當仍漢之初爲蘭津橋其詩云織鐵懸梯
飛步驚獨立縹緲青霄平騰蛇遊霧瘴氛惡孔雀
飲江煙籟清蘭津南渡哀牢國蒲塞西連諸葛營
中原回首踰萬里懷古思歸何恨情○居瀾滄江
以西者蒲蠻也一名朴子蠻性勇爲盜兵不離身
以採獵爲務騎不用鞍跣足馳如飛髻挿弩箭男
子出外其婦人杜門絕客禁杵臼靜坐以待其至
罪無輕重皆殺有戰鬪殺犬分肉爲令擊木爲號
永昌府志勝八卷之十六 七

流下急湍亦知愁九折王事敢辭艱○志云瑪瑙山在城西百里山產瑪瑙哀牢山之支脉也滇略云瑪瑙產永昌之哀牢山紅白二色其相間者謂之縹緗又有土瑪瑙其色微紅而堅不足近遼東瑪瑙之行而滇產廢矣○華陽國志云永昌郡寧州之屬西南也有閩濮鳩僚獠越獠獠身毒之民土地沃腴有黃金光珠虎珀翡翠孔雀犀象玃桑綿絹采帛文綉又有貊獸食鐵狸猩獸能言其血可以染朱罽有大竹名濮竹節相去一丈受一斛許有梧桐木其花柔如絲民績以爲布幅廣五永昌府志勝八卷之十六 九

食之已瘴

永平縣在府東北一百七十里

東漢置博南縣于此晉因之後改永平南詔置勝

鄉郡大理段氏不改元初廢郡立永平千戶所後改爲縣○按志博南縣在境內失其處惟縣北三里有諸葛亮駐兵處曰諸葛寨東北五里有關索寨寨下有洞首尾相連樵牧過之嘗聞洞中有戈戟聲○永平驛在治東五里鄧漢詩云暮投永平館栖息閑且清明燈照顏顏愴然悲客程落葉撼空階鏗若振履聲白露塗重關哀鴈叫林梢迅疾激回湍迢迢清響生瞻詠復奚言閔默傷素情○漢孝武時通博南山人歌之曰漢德廣開不寬渡博南越蘭津東漢永平中始置博南縣縣西山永昌府志勝八卷之十六 九

高四十里越之得澗滄水有金沙以火融之爲黃金有光珠之穴山光珠○按博南山在今縣西南四十里一名金浪嶺山有神祠祀南詔將軍昔神征緬甸班師多齋金寶經過此山爲盜所害後人立祠黃中詩云拓地毗羅風捲蓬飢旋東向未論功如何金浪經過處翻墜蒲蠻狡詐中膽氣尚懸星斗白血腥猶染杜鵑紅從來懷壁堪招禍莫漫空山怨路窮○金浪嶺謠音爲丁當丁故其地有丁當丁關極稱險隘置哨守焉楊慎詩云博南蘭津金浪嶺窮岫泄雲連暝煙翹翹後臂不可提

踏踏馬蹄愁欲穿○滇略云金浪嶼北麓之水匯
爲花橋河在縣西南一舍許高二十里上有鐵冶
□花橋河水入于銀龍江去縣治東半里每歲十
月天曙時有白氣橫江上下充滿月色相映蟠
旋宛若銀龍故名有昌平橋跨之長四十丈高二
丈五尺廣一丈五寸十有二亦曰太平橋○滇程
記曰出下關石橋至碗水哨又西爲四十里橋又
西爲響水洞橋循澗行巨石峭崿鳴若轟霆類嘉
陵散關近關有花橋橋皆架木飛梯橫指懸度人
上之慄所謂花橋河也○自樣備驛九亭而達打

永昌府志勝

卷之十六

三

牛坪途經橫嶺其高傍雲梯箐以升樹多松花多
杜鵑鳥多鸚鵡群飛蔽林又西爲雲龍橋又西爲
大斗坡相傳武侯南征駐師茲坪展值立春鞭土
牛以訓夷耕遂以名驛云黃中詩春曉馳牛獨抱
犁綠簑煙雨鵲鳩啼分明一片隆中地移向天南
作稼畦○打牛坪十亭而崎達永平縣有畢勝橋
觀音叫狗山諺曰娘娘叫狗山九轉十八灣自古
記及佛祖記皆載其事○上古之時羅刹據于洱
河啖人睛肉觀音化爲梵僧牽一狗自西天來歷
古宗神川義督寧比蒙茨和入靈應山德源城主

喜賡張敬家敬羅刹貴臣也見梵僧儀容禮敬之
介以見羅刹王王喜乃具人肉人睛供之辭曰不
願受供願一隙地爲庵居間其界曰袈裟一展狗
一躍足矣于是立地券斗狗一躍盡其東西并躍
盡其南北云云詳見洱海此山乃洱海之東有大
躍古跡上人事佛甚謹而靈迹亦殊蓋卽妙香城
毘羅國上也去縣東七十里○勝備江在縣東北
一百里源出大羅黑麻山及羅武山山高百五十
丈山半之泉注于勝備勝備之水入九渡河沿山
逶流上跨九橋故曰九渡

永昌府志勝

卷之十六

三

騰越州

在府東三
百六十里

周爲哀牢國越賤之地有爇驃我昌三種蠻漢爲
永昌郡西境晉屬寧州唐爲羈縻州開元中吳牟
尋以其地立軟化府其後白蠻居之宋段氏改騰
衝府元初屬高氏憲宗三年內附改騰越州置騰
越縣隸之尋改騰衝府治騰越縣後以順江州及
騰越越甸古湧三縣省入隸大理路 明洪武末
年改騰衝千戶所隸金齒指揮使司正統間陞所
爲軍民指揮使司直隸雲南都司嘉靖二年復置
今州以騰衝所土民隸之其軍民指揮使司降爲

衛○滇附錄云渡怒江至八灣登高黎共山其高四十里下山爲橄欖坡驛左渡龍川江其炎瘴同怒江過龍川至騰衝衛地復稍涼中國之西南界盡于此矣○州舊無城正統末年丹征麓川始築城周七里記云騰越城去鎮二十有二程山川險阨諸夷出入要害之地洪武中麓川夷入寇屠我永昌實金齒土官高大惠攝之正統初年酋長思任作亂邊臣稍用裁抑不悛驕愈甚至攪我南甸突我干崖又犯及騰衝朝廷命兵部尚書王驥定西伯蔣貴提兵十五萬征之凱還獻捷而其子思

永昌府志勝八卷之十六 三

機潛匿孟養之地□一統志云州與孟養緬甸諸夷接境出州之鎮夷關卽南甸干崖二宣撫司渡金沙江則大小孟良之地也□騰越雖遠閩兩江然衣冠人物風俗禮制皆不異于中土二江者謂麓川龍川二江也□麓川江源出義昌蠻界經州之高黎共山脚由芒市孟乃甸入于緬中○大盈江在州西南又名大車江其源有三一出赤土山流爲馬邑河一出龍從山流爲高河一出羅生山流爲羅生場河流經城之東北又南入南甸爲小梁河至干崖爲安樂河西流爲棋榔江□棋榔江

源出吐蕃遠金齒焚夷界經干崖阿昔甸下合大盈江入江頭城○龍川江源出義昌蠻地七藏甸統越甸界經高黎共山北渡口下流至太公城合大盈江□跨江有龍川橋在州東七十里舊編騰鋪板名曰藤橋○疊水河在州西南大盈江之派也山麓有石崖斷陷百尺水勢奔飛吐珠噴沫觀者毛髮爲竦○大車湖在州南團坡下湖面廣濶中有小山若浮○溫泉有四一在城北馬邑村一在城東南大洞村一在城南羅左衝山村一在城西緬甸山村水沸如湯人多浴者○城南有鎮夷

永昌府志勝八卷之十六 三

石堆高丈餘諸葛丞相所設其處爲牟羅村○球牟山在城東五里下峻上平注泉成池池傍二穴相去十餘丈上穴周三尺下穴一尺從上穴流經下穴又注爲伽和池○來鳳山在城南四里一名龍鳳山山有杜光庭子墓光庭青城人仕唐爲御史沒入南詔詳見點蒼山玉局峰子逸其名寓騰越卒塋焉清平官張羅匹爲之立廟□龍鳳山有八觚大碑題曰威武將軍騰衝府知府高恭性質清廉明達夫人段完貞之墓蓋元時物□來鳳寺在本山岡古爲龍鳳神祠李宗泗詩雲散烟消萬

境開一天清氣擁樓臺小橋送客扶筇過幽徑尋
僧煮茗園○志云州南七里有龍馬窩土人嘗見
煙霧中有物逐馬馬走如飛以爲龍及村中牝馬
生駒多駭同以爲名○滇略云昔騰越產善馬世
稱越驍駭始生若羔歲中養以組莎糜飲以米藩
七年可御日馳數百里宋建炎紹興之代常以錦
絲買馬于大理今則未聞也惟緬產者稍爲雄駿
次則昆明宜良世稱西馬○寶峰山在城西十里
有寶峰寺天池絕壁最爲奇勝高僧摩伽化修定
之所按摩伽化人竺人家詔時卓錫于長洞山關

永昌府志勝之卷之十六

圭

瑜伽教演秘密法甚靈應至今雲南土僧名阿叱
力者皆其教○下干峩山在州北十里山上有
池周圍五十餘丈下亦有池池傍圓石一片周尺
許舊傳摩伽化所遺天旱應雨皆應又名濟旱石
○上干峩山在州西北二十五里有金塔坡昔異
人修煉坡上今其處夏無蚊蚋冬無霜雪有澄鏡
池週遭五百餘步花木環繞近之則雷雨交至○
羅生山在州東南二十里峰巒三丈條岡百里林
木森茂上有天應寺殿坪片地雨則曠晴反濕其
麓有水應寺周圍皆泉○打鷲山在州北三十五

里每夏月林鶯亂啼于此故名○羅左衛山在州
南六十里上有鎮夷關山後卽南甸宣撫司懸巖
峭壁是限華夷○明光山在州西北一百二十里
上有銀鑛銅鑛○高黎共山在永昌騰越之間古
名崑崙崗界龍川潞江之間潞江冬月無霜而此
山巔霜雪嚴冽蒙氏封爲西嶽山上下東西各四
十里登之可望吐蕃雪山山頂有泉東入永昌西
入騰越故又名分水嶺侯璉詩高黎共山花正紅
千岫萬岫煙雲中險道岩峩鎖青黛絕巘突兀摩
穹窿鶯聲鵲聲滿丹嶠遠色近色皆蒼松記將此

永昌府志勝之卷之十六

圭

景付彤管豪吟野眺生春風

潞江安撫司

在府西南一百三十里

元以前名怒江甸至元間置柔遠路軍民總管府
隸金齒等處都元帥府後爲麓川宣慰所據本
朝洪武十五年改爲柔遠府後置潞江長官司永
樂九年陞安撫司○江以怒名謂其洶湧不平有
震撼鳴鳴之勢源出吐蕃由緬甸入南海一云源
出雍望經安撫司北兩岸陡絕瘴癘甚橫夏秋不
敢渡蒙氏封四潰此其一也郡人騰檳詩太保之
南上下江將軍從此渡旌旄瘴煙春半偏爲毒水

勢秋深不可航檣橈坡前飛野鴿色雀巖下響寒
涼崎嶇鳥道雲常暝設險天應護此邦按其地爲
入麓川騰衝要道故設路江驛于江次○滇附錄
云金齒西上一程曰蒲縹地猶稍平達蒲縹驛經
打板菁而下路江若降深窅四序皆燠赤地生煙
瘴氣騰空觸人鼻如花氣也渡龍川江其炎瘴亦
如之又曰路江龍川地多異木奇草有萋子卽扶
留藤可佐檳榔有果名抹猛色類櫻桃形如橄欖
有波羅密狀如薑味皆甘而微酸瘴起以春尾止
以冬首江兩堤草頭相交結不可解名夷頭瘴時
永昌府志勝入卷之十六 七

鳳溪長官司在府東二十五里

元爲永昌東境 本朝洪武二十三年始置司○
鳳溪山在司治東府東北三十里雄列巽隅與哀
牢山其峙有東西二泉合流而爲鳳溪山上有呂
公臺○鳳溪山之右有木鼓山高七里袤如之○

漢不韋縣在鳳溪山下孝武時度瀾滄水置嵩唐
不韋二縣徙南越相呂嘉子孫宗族實之嘉泰相
呂不韋之後也縣名不韋蓋以彰其先人惡行云
呂公臺名本此

施甸長官司在府南一百里

唐爲銀生府北境宋段氏置廣夷州元爲石甸長
官司隸金齒路後訛爲施甸 明洪武十五年置
長官司○司東南二里有秀巖巖下出泉注于小
羅窪河流經峽口洞而入瀾滄江○秀巖東有摩
蒼山孤峙峻聳一名施甸山○有當歸山在司西
永昌府志勝入卷之十六 七

北二十五里上座當歸又有甸頭石柵新柵三山
○坪市河有二源一出甸頭山一出石甸寨合流
經施甸司西又南合蒲縹寨澗水經新柵山口斗
崖飛下入于怒江府治東南有蒲縹驛及蒲關卽
蒲蠻口滇略云蒲人散居山谷無定所永昌鳳溪
施甸二長官司及十五哨二十八寨皆其種形貌
麤黑性猛悍男女皆束髮爲髻男以青布裹頭腰
繫綠繩婦人以花布皆勤力耐勞苦事耕鋤所種
蕎麥棉花黑豈知漢語通貿易昔年地方有事多
資其力今漸弱而貧矣○又有小白夷熟夷也永

昌西南環境皆是男婦服飾稍近中華亦通漢語
居村寨性馴謹耕食織衣種類不甚繁無長幼禮
其人體貌頗清秀而語言缺舌

永昌府志勝

卷之十六

八

蒙化府

在省城東八
百六十里

初天竺張仁果據此號白國傳至樂進求遜位于
蒙氏細奴邏號蒙舍詔改稱南詔後徙太和城以
蒙舍爲舊都卽今治也元憲宗七年置蒙舍千戶
所至元十一年設府 洪武初爲州正統間陞爲
府俱沿蒙化之名○巍樓在城之鎮巍門上以此
門直巍山也凝秀樓在城中央四山環衛陽江帶
流凌霄逼漢一方具覽焉○城西樓有鐘其簾上
懸犬韉以厭龍者相傳蒙氏城昔有燕鐘爲龍所
吸沉于城南七里令人發之愈挖愈沉不可得因
蒙化府志勝卷之十七
一
名其地爲它鐘衝○陽江在城西源出甸頭花判
淵過定邊縣入瀾滄江合流○錦溪在城東一里
水遶龍王廟西北達于陽江花時八九里間燦然
如錦遊人無虛日有錦溪橋舊名衛中橋瓦屋連
雲頗稱壯觀○龍王廟居錦溪上流歲以五月致
祭又有嵯囉武宣廟在城東南以祀蒙氏十三代
孫名法者爲禱雨祈祥之所○城北里許曰斗斛
山以形肖也蒙中饒五穀以有此山云山頂有石
如碁枰中有黑白石子相傳牧童或亂之明日如
故又名碁盤山○天臺山在城東望見百里外秋

空明淨尤爲極致○玄珠山在城東上有白浮圖相傳武侯建以鎮蒙者有玄珠觀蓮池亭榭上人夏日遊觀其中有泉曰觀井飲之已疾○蒙舍城在治北十里唐改爲陽瓜州天寶間鳳伽異爲陽瓜刺史卽此今遺址尚存○按滇載記南詔晟羅皮以唐先天元年立孔子廟于國中皮羅閣建松明樓以會五詔而焚之皆在未遷太和城之先卽廟與樓當在蒙舍城中有張彥成者蒙舍川人也爲威成王晟羅皮使于唐唐禮待之賜以浮屠像而歸南詔知奉佛自茲始○甸尾山在城南十餘

蒙化府志勝

卷之十七

二

里下有溫泉相傳蒙細奴羅母疾浴于此泉而愈泉之西卽日遊山日自出至沒恒照此山故名○伏虎山在城東北十五里南莊中有伏虎寺蒙氏時西域僧俱盧你與南國僧道葺堂後二虎搜木以親寺寺成騎虎去之○巍寶山在東南二十里高出群山之上蒙祖微時嘗耕牧于此○通志載巍山之下觀音大士三過化馬永徽間一美髯老人托鉢過蒙舍細奴羅家時其父子耕于巍山婦姑方往餽遂以飯之又再炊而往老人復坐中途乞食又飯之歸而復炊以餽見一僧坐磐石上左

白馬而朱其鬣右白象前青牛皆馴伏上覆雲氣二童子一執錫杖一執方鏡婦姑驚異復以餽供焉僧問何所願不能答僧曰奕葉相承何如婦姑趣奴羅來觀但見僧在五雲中磐石上惟餘衣痕及象馬迹而已○龍吁圖山在城西北三十五里初蒙氏龍伽衍者以貞觀間將其子細奴羅避難白崖耕于巍山之麓有神異孳牧蕃息部衆日盛代張氏立國號曰封民蒙氏僞稱南詔實負觀三年也乃升於龍吁圖山高宗時遣子入侍朝命授細奴羅爲巍州刺史築城山上周圍四百餘丈

蒙化府志勝

卷之十七

三

居之自稱奇王號蒙舍詔今山上有浮圖及雲隱寺是其遺跡○盟石在城北三十五里平川中昔張樂進求旣以女妻細奴羅復以城讓之細奴羅指石祝曰如我當爲詔劍入此石祝已拔劍砍石入三寸形如鋸斷至今存○蒙舍至趙州界四十里有橋曰四十里橋在龍尾關樣備驛中路○箐口新城有四門以界趙州白崖川一帶其處有鐵柱廟詳見趙州○石母山在城北七十里出石黃雄黃相傳天旱不待禱土民剽此山雨卽至下有泉流爲箐中溪南入羅盤江產斑竹箭竹○天耳

山與石母相接卽便頭山也上有赤石如曰相傳郡中人每有計度語其秘密山中便有人傳之故名天耳○竹椅寺山在城南百里無院無僧若匡廬之竹林寺然中有石佛早則蒙人昇置城隅雨應遂還之故處山產竹同石母但此山竹稍自能拂石淨如掃云○瀾滄江在城西南百五十里源出吐蕃嵯和縣甸南流至永昌羅岷山少東至順寧府境昆侖山又東歷景東境入南海禹貢所稱黑水是也迤西之水此爲經蒙氏立國以此爲四瀆之一其南岸有馬耳渡○漾漠江去府治蒙化府志勝入卷之十七

四

二百里一名神莊江源出鶴慶之劍川州經永昌打牛坪達點倉山後與漠水末流合入瀾滄江曰樣備者音訛也有樣備驛在城西北一百二十里有渡水東爲蒙化府界西爲永昌府之永平縣界○鳳皇山在城西南二百里昆侖山中相傳有鳳皇死此每歲李冬百鳥哀而弔之土人于其時每夜燃炬以候鳥輒赴火死按卽浪穹之鳥弔山也○近郡之夷有曰摩察者乃黑蠻之別種昔從細奴羅徙此常執木弓藥矢以行遇鳥獸則發鮮不獲然性悍鷙遇強則拒弱則奴

卷終

鶴慶軍民府

省城一領州二曰劍川曰順

東漢永昌郡西北境唐時爲越析詔之地夷名漾共川一名鶴川開元末屬南詔置詔統部元初內附置鶴州後陞鶴慶府我朝洪武十五年改爲軍民府親領編戶十三里○漾共江卽鶴川也濶十餘丈源出麗江界經府治東南象眠山麓群山環合水無所洩滯而爲湖入石穴復出名爲腰江東與金沙江合流○玄化寺在城西南半里昔蒙氏因梵僧贊陀崛多卓錫通水遂建此寺元世祖南征賜袈裟及火珠珊瑚樹以鎮焉前有鐘樓元鶴慶府志勝入卷之十八

一

建本朝洪武初普顏篤之叛舉火焚樓方燃而雨大至郡人以爲神護城南五里有落鐘河源出朝霞山唐時玄化寺僧自樸榆昇所鑄鐘歸及橋而墜水中詰旦往取失鐘所在或曰爲龍吸因名橋爲落鐘橋又云落鐘水源出西山龍湫截官道而東入于漾共江也城南有菩提井世傳贊陀崛多初從西來土人迎之住此井傍植菩提樹于井上故名○覆金山在城西五里爲郡鎮山形如覆釜而最秀南北諸山皆拱翼之下有龍潭○秀臺山卽金燈山也在覆釜下○清虛閣在城北七里

跨白龍祠山麓祠上山數十里最高一峯名金頂
下爲白鷺山勢若審鳳泉源遠莫測至祠下而泉
百注滙爲潭謂之白龍潭○西龍潭在府西七里
源出覆釜山有龍浴焉東溉諸村屯歲以七月九
日太守率吏民祀潭神徧望境內山川築室南山
之椒脩祀所也又名上潭○其東北有龍寶潭名
下潭周五百丈隄曰萬年隄石閘之下有會濟池
東分一小閘爲波流山亦金燈山脉○府治龍潭
凡十五流入漾共者十三曰黑龍青龍白龍西龍
龍寶吸鐘石朶香米北漢柳樹又曰小柳南曰赤
鶴慶府志勝入卷之十八 二

土和曰宣化流入金沙者曰龍公潭蓄極深者曰
大龍○春水有三一出府東七里石朶和石坂中
一出東南三十里龍珠山麓一出觀音山東南十
里石碑坪至春月水益盛中有硫黃氣和鹽梅椒
末飲之可以辟疾○溫泉亦三一出東南煉場巖
一在觀音山驛南二里一在驛南十里○象跪石
在城北八里石如狼牙昔元世祖自麗江石門關
乘一白象至此象跪不行故名○朝霞山在城西
南十里晨霞每綢彩其上山畔有小穴圍徑六寸
有氣出入如嗟吸名風洞土人目眚者以夏至之

日群聚穴口薰之又月山在城東南二十里許
山有積石形如半月故名○峰頂山在城東十七
里翠峯處有佛祠郡人以歲三月之望乞子投弓
矢山中○象眠山在城東南二十五里勢逶迤如
眠象然下有石穴潛洩漾共江水入于金沙江白
古通曰神僧贊陀崛多以蒙氏保和十六年自西
域摩伽國來結茆峰頂憫郡地大半爲湖以錫杖
穿象眠山麓爲十餘孔洩之湖水既消民始獲平
土而居按水洞在城東五里有祠以四月八日祭
○半子山在城南二十里產礪山也山北大凹中
鶴慶府志勝入卷之十八 三

石床下有湧泉自地中伏流里許始洩爲二派居
人賴之又五里爲豸角山以形似得名桃樹江在
其下受水流入南山巖穴中○番珠洞一名蝙蝠
山在城西南三十里深廣二十餘丈中有乳石如
珠故其山亦曰龍珠山也○青玄洞在城北三十
五里逢密山腰甚深廣洞門有石柱頂上有孔兩
壁生莓苔如綉錯上番石乳懸綴奇巧居人歲以
六月二十六日執火入洞以遊○松桂臺在城南
六十里爲頴國公傳友德征佛光寨屯兵處其地
有頴川侯廟○大成坡在城東南七十里頂有泉

圓徑尺許深如之終歲不溢盛夏不涸相傳南詔
蒙氏過此三軍無水渴甚拔劍插地泉隨湧出至
今行人資焉謂之一碗水○龍馬井在東南百里
山畔世傳一朱鬣馬出入井中雖虎豹不能噬村
人迹之不獲云在此井故名○方丈山在城南百
二十里南詔十七名山此其一也山南接點蒼巍
峨峻拔山半有洞中有池深不可測水滴巖下如
方響昔昔閣羅鳳琢觀音蘭若寺寺有石洞深五
丈濶三丈巖隙幽陰藤蘿延蔓石泉飛瀑清氣襲
人董難詩云寶鏤敲崖月繼轡雜澗虹法螺三界
鶴慶府志勝卷之十八

四

外清梵五雲中松定歸依鶴泉馴守護龍遠公知
姓字洗鉢願相從○太極洞在城南百三十里中
有碧潭澄淨土石分半宛若陰陽互生知府何璋
記畧云洞在北衙場西山之陽山半有窾窪然右
偏一逕半折而入深數十丈許其下有潭清碧可
愛內一穴深宵莫測水自穴出汪洋渟蓄澄澈無
瑕惟石蹲踞蒼乳鮮駁仰見空洞之天狀如環中
卓立一石如屏奇特難狀○煉場巖在治東南百
三十里下有溫泉巖石層疊可數十仞○諸葛泉
在治南百四十里武侯駐師之地出泉均爲二流

昔人有欲兼利之者引而爲一至雞鳴其水復分
○物產志云鶴川有薄痕大如狐而人立手足類
熊炙之甚美○福羅似猴而毛赤可爲裘性嗜蜜
土人置蜜餌之始出○巖桑產鶴慶山中糴糴取
以爲弓發矢千步昔唐咸亨之季永昌之西野桑
生石上其材上屈曲而下直南詔取以爲弓不
筋漆而利用名爲蛟弓巖桑蓋其種云○鶴慶刀
劍馳譽四方其法取麗江之古宗鐵濯以鶴川水
利可剗犀柔者可以繞腹然古宗鐵不易得質之
四達者皆凡鐵耳而以金銀裝飾取媚無當于用
鶴慶府志勝卷之十八

五

也書刀則新興安寧者良○鶴慶四十八村烏蠻
羅羅海西子等尤爲獷悍無姓氏蓬頭跣足戴次
工帽如笠衣至膝刀弩不去身善射射兒貴人以
去帽爲敬婦女不施粉喜傳胭脂借貸期約亦以
刻木爲信食蕎不以釜燒淨石調麵餲其上使熟
噉之麥熟則炮穗以食

劍川州

在府西
九十里

唐爲義督羅魯城羅魯西夷云海也一名劍川昔
浪穹詔與南詔戰敗走保此州稱劍浪詔後爲南
詔所併置劍川節度宋大理改爲義督賧元置義

督千戶至元改劍川縣屬鶴慶路 本朝陞爲州

○金華山在治西里許脉自西番界羅均山盤折而來延亘二十餘里山頂常有紫色如金故名山麓爲西湖秋水時至與東湖相通至冬水落民始播種○金山銀渡在治南兩山並峙一赤如金一白如銀俗傳不敢耕其地犯之凶疫○千光如來像在治南一里靈佛寺晉天啟二年蒙氏征摩些渡金沙江遇逆流之木取以刻像祀焉○縣南三里崔君廟神名子玉祁州人正直不撓仕唐爲長子令再遷衛州民皆德之時顯異夢于州人相鶴慶府志勝入卷之十八 六

傳崔君昔于五月五日諭人曰是月十六日毋得殺生及漁獵犯之必遭官刑陰譴時有朱竇二人獵一兔爲門吏所獲將執之官求免役夢一黃衣吏喚二人至公庭見神王者冕服定二人罪一減其年一縮其祿叱還後果如所夢云○南三里許有德望城周五百丈段氏時築今有民居呼水寨村○北四里有諸荷池相傳承相每飲馬其中○西四里劍和山其形似劍南五里劍湖湖周六十里尾遶羅魯城南經漾鼻與理水合歷車里八百媳婦入南海俗呼爲海子歲辦魚課于州○劍川

在州南十五里卽劍湖尾水曲流三折形如川字其地有羅魯城唐時所築卽瓦窰村址○夜合山在州南二十里形如卧牛劍湖遶山麓而出如牛飲然○石寶山在州西南二十里有石佛石棧石井石人石繖及獅象鐘鼓之異有五色躑躅花披于巖峇峽奪人目太和李元陽記畧云劍川石寶山緣崖多石觀音諸菩薩羅漢像若雕鏤然及省其手足指爪剝折之處又皆空洞如人之骨乃知爲天成者又省其空洞之穴皆有鑿痕反覆辨別莫究端倪噫嘻既示天巧于不可致詰之中復示鶴慶府志勝入卷之十八 七

人工不容措手之處天壤間一段奇事若在編籍中見之鮮不詆其謬妄矣嘉靖庚寅予與成都脩撰楊公慎來遊巖棲不能去者累日樵者指一洞謂予曰此中石羅漢以百計榛莽塞路不能入帳然而去上至靈泉狀如仰日纔容斗水百人挹取不減旁有索石履壺之屬下有石獅石犬石象聽經等異狀天下名洞雖往往有之然皆石乳結成彷彿肖似獨此出于露地既多而又逼真洵奇蹟也楊慎與李仁夫同遊石寶山寺詩初地追清賞名山愜素聞峰巒合元氣樓殿接霞氛灌木長藤

繞幽篁細路分。風凝石髓香。梵溝巖蕙泉溜環。
琅响勾芒紫。繡文興因靈運。發人是謫仙。群泰客。
迷青雷。湯休和碧雲。便應開淨社。甘露洗塵紛。
李元陽重遊記云。庚寅暮春。予與楊脩撰同遊石。
寶初抵鄧川。浴于溫泉。三月丙辰。經浪穹。明日至。
劍川。傍晚入山。風威凜凜。逕路崎嶇。或騎或步。日。
西至山頂。遙見層層疊疊如拳屋如棧閣者。石室。
巖也。甍底有鐘鼓洞。擊之宛如其音。寺門在望。近。
不可卽。二僧來迎。挽手而上。飲山頂聖泉。遂由故。
道下至方丈。宿戊午。出山南行。望飛崖如廊。廡然。

鶴慶府志勝八卷之十八

八

則中巖也。崖頂石佛菩薩像皆精巧奇特。石皆作。
蝦蟆狀。聞西澗中亦有巖洞。及石羅漢未遑歷覽。
而去。又三十餘年。歲在壬戌。孟春偕弟元和輩。泛。
舟西洱河。踰象嶺。觀鶴林寺。歷鳥弔山。遂肩輿復。
至石寶。此行由間道。宿村舍一泉。一石。隨興坐卧。
殊覺暢適。既別石寶。將由故道向中巖。忽有樵者。
指曰。由西涉澗所見尤勝。遂如言而行。二里許。見。
一石山。藍碧如染。逼而視之。宛然一獅子也。掉尾。
低頭如奮迅之狀。一行人皆譁呼驚詫。獅背可坐。
十餘人。復由獅腹穿出石澗。遙見西溪窈窕崖岸。

如削立石如屏。方石如屋。可以結筍而居。東行一。
里。石上雕波斯胡。雖出人爲然。亦前代工也。又半。
里。石崖懸處有一石如象折而南。上有玉女泉。口。
方尺。清冽可飲。又里許。乃至舊遊之地。追憶升菴。
垠溪未嘗見此。今已下世。悽愴揮涕。賦詩書之。崖。
壁以寄吾思焉。又南行三里。有方崖。巖品儼似藏。
經溪中。水石輻輳。兩岸惟石如人如獸。如城如壘。
風行其中。作介冑聲。令人愀然。旣而日下。西嶺不。
及窮搜。村人結松幙相待。各把巨觥。引滿三數酌。
而去。○石室南一里。爲中山巖。石壁立。鐫爲梵宇。

鶴慶府志勝八卷之十八

九

計數百莊。巖經久不變。又有石如蜂蛙。甚多俗呼。
爲聽法蛙。按志有中山寺在州南四十里。卽此處。
也。楊慎詩。入境猶圖畫。禪宮已劫灰。馱經白馬去。
聽法糾蛙回。石室金銀氣。花林錦綉堆。登臨興不。
盡。松壑暮濤哀。口中山南二里有峻崖。名金雞棲。
其上有巨人掌迹。大如箕。○石羅摩山在州東北。
七十里。峰高百餘丈。屹立如巨人狀。又名將軍山。
○彌沙浪河在州南百里。白水塲與劍湖水合。匯。
而南流。有彌沙鹽井。鹽課司在州西南百五十里。
彌沙鄉也。○龍潭在州者九。曰老君曰易隄坪曰。

仙女煉曰隔溪曰建和曰白難陀俱流入劔湖曰花叢曰白龍曰青龍俱流入湖尾○溫泉在州者三二在州南羅尤邑村一在州西百三十里求仁甸鄉一在州南百五十里橋後鄉

順州 在府東一百二十里

地名牛賧南詔徙諸浪人居之與羅落蠻雜處後羅落蠻酋成斗族漸盛遷居牛賧元時成斗十三世孫自賧子內附至元間改爲順州屬麗江路後改屬北勝州 本朝改屬鶴慶○公山在治北七里危巖聳拔數峰縈結雨霽輒有霞采層出其上鶴慶府志勝 卷之十八 十

與公山並峙者漕峰山也又名母山常有群鶴來集山下有石洞深三丈餘巖石玲瓏高敞丈許歲春川州人來往盤桓焉○楊保山在州東北八里下有池中多蒲草鳬鵝之數也○浴海浦在州東二十餘里水中分界西畔屬順州魚課入劔川州河泊所其東畔入北勝州廣可三十里也河頭溪亦在其處水從石巖湧出周八十餘丈深不可測 春月溫暖可浴

麗江軍民府 在府城北一百四十里

唐貞元中屬南詔置麗水節度宋時爲蠻酋蒙酋之所據名麼麼詔元憲宗四年討平之置茶罕章宣慰司至元十三年改置麗江路軍民總管府洪武十五年改麗江軍民府領州四曰通安曰寶山曰蘭曰巨津

通安州 附郭

漢定笮縣也屬越嵩路唐改定笮曰昆明屬嵩州太和後爲越析麼麼詔地後併于南詔宋時徙蠻居之其後又爲麼麼蠻所據世屬大理元初置麗江府志勝 卷之十九 一

三賧管民官至元中始置今州○府治在州西偏卽茶罕章宣慰司之舊址元中統初麥良內附以爲茶罕章管民官至元中良子尤襲職麥良者唐麼麼詔葉古年二十三世孫也世祖南征從尅大理擒段智興功列蒙古將兀良合台之上陞授副元帥賜虎符金牌還鎮麼麼又破鐵橋之華馬國加授銀印爲提調諸路統軍司口良之父名宗生七歲不學而識文字偶入玉龍山見石盎有水飲之遂知禽鳥語一日群鴉在林有一鴉南來哀鳴甚急群鴉從之哀鳴宗曰此雄者爲白沙里人所

代迹之果然及長而百蠻諸夷之書無不通曉都
聞國稱之爲異人比于今爲虛今麗江白沙園
巖上鐫番字卽宗墨跡鮮有譯之者 國朝有木
公字恕卿者麗江上知府也性嗜學以彈琴讀書
娛志所著有雪山等稿口土州同高姓有高長者
甫二十而天其妻名藥師能撫孤成立矢靡他之
節凡五十四年爲土知府木森女○象山在府西
北五里形如伏象山下有泉曰象泉○龍潭在府
治西南十里淵數十畝深不可測四畔草結如簾
履一處則諸處皆動人或近之風雨輒起土人相
麗江府志勝／卷之十九 二

傳云昔有耕者爲暴風雨捲入潭內至今時見此
人及牛犁迴旋水中○東山在府東二十里一名
吳烈山峰巒起伏環拱郡治山下有吳烈祠祠前
有苦泉其味微苦飲之已疾○雪山在府西北二
十餘里一名玉龍山條岡百里巋鬼千峰上插雲
霄下臨麗水山巔積雪經夏不消崖磴淵壑中飛
泉不知其凡幾也南詔異牟尋世僭封嶽瀆以玉
龍山爲北岳口眞載記云玉龍山一名聳雪山有
九峰雪貫四時主立萬仞千里望之若在咫尺與
蜀松州諸山相接也元李景山歌麗江雪山天下

絕積玉堆瓊幾千疊足蟠厓地背摩天衝嶽真成
兩丘垤平生愛作子長游覽探奇不少休安得
乘風凌絕頂倒騎箕尾看神州口北岳廟在雪山
麓相傳昔有于山中得異石負而歸至此少憩則
重不可舉鄉人神之爲立異石祠及封山爲北岳
卽以此石爲岳神元世祖封爲大聖北岳定國安
邦景帝至今祀之口雪山之水流至東園里與東
山之水合流繞府城東南五里名清溪有橋跨其
上曰東園橋○州南刺沙村又有苦泉下灌麥畦
生蕎亦苦夷人每汲水歸飲謂可以却病其阿失
麗江府志勝／卷之十九 三

村有溫泉民夷競浴之○珊碧外籠山在府西南
二十里孤峰崑崙產箭竹○馬左墅山在府南三
十五里土人常牧羣牛其中○金沙江三面環麗
江府古名麗水是產金沙出細鱗魚大者三尺許
肥耳異于常魚又名若水源出當府西北旄牛徼
外東南注于府境循鶴慶比勝姚安諸界而下山
海經曰黑水之間有木名曰若水若水出焉口水
經注曰若水南經雲南之遂又縣今金沙江巡檢
司是也又東流合繩水孫水淹水瀘水注于馬湖
口昔黃帝長子昌意德劣不足紹承大位降居斯

水爲諸侯娶蜀山氏生顓頊于若水之野是其地也元憲宗三年征大理國從麗水以濟金沙江卽此路○楊慎宿金沙江詩往年曾向嘉陵宿驛樓東畔欄杆曲江聲徹夜覺離愁月色中天照南獨豈意飄零瘴海頭嘉陵回首轉悠悠江聲月色那堪說腸斷金沙萬里樓用脩又有紀星歌四首金沙江水繞環州江岸家家對白鷗漁父長歌焚人蘭鹽商愛上白夷樓其二餘其結子草交頭暮靄朝嵐似屋樓飛鳥不飛愁羽墜行人何事遠來遊其三檣堊弓營徧翠微韋韞椎髻列華衣松林霧麗江府志勝入卷之十九 四

合勝蛇出草屋星流暗蠱飛其四十月妖花紅滿烟萬家蠻樹綠遮天眼中忽見渾相識夢裏曾遊瘴海邊○楊士雲議開金沙江書云江名麗水源出吐蕃界共龍川犁牛石下名犁水訛犁爲麗東經本府巨津寶山二州三面環府界又東經鶴慶受漾共諸水又東經姚安府界青蛉大姚龍蛟諸水又東經楚雄定遠受龍川諸水又東經武定府受元謀西溪諸水又受滇池螳螂諸水又東經東川府西入滴慮部受尋甸牛閣谷壁咽嚙化諸水又東經烏蒙南又東經鹽井建昌會川越雋諸衛

合瀘水受懷遠宜遠越洪雙橋長河瀘湘大洞魚洞羅羅打冲東河熱池諸水又東至馬湖界又泥洪大小汶諸水又東至叙州府受大江此南中西北之險蒙氏僭稱北瀘者也漢武帝開益州郡諸葛亮平南中四郡皆先得此險而始通西南夷歷晉迄隋通壅靡常至唐蒙氏世爲邊患至酋龍極矣屢寇黎雅一破黔中四盜西川皆由我失險坐基南詔亡唐之禍宋太祖鑒此以玉斧畫大渡河曰此外非吾有由棄此險遂成鄭趙楊段氏三百餘年之僭元世祖乘韋囊及筏渡江進薄大理據麗江府志勝入卷之十九 五

段智興以破此險遂平西南之夷 國初梁王拒命我

太祖高皇帝命將征討神機廟筭盡出聖裁論類川侯等曰關索嶺路本非正道正道又在西北蓋謂此也班固謂皆恃其險乍臣乍驕范曄謂馮深阻峭紆徐岐道宋祁謂喪牛于易患生無備誠確論也夫雲南四大水雖金沙江合江漢朝宗于海爲南國紀天造地設本爲天下用也歷代乃棄諸夷酋資其鴛鴦雖建立城戍斤斤自守時或陷沒豈知天有宿度地有山水人有脉絡禹貢于州未

必曰浮某水達某水入某水逾某水益紀貢道達都者天下大勢以水爲經紀也孰謂滔滔大川可浮可達反舍而陸乃北至永寧東至鎮遠不亦達乎執事之議一勞永逸暫費永寧續神禹疏鑿之績恢四海會同之風息東西兩路之肩拊滇雲百蠻之背變彼絕險與區而爲掌中腹裏 皇明大一統無外之治實在于此凡屬有識咸拭目望之

實州 在府東二百四十里

漢益州郡之邪龍縣境唐爲麼麼蠻所據元時內附名其寨曰察罕忽魯罕至元間置實山縣尋陸

麗江府志勝八卷之十九 六

爲州 本朝因之土知州羅姓○元史實山州在

雪山之東金沙江西來環其三面○城西南十五

里阿那山有阿那和故壘城北八十里有珊瑚閣

山○寶山有大置寨唐時麼麼蠻兄弟七人分據

各一處曰羅邦曰羅寺曰碍場曰十頭場曰常波

羅場口當將郎口大置史稱元世祖征大理自十

頭濟金沙江至羅邦羅寺開大置等寨及其西內

附名其寨曰察罕忽魯罕焉

蘭州 在府南三百六十里

東漢置博南縣屬永昌郡唐時地屬南詔爲猛蠻

所居名羅眉川宋大理段氏始置瀾滄郡以董慶

者治之後有周姓者強盛遂與董分爲二部以江

爲限元初內附至元間置今州屬麗江路 本朝

因之土知州亦羅姓○華陽國志博南縣西山高

四十里越之得瀾滄水有金沙以火融之爲黃金

有光珠穴中出有虎魄能吸芥又有珊瑚口瀾滄

江在州西北三十里源出吐蕃嵯歌甸卽禹貢之

黑水也逕雍州西界直趨本州過永昌怒川龍川

二水流而入南海○州南十里爲雪盤山四時積

雪下有白石溪產石白如砥硃○州北十里有福

麗江府志勝八卷之十九 七

源山延亘及東南凡五十餘里○西北二十里爲

老君山古名如刺鈞山頂有深淵五所夜恒有籊

鼓聲出淵中聞者多震駭又名牧牛山以土人常

牧羴牛其上

巨津州 在府西三百里

唐爲羅婆九賤濮蠻所居後麼麼蠻奪其地南詔

又併之屬麗水節度元時內附至元間于九賤置

今州屬麗江路 本朝因之○金馬山在州東北

二十里有石如馬而黃故名○華馬山在州東南

百五十里崖壁上有片石如馬而色斑斕如花故

名昔麼夢詔自名其國爲花馬國本此○雪山門
在州東北舊名越滅根關當吐蕃麼夢之界極爲
險峻○白馬寨在州南二里唐書云姐羌白馬氏
之裔居此○鐵橋在州北百三十餘里舊跨金沙
江或云隋史萬歲及蘇榮建或云南詔閣羅鳳與
吐蕃結好時建按吐蕃嘗置鐵橋節度使後異牟
尋歸唐與韋臯合兵破之斷鐵橋卽此也橋所跨
處乃穴石鑄鐵爲之遺址尚存冬月水清猶見鐵
環在水底○按唐貞元九年韋臯遣幕府崔佐時
由石門趣雲南後通石門南道十年臯以南詔兵

麗江府志勝八卷之十九

八

伐吐蕃大破之取鐵橋十六城俘其五王來獻捷
異牟尋遣弟獻地圖土貢請復號南詔詔以表滋
爲冊使賜之金印○宋寧宗嘉定十七年甲申元
太祖南征東印度至鐵橋石門關前軍報曰有一
角獸形如鹿而馬尾其色綠作人言曰汝宜早還
帝以問耶律楚材對曰此獸名角端能言四方語
好生惡殺此天降符以告陛下陛下天之元子天
下之人皆陛下之子願承天心以全民命卽日班
師○按石門關在府西一百里今有巡檢司志云
有鐵橋以限吐蕃有石門以絕西域西域卽西天

三也○元志漢蒙蠻本漢人部種在鐵橋衣同漢
制不類澤腹食儉約板屋不陶好飲酒歌舞麼
夢古宗雜居之俗○滇畧云蠻近四川者曰麼夢
與吐蕃接界多羊馬及麝香名鐵喜戲獵挾短刀
以俾渠爲師少不如意鳴鉦鼓相仇殺兩家婦女
投塲和解乃罷不祀神佛惟正月五日登山祭天
有力者尊敬官長歲暮競殺牛羊相邀請一客不
至則爲深耻人死以竹簣昇至山下無貴賤皆焚
之○其在鐵橋之北者一名古宗一名西蕃一名
細腰蕃自

麗江府志勝八卷之十九

九

高皇帝既平雲南遂裂吐蕃二十三支分屬郡邑
以土官轄之麗江府控制古宗水寧府北勝浪渠
寺州控制諸蕃人皆効順惟我指麾矣○志云巨
寧有屬縣曰臨西麼夢詔地也又稱刺縹郡卽今
之他照和村元至元間以其地西隣吐蕃置臨西
縣國朝正統二年爲蕃人所據僅存一寨今果
舖出是也後亦革去

永寧府

去省城一千五百一十里

領長官司司四

親領編

戶四直隸布政司

古名樓頭賧又名茶藍後屢屢變祖泥月鳥逐出吐蕃遂居之唐時屬南詔蒙氏宋時屬大理段氏元史世祖駐日月和卽此地也憲宗三年內附至元置茶藍管民官十六年改置永寧州 皇明永樂四年陞今府土知府阿姓○于木山在府東南十五里高八十餘丈根蟠百餘里一名獅頭山○瀘沽湖在府東三十里卽魯窟海子中有三島高可百丈土官築水寨于其上湖周廻百里○跨魯永寧府志勝卷之三

一

窟海子有橋曰海門橋在府治西其水通四川打冲河達川江橋外鹽井界○勒汲河源出西蕃流經府治北東入于鹽井衛又有勒汲墩蓋府地密邇吐蕃居人與蕃雜居常被凌擾乃築此墩以爲之界今雲南有事卽調永寧土官土官卽率蕃人入窺內地非善策也郡多麼麼蠻習雖朴野氣則勇厲住在山腰以板覆屋身披氍毹富貴至二三領暑熱不去首戴喜鵲窩帽轄四長官司皆西蕃性最暴悍隨畜遷徙有野西蕃條去條來尤爲巨擘刺次和長官司在府東北二百四十里

西有六控止

革甸長官司在府西北一百二十里司治北

有幹如山併下三山似產羗牛其尾可以

結氍

香羅長官司在府北一百五十里司治西有

十九山

尾魯之長官司在府北二百八十里司治東

北三十里有刺不出其西卽金沙江

北勝州

去省城一千二百五十里

直隸布政司

親領編

戶十五里

永寧府志勝卷之三

二

州治設在瀾滄衛城中兩漢以前地屬白國時鐵橋西北有施蠻據之唐貞元中南詔異牟尋始開其地名北方賧徙昆瀾河白人及羅落麼麼蠻以實其地號曰劍羌又名成偈賧旋改爲善巨部宋時大理段氏以高大惠治之改爲成紀鎮元憲宗三年其酋高俊內附至元十五年置施州十七年改今州已陞爲府屬麗江路軍民宣撫司 國初洪武十五年復爲州以屬鶴慶府十九年置瀾滄衛移州屬焉正統六年改隸雲南布政使司土州同高姓土判官辛姓○治西有拜佛臺山

大德寺寺前有宋段氏所建鐘樓境內每有大風
電登樓鳴鐘即止相傳古鐘可制毒龍云○瀾滄
山在城西南二里高二百餘丈衛名驛名皆曰瀾
滄以此○烏洞山在城西二里上列五峰下有一
洞廣僅丈餘其深莫測○現錢山香爐峯俱在州
東二里有亂石鋪徑形如銅錢有三峰圍立形如
鼎足○東山在城東三里學正管鏞記略曰滄城
之東有山名曰觀音箐箐之山上石壁間有鐫觀
音釋迦二像傍題曰唐吳道子筆元政光六年始
覆以閣○國朝天順癸未大旱都可陸興陟箐巔

永寧府志勝之卷之十

三

禱雨見白蛇長丈餘山澗有磨崖碑剥落莫辨○
三刀山在城西三里山逕險窄相傳諸葛公征南
時始開○赤石崖在西北三里許相傳禹乘赤龍
治水至此神斧劈山故石皆殷赤崖半有泉味如
醴歲仲春居民郊遊爭掬飲之布穀一鳴其味即
變俗謂之啖春水○烏鴉山在城南十里形如削
玉群鴉時下來○九龍潭在城西十五里泉生九
眼下流入金沙江○程海在州南四十里程姓所
居名程村初皆陸地一夕之中變為海周圍百里
許下流入金沙江○陳海出白魚狀如鯉

相傳漁者網得古碑刻有大聖程河妙感景帝宇
蓋蒙氏偽封云碑出水數十年尚潤又網得青碧
磁枕歲首視其潤燥以占雨旱今送供龍王廟呼
曰龍枕○峨峨故城在州南五十里峨峨村蒙氏
所築址存又有峨峨海去州東南三十五里○九
龍山在州治南百里一名九頭山高萬丈餘自山
麓仰視九頂若齊眉而俯頽則衆山皆在其半四
顧可千里○大坡難嶺在州東南百里高二萬餘
丈其巔有龍湫喧露近之則風電倏來○老虎山
在州南百三十里山形似虎先是行人無伴侶者

永寧府志勝之卷之十

四

輒被攝沒及諸葛公南征土人言狀乃立琢其首
爲三椎遂絕今山頂有祭鋒臺蓋祭刀斧之鋒以
琢也或作祭風者誤○志云州產石桑謂生于石
上者宜弓材詳見鶴慶府○有桑園河跨河有橋
河自雲南縣來流經州西南百五十里桑園村下
入金沙江○我明有張宗楚者七歲未學而能詩
及就學遂善筆法以神童應舉後進翰林院秀才
弘治間人○有湖廣周良臣亦神童也正德間聞
宗楚才名不遠三千里來訪因寓本州多題○惜
無收藏者

瀾滄衛軍民指揮使司 領州一曰浪蕓

與北勝州同城建置詳州下衛城則洪武二十九年築也周圍五里有奇開四門北勝州治舊在北拱極門五里弘治九年遷于城內西南隅正德六年五月六日地大震城傾西北民居圯者千五百餘家

浪蕓州在浪蕓縣北八十里

唐時地名羅共賧羅落麼麼三種世居之元憲宗時內附至元中以羅共賧置今州屬麗江路後改屬北勝府 皇明洪武十五年屬鶴慶府二十九

永寧府志勝

卷之十

五

年改屬本衛土知州阿姓○白角山在州西白角鄉鄉以山名○綿綿山在州西南綿綿鄉綿綿方語也○白角河源出綿綿鄉經白角山流入西蕃界○羅易江源出本州東合數溪澗之水北流入永寧府○志云衛臨極邊與西戎相接浪蕓居麗江之東北勝永寧界其南北山勢險峻一夫當衝百夫莫越 皇朝有衛後者瀾滄人少習普菴法爲人所禱不受賦卒後數年禮部移檄瀾滄衛云張天師于三天門見沒爲置簿都史應免其子孫差徭至今崇其法者多著靈驗○浪蕓俗尚爭競

勇屬善戰餘與北勝同夷有數種曰繼繼麼麼冬門尋丁俄昌也

南甸宣撫司

去省城以程計凡二十三東界怒江司 南

界隴川司

西界下崖司

北界騰衝州

舊名南宋元至元二十六年置南甸路軍民總管

府領三甸 皇明洪武十五年改爲南甸府永樂

十二年改爲州正統入年陞南甸宣撫司 正宣

撫刀姓副宣撫劉姓○志云丙弄山在司東十里

山有石和尚相傳昔大理一僧來南甸坐化于此

久乃變石後經兵燹止存石頭猶奉祀焉○蠻手

山在司東十五里勢甚險阻土酋居之○溫泉山

在司東二十五里山峰層疊綿亘二十餘里巋然

土司名勝志

卷之二十一

一

林水之下溫泉湧出○沙木籠山在司南百里其

上設關立木爲柵周一里餘靖遠伯破思賊寨卽

此山也○南牙山卽巡撫程宗與夷婦葉罕弄會

議之處在司西八十里高峻若建牙延袤百餘里

官道必經之樹木陰森石棧重疊夷人恃此爲險

其泉注處與小梁河合名南牙江○小梁河在司

東北三十里有二源皆出騰衝一爲赤土山一爲

緬甸山至此合爲一西南流至下崖爲安樂河而

合于大盈江○孟乃河在司東南百七十里卽騰

越龍川江之源○大盈江源自騰越流至司境過

鎮西入于緬甸○滇畧云南甸十崖隴川所謂三

宣也在騰越南半個山下其山巔界限華夷北寒

南暑迥然各天南甸俗與木邦同婚姻用殺茶二

筒雞子數籠客至以之供奉手粘而食亦產叶雞

紅藤後雞晝夜應時鳴茂夷婦之腰膝

千崖宣撫司

去省城以程計者二十三東西界南甸司

南界隴川司

其地舊名千賴賸一曰渠濶賸焚夷居之元中統

初內附至元中置鎮西路軍民總管府領二甸

皇明洪武初改府已立于崖長官司正統間陞宣

土司名勝志

卷之二十一

二

撫司正宣撫刀姓副宣撫劉姓土經歷廖姓○雲

晃山在司南十五里上有瀑布注爲河亦曰雲晃

流合安樂河○雲籠山在司東二十五里山之水

發源騰越經南甸迤邐至司東北爲止西河又流

十五里與安樂河合安樂河卽雲籠河也又環司

治北折而西百五十里爲棋榔江至北蘇蠻界注

金沙江入緬按比蘇卽漢比蘇縣後漢以之屬永

昌郡者○白蓮山在司北六十里中有一峰林巒

聳拔土官居其下有池產白蓮夷中貴之○司西

百餘里有剌朋山產竹繩肥大如兔境土甚熱西

時有蠶能織五色土錦克貢○滇附錄曰出騰衝鎮夷關爲南甸又西爲干崖其地雖冬月衣葛汗猶如雨又西爲布嶺稍涼如騰衝焉又西爲雷弄又西爲揭陽又西爲孟乃又西爲火崗其炎毒又倍于二甸矣

隴川宣撫司

去省城以程計二十六

東界芒市司

南

界木邦司

西界干崖司

北界南甸司

舊爲麓川地在芒施路東其地曰大布茫曰賤頭附賚曰賤中彈吉曰賤尾福祿塘皆百夷所居元中統初內附至元十三年置麓川路隸金齒宣撫

土司志勝

卷之二十一

三

司 皇明洪武十七年歸附置麓川平緬宣慰司

正統三年土酋思任發叛大軍平之遂革其宣慰

十一年復置立司于隴把之地故名其宣撫多姓

○按平緬路北近柔達柔達即潞江安撫司也其

地曰驃賤曰羅必四庄曰小沙摩弄曰驃賤頭百

夷居之中統初內附至元十三年立爲路隸金齒

宣撫司 本朝沿革無攷或併入麓川○司境有

羅木摩梨馬鞍三山靖遠伯追思任發至馬鞍山

卽此山石罅中流溫泉成河熱如沸湯其風俗與

南甸相同蹲鴟有大者長一尺二三寸○滇畧云

隴川麓川也有諸葛孔明寄箭山過此盡平地一望數千里絕無出路亦無果樹○大百夷在隴川西男子剪髮紋身婦人跣足染齒以色布裝其首飲食簡而頗精居喜近水便浴婦人惟緊護兩乳謂乳非父母所生乃天地所賜不宜人見也男逸女勞紡績擔負不輟其人強壯者寡系弱者多

皇明正統初年思任發既擁麓川之衆攻孟養宣

慰遂屠騰衝據潞江日稱曰法法夷王號也方政

既喪師六年二月上遣大司馬驥定西伯貴益發

川廣粵西黔中及京營軍十二萬擊之五月至雲

土司志勝

卷之二十一

四

南都指揮馬讓郎中侯璉督軍與戰大破之斬數

百級獲象馬貨物無算十一月因風縱火焚柵斬

五萬餘級賊奔沙木籠南甸地界也據險爲七寨

又大破之十二月追至馬鞍山賊列象爲陣營壘

相望尚有十餘萬衆復縱火焚破之死于水火鋒

鏑者八萬餘遂蕩平其穴振旅日 上親宴于奉

天門頒賜誥券加封靖遠伯旣而雲南鎮守又報

思任發爲緬所獲上曰不免勞卿再一行耳驥于

是復至金齒遣人招芒市干崖南甸潞江茶山等

二十餘寨酋長悉來送款又遣人下緬促送思任

發經人佯諾不來乃調川湖雲貴兵俱至騰衝分爲五營驥與將貴及少監蕭保分爲三營總兵沐昂侍郎侯璉率東路兵徑擣麓川以陳儀領前鋒三千開南甸之南牙山斷賊走路緬人以兵迎戰將貴舟師匯江而下焚其舟數百艘大戰一晝夜殺三千餘人而緬人仍載賊首遁去獲其妻子象馬寶玉甚衆捷聞勅班師上慰勞如前口未幾鎮守又報任發之子機發上發據孟養跳梁十二年春復命靖遠伯征麓川調夷漢兵十三萬進至金齒抵金沙江構浮梁亘千數百尺渡兵運餉賊

土司志勝

卷之二十一

五

于兩岸立柵拒戰麾兵悉渡一鼓破之賊又于鬼哭山立三大柵驥與總兵張軌親冒矢石戰一日而寨柵悉拔獲機發等一云死于亂兵而南服自此底定矣○天順日錄有云麓川之役三舉兵寇首竟亦通誅其費需餉濫陞秩者皆不足計但將士死兵革者十數萬民愈不堪命先臣彭韶曰唐天寶固多事雲南今正統雲南亦多事驥功之首亦罪之魁也○滇畧云萬曆三十五年隴川宣撫多安民叛歸緬緬殺鎮撫林承恩越二年始伏誅隴川平有隴川曲十六首直指鄧漢作也如凱歌之

類其末章云歌桃舞柘樂時清繡戶曉窓映日明合讌初聞破陣曲新詞題作隴川平

孟密安撫司

去省城

舊爲木邦部落界有寶井木邦之利使其陶猛司歪者領之陶猛猶言頭目也司歪者木邦宣慰罕璉以女爲妻之罕弄據有寶井每藐視其父家璉死立孫罕完爲宣慰襲罕弄陰叛之然未敢公侵其地成化中鎮守內臣需索寶石聽其間採遂畧木邦地以自廣內臣又疏其罪請征之有通客謂襲罕弄若以重寶賂時相不惟罷兵且可授

土司志勝

卷之二十一

六

官比于木邦從之于時廷遣都御史程宗往撫襲罕弄初意出逐及得所遣行賂使信息遂倨傲不出且曰我見都堂須坐講亦許之又曰須都堂就見我乃會于南牙山實南甸宣撫地也襲罕弄謂宗曰我猛密之于木邦譬大衆之孕小衆也今小衆長成驅倍大衆矣寧能復納大衆腹中乎宗無以應遂以所畧木邦地畧之爲奏設安撫司以司歪子孫世襲後遂盡奪木邦地罕完出奔四鄰諸番不平之往往弄兵藉口其後副使林俊稍稍令割故地還木邦然竟舊殺未已○滇附錄云

者環孟密諸夷若木邦碧松孟貢孟養所必爭也昔靖遠伯王驥征麓川與盟曰石若爛方渡金沙岸諸夷守之不敢失弘治中有守臣銳意立奇功乃誘孟艮過金沙江令攻孟密騷動者數年邊人至今憾之○滇畧云寶石永平以西皆有之生山切溪澗涇水之所謂之寶石色類不一亦懸絕蔚藍色而重數兩者即逾千金然亦不多得也其雜碎者為寶石砂口孟密在騰越南千餘里其地產寶石金礦估客雲集山高田少米穀騰貴花果瓜蔬與中國同但多地羊鬼為行人畏南距緬僅十上同志勝

卷之二十一 七

程常苦侵暴土酋思姓後以避緬徙蠻莫

蠻莫安撫司

猛密分地也在騰越西蠻哈山下山如象鼻行者累足風俗與猛密同萬曆十三年置亦思姓

孟養軍民宣慰使司去平城以舊計東界金沙江 西界大古喇司 南界緬甸司 北界干崖司

地名香和城俗呼迤西元至元二十六年置雲達路軍民總管府 皇明洪武十五年去軍民總管府字十七年改孟養軍民宣慰使司○民性生野小石叢隙即構兵相殺其土地下濕夜寒民多瀕江簷竹樓居日凡數浴有鬼窟山險甚據為硬寨官民皆兇首黥足有不兇者則酋長殺之不黥足者衆嗤之為婦人女則綰髮腦後白布裘之布衫土同志勝

卷之二十二

○日行纏而跣足有遮些蠻綰髮為髻男女皆戴耳佩環性喜華彩衣僅盤旋蔽體飲食精潔戰鬪長于方矢倚恃象銃稍與緬同孟養一帶多其種類○正統中麓川之師基于孟養而孟養之地竟歸思氏今則未詳口初孟養宣慰刀賓王昏懦不能填輯諸夷思仁其部下貴姓酋也一云是麓川宣慰即思任發結好麓川平緬宣慰遂擁眾以叛日侵孟養割其地刀賓王奔永昌死無子思仁勢益張遂肆其蹂躪朝命黔國公晟及左都督方政等征之政一軍皆沒黔國公發憤薨廷議與置

不問 上遣兵部尚書王驥定西伯蔣貴大征之
○通考云思仁敗奔緬驤乃以所畧孟養地畀緬
以購思仁緬人殺之縛其子思機發送京師以子
銀起莽居守孟養頃之麓川夷擁思仁少子思祿
逐莽復據其地思祿雖無職守其豪僭夷中無異
王者于是孟養宣慰司在廢除之數矣弘治初詔
以金牌信符給徼外土酋兵部忘之仍以舊號頒
給恩祿竊爲直授以誇誑諸夷畧取旁小邑自廣
又乘木邦之亂攻猛密取蠻莫十七寨已復遣人
赴京奏願入蠻莫十寨贖罪得比米魯乞以一子
土司志勝

卷之二十二

爲土官復宣慰如故朝議未許思祿遂據孟養而
自立萬曆十三年始立孟養長官司

孟璉長官司

舊名哈瓦正統間平麓川始來歸附在車里木邦
之間所部內有莫乃場礦世專其利以致殷富人
多剽悍好劫掠

者樂甸長官司 去省城一千一百七十里 東界新化州

西界鎮沅府 南界鈕兀長官司 北界

景東府

唐南詔蒙氏屬馬龍他郎二甸地曰猛摩夷名者

曷後爲阿樊諸郡所據段氏莫能服元時內附以
屬他郎甸管民官隸元江路 皇明洪武末分置
今司其長官刀姓○司治在者島山下以音近爲
者樂也○蒙樂山在司東二百里一名無董山巍
然高峻窮日之方方陟其巔有毒泉人畜飲之卽
死蒙氏封爲南嶽詳見景東○蒙樂山寺有古殿
世傳阿育王娶天女之處其棟柱自空中飛來者
○景東河流經本甸下入馬龍江源自景東府界
來故名○甸產阿魏相傳大樹凝脂下酒着物卽
化市之鬻者皆其化也故諺曰阿魏無真此物極
土司志勝

卷之二十二

臭而能止臭殺蟲消痞辟瘟治瘡諸鬼物畏之一
名合昔泥夷人以淹羊肉甚美○俗以氍布茶鹽
貿易五日一集或十日一集且 人日中則男
子更代爲市

鈕兀禦夷長官司 去省城以程計十六 東界元江府

南界車里司 西界威遠州 北界臨安

之思陀甸

蠻名也兀自古不通中國 本朝宣德七年始歸
附置今司○志云民皆倭泥類蒲蠻男子縮髻于
頂白布纏頭婦人白竹盤頭露頂以花布爲套頭

見人不拜

芒市禦夷長官司

去省城以程計二十三

東界鎮康州

西南俱界隴川司

北界永昌之路江司

其地舊曰怒謀曰大柘賧小柘賧卽唐史所謂茫施蠻也在永昌西南四百里元中統初內附至元十三年立茫施路軍民總官府領二甸隸金齒宣撫司 本朝洪武十五年置茫施府正統九年改置今司長官放姓 萬曆初芒市土酋放福導緬入寇討斬之轄諸隴把○青石山在司西南峭拔千仞奇詭萬端又有永貢幹孟契二山皆夷酋之土司志勝

卷之二十二

四

茶山長官司

地在騰越西北五百里據高黎共山地瘠土寒不生五穀其人強悍好鬪土酋早姓舊屬孟養永樂三年孟養叛茶山不從自詣 闕下授長官司其地僻遠常爲野人殺虜今奔入內地阿幸棲住

麻里長官司

國朝置地與茶山接壤舊亦屬孟養土酋刀姓其副早姓亦以拒賊功授官所轄皆峩昌夷近其地亦爲野人所奪奔入赤石坪棲住○茶山里麻之外又有一種野人赤髮黃睛以樹皮爲衣首戴骨圈挿雉尾纏紅藤醜惡兇悍登高涉險如飛男婦漁獵爲生茹毛飲血夜宿樹上逢人卽殺無酋長約束二長官爲所戕破至避之滇灘關內○峩昌蠻耐寒畏暑喜燥畏濕好高山刀耕火種形貌紫黑婦女以紅藤爲腰飾性嗜犬祭必用之古用竹土司志勝

卷之二十二

五

三十三根畧如筮法嗜酒背負不擔弗擇污穢食禽獸蟲豸皆生啜之采野葛成衣無酋長管束雜處山谷夷獯之間聽土司後屬○外有八寨長官司瓦甸長官司麻沙長官司沙勒長官司俱未詳

木邦軍民宣慰使司

去省城以程計者三十有五 東界八

百大甸 南界速克刺蠻 西界緬甸司

北界芒市司

舊名孟都一名孟邦元至元十六年立木邦軍民

總管府領三甸 本朝洪武十五年改木邦府後

改今司宣慰使罕姓○楊慎次謝高泉有喚金寧

卽非金齒建木由來是木邦之甸相傳卽諸葛公

南征時木鹿大王後也在姚關南慶噎里江千餘

里產響錫椒以征緬功分土稍廣故常與緬構怨

男子衣白文身髮髻摘髭脣脣脣婦人衣白桶

上司志勝

裙耳穿金圈手套象銅男貴女賤雖小民亦視其

妻如奴僕耕織貿易差役之類皆以委之○志云

成化十八年木邦不靖兵部議調大軍征剿 上

謂木邦地極炎瘴宜事招撫諸夷順服具象馬寶

石赴闕謝恩

車里靖安宣慰使司

去省城以程計者一百有八 東界落

恐蠻 西界八百大甸 南界波勒蠻

北界元江府

自古不通中國車里倭泥貉黨蒲刺黑角諸蠻雜

居元世祖命兀良吉解伐交趾經其部悉降之至

元中置徹里路軍民總管府領六甸後又請置耿

凍路及耿當五弄二州 本朝洪武十七年改置

車里軍民府十九年改今宣慰使司其宣慰使亦

刀姓○車里卽產里也召覽伊尹四方獻令曰產

里以象齒短狗獻周公作指南車導之歸故名車

里在者樂甸西南千里下臨九龍江有諸葛營壘

及碑夷性頗淳頗上刺一旗爲號作樂以手拍羊

皮長鼓而間以鐃鐸若中國僧道焉鄉村飲宴吹

蘆笙舞牌爲樂○元述律杰使車里車里以黃金

采女遺之一無所受蠻酋曰入我土而不爲金婦

土司志勝

卽者惟述律元帥一人 我朝永樂元年車里宣

撫司土酋刀遲答侵地擄官軍西平侯沐晟請討

之 上勅晟以理告諭遲答悔懼還所擄及地遣

使入謝有名山猛末江名沙木其水流入浪滄江

下交趾而達南海

緬甸軍民宣慰使司

去省城以程計者三十八 東界木邦

司 西界受里夷 南界南海 北界隴

川司

古西南夷不知何種其地舊有江頭太公馬來安

正國蒲甘緬王五城元至元中屢征服之後以蒲

其緬王城置邦牙等處宜慰司 皇明洪武二十

九年歸附立今司其宜慰養姓

江頭城在騰衝西南十五日程○太公城在江頭

城南十五日程○馬來城在太公城南八日程○

安正國城在馬來城南五日程○蒲甘緬城在安

正國城西南五日程去大理五十餘程所謂緬中

五城也○元世祖十八年大理鄯闡路宣慰都元

帥遣使招諭緬主不至明年遣諸王相答吾兒擊

之克江頭太公二城于是西南夷十二部俱降大

德元年封的立普哇拿阿迦提牙爲緬國王賜之

土司志勝 卷之五十三 三

銀印以其子信合八的爲緬國世子賜以虎符又

賜王弟撒邦巴一珠虎符酋領阿散三珠虎符從

者金符及金幣其國特沙江爲險江岸濶五里餘

水勢洶湧地形廣衍元史云其人有城郭屋廬以

居有象馬以乘舟筏以濟事佛敬僧有阿瓦剎城

邦亞直根等寺極其莊嚴有大事抱佛說誓質之

僧然後決○滇畧云緬甸古朱波地亦曰禪亦曰

驃至宋謂之緬在騰衝西南千餘里其人素而詐

色黑如漆男子善浮水縮髻于頂以青白布纏之

婦縮髻于後不施脂粉其文字進上者用金葉書

之次用紙次用貝葉謂之緬書其國雖廣大近亦

衰弱爲木邦孟養所殘破也其酋號小刺浪酋長

出入乘平輜或騎象坐則從者圍繞其後皆席地

男子皆和白檀麝香當歸姜黃諸末塗身體及頭

面以爲奇○漢謂之禪國和帝永元中其王雍由

調遣使朝賀獻新樂及幻人能變化吐火自支解

易牛馬頭卽大秦國也○唐謂之驃國貞元八年

驃國王及其弟來朝亦獻其國樂十二曲與樂工

三十人 國朝洪武二十一年緬叛總兵黔寧王

沐英討之遣都督馮誠以輕騎挑戰大敗之生獲

土司志勝 卷之五十三 四

象四十七而還嘉靖三十年緬酋瑞體攻木甸宣

慰司破之殺其酋長遂入孟養八百老樹萬曆十

年破干岸執土婦罕氏其明年瑞體子應裡糾隴

川岳鳳寇順寧破施甸猛淋蓋達諸寨殺掠無算

詔以劉挺爲遊擊將軍鄧子龍爲叅將會諸夷兵

大破之斬岳鳳應裡遁走○十五年復入寇陷密

堵送速二城兵備李材與遊擊劉天俸擊破之復

二城既而巡按御史蘇鄧論材土首級不實 詔

逮材及故永昌知府陳嚴之下獄材謫戍嚴之削

籍十八年緬人孟養二十年人蠻莫鄧子龍擊却

之明年又入蠻莫破等練城與猛卯多俺分道入
寇巡撫都御史陳用賓擊走之遂城天馬漢龍二
關又明年擒多俺及其子皆斬之三十三年五宣
慰司又爲緬所陷自後未詳○其土產象緬地名
擺古距永昌可四十餘里莽酋居焉得象馴而習
之以供戰陣其象者直千金象可三百金景東
土官常畜以備官索○琥珀產緬蠻諸西夷地相
傳松脂入地千年所化又云楓木精液凝成其直
血珀及杏紅爲上金珀次之蠟珀最下又其下者
可供藥餌而已宋劉裕南征時寧州獻琥珀枕裕
土司志勝卷之二十三 五
大悅聞能治金創碎以給將士今重三五兩以上
者卽不可多得矣○赤藤直可爲杖緬婦篋之以
爲腰飾唐元微之詩友親過澹別車馬到江田惟
有紅藤杖相隨萬里來韓愈和虔部盧汀酬翰林
錢徽赤藤杖歌云赤藤爲杖世未窺臺郎始携自
滇池滇王掃宮避使者跪進再拜語嗔咍繩橋柱
過免傾墜性命造次蒙扶持途經百國皆莫識君
臣聚觀逐旌麾共傳滇神出水獻赤龍拔鬚血淋
漓又裴夷直南詔朱藤杖詩六節南藤色似朱柱
行塔砌勝人扶會須將入深山去倚看雲泉作老

夫○又產樹頭酒樹類椶高五六丈結實大如掌
土人以麴納確中懸之樹下割其實使汁滴確中
卽成酒或不用麴惟承其汁可熬爲糖正白其葉
用以寫緬字卽貝葉也又產小茄如拇指可以散
毒小者尤佳○緬人有數種有老緬得楞子阿瓦
如猛別雅會普潯洞吾儼古皆其類也地方平衍
數千里性好鬪而貪利食不用匙筋交戰長于鳥
銃色黑類哈喇男短衣長襟勢最緬鈴行聲謾謾
然別有一布護之
八百大甸宣慰使司去省城以程計凡三十八東界老撾
土司志勝卷之二十三 六
司 南界波勒蠻 西界木邦司 北界
孟艮府
世傳其土酋有妻八百各領一寨因名八百媳婦
元初征之道路不通而還後遣使招附元統初置
八百等處宣慰司宣慰乃姓 洪武末年其酋來
貢乃立今司有南格剌山其上有洞北屬車里南
屬本司俗善蓄象以騎以坐戰鬪以爲先驅又產
白檀安息諸香所謂八百香也○滇畧云八百媳
婦與木邦接壤男女服食皆同但刺花樣于眉目
間與客相見則把手爲禮喜事佛寺塔極多一村

一寺每寺一塔殆以萬計號慈國其酋惡殺不音
爭敵侵不得已而應得所讐而罷○滇畧云舊有
底馬撒大古喇二宣慰司近皆爲緬所併舊底馬
撒之地未詳大古喇以 國朝永樂四年遣官招
諭雲南西南夷大古喇小古喇等部落皆願內屬
置宣慰司二長官司五通考大古喇正德中始置
南甸宣撫司其地也男女色黑尤其俗同哈喇○
產古喇錦宋歐陽修歸田錄云家藏西南夷人所
賣蠻布寸衣其文織成梅聖俞春雪詩真實玩也
此物卽古喇錦

土司志勝

卷之二十三

七

老撾軍民宣慰使司

去省城以程計者六十八東界水尾

南界交趾

西界寧遠

北界車里司

俗呼撾家自古不通中國 本朝永樂二年其酋
備方物入貢始置今司原無姓酋長有三等大曰
招木弄次曰招木牛又次曰招化而襲宣慰者則
招木弄也○撾家者以其性好佩鵬灰地在八百
媳婦西南二千餘里民皆百夷酋長居高樓見人
不下部屬見之所至有定地名曰等限使客至彼
亦然但設通事引之以至其地不踰尺寸其酋一
代止生一子承襲絕不生女國人稱中國皇帝曰

天旺卽天王之意又四千餘里則西洋海矣自車
里至老撾是爲六慰○外有底馬撒宣慰司大古
喇宣慰司俱未詳

土司志勝

卷之二十三

八

孟良禦夷府去省城以程計九十八里東界車里司

南界八百甸 西界木邦司 北界孟瓊司

蠻名孟措在姚關東南二千里自古不通中國我明永樂四年歸附其酋無姓號怕詔怕詔者夷之尊稱也其地沃野千里男女俱警捷風俗與木邦八百相似○滇程附錄云自干崖之火岡渡金沙江過江畔多百夷家畜一撥厥鬼其鬼無形而善噬人魂中者越宿而死死則百夷取其尸爲醢是鬼畏夫聞聲則不能施○自金沙百里入小孟貢土司志勝

卷之二十四

一

渡小孟貢江入大孟良孟良諸夷稱其官帥曰司祿酋長曰刀猛卒伍曰皆夢出入以象名曰象馬其革岸利復多幻術爲家不設局鑰漢人舍之有行竊者夷主諷呪盜者卽病心腹必請夷家歸其竊物謝過復爲解之得巨石或利刀出其懷而愈若鷲鳥搏其畜雞諷呪頃之鳥墜自空有石在鳥喙野象或踐田禾亦如之不知何術也中國使至其地夷帥自言曰是我兄天子使來慨然僭受朝拜不爾不生還夷帥居層樓以避炎氛有妻數百人日晡輒乘象出浴于江浴畢仍穿蜀服羅拜其

主主解約臂金鐲授之者當夕○小孟貢江產鯉魚食之日御百女故夷性極淫無論貴賤有數妻而不相妬忌○山產鱉置何刀圭則終歲絕人道土人畜以飼壯馬○又產蚰蛇欲捕者先以鷄骨卜吉則入山求蛇見人輒伏不動夷語之曰中國皇帝求爾膽可伏死否則亦不汝貫是不昭汝靈也蛇乃友背就剖今人言膽去猶活謬耳膽凡三等生領下者以傳毒矢居腹中者入藥病疽以童便研一合吞又以少許傳瘡孔立愈居尾者不堪用用亦不效○若蘇合香膽替腦子阿魏麒麟竭

土司志勝

卷之二十四

二

諸奇藥皆產焉獨無麝價與金相衡○地多虎土人狎象而畏虎農作時皆宵宿樹杪結草寮以捍風雨衣皆套項統裙以爲毛爲襦襦溫毳勝于木棉其境東及金沙江西爲吐蕃南緬北撾數千里

孟定禦夷府去省城以程計九十八里東界威遠州 南

界木邦司 西界隴川司 北界鎮康州

舊名景麻元至元十六年立孟定路軍民總管府領二甸隸大理金齒等處宣撫司 皇明洪武十五年改今府舊土知府刀姓○總志云其民皆燮

男子禿頭赤脚黑齒着白布衣戴細竹絲帽以金玉諸寶飾其頂遍插翠花翎毛之類後垂紅纓婦人出外戴漆藤大笠狀類中國團牌而頂尖身衣文綉飾以珂貝○其物產頗同孟良有大香櫟較南安州爲佳○志謂百丈即樊夷音相近所居多卑濕棘地故字從棘從人今孟良孟定蒲綱等皆樊也其俗稱官慰爲昭其官屬有叨孟昭錄昭網之名皆繫斂花金銀寶帶官民皆用笄釵爲帽以寶石飾頂狀如小塔上懸金鈴出入以乘象爲貴一奴銅帽花裳執長鉤制象爲疾徐之節其相主司志勝

卷之二十四

三

威遠禦夷州

去省城以程計者十九

東界他郎甸

南

界孟璉司

西界孟定府

北界景東府

唐南詔銀生府之地舊爲濮洛維蠻所居大理段氏時爲白夷所有元至元中置今州領編戶四里上知州刀姓○境內有蒙樂山詳見景東府有南堆江及谷實江谷實自遮遇甸流至州下流合瀾滄江○有莫家寨河汲其水澆炭火上煉之卽成

網盤交易無秤斗止以小篋羅計多寡而量之○白人習俗朴野男女勇健走險如飛

灣甸禦夷州

去省城以程計者二十

東界大候甸

南

界鎮康州

西界永昌之施甸

北界順

寧府

蠻名細賧在姚關東南七十里土知府景姓編戶五里○民亦樊夷婦人貴者以象牙作筒長三寸許貫于髻插金鳳蛾其頂絡以金索手帶牙鐲以紅氍帶束臂纏頭衣白布窄袖短衫黑布桶裙不穿耳不施粉其地山高水迅每至六月瘴癘盛行

主司志勝

卷之二十四

四

水不可涉地不可居有黑泉水漲時飛鳥過輒墜夷以竿掛布浸而曝之以拭盤盂人食立死○孟通山境內出茶處也亦名灣甸茶味勝內地志云州近騰越界高黎貢山之麓厥土腴草卉貫四序不凋瘴氣最惡冬雪至春方融楊慎有灣甸茶歌云極東月極春滿邊灣甸有茶名家傳惜不逢炎皇與岐伯復不遇鴻漸及玉川英華阻貢日月篋芳菲只結烟霞綠灣甸山蟠赤脰路煎陰迤西蒼莽互羊羣羗兒背負籠籠簍重重香滿風○高黎貢山之左右有平川灣甸界也商賈謂曰冬時欲

高黎其上雪夏秋欲歸來無奈灣甸熱春時
歸來囊中資糧絕

鎮康禦夷州去省城以程東界孟連司 南

界孟定府 西界永昌之路江司 北界

大候州

蠻名石賧在灣甸東南編戶四里土知州閩姓黑
焚所居形惡體黑以青白布爲衣跣足荆棘中如
飛男子出婦人閉戶靜坐以待有事籤雞骨卜吉
凶病不服藥專祭鬼死則刺木爲棺殮之墳上植
一樹爲識上用瘠狹有無量鳥木龍二山產大藥

土司志勝 卷之二十四 五

有如斗者味極其美有鮮子如聚而酸蟒蛇膽可
解諸毒藥蟒蛇蟒屬四足長丈餘能吞豕鹿鎮康
孟養及臨安諸郡亦有之春冬在山夏秋在水其
膽治齒齲黃鱗爲上黑者次之

大候禦夷州即雲州去省城東界景東府

南界鎮康州 西界灣甸州 北界順寧

府

蠻名孟祐元中統初內附屬麓川野 皇明洪武
二十四年置大候長官司已改爲大候州編戶
里萬曆二十五年大候州土酋猛廷瑞叛討平之

改置雲州○昔彌山在州東蠻賴山在州西各六
十里皆竹林○蠻彌山在州南二百五十里石庄
壁立之處山下東南麓即瀾滄江○阿輪山在州
西南二百里四時蒼翠衆山所無○孟祐河在州
治東孟賴河在州南八十里其民二種百夷之俗
同于灣甸蒲蠻之俗同于順寧其地產垂絲竹其
枝葉軟弱皆下垂金剛纂其色青狀如刺桐性最
毒○脆蛇一名片蛇長二尺許遇人輒自斷爲三
四人去能復續乾之治惡疽腰以上用首以下用
其尾又治大痲風及痢○大候土官奉祿妻猛氏
土司志勝 卷之二十四 六
順寧土知府猛雅女也雅惑于後妻欲以女改嫁
土舍奉誥女不從誥遂糾水邦攻破州治房奉祿
以去值女先往父家得存獨居樓上素服憂憤雅
陰約奉誥將強之女佩刀自防者數月雅怒以藥
毒之女曰死固甘恨不見夫訣耳留緬書一紙詞
氣甚悲巡撫王啓命所司遣官奠祭且爲之焚曰
牝鷄悍兒女怨猛虎亂夫家發嗟嗟何日見夫面
君不見祭家姬雅家先血漲又不見劉家母王家
翻受禪吁嗟女兮豈不欲效雙飛燕破鏡難成片
一紙緬書流血撰黃泉路上見夫面

附英

哈喇男女色黑如漆不知鹽梅男子以花布爲衣婦人以紅氍毹纏腰數十圍產子以竹兜盛之負于背○哈喇種類哈喇怒人頗類阿昌皆居山巔言語不通畧似人形而已○曼里境上諸夷風俗類約契其人不知四時節序望月出沒以測時候地多平川土沃人繁勤于務本牛不穿鼻故不服耕惟婦人用鋤田春夏多雨秋冬多晴夏月濕熱尤甚冬月常如仲春晝暖夜稍寒無霜雪烟瘴多犯者必死草木禽獸皆有異者有草小穗而

司志勝

卷之二十四

七

尖官結爲一蓼衣染之身卽染癰路傍大木多二幹並生高三五丈許結爲連理矮脚鷄無時自鳴化鷄亦然魚有鮎頭而鯉身者又有牛峰如駝者市有熱池一畝許水沸如湯人不敢近以生肉投之卽熟物之珍者岸象孔雀蟒蛇雲母琥珀古刺錦編藤漆器

總叙

貴州之自古未有也其治所則殷周之鬼方易曰高宗伐鬼方詩蕩八章覃及鬼方是也漢稱羅甸國唐稱羅羅鬼主宋元稱羅施鬼國今猶稱大鬼王羅鬼也地在禹貢荆梁二州之南境宋朝紀要以鬼方以林多貴竹原設有貴竹長官司因以名州按土官安氏家譜有宋初勅諭云惟爾貴州遠在要服則貴州之名已見于宋前矣迨元世祖至元十六年西南八番羅氏等國來附洞寨凡一千六百二十有六遂置八番羅甸等處軍民宣慰使貴州名勝志卷之一

司于貴州今貴陽府所轄長官司有程番革番方番洪番龍番金石番羅番盧番者卽元初之八番也嗣後又分龍番爲卧龍大龍小龍三番云舊志獨今貴陽府及畢節平壩爲羅施鬼國地今宣慰司及安莊爲羅甸國普定爲羅鬼佬所居是鬼方幅員僅止于此宋之貴州亦止于此元建宣慰司之後更置國爲順元路以討平九溪十八峒爲郡縣并立總管府俱聽本路節制至元二十二年以思播二州隸之二十八年置八番順元宣慰司恭元帥府迭隸于四思湖廣二行省我國初洪

武四年置貴州宣撫司隸四川六年陞爲宣慰使
司十五設貴州都指揮使司永樂十一年以思
南思州土官田琛田宗鼎梗化伏誅遂置思州新
化黎平思南鎮遠石阡銅仁烏羅八府因設貴州
布政使司而改貴州宣慰司并隸之十二年烏撒
衛來隸十七年都勻衛來隸正統二年永寧州來
隸三年設安順州流官來隸改普定衛來隸萬曆
二十九年平播州分其地爲平越軍民府來隸今
所領府八州八縣十二宣慰司一衛二十二所二

貴州名勝志

卷之一

二

貴州名勝志卷之一

閩中曹學佺能始著

貴寧道所屬

貴陽軍民府

領一州二縣一安撫司十六
長官司

五代時梵王馬殷遣八姓帥率邕管柳州兵討兩
江溪峒安氏疆土留軍戍之遂各分據號八峯
宋爲羈縻南寧州治卧龍至道元年南寧西大龍
漢瑋遣使率西南群洞諸夷貢方物時龍氏最強
諸番皆爲所統自號龍番元至元十九年詔降夷
八峯金筑百餘寨三萬四千餘戶悉爲郡縣置順

貴州名勝志

卷之一

三

元路及貴州于今宣慰司治內以統之 明洪武
四年酋長審定等舉土內附置安撫司一長官司
十六隸貴州衛正統元年以木瓜麻嚮大華山長
官司割屬金筑安撫司及程番等十三長官司俱
直隸貴州布政司成化十年長官方勇等願開府
治設文官領之遂設程番府于程番長官司其安
撫司及十六長官司俱隸馬隆慶二年移府治于
省城益以貴竹平伐二司改名貴陽府萬曆二十
八年加軍民府○明楊慎滇程記云貴陽治城中
華夷雜居曰僞人曰羅羅曰宋家曰蔡家曰仲家

曰龍家曰魯竹龍家曰紅花佬曰花佬佬曰東苗
曰西苗曰紫江苗曰江茅佬佬曰賣爺苗按舊人
者男女服食皆同中原蓋先代或宦或商流落于
此者云曰羅羅本盧鹿而訛爲今名也有二種居
水西十二營寧谷馬場清溪者爲黑羅羅亦曰烏
蠻居慕父者爲白羅羅亦曰白蠻風俗畧同而黑
者爲大姓羅俗尚鬼故又曰羅鬼蜀漢時有羅甸
國王自羅甸東西若自杞夜郎牂牁則以國名若
特磨白衣九道則以道名皆羅羅之種也其俗愚
蠻爲主所虐至赤族猶舉其子姓若妻妾戴之不

貴州名勝志

卷之一

四

以爲讐故自火濟至今千有餘年世長其土其人
深目長身黑面而白齒椎結跣躑荷篋笠而行
腰束葦索左肩拖羊皮一方佩長刀箭箠富者以
金釧約臂悍而喜鬪寬則以漁獵伐山爲生急則
屠戮相尋故其兵常寇諸苗文字類蒙古與人食
飯一盤承一盂匕一枚抄飯哺許搏之若九以匕
躍口食已必齧豚刷齒作酒盜而不縮以蘆管啐
飲男子雄髭而髻婦人束髮纏以青帶以雞骨
占吉凶正安曰耐德非耐德所生不得繼父位酋
長死則集千人被甲曳馬若戰以錦緞袍衣裘

屍焚于野招魂而葬之名曰火葬張蓋其上盜取
鄰境酋長之首以祭不得則不能祭其期會交貸
無書契用木刻重信約盟誓凡有反側剝牛撫諭
分領片肉不敢復背白羅羅之俗畧同而飲食惡
草盛無盆盤饗以三足釜灼毛醢血無論鼠雀蚘
蟻蠕動之物攫而燔之樹食若蔬不通文字結繩
刻木以爲信人死以牛馬裘屍而焚之曰宋家蔡
家皆中國之裔相傳春秋時楚子蠶食宋蔡二國
得其人放之南徼遂流爲夷二氏風俗畧同而宋
家稍雅馴通漢語或識文字勤于耕織男子帽而

貴州名勝志

卷之一

五

長衫婦人笄而短衽喪塋飯蔬飲水二十一日封
而識之若馬鬣者卽今宋宜慰之祖也曰蔡家在
底寨者與宋家同俗故世世連婚在養龍坑者無
異苗人男女吹木葉而索偶人死不哭繞屍而歌
謂之唱齋曰仲家椎髻跳躑不通文字好爲樓居
飲食匙而不羹衣裳尚青婦人以青帛蒙髮狀若
同絮長裙細結多者二十餘幅拖腰以彩布一方
若綬仍以青衣蒙之喪食尚魚蝦而禁禽獸之肉
葬以傘蓋墓期年焚之祭以枯魚而以十一月爲
歲百俗尚銅鼓中空無底或掘地得者皆誇言諸

墓武侯所藏富家爭購卽自牛不怪卜用茅或銅錢雞骨然然無義多爲寇盜云龍家蓋徙驢氏之裔訛爲人名其種有四好依深林薦莽之間租佃園奪意則鼠竄貪而善營常以孟姜爲人葬命男子米髮不冠婦人斑衣以五色藥珠爲飾貧者代以意苴春時立木于野謂之鬼竿男女旋躍而擇對旣奔則女氏之黨以牛馬贖之方通媒妁人死以杵擊臼和歌而哭昇之幽巖秘而不識以七月七日祭其先塋○四龍家與仲家同俗而衣尚白喪服則易青婦人緇布作冠若馬鐙在寧谷

貴州名勝志

卷之一

六

西堡頂營之間者多張劉趙三姓一曰大頭龍家男子以牛馬鬃尾雜髮而盤之若蓋以尖笠覆之一曰狗耳龍家婦人辮髮螺結上指若狗耳之狀亦曰小頭龍家一曰曾竹龍家俗與龍家同○花佬一曰花佬其種有五蓬頭赤脚嬌而善奔輕命死黨得八片肉卮酒卽爲抬軀以赴湯火用布一幅橫圍腰間傍無裳幘謂之桶裙男女同制花布者爲花佬佬紅布者爲紅佬佬各有族類不通婚姻死者有棺而不葬置之巖穴高者絕地千尺或臨大河不施蔽蓋以木土若土羅櫛其側號曰家

親殿在平伐者爲打牙佬佬剽悍尤甚父母死其子婦各折其二齒投之棺中以水訣在新漆者爲剪頭佬佬男女蓄髮寸許死則焚之又冇猪屎佬佬者喜不潔與犬豕同牢身面經年不靚得毆卽咋食如狼口苗者古三苗之裔自長沙沅辰盡夜郎之境皆有之與民夷混雜通曰南蠻散處山谷間聚而成村者曰寨有名無姓有族屬無君長近省界者爲熟苗輪租服役有司籍其戶口不與籍者謂之生苗生苗多而熟苗少其俗喜則人怒則獸咆咆之際遂至殺人其人魑結踞蹠巖穴躡

貴州名勝志

卷之一

七

荆棘捷如磨磨斑衣左衽或無衿袷以納首別作兩袂急則去之挿雞尾于顛負蘭抱弩遇便輒鹵掠未娶者以銀環飾耳號曰馬郎婚則脫之婦人雜海肥銅鈴藥珠結纓絡爲飾處子行歌于野以誘馬郎仰淫不禁仲春刻木爲馬祭以牛酒未婚男女吹蘆笙和歌謂之跳月中意者男負女去論妍媸爲聘資多寡歲首以冬三月各尚其一曰開年在宣慰司者有東苗西苗男鬚髻着短衣色尚淺藍首以織花布條束髮婦人着花裳無袖惟遮覆前後裙亦淺藍色僅蔽其膝在白納爲賣翁

苗其俗賤老而貴少父老則拽而帶之東苗慙而厲男子科頭赤脚婦人盤髻長簪西苗男子椎髻上插白雞毛女子以蠟畫布衣

新貴縣

本貴竹長官司 明萬曆十九年并龍里衛平伐長官司地共置今縣以貴竹司爲貴竹鄉平伐司爲平伐鄉知縣設流官丞簿各一員仍川土官

貴定縣

萬曆三十六年從守臣請割貴陽縣及定番州之地設立今縣請額于朝而兩用之按是時葉福唐

貴州名勝志

卷之一

當國謂其原籍福建福州府福清縣三福相連暨輿圖中未有偶者因請額疏至票擬爲貴州貴陽府貴定縣以配之遂蒙 欽定如擬行焉

宣慰使司

蜀漢建興三年諸葛武侯南征時梓柯帥濟火積糧通道以迎武侯表封爲羅甸國王其部落有七曰盧鹿蠻者卽今羅羅俗尙鬼號正祭者爲鬼主今猶謂之羅鬼居普里卽今普定衛是唐開成初年鬼主阿風內屬會昌中封爲羅甸王自濟火傳至普貴凡五十六代爲宋開寶間納土歸附仍襲

貴州名勝志

卷之一

年與土人安沙溪等歸附

高皇帝乃以需翠爲宣慰使欽與沙溪皆同知得各統所部而需翠強盛需翠死其弟安的襲職故世爲安氏焉安氏領羅夷民四十八部其部長曰頭目宋氏領漢夷民十二部其部長曰馬頭又同知安氏領夷羅民一部其部長亦曰頭目而九長官司則宣慰司總領時有奢者需翠之妻也翠死貴州都督馬輝以小罪械致香檳槌之諸羅怒欲反時宋欽亦死妻劉代立劉謂奢者部羅曰無誹吾爲汝訴入于天子不聽及未晚也遂馳見

太祖白其事 太祖使劉折簡召奔香香即與

子婦亦馳至自陳守土功及馬燁罪狀 太祖

召燁斬之因封奔香順德夫人劉氏明德夫人奔

香歸乃開貴州東北赤水烏撒道以通蜀烏蒙立

龍場九驛世辦馬匹廟佩以報德劉氏傳至曾孫

昂玄孫校皆博學能詩文詳見後

貴州衛附郭

洪武四年建鎮左右中前後五所

貴州前衛附郭

洪武二十八年建鎮左右中前後五所

貴州名勝志卷之一

十

志云藏甲山在省城前衛治西南隅俗名鬼王洞

漢有王志者英武過人而貌寢軍中呼爲鬼頭官

至校尉從諸葛武侯南征禽獲過此藏盛甲以

鎮蠻相傳有人入洞盛甲猶在巖壁欲取之輒有

蝙蝠如鴉撲滅其火巖中啾啾有聲○東山在省

城東門外二里峭壁千仞越二里有銅鼓山亦高

百餘仞山半空洞常有銅鼓之聲又五里有棲霞

山腹有來仙洞明吳國倫東山詩九日不登高烟

霞澹林麓十月秋氣清東山倚天矗複道舒新綦

琳宮隱扶木振衣躡其巔一縱千里目荒城大如

斗衆山渺焉伏掃石坐層雲鳴鐘發幽谷僧至焚

妙香居然在天竺忽開西域蓮掩彼南陽菊何言

非吾土良遊此堪十王守仁棲霞山詩古洞生寒

客到稀綠陰荒徑草霏霏書懸絕壁留僧偈花發

層羅繡佛衣提榼遠從童冠集杖藜真覺鶴猿知

石門遙鎖陽明洞應笑山人久未歸○獅子山在

城南一里然城之東西里許皆有山如獅子狀又

城周圍有五虎山又南五里有鳳凰山相傳五虎

三獅一鳳凰者是也又南二里有高連山以其勢

高而連絡天馬貴人諸山故名唐史謂牂牁境內

貴州名勝志卷之一

士

有高連石門二山卽此又五十里有青巖巖下南

明河遶之至省河中有洲曰芳杜可資遊憩○城

北二里有貴山蜀道所經一名貴人峰城東北一

里有點易巖點記云郡人易貴校易于此按易貴

宣慰司籍居江西吉水縣景泰甲戌進士歷官辰

州府知府所著有竹泉文集十五卷詩經直指十

五卷○三仙洞在宣慰司東四十里中有三石座

傍有石盆仰盛巖滑踰二十里有石門山山石對

峙如門故名○朝陽洞在司之西廢谷龍長官司

側其中可容數百人懸巖滴乳千態萬狀間有青

綠綴于石上踰二百五十里有瑪瑙山峰巒逶迤
宣慰安氏宅其山麓○白龍洞在司西北十五里
深入數十丈遊者秉炬導之半里許有水泠泠縮
竹橋以度再入有鐘乳數株大如楹扣之憂然如
鐘○龍岡在司北五十五里龍場驛有東洞王守
仁闢之改名陽明洞天守仁餘姚人正德初以忤
劉瑾謫龍場驛丞初至無室居龍岡叢棘間遷于
東峰石穴即陽明洞也龍場民憫其陰濕相與伐
木作室于叢棘之右名曰何陋軒後以舍宸濠功
封新建伯卒謚文成守仁龍岡新構詩謫居聊假
貴州名勝志 卷之一 主

息荒穢亦須治鑿巖離林條小構自成趣開窓入
遠峰架扉出深樹墟寒俯透迤竹木互蒙翳畦蔬
稍溉鋤花藥頗雜蒔宴適登亭子來者得同憩輪
奐匪致美毋令易傾敝陽明洞詩古洞闕荒僻虛
設疑相待披萊歷風磴移居快幽境營炊就巖竇
放榻依石壘穹室旋薰蒸夷坎仍掃灑卷帙漫堆
列壺樽動光彩夷居信何陋恬淡意方在豈不桑
梓懷素位聊無悔○陸廣驛在陸廣河側通水西
之要路又有烏江湍流奔放水色深黑與播州相
界處

定番州在府南九十里
成化十年長官方勇等願開府治設文臣領之遂
設程番府于程番長官司前司隸馬隆慶二年移
府治省城萬曆十四年設定番州于舊府治仍隸
以司○牂牁江在州城南源出州西北三十里亂
山中南流入廣西泗城州爲右江至潯州與左江
合下番禹入南海謝三秀渡牂牁江詩江路分明
舜水灣汀花汀草破愁顏朝憑短棹乘風去暮逐
孤蓬載月還逸興尚餘尊酒在浮名不及釣絲閒
胡牀箕踞逢多暇看遍城南十里山

貴州名勝志 卷之一 主

金筑安撫司在府西南一百二十里
唐爲牂牁國牂牁州地宋爲南寧州地元至元十
九年置金筑司領十七長官司一縣 本朝洪武
四年酋長密定歸順置金筑長官司于十室寨隸
貴州衛十年陞安撫司十六年密定遷司治于杏
林峰永樂十一年密定于得味于馬嶺之陽即礪
寨也正統元年改隸貴州布政司成化十一年隸
府○螺撫山在司城東二十里高五里其形如螺
上有深澗水碧如藍四時不涸每天欲睹鳥獸咸
集而飲之傍有螺湧寺一名羅永巷初 建文君

自遜國後一日至此題詩于壁吾學編及離伏亭叢記俱載之至萬曆間定番州知州王應昌訪其事在羅榮寨五里許有白云巷乃建文題詩處豈誤榮為永誤寨為巷耶巷畔一井周圍可二尺許深半之相傳為建文所濬井中水恒雨不溢恒旱不涸時有雙鯉出沒其間久旱出輒雨久雨出輒晴其應不爽後有白云洞外窄中夾可坐可卧有隙通天光明內朗巷左右杉木數章大者數圍小者合抱亦傳皆建文手植

宣慰司所屬

貴州名勝志卷之一

五

青山長官司元置青山等處蠻夷軍民長官司

我洪武五年改令司正長官蔡劉土人國初歸

附調征有功授長官傳至堂世襲副長官劉士真

土人洪武三十六年調征有功陞今職世襲右在

宣慰司西北三十二里

龍里長官司元為龍里縣洪武五年置今司正長

官何有善土人世襲右在宣慰司東五十里

水東長官司在宣慰司北三里元舊司仍以從從

蠻夷長官益之正長官何四副長官胡文英俱世

襲○又七十里為劉佐長官司司正長官宋文忠土

人洪武五年授今職世襲又二十五里為底寨長官司司正長官蔡永昌土人洪武四年任今職世襲副長官梅忠鳳陽府人洪武八年征雲南有功授今職世襲

養龍坑長官司在宣慰司比二百二十里土人蔡普化洪武五年任今職世襲副長官土人謝文直克把事永樂五年授今職世襲宋謙龍馬營序畧云西南夷出良馬而產于羅鬼國者尤良其地有養龍坑在兩山之中泓渟淵深蛟龍龍寶藏其下當春始和夷人立柳坑畔擇牝馬之貞者繫之已而

貴州名勝志卷之一

五

雲霧晦冥類有物蜿蜒踣馬腹上追開睇視馬傍

之沙有龍跡者是與龍遇矣至產必為龍駒洪武

四年夏國主明昇獻良馬十其一色正白乃得之

于此者身長十一尺首高九尺足之高比首殺其

二尺有肉隱起項下約厚五分廣三寸餘貫纓絡

腹至尾闕而止振鬣一鳴萬馬辟易上乘之行夕

月之禮于清涼山正如躡雲而馳一塵不驚賜名

飛越峰命繪形藏焉

中曹蠻夷長官司元為白納縣阿聳寨地洪武五

年改置正長官土人謝石寶副長官土人劉禮賓

俱世襲石在宣慰司南三十里○又四十里爲白
納長官司元白納縣後改中曹白納長官司旋益
以茶山之地改茶山白納等處蠻夷軍民長官司
洪武初歸附中曹已置司而白納之地失報宣慰
司以頭目周可敬領其地永樂四年置今司遂以
可敬爲正長官土人趙仲祖爲副長官俱世襲
平西蠻夷長官司在司東一百五十里正長官土
人楊文真副長官土人劉海俱世襲

定番州所屬

程番長官司附州元爲武勝軍安撫司洪武五年

貴州名勝志

卷之一

夫

舊

改置正長官程谷祥舊爲安撫洪武初改授今職
世襲

小程長官司在州西北五里長官程受孫世襲

盧番長官司在州北五里元置盧番靖海軍安撫

司析其西地置盧番蠻夷軍民長官司洪武五年

合置今司以元安撫盧朝休爲正長官世襲

上馬橋長官司在州西北二十里元爲上橋縣洪

武五年改置今司以方朝休爲正長官世襲

韋番長官司在州南五里洪武五年以元安撫韋

四海爲正長官世襲○又三里爲方番長官司正

長官方得用世襲元官安撫也

卧龍番長官司在州南十五里宋置南寧州酋長

龍漢曉稱雄長因號龍番元豐初入貢元改卧龍

番南寧州安撫司洪武五年改置今司以元安撫

龍得壽爲正長官世襲

小龍番長官司在州東南二十里元爲靜蠻軍安

撫司洪武五年以元安撫龍昶爲正長官世襲

金石番長官司在州東二十五里宋爲石番元爲

金石番太平軍安撫司洪武五年改置今司以元

安撫石愛爲正長官世襲

貴州名勝志

卷之一

七

新

大龍番長官司在州東南五十里元爲應天府安

撫司洪武五年改置今司

羅番長官司在州南三十里元爲過蠻軍安撫司

洪武五年改置今司以元安撫龍勢映爲正長官

世襲

盧山長官司在州南一百里元爲盧山等處蠻夷

軍民安撫司洪武五年改置今司以元上官盧經

保爲正長官世襲

本承長官司在州東一百里元初爲羅賴州尋改

本承等處蠻夷軍民長官司洪武五年改置今司

以元長官石蓋爲正長官世襲是時南直隸人相
褒以征南有功授副長官世襲

麻嚮長官司在州南二百里洪武五年以得雍爲
正長官世襲

太華長官司在州南二百二十里洪武十年置

威清衛

唐宋爲羅甸國地元爲八番羅甸宣慰司地洪武
初屬貴州宣慰司二十一年置威清站隸貴州衛
二十三年始置今衛隸都指揮使司在省城西四
十五里山路稍夷木多野松指揮劉世爵祖宅有

貴州名勝志卷之一

六

玩畧堂相傳建文君遜跡過此爲之書扁○華
蓋洞舊名涼傘洞副使焦希程改名雲龍御史李
本固後易今名希程記畧云去衛城西二里許有
洞洞門卑而中可容數十人其上則氣
氲之氣蒸而成溜翳然蔚然崖石變幻望之如雲
狀態互異或如靈芝如信常如磯衛如疑露如蜂
房如蛛網象網盤旋於峯石如齊統越巖飄渺從
輕風銳如懸鐘莖如覆肝如神龍自天而下涼乎
雷電之將至○城西南一里有扁洞洞口扁窄內
漸寬廣深入則有小溪潺湲溪傍石乳盤屈如龍

蛇上有一竅通明○城南一里有曹木洞明廠如
堂越二十里有銅鼓山山半有洞每陰雨則其中
鏘然有聲○城西八里有的澄河源出普定九溪
壩流經衛城入洞伏流十里至青山復出明楊慎
詩山圍羅甸國水繞的澄橋橋下東流水可惜無
蘭橈

平壩衛

漢唐宋俱爲羅甸國地元爲金筑府地洪武二十
三年始置今衛屬貴州都司在省城西九十里學
士夏言平壩道中詩落日荒村生紫烟攢峰疊嶂

貴州名勝志卷之一

元

畫屏連行雲帶雨穿松馬野水流香出稻田蟲響
空山秋稍靜月斜狐壁夜堂偏不眠起坐千憂集
城角無端到枕邊○南仙洞在衛東南十五里石
壁高十丈入洞二十餘武地勢寬平可容千人折
而西有深潭隱隱若神氣逼人不可正視歷礫而
上石窻開明書照如室○衛城東十五里有洛陽
洞在洛陽河側因時有魚躍漁者張網其上因而
有稅其後稅免亦不得魚○聖泉在衛城西五里
而近里人劉汝揖記畧云自西郭沿溪流蹠石磴
可五里許當壩壩中一泓白石鱗逆水滙爲

方之每日潮汐無停好事者置石鼓其內潮漲尺餘下至鼓之半而止通晝夜計之凡百次按介洲錄名百刻泉一統志名靈泉卽此楊川修詩瞻茲沸流肇彼渾沌年盈涸在頃刻消息同坤乾塵網變潮汐億該無質遷眠腸衍游聖均升喻思玄迷踪鬼方霧縹真羅旬烟詎逢陸羽品那遇系欽傳嘉客泉舊名珍珠泉鼓吹喧鬧則水珠大湧副使焦希程記畧云平爛西南十里有泉湧焉灑而成池溢則成溪湛然其冽可鑑可酌冬溫而夏清客至語笑明珠翠玉纍纍而沸風恬日霽晶瑩

貴州名勝志

卷之一

手

嘉

射日客語在左則左應在右則右應衆寡亦如之否則已殆如酬酢因名之曰嘉客泉

安順軍民府在府城西北與普定衛同城

國初設安順州萬曆三十年改今府治普定衛城舊志云部多羅鬼會飲不用盃酌置糟于瓮以藤吸之男以匱爲禮人死火葬舊坡山在府城西北兩峰相對中有石閣又五里爲新坡山○府城西南三里有紅土坡上如硃又十里有黑土坡土色如墨○廣輿記云普定有天生橋石壁千仞環繞如城水經其下激湍急流乃天設之險也右

去府城東北五里搏翠峰之麓有龍潭洞出洞十餘丈卽橋明王守仁天生橋詩水花如練落長松雲際天橋隱白虹遶鶴不來華表爛仙人一去石樓空徒聞鵲駕橫秋夕漫說秦鞭到海東移放長江還濟險可憐虛却萬山中

所屬土司

寧谷長官司在府西南二十五里元爲寨洪武十九年置今司領二十九寨以本司人顧興仁爲副長官正統元年三世孫雄有功陞正長官○司之東南有乾海海水泛時與雲南旱海彼此相反或

貴州名勝志

卷之一

圭

嘉

其地脉更迭爲盈縮云

西堡長官司在府西北九十里元爲寨洪武十九年置今司領四寨二十五年以上却爲正長官其司之後有浪伏山元置習安州于山下越五十里有白石巖巖高頂夷有泉四時不竭一徑攀援而上○司東南五十里楚由洞山高數仞洞在山畔深廣百里又十里有播老鴉洞洞深不可測而山勢益險峻

普定衛

晉爲興古郡地唐爲羅甸國地羅鬼犯境可剽苗

所居號普里部元初內附置普定縣尋改普定府
隸雲南行省 國初洪武十四年復置普定府屬
四川布政司築城于今城東二十里尋增置普定
衛徙今城十八年府廢衛存楊慎滇程云自平壩
六亭至普定衛實荒微名都未寧安順鎮寧三州
同城地稍坦夷山如髻鬟用修詩云鬼方昔云遐
羅甸今初入陰靈眩凝交瘴氣昏曉集長亭比縣
遙咫尺如棘澁石行蹶昆蹄沙炊烟蒸粒斷腸盤
江河銷魂龍從坡軍堡鳴笳近蠻營柯戟多三辰
晦光彩七旬歷滂沱蜀衣從風亂蘆笙跳月歌可
貴州名勝志 卷之一

鎮寧州 與安莊衛同城

漢唐宋爲牂牁郡羅甸國地號普東部元于羅黎
寨置和弘州尋改鎮寧州隸雲南普定路 國朝
正統三年改屬貴州布政司嘉靖十二年遷州治
于安莊衛城其俗不分貧富以牛多爲大姓婚亦

諺牛○火烘坡在州治比古名和弘山州舊治此
山石高其氣燥煥雖隆冬登陟汗出浹背○州治
東有既濟泉其地極熱此水獨涼

州屬土司

十二營長官司在州北三十里元爲十二營寨洪
武十九年置今司領二十九寨正長官隴阿住舊
爲本司營長洪武十九年以功授今職安撫蕭傑
湖廣雲夢縣人洪武七年功授副長官俱世襲
○司西五十里有阿破河土人以索爲橋而渡名
索度橋

貴州名勝志 卷之一

康佐長官司在州東四十里元爲康佐寨洪武十
九年改司正長官薛福壽江西贛縣人以功授今
職安撫于成山東寧海州人初授試副長官三世
孫鑑功陞今職俱世襲

安莊衛

洪武十四年以永寧鎮寧二州地置納吉堡二十
二年改置安莊衛隸貴州都司○環翠山在衛治
北白水河在衛治南有白虹橋跨之懸崖飛瀑過
者不寒而慄○慈母山在衛城西三里俗名背兒
崖形如母負子然又三里有雙明洞舊名紫雲洞

督學徐樾更今名樾記畧云將入洞之徑兩山夾道下有寒泉注爲湫潭白石壁立半折崖側下有通徑劈竇圓如滿月緣門以入小徑夾崖前峰屹律蒼岩潭流穿石折而西廻又一方渚磷磷有聲東西風日相射南北繞繞石盡如蓋崖間石筍數尺形類佛座虛可容背其傍婉曲待童環立者數人前溪橫小梁渡此穿石洞援步而登六七步間恍然光明堂壁四周洞開一面以吐日月上圓下方奇偉一室環壁靈異莫窮變態○白崖山距衛城十里山左有清泉中產異蠃或赤或紫清泉之

貴州名勝志

卷之一

語

下流合碧溪入白水河滇程記云白水驛達洛城有雞首關嶺白石堡安龍菁凡六亭諺云洛城白水半人半鬼是滇路險絕首程也有懸崖疊水飛流瀑布自山端下注三峒相承其下爲深潭神蛇宅之見者必嬰重疾發漲噴沫如雲霧籠罩數里○關索嶺在衛南五十里滇程記云雞公背與關嶺相對兩山之趾界以溪澗嶺凡四十三盤至巔有香桐坡小菁口坡白口東坡安龍菁坡胡椒凹象鼻嶺左右皆崖菁萬仞中僅有道如梁行者慄且汗郡人推官胡寶關索廟記畧云按將軍舊傳

漢前將軍羽之子建興初隸丞相亮南征嚴畧諸要害恩信孚于茲土世祀之 國初都督馬公躋是嶺始建祠洪武二十一年置關索雞背二堡率僦雞背入關索二十五年置守禦千戶所屬安莊衛楊慎關嶺曲四首倦枕愁雞鳴問郎今日程中路不可宿長途須早行 又比登雞公背南望象鼻峴相逢試相問來往定誰難 又關索嶺四十三盤高前有安龍菁行人莫辭勞 又老鴉關仰樹間靈卜西去何當還

永寧州 與安南衛同城

貴州名勝志

卷之一

事

唐爲烏蠻僕人犵狁所居元置永寧州初屬貴州指揮使司正統二年始直隸布政司○黔記云州治初建于打罕寨宣德間改建于關嶺所萬曆四年改建于安南衛○紅崖山在州西北八十里壁立萬仞山畔有洞深廣數十丈居民間聞洞中有銅鼓聲或厓上紅花如火故名世傳諸葛武侯駐兵之所夷人每祭祀牲用烏牛白馬則歲稔○盤江在州東四十里源出烏撒經開靖西山七星關下入安南境北轉而東南至慕役司烏泥江通廣西入南海三國志諸葛亮南征至盤山卽此夏秋

暴雨水氣紅綠色爲瘴過渡處兩山陡夾水勢洶湧行人憚之楊慎盤江行可憐盤江河年年瘴癘多青草二三月綠烟生碧波又保甸坡前不可留盤江渡頭惟一舟驅龜役鵲無靈術誰是尋源博望侯

州屬土司

頂管長官司元爲寨洪武四年置司本寨民阿光歸附充寨長有功三十年陞正長官又湖廣麻城人程士貴亦以四年歸克明氏千戶有功十九年陞本司副長官俱世襲○司東三十里有雞公背貴州名勝志卷之一

美

北三十里有關索嶺謝肇淛頂站詩云頂站高干關嶺高羊腸一線入迷高平臨鬼閣千峰上俯首盤江萬里濤募役長官司元爲寨洪武四年置今司是時本寨民阿夷以歸附充寨長十九年陞正長官又六合縣人杜仲仁歸附從軍十八年陞副長官俱世襲○司之西北四十里有象鼻嶺正北五十里有安籠皆俱險阻難行入滇路經其上○司西北三十里有白水河驛道之側水自高崖下注數十丈飛沫如雨蓋黔中瀑布之最奇者吳國倫象鼻嶺詩

如象鼻磽道擬盤龍渡千崖底車旋萬石中短亭微上月鳴瀑直生風白髮悲行險乾坤一轉蓬

安南衛

洪武十七年置尾灑驛站于普安路二十三年置今衛隸貴州都司設衛治于江西坡二十五年遷于尾灑堡尾灑者夷言也華言爲水下楊慎云其南關有尾灑井清耳可茗故名○獨秀山在衛城東一里又十三里有清源洞常官道傍洞出清泉崖石奇怪楊彝詩石乳淵澄澗齒香洞門深護翠貴州名勝志卷之一

毛

琳瑯雲浮寒壁晴猶雨露滿空青冷欲霜蟾吐夜光窺玉鑑鶴鳴清籟奏金商試茶取水陰崖底坐愛將軍大樹涼○朝陽洞在衛城南一里中出異石有泉從石隙中出澄徹如練石壁上刻有無名氏詩云崖前花發春正濃柳如黃金來煖風柔絲欄路挽不斷怕有俗子相交通當年老叟圍碁處猶有窮猿掛高樹花謝花開春又春幾載避秦不歸去紫芝瑤草變蒼苔碧桃紅樹成蒿萊市朝遷轉居人易興亡兩事俱哀哉我向洞中詢陳跡神仙遺石瑩如璧持得歸來售市人售遍市人俱不

識

普安州 與普安衛同城衛沿革詳州下

古夜郎疆域秦漢黔中牂牁二郡地至蜀漢始自
爲郡建興三年諸葛亮南征分建寧牂牁爲興古
郡者也唐武德二年改爲西平州貞觀元年改名
盤州以州東北有盤江又有盤江山故名是時隸
戎州都督府蒙氏爲南詔東鄙東蠻烏蠻居之號
于矢部蠻人性獷戾出入帶刀弩男子草蓑衣婦
女被花短裙以漁獵爲生爨人服飾嗜好與宣慰
司羅羅同其後襲酋阿宋更號齊彌部尋復爲于

貴州名勝志

卷之一

无

矢元延祐四年內附置于矢部萬戶府尋爲普山
府至元間改置普安路領和龍八納習舊普安四
部隸雲南省洪武十四年克復十六年初置普安
軍民府以土酋那邦妻適恭爲知府佐以流官適
恭卒于普旦代之普旦叛命襲陷普安府天兵討
平之始罷府置普安衛軍民指揮使司領其地未
樂元年置普安安撫司以土酋慈長爲安撫隸普
安衛十三年慈長謀不軌始改今州設流官隸貴
州布政司州治初在撒麻繼遷海子又再遷于衛
郭萬曆十三年遷入衛城○八部山在州東三十

里九峰摩霄一泉奔注舊普安在其下○州東北
七十里八納山高二十里其頂夷廣人跡罕到
相傳以爲酋蓋智藏其祖宗魂簡于崖穴間子孫
十年一登山祭之椎牛羊持刀弩鼓噪以往又八
十里有尾灑山安南衛在其陽迤出衆山又二十
里有盤江山安南安莊之界也沈勗詩峻嶺岩巖
路向滇行人如蟻競攀緣何當絕頂凌風起少待
吹噓便上天○碧雲洞在州南三里舊名水洞外
狹內寔崖懸惟石不可名狀吏部主事楊彝歌老
夫平生愛山水每聞勝景心獨喜故人邀我城南

貴州名勝志

卷之一

无

遊出郭溪行二三里峰環路轉非塵寰雞犬人家
足生理恍然置我桃源中風景依稀乃相似耕田
鑿井不記年疑是秦人始居此谷中樹暗連桑麻
澗底花香雜蘭芷陰陽古洞蒼山根絕壁飛崖半
空倚豁然深入天窓明外秋中間如屋裏醉眠雲
磴高似林袖拂平沙泮于几松風一派疑天來散
作泉流和宮徵泉來直與海眼通鶴髮仙人烹石
髓蛟龍窟宅變斯須白日陰崖電光紫一聲長嘯
洞雲寒日出林梢鶴飛起○雲壁山在州西南一
百七十里四山環繞東南一簣外狹中曠可容數

百家近城有狗場坡民無編戶土酋號十二營長其部落有羅羅仲家犵狓人言語各不相諳以犵人譯之夷俗有火炬二節丑未月二十四日是展此節擊鮮以祭小兒各持火喧藏于市○盤江在州東二百里源自普暢寨經此東北流合爲泥江

貴州名勝志卷之一 終

貴州名勝志卷之一

手

貴州名勝志卷之二

關中曹學佺能始著

畢節道所屬

畢節衛

洪武十五年傅友德平烏撒諸蠻置烏蒙衛于烏蒙府境內十六年班師至此以其地寬廣四控皆夷路當衝要又因畢節驛名奏改烏蒙衛爲畢節衛○木稀山在衛城東其頂有木稀關其下爲響水河響水者懸崖飛瀑數十仞有聲如雷故名○翠屏山在衛城西蒼翠壁立望之如屏又達之爲貴州名勝志卷之二 一
七星山山下有七星河兩崖相拒初鑄鐵繩繫渡後更以浮船嘉靖間乃造七星橋山上有七星關楊慎七星橋記畧云關號七星孔明禡牙之地衛名畢節關索投餓之區雖卉服之雜居乃朝宗之首路狂谿狼谷山狀馬鞍者彌千危磴懸崖城比虎牢者倍陡兩欽夾峙而有水一溪過涉以無舟道士黃一中高誼動萬山之淵勝緣集三省之鑑出巒登而壯結構刻碧崖以施輿柱麗天半空去地千尺星梁斗柱磬銀漢以橫陳雪浪雲濤抱玉虹而曲抱用修七星關漁者詩石礪無通水漁舟

返上山得魚隨馬賣抱獺越鵝還問爾江湖興落
茫若夢聞七星橋詩架壑盤崖嵌碧空驕山鞭石
讓玄功星梁天柱撐銀漢雪浪雲濤抱月虹襟帶
平分滇蜀險品題誰占古今雄登來彷彿臨玄圃
不信飄零逐轉蓬○志稱本衛人籍昔中州人寇
昏喪祭習于禮教不混夷俗祀漢詩亭侯甚謹春
秋俎豆其祠

烏撒衛

舊名巴儿兀姑後名巴的甸自昔烏蠻居之唐烏
蠻曰烏些者居此至阿蒙始得巴甸其東西又有

貴州名勝志卷之二

二

芒部今之鎮雄府及阿戍部皆他酋所據宋烏些
之後曰析怒者始併其地號烏撒部元至元中內
附置軍民總管府洪武初改烏撒軍民府十五年
增置烏撒衛隸雲南永樂十二年隸貴州都司今
府隸四川衛隸貴州○形勝志云岡阜盤旋海田
平遠西南要扼之區按謂上值天井之宿故其地
多雨諺曰烏撒天常披毯三日不用是神仙楊慎
烏撒苦雨詩撒扇纔經赤水日披毯忽逢烏撒天
眼見漂雲且未霽足躡弱泥殊不前天時人事莽
牢落鄉夢客愁空斜經古來路難寧有此楊岐阮

籍從湛然烏撒喜晴詩易見黃河清難逢烏撒晴
陰霾既已豁險道况初平蜀日杳千里滇雲惟十
程江化與江草異國看雲生○盤江在衛西百五
十里可渡河在衛南九十五里督學鄭曼云烏撒
晉德歸驛門對可渡河坎河之南諸益境也河之
北烏撒境也驛抵衛城八十里詢之候吏云河水
在衛西百里注壑而出從此而東盤江乃此水之
注也

赤水衛

唐元和元年始于西南夷地置蘭州實漢益州郡

貴州名勝志卷之二

三

地元屬永寧路洪武二十二年始分永寧置今衛
西去省六百里英國倫赤水公署詩突兀蠻山合
參差雉堞低人家懸碧石公署出丹梯夜靜水聲
亂日高雲氣迷牀頭白塵尾愁絕自提携○雪山
在衛城北二十里巉巖高峻亘數十里方冬積雪
春盡始消楊慎度雪山詩羊腸蛭雪凸鳥毳邈風
凹馬擬升馱甌人如架鹿躡山圍青草瘴地入紫
叢苗不道九夷遠長吟五嶽謠○白厓驛在衛西
四十里昔阿落密故地英國倫阿落密詩二首鼓
子花開六月寒烏九稻熟且加餐南人新解巴歛

聞狹管聲聲蜀道難。漢人未盡蜀人過車馬如
繩奈坎軻若以相逢非故舊三杯同買聽夷歌○
層臺驛舊爲府臺衛在衛東南一百里楊慎竹臺
曉發詩渾足到流水回頭相見坡知津何暇問叱
馭且經過吳國倫前題野潦奔鳴石逕斜疎林殘
日見田家編籬半護印王竹築塢新開望帝花荒
微萬山迷蜀道遠人重譯問京華故鄉斷絕愁如
夢何處風高急暮笳○赤水河在衛城南舊名赤
虺唐武后征雲南檄文有赤虺河卽此虺與水聲
相近耳源出芒部經紅土川東流入川江每雨漲

貴州名勝志

卷之二

四

水色深赤故名楊慎赤虺河行君不見赤虺河源
出芒部虎豹之林猿猱路層水深雪不可通千尋
建木撐寒空明堂大厦採榮棟工師估客穿蒙籠
此水奔流似飛箭縛筏乘桴上蜀甸黯澹灘瀕險
倍過海洋流沙爭一線誰驅烏鵲役聽聽秋濤憂
潦息盤渦相亭雲屏濟川手莫氏枕席休于支安
得修馬康道鐫刻靈閣畫不磨吳國倫詩萬里
赤虺河山深毒霧多遙疑驅象馬直欲揭岷峨筏
趨飛流下橋穿怒石過勒卽今莫渡不止爲風波

永寧衛

唐寧蘭州于夷地在今治東一百八十里宋置永
寧路元改永寧鎮軍民宣撫司洪武四年改長官
司尋復宣撫司隸四川其地在馬口漁渭溪距城
西八十里十五年遷今治爲永寧衛江盈科永寧
道中詩嵐重天靄晚春深煖未回山形殊尚險路
勢總鬼鬼厥老拳應放仄萌甲半開故園此時節
割蜜釀青梅○永寧河在衛城西南一名水東一
名界首由城南繞東北至納溪入四川洪武十三
年命景川侯曹震開通河道制論云水之險惡者
莫甚于永寧其灘一百九十五處至險有名者八

貴州名勝志

卷之二

五

十二石之大者鑿之水之陡者平之楊慎詩永寧
河水接川河今古漁商竟幾過試看江門來往岸
石頭篙眼刺蜂窠○天生池在衛城北六十里四
面山繞水積于中不假穿鑿楊慎天池夜宿詩百
重石磴陟雲岑夜市千燈映碧潯遊女踏歌梅渚
月長杉高髻似雕陰

普市所

洪武二十二年以永寧路木峯山當滇貴要衝置
普市守禦千戶所于山下直隸貴州都司舉人李
陞詩三里孤城鼓角嚴繞城青擁萬山尖烏音晴

翠巧娛耳草色春深亂入簾

龍里衛

唐宋俱爲羅甸國地元置龍里州我明洪武初置龍里驛站西達省城六十里十九年置今衛隸貴州都司○衛城西有長衝關宋經畧使宋勝立營于此○密雲洞在衛城南一里洞中懸二石乳扣之如鐘鼓左有一石臺龍雲變幻名雕雲臺又有奇石怪壁皆天然之巧而高明洞矚踰九丈里有呼應泉百叫百應音節不爽故名○明謝肇淛詩馬桑峰口鼓聲聲甲卒蒐山送客行五十里中貴州名勝志卷之二

六

烟斷絕暮鴉寒雀滿荒城

屬司

大平伐長官司在衛南八十里洪武十九年置先是土人宋隆豆以招服本司蠻夷及撫東苗有功至是授副長官世襲○司之西南八里有允刀山峰巒高聳形如劍戟土人保郎者宋末聚兵于此保障村寨○司界有谷峽山危峰峭壁一徑僅通其下爲甕首河水流入清水江

新添衛

宋荒服有麥新蠻者據其地嘉泰初土官宋末高

克服以千勝守之乃改麥新爲新添元

安撫司隸湖廣尋隸雲南洪武四年置新添長官司二十三年增置千戶所明年陞爲衛隸貴州都司其路皆石齒行者輒金飾馬蹄踏石鏗然火星隨進爾雅所謂比蹄善升蹏蹏書所謂踏石汗血是也○筆山在衛城南峰如卓筆高立雲端故名○衛城北有揚寶山出色蒼翠如繪又東北爲蔡苗山山頂有泉懸崖飛奔名曰白虹○衛城西南有楚城河其西即麥新溪也苗人多于眺月吹簫笙男女相和作樂名眺月溪○馮虛洞舊名貴州名勝志卷之二

七

猪母洞其後洞曰雷鳴在衛城東二十里翰林丘禾實記畧云洞高數十仞玲瓏層複宛然樓居洞左有水自半山東下勢如建瓴前與洞水滙而去爲澗初至洞門稍折而西曲巷委蛇隄峻不可級先後各一僮拊葛以手若是僮僮掖且進登洞廣數丈深倍之前俯臨澗其後爲流泉清可以鑑泉後崖最窄隆稍有門方澗如窠室余復循崖而西有滴水處可級以達上洞登崖有罅下通者二以是捫級得達至洞門少憩乃見懸崖續紛如伏龍如蹲虎如委珮如流蘇前一罅直貫山頂罅上

一石離立如人崖漿滴其首蓋卽數千百年漿所
化也洞上睨下洞若百尺樓賴澗水又似在重層
下余弟逕涉泉而入石門既返謂余曰門內方丈
餘更有重門其中若明若暗若泉若淵且重門上
纍纍若有所屬殆龍蛇之類又前視泉中一物長
尺有咫鱗甲皆具余恐真龍也挽之而出復從左
山索之更得一洞深入無內履其傍聞聲如吼稍
入如雷深入乃知爲澎湃聲有坎巉巖下廊無際
則渟泓一潭也因名之曰雷鳴仍援石下視建瓴
處實當小洞下有尾閭爲潭所洩水三疊如珠簾
貴州名勝志卷之二 八
北洞去馮虛洞百餘步地仍處高然水不下洩而
旁穿爲瀑布云

屬司

新添長官司附郭沿革詳見衛下 闕初宋永高
裔孫名亦麟者歸附至其孫仁貴授承直卽本司
正長官世襲
小平伐長官司在衛西五十里元爲雍真等處蠻
夷長官司以宋清貴爲正長官洪武十五年改今
司授清貴裔孫斌保爲承直卽正長官世襲
丁平長官司在衛西南三百里元莫嬰武爲都總

管傳四世孫谷送洪武十七年隨征有功授正長
官世襲

丹行長官司在衛西南三百里元有羅光蓋任安
撫洪武三十年以光蓋曾孫海爲正長官世襲
把平寨長官司在衛南六十里元有蕭貞者任安
撫洪武五年以其子任成爲正長官世襲

貴州名勝志卷之二終

貴州名勝志卷之二

九

貴州名勝志卷之三

閩中曹學佺能始著

中

新鎮道所屬

都勻府 平越軍民府

鎮遠府 黎平府

都勻府 領州二縣一長官司八

古西南夷裔地實名都雲五代史晉天福五年都雲酋長尹懷昌率其屬十二部附於馬氏即此元世祖至元十六年始置都雲定雲二府尋廢爲二安撫司隸雲南 國朝洪武十六年以都雲安撫

貴州名勝志 卷之三

一

隸四川二十三年改都雲爲都勻安撫司設衛以隸貴州都司弘治六年始置都勻府與都勻衛全城○勻城記云勻之爲郡不獨部夷難馭蓋尤有隣患東連草塘西近泗城南接南丹北連平伐四面皆營孤城衆山環繞一水萦流而郡居其中焉國初都勻改衛之年有散毛散狗二蠻作亂涼國公藍王遣鳳翔侯張龍討平之○城西有小孤山城東有東山城西北十里秦牛山郭子章黔記云弘治七年都勻鳳凰山崩此三山寔居其一○龍山在府城西二里主事張紳記略云都勻郡城

隔河有山雄峙雀鬼雙峰插天躋其巔逶迤若數千里群山俯其下徘徊四望南盡交廣北極湘漢南連滇蜀皆在目前誅邪卜築之日有靈龜大尺餘蹲伏其前者三日於是樓之閣之又殿而廊之自麓至巔盤爲磴道曲折盤迂可數千人循磴而廻樹以竹柏殿後石坡高廣平坦其文青赤二色相間有泉一泓泠泠然潔也左右皆古木藤蘿清風時至如萬壑齊撼一起一伏不可名狀又多猿鳥白鷗飛翔叫嘯往來其間若素相狎者然陸東記略云出都勻西門渡邦水河澗百餘武爲石砦

貴州名勝志 卷之三

二

間支獨木與人慄慄行其上及洋西行過小關坡山有洞不甚廣而空靈可探又西曰觀音坐山山旁道達姬家冲稍西北上煤炭坡郡人取煤供爨所也兩山洞門相望號爲洞山西則田坪麥苗其茂然農夫耕其隙地即張子儀所墾田以資龍山院者又里許曰筭山以形肖几耳重即龍山麓南北長嶺如袍山筭山後峰彎轉而南行窪徑中至磴道皆未石舍草而徒盤曲西上徑漸崎嶇僅容足又里餘渡橫澗有披烟洞洞可坐十餘人道旁漸見古樹桃梨野花雜錯若張錦綺又二里石

礎始寬二丈上爲閣三重閣之後爲殿左右翼廊登閣下欄群山環列不啻見孫郡城樓埋市衢井舍歷歷在目巖巒古木蚪蚪蛟螭蒼碧常聞雲烟慈惠由閣之左緣徑西北行萬竹中僅如羊腸行里許有老桂蠟桂在崑呼可數人抱高殆百尺婆娑可愛云按張帥字子儀馬平人 世廟時以比部郎抗疏論嚴分宜謫戍來勾勾人爲構讀書堂即所謂鶴樓書院也先生之言曰歲戊午余遣戍是邦又明年戍事甫定殘軀若甦始於城市僻處相地一隙林木深遂築草亭半間携破卷殘編時貴州名勝志 卷之三 三

都勻長官司

在府南七里

元爲上都雲等處軍民長官司 本朝洪武十六年改置易今名初以土人吳賴爲副長官景泰三年其孫正有功陞正長官世襲○司東十里有洞亦曰都勻前門北向高廣僅丈五又後門南向高

廣四五尺洞生亂石如象鼻之狀而雜草蒙茸治南有水亦呼都勻水

邦水長官司

在府西二十里

正長官吳姓世襲

元爲中都雲板水等處軍民長官司地洪武十六年置今司邦水之於板水猶都勻之於都雲也○司西之山曰箐口林木翳然陟之可望龍山

平浪長官司

在府西五十里

正長官王姓世襲

本元都雲安撫司之地亦國初分置○司東南十里約有參冲河河岸有古寨○司東三十里有九龍洞洞內石龍張露鱗鬣蜿蜒如生○司西南六十貴州名勝志 卷之三 四

里爲凱陽山勢甚險峻有寨其上按即凱口圍也圍十餘里高四十丈四壁斗絕獨一徑尺許盤旋而登上有天池雖旱不竭○嘉靖丁酉都勻部苗阿回與主官王仲武爭田拊殺仲武出奔阿苗遂據此圍爲亂督撫軍門檄宣慰安萬銓討之邀重賞始行提兵萬餘屯圍下相持者三閱月仰視絕壁無可爲計獨東北隅有巨樹斜斜斜餽寒土壁間然去地二十丈許安令軍中口能上絕壁者與千金有兩壯士應命乃假鐵鉤傳手足爲指爪人持四徽一劍約至樹憩足即垂徽下引各人面上有

頃聞刺聲若崩石則一人墜地整粉矣俄而四
長徽下垂始知一人已撲闕乃遣四兵緣徽而上
蹲伏樹間壯士復自樹爬緣而上至圍頂適遇巡
檄者鳴鑼至乃伏草間俟其近揮劍斬之鳴鑼代
爲巡檄而賊恬然不覺也乃垂徽引樹間四人四
人復引下人繫縶而起至圍者僅二三十人便舉
火發砲大呼曰天兵上圍矣賊衆驚起昏黑中自
相格殺死者數千奪徑奔下失足墜崖死者又千
人黎明水西軍蟻附上圍撫臣令軍中曰賊以關
格而擅殺及黎明後殺者功不錄自是一軍解體
貴州名勝志 卷之三 五

相與賣路走賊阿向始與其黨二百人走圍營一
空焚其積糧乃班師而以官兵三百戍圍月餘阿
向復糾爛土黑苗襲圍盡殺官軍撫臣又檄叅將
李宗祐討之爲賊撓去以千金贖回後詔安萬銓
勦之萬銓乃招阿向待以不死責王仲武均其田
而亂始平云

平洲六洞長官司 在府西南一百五十里 正長官楊姓

亦元都雲安撫司地與平浪司同時置○平洲河
在司治南水中有沙洲土人開肆貿易其上○六
洞山在司西南七十里山極奇峻上有六洞寨○

鄒元標曰余童子時有傳鶴樓先生集至文江者
從旁窺之至龍山道院記恍遊員嶠方壺恨不旦
暮往彼未問曲折心津津在平洲六洞中矣

麻哈州 在府城北 土同知宋姓世襲

元爲老允佬寨後改麻峽縣 國初爲麻哈長官
司隸平越衛尋陞爲州改今屬領長官司二曰樂
平曰平定○州西十里銅鼓山有樹狀如圓鼓因
名山麓有水晝夜三溢不愆其候又州東十里有
波隴山州南有麻哈江○漁程記云麻哈江津人
乃木獠夷以石塹就水澤茂獠家夷女留鰥蝦以
貴州名勝志 卷之三 六

供騰祭

樂平長官司 在州西四十里 副長官亦宋姓

元允佬寨地洪武中置今司隸平越衛及麻哈改
州移屬焉○司南爲樂平溪東北五十六里爲馬
場山以與牧馬場相連故名

平定長官司 在州北一百里 長官吳姓世襲

本朝洪武二十二年置初屬平越衛三十年改屬
清平衛及州麻哈又改屬之○楊古山在司北二
十里平定山在司南三十里○司東八十里爲舟
溪江五十里爲山江河有山江渡去清平城四十

里

獨山州

在府南一百五十里 領縣一長官司二

元置獨山州軍民長官司鈐新添葛蠻安撫司

本朝洪武十六年改爲九名九姓獨山州長官司

弘治八年與麻哈同時改爲州○鄒元標疏云衙

舍荒蕪淒涼蕭目莫甚于麻哈獨山二州又云如

獨山知州吳譽聞文學吏事亦自名家入官以來

夜篝燈同妻子守孤印而含冤被論去他可知矣

○獨山在州南二十里尖圓陟險無他山聯屬故

名○治南又有鎮夷山山高而頂平有土酋結寨

貴州名勝志卷之三

七

以鎮苗人故名

清平縣

在州城北一百三十里

歷代夷酋據之元爲麻峽縣地 本朝洪武十四

年開置清平堡尋改爲衛遷治於堡北領有清平

長官司弘治八年改司爲縣以司治爲治○縣

東二里曰東山絕頂盤石平坦可坐數十人縣南

三里有三石如人對奕名石仙山○縣北七里天

然洞一名小空門逕呀然弘邃虛明可肆几筵其

左有太極洞又十五里有雲霧洞三洞皆軒敞可

以游息雲霧洞有一溪水從洞流出以資溉田又

相近有賓陽洞吳國倫詩奇峰倒作萬蓮開洞裡

陰晴只浪猜因象不驚龍正臥寒湫夜夜噴風雷

此天然洞作也雲霧路上碧雲流有客乘雲當入

舟石穴空明無一象曉池蓮草侵青牛此雲霧洞

作也學使者詩信詩言山臨路石門開天地神工

亦異哉不有仙人能指點何山竹杖得迂迴乃賓

陽洞作也○香爐山在城東三十里盤旋三重壁

直萬仞形如香爐景泰初苗蠻帶同烈據之以叛

都御史王來討平之口田汝成云香爐山連亘三

四竹攀緣鳥道而上上容百萬人窮峻極險有灘

貴州名勝志卷之三

八

流一溪沃疇千畝聚落蜂屯保以爲藪正德十二

年後叛湖貴合兵討之環列山下弗克攻尋有隕

自崖者獲而訊之則江估之被虜也因知苗俗以

長至爲歲朝至其夜會大雷雨苗皆醉夜半土兵

架木梯懸絕壁因尾江估援崖而上兩哨路數人遇

拆者更鼓者俱殺而代之衆軍率登乃焚柵燔巢

悉殲之遂城香爐爲官戍居其降者於黃猴落燈

之間焉○漁程記曰興隆衛達清平衛七亭而遙

曰黃猴周洞重安羅冲落燈○邵人孫應釐清平

十二譚今存其二云秋日荒城隱嘉嘉太山猛虎

末州蛇發稜黃巢漫空舞龍郭弗莫只幾家又教
場草長蟬蛄鳴數十操軍不謂營但領承平似今
日國初屯戌九千名

合江州軍家烟土長官司在州南一百里副長官張

時世張

元爲都安撫地後置合江州及陳蒙章氏長官
司洪武十六年改今名○司東南三十里有梅花
洞宣德九年都指揮領勇等攻破之○元置都雲
定雲二府而定雲府領有合江及陳蒙二州即合
烟土三種其名爲一司我朝弘治四年烟土酋
貴州名勝志卷之三 九

也富架重惡龍等爲亂其明年總兵鎮侯顧澤帥
師討之七年春始平嘉靖十六年復從阿何襲殺
凱日團官軍其名不佞者其種自惡

豐寧長官司在州南一百二十里長官楊姓

亦元都雲安撫地沿革同前○司西南八十里有
行郎山山麓斗絕山頂平坦有蠻民二百餘家居
之造梯以登半崖下流泉湧出四時不竭

平越軍民府 領衛二州一縣三安撫司一

漢唐爲蠻夷所據宋嘉泰初土官宋末高克服麥
新地內附號黎峨里等寨元置平越長官司隸八

番順元宣慰司洪武十四年置平越衛屬四川萬
曆二十八年擢州平以黃平安撫司改黃平州草
塘甕水二安撫司自泥餘慶重安客山四長官司
改餘慶渭潭重安三縣而建平越軍民府于衛城
以統之并割清平衛凱里安撫司平越衛楊義長
官司俱屬焉○犀牛洞在府城南隅張三手高真
觀于洞有石犀牛正德間觀內鐘夜半與牛鬬如雷
吼侵晨水草猶有存者三手名猷或曰羊城人或
曰關人少遇異人棲靜三十年出山混俗補刑曹
吏以因劫獄編戌平越解將入境三手浴于河沈
貴州名勝志卷之三 十

溺不起明日自水出袖各司圖文解者探囊中而
原文已無矣始神之別去及居平越千戶張信待
之甚厚久之謂信曰吾爲汝父治葬地以報君殷
勤命信負其父骨指一巖窟曰汝往擲置之口中
旣入見石牛欲相啖懼而掛之角出以告三手手
曰封侯亦足復授鐵椎命往擊洞門石磴且曰擊
不過一二椎至斷而已信不勝擊至七方斲見金
魚飛去歸而告之三手手曰惜哉汝八口只存汝
一人十年後信之家口盡亡盡獨留信一人在焉
後永樂靖難信以功封隆平侯至十二年奉勅祭

武當山見三丰于山中石巖炊瓦釜領米汁爲茶
選素一枚信置湯不飲袖其棗而別下山觀棗已
長尺餘今觀有三丰禮拜亭浴仙池○畏黎山在
府城東絕頂有泉又有穿巖巖孔穿透廣容千人
○月山寺在府城西又二里有燕于洞辟蕪棲集
于中又十里有百人洞一名穿洞清泉湧出廣可
容百人○城東南五里有七盤坡道經其上王守
仁七盤坡詩烏道縈紆下七盤古藤蒼木映聲寒
境多奇絕非吾土時可淹留是謫官猶記邊烽傳
羽檄近聞苗俗化衣冠投簪寔有居夷志垂白難
貴州名勝志卷之三

清平衛

東至興隆衛西至平越府各六十里與清平縣城
興隆衛

漢唐皆爲詳河蠻地宋號狼洞隸黃平府 國朝
洪武二十二年傳友德南征以地當西南要害始
置衛隸貴州衛城北龍巖山下淵有龍居之時出
雲雨故名衛曰興龍後改龍爲隆○龍巖在衛
東三十里巖西爲月潭寺中爲公館王陽明有記
其略云興隆有巖曰龍巖壁立千仞簷垂數百尺
其上頂洞玲瓏浮者若雲霞亘者若虹霓豁若樓
殿門闕懸若鐘鼓編磬懸幢纓絡謫音變幻不可
貴州名勝志卷之三

具狀而其下澄潭遂谷不測之洞環密圍伏異維
嶽飛雲巖記畧云興隆東行三十里有月潭寺寺
左爲巖距地百餘尺中虛而下嵌乳液融結紛詭
殊狀豎者柱矗懸者絡綴揚者鳥厲突者獸蹲蹕
級漫瞻欽衽徐睇極意所愜遂洞豁豁而宵際清
渠激注而前繞○龍洞山在衛城北里許又名狼
洞石勢嶄巖水色深碧相傳有龍居其中每雷雨
則飛出謝肇淛湖興隆衛詩乾田一夜羽書馳客子
心驚馬步逢今日村官新獻獻雲巖草木盡旌旗

黃平州

宋爲黃平府隸叙州元隸播州洪武八年改府爲安撫司以地皆夷獠多叛增置黃平所守禦隸四川都司十五年改隸貴州都司萬曆二十八年播州平改爲州與所同賦屬平越府○州城東有梅子洞以多產梅樹因名又五里爲七里谷俗名七里冲兩山壁立中通一路楊酋叛時屯兵二十七營於此以窺黃平蓋以此谷爲貴竹咽喉也○馬鬃嶺在州東四十里嶺之陽有馬蹄井大不盈尺派人石竅丈餘相傳唐末一將軍追苗賊至此軍渴馬足忽陷清泉湧出苗退馬因墜鬃于此其鬃

貴州名勝志

卷之三

寺

豎立虛空若在馬首而不就地拔之不可得掘之亦不可得其後欲求見者具紙錢拜祝始露其形○斗崖山在衛西五里有洞高五丈濶藏其半崖之中無路可通左有虛崖長二丈似徑以行常有涓涓之泉下滲每旱時崖輒狂風透出飛沙揚石洞後山頂有穴一道人遨遊其上忽墜入穴中時黑時光二里出洞口見洞兩邊疊疊金鱗似龍道人出與老樵語其事引往視之而道人莫知所往崖間隱隱有字剝落不堪讀○燕子洞在衛城西十五里紫燕千百爲群潛藏於此冬不可鄉洞口

二丈其土疏而黏黑而肥土人用之糞田入洞二里持炬至大洞內源泉混混聲如鳴金有時如擊桴時有黑衣人乘霧出入○都門山在衛西北三十里石基板寺在萬山巔巔一老人寄居野宿數日始陟其處寺右小石池池側一小井上有索不知遺自何年老人擲之於井綆直不可汲入寺若有火烟氣而不見人少頃陰風怒號難以復留老人歸語所知有諸遊者但遙見一茅茨在雲中耳○徑亨洞在州北二十里洞內房室巖我器用鮮潔人有欲借金饌者拜祝須臾畢出借之但可

貴州名勝志

卷之三

寺

睨視而已其後借者送還多置山麓神怒毀壘而鍋其門因名封鬼洞間有聞杵聲或時見水糠浮水而出○冷水河在州城東源自朗城舊土司水白而寒三伏不可涉

餘慶縣

府東百五十里有餘慶白泥二長官司元末俱爲州洪武十七年仍改爲長官司俱屬播州萬曆二十八年播平令二司改爲縣屬平越府○白泥江在縣東二里源出黃平葛浪洞經縣界流思南河縣西三十里有小島江源出椒溪經縣南流入涪

江又三十里有大烏江河源出水西經縣界流入思南河

甕安縣

宋有草塘甕水爲黃平府地洪武八年於重安置長官司草塘甕水置二安撫司俱屬播州及討平楊應龍合三司爲甕安縣屬平越府○旗山在縣南五里峰頂廣闊一洞名川蟻如天中之月縣北三十里草塘甕治後有後崑沿蟻而上曲折處石列兩傍如雉堞狀又城北三里鼠場有龍洞極幽邃水深數仞中一石橫架如橋寬夷可涉其水澄貴州名勝志卷之三 五

清時有神魚不可以餌釣

湄潭縣

萬曆二十八年討平楊應龍因以播州舍竹爛三里七牌地置湄潭縣屬平越府湄潭之水源自播州流繞縣前宛曲如弓故以名潭而縣名亦以因之

凱里安撫司

元時四川播州有凱里安撫司其安撫曰楊端洪武間端之孫友授宣撫與弟爭殺正統間割置改屬貴州清平衛萬曆二十八年討平播州改屬平

越府

鎮遠府 領縣二土司二

古有豎眼大田溪洞唐武德元年以其地當群猓之衝置婺州貞觀八年改思州天寶中改寧夷部後陷於蕃宋紹興初復置思州以田氏爲守德祐元年田氏降置鎮遠府沿溪洞招討使司尋改軍民總管府以田氏爲總管治鎮遠中河山洪武五年改總管府爲鎮遠州隸湖廣永樂十一年廢思州思南二宣慰司以故地爲鎮遠等府屬貴州正統三年省州存府與鎮遠衛全城

貴州名勝志卷之三

去

鎮遠縣 附郭

古思州地有鎮遠金峇金達蠻夷長官司宋大觀元年因氏內附始置安夷縣尋廢元初改鎮安縣我明正統三年復爲長官司弘治十一年長官何倫以罪革改司爲縣設流官附郭○郡有生熟二苗熟者頗輸丁餞生苗習於剽掠俗皆椎髻赤脚飲食用蕨灰爲盥其女子及笄入山與男子唱歌相和當意者不告父母而至男家俟有胎孕方拜翁姑稱婦每生子皆奉一牛於女之父母無子者則以婢畜之別竟他女如前○石屏山在府治後

石高百丈端直蒼潤如屏風山半有石竇久雨竇中水出其明如虹即江必溢故居民避水以此爲候山右有路上通旋繞屈曲名九曲岡○縣後有大石崖山苗自金浦洞來由此○又有小石崖山苗自施乘鼓樓坡來此則在鎮遠衛後○味泉在府治西一名味井其水極甘○中河山在府治東半里雨水夾流山處其中南麓爲玄妙觀北岸產白石光潤可琢硯及圖書土人謂昔監眼鬼所居莫敢動兩崖巨石獨立水中上豈下儉呼香爐崖府城玄妙觀後有太和洞廣一丈二尺袤一

貴州名勝志

卷之三

七

丈八尺旁有支洞深黑不可入○鐵山在府城東北三里石皆鐵色其下爲鐵溪南行入鎮陽江其水清淺可愛產麻蟹及小魚味極佳溪之第一灣有巨石下瞰如屋廣五丈袤一丈七尺高一丈二尺其前溪水清冷可茗第二灣有長潭其北即絕頂也郡守祁順遊鐵溪二記畧云余以公暇約寮二守爲伴步出江濤登小舟順流而東南雨山夾峙水自中出是爲鐵溪舍舟循溪而入見水東有石巨麗卽下瞰如屋者可二里東望烟靄中三峰間正如畫山初入四望如堵忽又通際其產石往往

傾仆如墮其下洞穴深汲可坐可臥山之趾聚水交流匯而爲淵激而爲瀨群僮往來歷歷可數遊鐵溪之五日二守復請漁于長潭乃乘小舟順流至潭岸北群峰疊出崖石架空狀如蟠螭俗呼仙人橋其前有峰直挺上出龍鳥盤旋出其下南岸石委積成洞中有蹊隧可通往來江之中群石錯出急湍奔瀉名浮石灘其東有石側直上多樹木庇覆名古牛崖長潭之水深碧如澱舟入如憑廬御空忘其爲泛涉也○大洞在府城東五里分水嶺北洞門一隙而入其中寬廣如七間屋故俗名

貴州名勝志

卷之三

八

洞爲七間屋中書丁璣詩四首野日春正暝山陰午猶濕布穀不停聲人人荷鋤立又蘭橈泛江水江水綠於苔日日斜陽裏行人自往來又空崖蒼翠間平窪自相逗有時石上眠雲來觸衣袖又潭凈山同色雲寒鳥不能微茫烟樹際獨見釣船歸○觀音岳在府城東十里石山高數十丈屹立江上其趾肇開爲洞廣一丈袤三丈高如之涵演清漪可比船而進洞半有竅如牕上有石如佛像洞頂色碧有紋隱起如龍蛇又五里有馬場坡兩傍皆深谷中有一路苗自白重者必由於此○吉

祥山在城西半里臨江狀如燕巢上有吉祥寺寺前水深巖石峻峭人集焉程顥詩西城鷺峰寺南溪燕子窠桃花肥細鯢網竹柳迴渦漸續風前笛披離雨後簑數聲江上曲明月正斜過○平昌在府城西三里諸山自白羊坡頓伏而來至此方止雙峰回聳神天江水環其前四山迴合中有平原可居又一里有獅子山自東南望之如獅自北望之如展旗又六里有白石柱臨江駢立一大一小高數十丈府湧溪西至偏橋有西峽諸山爲崖者如樓臺鼓角爲巘者如銀牆鐵壁有飛瀑數處

貴州名勝志

卷之三

九

掛崖石高百餘丈稀者若輕縠薄霧厚者噴沫如撒珠春夏盛時飛過南岸船經其下仰視如白虹○鎮陽江即澗水一名鎮南江又名澗溪蓋五溪之一也在府治前受黃平興隆諸水過府城東流三百里入沅水○鐵溪在府城西產異蟹水利可淬鐵因名又四里爲牙溪又名雪溪溪中有鬼物舟過此者寂不敢譁每清明三日居人皆閉門禁烟行旅不敢出其途犯者立致災禍余同年友鄭憲爲鎮遠縣今日觀其事

施秉縣

在府西南六十里

元至元二年建前江等處軍民長官司洪武五年改施秉蠻夷長官司後因土官田琛構兵司廢正統九年改爲縣設流官○岑麓在縣城北四而陡立岡隴重巖俯瞰縣治在從化鎮正統十四年苗叛縣燬景泰間招撫復業依此以居

府屬土司

邛水一十五洞蠻夷長官司在府東八十里宋置邛水縣元改安寧縣尋復舊名洪武五年改置團羅得民曉監陵帶邛水五長官司二十五年併四司入邛水副長官袁誠本世襲

貴州名勝志

卷之三

十

偏橋長官司在府西六十里元至元二十年建木司洪武五年以原任鎮遠府土同知安德調爲正長官司其左副長官楊錢離男文鳳保右副長官楊通賽俱仍舊任世襲

黎平府 領縣一長官司十三

牂柯夜郎之旁地自古不入版圖五代時思州田氏據其溪峒宋乾德中各投土人爲蠻夷官隸湖北路元置潭溪等處軍民長官司隸思州宣慰司洪武中置蠻夷長官司增設五開衛永樂十年改置黎平新化二府隸貴州宣德中以新化省入黎

平而銜隸湖廣○銅鼓嶺在府城東北二十里石洞高大如屋深遂可三里許漸深處一竅通明再入小溪橫流來去深不可測有石平鋪可十餘丈其紋片片如雲如鰐又如龍中俗呼萬頃田○飛山在靖苗茂舊有飛山廟祀其酋長楊甘思甚著靈蹟洪武十九年移在府治東隅石晉天福中再思擬十洞偽稱徽誠二州刺史附於馬殷至宋太平興國中誠州酋長楊通蘊始歸附通蘊尋卒其弟通寶入款

永從縣在府城南六十里

貴州名勝志卷之三

主

唐有黔峒福祿州宋改福祿永從軍民長官司洪武初改蠻夷長官司弘治六年改今縣○福祿江在縣南源自苗地至府西境爲古州江東流至此合彩江是爲福祿江○羅閣河在縣東北十五里洞門寬廣旁有石磴如床可容二百餘人○治東四十里太平山倍之爲摩天嶺又二十里爲龍見山○治東南九十里有巴龍山西北一百二十里爲寶唐山

府屬土司

潭溪蠻夷長官司在府西南三十里宋宣潭溪長

官司洪武初加蠻夷長官司後以石平永征古爛有功授其子文漢爲正長官世襲○司南一水清澄可鑑者潭溪也巨石跨其上廣二丈餘長十倍之名天生橋西南有銅關鐵寨山山勢高峻其上平廣可容千人三面懸險惟南向可登○磨盤山在司西北以山頂有石形似而名天旱鞭之雨

八舟蠻夷長官司在府北二十里宋元皆軍民長官司洪武初改蠻夷長官司正長官吳金骨舊職世襲○司南有八舟山上有石如人曰仙人巘其西南爲八舟江來自黎平府城東北流入新化江

貴州名勝志卷之三

主

洪州泊里蠻夷長官司在府東一百五十里正長官李德興河南永寧縣人洪武五年從江陰侯征古州叛蠻授今職世襲○司前小山山下有龍洞深廣各里許中有龍潭西有連池灘爲潭洞江○司北洪州江源出本府之龍見山而合渠陽江○酒洞山在州境山下出泉神司之也名酒洞泉曹滴洞長官司在府南三十里宋宋容江巴黃長官司地元置曹滴洞軍民長官司洪武初以容江巴黃司併入改曰蠻夷正長官楊都萬乃楊甘思

簡標也五代兵戈衰授日思懷有徽誠府刺史當

宋盛時其子孫相繼入款故楊氏獨盛而都萬授

今職○容江在司西南源出苗地北流入福江

古州長官司在府西六十里宋咸平初古州刺史

向通展入貢其後向氏世世入款元置古州八萬

洞軍民長官司洪武五年改今名以楊秀茂為正

長官二十五年古州蠻叛都督倫通淵討平三十

年復叛詔楚王湘王合征之於是清平黔陽古州

諸蠻悉平而楊氏世襲如故

西山陽官司在府東南一百里古為生苗之

貴州名勝志卷之三

地未樂五年始置司以韋方魁為長官其地多崗

人獷悍喜殺地飲而惰於耕作惟務剽畧尋常持

刀鏃挾弩矢潛伏陂塘踉蹌薄中飄忽殺越不

可踪跡自正統中崗人叛方魁遂納印於府其後

稍平後嘉靖八年方魁裔孫文郁求襲世職不許

而吏部除吏日往治崗亦不納乃以韋昌金為長

官○司北有大崑山其西為高風嶺東為天目山

○大崑江受福祿江之水流入廣西柳州界

湖耳蠻夷長官司在府北一百三十里元置司洪

武五年以楊再祿為正長官永樂十二年以歐景

甫為副長官皆世襲石流泉在司東三十里龍

泉迸出亂石如流故名又十里為九牛山

亮寨長官司在府北一百里司治西有諸葛武侯

古寨因以為名洪武五年以龍政思為長官世襲

歐陽長官司在府北九十里元時江西泰和人楊

都統以功授長官世襲至今

新化長官司在府西北六十里永樂中直新化府

後併入黎平此其地也洪武初以歐明萬為正長

官世襲○司南十五里有六疊山週迴六疊始陟

其巔故名○司東南有徐侯墓相傳宋辰州太守

貴州名勝志卷之三

失其名因入峒招撫蠻人被害棄尸河內日則順

流夜則逆泝洞蠻神之因改葬焉

中林驗洞蠻夷長官司在府西北一百里其正長

官楊盛賢洪武五年從江陰侯平苗以功授今

亮溪洞蠻夷長官司在府東北二百里其正長官

楊通涼永樂六年以劉羅臺賊功授今職副長官

吳世銘襲元舊職

龍里溪蠻夷長官司在府西北九十里其正官楊

光福洪武初以功授今職○廣輿記云司境有龍

標寨乃唐叙州潭陽郡龍標縣地王昌齡以江寧

丞左遷隴標尉李日贈之詩云楊花落盡子規啼
聞道龍 逾五溪我寄愁心與明月隨風直到夜
即西

貴州名勝志卷之三終

貴州名勝志 卷之三

五

貴州名勝志卷之四

閩中曹學佺能始著

思石道所屬

思州府 思南府

石阡府 銅仁府

思州府 領長官司四

春秋屬楚秦屬黔中郡漢屬武陵郡西陽縣三國
吳分置黔陽縣地隸焉隋爲清江郡唐爲思州寧
夷郡卅川卅陽二縣地先是有田克昌者不知何
許人以商賈僑居於此數傳至安定思議二人能

貴州名勝志 卷之四

興寧縣

以恩信結服夷民爲大首領是時爲唐永隆年所
著鐘銘猶存至宋其地屬思州安夷縣田祐恭以
累討叛寇有功紹興開官至奉寧軍承宣使卒年
八十贈開府儀同三司少師思國公元至元十二
年田氏降置沿江安撫司隸思州宣撫司尋自龍
泉坪徙宣撫司治於清江稱思州而改稱故思州
爲思南隸湖廣是時田仁厚爲思州宣撫使兼湖
廣左省洪武初仁厚獻鎮遠思州二府婺川等十
縣及三十四州於是分置思州思南二宣慰司以
仁厚爲思南宣慰使子弘正率部屬從征薈蠻授

思州宣慰使其族獨有田仁智者亦授宣慰使居思南爲二田又族人有用茂安者初據沿河婆川以獻僞夏明王珍夏亡茂安乃降止爲思南宣慰使其後仁智子田琛與茂安之子宗鳴爭地鼎沸亂遂賊之以爲府○峩山在府治南其山峩嶽而鬼峩也下爲架溪跨以木橋○異溪在府城東八里以小水各分派入于平溪大河也又三十里爲嵩前山○江頭山在府城西八十里有歇路坪土人以節序相聚笙歌于此又二十里爲天應山相傳昔禱雨者呼天而應故名

貴州名勝志

卷之四

二

都坪峩異溪蠻夷長官司附郭元爲臺達若洞住溪等處蠻夷長官司隸思州洪武六年改置今司以原任宣慰司頭目何夢霖爲正長官永樂元年原任宣慰司頭目周斌從征亦授正長官皆世襲黃道溪長官司在府東北一百三十里唐爲州陽縣元爲黃道溪等處軍民長官司元有宣撫司同知劉貴者洪武初勸田氏稱臣入貢歷授平岳司長官二十五年調本司正長官又有宣慰司頭目黃文聰以功授本司副長官俱世襲○司治西七十里有泉洞崖壁千仞瀑泉飛瀉下成溪河以鍾

從傍入洞廣容百人○龍泉在司治北其水清冽而甘居民賴以溉田但不可滌垢垢則泉閉不出又有豎眼洞有物如人一口豎生每靜夜常出於河漁者值之亦不傷害間竊入網而後還之併以魚置網中爲酬○司北五里有洶沙溪洶沙石可以煎水銀

施溪長官司在府治北二百二十里唐爲州縣元置今司洪武元年以元土官劉道忠有功授正長官世襲

都素蠻夷長官司在府治西九十里舊爲田宣慰貴州名勝志

卷之四

三

親管之地永樂十一年設本司

思南府 領縣二長官司四

元至正二十二年僞夏明王珍置思南道元帥府始有思南之名洪武五年分置思州思南二宣慰司而思州始析爲二永樂十一年二宣慰使以兵罷其世官二司始改爲府而設流官詳在思州志中○崖門山在府城西兩山對峙巖壁險峻官道出其中左曰大巖門右曰小巖門永勝武勝二關依巖而立郡之門戶也去崖門數里有迎春藏春二洞不甚深廣而壁立奇峭石色黝潤有鍾鼓

洞二寬廣相亞入者必以壯上有石乳懸空擊之作鐘鼓聲○古將何郡城在府治南傳印漢末時所保有巴江水在城西南達龍門山而接牂柯界○萬勝山在府城南四面絕元永紅巾之亂郡人避兵于此○白鴛洲在城東北烟水蕭疎與雲樹相掩映頗似中土○馬援祠在故思州治相傳宋時田祐恭之母夢馬援入其它乃生祐恭而援祠不復靈應及祐恭卒有見其跨馬入援祠者自是神靈復如初焉

安化縣附郭詳見府下

貴州名勝志

卷之四

四

婺川縣

在府治北二百里

隋置屬庸州後竒巴東又隸思州永樂十一年改今錫其俗得歌祭鬼擊鼓迎客麻砂爲業用泥封門○廣輿記大昌峯蓋二山俱在縣境洞壑深溪可資游覽亦云昔人避兵之所

印江縣

在府東三十里

唐置思印縣以縣十里石思印江爲名後乃訛印爲印至元時遂改思印江長官司至弘治八年長官張鶴齡以罪廢因改爲縣

屬司

水德江長官司附郭臨爲賓化縣五代歷宋省入婺川縣元置不特江長官司以張坤元征苗有功授本司正長官洪武二十三年曾孫乾福襲改水特爲水德永樂十八年以楊潮海爲副長官皆世襲

繼父長官司附郭元思州宣撫司地洪武十年始置其長官安氏本京兆人祖曰仲用同田少師營兵開設思州任義楊元帥六世孫世興授沿邊溪峒軍民總管八世孫輝洪武初歸附授今職其副長官李斌國初歸附授隨司辦事長官永樂五年貴州名勝志卷之四五

年授今職皆世襲

沿河祐溪長官司在府治北一百一十里唐武德四年招慰生獠置城樂縣五代以後省入婺川元置今司以張文龍爲正長官冉永安爲副長官皆世襲

朗溪蠻夷長官司在府城東四十五里唐置朗溪縣宋併入婺川元置朗溪洞洪武十年置本司其正長官田氏元時有殺保任進義校尉大萬山長官洪武五年歸附三世孫崇以功授今職副長官任氏元時有交貢者任石洞長官永樂四年三世

孫鑑以功授今職皆世襲爲事羅斯門溪司詩百
家村落一荒司列嶂廻峰岩間非風俗漸看同郡
國印文猶自刻鑿夷中樓鐘鼓初晴夜夾道旌旗
薄暮時自足年來親翰墨壁間隨處有題詩

石阡府 領縣一長官司三

秦黔中郡漢夜郎縣唐時何郡地唐初爲思黔二州
境武德四年置夷州義泉郡即今治也貞觀十一
年徙郡治於綏陽五代復爲蠻夷宋太平興國間
夷州蠻入貢置綏陽夜郎二縣元置石阡等處軍
民長官司隸思州宣撫洪武初改隸思南永樂十
貴州名勝志 卷之四 六

一年改爲石阡府○龍山在府城東南隅山下有
風鬼洞知府余志辯畧云府後高崖曰龍山蟲簪
雲表左崖畔一古洞門敞若戶進三四丈一洞門
漸小僅足容身昔有人入見其中銅鼓金盃銀物
之類其夥石隙中有水瀉下深潭莫測其深也
潛之風氣逼人毛髮盡豎春水漲漫流至五巴寨
桶口出入于大溪冬日則涸歲旱求水即得雨大
風颭發人不能行疑爲鬼物所憑名風鬼洞以余
言之洞中幽深陰淫之氣勝水亦陰氣水能生風
所以風之發有巨細無形影調之龍潛或者有之

謂之鬼水之信也又二洞辯略云府治西面兩山
高下相并曰崖門崖下水流合平茫水人大溪崖
門西上有洞懸空朝北高峻莫能窺其深廣春夏
間人過者仰視其中有鑼鼓聲秋冬則無聲又張
家寨高山上有一洞高險人莫能到春夏間亦有
鑼鼓聲秋冬寂然人俱目以爲風鬼噫洞者山之
竅其中空虛以通氣陰淫景勝發爲地風又值洞
口樹水爲天風吹嘯動激其聲貫入洞中與地風
相應遠聞似乎鑼鼓秋冬萬物零落無物觸動雖
有風而聲不作所以寂然無聞也○龍洞在府西
貴州名勝志 卷之四 七

南余記畧云洞在龍底江上其山高峻下有洞淵
三丈許深約三里然炬以進數十步有圓洞門約
三尺又五十餘步有天生橋約丈餘橋內有石田
過橋兩石如盤形類葵花上有水滴盆中其深莫
測洞內惟聽水聲潺潺而已相傳神龍所潛故名
龍洞洞產奇石大小類鴨卵上有花紋深碧色俗
謂之龍珠任人賞詭不得懷歸

龍泉縣 在府西一百二十里

隋有義泉縣唐貞觀十一年改智州爲牢州徙治
於此元置大保龍泉長官司永樂十七年以安永

和爲正長官傳至安民志萬曆二十八年播酋楊應龍突犯龍泉民志戰死及播半敗司爲縣錄民志一子世襲土縣水其祖職長官與副長官朱承勛俱世襲土主簿○騰雲洞在縣城北十里平地突起一峰四面險阻中通一孔僅可容人入數十步洞中高闊各五七丈左右有鑿通明者五又千里有黃魚泉水泛則黃魚群出大者百餘斤年豐魚出益廣○鳳凰山在縣東山下有魚子孔口圓如盤日出則光漾於中其深無際水泛輒有青紅間黃之色前有石磯鱸魚滿尺常躍磯上迴旋泉竄人不可捕

貴州名勝志

卷之四

府屬土司

石阡長官司附郭唐爲寧夷縣宋省入綏陽縣元置石阡等處軍民長官司洪武五年楊正德以其地歸附改石阡長官司正德本太原人其先令公之後曰文廣者從狄青南征僕智高克服南土得世官如石阡烏羅萬山邛水提省平梅皆宗之孫智通征丹章有功進思南都元帥府僉事僞夏間其名授以思州都總管不受智通子即正德也授承務郎副長官世襲其正長官安景文以永樂十

四年任景文本京兆人祖宗誠以隋大業二年平黔夷授義陽元帥在今龍泉司至宋有安文者與第安武從田祐恭東平保靖西克馬湖清夷擒龍州叛賊任政隆加榮祿大夫石阡龍泉葛彰偏橋思南土官皆其後裔至景文洪武三十二年隨宣慰司辦事長官永樂十一年宣慰司革隨府辦事十四年授今職○金雞山在司東高百丈翠微之色如沐有黃楊山產黃楊木故名○秋滿洞在治南余志記略云府南梭寨隔洋之山高峻凌空下有秋滿洞洞門開敞中有一眼通明洞後穿過塘

貴州名勝志

卷之四

九

池寨平茫溪石泉長流灌田正統間苗賊爲亂民多竄入洞內賊不敢入但守洞口計必困死於內而人穿後洞出塘池平茫遂皆得免

苗民長官司在府西南八十里唐爲洋川縣有水名洋川今洋溪是也宋爲樂源縣洪武十年置今司於故縣治之北壁林三十二年以原任龍里司副長官汪得英爲苗民正長官世襲

葛彰葛商長官司在府南一百里唐爲都上縣貞觀四年以縣置夷州義泉郡宋廢元置今司洪武五年以安永歸附授正長官世襲○夜郎縣古蠻

在司治西六十里按西漢書楚將莊蒙從沅水伐夜郎至且蘭榜船於岸後以且蘭係船牂牁處乃改其名爲牂牁物志云牂牁者繫船牁也吉水羅倫謂鳥撒七星關水即牂牁江源析流爲盤江去此其遠蓋夜郎從高戎直通甌駝此亦所轄之地但非其治所耳西漢書云夜郎最大又夜郎侯問唐蒙曰漢孰與我廣大蒙從沅水至且蘭乃破之此其證也漢武帝欲通西南夷道不通於是罷西夷獨置南夷夜郎兩縣此亦非縣治舊志云晉分牂牁置夜郎郡是以爲晉郡唐太白之謫夜郎者此也

貴州名勝志 卷之四

十一

銅仁府 領縣一長官司五

漢爲武陵郡地唐初爲辰州地垂拱二年分辰州麻陽縣地置錦州盧陽郡始於此置萬安縣爲屬天寶元年更名常豐宋爲思珍二州地元置銅人大小江等處蠻夷軍民長官司蓋境之西南有大江西北有小江當其合流之處崖高數十仞挺然立於中流相傳有漁者沒其底見三足如鼎得銅範儒道釋三像故以銅人名厓及置長官司始易入爲仁永樂十一年始置銅仁府隸貴州

銅仁縣 附郭

國初立府之時銅仁長官司如故嗣後長官本永雇用其民耆老念言宜改縣設流官以出民于湯火萬曆乙未郡人喻政成進士起三年戊戌始改爲銅仁縣土舍李以謙爲主簿云○東山在府城東岷嶺岫拔爲郡巨鎮上有石窩高廣數十武吳國倫詩東山突兀雲爲巔百雉參差雙練懸入寺渾迷上下界倚樓欲盡西南天江光半浸九華王石甲紛披千葉蓮睥睨群山解龍動誰當堅嘯清煙○又里許爲天乙峰石壁峻嶒每見赤色輒有災太守魏君乃于山椒鑿池注水厭之其患遂息○城西十里諸葛山形勝突兀俯瞰諸垓上有武侯屯營故址○府大江左有廢萬安縣即唐垂拱二年立者宋時廢○小江上有衆思堂宋湖北常平使張惇建勸于瞻記○府西北十里人同村有李留坡墓銅仁副長官李盤者本朝宣德間勦征鎮蠻苗被執賊問曰銅仁即思南耶蓋賊德銅仁欲生之耳公竟不答遂遇害草殯于樹石之間久而樹長夾石夷人夜過樹下輒聞空中有甲兵聲以爲神而祀之于樹下名其地爲留石坡焉

省溪長官司在府西一百里元置省溪等處軍民
長官司隸都雲定雲等處安撫已改省溪坦場蠻
夷長官司隸州本朝仍名省溪改今屬正長官
楊姓其副戴姓○司北三里有利洞日一石出婦
人名仙女洞○城北七里有泉名雲今泉歲旱零時即
五雲山○城北七里有泉名雲今泉歲旱零時即
雨其泉注于雷羅江或曰即省溪水產金

提溪長官司在府西二百四十里元置提溪等處
軍民長官司洪武初改今司正長官楊秀纂原任
石阡龍泉司正長官洪武十六年改今職副長官

貴州名勝志

卷之四

十一

張坤原任提溪司長官陣亡男應宣陞思南宣慰
司同知四世孫秉仁授今職皆世襲○治東一里
爲印江又二里爲燈山○治西五里爲提溪是產
砂金

大萬山長官司在府南五十里元置大萬山總場
辦等處軍民長官司洪武初改今司正長官楊政
華元舊任世襲○大萬山在治南三里司以此名
新坑山在司北五里產硃砂水銀○司界有勒舍
長官司故址 我朝正德末年洞中獲本司印一
願其文皆八畫不知何義

烏羅長官司在府西二百里元置烏羅龍干等處
長官司司正長官楊金萬節孫世襲洪武初襲舊職
副長官冉興祖永樂十一年授今職皆世襲○司
治西南三里有觀音閣上有三井可容五百人又
三十里爲萬勝磴上有水可容百人俱可以避兵
○司境山口迎紅日雲聚以雲物名曰卷閣日石
梁以水石名曰九龍則以支脈名也志謂九龍俗
名飯銀山高百餘丈下分九支銅仁大江之木出
焉○司南有江名也江上納烏羅溪羊溪二水下
達楚之辰州可以舟筏又有溪名木耳其流曲折

貴州名勝志

卷之四

十二

東抵平南寨爲九十九渡

平頭者可長官司在府北二百二十里元置平頭
著可通達等處長官司隸思州宣撫本朝洪武初
改今名未樂中改隸烏羅府尋改爲今府正長官
楊姓其副田姓○司界有石柵坡羅斯詩云畏途
盡說石柵坡毒霧衝人似網羅即此○有甘便泉
在司界石磴中一泉湧出清濁分流若涇渭相傳
出萬山之底○司界有仙人題柱舊傳驚徒道者
不知何許人宋開寶間郡之爲蓬寨人楊再從宗
尚仙學一日有丐者携草蓑一雙詣再從宗金五

白鶴馬再從疑其妄不之信道人柳從于市化爲
雞鶴冲天而去但見門柱上有詩云新打芒鞋乃
又牢五金還價木爲高陽家不聽潭家語從我蓬
萊走一遭水洗刀刮其字益顯柱至國初方地

貴州名勝志卷之四終

貴州名勝志卷之四

中央民族
學院圖書
館藏書

輿地名勝志一百九十三卷

江蘇巡撫
採進本

明曹學佺撰學佺有易經通論已著錄學佺以博
洽聞著述甚富是書則由雜采而成頗無倫次時
亦舛訛又多不著出典未爲善本

今古輿地圖三卷

〔明〕吳國輔 沈定之撰

中國科學院圖書館藏明崇禎十六年刻朱

墨套印本

附《四庫全書總目·今古輿地

圖無卷數》提要

古今輿地圖序

圖之爲用尚矣而輿地尤要周
禮天下之圖旣掌於大司徒復
掌於職方氏蓋不特以辨廣狹
疏遙邇則土壤也蓋將以測夷
險察利害撫諸夏而控四裔焉
藏於王府非嘗所得見惟倚相
能讀九丘卽九州之志而楚強
於天下戰國策士每言窺周室
則可以按圖籍爭天下秦之亡

也蕭文終先收圖書而後知地
形阨塞相高帝以滅嬴項建都
邑封諸侯立郡國咸有賴焉武
帝覽古圖書知河出崑崙遂開
西域東平王求書籍而大將軍

序

二

王鳳以地形阨塞不宜在諸侯
王持不與乃知雖掌於司馬實
爲天子之秘書也鄭樵深咎向
歆父子總群書修七略重章句
而忽圖譜故名象澆而實學衰

然班氏藝文志實本七略而任
宏所修兵家者流獨有圖四十
餘卷又有形法家者大舉九州
之勢以立城郭室舍此其有圖
必也夫莫大於地形莫急於兵

序

三

事未嘗廢圖則不可謂皆向歆
罪矣其後光武登廣阿城樓指
輿地圖以示鄧禹可見東京以
後代有修寫稍稍散於人間不
爲秘然而傳摹訛錯丈尺殊製

蓋率皆私本因乖襲謬旣非人
主之力命輶軒之使窮遐極隱
誰能獨逞章亥之步而求之也
且以水道變遷地名數易郡縣
更置城聚移徙境土有分合建

序

四

置有疎密周秦以後時異代殊
卽有善者僅可詳論於當今安
能悉証於曩昔是以指古者險
要之區戰爭之地雖博洽之士
不研典籍考志傳以故號而合

今名孰能瞭若指掌哉予在越
州金吾吳公出其所輯藏歷代
輿地圖相示予深服其立體密
而致用廣也其法以墨作今一
統圖分列郡縣而別以丹書自

序

五

五帝以來至於國初各爲圖以
冒於今圖之上圖爲立說周隋
以前多依夾漈唐室以後雜採
史冊經緯粲白過於聚米于是
觀曲阜者知爲春秋之魯國問

漢中者知爲炎漢之南鄭考北
平者知爲有唐之范陽稽歸德
者知爲趙宋之南京自此而推
大較可觀至凡邊鎮關隘禁防
之要與夫分裂鼎峙之時其所

序

六

藉以控扼憑依者名或殊而地
不遷事雖往而迹可按盛衰強
弱之故其揆一也使觀之者見
幅員廣大風俗錯雜治之各有
其方以謀綏靖則修政見山川

阻塞經界跨限恐爲奸雄所睥
睨夷狄所薦食則修備見土地
山河是不一姓名號迭更互相
鑒戒而知天命之不假易則修
德是圖也非守國之善經保治

序

七

之良規歟雖職方所掌蕭相所
收恐不是過矣我
國家聲教之遠際天極地日月
所炤罔不臣妾漢唐之盛不能
及也近者女直豕突於東北大

盜螳聚於荆豫而土宇販章地
利在我以

明天子神武而群臣戮力以將之

誠泰山而四維之也易曰王公

設險以守其國詩曰我陵我阿

序

我泉我池觀茲圖也豈不在將

相哉

崇禎癸未仲春雲間陳子龍卧

子題於越署之清音堂



今古輿地圖序

爰自洪濛渙象清濁著形斯
民與鳥獸分岐聖智挺生構
木代穴鑽火別茹舉海宇而提
挈之強名御世御世云者黔首

序一

共戴共恃以安恬者也皇王迭
興就中等夷綴爵五等割裂
區域綱舉目張百里千里爪
分基列神禹繼統唐虞稟益
人皇九州荆雍之表置為荒服

侯封界限若指諸掌子興氏
謂湯七十里文王百里悉侯治
也一放一征何嘗藉土地盈縮
徒旅衆寡即孟津八百國猶
然七十里百里匡廓而已嬴秦

序二

變制拓疆毀井田署郡邑若
將一世萬世漢興因之拒關却
馬畫土保民有上古之遺風焉
孝武從事西域疲于奔命
宜致輪臺之悔嗣後賈捐之

有云堯舜聖之盛禹入聖域
三聖人地不過數千里不欲附
聲教者不强也廣德者王廣
地者荒豈虛語哉降而三六
朝百脉俱亂晉之五胡唐之

序三

藩鎮宋之羯虜天地於焉反覆
尚何有於提封也耶洪惟我
明迅掃腥羶重開闢豐功
偉烈輝映三才胡元侵地棄
若敝屣不勤遠略恪守神州

行將千百世如一日矣倚歎休
 哉余謂此輿圖者星躔分野
 之界畫聖帝明王之安宅儲竊
 割據之傳舍中華蠻夷之囊
 橐也自匪識括宇宙學貫天人


序四

安能探本窮源俾萬禩經緯
 如現目前預令有識者愉快也
 余父執四明沈定之究心經世起
 而脩輯之與予共商不宜自秘
 乃梓之以公于世為天下有心人

一辟之助云

崇禎戊寅秋日侍從之臣山陰

吳國輔撰



錢牧齋有傳集中載有吳金吾小傳即國輔也隆萬時三邊總制
 兵部尚書吳光之曾以掌功陰四奏歸永衡



序五

今古輿地圖說


吳國瑞

昔先王體國經野以五方風氣所生剛柔輕重各有其性不賴遷易故遷理天下物其土宜條其物產達其志而通其欲齊其政而修其教自黃炎以來圖籍相踵而可知逮至成周則夏官司險掌建九州之圖地官誦訓掌方志以詒觀事春官保章以星土辨九州之地秋官職方掌天下之圖地使同其貫司徒掌邦土地之圖而冢宰掌建邦之六典實總其事又有太史以六典逆冢宰之治何其詳哉夫然故先王不下堂皇而郊甸采衛各有寧宇用能保世以滋大皇風邇逝攻伐相雄奇策材力之士蹴飛電激抵掌盱衡談形勝而取世資是故蘇秦按地理而

今古輿地圖 上卷

定合從蕭何收秦籍而知阨塞馬援畫謀于聚米鄧禹決策於披圖斯非其效歟若乃區別川原分析聚落河山繡錯疆里井分於是乎有郡國戎道之制官署臚列小大相承內畿外邦分部巡察於是乎有司隸採訪之職封域偏安各保嚴險疆場之事一彼一此於是乎有屯戍輓輸之脩王公設險安不妄危嚴飭國防疆以戎索於是乎有藩鎮經畧羈縻之設建置不常典喪互異使非圖其山川險易郡邑聯絡之繇以想見當時經綸之迹而欲校論古人張弛得失之故不亦難哉且夫古之天下亦今之天下廣輪埏埴之數猶夫古也名山澤數長城鉅防未之改也往事之軌易見也前哲之策易循也然上下數千百年之

間明君碩輔之所經營謀臣策士之所議置則紛紜而不可勝紀何也操縱審之時勢輕重度之地形緩急視之堅瑕綜其規畫詳其謨議謀王斷國異軌同符百世之迹不爛然可觀乎譬之奕焉天下奕枰也彼其離合沿革而不可窮者奕也而圖則奕之譜也奕之數雖非譜之所能盡然善奕者不師心而廢譜揆事者不遺古而籌今是故君子覽土宇版章而思申畫慎固之防焉威金穀軍實而思制節劑量之術焉閱險阻開微而思控御保障之猷焉昔人詒觀事則有志詒地事則有圖非以是哉爰本其意代爲之圖而山河星野圖亦附列之



辨古今州郡區域之與古列九州兩漢以十三州統治晉
 分天下為十九州唐分為十道宋分為二十三路
 一、此六十七 後魏百一十 古冀州禹貢曰冀州以唐
 都之北界其境 舜以冀州南州大分衡水為并州燕以北
 為幽州金置牧周禮職方曰河內曰冀州其在天官昂畢則趙
 之分野漢之與定常山中山涿郡之高陵州鄉廣平鉅鹿河
 至浮水繁陽內黃斥丘西有太原定襄雲中五原上黨皆其分
 也今彰德 廣平 順德 冀州 趙州 河間府 任丘縣 河
 同 代州之西南境太原府嵐縣之南境汾州之東境皆足
 尾箕則燕之分野漢之燕郡之易容城范陽北新城固安涿縣
 新昌及渤海之安次皆其分也今易州 順天 順義 陸
 肅州 順天府密雲縣 永平府 永平 順義 陸

代州之東北境兼得秦魏衛之交漢之西河今石州之北
蔚縣之北境皆是兼得秦魏衛之交漢之西河今石州之北
漢之高陵以東盡海內今蒲州平陽吉州臨州石州
之南境并州陝州之河北懷慶之西境金宜屬魏漢之河南野
王朝歌今懷慶之東境秦平天下置郡為鉅鹿趙州之東北
屬輝府并宜屬衛矣秦平天下置郡為鉅鹿趙州之東北
境定州之西境順德之北境深之南境皆是邯鄲今廣平彰德
南境兼充州之域滏之南境皆是邯鄲今廣平彰德
是上谷今易州之北境趙州之東境及充州之域滏州之
北境漁陽今薊州之北境趙州之東境及充州之域滏州之
皆是北境雲中今大同及唐及三川郡之北境今懷漢武置十三
州此為冀州國九幽州國十并州國今蒲州西境則屬司
今古輿地圖上卷

懷慶後漢並因前代為冀州理於鄆部今趙州縣東都曹州
大府地順并州理晉陽今魏並因之晉置冀州房于今趙州縣
幽州領郡國七理承今并州領郡國六惠帝之後其地淪沒於劉元
海石勒慕容偽又為符堅所陷堅敗慕容垂據之後屬後魏自
此分割不可詳焉唐分置十五部此為河北道今順天衛輝
深州河間真定定州冀州趙州順德任丘廣平
易州永平審雲隆慶薊州昌黎涿州順義等
河東道今蒲州絳州平陽太原潞州汾州澤州
嵐縣蔚州兼分入都畿懷慶關內道唐末唐末營平二州陷
于契丹梁初劉仁恭父子據幽燕繼而為晉王所滅晉滅梁稱
唐唐末石敬瑭叛以幽涿薊檀順瀛莫蔚朔雲應新媯儒武襄

十六州路契丹資其兵伐唐為晉晉亡漢繼之漢公為周劉支
據河東周世宗伐契丹取瀛莫二州周公宋受命太宗以太平
興國四年平劉繼元盡得河東之地宋承唐制冀州之境為河
北河東兩路其後又分河北為東西二路宜和間遣使約女真
夾攻遼取石晉所沒之地十六州遼既亡金人止以薊景檀順
瀛易六州二十四縣來歸遼將張毅又以平州來降繼復為金
所取

古充州禹貢曰清河惟充州東南據齊西北距河舜置十二牧充其一也
周禮職方曰河東曰充州其在天文營室東壁則衛之分野之
東郡及魏郡之黎陽皆其分野今大名府清縣漢
州之西北境濟寧之西北境東昌之西南境皆是兼得魏宋齊
今古輿地圖上卷

趙之交漢之酸棗縣今清縣之西境宜屬魏郡之東平及東郡
山勃海之東境東昌縣今東平漢州之東南境皆宜屬宋漢之泰
定濟州之東境東昌縣今東平漢州之東南境皆宜屬宋漢之泰
南至浮水今廣平府清河縣東昌秦平天下置郡此為東郡清
之北境秦州之北境皆宜屬趙秦平天下置郡此為東郡清
大名東昌皆是也碭郡之東北境今東平齊郡之北境
鉅鹿上谷二郡之東境今清河縣漢武置十三州此為充州領
國後漢並因前代理昌邑今充魏晉亦置充州領郡國八理
永嘉之後陷于石勒朱武平河南又得其地置充州領郡六勃
理取丘隋臺今清縣取丘今充州縣白二漢以後立充州非悉
是古州疆域所領郡國東境兼入青州之地西境則入荊河州
之宋末其地入後魏自後分割不可詳焉唐分置十五部此為
河南道今清縣大名東昌德州清河等皆是也河北道清

梁時滄德二州為燕所有末年貝博二州為唐所取唐滅梁傳
晉漢周皆有其地宋以魏博貝滄德棣為河北東路濮鄆濟為
京東西路滑為京西北路

古青州禹貢曰海岱惟青州孔安國以為東北海岱西南距岱
從岱山東歷高密縣東北經海陽縣北界海與萊州界蓋
海分遼東萊浪三韓之地西抵遼水也舜分青州為營州皆

置牧周以徐州合青州其土益大周禮職方曰正東曰青州在
天官虛危則齊之分野漢之瀋陽東萊郡高秦平天下置郡

此為齊郡今青州濟南濟南府琅邪之東境今萊州府
也遠東唐安秦亂項羽宰割天下以其地為國曰膠東以田其

即墨今即墨縣齊以田都為王理臨濟北以田安為王理漢武置十二
今古輿地圖上卷六

州此亦為青州領郡國後漢因之領郡國五理臨瀋魏晉亦因
之領郡國晉又置平州領郡國五理昌懷帝末沒於石勒慕容統

及慕容恪滅冉閔尅青州至符氏平燕復有其地及符氏敗後
刺史符朗以州降晉晉以為幽州以許國譚為安帝時平州又

陷於慕容垂其青州又為慕容德所據復改為青州慕容超移
後為劉裕所尅復置青州時以羊穆之為平州自慕容垂後

又沒於馮跋旋為後魏所有其青州宋分為青冀二州青領郡
置冀領郡九理後入後魏其後分析不可具舉唐分置十五部

此為河南道今青州濟南濟南府河北道安東府宋為東京
路

古徐州禹貢曰海岱及淮徐州東至海北至亦舜十二牧之一

周併徐州屬青州兼分入兗州之域在天文奎婁則魯之分野
漢之東海南海泗水至淮得淮之下制華陵僅取處皆其分也

今兗州之東南境及沂州之南境海州泗州之北境皆是也
音兼得宋齊吳之交皆宜屬宋漢之琅邪泰山今沂州之北境

泗州之南境宜屬吳也秦平天下置郡此為泗州今泗州郡
那之西境今沂州薛郡今兗州漢又加置東海郡漢武帝置十三

州還以其地為徐州領郡國後漢並因之前代理於郡今泗縣魏晉
亦曰徐州領郡國自元帝渡江徐州所得唯半而已餘

氏宋初因之領郡國明帝初地入于後魏其後不可詳焉唐
分置十三部此為河南道今徐州泗州兗州唐末海泗二州

今古輿地圖上卷七
為揚行密所據其後為南唐周世宗伐南唐取二州宋分為京
東路今京西路徐淮東路今海州

古揚州禹貢曰淮海惟揚州北距海舜置十二牧揚州其一
周禮職方東南曰揚州在於天官斗牛則吳越之分野漢之

丹陽郡今丹陽縣江都郡今江都縣安宜郡今安宜縣淮陰郡今淮陰縣
州今揚州揚州今揚州揚州今揚州揚州今揚州揚州今揚州

州今揚州揚州今揚州揚州今揚州揚州今揚州揚州今揚州
州今揚州揚州今揚州揚州今揚州揚州今揚州揚州今揚州

并其地戰國時屬楚秦兼天下置郡此為九江今揚州淮安
州今揚州淮安

潯州 柳州 廬江 安慶 蘄州 九州 饒州 今寧國
州 鎮江之西境及會稽 今鎮江之東境常州 蘇州 湖州
湖州之西境皆是也 會稽 今鎮江之東境常州 蘇州 湖州
州之東境皆是也 閩中 今建寧 福州 泉州 南境郡之東境
是漢改九江曰淮南國及封皇子長為淮南王封劉濞為吳王
二國盡得揚州之地武帝置十三州此為揚州 後漢因之
理歷陽漢末移理壽春劉琨又移理曲阿歷陽今 三國時淮南
和州壽春今壽州曲阿今鎮江丹陽縣漢末備友 元帝
屬魏而江南屬吳也魏晉亦置揚州 理壽春今應天府
渡江揚州遂為王畿領江東浙江地宋孝武分浙東為東揚州
後罷揚州以其地為王畿而東揚州直云揚州尋復舊 領郡上
康即建業順帝 又分置南兖州 領郡九 南徐州 領郡十七 理南
改刺史曰牧 今古輿地圖 上卷 入
荆河州 領郡十三 江州 領郡九 齊金因前代唯徙置豫州 領郡
北兖州 領郡七 理淮 北徐州 領郡五 理 梁陳分裂不可詳
焉唐分置十五部此為淮南道 今揚州 鳳陽 壽州 蘄州 安慶
和州 江南道 今鎮江 常州 蘇州 杭州 紹興 寧波
光州 建寧 金華 嚴州 湖州 處州 台州 溫州 福州
泉州 漳州 汀州 江西南道 今寧國 南昌 饒州 贛州 五
代淮南江東西為南唐兩浙為吳越閩為王氏其後南唐取閩
至宋開寶八年取南唐太平興國三年吳越納土始盡有揚州
之地為淮南東西路江東西路福建路
古荊州禹貢曰荊及衡陽惟荊州 北距荆山南 舜置十二牧荆
州其一周禮職方正南曰荊州春秋至戰國時金為楚地其在

天文星軫則楚之分野 漢之南郡 江夏 零陵 長沙 皆其分也今
天 信陽之東境德安 黃州 漢陽 武昌 岳州 長沙
黃州 永興 永興府 彭澤 思南 郴州 連州 寶慶 常德
澧州 重慶 施州 軍民指揮使司 唐 宜陽 歸州 承平 天下置
靖 沅州 施州 軍民指揮使司 唐 宜陽 歸州 承平 天下置
交 漢之南陽之地唐宜陽之西要宜陽 歸州 承平 天下置
郡此為南郡 今荆州 漢 武昌 歸州 承平 天下置
黔中 今常德 澧州 彭澤 思南 郴州 連州 寶慶 常德
德 長沙 今長沙 岳州 連州 寶慶 常德
陽 隨州 漢武置十三州此為荊州 領郡八 其五溪中地歸漢以
後歷代開拓 今荆州 宣慰司 涪州 真州 長 後漢命因之 物理武
壽縣 今常德 府司 漢 涪州 真州 長 後漢命因之 物理武
後理南郡 今荆州 府司 漢 涪州 真州 長 後漢命因之 物理武
今古輿地圖 上卷 九
其地 北境屬魏西境屬吳及劉備後所分之地悉復屬吳而荆
州南北雙立 魏荆州 領郡九 今南陽郡 晉亦置荊州 領郡十九 初
理南郡 今江陵郡 王敦為刺史魏武昌 今江夏郡 宋分置
其後還後無常處自王抗以後復理江陵不復移也 宋分置
荆州 領郡十二 司州 義陽 今鄧州 領郡六 雍州 領郡十 襄
史所理則在古為豫州之境 湘州 領郡十 齊金因之州境之
內含帶蠻蠻 土地遺落稱為殷曠江左大鎮莫過荆揚故謂
荆州為陝西也 以此周台其後割裂不可詳也唐分置十五部
此為山南東道 今荆州 常德 澧州 承天 夷陵 江南西道 今長
州 岳州 寶慶 荆州 是黔中道 今彭澤 思南 施州
其州長官唐兼分入淮南道 信陽 及嶺南道 今連 宋乾德元

年平荆湖北 三年平蜀 始盡得古荆州之地後為荆河北

路荆河南路及襄路之施黔思播等州云

古豫州禹貢曰荆河惟豫州 西北距河 舜為十二牧之一周禮

職方河南曰豫州其在天官柳星張則周之分野 漢之河南郡

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

野 漢之沛梁濟陰皆其分也 今河南府之河南雒陽 房心則宋之分

五代金都于汴宋因之其豫州之境俱為京師輔郡置京東路

開封 曹 睢 京西路 河南 汝州 蔡州 許州 鄧州

唐 曹 睢 京西路 河南 汝州 蔡州 許州 鄧州

古梁州禹貢曰華陽黑水惟梁州 東南距山 舜置十二牧梁

州其一周禮以梁州併雍州梁州當夏殷之間為蠻夷之國所

謂巴實彭濮之人也周末惠王使司馬錯伐蜀有其地於天文

兼參之宿亦秦之分野 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等


州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等

州 漢之巴蜀漢雙為武都野何超萬等



高皇帝以乙未年起兵取和州渡江克太平丙申取集慶改為應

天府諸將奉為吳國公癸卯滅陳友諒甲辰奉為吳王吳元年

丁未滅張士誠遣諸將北取中原吳二年正月四日即皇帝位


建國號曰大明改吳二年為洪武元年是年七月諸將逐元主

北遁改大都路為北平府四年平獨十四年平雲南天下統一統

初上既平漢英各諸將議北征遇春請直搗上都元主見其
五年城守必固若鐵國深入不能即破頃兵堅城健備不繼援
兵四集進不得戰退無所據非我利也吾欲先取山東敵其屏
蔽旋師河南斷其羽翼拔潼關而西據其戶庭天下形勢入我
掌操然後進兵元都則彼勢孤援絕不戰可克既克其都放行
而西雲中九原開脫可席卷而下甲子命信淵公達鄂國公遇
春率甲士二十五萬由淮入河北達兵至淮安論沂州王宣及
其子信隆分兵下兗東郡將及東平濟寧濟南登萊俱降遇春
元東昌三月達至濟寧開闢年城甯引舟師由鄆城赴汴取河
南兗取曹州九月南陽達送入汴宗吳進攻潼關李思齊張思道

遷入關平華州達取陝州降鈞陳許汝廣寧上至汴達
行在所上聞取元都計對曰臣自平齊魯下河洛王保保達
元之聲援已絕請乘勢擒其孤城又為我有張思道李思齊失勢西實
然此上平曠利於騎戰不可無備宜選偏裨提精兵為先鋒清
平智水陸之師繼後下山東之粟以給餉餉由鄆越特鋒清
北嶺元前鋒外援不至內自驚潰可不戰而下上發外達復
諸將會東昌間七月分兵取衛輝降彰德廣平次臨清遇春取
德州達遂會馬步兵歸北進下長蘆至直沽黃海舟齊濟元都
大震敗其兵河西務又敗之通州拔其城乙丑夜元主攜其
妃太子山史德門北遁達留別將築通州八月庚午達入元都
擒其監國宗王摺和明日順德守將宋隆分兵掠北平諸將
戊午直沽肅清榜已卯大敗天下改大都路為北平府諸將
宗事雲龍平之九月與祖下承平遇春下保寧十月克興定
克河內會定金商均房十二月達克太原擴廓帖木兒遁河
洪武三年春正月命達文忠勝愈和征剌上問諸將方畧對
曰王保保以元主故寇邊若直取元主保保失勢可不戰而
上曰王保保今在邊忘近趨遠非計吾欲分兵二道大將軍自
直趨出西安靖定西取王保保左副將軍出居庸入沙漠追元
主使彼此自敗不暇應援元主志居沙漠不意兵至如依勝
遇春取之必矣諸將皆曰善王保保使安定二月金朝興取
東勝文忠降而逼之達兵出安定王保保來茂胡德濟敗達
援之勝退再敗王保保奔和林五月文忠克應昌獲
元主派貢約里八刺提聞封貢約里八刺為崇禮侯

十八



北直隸古冀州幽州大名兼充天官尾箕爲燕鼎單爲趙室壁
爲魏衛九府八州二東出遼則山海關西北出宣雲則居庸紫
荆倒馬三關邊屬遼連宣雲山前幽薊涿莫順檀瀛山後儒
新媽以及許雲朔應宸武爲山西地此十六州爲
陵寢重地以其淪腥羶者四百五十餘年而今方培養之也烏得

聽虜騎之數蹂躪也

順天 幽都幽州上谷漁陽廣陽范陽燕山之北典舊津宛平
固安外州通縣昌平軍都涿鹿霸縣三河密雲懷柔房山文安大城十縣保
定玉田無終豐潤遵化深川山戎無終
保定 鉅鹿上谷涿郡之北清苑樂安外州祁安固義豐清陽易
縣水安武興縣滿城樂安肅寧定興新城新泰唐縣

祖陵重地也而盜賊縱橫循良寡寂誰收廓清之効也

應天 金陵鍾陵林陵都東陽建康康府州昇州之地土元
高淳江浦六合
鳳陽 金山淮南九江雙溝西楚濠州之地鳳陽外州壽州來縣
六縣壽春泗縣徐子冬林公宿預東楚甯縣州符縣

江合流均

楚凡府十四州四中都則充豫荆三州錯錯留都則江漢潁三

南直隸古揚州鳳陽徐州兼徐天官斗牛爲吳越房心爲宋爲

保安 幽州涿鹿新州之地 萬全都指揮使司 便衛五所一

延慶 今名屬樂永寧州之地 國朝廣慶建 穆廟年毀改

長垣 今名屬東明州之地 國朝廣慶建 穆廟年毀改

大名 今名屬大名府之地 國朝廣慶建 穆廟年毀改

順德 今名屬南海縣之地 國朝廣慶建 穆廟年毀改

廣平 今名屬廣平府之地 國朝廣慶建 穆廟年毀改

大名 今名屬大名府之地 國朝廣慶建 穆廟年毀改

順德 今名屬南海縣之地 國朝廣慶建 穆廟年毀改

廣平 今名屬廣平府之地 國朝廣慶建 穆廟年毀改

大名 今名屬大名府之地 國朝廣慶建 穆廟年毀改

順德 今名屬南海縣之地 國朝廣慶建 穆廟年毀改

廣平 今名屬廣平府之地 國朝廣慶建 穆廟年毀改

大名 今名屬大名府之地 國朝廣慶建 穆廟年毀改

順德 今名屬南海縣之地 國朝廣慶建 穆廟年毀改

流寇披猖遏之其治兵使者事乎選擇而使之兩地並棘已

南昌豫章江州洪都洪州府與之地南昌新建宜豐西昌外州

吳安建昌

饒州鄱陽吳州之地鄱陽外餘干進餘休汗樂平樂安浮梁新

廣信會稽餘干太末信州之地上饶鄱陽玉山信安弋陽弋陽

南康建昌海安義江州之地星子外都昌

九江豫章彭澤瑞昌武之江之地德化樂安彭澤彭澤

建昌江陰建昌武之江之地南城外新城南豐

撫州山陰上宜黃樂安東鄉

臨江洪州新淦巴丘新淦宜奉峽江

今古輿地圖上卷

吉安九江長沙贛州之地贛州外泰和吉水吉安

瑞州南康南康之地高安上高建昌

袁州宜春宜春之地宜春宜春

贛州宜春宜春之地宜春宜春

南安贛州贛州之地大庾外南康

福建古揚州天官牛女爲閩越凡府八州一七閩四郡濱海以

海爲生而不堤之徒往往疎濬其中巨室大姓翼而邪之蓋島

嶼利大官與之以生路則禁之易而民依之以走險則禁之難

自朝廷開自新之途而海氛稍靖尤以防微杜漸爲當事望

福州七閩晉安閩州建州長樂武夷之地閩東治原豐侯官外

古田閩清梅溪長樂新寧建江溫縣羅源永福福清清安

泉州晉安南安溫陵清源平海之地晉江外爲南安侯官泉州

興化仙遊仙遊清源

建寧建寧建寧之地建安侯官建寧外建寧建寧

延平延平延平之地延平侯官延平外延平延平

邵武邵武邵武之地邵武侯官邵武外邵武

汀州汀州汀州之地汀州侯官汀州外汀州

漳州漳州漳州之地漳州侯官漳州外漳州

福寧州福寧福寧之地福寧侯官福寧外福寧

湖廣古荆州襄陽豫天官軫翼爲荆楚凡府十五州二軍民指

揮司一宜慰司二楚自與國鍾祥爲

今古輿地圖上卷

祖陵要地而邇來流氛孔熾撲滅未聞黃接壤毗豫襄接壤秦郎

接壤蜀沅接壤貴筑能遏之從入之路而後不至震驚

陵園耳祿守一隅無當也

武昌武昌武昌之地武昌侯官武昌外武昌

漢陽漢陽漢陽之地漢陽侯官漢陽外漢陽

襄陽襄陽襄陽之地襄陽侯官襄陽外襄陽

德安德安德安之地德安侯官德安外德安

黃州黃州黃州之地黃州侯官黃州外黃州

黃梅黃梅黃梅之地黃梅侯官黃梅外黃梅

其地爲二谷從其近也而新附之人終非種類慮不可不達也

况水蘭之衆時懷反側乎耶葵不戒江漢建瓶荆何以禦之

成都蜀益劍南西川之地成都益州華陽廣漢外州漢新都

唐都溫江荊南新繁新都唐金堂仁壽江陽安縣雙流

寧唐明資盤石內江資中潼安唐盤龍彭縣益涪州安汶江崇

昌唐明羅江萬安縣唐新津武城什保丹洪

龍安氏羌陰平平武龍門之地江油

廣安州州巴都安縣西充巴都管山相如明池保龍則中方州渠漢

江天竹岳池

南水陸山

保軍巴西閬中南梁隆州蜀州安德之地閬中閬內外州巴

通漢南興安州利州紀安昭化益昌

通江通水南江巴國梓潼潼川

今古輿地圖卷二

重慶巴都江州夔州渝州南平之地巴國外州合夔國豐江

足巴州永川渝州榮昌內江元江榮江永南川枳縣江石城

安岳蜀安岳巴都巴東巴信州安岳之地奉節外州達

夔州漢通川通安縣臨邛山至建平大昌奉昌大宇雲陽

梁山建始至南州東鄉新安太平

叙州蜀富順江陽洛原南溪興文夜郎夔州長寧瀘州高

筠連定川珙珙

馬湖雙溪長官司

遊義夜郎且蘭新之地國初爲播州土司萬曆中平逆改今

嘉慶巴國江陽瀘川之地屬縣納溪

合江江安江陽溪

嘉定蜀都漢嘉眉山嘉州之地屬縣峽有南安平羌洪雅

夾江南安犍爲武陽榮太平旭川榮州威遠龍會

司長 九位

北勝

新化 馬龍龍即阿贊 國勅長官司今州

威遠 南詔銀生府廣洛登

灣甸 銅鼓登鎮康

鎮康 石鼓黑焚

大侯 孟和自央費川

瀾滄衛 領州漢桑縣共縣 騰衝 永昌越縣

車里宜慰司 車里侯泥谷舊滿刺黑角諸蠻自古不通中國

木邦宜慰司 孟和 孟養宜慰司

納甸宜慰司 江頭大公馬來安正國蕭井賴王五城

八百大甸宜慰司 上貢有妻八百各領一寨因名

今古輿地圖 上卷 三四

老撾宜慰司 趙家據家 南甸宜撫司 南甸縣

千崖宜撫司 和陳贊美鎮西路 者樂甸長官司 馬龍龍府

隴川宜撫司 費川 芒市長官司 怒謀大枯殿小枯

鈕兀長官司 河南古豫州開歸兼充彰懷衛兼莫天官角兀氏為周為宋為

鄭為衛為韓室壁為晉凡府八州一豫九達之達也兩谷而東

關陝當之魏博而西朝歌當之澤潞而南孟津當之襄陽而北

光鄧當之豈無太行王屋伊闕天中之時河淮汴汝伊洛渾澗

之流而流氛一熾險阻淪符郡邑守令曩若何事音唐藩鎮不

過數城而盤踞一隅迄不能離宰八府百三州縣之物力不能

遇賜張承奕之勢而漫驅其後以整都哉保聚無方撲滅無計
未見中原之廓清耳

開封 大梁三川陳留梁州汴州之地祥符浚儀外州陳卒恆亭

氏平縣陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱


武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

武原陳留南有華杞山縣外黃通許成平太康陽武封邱

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----



國家之有邊徼以邊徼之外皆夷狄羗戎也夷狄羗戎非我族類故侵畧不嘗而盛衰倚伏彼盛則我衰我盛則彼衰張弛之際邊臣任之而不意邊臣不足恃也于是增督治增內使不知增人非難得人爲難故得一督臣則各撫鎮道之精神必振得一撫臣則各道之精神必振得一道臣則一鎮之精神必振乃其吃緊則樞臣冢臣之精神又當與各邊相往來也昔之邊撫邊道何以趨之而若鶩今之邊撫邊道何以避之而若浼無事則坐致卿貳有事則身罹鉞鉞皆得官而不得人之效也得人則必知邊情矣得人則必中軍機矣情不可不審也機不可不乘也情顯而可見者也機伏而不可見者也于是次第而微論

九邊

夷狄之爲中國患自古然矣唐虞之有苗周之獫狁漢之匈奴唐之突厥繼且與中國分南北朝焉宋有夏遼金元卒穆國祚且主中國也天地晦冥日月陰翳

太祖高皇帝起而迅掃之國憂載莫功何大也

歷聖培養德何厚也何物小醜輒敢逆我顏行而我尚未有以殲之何故夫

上非不任也而下不能任也其奈之何土木之變也先肆警我

中國有主一言足折虜心而大寧開平邊臣不守嘉靖中虜

薄都城隨驛之出其後督臣曾統有復套之議而接路相傾

今古輿地圖 上卷

貴縣棄市其事遂寢然大寧開平與和河套河東不復我中

國終無安枕之日也虜欲無厭我無義人以情外輸彼猶不

敢輕入如嘉隆時汪五峯之勾引日本丘富之勾引俺答近

萬曆中李永芳之勾引奴酋其殷監也而先事消弭是在邊

帥昨奴酋發難虎怒鬼惡管遣其親信崔戶榜什叩邊期我

同戚奴酋令此時邊臣任事豈無可乘之機而我莫之應也

卽三十六家亦嘗乞我卵翼而我莫之應也虎酋聲色自娛

令或不行于部落于是奮怒犯邊并吞卜吉而掃與奴且將

並驅以殲雄都令同奴犯凌河都令耆老奴答也掃乘之闕

其巢穴俘其妻孥以去明年都令引奴攻掃掃乃西走以避

之不虞捕獲死也捕死其部落爲八北較幸生所分莫能一夫而捕子黃賊兒因爲奴所得奴喜而奪之云今駐歸化城也夫黃賊兒南關之甥也而北關猛骨字羅之裔王世忠非捕酋丈人行乎此其中亦有機也奴于昨擾我內地得志復東破高句麗而先亦互有損傷今又攻魚皮不利近又聞調麗人以攻之也夷狄相夷我可以收漁人之利而我不能爲漁人也教酋即明酋也以明暗言吉食實于密雲而以教木槍掠于宜府其最狡黠者也昨捕以衆攻之不利不知其巢穴之險也而今且搖尾乞憐并欲食實于宜然其人固以昨年作奴之嚮道此其中又有一機也明與之管陰爲之圖或

今古輿地圖

上卷

四三

因以伯奴或遂以搗穴其衆不過二三千也哈喇哈喇慎二種未嘗與我市我亦未嘗實也今走張家口乞市甚恭也我當以術馭之使懷吾惠而悟吾威乃可耳大氏棄狄欲其相離不欲其相合也我中國明與之市實者原欲陰因之以修倘也若認賊作子竟弛其防此徂目前而失久遠不忠之甚者也

遼自山海而外河東西可九百餘里南北千餘里且金復海蓋大有江南之風而河東金銀礦洞固偏地非貧瘠可棄之區也撫順興起淪沒者二三年恢復大計竟無有語及者豈天地之大也我中國固不因此以損其幅員哉奴兒哈赤皆

楚多年方且雖伏退地及牧焉各處在戊午其精銳一出狂烈莫當我乃易視之以致三路覆師大傷元氣今奴士卒多半死亡所得我遺棄各邊諸人以補其精銳終非昔日人練之衆也而我今更難視之邪我各邊強壯一時淪陷于勝人之手今其子弟豈無可用以報其父兄者而被虜之衆甚多故土之恩

皇上志在滅奴于各邊增建健丁益其糧餉或五千或三千豈以厚此串邊冒破驕悍游惰之徒而各鎮大帥猶然悠悠忽忽毫無仰承畏懼之意無進亦且誠懼真有過而問焉者是誠何心哉

今古輿地圖

上卷

四四

皇上既有監視之慮復有部臣之建寧頃刻忘兩河奈未見有知兵者身任其事即身任之而旁多掣肘則雖日遣一人焉以核之何裨肩餉隊伍之數哉河西八城勢自單薄所恃通山海一線以作營平之藩籬夫豈細故來而禦之不來而挑之應有足以制其死命者在若止伴其不來非忠盡元臣之事也

前鎮開營府于密雲設撫軍于遵化而三協兵將幾十三萬衆所調動王無策罕當任處騎之迫連出口裁革不能練狎不能應而釜底遊魚終成漏網已事勿論矣今虜中強弱虛實之形地勢險夷遠近之數有豫爲之討論者乎用兵幾何

需餉幾何應有定策而

宵旰之憂乃始可少慰耳欲固斷門必復大寧大寧復而朵顏

三衛必當復爲我藩籬也

宜出居庸而西轄分三道懷隆起岔道所屬東路歷榆林懷來土木沙城新保安爲鎮城從入之路而迤北則紅門石峽靖胡南山柳溝延慶永寧周四溝四海冶迤火炭山山外即敖酋巢穴也南則舊保安分巡所屬下北路如龍門滴水長安嶺雕窰上北路如獨石赤城雲州馬營靖安清泉中路如葛峪大小白陽趙川西虜處處可入之地也分守駐鎮城所屬雞鳴上下花園響水舖以抵宣西走左衛懷安以達陽和

今古輿地圖

上卷

四五

而北則張家口新開口新河磨房左右衛爲上西路沈馬林柴溝堡李信屯渡口西陽和懷安爲下西路今昔市口往來之外境也南則順聖川東西坡蔚州靈昌黑石嶺深井爲南路今昔紫馬出入之內境也蓋宜之四履自黃花鎮抵平達邊長一千二百里而合一鎮之人馬不消十萬在在可入在在宜防欲四馬之不入必不可得之數也若練兵選將以逸待勞乘機遇會以復開平與和恐非監視之事也

雲邊自天城陽和聚落左右衛威遠平虜井坪高山山陰馬邑迤丁角長六百四十里皆順義市賞之地而原隰平衍易于大舉自昔順義三娘子受我繚索利我漢物我亦恬然若

無所事事昨插漢吞卜吉始驛驛今插漢死而部落多屬東奴亦以積弱之勢不能自振不得不假奴以爲重耳奴不善拊其心則離我之利也而誰爲之間使彼不相爲用諒非窮蹇蹇厄之輩所能辦也若假屯以尅軍殺降以冒賞謂之何哉北朔應南靈府皆稱內地內地固而豐州灘野馬川板升之懸虜又奚慮焉

山西鎮以寧雁偏三關爲門戶邊長不過百里而老營水泉比樓盤道皆嵐皆其最衝者也自順義爲插所并而卜吉之裔不免東走以投奴寧知插死而插之裔亦不免東走以投奴也我豈不能收其餘衆散其黨與伸與滅繼絕之大義于

今古輿地圖

上卷

四六

外國而坐失機宜不知君子灘以外果無一爲我用之屬夷邪則東勝受降將終左衽矣

延綏風推邊徼勁兵處也自奴酋發難徵各鎮兵以覆沒于庸帥週復無歲入相食則壯而衰少而未壯之子遺了無雄健之象夫召集各堡以填實鎮城訓練鎮城以聯屬各堡器械犀利士馬飽騰何憂千二百里之長邊無馭虜之長策也有能實心任事者否頌爲之執鞭

寧夏五衛西北據賀蘭山東南阻黃河邊長一千八百里茶遼達美昨插死而八比妓各配一牢生以分其衆則插衆且八枝不能一失聞有一枝抵河西鎮內屬我撫鎮倖許之分

置各堡人各易一青衣以徵何化而不意我遂殺之以千七百首功報也雖撫鎮一時神威而神之嘖然卒忘報復哉黃賊兒無所歸爲奴所得而奪之因通其母焉今駐歸化城以婦妬故而我竟無以籠絡之也此亦一奇貨也若套虜以渾脫渡河擾我于夏秋之際乘堅冰以擾我于深冬之時不知我當何以禦之昔有以城花馬池移督府爲足以東援榆林西援寧夏者此亦扼吭之論也而或以爲宜復山後之墩增北邊之戍振興靈之冲唯當事者及時而苞桑之耳

固原當八郡之上游居三鎮之要路邊長二百餘里令套不歸虜則平固安會之間止備靖虜一面今賓首盤踞于松山

今古輿地圖

上卷

四七

大興窺伺于西海生番恣其搶掠熟番輸我虛實而西風隔重之士馬半銷于鋒鏑爲固原計不亦難乎嗚呼虜犬羊也而我乃燕雀則邊圉之際愚將不知其所終矣



河內四郡漢武所以斷匈奴右臂者而虜過祁連無不掩袂今繇莊浪迤南三百里爲湟中地則有西寧繇涼州迤北二百里爲姑臧地則有鎮番于張掖置甘州于酒泉置肅州于金城置蘭州蓋金城迄嘉峪邊長二千里而西控西域北扞比虜南蔽戎羌三面皆犬羊也犬羊之性不同或內剛而外柔或內柔而外剛我犬羊視而犬羊制則無不弭耳受我戎索就我玩弄奈何身疆場而茫無深謀遠慮徒貽


君父之憂也

今古輿地圖

上卷

四八





昔堯遭洪水天下分絕後禹平水土還爲九州如帝嚳之舊制
至舜肇分爲十有二州蓋以古冀州南北闊大分衡水爲并州
衡水在分燕以北爲幽州以青州越海析遼東之地爲營州遼
東謹按史記舜冀州之人也耕於歷山在河東一云在濟南府歷城縣漁雷澤
雷夏兗州澤今屬濟陰也陶河濱濟陰定陶西作什器於壽丘在魯東就時
於負夏地衛堯乃命以位舜流共工於幽州放驩兜於崇山竄三
苗於三危殛鯀於羽山四罪而天下咸服堯崩乃踐天子位
所或言蒲坂或言平陽或言潞潞今上谷九州各以其職來貢地方五千里至于荒
服南撫交趾北發西戎析支渠搜氏羌北山戎發息慎或謂之獯
夷或謂之東夷東長島夷四海之內咸戴帝舜之功踐位三十九年南巡狩



崩于蒼梧之野葬于江南九嶷是為陵冢在零陵

蔡傳舜以冀青地廣分冀東恒山之地為并州其東北隅無間

之地為幽州又分青之東北遼東等處為營州而冀州止有河


內之地今河東一路是也按宋河東路即今太原等處開唐虞

衡水常水之間則今冀定宛之說者因漢晉并州理太原遼東并州在大原非是



卷之四


一、博也圖 七、失



壺口 漢地志在河東郡北屈縣東 梁 梁山呂梁山也 在今山
 南 今山西平陽府吉州 西太原府石州東 北關
 雅云梁山晉望 卽冀州呂梁也 昔不章曰龍門未闢呂梁山望
 河出孟門之上又春秋梁山胡亥氏殺梁父以爲首山則亦指
 呂梁 岐 在今山西運元云後魏於胡城置六壁汾離不諸胡因爲
 矣 子汾離道云云 今平陽府吉州
 大寧 今六壁城在勝水 太原 廣平曰原 今 岳陽 開戟方冀州
 之國賈古河運之險扼 山西太原府 今平陽府吉州
 志謂晉人山仰太岳在河東郡魏縣東 今平陽府吉州
 南曰 卽今岳陽縣地 堯之所都揚子雲冀州歲曰岳陽
 是都 單懷 地志河內郡有懷縣 今河南懷慶府 曹衡 漳 地
 是也 一氏曰單懷平地也 當在孟津之東太行之西 衡 漳 志
 漳水 一名爲清漳 一出上黨長子縣鹿谷山 今山西潞州長子
 山 名爲清漳 一沽上黨長子縣鹿谷山 今山西潞州長子
 縣 發均山也 名爲濁漳 鄆道元謂之衡水 又謂之水東至鄆
 合清漳東北至阜城入北河 鄆道元謂之衡水 又謂之水東至鄆
 城 今河內府 恒 地志出常山曲陽縣 西北恒山也 東入滎
 水 今山東光州 恒 地志出常山曲陽縣 西北恒山也 東入滎
 衛 地志出常山曲陽縣 西北恒山也 東入滎
 今山東定府 衛 地志出常山曲陽縣 西北恒山也 東入滎

郭璞云熊耳在洛陽南
今陝西西安府高陵縣
洛地志云出弘農郡上洛縣界
灇水自今溫縣入河潛行挹河南溢為泉
波爾雅云水自洛
日妻溪之山
今在河南開封府鄭州榮澤縣五里
孟猪地志在
波水出其陰
荷澤充州府曹州曹縣南三里
今孟猪地志在
虞城縣東北
岷地志在蜀郡蒲圻道西微嶓地志云在隴西
所出又云在西縣
今陝西漢中府西縣
沱潛此江漢別流之在梁州氏道北縣涼水
今成都府郫縣
地志云蜀郡汶江沱在東西人大江畔縣
入江
今成都府灌縣
地志云巴郡宕渠縣西南人江
陽縣清谷水出西南入漢漢安陽縣
今漢中府洋縣
記在嚴道縣
今雅州名山縣
和夷嚴道以西有和川
雅州城東五里
蒙地志蜀郡青衣縣
西傾地志在隴西郡臨洮縣西
弱水地志云在張掖郡補陀縣
今陝西甘肅省武威縣
今古輿地圖上卷
涇地志出安定郡涇陽縣
渭地志出隴西郡首陽縣西南
西北南山
地志作苜扶風汧縣茂塽蒲葢葑水出其源北漆案宇
邠山同官縣東北界
地志出北地郡直路縣東至鞏西延
來經寧原縣合沮縣
地志出北地郡宜君縣西北郡
漆水
西安府鄠山縣
東至咸陽縣入渭荆懷德縣南
手縣
狐陵原岐地志在扶風美陽縣東北十里
終南山地志古
一山為終南山在扶風武功縣
情物地志古文以垂山為情
西安府咸寧縣
南五十里
鳥鼠地志在隴西郡首陽縣西
原隰鄭氏曰其地在豳
功縣
豬野地志云武成縣東北有休屠澤古今以三危即舜竄三苗
壘積石地志在今陝西開州衛城東北
龍門地志在嗎咿
山西平陽府府地志扶風縣西吳山古文以為雷首地志在
蒲州河津縣
折山
今鳳翔府隴州吳鼓山

[illegible]



禹敷土隨山刊奠圖說

今天下之水無不東流者以天下之山無不從岷發祖也岷在秦蜀絲慈嶺來慈嶺在中國之極西高不可量而脉絡四分其入中國者東脉也岷既西墜而黃河實達其北大江實出其南山河兩成所繇分也禹貢治水唯此二水窅大萬山流走則萬水奔馳懷山襄陵無所歸耳水歸必于海二水皆可以入海也海下也而萬水皆可以入二水也二水下也欲知神禹治水之績則必于二水溯其源夫禹自積石導河入海而積石以前莫窮也日出崑崙崑崙星宿海率影響及元造學士蒲察篤實奉金牌抵于闐積歲時乃還詳哉言之姑勿論唯是河繇闐入中國

尋繇西北出沙漠過儋仇故地歷東勝君子津南行至黃甫川而禹始于河曲經始爲汴河之漸然必自秦及晉故導岍及岐至于荆山也岍在今平涼岍頭山汴水所出蒲葢數所匯乃及鳳翔之岐山耀州之荆山逾河則晉地矣關吉則壺口蒲則雷首其至太岳則霍山以南諸水經汾陽臨汾西折而入河河過蒲漸東而至底柱則豫之陝州矣濟之源爲析城沁之源爲王屋沁水二源諸水皆經太行而會榮澤河在鄭矣恒山在冀州保定縣保定北而營平諸水盡繇碣石歸海今碣石固鬼然海中也此北條大河北境之水隨北境之山而東焉者也西傾又從泚葦始矣漳水出焉東而朱圉澧水出焉西而烏鼠同穴渭

今古輿地圖

上卷

六

水出焉合慶鳳諸水至秦華之潼關東入于河熊耳外方又從豫始矣伊洛澗潁南北入淮自桐柏發源使歸究之陪尾而淮泗合流以入此北條大河南境之水隨南境之山而東焉者也于是乃治南條北境之漢水則導嶓冢之漾潯諸水以至荆山導內方諸水之在荆門者歷歸夷枝宜公石以至大別所謂漢江出漢陽之漢口從北入大江爲中江者是也于是又治南條南境之江水則導岷南之沱錦諸水在疊茂邛嘉瀘涪夔峽者以下荆岳武漢黃而與漢合至于衡岳諸水皆淮涓庭所謂九江者是也而止于皖之敷淺原夫蓋天下至大之水唯此二水故導之使受衆水以同歸巨浸也而過此則導弱水弱水云

出吐谷渾窮石山合黎河之流歷張掖刪丹鎮夷以入河而餘波則入于流沙是水自西來而南北各從其下以殺之耳過此又導黑水黑水亦自西來至酒泉而入河其北達者也至滇而入葉榆其南達者也葉榆之水黑其自交州東而轉南爲南海禹導之使歷三危而入南海海固在南也三危在河州則張掖酒泉武威三郡之地而未入九州者又何以導河河自積石至龍門是自沙漠入中國也南至華陰是繇晉轉秦也東折至底柱又東孟津則入豫豫在南而河在北矣東過洛汭而至潞之大伾乃北流爲泝水箕之枯降崇也又大陸在那趙深之際播爲九河則簡索徒駭胡蘇駕馬馬頰鈎盤太史扁洋與河禱

今古輿地圖

上卷

六

出于冀兗之際同逆而入海逆迎也或曰河宜東而逕北其謂之逆也亦可自周定王五年河徙矜磬而九河之道始淫矣于是又導漢以入江漢自秦寧羗嶓冢其出爲漾而東至武都爲漢至武都爲滄浪則龍陽地也過郢之三澨以至大別江漢合矣又東滙爲彭蠡則九江是九江阮辰漸元叙西澨資湘九水聚洞庭出已陵而與江合是合江漢爲三江朝宗于海者也以漢自北來也故謂之北江江自岷下錦官別爲沱下荊州至澧過九江至東陵即已陵也東迤北滙江入海以其自中來也故謂之中江而彭蠡來者則謂之南江于是又導濟水入河則先沱水沱自析城東西二源流至河內爲濟其入河者滙爲榮澤

其東出陶丘北至曹之荷又東北而入汶又北東而入海是濟之流餘冀歷充而盡于青也于是導淮淮出唐南經桐栢潛伏而會泗沂以入海是淮之流餘冀歷豫而盡于海也于是導渭渭自秦寶雞首陽山歷蘭之鳥鼠同穴東與澄會則扶風之鄠縣也澄出終南至咸陽與涇水會又東過潯之潯水耀之沮水自坊州昇平縣于午谷以出富平而入河則渭與河合矣于是導洛洛自熊耳合伊洛渰澗而東北入河則百兩枝水無不與河合與江合而同入于海也是二水之源委也

今古輿地圖

上卷

六

禹貢九州告成圖說

冀州燕趙韓魏之地也而黃河自沙漠入中國為懷襄之始其自東勝君子津南流折而西南則為懸吉之壺口神禹經始于此前之而東呂梁西狐岐在河為梗乃鑿而治之呂梁晉而狐岐秦也是時汾水為患太原之賴用弗成乃修太原及霍之太岳其南為懷襄之單懷水繇晉入河河受之矣至于衡漳衡出真定豐壽入漳沱漳二一出上黨之大阻谷經太原樂平為清漳一出上黨之長子發鳩山經澤路之地為濁漳俱東北歸瀛州而入海又從恒衛治其下流恒出恒山之下東北流而澤澧沛迄寇黑洩易諸水皆會于漳沱北流至莫為入津入海之路衛出衛輝從內黃出與漳沱合而淇漳湯黎諸水南流至清源為入海之路恒衛從則大陸出矣大陸居衛漳之際水落石出而九河皆循其故營平以東之夷在島者蘇碣石入河修貢以列于王會今碣石已在巨浸中矣

今古輿地圖

上卷

六

濟河唯兗州魯地也濟自析城伏流而至兗東南其流其西北則九河也九河各循其故則既道矣雷夏在濮是為雷澤澨沮二水之別流自陳留浚儀陰溝至蒙為澨東入于泗出陪尾經曲阜至濟分流以南入徐又出鉅野受沛水以下流于睢卽沮水澨沮會同而可桑之土皆蠶矣降丘宅土民以得平土而居之而貢道浮濟漯以達河然十有三載而始同于他州耽淪之

功烈夫

海岱唯青州齊地也岱以東海也距嶠之泉略定青之濰濟之
淵各循故道而海濱廣斥齊之富強所繇來矣萊夷作牧而貢
者浮汶達于濟焉

海岱以及淮是爲徐州宋地也淮從桐柏以南流沂從蘭陵以
西南流已久而安矣桑羽在沂之左右二山之下既已稼藝鉅
野之澤滂而不溢東土之原無不平者濟以北無虞矣而羽谷
之夏翟嶧陽之孤桐泗濱之浮磬淮夷之蠙珠咸則壤以成賦
浮淮泗以達河水行乘舟也

淮海唯揚州吳越百粵之地也海與淮之南北爲江爲河皆蘇
今古輿地圖 上卷 六六

此以入海矣而江之南北吳地江之上下吳流九江以上楚也
九江以下吳也故從彭蠡之滂言揚荆分壤之始彭蠡之澤爲
鄱陽陽鳥攸居屬南而羣萃于此也陽鳥者屬也三江者江南
之江也爲婁爲東爲松或曰笠澤曰白氈曰婁皆入海最近震
澤亦曰具區底定能受水也或曰震澤太湖五湖一也總名之
爲五湖者以其道通吳越浸凡五也或曰射湖貴湖陽湖洮湖
與太湖而五或曰長塘湖射湖貴湖洮湖與太湖而五是皆五
湖也范蠡曰與我爭三江五湖之利者非吳邪則揚之三江五
湖當以此爲定若王勃所言三江五湖則江漢彭蠡是三江也
洞庭青草鄱陽官亭太湖是五湖也東南島夷錫貢尊王也而

沿于江海達于淮泗不絕于塗矣

荆及衡陽唯荆州南北相距總荆之域也而分塋爲楚江漢合
流以趨海若朝宗焉九江下流大得其正則以長江安瀾沱潛
雲夢諸水道者道入者入而荆以則壤之賦來王也浮沱潛逾
河以至南河又且舍舟而澤矣

荆河唯豫州河北而荆南周地也伊洛瀍澗從熊耳外方而來
者已入于河矣鄭之桑陽澗而成澤矣導曹之清澤及虞城之
孟諸而豫宛之際水歸其壑矣浮洛達河暗一王之象焉

華陽黑水唯梁州東西相距華東而黑西秦蜀之地也岷北嶓
南沱外潛內蒙浮于沔蔡浮于潛有山可藝有水可舟而梁益
今古輿地圖 上卷 六七

之地盡底積也又西傾之山出因桓之水皆從洮來源達流長
浮潛逾沔入渭亂河而往來貢賦相望于道矣


黑水西河唯雍州黑西而河東秦地也弱水已導而東涇渭汭
漆沮遺諸水已會而同荆岐一名玉柱可以旌告平成矣終南
倬物一名太白爲中條之山以至鳥鼠同穴原隰底績以至豬

野蓋自西京而東此休屠澤水即豬野實能容之也于是三危

宅三苗叙而東北境則縣嶺石至龍門西河西南境則會渭汭
竹貢道也至西戎若崑崙若折支若渠搜無不卽叙玄圭告成
禹之明德于是達矣

或曰禹貢先九州而後水于何以先水舉曰使禹治水水治

然後九州平也且水之源流既明則原隰界限一覽可盡耳



商湯子姓祖契始封於商傳十四世而至湯湯名履字天乙以
 伊尹爲相伐桀而踐天子位天下號曰商都亳即西亳今河南
 後仲子遷都今開封府河今開封府甲遷都相今彰德府祖乙遷都耿今平
 陽今河南河今河南盤庚後都亳至武乙遂都朝歌今衛自商湯而下傳
 凡三千
 晉志曰成湯取桀於焦遷禹於亳伊摯仲虺之徒大明憲典王
 者之制爵祿公侯伯子男凡五等天子之田方千里公侯皆方
 百里伯七十里子男五十里不能五十里不合於天子附於諸
 侯曰附庸凡四海之內九州州方千里建百里之國三十七十
 里之國六十五十里之國百有二十凡二百一十國名山大澤

不以封其餘以爲附庸間田八州州二百一十國天子之縣內
 百里之國九十七里之國二十有一五十里之國六十有三凡
 九十三國名山大澤不以班其餘以祿士以爲間田凡九州千
 七百七十三國天子之元士諸侯之附庸不與天子百里之內
 以供官千里之內以爲御千里之外設方伯五國以爲屬屬有
 長十國以爲連連有帥三十國以爲卒卒有正二百一十國以
 爲州州有伯八州八伯五十六正伯六十八帥三百三十六長
 八伯各以其屬屬於天子之老二人分天下爲左右曰二伯千
 里之內曰甸千里之外曰采曰流天子使其大夫爲三監監於
 方伯之國國三人天子之縣內諸侯祿也外諸侯嗣也


古今輿地圖 土象

七二

辨三毫一曰北毫今考二曰南毫今夏邑三曰西毫今偃
 又按爾雅兩河間曰冀州自東河河南曰豫州自河南河西曰
 離州自西河漢南曰荊州自漢南至江南曰揚州自江南濟河
 間曰兗州自河東濟東曰徐州自濟東燕曰幽州自易水齊曰
 營州自營東至海以上郭璞注爾雅云屬

古今輿地圖中卷





周之先后稷姓姬始封於郃至慶節立國於豳古公亶父因止
 於岐下古公有子太伯虞仲季歷季歷生昌有聖德太伯虞仲
 知古公欲立季歷以及昌乃以荆蠻其後昌立是為西伯都於
 豐今陝西三分天下有其二以服事商其後太子發立是為
 武王九年遂觀兵于孟津十一年一月戊午遂伐紂革商受命
 天下號曰周都鎬京今陝西西安府咸陽縣以其山之南水之北故名咸陽至周公相成
 王以鄭錫偏處西方貢賦道里不均乃營洛邑以朝諸侯至幽
 王為犬戎所殺而平王遂東遷都於洛邑云自武王而下傳世
 凡三十七周禮職方氏掌天下之圖辨其邦國都鄙四夷八蠻
 七閩九貉五狄六狄之人東南曰揚州其山鎮曰會稽其澤藪

而爲三也雖無徐州而青兗之間是已雖無梁州而華嶽之間
 是已禹貢曰海岱及淮惟徐州又曰大野既知矣禹貢曰華陽
 川淮泗兗州之澤大野是以徐而人青兗可知矣禹貢曰華陽
 黑水惟梁州又曰厥貢珍銀錫銀鏤若磬今藏方豫州之山華山
 雍州之利玉石是以梁而入於華豫可知矣藏方既以青兗而
 包徐故青州州多人禹貢之豫兗州多人禹貢之青禹貢青州
 曰曰綽綽海物而藏方兗州曰其利滿魚豈非奇之人豫乎禹貢
 既分冀而爲幽并故幽州多人禹貢之青徐冀州多人禹貢之
 雍藏方又屬幽州藏非幽之人青乎藏方曰幽州其澤饒養其
 齒時饒養在長廣舊出萊地志以長廣屬徐州兗州亦曰萊
 山非幽之入徐乎藏方曰冀州其澤楊紆周雅謂秦有楊紆
 李厚風以爲在扶風並非冀之人雍乎大抵周如禹之舊杜氏
 分而爲三以禹之入州合而爲六其勢必不能如禹之舊杜氏
 與二鄭不本此說不改藏方之字則改藏方之說後即以顏宜
 屬豫漢宜屬州不知幽青雍秦兗豫尚多役入兗州豫相耶沐
 州乎此改藏方之意而行之者先鄭以青之淮乎當爲豫沐
 當爲沐直謂宋有大野魯有洙泗曾不爲青之包徐也先鄭爲
 樂之致當爲沂蒲當爲蒲直謂雍有沂水曾不爲吳山在沂而
 今古輿地圖 中表


有弦濤之數杜氏以荆之淮當爲淮後鄭以兗之盧維爲雷車
 直以濤與盧雜無所經見曾不知地名變易不一不可一一如
 也此改藏方之字而釋之者也如山鎮數澤又有可得而辨者
 九州山鎮分言之則曰四鎮五嶽總言之皆曰山鎮揚之會稽
 青之沂山幽之醫無閭冀之霍山因爲四鎮矣而五嶽在虞夏
 商周與漢世有不同舜典南嶽孔安因以爲衡山藏方曰山鎮
 曰衡山爲衡爲南嶽明矣而衡雅有二說河南衡山爲南嶽又
 以霍山爲南嶽蓋漢武帝元封五年巡南都禮天柱山號曰南
 嶽是以衡山之神速遠又獲其神於霍山也說者謂一山兩名
 則失之此漢嶽之與虞周不同也王制有恒山衡山而不言太
 華嵩山舜典有四嶽而不言中嶽蓋王制南北以山爲至東西
 以水爲至故五嶽言其二舜典言四方巡守所至之地故五嶽
 言其四泰山爲東嶽華山爲西嶽恒山爲北嶽衡山爲南嶽嵩
 山爲中嶽嵩高大室也即禹貢之外方也初無嶽山之名藏方
 言其四泰山爲東嶽華山爲西嶽恒山爲北嶽衡山爲南嶽嵩
 山鎮有恒有岱有華有衡不言嵩而衡有衡山蓋州都在五嶽
 之外故以衆之吳山爲嶽山此藏方之與虞夏商不同也故曰
 山鎮之有可辨者此也九州澤數在藏方爲虞夏商不同也故
 藏方以州言謂雅以國言也爾雅以吳越有具區卽此澤也
 有雲夢卽此則也鄭有圃田卽此澤也宋有孟諸卽此澤也
 有大野卽此亢也泰有楊紆卽此澤也燕有滹沱卽此澤也

傳稱武王克商光有天下兄弟之國者十有五人姬姓之國者
四十人爵五品而上三等公侯百里伯七十里子男五十里不
滿爲附庸蓋千八百國周室既衰轉相吞滅數百年間列國耗
盡春秋之世見於經傳者總一百二十四國魯晉楚齊秦吳越
宋衛鄭陳蔡邾曹
許呂杞滕薛小邾息隨虞北燕紀巴鄧鄭徐鄭南燕周梁
荀賈凡祭宿鄭原曼針鳩滑鄭襄羅那魏霍祁鄭向偃陽韓
舒庸焦楊夷申容耿康萊弦頓沈殺諱舒庸邱白狄賴脫鼓戎
豐唐潞江鄭權道桓肅欽欽參六遂崇戴冀溫厲項莫氏介巢
盧根牟無終邾邾房秋房鮮虞陸渾桐欒夷戎狄不在其間逮
齊於餘丘須句鄆史任焉商牟鄭極鄭
乎下分地理上配天象所定嚮大總標十二及周之末惟有七
國若夫二百四十二年之中朝會盟聘圖伐滅入孔子筆之於
經丘明公穀發明於傳至今猶想見其處今擬取其尤著者附

大於後舊國引晉地理志云見於經傳者百十七國以夏商時
左傳漢書及春秋論東西周昔我王克商定鼎于郊鄆至武王
營成周周淵水東灋水西而營洛邑是爲王城鄆鄆今河南也
今城之西按北穀水本淵水自後漢更名矣經今城之東洛又
於灋水東下亦吉遷商頑人居之孔安國云將定下都平王因
犬戎之亂自鄆東遷而居王城則東周之始王也至敬王庚子
朝爭立出奔晉定公使魏舒率諸侯之大夫會於狄泉以其地
本成周之城而居恭王按在今洛陽之城東三十餘里故城是
則周之下都也有狄泉在城中然則成
周是王城下之都總號故左氏傳曰襄王居狄泉在王城之東故曰
必大時子朝居王城故曰西王敬王居狄泉在王城之東故曰
至考王封其弟桓公於河南以續周公之官職至孫宣公乃
封少子於鞏號東周惠公王赧立東西周分理又從都西周
齊小白台陵之盟潁川名陵
縣信四葵丘之會開封府考
城縣信九晉平公平丘之會
之盟鄆地信
城濮之師晉欽楚于城濮城濮信二十八晉平公平丘之會
侯于平開宋之盟諸侯之大夫盟于宋澶淵之會爲宋
封府地昭十三楚靈會諸侯于申吳地信四黃池之會吳晉會
黃池地
今之開楚靈會諸侯于申吳地信四黃池之會吳晉會
黃池地
今之開晉取秦于彭衙文二秦取王官及郊晉地信三韓之戰秦義晉侯
韓原
晉地信十五箕之役晉敗狄于箕箕地信三秦取王官及郊晉地信三韓之戰秦義晉侯
韓原
之役晉敗楚師于
統彭城之役晉敗楚師
彭地信六鄆陵之役鄆地信六
楚師鄆地信六鄆陵之役鄆地信六
成元鄆地信六鄆陵之役鄆地信六
聞者今表而出之其餘各標於逐州下開封府首止首止

東陽 成入 **武城** 城 田定十九 **曹州楚丘** 楚丘 隱七 **廩丘** 齊
使營 虜表 **龜陰** 齊歸 龜陰 紅大寬子 成會 桓六防 會于
夾谷 會齊侯于 定十 **中城** 城 九成 **紀郭** 齊代莒國子 紀郭 東昌府清
丘 盟十二 **毛舍** 定八 **桃丘** 會 桃丘 阿澤 孫林父敗鄭侯于
清 遇于 濟 築臺于 秦 威 會于 威 鄆敗晉中行氏 穀
城 教莊 鄆 追齊師至 齊 東平州郕 城會奔 邱取 郭 齊取莊
三十三 會于 閭 陽穀 信三 邾 邾取 邾 邾取 密須
三關 會于 闔 陽穀 信三 邾 邾取 邾 邾取 密須
容名揚州蒲 昭十六 良 晉會吳千三 濟州盧 齊鄭尋 盧
石窮 封司徒文 成二 防門 齊集晉千陸豐 亭 齊伐魯及 遂人
本古輿地圖 中卷 九

元鄧州卷
楚子使季然郭楚國圍
 羽許遽于日豐析析馬起豐襄陽府津楚子大敗于荒谷
羽羽昭十人治父群師因于郢于襄城陳鄉楚莊代陳鄉取湫
莫數繼於荒谷治父治父郢于襄城陳鄉楚莊代陳鄉取湫
楚文王伐武昌府蒲騷鄭人車蒲風陽府襄阜吳于
黃還及一武昌府蒲騷強桓十一風陽府襄阜吳于
 州來吳入鎮江府鳩茲楚子伐吳克廬州鵲岸吳敗楚
五潛吳人殺楚伐使潛潛昭六楚沈鷄父楚敗諸侯之師
蘇州衙山衙山吳至南昌府艾吳公子慶忌漢中府錫穴楚
穴文十潞州壺口壺口齊伐晉壺口晉文公以縣上祁州曲
祇晉爲千申都純陳無字千絲上晉文公以縣上祁州曲
陽鼓子魯殺廣德州桐汭吳及桐汭楚子西子期伐常州棋吳王夫差敗



戰國七王曰秦曰齊曰燕曰楚曰韓曰趙曰魏又有宋衛中山
 不絕如綫其後趙奔中山云 論蘇秦辨六國疆界說燕文侯
 曰燕東有朝鮮遼東北有林胡樓煩西有說趙肅侯曰趙西有
 雲中九原南有滹沱易水地方二千里 說趙肅侯曰趙西有
 有河漳東有滹沱北有燕 說韓惠王曰韓北有鞏成阜之固西有宜
 有燕國地方一千里 說魏襄王曰魏南有鴻溝陳汝南許僂昆陽名陵
 方九百里餘里 說齊宣王曰齊南有清河東有淮泗東有海陽南有
 外有長城之界北有河 說齊宣王曰齊南有清河東有淮泗東有海陽南有
 國也地方說楚威王曰楚南有黔中楚東有雲夢楚西有郢都楚北有
 二十餘里 說楚威王曰楚南有黔中楚東有雲夢楚西有郢都楚北有
 謹按通典初平王時雜邑與宗周也 通東西長南北短長短
 相覆為千里後為諸侯所侵北周之亡七城而已即河南洛陽南
 新城平陰偃師鞏縣氏是也按七邑之境西自今河南洛陽南

自伊闕緱氏東得鞏縣北至于河

謹按周之封城其西得今河南府洛陽偃師東至緱氏鞏縣南得伊闕北至于河其界最狹東南西北纔千里餘

秦伐韓宜陽取六邑志九與晉戰武陽縣陝志十局取我南鄭

三城櫟陽志二初縣蒲監田善明氏志六縣櫟陽志十與魏

戰元里斬首七千取少梁志八衛公孫鞅爲大梁造伐安邑降

之平土城商塞衛鞅圍陽降之志一初取小邑爲三十一縣

城武城志十拔韓宜陽志三魏以陰晉爲和命曰寧秦

魏入少梁河西地于秦志八渡河取汾陰皮氏圍焦降之

圍蒲陽降之魏納上郡志一義渠君爲臣歸衛焦曲沃志九

今古輿地圖 中卷

相張儀將兵取陝志九擊蜀滅之取趙中都西陽安邑志九

侵儀渠得二十五城志一拔宜陽城涉河城武遂志四魏入河

東四百里志十客魏錯擊魏至軹取城大小六十一志十魏納

安邑及河內志二白起擊楚拔郢更東至竟陵以爲南郡志二

秦攻韓取南陽志四秦攻韓取十城志四王鮪鄭安平圍邯鄲

及齧還軍拔新中志五取西周志五蒙驁取城皋榮陽初置三

川郡取東西周志五蒙驁擊趙榆次親城狼益得三十七城志九

王齧擊上黨初置太原郡志五

魏初爲侯志十伐鄭城酸聚志三十二齊伐取襄陽志三十五城

安邑志二分晉志三伐楚取魚陽志三城武都志五取趙皮牢

惠王侵宋黃池宋復取之志六秦取我少梁志七邯鄲降志八

歸道邯鄲志三與秦河西地少梁志七秦取汾陰皮氏志九入

上郡于秦志七秦歸我焦曲沃志八秦取曲沃志十三秦拔我曲

沃志九秦拔我蒲坂晉陽封陵志十六與秦會臨晉復我蒲坂志十三

秦擊我取城大小六十一志七秦拔我新垣曲陽之城志九秦

拔我安城志十三秦拔我南城志十三秦拔我兩城軍大梁城與秦

溫以和志四秦拔我四城志三與秦南陽以和志四秦拔我懷

城志九秦拔我廩丘志十秦拔我二十城志九秦拔我朝歌

韓初爲侯志六秦伐宜陽取六邑志九伐鄭取陽城伐宋到彭

今古輿地圖 中卷

城執宋君志三分晉國志三滅鄭志三宋取我黃池魏取我朱

取鄆志十四秦拔我宜陽志九秦復與我武遂志十六秦取武遂

秦武遂地二百里志九秦拔我城汾勿志九秦拔我城皋榮陽

秦拔我上黨志九秦拔我十二城志九

趙初爲侯志十分晉國志三伐衛取都鄙七十三志三魏敗邯

鄲志三魏歸邯鄲與魏盟漳水上志四城鄆志三秦取我

中都西陽安邑志三秦拔我蘭志三與齊燕共滅中山志五秦

拔我桂陽志三取齊淮北志五秦拔我兩城志三秦拔我石城

關山秦拔我關與趙奢將擊秦大敗之（一）秦拔我三城（二）使廉頗距秦於長平（三）秦拔我狼孟（四）

楚歸榆關于鄭（五）魏取我魚陽（六）城廣陵（七）秦復歸我

上庸（八）秦取我襄城（九）秦取我八城（十）取齊淮北（十一）

與秦漢及上庸地（十二）秦拔鄆西陵（十三）秦拔我郢燒夷陵（十四）

秦拔我至黔中（十五）秦所拔我江旁反秦（十六）秦取我州（十七）

徙於鉅陽（十八）楚滅魯（十九）


燕與秦三晉擊齊燕獨入至臨菑（二十）齊田單拔中陽（二十一）

伐魯取最（二十二）田和始列為諸侯（二十三）伐燕取桑丘（二十四）

公卒田氏遂并齊而有之（二十五）伐魏取觀澤趙取我長城（二十六）


今古史記圖（二十七）中卷（二十八）十五（二十九）

封田嬰子薛（三十）佐趙滅中山（三十一）滅宋（三十二）秦拔我列城九（三十三）



按史記秦始皇立時秦地已并巴蜀漢中越宛有郢置南郡矣
 北收上郡以東有河東太原上黨郡東至滎陽滅二周置三川
 郡五年將軍鶩攻魏定酸棗燕虛長平雍丘山陽城皆拔之
 取二十城初置東郡十七年內史騰攻韓得韓王安盡納其
 地以其地爲郡名曰潁川十九年王翦克虜盡定取趙城東
 陽得趙王引兵欲攻燕屯中山趙公子嘉率其宗數百人之代
 自立爲代王東與燕合兵二十一年王翦取燕薊城燕王東
 收遼東而王之二十二年王賁攻魏引河灌大梁城壞其王
 請降盡取其地二十三年王翦擊荆取陳以南至荆與虜荆
 王二十五年王賁攻燕遼東得燕王喜還攻代虜代王嘉

二十六年王賁從燕南攻齊得齊王建



利爲蜀之北境秦使司馬錯由石牛道伐蜀滅之遂置郡焉

秦自九業傳四十七世至始皇初併天下分置三十六郡三川河東

南陽南郡九江郡會稽郡揚州郡泗水郡東郡琅邪郡齊郡上谷遼陽右北平遼西遼東代郡鉅鹿郡郡上黨太原雲中九

原爲門上郡隴西北地漢中巴郡蜀郡黔郡各領縣縣萬戶以中長沙凡三十五與內史爲三十六郡

上爲令減萬戶爲長平百越又置四郡閩中南海桂林象郡郡置一守一

丞兩尉以典之監侍御史掌監諸郡其地西臨洮而北沙漠東


紫南帶皆臨大海自始皇而下傳凡三世

周平王周遷洛邑以岐豐之地賜秦襄公至孝公作爲咸陽在今

咸陽縣東十五里有故咸陽城是也築冀闕徙都之謂之秦川亦曰關中關中記云東自

西謂弘農郡靈寶縣界西至隴關今隴川濟源縣界二關同謂之關中東至十餘里或曰關中東有函谷南有峽關武關西

有故關北有蕭關在辨蜀國蜀侯國自利州之西南至蜀川與關之中故曰關中



秦兼二周而公諸侯繼之以暴虐諸侯並起豪俊相王山東盛
起之將風颶電激並起而赴之陳涉起陳武臣起趙項梁起吳
田儼起齊沛公起豐韓彭起燕
韓成起韓其餘發飛景附煜雪其間者不可勝數轉相嚮應共
為犄角而公秦族矣羽入關中主盟諸夏陽尊義帝分裂河山
以樹侯王蓋同時受封者十有八王于是楚分為四羽自立為
西楚霸王
香君吳芮為衡山王英布
為九江王共敖為臨江王趙更名常山分為代國趙相張耳為
常山王後趙
王為秦分關中并巴蜀及漢為四
沛公為漢王章邯為秦王司
代王秦分關中并巴蜀及漢為四沛公為漢王章邯為秦王司
代王
齊分為三齊將田都為齊王安為
濟北王布為膠東王燕分為二燕將臧荼為燕王
魏豹為西魏王韓分為二魏豹為西魏王
王戌為韓王申既而田榮
并齊陳餘亂趙趙並并燕日尋干戈靡有寧土漢祖還定三秦

旋收趙魏或平為郡縣或更建諸侯雖經畫異宜然列國封疆大抵皆襲羽故

西楚霸王項籍王九郡都彭城今徐州年十二月四滅籍四年十徙齊

王韓信為楚王衡山王吳芮始故番君都郢今黃州徙王長沙

其故地屬淮南國

臨江王共敖始故楚柱國都江陵今荆州府王敖薨子驩嗣為

王漢虜驩其地屬漢為南郡

九江王英布始故楚將都六今六安州布身降漢地屬項籍是

漢更立布為淮南王

常山王張耳始故楚將王趙地都襄國今順德府耳降漢趙

王歇以陳餘為代王驩成安君十二漢將韓信斬陳餘地屬漢

為太原郡十三漢立張耳為趙王九耳薨諡景王子張敖立

代王趙歇始故趙王都代今大同府代王歇還王趙十八漢滅

歇立張耳為趙王其代地屬漢為郡

臨苗王田都始故齊將都臨苗今青州府田榮擊都都降楚

五榮自立為齊王八項籍擊榮走平原平原民殺之項籍立故

齊王田假為齊王二田榮弟橫及城陽擊假走楚楚殺假三橫

立田榮子廣為齊王二十漢將韓信擊殺廣其地屬漢為郡漢

尋立韓信為齊王十二徙信王楚屬漢南四郡

濟北王田安始故齊將都博陽今東昌府田榮擊殺安地屬齊

膠東王田市始故齊王都即墨今平定州田榮擊殺市地屬齊

漢王王巴蜀都南鄭今漢中府天下平諸侯臣屬漢二月王即皇

帝位於定陶

雍王章邯始故秦將王咸陽以西都廢丘今西安府邯守廢丘

漢國之十漢拔隴西十二漢拔北城五漢殺邯廢丘其地屬漢

為隴西北地郡

塞王司馬欣始故秦將王咸陽以東都櫟陽今西安府欣降

漢國除其地屬漢為河南上郡

翟王董翳始故秦將王上郡都高今鄭州城翳降漢國除其地

屬漢為上郡

今古輿地圖中卷二十三

燕王臧荼始故燕將都薊今燕州茶反漢虜荼更立盧綰為燕

王

遼東王韓廣始故燕王都無終今永平府臧荼擊廣無終滅之

其地屬燕

西魏王魏豹始故魏王河東都平陽今平陽降漢為廢王

三十從漢伐楚二十豹歸叛漢八月漢將韓信虜豹其地屬漢

為河東上黨郡尋復置梁國一立梁相國越越為梁王



殷王司馬卬始故趙將王河內都朝歌今淇縣降漢廢其地為

河內郡屬漢

韓王韓成始故韓將都陽翟今鈞州項羽殺成二十立鄭昌


昔者漢興以秦地太大使置郡國其後開越攘胡土宇彌廣
 改雍曰涼梁曰益又置徐州復禹舊號置交功為交州北有朔
 方後為朔方凡為十三州部刺史司隸并豫兗徐揚而不常所
 理至哀平之際凡新至郡國六十三焉與秦四十合百三縣邑
 千三百十四道三十二侯國二百四十一地東西九千三百二
 里南北萬三千三百六十八里此漢之極盛也 自高祖而下
 傳世凡十有二
 謹按漢史記西南夷君長以十數夜郎滇邛都徙笮都冉駹曰
 最大皆巴蜀西南外蠻夷漢武建元六年唐蒙說上通南夷夜
 郎司馬相如亦言西夷邛笮可置郡後平南夷置牂牁郡冉駹

皆振恐請臣置吏乃以邛都為越嶲郡笮都為沈黎郡冉駹為
 汶山郡廣漢西白馬為武都郡滇為益州郡西南夷為七郡謂
 又晉志始秦惠王滅蜀置郡以張若為蜀守及始皇
 置三十六郡蜀郡之名不改漢初有漢中巴蜀高祖六年分蜀
 置廣漢凡為四郡武帝開西南夷更置犍為牂牁越嶲益州四
 郡凡八郡遂置益州統焉益州蓋始此也 又晉志昔周武王
 封召公於燕及秦滅燕以為漁陽上谷右北平遼西遼東五郡
 漢高帝分上谷置涿郡武帝置十三州幽州依舊名不改其後
 開東邊置玄菟樂浪等郡亦皆屬焉 又晉涼州志云周衰其
 地為狄秦興美陽甘泉宮本匈奴鑄金人祭天之處匈奴既失
 今古輿地圖 中卷 二六
 甘泉又使休屠渾邪王等居涼州之地二王後以地降漢漢置
 張掖酒泉燉煌武威金城謂之河西五郡改周之雍州為涼州
 蓋以地處西方常寒涼也地勢西北斜出南隔西羌西通西域
 斷匈奴右臂 又通典昔漢武置朱崖儋耳二郡昭帝省儋耳
 併朱崖元帝又罷朱崖郡以其阻絕數反云又宋本作珠漢珠
 崖郡也郡在大海中崖岸之邊出與珠故曰珠崖



謹按班固漢書云昔高祖定天下功臣異姓而王者八國張耳
 吳芮彭越黥布臧荼盧綰與兩韓信皆得列土南面稱孤漢五
 年以魏故地封彭越為梁王都定陶今曹州封黥布為淮南王都
 六今六安州九江廬江衡山豫章皆屬焉以長沙豫章象郡桂林南
 海立吳芮為長沙王都臨湘韓王信初都陽翟上後以信壯武
 北近鞏雒南迫宛葉東有淮陽皆天下勁兵處也乃更以太原
 郡為韓國徙信以備胡都晉陽今太原韓信初王其後徙封楚王
 都下邳今徐州下邳縣按本傳不載所封地據楚元王傳信以及誅分
 其地為二一以封荆王一以封楚張耳王趙都襄國今邢縣臧荼
 王燕薊皆如故帝後以盧綰從征荼有功因以燕地封之

又張良說漢高帝曰今能取睢陽以北至穀城以王彭越從陳
 以東傳海與齊王信即楚易破也 黥布反薛公策之曰使布
 出於上計山東非漢之有也東取吳西取楚併齊取出於中計
 勝負之數未可知也東取吳西取楚併齊取出於下計陛下
 高枕而臥無事矣東取吳西取楚併齊取然布故驪山之徒慮不
 及後必出下計後平布果如薛公之揣



謹按漢史高祖六年既廢韓信分其地為二國以東陽郡郡都
 吳郡五十二縣立劉賈為荆王後以荆地封吳王濞更以廣陵
 國屬吳按濞本傳吳又有豫章之地文韻注東陽今下邳郡以
 碭郡薛郡剡郡三十六縣立交為楚王至孫戊嗣國文韻注薛
 封郡今東海郡孝文時分故齊地以膠東封雄渠
 陽都秦之郡也漢北海郡
 以淄川封賢淄川漢北海郡
 以濟南封辟光濟南漢濟南郡
 地封幽王子遂為王本傳不載所封地按諸侯王表後分趙為
 文帝割河間以餘地六即趙國平原真定中山廣川河間是也
 封遂五國即其地也景帝聽晁錯刻削之計以過削楚東海
 削趙常山方議削吳而吳王連七國之兵西向京師七國蓋吳

王濞楚王戊趙王遂及膠東等四齊王景帝遣周亞夫將兵擊之亞夫問計於鄧都尉對曰吳楚兵銳難與爭鋒方今莫若引兵東北壁昌邑以梁委吳使輕兵絕淮泗口塞吳糧道破之必矣趙涉又遮說曰吳王素驍死士久矣此知將軍行必置人於殺繩隄塞之間且兵事上神密將軍何不從此右去走藍田出武關抵雒陽間不過差一二日直入武庫擊鳴鼓諸侯聞之以爲將軍從天而下也亞夫從其計會兵滎陽以梁委吳吳楚兵果先擊梁棘壁梁孝王城守睢陽吳楚以梁爲恨不敢過而西與亞夫相拒三月而吳破初吳王舉兵田祿伯說王請兵別循江淮上上收淮南長沙入武關將軍亦請直疾西據雒陽武庫

今古輿地圖

中卷


三十一

食敖倉粟阻山河之險雖無入關天下以定矣吳王不從是以至於敗淮南王亦曰吳何之及漢將一日過成皐者四十人言其不能塞成皐口而令漢將得出是不知計也

今古輿地圖

中卷

三十一



班固諸侯王表序曰漢興之初海內新定同姓寡少懲戒以秦
 孤立之敗於是倍裂疆宇二等之爵項羽曰漢封功臣功臣侯
 者百有餘邑尊王子弟大啓九國師古曰九國之數在下也自鴈門以東盡
 遼陽爲燕代師古曰遼陽遼水之陽也常山以南大行左轉渡河濟漸于海
 爲齊趙師古曰大行山名也左轉亦謂自穀泗以往奄有龜蒙
 爲梁楚師古曰水經去泗水出縣汴縣臣瓚曰穀在彭城東帝
 江湖海會稽爲荆吳文穎曰即今吳也高帝六年爲荆國十
 界淮潁畧廬衡爲淮南師古曰潁水也波漢之陽巨九嶷爲
 長沙孟康曰巨竟也師古曰波漢之陽者南陽之陽諸侯比境
 周市三垂外接胡越師古曰比謂接後次也三垂謂北東南也天子自有三河東郡

潁川南陽師古曰三河河南內也自江陵以西至巴蜀北自雲中至隴

西與京師內史凡十五郡公主列侯顯色其中師古曰十五郡中又往往有列

侯公主之邑而藩國大者跨州兼郡連城數十宮室百官同制京師

可謂稱枉過其正矣師古曰稱與稱同枉曲也正曲曰矯言矯泰孤立之敗而大封子弟過於強盛有失

也雖然高祖創業日不暇給孝惠享國又淺高后女主攝位而

海內晏如師古曰晏如安然也亡狂狡之憂卒折諸呂之難成大宗之業

者亦賴之於諸侯也然諸侯辱本以大末流濫以致溢小者注

流越溢大者睽孤橫逆以害身害國師古曰睽孤見豕負塗睽孤爭

刺之故文帝來賈生之議分齊趙景帝用晁錯之計削吳楚武

帝施主父之策下推恩之令使諸侯王得分戶邑以封子弟不

今古輿地圖甲卷三十四

行黜陟而藩國自析自此以來齊分爲七師古曰謂齊陽城濟北濟南淄川膠西膠


東是趙分爲六師古曰謂趙平原真梁分爲五師古曰謂梁濟

也淮南分爲三師古曰謂淮南衡山廬江皇子始立者大國不過十餘城長



沙燕代雖舊名皆亡南北邊矣如淳曰長沙之南更置郡燕代以北更置緣邊郡其所有饒利

兵馬器械三

國皆失之也




光武內平諸侯未遑外事而匈奴數使北邊建武二十二年匈奴飢疫死耗分爲南北單于其南單于款塞願永爲藩蔽還無北狄人居雲中後又移居美稷和帝時北單于爲竇憲破滅安帝時南單于屢被鮮卑侵掠靈獻之際轉又挫傷至魏武遂分爲五部初竇憲擊北單于遁走詔者尚十餘萬鮮卑因此據其地而有其人由此漸盛桓帝時檀石槐南抄緣邊北掠丁零東却夫餘西擊烏孫盡據匈奴故地分其地爲三部東接夫餘濊貊二十餘邑爲東部從右北平以西至上谷十餘邑爲中部從上谷以西至燉煌接烏孫二十餘邑爲西部後爲小種鮮卑輔北能所滅



後漢光武名秀字文叔南陽蔡陽人高祖九世孫景帝之後也
 初光武以官多役煩乃併省郡國十縣道侯四百餘所其後亦
 爲十三州部刺史漸復加置郡國至於靈獻凡百有五焉縣道
 侯國千一百八十八和帝永興初有縣三十六百東樂浪西燉煌
 南日南北鴈門西南永昌四腹之盛亦如前漢都洛陽傳世凡
 十有三

司隸河南河內河東弘農京兆潁川汝南梁國濟南陳留
 冀州魏郡鉅鹿常山中山安平清河間清兗州陳留東郡東平
 青州北海東萊南陽揚州九江丹陽
 徐州彭越荊州南陽南郡江夏桂陽武陵長沙



吳郡豫章 治 益州 漢中巴郡廣漢蜀郡犍爲梓潼越
 廣陽武都金城安定北地武威張 并州 上黨太原上郡西河五
 拔酒泉靈 治 幽州 遼西遼東玄菟樂浪 治 交州 南海
 南 治 交州 九真 治 交州 九真 治 交州 九真 治 交州 九真
 次具在辰次分野圖





謹按陳壽國志魏據中原傳世五都洛有州十三司隸荆河兗
 青徐涼秦冀幽并揚雍分涼州置秦州治上邽今秦州楊治肅
 今襄陽涼治有郡國六十八東自廣陵黃帝黃初六年魏征幸
 武威今涼州有郡國六十八東自廣陵黃帝黃初六年魏征幸
 遠屯江都齊王嘉平壽春母丘儉諸葛合肥明帝青龍元年滿
 段熲吳郡楊州壽春母丘儉諸葛合肥明帝青龍元年滿
 十里築新城吳軍頻攻不拔即今壽州故魏明帝云先帝東盟
 今肥南嶺襄陽西因祁山賊來數敗于三城之下費地有所以
 爭是也
 也
 龍命將守襄陽是安上十四年公孫晃守重兵以備吳江之
 之今黃州襄陽之將孫權遣數西自隴西通渭縣南安京府
 千家人居青龍之中孫權遣數西自隴西通渭縣南安京府
 通渭縣將王嘉平五年蜀將姜祁山明帝太和二年蜀將諸葛
 維來伐攻陳西前北皆不克祁山亮攻祁山城不拔今平京
 府城漢陽四帝青龍二年蜀將諸葛亮陳倉蜀將破夏侯惇才

於漢中遂令張郃守陳倉太和二年諸葛亮以數萬人攻陳倉
將軍都督以千人守之二十餘日不拔在今縣東北十五里故城是
業傳世西北據江南盡海置交治龍編今廣張龍編治南
州府今治江夏縣治建業今五州有郡四十三以建平
自孫權黃武初孫權先主後得之孫皓天紀四年西陵建安二
年孫權先主東還破之後步關陸抗並鎮焉即今夷陵州是也
樂都吳孫皓建武三年陸抗所築東鄰城後宋魯之成焉
今荆州府南郡自建安末蜀將糜芳來降遂討之孫皓風
杜元凱赴於此巴丘建安十九年魯肅孫皓實元夏口十三
年孫權征黃祖克之後遂置兵鎮孫皓天紀元年孫武昌
守之及晉平吳將軍胡奮赴於此即今武昌府武昌
今古輿地圖中卷一
元年城武昌陸遜諸葛修鎮牛及晉皖城建安十九年孫權克
平吳將軍王武赴於此即今武昌府之赤易四年諸葛恪
也此今牛塘圻孫皓天紀末何植鎮守晉平吳大將王濬須場
安慶府十七年築後曹公孫東攻不為重鎮後得河口孫權
克在今歷陽縣西南八百里為重鎮後得河口孫權
葛瑾郢城赤烏四年陸遜常以三萬兵戍之今齊廣陵孫亮建
也守郢城黃州府東西界臨江與武昌府相對廣陵興三年
衛尉府自孫權破曹操於赤壁之後時劉璋牧益州周瑜請
于權曰乞與齊威俱進取蜀得蜀而并張魯還與將軍據襄陽
以蹙操北方可圖也蜀都城傳世二置益治成都人梁治漢
中府有郡二十以漢中建安末破魏將夏侯妙才後遂有漢川
即今白帝先主章武元年也之遂為重鎮後主建興興勢後主
七年將軍王平之魏大將軍為重鎮諸葛亮說先主曰天下

有繼命一上將將荆州之眾以向宛洛將軍身率益州之眾出
於秦川則霸業可成漢室可興後主五年抗表出師北定中原
六年由斜谷道北口曰斜取郿遂據斜谷利攻祁山南安天水安定
三郡叛魏應亮關中響應冬出散關圍陳倉七年敗陳倉平五都陰平
二郡十一年出斜谷據武功五丈原與馬超對壘渭南魏延言
於亮請精兵五千直從褒中南口曰褒出循秦嶺在今藍田東南而東當子午
與而北不過十日可到長安而公從斜谷來則一舉咸陽以西可定矣
亮以為此懸危不如安從坦道可以平取虜右不用其計後主時將
亮為以亮數說秦川道險運糧卒不能克若不若乘水東下乃多作舟船
欲由漢沔襲魏與上庸眾謂知不克亮遂路其難計卒不行







西晉世祖武帝名炎姓司馬氏魏司馬晉王昭之子宣王懿之三
 世孫也都于洛陽傳世凡四有州百五十有六縣千一百有
 九至惠帝時劉元海據并州稱漢李特據成都稱蜀張軌據瓜
 沙樹前涼云自武帝太康元年平吳分天下為十九州部置司
 州河南榮陽弘農上谷平陽河東汲郡河
 內廣平陽平魏郡丘理洛陽今河南府
 濟北泰山理康丘宋漢州汝南頓川汝陰襄城梁國沛國
 陽都雷澤縣在今濮州豫州郡都安豐大陽理項城今陳州
 項城縣
 冀州鉅鹿趙西平原安平勃海樂陵章武河間高
 唐國安平北平上谷廣寧代郡遼平昌黎遼東樂浪玄菟
 西折與朱州范陽縣今涿州平州方望昌黎遼東樂浪玄菟
 昌黎平州太原上黨西河樂平馬門雍州馮翊京兆扶風安定
 北平永興軍涼州金城武威張掖酒泉北地始平鎮平理京
 今西安府


五

聖上封今 梁州 梓潼漢中新都廣漢巴郡治 益州 劍閣蜀郡
 秦州 岐山巴東巴西西理南鄭今漢中府 青州 東萊南陽
 永提越萬縣 河 寧州 理雲南今姚安府 永昌 東萊南陽
 理成都今府 下 郫東海理雲南今姚安府 永昌 東萊南陽
 溫今 徐州 下 郫東海理雲南今姚安府 永昌 東萊南陽
 建平立都南平武陵天門長沙街陽湘東零陵郡 揚州 臨淮
 杜陽武昌定城初理雲南今姚安府 永昌 東萊南陽
 江陵武昌定城初理雲南今姚安府 永昌 東萊南陽
 交趾新昌武平九真九廣州 臨賀南陽始安始興蒼梧鬱林
 德日南理龍編今安南 林高涼高與寧滿理番禺今廣州
 凡十九州此依本志定外餘朔方夏 晉興河 晉壽利 寧
 蜀 北海 仇池 成 晉熙 彭城 徐 西陽 黃 永
 嘉 溫 竟陵 河 新會 義安 初 晉康 封 龍 新寧 十五
 都見於通典今各附於遂州下 又按通典云分三輔為雍
 今古地理圖 中卷 四六
 分隴山之西為秦分巴蜀之地為梁 分雲南為寧 分遠東
 為平 分合浦之北為廣又增置郡國二十有二



東晉元帝為字景文姓司馬氏西晉宣帝懿之曾孫瑯琊恭王
 觀之子武帝之族弟也劉聰既弑愍帝元帝即位遷都建康號
 曰東晉傳世凡十有一爰自永嘉南渡境宇狹禹貢九州之
 地僅有其二元帝初命祖逖鎮雍丘史武初逃北伐便屯逃死
 北境漸感大鎮於是荆豫自淮北今汝寧府青兗四州今萊
 登州府密縣等州府及徐州之半今徐州府陷徐曜石勒以合
 肥黃若思淮陰劉壽陽祖約鎮守後右陷於石勒泗口劉
 即今泗水安帝義熙中置為重鎮成帝時鄭守將退屯襄陽
 州縣亦在府界角城亦在府界為重鎮成帝時鄭守將退屯襄陽
 襄陽初魏諸地為劉曜所過而退守襄陽後亦陷之
 勸帝復之東晉末帝皆鎮于此又為持堅將將不所陷尋復之
 即今襄陽穆帝時平蜀漢永和三年桓溫復梁益之地梁州則漢

川又遣軍西伐入關至灊上十年桓溫討苻健於今西再北伐
 一至洛陽永和十二年溫討慕容暍破一至枋頭
 敗通今衛所得郡縣軍旋又失洧符堅東平慕容暉西南陷蜀漢西北
 克姑臧今陝西行都司涼州則漢水長淮以北悉為堅有及堅敗再
 復梁九年將郭益州刺史李平徐兗荆河內之地其後青
 奔陷於慕容德安帝隆安三年德據之殺南州刺史荆河司陷於姚興
 三以彭城為北境後梁益又陷於譙縱每因劉石符姚
 衰亂之際則進兵屯戍在於漢中襄陽彭城然大抵上明今荆州府江陵
 江口武昌合肥壽陽淮陰常為晉氏鎮守其刺史所治皆置州兵雖有
 義熙以後又復青兗司荆河梁益之地而政移於宋矣



宋高祖武帝劉裕字德輿漢楚元王二十一世孫都建康傳世
 凡八世武帝北平廣固晉安帝義康六年平慕容超得西定梁
 益九年宋徽又克長安十三年魏盡得河南之地長安尋為赫
 連勃勃所陷至廢帝景和中武年西復陷後魏今大較以武孝
 大明為正凡二十有二州揚理建業今府南徐理京口今鎮江
 縣徐理彭城今徐南充理廣陵今揚充理瑕丘今交南豫理歷
 陽今和豫理汝南今汝寧府江理潯陽今九青理臨淄今濟
 南府今豫後治廣固後又冀理歷城司理義陽今信荆理南郡今
 移治臨淄今青州縣府郢理江夏今武昌湘理臨湘今長雍理襄陽今襄陽府梁理南
 府今漢中秦亦理南鄭益理成都今府寧理建寧今雲廣理南

海今廣交理龍編今安越理臨彰今康州府自東晉成帝中原

同僑立州郡以撫其民中開漢有康置縣合非郡凡二百三十

一不能詳制為其其所治經久者他皆類此

八縣千一百七十九 初文帝元嘉中遣將北伐水軍入河克

魏碭今清滑臺今清武牢今汜洛陽今故洛四城其後又失

又分軍北伐西軍克弘農開方二城道唐以東攻滑臺不克而

平碭碭守之尋皆敗退元嘉二十七年王元謀於滑臺敗歸時

歸於是後魏太武總師經彭城臨江也於灰步今揚州退攻肝

貽不拔而還二月不拔今陳州明帝時後魏又南伐淮北青

冀徐兗四州及荊河州西境悉陷沒太始二年徐州刺史南安

北境僑徐兗於淮南淮陰立兗州魏離今徐州立青冀二州寄

理今淮其後十餘年而宋亡然初魏盛也南鄭襄陽垂

東陽元嘉二十六年後魏主太武幸兵攻圍汝南太守彭城歷城

東陽元嘉二十六年後魏主太武幸兵攻圍汝南太守彭城歷城

東陽元嘉二十六年後魏主太武幸兵攻圍汝南太守彭城歷城


東陽元嘉二十六年後魏主太武幸兵攻圍汝南太守彭城歷城

東陽元嘉二十六年後魏主太武幸兵攻圍汝南太守彭城歷城



東陽元嘉二十六年後魏主太武幸兵攻圍汝南太守彭城歷城

東陽元嘉二十六年後魏主太武幸兵攻圍汝南太守彭城歷城

東陽元嘉二十六年後魏主太武幸兵攻圍汝南太守彭城歷城




南齊太祖高帝蕭道成字紹伯漢相何二十四世孫都建康傳
 凡七世南齊淮北之地所有絕少青州理朐山今商冀理渦口
 州今泗荆河理壽春今壽北徐理鍾離今鳳陽又置巴東理巴今夔州
 其餘州郡悉因前代州凡二十有二郡三百九十五縣千四百
 七十四其後頻為後魏所侵至東晉元末物河以北諸郡相繼敗
 沒今鄆州又遣軍北伐敗於馬圈屯盆城今馬圈城去襄陽三
 四十餘日不返魏又失壽春後三年齊始全盛也南鄭今
 師至敗還在今鎮江又失壽春後三年齊始全盛也南鄭今
 中樂城今襄陽縣襄陽義陽壽春高帝又建元崇祖鎮謂曰兵
 王肅以師二十淮陰角城明帝初後魏前使漣口朐山悉為重
 鎮王肅敗而還




今古異名
 梁高祖武帝蕭衍字叔達父順之齊高帝族弟都建康傳世凡
 四時梁州郡多沿舊制天監中有州二十有郡三百五十縣千
 二百有五其後更有析置大同中州十有七郡縣亦稱此初武
 帝受禪數年即失漢川及淮西之地入監三年梁州刺史夏侯
 道遷以本部叛降後魏自
 破將軍馬仙理於義陽失地其後諸將頻年與魏軍交戰于
 淮南淮北互有勝負雖得鄆城俄而又失又克壽春大通初大
 舉北伐淮北城鎮相次克平直至洛陽漸為梁又其後諸將又
 復漢中大同中將爾欽克之自天監二至侯景東魏以河南地
 降逆亂相尋有名無實及景平後江北之地悉陷高齊漢川蜀
 川沒于西魏太清初侯景以十三州來降旋為東魏將慕容紹
 宗所敗二年景舉兵反圖突厥隋之及景平後元

市承聖初齊將羊術討伐盡獲淮南江北之地得傳國璽反于 齊三年西魏將達奚武陷漢川魏通蜀官蜀川其漢川經九年 復大抵雍州 <small>今襄陽府</small> 下涇成 <small>漢東</small> 夏口 <small>今武昌</small> 白狗堆 <small>今汝縣</small> 碭石 城 <small>今潁川</small> 合肥鍾離淮陰朐山為重鎮 <small>天監三年朐城王榮廢 宗以角城十一年東兗太</small>	山 <small>今劇縣</small> 以明 金降入魏							史 170—677
--	---------------------------------	--	--	--	--	--	--	-----------




陳高祖武帝陳霸先字興國吳興下若里人都建康傳世凡五
 陳氏土宇彌廣於梁西不得梁漢北失淮肥以長江為境文帝太
 初湘川之地為同軍所限二年侯景克平有州四十有二地轉
 之今澧州常德府長沙府衡州府之地也
 郡百有九縣四百三十有八宣帝太建中頻年北伐諸將
 累捷盡復淮南之地吳將明徹於壽春更經累淮北大破齊軍
 於呂梁及旋師屬高齊又總軍北伐至呂梁周軍來拒又大
 破之自太建五年北伐七年破齊軍九年又破旋為周軍所敗
 悉虜其眾將王軌來伐明徹退師梁士彥悉得梁淮北城鎮下邳自是江北
 之地盡入於周復以長江為界十二年周大將司馬消難以注
 新野及隋軍來伐遣將守狼尾灘後主預明三年成敗荆門
 守之今夷陵州界

將仲廣安蜀城將顯覺鎮之公安將陳紀鎮之巴陵以下金風
 廣退信州道大總管清河公楊素自岐中舟師東隋軍自採
 石虎隋之京口賀若弼渡江而平之



後魏太祖道武帝姓拓拔氏名珪代王什翼犍平之孫也都雲
 中傳世十有四後魏起自北方至道武率兵下山東攻拔慕容
 寶中山今定遂有河北之地於是遷都平城今朔州東畧地至于滑
 臺許昌今許明帝元年始於滑臺許昌置兵鎮守道武大興中
 滑臺許昌等不能守至是始有之太武帝時又得蒲坂今蒲州長安統萬始光中
 赫連昌克蒲坂及長安又克統萬後遂元嘉中宋師來伐碣磔
 今濟南滑臺武牢今河南府成將皆不守尋並復之元嘉三年
 之王仲龍等附滑臺武牢洛陽宋將劉彥
 遣安頌叔孫建等擊敗走之太延以後東平遼東西平姑臧
 西伐沮渠並滅之於是西至流沙東接高麗所未得者漢中
 及高陽垂嶽彭城青州之南而已其後帝自南征遂臨瓜步宋

之淮北鎮守將多有陷沒太平真君十一年因宋將王元謨宋
 襄城而走宋師至滑臺獻文大安初自河之南長淮之北皆為
 魏有孝文遷都洛陽頻歲親征皆渡淮太和二十年屯八公
 城宣武初又得壽春景明初齊將裴叔業以壽春來降續收漢
 川至於劔閣兼得淮西之地正始初梁將夏侯道還以漢中降
 有其地永安初因爾朱榮害胡太后莊帝時梁軍洛陽數旬敗走
 魏主其後內難相繼不服外畧至孝武入關遇酖魏遂分爲東
 西凡有州一百一十有一郡五百十有九縣千三百五十有二
 南齊時有侵掠然亦不能據有故魏之城鎮少被攻圍因利進
 取不常所守也



北齊顯祖文宣帝高洋東魏渤海王歡之第二子也都鄴傳世
 凡七初北齊神武東魏天平末大舉西伐至蒲津關帝天平四年三
 依西魏齊神武自總大衆至蒲津齊衆自風陵渡河至潼關高
 敖曹入武門陷上洛以秦軍敗漢金旋師風陵在潼關北岸相
 對西魏乘勝攻陷陝州周文帝率李弼等東征下陝州神武西至
 沙苑其年冬大敗而西軍又陷洛陽西魏將獨孤明帝時西師
 又至於河陰今洛陽縣北時拒守河陽城永樂守南城即今城後周
 文帝親西師敗歸大衆元年周文帝親征敗還如願其後神武
 攻圍西魏玉壁不克興元四年西魏將王思政西師來伐至北邙
 山武定初周文帝親征神武後神武又圍玉壁不克武定四年西
 之文襄遣將圖頽州拔之自武定五年冬攻圍於是河南自洛

將畧地南至于江矣天保二年侯景亂梁遣千衛南討遂得傳國璽又過江得梁夏口後二國通和族

武城河清中築戍於軹關河海二年遺斛律光築之今河南府濟原界其年周軍

至洛陽敗還肅公讓將軍楊後主武平中陳軍來侵盡失淮

南之地王十來侵淮南城鎮皆不守諸將累敗王十周師攻拔河陰大城

有疾班師幼主崇化未西師攻拔晉州因之國滅
今彰德府

自東西魏之後梁陳有江東宇文有關西高氏據河北有州六

一林十郡百一鼎三百一林五常齊而立之耶臭周文帝
 統敘廿三四年開元四出師大舉西伐周師東討首二焉 畧舉

武周文帝統師親征
諸將敗績則不絕祀
自文宣後纔守境而已
大抵西則姚襄成
拔固二三回至月人
以爲兩作月自更言
至三兩齊神

今古輿地圖 中卷 六二

今吉州西城鄉所築西臨黃河控帶龍門之險周齊交爭之地役主武平三年大將斛律光破周兵於城建立鎮焉 洪

師既克晉州其城主張元靜以城降周
晉州武平關三關並今

平霖界 **杆崖** 今河清縣西 **軹關** 河陽南則 **武陽** **洛陽** 北 **荊州** 今
津縣東北 **上方戕** 今伊開縣東 **女冢** 卽今南陽府 **桑戎** 今汝寧

北
置
兵
以
方
固
寇
自
洛
陽
之
南
襄
城
汝
及
東
而
斐
夫
故
家
之
司


置兵以周完陰汝南以北昔齊有乃陽邱修軔藝彥已南

大正六年三月二十一日

1997-1998, 1999-2000, 2001-2002, 2003-2004, 2005-2006, 2007-2008, 2009-2010, 2011-2012, 2013-2014, 2015-2016, 2017-2018, 2019-2020, 2021-2022, 2023-2024, 2025-2026, 2027-2028, 2029-2030, 2031-2032, 2033-2034, 2035-2036, 2037-2038, 2039-2040, 2041-2042, 2043-2044, 2045-2046, 2047-2048, 2049-2050, 2051-2052, 2053-2054, 2055-2056, 2057-2058, 2059-2060, 2061-2062, 2063-2064, 2065-2066, 2067-2068, 2069-2070, 2071-2072, 2073-2074, 2075-2076, 2077-2078, 2079-2080, 2081-2082, 2083-2084, 2085-2086, 2087-2088, 2089-2090, 2091-2092, 2093-2094, 2095-2096, 2097-2098, 2099-2100, 2101-2102, 2103-2104, 2105-2106, 2107-2108, 2109-2110, 2111-2112, 2113-2114, 2115-2116, 2117-2118, 2119-2120, 2121-2122, 2123-2124, 2125-2126, 2127-2128, 2129-2130, 2131-2132, 2133-2134, 2135-2136, 2137-2138, 2139-2140, 2141-2142, 2143-2144, 2145-2146, 2147-2148, 2149-2150, 2151-2152, 2153-2154, 2155-2156, 2157-2158, 2159-2160, 2161-2162, 2163-2164, 2165-2166, 2167-2168, 2169-2170, 2171-2172, 2173-2174, 2175-2176, 2177-2178, 2179-2180, 2181-2182, 2183-2184, 2185-2186, 2187-2188, 2189-2190, 2191-2192, 2193-2194, 2195-2196, 2197-2198, 2199-2200, 2201-2202, 2203-2204, 2205-2206, 2207-2208, 2209-2210, 2211-2212, 2213-2214, 2215-2216, 2217-2218, 2219-2220, 2221-2222, 2223-2224, 2225-2226, 2227-2228, 2229-2230, 2231-2232, 2233-2234, 2235-2236, 2237-2238, 2239-2240, 2241-2242, 2243-2244, 2245-2246, 2247-2248, 2249-2250, 2251-2252, 2253-2254, 2255-2256, 2257-2258, 2259-2260, 2261-2262, 2263-2264, 2265-2266, 2267-2268, 2269-2270, 2271-2272, 2273-2274, 2275-2276, 2277-2278, 2279-2280, 2281-2282, 2283-2284, 2285-2286, 2287-2288, 2289-2290, 2291-2292, 2293-2294, 2295-2296, 2297-2298, 2299-2300, 2301-2302, 2303-2304, 2305-2306, 2307-2308, 2309-2310, 2311-2312, 2313-2314, 2315-2316, 2317-2318, 2319-2320, 2321-2322, 2323-2324, 2325-2326, 2327-2328, 2329-2330, 2331-2332, 2333-2334, 2335-2336, 2337-2338, 2339-2340, 2341-2342, 2343-2344, 2345-2346, 2347-2348, 2349-2350, 2351-2352, 2353-2354, 2355-2356, 2357-2358, 2359-2360, 2361-2362, 2363-2364, 2365-2366, 2367-2368, 2369-2370, 2371-2372, 2373-2374, 2375-2376, 2377-2378, 2379-2380, 2381-2382, 2383-2384, 2385-2386, 2387-2388, 2389-2390, 2391-2392, 2393-2394, 2395-2396, 2397-2398, 2399-2400, 2401-2402, 2403-2404, 2405-2406, 2407-2408, 2409-2410, 2411-2412, 2413-2414, 2415-2416, 2417-2418, 2419-2420, 2421-2422, 2423-2424, 2425-2426, 2427-2428, 2429-2430, 2431-2432, 2433-2434, 2435-2436, 2437-2438, 2439-2440, 2441-2442, 2443-2444, 2445-2446, 2447-2448, 2449-2450, 2451-2452, 2453-2454, 2455-2456, 2457-2458, 2459-2460, 2461-2462, 2463-2464, 2465-2466, 2467-2468, 2469-2470, 2471-2472, 2473-2474, 2475-2476, 2477-2478, 2479-2480, 2481-2482, 2483-2484, 2485-2486, 2487-2488, 2489-2490, 2491-2492, 2493-2494, 2495-2496, 2497-2498, 2499-2500, 2501-2502, 2503-2504, 2505-2506, 2507-2508, 2509-2510, 2511-2512, 2513-2514, 2515-2516, 2517-2518, 2519-2520, 2521-2522, 2523-2524, 2525-2526, 2527-2528, 2529-2530, 2531-2532, 2533-2534, 2535-2536, 2537-2538, 2539-2540, 2541-2542, 2543-2544, 2545-2546, 2547-2548, 2549-2550, 2551-2552, 2553-2554, 2555-2556, 2557-2558, 2559-2560, 2561-2562, 2563-2564, 2565-2566, 2567-2568, 2569-2570, 2571-2572, 2573-2574, 2575-2576, 2577-2578, 2579-2580, 2581-2582, 2583-2584, 2585-2586, 2587-2588, 2589-2590, 2591-2592, 2593-2594, 2595-2596, 2597-2598, 2599-2600, 2601-2602, 2603-2604, 2605-2606, 2607-2608, 2609-2610, 2611-2612, 2613-2614, 2615-2616, 2617-2618, 2619-2620, 2621-2622, 2623-2624, 2625-2626, 2627-2628, 2629-2630, 2631-2632, 2633-2634, 2635-2636, 2637-2638, 2639-2640, 2641-2642, 2643-2644, 2645-2646, 2647-2648, 2649-2650, 2651-2652, 2653-2654, 2655-2656, 2657-2658, 2659-2660, 2661-2662, 2663-2664, 2665-2666, 2667-2668, 2669-2670, 2671-2672, 2673-2674, 2675-2676, 2677-2678, 2679-2680, 2681-2682, 2683-2684, 2685-2686, 2687-2688, 2689-2690, 2691-2692, 2693-2694, 2695-2696, 2697-2698, 2699-2700, 2701-2702, 2703-2704, 2705-2706, 2707-2708, 2709-2710, 2711-2712, 2713-2714, 2715-2716, 2717-2718, 2719-2720, 2721-2722, 2723-2724, 2725-2726, 2727-2728, 2729-2730, 2731-2732, 2733-2734, 2735-2736, 2737-2738, 2739-2740, 27


[illegible]

[illegible]



後周孝閔帝宇文覺都關中傳世五初周文帝世魏大統中東
 魏師至蒲津文帝大統二年齊神武親征至蒲津以實難死退軍文帝東征克陝州蕪得
 宜都郡郢州今縣東師至沙苑其年冬齊神武親征大敗後文帝東
 征至河陰先勝後敗大統四年殺魏將高敖曹也築成於玉壁大統八年齊神武攻圍不克至十二年齊孝文帝又至邙山先勝後敗
 齊神武攻圍不克至十二年齊孝文帝又至邙山先勝後敗
 寬字之齊神武又攻圍六旬不克
 九得梁雍州十六年梁雍州刺史廢帝初克平漢中梁侯景遣
 年得梁雍州岳陽王啓率州內附廢帝初克平漢中梁侯景遣
 武克又遣軍平蜀將尉遲文帝西征至姑臧後又平江陵齊王
 元勳干諱自是強場西有姑臧西南有全蜀南至江矣明
 之殺梁元帝帝自是強場西有姑臧西南有全蜀南至江矣明
 武成二年將領若敦克陳州之地三其河南自洛陽之東之
 年失之今澧州常德府長沙衡州等地
 北河東自平陽之界屬於高齊至武帝建德中東征拔齊晉州

尋又東征破齊師於晉州城下建德五年攻齊後至齊元魏破陳陳軍於呂梁明徽悉其眾也
 六年又破乘勝平齊後遣軍破陳軍於呂梁齊後主軍
 其東南之境盡于長沙通計州二百一十一郡五百八縣十二
 十四 後周當全盛戰爭之際則玉壁初王思政守後周韋孝寬洛通防故函關或武帝置
 州邵郡齊子領今王壁縣東二十里開濟分界處
 東黃櫨三成今永寧縣北宜陽郡南陝縣土剋今陝州三荆州今荊州
 定北荆州今即伊陽縣東後改名三鴟鎮今汝州
 淮州今南陽府唐縣荆州今鄧州南陽今鄧州南陽
 高置兵以備東軍



自三代以

前爲九州兩漢加置十三州晉宋之後分拆漸多至于魏齊後周推訓據而立天下分裂其於州部乃陪兩漢之末魏氏以官人弊因而省併諸郡而以州治人名自九載廓定江表尋以

戶口滋多析置州縣煬帝大業初移洛陽城即今城又平林邑更

置三州既而併省諸州三年改州爲郡乃置司隸刺史分部巡

察本史不載所分領州郡五年平定吐谷渾更置四部大凡郡百九十縣

千二百五十五東西九千三百里南北萬四千八百一十五里

東南皆至海西至且末隋氏西境唯得今少以東北至中原即唐九原宋豐州二州故

隋氏北境
隋氏之盛極於此矣

· 11 ·


附錄一 集部

100

1.

史 170—685

This image shows a single sheet of white paper with horizontal blue or grey ruling lines. The lines are evenly spaced and run across the width of the page. There is no handwriting or printed text on the paper. The edges of the paper appear slightly worn, and there's a dark border around it, possibly from a scanner or a book binding.




唐武德初改郡爲州太守爲刺史其邊鎮及襟帶之地置總管府以領軍戎至七年改總管府爲都督府自因隋季分割州府倍多前代貞觀初并省州縣又因山川形便分爲十道一曰關內二曰河南三曰河東四曰河北五曰山南六曰隴右七曰淮南八曰江南九曰劍南十曰嶺南至十三年定簿凡州府三百五十八縣一千五百五十一明年平高邑又增州二縣六其後北虜突厥頡利西平高昌北踰陰山西抵大漠其地東極海西至焉耆南盡林州南境北接薛延陀界東西九千五百一十一里南北一萬六千九百一十八里高宗平高麗百濟得海東數千里旋爲新羅靺鞨所侵失之又開四鎮拓數千里于開疎勒龜

相魏博德棣七州之南境太行在懷州北恒其名山有林慮白
山在定州西滹陽在平州東蔚州在山州北其名山有林慮白
鹿封龍井陘礪石之山恒嶽在焉北封龍趙州西井陘在衛州
西礪石在營州東恒山其大川有漳淇濟沱之水歷相洛那美
北岳在定州恒陽縣其大川有漳淇濟沱之水歷相洛那美
沁入海淇水出衛州與清水合歷魏具衛洛四遠夷則控突丹
州與漳水合濟沱在定州二州界亦與漳水合遠夷則控突丹
奚秣羯室韋之貢獻五曰山南道古荆梁二州之境今荆襄鄂
商復郢隨唐峽歸均房金婁萬忠已上十六州梁洋集通開壁
巴蓬梁涪渝合夔興利閬果已上三十有三州東接荆楚西
抵隴蜀南控大江北據商華之山江水自蜀歷渝涪忠
則有嶓冢熊耳巫峽銅梁荆峴嶓冢在梁州金牛縣熊耳在商
州上洛縣巫峽在夔州至山縣
銅梁在合州石鏡縣荆峴在商州上洛縣巫峽在夔州至山縣
夔州在合州石鏡縣荆峴在商州上洛縣巫峽在夔州至山縣
今古輿地圖 中卷 七
入江漢水出梁州金牛縣初名漢水一名河水歷洋金均襄
陽刺復七州至荊州入于江沮水出房州永清縣至荊州界
入江清水出六曰隴右道古雍梁二州之境今秦渭成武洮岷
鄧州南入漢六曰隴右道古雍梁二州之境今秦渭成武洮岷
疊宕河蘭鄯廓已上涼甘肅灰沙伊西北庭安西已上二十
有一州其秦涼鄯廓北庭安東接秦州西逾流沙南連蜀及吐
蕃北界朔漠北連更數千里其名山有秦嶺隴坻西傾朱圜積
石合黎崆峒三危鳥鼠同穴秦嶺在秦州上邽縣隴坻在清水
州伏羌縣積石在河州抱罕縣合黎在甘州張掖縣崆峒在秦
州伏羌縣積石在河州抱罕縣合黎在甘州張掖縣崆峒在秦
州伏羌縣積石在河州抱罕縣合黎在甘州張掖縣崆峒在秦
大川則有洮水弱水羌水洮水在甘州岷縣弱水在武文
州之河洮及休屠之澤在焉洮水在甘州岷縣弱水在武文
州之河洮及休屠之澤在焉洮水在甘州岷縣弱水在武文
西域胡戎之貢獻七曰淮南道古揚州境今揚楚和滁濠壽廬


舒斬黃陂安申光凡一十有四州東臨海西抵漢南據江北距
淮海在揚州二州東漢在河州淮水經申光壽濠楚五其名山
有八公嶺大別霍山羅山塗山八公山在壽州壽陽縣大別山
在舒州懷寧縣自漢以來為南岳南文帝開皇七年以南齊
山為南岳霍山為名山羅山在申州塗山在壽州懷寧縣其
大川有淝水之水巢湖在焉巢湖在合淝縣二縣界八曰江南
道古揚州之南境今潤常蘇湖杭歙睦越婺台溫明括建福
泉汀已上宣饒撫處洪吉柳袁江鄂岳潭衡永道邵澄郎辰節
錦旆南溪恩黔費業巫夷播漆珍凡五十有一州然中又管東
臨海西抵蜀南極嶺北帶江海水在蘇杭越台溫括泉福入州
州之北其名山有茅山蔣山天目會稽四明天台括蒼縉雲金
華大庾武夷廬山而衡岳在焉茅山在潤州延陵句容二縣界
天目在杭州於潛縣會稽在越州山陰縣四明在餘姚縣天
在台州始豐縣括蒼在括州金華在婺州大庾在虔州
衡州衡陽縣衡山在衡州湘潭縣其大川有浙江湖廣沅澧
之水洞庭彭蠡太湖之澤浙江水有三原一出歙州一出衡州
水出桂州湘源縣北流歷永衡潭岳四州界入洞庭澧水出
沅州石門縣至岳州界入洞庭澧水歷岳四州界入洞庭澧水
沅水歷岳四州界入洞庭澧水歷岳四州界入洞庭澧水
遠夷則控五溪之蠻九曰劍南道古梁州之境今益蜀彭漢綿
劍梓資普遂簡陵邛眉雅嘉黎瀘戎黎茂龍扶文當松靜柘翼
悉維鶴姚凡三十有三州焉其黎茂龍扶文當松靜柘翼
連梓何西界吐蕃南接群蠻北通劍閣劍閣在劍州其各

山有峨眉青城鶴鳴岷山峨眉在嘉州青城在蜀州鶴鳴在蜀州
北其大川有涪雒及西漢之水江濱在焉治水歷松龍綿梓遂合六州界入江西漢
水歷利國果合江州界入江大江水自松州其松嶺遠夷則控
經翼茂彭蜀益陵眉嘉茂溫十州之界入山南道西河河群蠻之貢獻十口嶺南道古揚州之南境今廣循潮漳
詔連瑞康岡恩高春封辯龍新潘雷羅惟崖瓊振已上廣
富梧賀龔象柳宜融古嚴已上桂容滕義寶禺白藤羅黨牛巖
鬱林平琴已上容府管內鬱邕賓貴橫欽潯潯龍田武環已上
管內安南驩愛陸峯湯其福祿麗已上安南管內凡七十州其
府又管府東南際海西極群蠻北據五嶺其名山有黃嶺及鬱之
水靈洲島黃嶺在廣州寶安縣靈洲在廣州南海縣鬱水之中其大川有桂水鬱水出桂
本古輿地記中卷
州臨臨歷臨富梧州界入鬱水一其遠夷則控百越及林
名涪水歷應梧封康端廣六州界入海
邑扶南之貢獻凡天下之州府三百一十有五而羈縻之州蓋
八百焉京兆河南太原爲三都潞揚益荆幽爲大都督府單于
安西安北爲大都護府安南安東北庭爲上都護府涼秦靈延
代充梁安越洪潭桂廣戎福爲中都督府夏源慶豐勝營松洮
鄯西維慮茂鴉姚薁黔辰容邑爲下都督府同華岐蒲爲四輔
州滿新陝懷鄭汧魏絳爲六雄州并新號汝汾晉宋許滑衛相
洛爲十望州并新安東平營檀娑蔚朔忻安北單于代嵐雲勝
豐監靈會涼肅甘瓜沙伊西北庭安西河蘭鄯廓疊洮岷扶柘
維靜悉異松富戎茂鴉姚播黔驪容爲邊州四萬戶已上爲上




謹按唐制自隋滅陳天下始合爲一乃改州爲郡依漢制置太
 守以司隸刺史相統治爲郡一百九十縣一千二百五十五唐
 興高祖改郡爲州太守爲刺史又置都督府以治之然天下初
 定權置州郡頗多明皇開元中定天下州府自京都及諸都督
 護府外以近畿之州爲四輔同華其餘爲六雄鄭廣汴十望宋
 滑許洛晉初有十繁州後入及上中下之差天寶中上州
 洛豫衛相者甚多更不復列一百九中州
 二十九下州肅宗乾元初收復以郡爲州置團練守捉使都團
 練守捉使大者州鎮十餘小者二三州而已故自此所置皆無
 郡名而不復列上中下之目其後有方鎮史官不錄於地里之
 書以爲方鎮兵伐之事非職方所掌故也然而後世因循以軍

目地而綴其州名又宋置軍者徒以虛名并建爲州府之重唐
 以來州郡異名京兆宋永興今西安府河南府宋西京今開封府
 宋宋南京今大名府魏宋大名府并宋太原府昇宋建康府鎮宋真定府蒲
 宋河中府宋鳳翔府武宋階州景宋永靜威宋通遠儀宋蓬州
 今蒲州宋鳳翔府今同宋階州今同宋永靜今同宋通遠今同宋蓬州
 泌宋唐州維宋威州今同




唐明皇開元二十一年又因十道分山南江南爲東西道增置
 黔中道及京畿都畿置十五採訪使以檢察非恣如漢刺史之
 職京畿理西京今西安府都畿理洛陽今河南府關內多以京官遙領河南理鄭今東平州河
 東理太原今太原府河北理瀋今河南府隴西理鄯今西寧衛山南東理襄陽今襄陽山南西理豫
漢中今成都淮南理揚今揚州江南東理吳郡今蘇州江南西理豫
章今黔中理黔中今重慶嶺南理南海今廣州及天寶盜起中國用兵而河
 西廣德元年復陷河蘭岷廓德宗二年陷安西北庭龍右州縣盡失至大中咸通始復龍右河北道羈縻
 州突厥之別部及奚契丹靺鞨降胡高麗爲府十四州四十六
 隸幽州都督安東都護州 關內道突厥回紇党項吐谷渾爲

府二十九州九十隸靈夏延慶州都督并單于安北都護府
 龍右道突厥回紇党項吐谷渾之別部及龜茲于闐焉耆疏勒
 河西內屬諸胡西域十六國爲府五十一州百九十八隸秦涼
 臨松都督并安西都護府 江南道蠻爲州五十一隸黔州都
 督府 嶺南道蠻爲州九十二隸峽桂邕都督并安南都督府
 劔南道羈縻爲州二百六十一隸松茂姚崇黎雅戎瀘都督府




唐因隋制諸州總管加號使持節後又失總管爲大都督永徽
 已後除都督帶使持節者卽係節度使不帶者否景雲二年賀
 拔延嗣除涼州都督文河西節度自此有節度之號天寶初置
 十節度經畧使以備邊 安西節度撫寧西域統龜茲焉耆于
 闐疎勒四鎮治龜茲制兵二萬四千 北庭節度防制突騎施
 堅昆統瀚海天山伊吾三軍屯伊吾二州之境治北庭都護府
 兵二萬人 河西節度斷隔吐蕃突厥統赤水大斗建康寧冠
 玉門墨離盧新泉八軍張掖文城白亭三守捉屯涼肅瓜沙
 會五州之境治涼州兵七萬三千人 朔方節度捍禦突厥統
 經畧豐安定遠三軍三受降城安北單于二都護府屯靈夏豐



謹按唐志有天下三百餘年而兵之大勢三變其始盛時有府
兵府兵役廢而為彍騎彍騎又廢而方鎮之兵盛矣及其末也
強臣悍將兵布天下而天子亦自置兵於京師曰禁軍其後天
子弱方鎮強而唐遂以亡滅者措置之勢使然也
唐書藩鎮敘曰安史亂天下至肅宗大難畧平君臣皆幸安故
瓜分河北地付授將護養孽萌以成禍根亂人乘之遂擅署
吏以賦稅自給不朝獻於廷效戰國胥相依以土地傳子孫
脅百姓加鋸其頸利休逆汗遂使其人自視猶羌狄然一寇死
一賊生訖唐亡百餘年卒不為王土 魏博傳五世至田弘正
入朝十年復亂更四姓傳十世有州七 成德更二姓傳五世


至王承元入朝明年王庭湊反傳六世有州四 盧龍更三姓
傳五世至劉總入朝六月朱克融反傳十二世有州九 淄青
傳五世有州十二 滄景傳三世至程權入朝十六年而李金
畧有之至其子同捷而滅有州四 宣武傳四世有州四 彭
義傳三世有州三 澤潞傳三世有州五

太宗初置沿邊節度使天寶十年分西北十節度大率以其兵
防耳固未嘗有世襲之節度也自安史亂而後河北三鎮有世
襲之節度然猶未有東南之世襲節度也自黃巢而後東南徧
海內皆爲世襲節鎮顧江都以南其地非英雄所必爭又值中
州多故無暇遠畧故皆能傳世而北方節鎮其驟興忽敗不能
以一世者多爲宣武河東所併獨鳳翔之初起也據地最多故
能勉強汴晉之間相爲雄長後雖日削而傳襲亦及再世靈夏
僻在一隅據五州之地世事中朝及宋與四方僭偽節鎮悉已
削平獨不能取其地蓋自繼遷以來效化外藩戎之俗猶悍難
制故卒與宋相終始然其初本唐之節制云




梁太祖朱溫都汴傳世三梁初天下別爲十一南有吳浙荆湖
 閩漢西有岐蜀北有燕晉而朱氏所有七十八州以爲梁蓋當
 是時劉仁恭稱燕李克用稱晉李茂貞稱岐錢瑒稱吳越楊行
 密稱吳王審知稱閩馬殷稱楚王建稱蜀高季興稱南平劉隱
 稱南漢 劉仁恭以昭宗乾寧初幽州盧龍節度使梁初其子
 守光囚之乾化初守光號大燕四年晉王李存勗誅其父子二
 世凡二十一年 李克用中和初平巢寇昭宗時封晉王哀帝
 禪位於汴帥西川王建僭位遣使勸其各立一方不從梁開平
 二年薨子存勗嗣立是爲莊宗國號唐 李茂貞僖宗時節度
 鳳翔後取興元有州二十岐隴涇原渭武秦成階鳳邠寧慶行

鄆坊丹延梁洋其被梁圍也興元入十蜀開平已後邠寧鄆坊
 入于梁秦鳳階成又入於蜀當梁末年所有七州封岐王 南
 平高季興初領荆南節度十州後為諸盜所侵季興所有江陵
 一城而已 劉隱梁初封為東海王卒其弟陟襲位盡有領表
 之地借號於廣州國號南漢 吳越錢鏐僖宗時兼鎮杭越後
 為楊行密所侵止十三州梁封為尚父吳越王 吳楊行密盡
 有淮南之地昭宗封為弘農王兼有宣鄂十渥嗣自稱吳 閩
 王審知巢寇亂審知因有閩嶺五州之地昭宗就封閩王傳世
 延鈞 楚王殷字霸圖盡有湖南之地後兼衡潭鼎澧二十餘
 州 梁封為楚王 蜀王建僖宗初陳敬瑄節度西川田令孜
 為監軍遂始為盜後從軍因僖宗幸蜀帥兵赴行在令孜名建
 欲致麾下敬瑄疑止之建怒以兵攻成都殺敬瑄及令孜昭宗
 授之西川節度使後併東川及山南諸郡梁祖受禪建亦稱帝
 於成都建卒子衍立




後唐莊宗諱存勗晉王李克用之子都洛陽傳世凡四莊宗初
 起并代取幽滄有州三十五其後又取梁魏博等十有六州合
 五十一州以滅梁岐王稱臣又得其州至同光破蜀已而復失
 惟得秦鳳階成四州而營平二州陷于契丹其增置之州一合
 一百二十三州以爲唐 唐自朱邪得姓而爲李氏得國爲晉
 得天下爲唐 莊宗同光二年福建王審知卒子延翰嗣 鳳
 翔節度李茂貞卒子從僊襲位 二年閩王延翰爲其弟延鈞
 所殺自稱畱後 三年蜀王衍降孟知祥鎮成都 明宗天成
 元年契丹耶律阿保機卒子德光立 二年荆南高季興叛吳
 楊溥稱帝 三年高季興殂子從誨襲位 長興元年孟知祥

陷遂州董璋陷閬州金叛 阿保機長子東丹王來歸國 湖
 南馬殷薨子希聲嗣 三年吳越王錢鏐薨子元瓘襲位 孟
 知祥封蜀王 湖南馬希聲薨弟希範立 四年夏州李仁福
 卒子彝起稱雷後 閩王延鈞稱帝閩帝元年 末帝清泰元
 年知祥弒子旭襲位 二年夏州李彝超卒弟彝興立 閩王
 延鈞被殺子旭立 三年石敬瑭節度鄆州不受詔以契丹德
 光兵至河陽而帝衆族自焚




晉高祖姓石氏名敬瑭太原人爲鄆帥唐末帝清泰三年以鴈門之北及幽州所管州結契丹以攻唐自立都洛陽傳世凡二謹按五代職方考石氏入立獻十有六州于契丹而復得蜀金州又增置州一合一百九州以爲晉高祖天福二年吳主楊溥遜位于其相徐知誥改號齊三年升汴州爲東京改洛陽爲西京四年徐知誥改姓李名昇號唐閩主王旭立審知之子延義爲主五年制授福州王延義閩王六年吳越王錢元璣薨子佐襲位漢主劉龔改名龔音嚴少帝天福元年劉龔殂子玢嗣位遣使告哀于契丹唐李昇殂子玢嗣位契丹遣使來責不先承稟太臣禮聞運元年閩主王延義爲兵臣朱文進所弑詔受文進

節度封閩主王延政稱帝於建安國號大殷二年王延政攻朱	文進文進爲其將林仁翰所殺三年王延政降于南唐契丹詐	降遣杜重威與戰不利重威與相州張彥澤叛入于虜契丹自	封丘斬開而入帝奉表降戎主以帝爲負義侯遷於黃龍府						
--------------------------	--------------------------	--------------------------	-------------------------	--	--	--	--	--	--



漢高祖姓劉名高本名知遠晉少帝開運二年初封北平王三年少帝爲契丹所虜北遷而契丹僭位於中國高祖乃圖舉義於是卽皇帝位於太原號大漢稱天福十二年云都汴傳世凡二謹按五代職方考劉氏之初秦鳳階成復入于蜀隱帝時增置州一卽解州也合一百六州以爲漢高祖天福十二年楚馬希範薨母弟希廣襲位吳越錢佐堯弟侖襲位其將胡進思廢之而立侖異母弟俶隱帝乾祐元年以郭威爲樞密使荆南南平王高從誨薨子保融襲位三年以郭威爲鄴都留守帝用幸臣李業等謀已般史弘肇等又使殺威威擁兵入朝遣馮道等迎劉晏子贊爲嗣未幾太后委郭威北伐契丹大澶州諸軍忽


變請威爲天子還兵湖南馬希萼亦殺希廣自立



周太祖姓郭氏名威字仲文其先邢州堯山人都於汴傳世凡
 三謹按五代職方考郭氏代漢十州入于劉旻世宗取秦鳳階
 成瀛莫及淮南十四州又增置州五濟濱通而廢者三景武合
 一百一十八州以爲周宋興因之石晉未闕已先亡而在者七
 國自江以南二十一州爲唐唐自劍以南及山南西道四十六
 州爲蜀自湖南北十州爲楚自浙東西十三州爲吳越自嶺南
 北四十七州爲南漢自太原以北十州爲北漢而荆歸峽三州
 爲南平合十國所有一百六十八州而軍不在焉周太祖廣順
 元年吳丹王元欲見殺德光子述律立更名璟燕燕燕燕燕燕陸孟俊
 流馬希寧立弟希崇唐將邊錫虜希崇二年鼎州燕燕燕燕燕燕言逐

鍋詔言鎮湖南徙治鼎三年潭州軍亂因其帥劉言迎王逵代
 之世宗顯德元年劉旻引契丹入寇二年河東漢主劉旻子
 承鈞襲位三年湖南將潘承嗣殺其帥王逵迎潭州周行逢代
 之築東京外地五年克唐取淮南十有四州以江爲界漢主劉
 晟殂子鋹襲位放鍾離謨歸江南謨因譖宋齊丘殺之六年征
 契丹至危橋關湖南三州降以危橋關爲雄州益津關爲霸州
 將攻幽州會不豫班師恭帝元年禪位於宋


今古輿地圖下卷



宋太祖受周禪凡州府監軍一百三十九縣六百一十一戶九十六萬七千三百五十三建隆四年荆南高繼冲來朝得府州三歸峽縣一十七戶一十四萬二千三百是年平湖南得州一十五監一潭衡節都道永全岳慶縣六十六戶九萬七千三百八十八乾德三年平蜀得州府四十六益彭嘉邛蜀綿漢達壁委忠萬集開渝浩點施達洋興元府縣二百四十戶五十萬四千二十九開寶四年平廣南得州六十英連雄恭惠康恩永龍勤新高潘雷羅辦桂賀昭梧蒙興象富融宜柳嚴思唐邑澄貴蠻橫實欽尋容牢白燕黨榜鬱林勝寶義昌順瓊崖儋萬安縣二百一十四戶一十七萬二千六百三十八年平江南得州一十九軍三昇宣欽池洪潤南郭筠饒信虔吉縣一百八十八戶

六十五萬五千六十五太宗太平興國二年八月盡罷天下節鎮所領支郡唐及五代節鎮皆有支郡國初平湖南始令潭朗州直屬京二年又以昭成乾三州屬京其後大興屯兵亦有直屬京者興元府三泉縣是也五年又析慶州商州開寶二年又析歸峽四年又析澤州通遠軍並屬京以鄆寧原渭鄆坊延興陝衛鎮深趙定祁等十八鎮所領郡皆直屬京三年陳洪進獻其地屬京天下諸鎮除屬州無復領支郡矣

得州二潭縣十四戶一十五萬一千九百七十八是年錢俶亦獻其所管得州一十三軍一杭蘇越湖衢婺台明縣八十六戶五十五萬六千八百八十四年平太原得州十軍一并沁嵐石忻州四縣八夏銀綏有雍豐元年復以四戶




宋天下諸路州府軍監三百二十二凡京府三六府八州二百五十二軍四十六監一十
 三乾德元年令天下防禦團練刺縣一千二百六十二舊制縣
 史州有節督額者並停乃為上州二千戶以上為緊一千戶以上
 未幾大畿外三千戶以上為望二千戶以上為緊一千戶以上
 五百戶以上為中不滿五百戶為中下建隆元年令自上縣以
 上例加千戶一千戶以上為中不滿千戶地東南皆至於海西盡
 戶為中下三歲取諸道戶口以升降之地東南皆至於海西盡
 巴焚北際中山東西六千四百八十五里南北一萬一千六百
 二十里皇祐五年以曹陳許鄭滑五州為輔郡隸畿內置京畿
 轉運使以總之至和二年罷嘉祐四年改益州路為成都府路
 治平四年府州監軍增置五縣損者五十三熙寧始務闢國未
 及改元种諤先取綏州韓絳繼取銀州王韶取熙河章惇取懿
 洽謝景溫取徽誠熊平取南平郭達取廣源最後李憲取蘭州

沈括取葭蘆米脂浮圖安疆等寨雖嘗以河東邊界七百里地
與遼人而當時王安石議曰吾將欲取之寧姑予之也逮元祐
更張舉葭蘆等四寨給賜夏人而分晝久弗能定紹聖遂罷分
置督諸路各乘勢攻討進築自三年秋八月訖元符二年冬凡
陝西河東建州一安軍二晉寧三龍平會城九安西平夏威
威遠金湯寨二十八平遠平戎珍瓦張泉米脂克戎安撫橫山
白豹會川綏遠寧塞張平高平西平新泉勝義通峽
天都臨元定龍谷太和通泰堡十開元通塞石門通會太和又
寧河瀾川寧遠神泉烏龍等城建中靖國悉還吐蕃故
取青唐遼川寧塞龍支等城建中靖國悉還吐蕃故
壤稍舒民力崇寧亟變前議專以紹述爲事蔡京始任意貫王
厚更取遼部廊三州二十餘堡陶節夫鍾傳那恕胡宗回魯孝
序之徒又相與鑿空架虛馳騁乎元符封域之表訖於重和復
立靖夏原制式延制羌西寧三城雖夏人而民力亦弊蓋自崇寧
以來益梓變黔廣西荆湖南北迭相視効斥大土宇鮮有寧歲
凡所建州軍開城寨堡紛然殆不可勝記最後建燕山雲中兩
路南閱三歲而邊事起云其遼夏地理附錄於後

遼之境土內有五京六府上京道曰臨潢府即古遼東郡東京
道曰遼陽府即古朝鮮國中京道曰大定府興中府即古遼西
郡斯皆自唐以來契丹所有也南京道曰析津府即古燕國西
京道曰大同府即古雲中郡斯皆德光拔立石晉所得也州軍
城百五十有六縣二百有九東至海西至金山暨流沙北至臚

胸河南至白溝方萬餘里內之部族板里乙室已國舅石烈等
凡五十有四外之屬國女直突厥吐蕃奚室韋吐谷渾党項等
凡五十有九部族分鎮邊圉寔爲爪牙屬國朝貢無常或有期
會及下令專征不從者討之助軍多寡從其便

夏之境土方二萬餘里其設官之制多與宋同朝賀之儀雜用唐宋而
樂之器與曲則唐也河之內外州郡凡二十有二河南之州九曰靈曰
洪曰宥曰銀曰夏曰石曰鹽曰南威曰會河西之州九曰興曰定曰懷
曰永曰原曰甘曰肅曰瓜曰沙黑秦河外之州四曰西寧曰樂曰廓曰
積石其地饒五穀尤宜稻麥并涼之間則以諸河爲溉豐稔則有古渠
曰唐梁曰漢源皆支引黃河故灌溉之利歲無旱澇之虞



宋朝元豐頒行李德芻曾肇王存等撰九域志總爲二十三路

京東東西路 熙寧七年分東西西路元豐元年詔河北東西永興管兩路遂以河北東西京東西南北淮南東西西路轉運司通南路易名提刑提舉司仍舊分屬 京西南北路 年分南北兩路後併爲一路熙寧五年復分爲二路 河北東西路 太平興國二年分東西河北南路又有一年併爲一路熙寧六年復分二路 陝西路 太平興國元年分東西二路後併爲一路熙寧五年分

河東路淮南東西路 太平興國元年分東西二路後併爲一路熙寧五年復分二路 兩浙路

江南東西路 太平興國元年分東西二路後併爲一路熙寧五年復分二路 荆湖北路 咸平二年分南北

成都府路 乾德三年兩川併爲西府路開寶六年分陝路咸平四年分益利梓夔四路 嘉祐四年以益州路

郾成梓州路 利州路 夔州路 福建路 太平興國元年爲

二年改 廣南東西路其他并改廢置具於別圖 陝西除永興一

福建路 路外郎延環處

河原系屬熙河是為五路而序止契丹自唐末陷營平二州晉

石敬瑭起并州籍其兵勢割幽瀛莫涿檀順新媯備武雲應雲

朔蔚易十六州以報之顯德六年周世宗復瀛莫二州其十四

州尚為所據西夏自唐拓跋思恭鎮夏州討黃巢有功賜姓

李氏有拓跋仁福者為蕃部都指揮使從其姪梁開平中將吏

迎立神福為州帥子彝超彝與繼為帥世有夏銀紵宥之地彝

與仕周為定難軍節度太傅中書令封西平王其後尤奴繼筠

繼捧相次承襲服叛不常故元豐九城志列之為化外云宋

朝化外州蓋唐羈縻之類雖貢賦版籍不上戶部然聲教所暨

皆邊州帥府領焉河北路安東上都護府幽慎易涿檀營平

今古輿地圖下卷

燕歸順遠師順瑞蘭河東路安北大都護府單于大都護府



鎮北大都護府雲應新蔚媯朔襄儒毅陝西路安西大都護



府庭靈夏涼沙都瓜銀鹽勝有西耶會宕疊甘肅伊洮陽建康

鎮利州路松扶異當悉恭恭直保靜慶州路思費播夷祥

西高業充莊琰廣南路文峯漢嚴田愛驪陸福祿長越溫演

林身環平琴山武安古德化郎茫州





謹按宋史宋既代周撥亂而反之正群雄割據之壤悉歸版圖
全道未分路十五天聖析十八元豐又析二十三崇寧立京畿
路宜和收復燕雲又增燕山雲中路凡二十六是時天下有戶
二千八十八萬二千二百五十八燕雲不與焉
東京汴之開封府也梁為東都後唐罷晉復為東京宋因周之
舊為都
西京河南府也因梁晉舊名山陵在焉太祖誕於此末年臨幸
幸卜都李懷忠等諫晉王亦諫帝曰遷河南未已終當居長安
耳晉王問故帝曰據山河之勝以太冗兵循周漢故事以安天
下也晉王謂在德不在險力請還汴從之帝終不已喟然曰不

出百年天下民力殫矣
南京應天府也原唐宋州太祖建節於此景德三年升為府大
中祥符七年建南京殿曰歸德蓋本軍名也後高宗即位於府
治
北京大名府也真宗駐驛行宮在焉慶曆二年建為北京
行在所臨安府也建炎三年高宗自建康如杭州升為府即州
治為行宮京畿路皇祐五年以京東之曹州京西之陳許鄭滑
汝復州等縣總之至和羅是職崇寧四年復置先是改開封府
界為京畿路是年又於京畿四面置四輔郡謂昌府為南輔鄭
州為西輔滑州為北輔建拱州於開封襄邑縣為東輔金馬京
畿大觀四年罷四輔許鄭滑州還隸京西及河北路廢拱州復
以襄邑縣隸開封府政和四年襄邑縣復為拱州後與昌府
鄭州開德府復為東南西北輔宣和二年罷四輔謂昌府鄭州
今古輿地圖下卷
開德府各選舊隸拱州隸京東
西路開封府界依舊為京畿
京東東西路至道三年以應天充徐曹青鄆出齊濟沂登萊軍
國監為京東路熙寧七年分為東西兩路以青淄緹萊登密沂
徐州淮陽軍為東路齊充青淄濟軍州南京為西路元豐元
年劉京西路齊州屬東路劉東路徐州屬西路元祐元年諸提
點刑獄不分路京東東路京東西路並為京東路其東南西北
諸路皆不分後
仍各分為兩路
京西南北路
河北東西路
河東路
承興軍路慶曆元年分陝西沿邊為秦鳳涇源環慶鄜延四路
鳳涇原路熙寧以後分承興秦鳳兩路仍以承興鄜延環慶秦
鳳分六路

兩浙路熙寧七年分兩路等合爲一九年復分十年復合南渡
分臨安平湖鎮江嘉興四府安吉常嚴三州江陰一軍
爲西路紹興慶元瑞安三府英台衢處四州爲東路

五年分爲東西兩路

江南舊分東西兩路建炎四年合爲江南路以鄂岳來屬又置三帥鄂州路統鄂沔夔夔吉州南

統江洪撫信州興國南江臨江建昌軍建康府統
宜祿太平州廣德軍紹興初復分東西見舊制微

行 錄 具 不 行 外 東 西 補 有 補 名

荆湖舊分南北二路紹興二年以鄂岳潭衡永郴

進州村陽軍爲來路鼎瀝辰沅靖師全州武岡軍

如舊制

下卷

十

大觀初創設所直反平仇從廷平見九州志


路未幾併入廣西名廣西路隨依舊稱廣西

中
國
經
濟
史

用路山後九州別名雲中府路

THE JOURNAL OF THE AMERICAN MEDICAL ASSOCIATION
PUBLISHED WEEKLY
CHICAGO, ILL., MAY 11, 1938
Vol. 55, No. 20

史 170—714



建炎元年五月高宗卽位於南京時仍用增康誓書畫河爲界
 令刑部不得勝登極赦文下河東北兩路十月上幸揚州虜分
 二道入寇攻陷山東陝西河南二年五月虜退三年春入寇陷
 淮泗揚楚等州上如杭州三年虜分河間真定二府爲河北東
 西兩路平陽太原二府爲河東南北兩路冬分道寇江南陷杭
 越等州上自明州航海五月虜退十月張浚及虜戰于富平不
 利虜以劉豫僭位於大名府僞號齊以舊河爲界紹興元年張
 浚退屯開州盡失陝西地但餘階成岷鳳洮五郡及鳳翔府之
 和尚原隴州之方山原而已七年虜廢劉豫九年歸我陝西河
 南故地十年虜分四道入寇劉琦敗之于順昌是秋岳飛至朱



仙鎮距東京四十五里詔班師於是類昌懷寧鄭蔡諸州皆復陷虜十二年再定和議割唐鄆二州歸虜以淮中流爲界又割商州秦州之半存上津豐陽天水三邑及隴西成紀餘地棄和尚原方山原以大散關爲界內得興趙原爲控扼之所十四年鄭剛中請以利州路分東西以興元府利州洋巴劔大安車七郡爲東路治興元與階成西和文鳳龍七州爲西路治興州三十一一年虜亮渝盟入寇旣而亮爲其所殺三十二年胡璘復大散關興州路得秦隴環原應河蘭會洮州積石鎮戎德順軍凡十二郡金州路得商號陝華凡四郡獨虜以重兵拒鳳翔故大散關之兵未得進淮襄諸軍復得海酒唐鄆陳蔡許汝嵩壽今古輿地圖 下卷 十七

十州繼而旋失之但得海酒唐鄆四州而已是歲帝內禪孝宗卽位詔吳璘罷德順軍也成金於秦州以事安泊璘棄軍而退隆興二年和議成割所復海酒唐鄆四州及商秦等地歸於虜疆界悉如紹興之舊開信韓侂胄啓雲開邊致虜師渡淮侵破諸郡吳曦遂據西蜀以叛韓吳旣誅和好如舊侵疆俱復嘉定而後金人被兵中原擾亂山東河北間有據土地內附者然旋得旋失故不復紀錄云其金人地理附錄於後

金之境土東極吉里迷兀的改諸野人之境北自肅興路之北三千餘里火魯大噶謀克地爲邊右旋入秦州婆盧火所沒界濠而西經臨橫金山跨慶垣撫昌淨州之北出天山外包東勝


接西夏逾黃河復西歷葭州及米脂塞出臨洮府會州積石之外與生羌地相錯復自積石諸山之南左折而東逾洮州越鹽州保循渭至大散關北金山入京兆絳商州南以唐鄆西南皆四十里取淮之中流爲界而與宋爲表裏初都會寧按出虎河之源出焉其俗言金爲按出虎故國號亦曰金源貞元都燕正隆都汴大定復都燕貞祐復都汴路分十九上京路有會寧府肇隆等州金之舊土也咸平路有咸平府韓州東京路有遼陽府澄遼等州北京路有大定臨橫等府瑞慶等州西京路有雲朔等州中都路有幽燕等州皆取之遼者也河南路卽南京路有開封歸德府鄆蔡等州河北東路有河間府深冀等州河北今古輿地圖 下卷 十八

西路有真定彰德府邢洛等州山東東路有益都濟南府海密等州山東西路有東平府徐濟等州大名府路有大名恩濮等州河東北路有太原府晉汾等州河東南路有平陽河中府隰絳等州京兆府路有京兆府商號等州鳳翔路有鳳翔平京府秦隴等州鄆延路有延安府鄆延等州慶原路有慶陽府環州等州臨洮路有臨洮府蘭州等州皆取之宋者也建五京置十四總管府其間節鎮三十六防禦都二十二刺史都 七十三州凡百七十九縣凡六百八十三蒲興路合懶路恤品路曷蘇館路胡里改路各置總管隸上京者也遼遼府路總管隸東京者也部族節鎮八詳穩九郡牧十有二隸西京者也




元初起朔漠併西域平西夏滅女直平高麗定南詔遂下江南
 而天下爲一其地北踰陰山西極流沙東盡遼左南越海表初
 太宗六年甲午減金得中原郡七年乙未下詔籍民自燕京
 順天等三十六路戶八十七萬三千七百八十一口四百七十
 五萬四千九百七十五憲宗二年壬子又籍之增戶二十餘萬
 世祖至元七年又籍之又增三十餘萬十三年平宋全有版圖
 二十七年又籍之得戶一千一百八十四萬八百有奇於是南
 北之戶總書于策者一千三百一十九萬六千二百有六口五
 千八百八十三萬四千七百一十有一而山深溪洞之民不與
 焉立中書省一行中書省十有一曰嶺北曰遼陽曰河南曰陝

西曰四川曰甘肅曰雲南曰江浙曰江西曰湖廣曰征東分鎮
 藩服路一百八十五府三十三州三百五十九軍四安撫司十
 五縣一千一百二十七文宗至順元年戶部錢糧戶數一千三
 百四十萬六百九十九視前又增二十萬有奇





元太祖起自朔土統有其衆部落野處惟以萬戶統軍旋以斷
 事官治政刑及取中原太宗始立十路宣課司選儒臣用之金
 人來歸者因其故官若行省若元帥則以行省元帥授之草創
 之物固未暇爲經久之規矣世祖卽位定內外之官其總政務
 者曰中書省秉兵柄者曰樞密院司黜陟者曰御史臺其次在
 內者則有寺有監有衛在外者則有行省有行臺有宣慰司有
 廉訪司其牧民者則曰路曰府曰州曰縣其長則蒙古人爲之
 而漢人南人賕焉元初與兵之官視兵數多寡爲爵秩崇卑長
 萬夫者爲萬戶千夫者爲千戶百夫者爲百戶世祖時頗脩官
 制內立五衛以總宿衛諸軍衛設親軍都指揮使外則萬戶之

下置總管千戶之下置把總百戶之下置彈壓立樞密院以總
之遇方面有警則遣行樞密院事已則廢而移都鎮撫司屬行
省



古今圖書集成

下卷



周禮職方氏掌天下之圖東南曰揚州其山鎮曰會稽在今浙江會稽縣
 正南曰荊州其鎮曰衡山在今湖南衡山縣河南曰豫州其鎮曰華
 山在今陝西華陰縣正東曰青州其鎮曰沂山在今山東臨朐縣河東曰充
 州其鎮曰岱山即泰山在今泰安州正西曰雍州其鎮曰嶽山即吳嶽在今陝西
 州西陵東北曰幽州其鎮曰薊無閭在今遼東廣寧縣河內曰冀州其
 鎮曰霍山在今山西霍州正北曰并州其鎮曰恒山在今大同府渾源州是槃
 言九州之山鎮也不言徐州疑併入於青不言梁州疑併入
 於雍豫也詩嵩高註以南嶽爲霍山職方以爲衡山葉氏曰
 漢元封五年巡南郡禮天柱山一統志衡山有天柱峯六安州有霍山一名衡山一名天
 柱和漢武號曰南嶽是以衡山神遠移於霍山也以爲一山

兩名者失之王制有恒山衡山而不言太華嵩山以南北所
 至山而言舜典有四嶽而不言中嶽以巡守所至四方而言
 泰山爲東嶽華山爲西嶽恒山爲北嶽衡山爲南嶽嵩高爲
 中嶽蓋禹貢之外方也職方不言嵩高周在五嶽之外以雍
 之吳山爲嶽山皆有不同五代失河北之地至宋未能混一
 北爲契丹所有乃以真定府曲陽縣之恒山爲北嶽
 國初定鼎建康祀典肇定以泰山爲東嶽沂山爲東鎮衡山爲
 南嶽會稽山爲南鎮華山爲西嶽吳山爲西鎮真定之恒山
 爲北嶽醫巫閭山爲北鎮嵩山爲中嶽霍州之霍山爲中鎮
 後遷
 今古輿地圖 下卷
 都北平則真定在其南故仍以渾源州之恒山爲北嶽其餘嶽
 鎮皆如舊云
 臨川吳氏曰由脈山脈起於崑崙山脈之所起卽水源之所
 發也
 朱子曰河圖言崑崙地之中也又曰冀都山脈從雲中發來
 蓋太行山一千里河東河北太原晉陽諸州皆左旋其趾山
 後卽近代諸州上黨卽今潞州春秋爲赤狄潞氏其地極高
 與天爲黨故曰上黨過河便見山在半天如黑雲然故曰雲
 中自脊以西之水則西流入於龍門西河以東之水則東流
 入於海前面一條黃河環繞平陽卽河中府蒲坂山之盡處

堯舜之所都也泰山聳於左爲龍右畔是華山聳立爲虎自
 華至中嵩山嵩爲中嶽極高當天之中又曰秦室在河南登封縣爲前案淮南諸山是
 第二重案江南諸山及五嶺大庾始安臨賀桂陽揭陽又爲第三四重案
 又曰前代多都關中以黃河左右旋繞近東止有咽喉關一
 路可據爲險其山皆自蜀漢來至長安而盡又曰天下之山
 西北最高自關中一支生下函谷以至嵩少東盡泰山又自
 嶧蒙漢水之北生下一支至揚州而盡又曰岷山之脈其一
 支走衡山者已盡於九江之西其一支又南而東度桂嶺者
 則包湘衡岳之同源而北經袁江西潭之境以盡於廬阜匡廬在廬山
 其一支又南而東度庾嶺即嶺嶺屬江者則包彭蠡之源以
 今古輿地圖 下卷 三五

今古輿地圖 下卷

三五

北盡於建康今南京其一支則東包浙江之源而北其首以盡


會稽南其尾以盡乎閩粵廣東也又曰仙霞嶺在信州在信分

水之右其脊脈發去爲臨安今杭州山從天目山發來又發去爲建康又

曰江西山皆自五嶺轡上來自南而北故皆逆關中卻是自

北而南故皆順又曰閩中之山多自北來水皆東南流江浙

之山多自南來水皆北流故江浙冬寒而夏熱



素問曰天不足西北地不足西南蓋地西北高東南下江海百川所聚海水周於地之四維其流東極氣盡故歸墟尾閭如沃焦釜北海路最遠至極盡處疑於天浮接也東夷女直爲黑水靉靇之後國有長白山其巔有潭周八十里南流至遼東朝鮮國爲鴨綠江南入於江北流爲女直混同江經金會寧府達五國頭城北東入海西夷黑水出漢張掖郡鷄山今甘肅南至燉煌今肅州過三危界梁雍二州之間程子以爲卽西珥河與漢制葉榆澤相貫漢武開滇池今雲南其地果有黑水舊祠而知之但今水浮滴不入南海也中原之水惟黃河來最遠攷禹貢註及諸儒證黃河一自于闐國葱嶺一

自西土蕃之崑崙山發原各流二萬一千三百餘里東北與積石河合屬漢金城郡西南羌中而至龍門河渠志一統志皆云出今西番朵甘衛西直四川馬湖蠻部正西三千餘里去雲南麗江西北一千五百里有水從地湧出泓方七八十里高瞰之若星列俗傳爲星宿海尋淮爲二大澤復補曰哈刺海東出曰赤濱河合忽蘭也里求二河東北流經崑崙山之南爲九渡河水清騎可涉貫山中行西戎都會爲細黃河水流已濁繞崑崙山之南折而東流合乞里馬出河復繞崑崙山之北自貴德西寧之境至積石經河州屬陝州合洮州東北流至蘭州始入中國又東北出沙漠經三受降城東勝諸州而折而東南入冀州今山西凡九千餘里乃元學士蒲察篤實所窮歷而得之大學衍義補亦據此當以志爲定禹治水時河從積石東北而南計三千三百里至龍門爲西河冀州呂梁山石勢崇峻其流激震禹從呂梁山北鑿龍門以殺水勢迺因其西流之性而導之又南而至華陰在陝之華陰縣自南而東至底柱在河南陝州又東經孟津河南府過洛汭縣屬至于大伾大名府之山北過澤水北於齊齊東至於大陸屬中山郡今冀定北之分其勢播之爲九河復同聚一處爲逆河蓋迎之以入于海簡潔一水先儒悞分而二其一則河之經流也徒駭等河故道皆在河間滄州南皮東光慶雲獻縣東平原海豐田望津

吳橋南皮諸處直達東海周定王五年河徙碣磧始失故道漢文帝時決酸棗東潰金隄在河東延津榮陽諸縣主大名清豐一帶延亘千里武帝時溢平原屬德徙頓丘今清豐縣又決濮陽甄子口屬魏郡注鉅野屬濟寧州通淮泗河始與淮通元帝時決館陶屬大名又決清河靈鳴犢今高唐州成帝時決東郡金隄決平原屬清河信都今冀州唐玄宗時決博州今東溢魏州今大名冀州五代時決鄆州今鄆州揚劉今東平之東之魚池宋太祖時決東平之竹村開封之陽武大名之靈河澶淵太宗時決溫縣榮澤頓丘泛於澶濮曹濟諸州東南流至彭城界即今徐州入于淮自此河入淮之始真宗時決鄆及武定州等溢滑澶濮曹諸州邑浮於徐濟而東入淮仁宗時決開州館陶神宗時決冀州豪強大名邑州一合南清河以入淮一合北清河以入海南渡後河上流諸郡爲金所據金獨受河患其亡也始自開封北衛州決而入渦河南直隸壽州元時衛輝之新鄉開封之陽武杞縣之蒲口發澤之塔海莊歸德封丘諸界其臣建議疏塞若今會通河乃世祖所開以通漕運隨時救敝而已當時九河逆河故道久已淪入於海滄州接平州程子以爲正南山有名碣石者在海中太岸五百里今平原有馬頰河形存沙渠其跡尚可攷大伾之北不行矣我

朝洪武中決陽武之黑陽山東經開封南至頓城潁州潁上東至壽州正陽鎮全入于淮故道復淤永樂中疏濬稍引支流自金龍口入臨清會通河正統間又決柴陽天順間決祥符弘治間分流爲二一自祥符經歸德至徐邳入淮一自荊隆黃陵岡經曹渡達張秋鎮入海尋命重臣治築黃陵岡等口以塞張秋乃疏爲二流一鑿蒙澤孫家渡至朱仙鎮經扶溝通許壽類諸州邑合渦河至下鳳陽亳州達淮一疏賈魯舊河由曹州出徐沛以通運河合淮俱入于海正德間決曹縣者再嘉靖間河歲爲患屢遣重臣治未底績河流漫入于曹縣溢於魚臺出沛縣之飛雲橋南下徐邳十三年復塞

今古輿地圖 下卷

至

由新開趙皮塞口盛流合渦河入淮故道今始復矣雍州之水自西近塞內玉門關至蘭州北東至華陰皆黃河繞帶又有弱渭涇汭漆沮澧諸水弱水出吐谷潭界窮石山自張掖郡刪丹縣西至合黎山與張掖河合餘波入於流沙涇出平涼府峽頭山經西安府邠州涇陽至馮翊陽陵縣今高陵縣入渭渭出渭源縣易鼠山西北谷流入咸陽南至華陰入河汭出隴州強浦數入涇漆出扶風古漆縣北同官至耀州南合沮沮自坊州昇平縣北子午嶺延安府出富平縣合漆澧出扶風鄠縣終南山亦東至咸陽俱合會同入於河吳州之水黃河自陝西西來經古蒲汾平之間又有汾衛漳恒衛沁諸

水蔡傳以汾出山西太原靜樂縣太岳山即霍山至平陽靈石縣東入河漳水二一出上黨之沾縣大屯谷太原府名爲清漳一出上黨之長子縣發鳩山爲潞州今改潞安府名爲濁漳即衛水東北流至河間阜城東九縣入海恒水出真定之曲陽縣東入沁水至保定之高陽縣入易水晁氏以西南流至真定行唐縣東流入滋水南流入衡水衛出真定靈壽縣東入泚沱河恒水在陝西者出吐谷潭界入臨洮因名洮水入于黃河在真定者出衛輝府輝縣沁水出渾源州恒山南流入真定之定州至保定高陽合易水易出代州經保定之易州安州至高陽下與曹徐滋沙諸河合至雄縣南爲堯濟河過直沽入海滋則出大同

今古輿地圖 下卷

至

府之靈丘縣迴山經真保之行唐無極深澤諸縣東南流泚沱河出屬門代州東流從真定至東鹿深州青縣合輝縣之衛河俱入海幽并州之水曰玉河出玉泉山經大內出都城注大通河至白河與盧溝河合盧溝河出大同府桑乾山經太行山入今順天宛平縣界出盧溝橋東南至看丹口分兩流一至通白河出雲雲流入通州與盧溝河潞河合潞河自塞外丹花嶺分流合螺山麓丘諸水爲東西二河俱合流入海沁水發太行山東北經輝縣合衛河入運又東南流下徐呂二洪合黃河入淮豫州之水黃河自山西蒲州平陸入境經河南之閿鄉靈寶陝澠池新安濟源孟津孟軻

溫汜水武涉河陰原武榮澤陽武中牟祥符尉氏陳留通許
杞太康睢寧歸德諸州縣至南直隸鳳陽亳縣合馬陽河城
西北合渦河其支流有四大渠交錯於祥符尉氏扶溝商水
項城通許太康與南直隸壽州朱仙鎮之間或溢兗州出沛
或合渦河入淮又有伊洛灋澗榮波孟豬濟衛淮諸水伊出
盧氏縣東南書傳以出熊耳此山在盧氏之西南恐誤入於洛洛出陝西蒙嶺山
亦經洛陽縣灋澗出洛陽穀成山澗出澗池白石山經新安縣
皆會於洛合流至鞏縣入河濟即洸水出懷慶府濟源縣王
屋山二源分東西流歷號公臺至溫縣入河復出其南溢而
為榮澤即榮澤東出於陶丘之北在鄆縣又東至於荷地已泗
今古輿地圖下卷
北會於汶即今汶又北東入於海波為落水別流孟諸在虞
城西北濟之別流衛出河南衛輝府輝縣從大名之內黃濟
縣出與漳沱淇漳諸水合臨清之通河北流至直沽淮出唐
縣東南經桐柏山潛流三十里復東出經汝信東流會沂泗
俱入海兗州之水其地最下今曹魚為黃河下流又有濟源
陳雷夏離沮汶泗淄離濟出河南濟源縣出濟南之長山縣
長白山西北流經章丘新城諸界濰出歷城縣入濟雷夏澤
在濮州雷澤縣離沮二水之別流自陳雷浚儀陰溝至蒙為
離東入于泗泗出兗之泗水縣陪尾山經曲阜至濟寧分流
南入徐州北入會通河又出鉅野受涉水下流于睢即沮水

汶有三源至泰安州靜封鎮合而為一經寧陽平陰汶上又
西至東平州注于濟經東阿濟寧入會通河澗水出今青州
萊蕪縣原山達臨淄東至壽光離水出瑯琊郡今諸城縣經高密
昌邑離縣東北俱入海荆水之水其澤藪曰雲夢跨江南北
八百里又有江漢川九江沱潛江水發源於梁州四川之岷山
青城諸山之陽出今茂州汶川縣東別為沱經敘府重慶入
瞿峽過巫山出湖廣興陵州荊州至千東陵岳陽府合洞庭
過漢陽府合漢水至黃州江西九江府合彭蠡鄱陽湖經安慶
池州太平廳天諸府儀真通州入海漢出陝西漢中嶓冢山
之下始為氏道縣東源漢水東至武都為漢過武東今武中
今古輿地圖下卷
州為滄浪之水過三潁即鄆州今至千大別山今漢人江
黃州九江合鄱湖諸水同趨入海九江孔氏以為潯陽非是
阮辰漸元敘西澧資湘九水是為九江皆合於洞庭過巴陵
合川水入武昌合漢水東南下入揚子江衛北岸甚急與江
水俱入於海揚州之水北至於淮東南至於海東合江西江
東諸水經豫章之南贛汀吉合衡永長沙別派入袁州出臨
江會贛水入洪都合瑞洪所聚饒撫信浙之諸水于鄱陽今
江西九江府蓋名其入口處與前江漢諸水同趨建康今南京
蓋諸方水道所湊東南合蘇松常三郡水匯而為震澤在吳縣南
五十又吐納常之宜興江陰鎮之金壇百瀆西來眾水而下

溢爲三江吳江界於吳松江震澤之間太史松江七十
東北流者爲婁江東南流者爲東江皆自常之靖江蘇之太
倉東北入海北爲江北通泰至海門縣而入海所謂江漢朝
宗者也禹時江淮未通賦訟于海至吳夫差與晉會盟黃池
始開蘇之邪溝今爲運河自常之孟瀆鎮之京口以通於江
江自揚之儀真亦開溝以通於淮隋因廣之今貢賦皆自江
淮以達於

京師也二廣古百粵漢州交部廣西之水一曰濌江源出海陽
山南流五里與永州湘水北分爲二故曰濌又名桂江合蔡
水至桂林城下合相思江入昭潭今平樂府會平富樂荔臨

今古輿地圖

下卷

三八

賀諸水至梧州爲府江一曰左江又名藤江發源交趾古邕
州今思明府經容縣合容江經藤縣合繡江經南寧之合江
鎮與右江合入橫州又名鬱江一名右江又名黔江源出雲
南廣南府之富州西洋江入廣西田州經象州合柳州合柳
江至南寧府之合江鎮與左江合二江合入潯州大藤峽出
爲潯江貴州古羅施鬼國其水曰盤江源出四川烏撒府普
暢寨東經古夜郎地又爲黔中隸牂牁郡今普安州東北下
流入安南衛經廣西泗城州入慶遠府易泥江下合柳江卽
爲右江以上三江分合爲二入梧州大江卽漢武使馳義侯
逐夜郎兵下牂牁江是也西流經廣東封川德慶合肇慶之

端溪江又名西江至番禺流入于南海廣東省之東南皆大
海其水一出惠州博羅縣西流者爲東江一出江西大庾嶺
卽梅嶺者爲潏水漢武時楊僕爲樓船將軍擊南越出豫章
下潏水卽此至韶之英德爲潏陽峽一出湖廣郴州經武岡
南入南雄之樂昌又武水又南與潏水合而爲曲江過三水
縣與江西合卽上漢謂牂牁江也皆合至於南海縣入于海
雲南古西南夷焚燒地其水曰潏池周五百里餘里潏江嵩
明盤龍等江九十九泉源廣末狹若倒流者故云潏漢武欲
伐滇國於長安穿昆明池象潏以習水戰故亦以爲昆明誤
也大理之葉榆河卽西洱海及瀾滄諸江其流不出本省惟
廣南西洋江則由廣西經右江入于海其四海之水北海極
遠不可窮東北至于朝鮮東至於登萊東南至于閩浙島夷
日本流球南至交廣瑯崖又南至於安南占城真臘等夷國
而西南至于交趾云

今古輿地圖

下卷

三九

秦地於天官東井輿鬼之分埜也其界自弘農過關以西京兆扶風馮翊北郡上地西河安定天水隴西南有巴蜀廣漢犍爲武都西有金城武威張掖酒泉燉煌又西南有牂牁越雋益州皆宜屬焉於禹貢時跨雍梁二州詩風兼秦豳兩國自井十六度至柳三度謂之鶉首之次秦之分也

魏地舊鴈參之分埜也其界自高陵以東盡河東河內南有陳畱及汝南之召陵潁彊新汲西華長平潁川之舞陽鄆許河南之開封中牟陽武酸棗卷皆魏分河內本殷之舊都周既滅殷分其畿內爲三國詩風邶鄘衛國懿公以道爲狄所滅齊桓公帥諸侯伐狄而更封衛于河南曹楚丘是爲公文而河內殷墟

更屬于晉左傳襄陽賜晉文公陽樊鄆之
周地柳七星張之分埜也今之河南雒陽穀城平陰偃師鞏縣氏是其分初雒邑與宗周通封畿東西長而南北短短長相覆爲千里至襄王以河內賜晉文公又爲諸侯所侵故其分陞小自柳三度至張十二度謂之鶉火之次周之分也

韓地角亢氏之分埜也韓分晉得南陽郡及潁川之父城定陵襄城潁陽潁陰長社陽煩東接汝南西接弘農得新安宜陽皆韓分及詩風陳鄭之國與韓同星分爲鄭國今河南之新鄭本高辛氏火正祝融之墟也及成皐滎陽潁川之崇高陽城皆鄭分陳國今淮陽之地今陳州

今古輿地圖 下卷

陳本太昊之墟後滅於楚然於天文自若其故自東井六度至亢六度謂之壽星之次鄭之分野與韓同分

趙地昴畢之分野趙分晉得趙國北有信都真定常山中山又得涿郡之高陽鄭州鄉郡有廣平鉅鹿清河河間又得渤海郡之東平舒中邑父安東州成平章武河以北南至泚水繁陽內黃斥丘西有太原定襄雲中五原上黨皆趙分鴈門於天文別屬燕

燕地尾箕分埜也東有漁陽右北平遼西遼東西有上谷代郡鴈門南得涿郡之易容城范陽北新城固安涿縣良鄉新昌及渤海之安次樂浪玄菟亦宜屬焉自危四度至斗六度謂之析

齊地虛危之分塋也東有淄川東萊瑯琊高密膠東南有泰山
城陽北有千乘清河以南渤海之高樂高城重合陽信西有濟
南平原皆齊分

魯地奎婁之分埜也東至東海南有泗水至淮得臨淮之下相
睢陵僅取慮皆魯分

宋地房心之分埜也今之沛梁楚山陽濟陰東平及東郡之須昌壽張皆宋也詩風曹國武王封弟叔振鐸于曹其後稍大得山陽陳畱二十餘世爲宋所滅宋自微子二十餘世至景公滅曹後五世亦爲齊楚魏所滅參分其地魏得其梁陳畱齊得濟

今古輿地圖

下卷

生


陰東平楚得其沛故今之楚彭城本宋也春秋經曰圖宋彭城衛地營室東壁之分堊也今之東郡及魏郡黎陽河內之野王朝歌皆衛分衛本國旣爲狄所滅文公徙楚丘三十餘年子成公徙于帝丘

楚地翼軫之分埜也今之南郡江夏零陵桂陽武陵長沙及漢中汝南郡盡楚分

吳地斗分莖也今之會稽九江丹陽豫章廬江廣陵六安臨淮
郡盡吳分粵地牽牛婺女之分莖也今之蒼梧鬱林合浦交趾
九真南海日南皆粵也


[illegible]

二十八舍辰分野合太乙奇門宮大圖



晉志序十二大度數及州郡躔次云班固以十二次配十二野
又魏陳卓更言郡國所入宿度其言最詳今附次之角亢氐
兖州東郡入角東平任城山陰入角泰山入角十濟北陳留入
五濟陰入氐東平入氐房心宋豫州潁川入房汝南入房沛郡
入房梁國入房淮陽入房魯國入房楚國入房尾箕燕幽州梁
州入箕上谷入尾漁陽入尾右北平入尾西河上郡北地遼西
東入尾涿郡入尾渤海入尾樂浪入箕玄菟入箕廣陽入箕
斗牛女吳越揚州九江入斗廬江入斗豫章入斗丹陽入斗十
會稽入斗臨淮入斗廣陵入斗泗水入斗六安入斗虛危齊青
州齊國入虛北海入虛濟南入虛樂安入虛東萊入虛平原入

吳





謹按天文分野角亢爲韓分一曰 氏房心爲宋分尾箕爲燕分
斗爲吳分牛女爲越分虛危爲齊分室壁爲衛分奎婁爲魯分
胃昂畢爲趙分背觜參爲魏分井鬼爲秦分柳星張爲周分翼
轸爲楚分

角亢星曰壽星宮曰天秤時曰辰州曰亢底房心星曰大火宮
曰天蠋時曰卯州曰豫尾箕星曰析木宮曰人馬時曰寅州曰
幽斗牛星曰星紀宮曰磨羯時曰丑州曰揚女虛危星曰玄枵
宮曰寶瓶時曰子州曰青室壁星曰蠟豈宮曰雙魚時曰亥州
曰弁奎婁星曰降婁宮曰白羊時曰戌州曰徐胃昂畢星曰大
梁宮曰金牛時曰酉州曰冀觜參星曰實沈宮曰陰陽時曰申

四九

五

下卷



按唐一行以天下山河之象存乎兩戒北戒自三危積石負終南地絡之陰東及太華逾河並雷首底柱王屋太行北抵常山之右乃東循塞垣至藏貊朝鮮是謂北紀所以限戎狄也南戒自岷山蟠冢負地絡之陽東及太華連商山熊耳外方桐栢自上洛南逾江漢搆武當荆山至於衡陽及東循嶺微遼東阨閩中是謂南紀所以限蠻夷也故星經謂北戒爲胡門南戒爲越門河源自北紀之首循雍州北微達華陰而地絡相會並行而東至太行之曲分而東流與涇渭濟瀆相爲表裏謂之北河江源自南紀之首循梁州南微達華陽而與地絡相會並行而東及荆山之陽分而東流與漢水淮瀆相爲表裏謂之南河故於

天象則弘農分陝爲兩河之會五服諸侯在焉自陝而西爲秦涼北紀山河之曲爲魯代南紀山河之曲爲巴蜀皆負險用武之國也自陝而東三川中岳爲成周西距外方大伾北至于濟南至于淮東達鉅野爲宋鄭陳蔡河南及濟水之陽爲鄆衛漢東濱淮水之陰爲申隨皆四戰用文之國也北紀之東至北河之北爲邢趙南紀之東至南河之南爲荆楚自北河入流南距岱山爲三齊夾右碣石爲北燕自南河入流北距岱山爲鄒魯南涉江淮爲吳越皆負海之國貨儲之所阜也自河源循塞垣北東及海爲戎狄自江源循嶺微南東及海爲蠻越觀兩河之象與雲漢之所終始而分野可知矣

典云在德州安德縣胡鄉九河寰宇記云在滄州饒縣河寰宇記云在樂陵東南從德州平昌來輿地記云在樂陵甯津河寰宇記云在樂陵東南西北流入魏安許商云在禹縣輿地記云在無棣太史河不知所自漢以來講求九河者甚詳漢世近古止得其三唐人集累世積傳之語遂得共六歐陽文忠公輿地記又得其一或新河而載以舊名或一地而互爲兩說要之皆似是而非無所依據至其顯然謬誤若則班固以滹沱爲徒駭而不知滹沱不與古九河相涉索然馬融又以漢馬河爲徒駭而不知滹沱得又爲九河河齊桓塞其入流以自廣大曲防齊之所崇塞河宜非桓公之所爲也河水可塞而河道果能盡平乎皆無稽考之言也惟程氏以爲九河之地已淪于海百餘里禹之九河當在其地後爲海水淹沒其迹不存方九河未浸于海之時從今海岸北更五百里平地河猶爲九在此五百里中又上文言史有碣石則九河入海之處有碣石在此西北岸中又上文變遷難于推考而碣石通趾頂皆石不應什及今充冀之地既無此而而平州正南有山而名碣石者尚在海中於岸五百餘里卓立可見則是古河自今以爲海處向北斜行始分爲九其河道已淪入于海明矣漢王橫言昔天常連雨東北風海水溢西南出浸數百里九河之地已爲海水所漸鄴道元亦謂九河碣石苞淪於海後世儒者知求九河於平地而不知求碣石有無以爲之證故前後世儒者知求九河於平地而不知求碣石有無之地而猶鑿求之宜其支離而不能得也

辨九江 按漢志九河之尋陽縣尋陽記九江之名一曰易江二曰嶧江三曰易白江四曰嘉靡江五曰藏江六曰禹貢揚州之境而唐孔氏又以爲九江之名的起於近代未足爲據且九江派別取之耶亦必葺尾短長大畧均布然後可目之爲九然其一水之間當無所容九則常曰九江既道不應曰孔殷於漢江當日播九江不應曰通九江反復參差謂導九江非尋陽明甚本朝胡氏以洞庭爲九陵之上卽洞庭也因九水所合遂名九江故下文導水曰九江經之例大水合小水謂之過則洞庭之爲九江益以明矣

辨黑水 輿地志出發爲郡南廣縣沙蘭山水經出張振鷺山南至流入于南海者凡四曰區江曰西珥河曰麗水曰瀾諾江皆入于南海其曰麗水者卽古之黑水也三危山臨時其上按梁竦

三州西邊皆以黑水為界是黑水自雍之西北而直出崇之西
而也中國山勢西大抵皆自西北而東南傾順山脈之西
以東之水既入下河漢岷江其間亦以西之水則為黑水而入
下南海地志水經吳氏之說雖未詳的實要足其地也晉氏
曰樊鍾以麗水為黑水者恐其狹小不足為界其地則西河
者與漢志東流澤相貫處可二十里既足以界別二州其
流又正越南海又漢漢池即東輪之地武帝初開漢為其地
古有黑水舊稱東人不知藏籍必不能附會而神及近元皆謂
此釋以輪葉所積得名則其水之黑似輪葉積漬所成且其地
乃在蜀之正西又東北距若昌不遠若昌即三苗裔裔與
應其證驗莫此之明也

歷代地理總論

歷代郡國見諸載籍固詳矣類舉則不勝其煩畧之則其文或
闕國勢一統故增損時定土宇分裂則得失不常今於國末重
述因華紀其總數庶幾易於參考焉若高辛創添九土開湯
夏功見於唐虞商人無所損益姬姓理鎬頗易舊名徐梁入於
青雍冀土析於幽并其後七雄交爭王畿日蹙東遷之地僅存
七城河南洛陽新城平陰嬴氏得志以守易侯瓜分天下為郡
三十有六而南平北越又置閩中南海桂林象郡凡四十郡郡
置一守焉其地則西臨洮而北沙漠東榮南帶皆臨大海漢祖
龍興華秦之弊分內史為三部更置郡國二十有三桂陽江夏豫章河內
今古輿地圖 下卷 五七
魏郡東海楚國平原梁國定襄泰山汝南淮陽千乘東萊燕國
清河信都常山中山渤海廣漢涿郡合二十有三也三內史者河
上渭南中地也地理志曰高祖增二十六武帝改文增其九
城陽濟川齊南膠東河間廣景加以四濟北齊陰山陽北海武
山衡山武帝改衡山曰六安景加以四濟北齊陰山陽北海武
帝開越攘胡初置十七廣漢東萊齊魯林合浦交趾九真日南珠
象文山使為益州六郡西置武都拓土分疆又增十四西河朔方
酒泉陳留安定天水玄菟昭帝少事又增其一金城至平帝元
始二年凡新置郡國七十有一與秦四十合一百一十有一改
雍曰梁改梁曰益又置徐州復舊號南置交趾北有朔方凡為
十三郡梁益荆揚青豫兗徐幽并冀十一光武投戈之歲值彫
耗之辰郡國蕭條并省者八城陽淄川高密膠東六安真定泗水廣陽建武十一年

省州牧復爲刺史員十三人掌一州明帝置一永寧帝置二任
和順改作其名有九初置濟北廣陽順改淮陽爲陳改楚爲
樂安信都爲安平彭城濟東爲東平臨淮爲下邳千乘爲
天水爲漢陽是也省朔方刺史合之於司隸凡十三部其與西
者司隸校尉郡治河而郡國百有八焉省前漢八分置五改舊
南朔方隸于并部名七因舊九十有六少
三也恒靈頗增於前復所置者十二折典洛平西平新平洛陽
南郡而省者七中定襄遼陽臨江魏文帝置七魏文帝置七
東陽而省者七明增上庸得漢郡者五十四焉蜀先主於漢
安明及少帝增二巴東巴西梓潼江陽汶
建安之間初置郡九山漢嘉朱提南廣南郡後主增二雲南得
漢郡者十有一焉吳大帝初置郡五臨賀武昌珠崖少帝景帝
各四少郡川陽海陽陽和東景歸命侯亦置十有二郡始安始
今古輿地圖下卷五八
安城新昌武平九德吳得漢郡者十有八焉晉武大康元年既
與東陽桂林榮陽宜都桑陽上谷頓丘臨淮東莞襄城
平孫氏凡增置郡國二十有三沙陰長廣廣昌蔡新野隨郡
陰平襄陽毗陵宣城南康晉省司隸置司州別立梁秦寧平四
安寧諸始平陽樂平南平司隸冀亮秦荆徐揚青幽平郡國一百
州仍吳之廣州凡十九州并雍梁秦秦涼益交廣郡國一百
七十三仍吳所置二十五仍蜀新置十一仍魏惠帝不君中州
盡棄永嘉南渡建業開基九州之地有其二焉白茲以降國分
南北更王迭霸疆理不常宋至孝武大明中州凡二十有二郡
二百三十有八縣千一百七十有九南齊繼統又置巴東一郡
餘並因之爲州二十有三郡三百九十五縣千四百七十有四
頻與元魏侵吞互相得失蕭梁之時多沿舊制天監中有州二

十有三郡三百五十縣千二十有五其後更有析置大同中州
自有七郡縣亦稱于此陳氏較之士宇彌感西不得蜀漢北失
淮肥而以長江爲境有州四十有二是時其地愈狹立名益多
爲郡百有九縣四百三十有八此皆疆宇之列乎南者也後魏
起自北方遷據中土有州百十有一郡五百一十有九縣千三
百五十有二百東西分都之後天下鼎立梁陳有江東宇文有
關西高齊據河北有州六十有七郡百六十縣三百六十有五
後周宇文志在興復自是西有姑臧西南有全蜀東南之境盡
于長沙通計州二百十有一郡五百八縣千二十有四凡此皆
疆宇之列乎北者也迨隋文平一天下遂廢諸郡以州理人至
今古輿地圖下卷五九
煬帝平林邑更置三州大業三年改州爲郡乃置司隸刺史外
部巡察大凡郡百有十縣千二百五十唐興高祖改郡爲州大
守爲刺史太宗元年因山川形便分天下爲十道開元中又因
十道分山南江南爲東西道增置黔中道及京畿都畿置十五
採訪使簡察如漢刺人之職二十八年戶部帳凡部府三百一
十有八縣千五百七十有三天寶之亂兩京復沒因假方鎮用
平聲盜代德之際至于不朝不貢效戰國股肱初依天子羽書
所制河南數十郡而已僖昭以後日益割裂其他大鎮則吳浙
荆湘閩廣西則岐蜀北則燕晉而朱溫所握七十八州以爲梁
繼以克用之唐敬瑭之晉劉勗之漢郭威之周驛迹相因迭有

中土莊宗初起并代取幽滄有州三十五其後又取梁魏博等
十有六州合五十一州以滅梁岐王稱臣又得其州七周光破
蜀已而復失唯得秦鳳階成四州而營平二州陷于契丹其增
置之州一合一百二十三州以爲唐石氏入立獻十有六州于
契丹而得蜀金州又增置之州一合一百九州以爲晉劉氏之
初秦鳳階成復入于蜀隱帝時增置之州一合一百六州以爲
漢郭氏代漢七州入于劉晏世宗取秦鳳階成瀛莫及淮南十
四州又增置之州五而廢者三合一百一十八州以爲周宋興
因之此中國之大畧也其餘外屬者強弱相并非常其得失至
於晉末閩已先亡而在者七國自江以南二十一州爲南唐白

八十

平卷

六十

劍以南及山南西道四十六州爲蜀自湖南北十州爲楚自浙
東西十三州爲吳越自嶺南北四十七州爲南漢自太原以北
十州爲東漢而荆歸陝三州爲南平合中國所有二百六十八
州而軍不在焉宋祖廓清南紀太宗薄伐太原車書旣同分置
二十三路以州理人復唐舊迹于時盧龍河西入于邊夏巫黔
六詔沒于焚蠻迨建炎南遷中原板蕩則關陝以西長淮以北
非宋之有也大率宋制府號郡名多沿唐舊改易仍廢因時異
施蓋自建隆訖於紹興開置者三升改者五十二廢者四十二
唐所無者四不同者七元起朔漠併西域平西夏滅女直下江
南服南詔而天下定于一置中書省一行省十有一府二百八

十五州三百五十九方其盛時四履所至北際前代庚申失政
豪傑金典

聖祖誕膺明命戡除亂畧肇造寰區功崇于三五地廣于漢唐
柏翳所圖亥章所步悉領于職方東起朝鮮南濱大海北際沙
漠西極雲遠道路紆紆紫各萬餘里猗歟盛矣攬百王興亡之迹
究封域分合之由思經綸草昧之艱厯保大定功之慮俾皇圖
鞏固永承萬年寧非昌時之要務乎

八十

下卷

六十

今古輿地圖

無卷數 江蘇巡撫採進本

不著撰人名氏首列明一統圖由明溯元層累而上至帝嚳九州凡爲圖五十又別爲古今區域總要歷代山名歷代水名辰次分野列國分野天象分野山河兩戒八圖共爲五十有八凡明郡縣用墨書而歷代沿革異同俱以五色筆界畫細註又各附說於圖中考錢曾讀書敏求記曰古今輿地圖二卷起帝嚳九州至元末羣雄悉以明朝區域爲總要復以朱界其間標舉歷代地理於上凡古今山水名及一行山河兩戒咸載焉據其所言與此本合惟曾云二卷此不分卷曾云起帝嚳九州至元末羣雄此起元末羣雄至帝嚳九州爲小異蓋此書本無卷數曾所藏蓋以篇頁稍繁分爲二冊故以二卷著錄又每頁各自爲圖不相聯屬裝潢者以時代先後叙之故始自帝嚳耳然書名今古不名古今是自後溯前之明證圖旁亦細註某圖第幾字則曾所藏本爲誤移其次序審矣其書於明代郡縣不能計里開方又不能上測經緯二度其方向皆在影響之間根柢先已不確歷代沿

草遂皆從之而後曾以謝莊左傳圖比之非其倫也